

LOGICÆ LIBRI QVINQUE,

De { PRÆDICABILIBUS.
PRÆDICAMENTIS.
SYLLOGISMO, { Demonstrativo.
ejusq; speciebus, { Probabili.

J. Heyd

Una cum Appendice de Syllogismo Sophistico.

Huc accessit INTRODUCTION in
METAPHYSICAM,
ET TRACTATUS
DE PROVIDENTIA DEI.

AUTHORE
R. I. CRACKANTHORPO,
SS. THEOLOGICÆ DOCTORE,
Et Collegii Reginz Oxon. Socio.

Editio Quarta priori auctior & emendatior.

OXONIÆ:

Typis L. LICHFIELD, & H. HALL, Acad. Typog.
Impensis Johannis Williams, sub signo Coronæ in Cameterio
Divi Pauli, 1677.

LOGIC

LIBRARY

UNIVERSITY OF CHICAGO

1891

THE UNIVERSITY OF CHICAGO

LIBRARY

1891

LIBRARY

UNIVERSITY OF CHICAGO

LIBRARY

1891

LIBRARY

UNIVERSITY OF CHICAGO

LIBRARY

1891



V I R O C L A R I S S I M O ,
M I H I Q U E C H A R I S S I M O ,
Magistro R I C H A R D O
L E V E S O N O .

N O N es nescius, vir clarissime, Tractatus aliquot in omnem Logica partem à me juvene conscriptos fuisse. Eos ut in lucem ederem, flagitârunt à me sapissimè multi: Inter omnes te primum habeo: Tu hoc ardentè sitiebas, cum Oxoniæ in Collegio nostro Reginensi, illis studiis aliisque optimis disciplinis, non sine magno fructu, operam dares. Cessi tandem tam multorum postulatis, & Tractatus illos, ante complures annos, à me relictos, auctos, & in quinque libros digestos, jamq; editos, velut pignus amoris atque officii erga te mei, tuo nomini dicavi. Merito etenim tibi à me debentur. Ego a primâ penè juventute tot tamq; magnis officiorum generibus, tuis parentibus fratriq; tuo, viris honoratissimis, me obstrictum, sic apertè atque ingenuè ubique profiteor, ut illud, nisi qui me nescit, nescit nemo. Sed & Collegio nostro commune hoc officium. Nam quod tu opinor per etatem nescis, de fundis ac fortunis omnibus olim valde periclitabamur. Exant qui illustris illius Collegii ruina ita avide inhiabant, ut non spe solùm, eâque (ut illi rebantur) certissima, sed propemodum, ipsa re, Roberti Eglesfieldi, pientissimi Fundatoris nostri bona omnia, bona Ecclesia, ipsique Deo dicata, devorassent. Notum satis, cui illa omnia, ut fisco debita (& certe debebantur,) ex Principis donatione in pradam cesserant. Nec quidquam ei tum in mora, nisi Judicis sententia. In illis angustiis, Mr. Henr. Robinsonus, postea Carlealensis Episcopus, tum Collegio praefuit; vir probitate ac prudentia singulari. Inter alios felicitis memoria viros, duorum ille opem atque operam magnopere imploravit, eademq; felicissime usus est. Eorum unus, nunquam mihi sine honore nominandus,

EPISTOLA DEDICATORIA.

fuit dignissimus Pater tuus, Collegii olim nostri alumnus; Cui & ille Tutor, qui jam tutelam ab eo postulabat. Alter patris tui levir, mihi nunc ex conjugio avunculus charissimus, Mr. Rob. Honiwoodus, vir omnino qualis pater tuus, pietate ac prudentia spectabilis: primogenitus ex trecentis sexaginta, & plus eo, liberis, quos ipsius piissima mater, licet unico viro nupta, ex se, dum in vivis esset, prognatos ac propagatos numerare, atque conspiciere potuit. Uterque eorum summa gratia apud D. Rogerum Manwoodum, Capitem Scaccharii Baronem, & tum in ea causa Judicem (socer ille utriusque fuit) pollebat. Tam fidam igitur illi, tam piam ac felicem operam apud eum assidue impendebant, ut maluerit is gravem Serenissimæ Reginæ offensam iramque subire, quam præfestinata sententia, æternam tam nobili Collegio exitium afferre. Sententia igitur diu comperendinata, & Principis mente sensim in mitiorem ac longè beatiorē partem inflexa, factum tandem est, ut & Serenissima Regina diploma suum revocaret: & Parlamento non diu post evocato, Collegio patrimonium suum sic firmatum est, ut Collegium illud quod alias nullum nunc habuissimus, non sospes modo atque incolumē, sed florens ac beatum exinde perstiterit. Si hoc ego literarium (leviusculum sit licet) munus, tam benefici parentis filio, amoris simul atque officii ergo, etiam & ipsius Collegii vice atque nomine, dicavero, nemo (sac scio) jure, & omnino nemo, nisi qui Ingratus (id est, omnium pessimus,) audire vult, reprehendat. Sed & alia mihi adhuc causa, eaque suprema, ab avo tuo materno D. Gualtero Mildmeyo, honoratissimo viro, pietate, ac prudentia nulli sua ætate secundo. Certe enim Mildmeyi nomen ut nardus & unguentum suavissimum ubique in Ecclesia Dei diffusum; imò & in orbe universo, literario præsertim; in quo tot sunt tamque illustria piissimi illius animi monumenta, ut Musis omnibus exosum esse oporteat, cui non illius mentio honorifica. Beatam dicent illius memoriam boni omnes, Academici omnes, Emanuelenses imprimis: qui (scio) mihi ab Oxoniâ oleastro non succensibunt, quod in sui Fundatoris laudes tam avidè ac libenter prorumpam, tamq̃ profusus sim. Publicum ille Bonum fuit, publicum & hoc officium. Quin & ipse summa cum humanitate, in florentissimam illorum Academiam velut Oleam insitus, & particeps pinguedinis illius factus, vere Oleaster sim & dicar, si parcus in ullius encomiis, qui utriusque Olea bene esse vult ac beate. Mildmeyus modò quis sit, Troj, Tyrisve fuit, nullo discrimine habebō. Et volui sanè, vir clarissime, hac tam illustria Patris, Avique tui, exemplaria, tibi ante oculos ponere. Virtus tibi adhuc fere in herba est; Segetem & uberem messem expectant omnes. Hac verò stimuli tibi ad virtutem, & calcaria esse debent. Premito pede fausto ac stabili illorum vestigia: eandem cum illis pietatis, prudentiæ, honoris, probitatis, omnisq̃ virtutis semitam serid atque calcato (sic te facturum confidimus omnes) eris

Patria

EPISTOLA DEDICATORIA.

Patria, Reipublica, Ecclesia, non ornamento solum, sed prasidio, & quod caput est, Hâc itur ad astra. Maſte igitur & animo & virtute ſs, &

—— Pater Æneas, & avunculus exciret Hector.

Te nunc ad extremum rogo, ut hoc qualecunq; ſit, quod tibi dicavi, benigne ab eo accipias, qui eſt, eritq;

Dignitatis tuæ Studioſiſſimus

RI. CRACKANTHORPUS.

Ex tuâ inter Trinobantes
Norlêâ nigrâ. Kalend.
Auguſti. 1622.

INDEX.

RECEIVED MEDICAL

1. The first of these is the fact that the majority of the population of the United States is now living in the urban centers. This is a result of the process of urbanization, which has been going on since the beginning of the industrial revolution. The second fact is that the majority of the population is now living in the middle class. This is a result of the process of social mobility, which has been going on since the beginning of the industrial revolution. The third fact is that the majority of the population is now living in the white middle class. This is a result of the process of racial segregation, which has been going on since the beginning of the industrial revolution.

...the
...the
...the

1. *De la détermination des besoins*

24980 BTVA 20240 12

10-10-68 Tami Kuri
 10-10-68 Tami Kuri
 10-10-68 Tami Kuri

SECRET

INDEX CAPITUM.

LIBER I.

De Prædicabilibus.

Præfatio in Logicam.

CAP.

1. De Universali in genere.
2. De Numero Universalium.
3. De Genere.
4. De Specie.
5. De Differentiâ.
6. De Proprio.
7. De Accidente.
8. De Definitione & Divisione.

LIBER II.

De Prædicamentis.

Præfatio, ubi agitur de subjecto, &
ordine hujus Libri.

CAP.

1. De Æquivocis.
2. De Univocis.
3. De Denominativis.
4. De primâ Divisione Antepredicamentali.
5. De Secundâ Divisione Antepredicamentali.
6. De Primâ Regulâ Antepredicamentali.
7. De Secundâ Regulâ Antepredicamentali.
8. Quid sit Prædicamentum, & quot modis aliquid sit in Prædicamento.
9. De Numero Prædicamentorum.
10. De Substantiâ.
11. De Quantitate.
12. De Relatione.
13. De Qualitate.
14. De Actione.
15. De Passione.
16. De Ubi.
17. De Quando.
18. De Situ.
19. De Habitu.
20. De Oppositis.
21. De Modis Prioris.

22. De Modis simul.
23. De Motu.
24. De Modis Habendi.

LIBER III.

De Syllogismo.

Præfatio, ubi agitur de subjecto Logicæ, & quo ordine tractari
debeat.

CAP.

1. De Voce in genere, & Voce non significativa, & significativa tam naturaliter, quam ad placitum.
2. De Voce Simplicis, ejusque Speciebus, Nomine, Verbo, & Voce Syncategorematica.
3. De Oratione in genere, ejusque Speciebus.
4. De Propositione in genere.
5. De Propositione Categorica; quid sit.
6. De Qualitate Propositionis Categoricæ.
7. De Quantitate Propositionis Categoricæ.
8. De Oppositione Propositionum Categoricarum.
9. De Equipollentia Propositionum Categoricarum.
10. De Conversione Propositionum Categoricarum.
11. De Modali Categorica Propositione.
12. De Propositione Hypothetica.
13. De Argumentatione in genere.
14. De Syllogismo: & Syllogismo Categorico.
15. De Syllogismo Categorico Communi.
16. De Reductione Syllogismorum Categoricorum Communium.
17. De Syllogismo Singulari seu Expositorio.
18. De Syllogismo Hypothetico.
19. De Enthimemate.
20. De Inductione.
21. De Exemplo.
22. De Sorite.

LIBER

LIBER IV.

De Syllogismo Demonstrativo.

CAP.

1. De Syllogismo Demonstrativo in genere quid sit, & de triplici Necessitatis Gradu : De Omni, Per se, & Quatenus ipsum.
2. De Demonstratione à Causâ.
3. De primâ Specie Demonstrationis à Causâ, quæ est à Causâ efficiente per Emanationem.
4. De secundâ Specie Demonstrationis à Causâ, quæ est ab efficiente per externam actionem.
5. De tertiâ Specie Demonstrationis à Causâ, quæ est à Causâ Finali.
6. Quod neque Formalis, neque materialis Causa sit unquam Medium in Demonstratione à Causâ.
7. De Demonstratione ab effectu.

LIBER V.


De Syllogismo Probabili.

CAP. 1. De Syllogismo Probabili in genere, & quid sit Probabile.

2. De Locis arguendi, & quomodo sciatur à quo Loco argumentum ullum ducitur.
3. De numero Locorum à quibus argumentum probabile ducitur.
6. De Argumentatione à Causâ : deque

CAP.

- primo Loco arguendi, qui est à Causâ efficiente,
 5. De secundo Loco arguendi, qui est à Causâ finali.
 6. De tertio Loco arguendi, qui est à Causâ Materiali : ad quem spectant argumenta omnia à Genere ad Speciem, itemque à Specie ad Individua ducta.
 7. De quarto Loco arguendi, qui est à Causâ formali : & ad hunc spectant argumenta à Definitione seu descriptione, itemque à Differentia ducta.
 8. De quinto Loco arguendi qui est ab Effectu : hoc spectant argumenta à Definitione, à Specie ad Genus, ab Individuis ad Speciem ducta.
 9. De sexto arguendi Loco, qui est à Subiecto.
 20. De septimo arguendi Loco, qui est ab Adjuncto seu Accidente.
 11. De octavo Loco arguendi, qui est à Dissentaneis.
 12. De 9. arguendi Loco, qui est à Comparatis partibus.
 13. De 10. arguendi Loco, qui est à Comparatis imparibus, tam majoribus quàm minoribus.
 14. De 11. arguendi Loco, qui est à Distributione.
 15. De 12. arguendi Loco, qui est à Signo.
 16. De 23. arguendi Loco, qui est à Testimonio seu Authoritate.
- Appendix de Syllogismo Sophistico.
Epilogus totius operis.



INDEX CAPITUM, ET RERUM quæ præcipuè in *Introductione ad Meta-* *physicam* continentur.

PRAEFATIO.

Metaphysica quid sit. pag. 365.
Quod illius Subjectum. *ibid.*
Non est una Scientia nisi solum
per aggregationem. 366.

CAP. I.

De Ente in Communi.

Metaphysicacommunis quid sit. 367.
Entis in communi definitio. *ibid.*
Ens est Æquivocum, nec ullo respectu dici
potest Genus univocum. *ibid.*
Quæ ejus Proprietates. 369.

CAP. II.

De Ente Infinito, seu Deo.

Deus quid sit. 370.
Duodecem Dei Attributa proponuntur, &
plenè comprobantur. 371. etc.
Deus omnia potest, quæ si fiant, contradi-
ctionem non implicant. 373. etc.

CAP. III.

De Ente finito in communi.

Ens finitum quid sit. Proprietates ejus. 376.
Mundus non est æternus à parte ante. *ibid.*
Entia omnia sunt ex nihilo facta. 377. etc.

CAP. IV.

De Accidente.

Accidentis definitio, & ejus explicatio. 397.
Proprietates: Prima & præcipua, Acci-

dentis esse est inesse.

ibid.

Vana Sacrificulorum refellitur sententia, qui
Accidentia sine ullo subjecto existere so-
mniant. *ibid.*

CAP. V.

De Substantia finita in communi.

An Substantiæ nomen Deo comperat? 382.
Substantia Communis quid sit: unica ejus
proprietas. 383.

CAP. VI.

De Substantia Incompleta.

Substantia Incompleta quid sit. 383.
Anima rationalis nom est Incompleta Sub-
stantia, sed Spiritus, & Species Comple-
tæ Substantiæ. 384.
Proprietates Incompletæ Substantiæ. 385.
Quid sit verum ac proximum Individuatio-
nis principium. *ibid.*

CAP. VII.

De Substantia Completa.

Substantiæ Completæ definitio. 386.
Substantia quæ est summum Genus. idem
est re & essentia cum Materia prima. 386
& seq.
Proprietates Substantiæ Completæ. 392.
Durationis tantum duæ sunt Species: Æ-
ternitas & Tempus. 393.

a

CAP.

Index Capitum & Rerum.

CAP. VIII.

De Spiritu.

Spiritus in Communi quid sit. 394.
 Proprietates Spiritus. 395.
 De libera voluntate Spiritus. *ibid.*
 De spirituali loquendi modo. 396.
 Spiritus moventur & quiescunt tantum in
 Loco definitivo, & in tempore continuo. 397.

CAP. IX.

De Angelis.

Angelus quid sit. 397.
 Angeli non sunt corporei. 398.
 Angelus est infima Species. *ibid.*
 Angelorum Adjuncta : *Scientia & Potentia.* 399.
 Angeli nec miraculum ullum efficere possunt, nec res de novo formare, aut in aliis species transformare. *ibid.*
 Angeli homines procreare nequeunt. 400.
 An Spiritus immundi, qui vulgò *Incubi &*

Succubi nominantur, hoc ipsum præstent? *ibid.*

Angelorum magna est potentia, sed finita semper & limitata. 402.

CAP. X.

De Anima Rationali.

Anima Rationalis quid sit. *Affectiones Animæ.* 402.
 De modo productionis Animæ. Quod infunditur creando, & creatur infundendo: non à Parentibus traducitur, sed immediate à Deo creatur. 403.
 Anima est immortalis, & à corpore separata non solum vivit, sed intelligit *ibid.*
 Non regreditur unquā ad ullum aliud corpus informandum & animandum. 404.
 Pythagorica *μετεμύχρωσις* non est possible. *ibid.*
 De statu Animæ separatæ post hanc vitam. 405.

Pro-



PROOEMIUM IN LOGICAM.

Cum Logica Subjectum sit Argumentatio, libri isti ad Logicam proprie spectant, qui de Argumentatione agunt; isti sunt liber Perihermenias, libri Priorum, Posteriorum & Topicorum.

Quia verò Argumentatio omnis ex Vocibus fit, & Voces sunt signa Rerum, ideo ut facilius aptiusq; Argumentationes texantur, levis aliqua Rerum ipsarum cognitio premittenda est. Rerum cognitio quanta Logico necessaria est, in Prædicamentis traditur, quem Librum, velut Præfationis loco, suis omnibus libris de Logica præposuit, & merito, Aristoteles.

Quia verò Logicus considerat Res, non nude & simpliciter ut in se sunt, sed ut sub Notionibus quibusdam secundis, seu Vocibus Artis Logicæ comprehenduntur, prout nimirum sunt aut Individua, aut Genera, aut Species, aut similiter; ideo necesse erat Tractatui de Prædicamentis ubi Res considerantur, præponi Tractatum aliquem de Notionibus illis secundis quas Logicus Rebus accommodat. Is est hic, quem jam damus de Prædicabilibus.

Sed cur Arist. istum Tractatum omisit, si necessarius sit? Respondeo, Non penitus omisit, sed quantum ipsi visum erat commodum, sub nomine Univocorum & Denominativorum, aliisq; Antepredicamentis complexus est. Quia vero illa Tractatio brevis valde erat, (ideoq; obscura) idcirco & Arist. ipse plura adjecit de Prædicabilibus, lib. 1. Top. & alii libellum illum Porphyrii (quem doctissimum Philosophorum vocat Aug. lib. 19. de Civit. Dei, cap. 22.) in quo Prædicabilia fusius explicantur, Aristotelis Tractatui de Prædicamentis præfigendum censuerunt.

Dub.
Sol.

Ex illo Porphyrii libello non pauca nos colligenda duximus; etiamsi & Librum, & illius Authorem (quem infensissimum Christiani nominis & fidei hostem fuisse, testatur Aug. lib. illo & cap. citato) execraturas nos profiteamur, nisi Porphyrium in exilio (in quod iustissimo Constantini Magni edicto, propter fidei oppugnationem, eieclus erat) sententiam suam mutasse, & palinodiam cecimisse, Hieron. in suo Chronico, ad an. 332. aliq. testarentur. Sed rem ipsam jam aggrediamur.

LIBER

LIBER PRIMUS DE PRÆDICABILIBUS.

CAP. I.

De Prædicabili seu Universalis in genere.



PRIMUS hic Liber est de Prædicabilibus, seu universalibus: idem enim hæ duæ voces significant. De Universalis autem agendum est, *Primò in genere*, ubi quid omni Universalis communiter convenit, declaratur. *Secundò in specie*, ubi quid singulorum proprium est, explicatur. De Universalis in genere duo declaranda sunt. *Primò, quid sit. Secundò, quæ sint illius proprietates.* Ut quid sit Universalis intelligatur, animadvertendum est, Omne Ens esse, vel Individuum, vel Universalis, ut *Arist.* in prima divisione Antepæd. docet: atque ita, quodcunque Ens prædicatur, vel prædicatur de Uno tantum, & tum est Individuum; vel de pluribus, &

tum est Universalis. Ex quo utrumque facile definiri potest.

Individuum est Ens quod de uno tantum prædicari aptum est, ut *Socrates*, hoc animal, Individuum hæc linea, hæc albedo. Ista enim de nullo alio prædicantur, sed de seipsis tantum, idque *quid. Identicè* (ut loquuntur Logici, sic ut idem de seipso prædicetur) non autem ordinatè, ut cum prædicatum est vel superius, vel æquale subjecto, sed ab eo distinctum. Diciturque Individuum, quia in plura de quibus ordinatè dicitur, non potest dividi.

Si dicas, Individuum prædicari de omnibus Individuis, cum unumquodq; eorum Individuum dici possit: Itidem, Johannem prædicari de hoc & illo Johanne. Responsio facilis est. *Dub.* Vox hæc artis, aut hæc secunda Notio Individuum, itemque hoc nomen *Johannes* de pluribus prædicantur: prior ut appellatio Notionalis seu Intentionalis, secunda ut appellatio æquivoca: Sed Res illa quibus hæc nomina tribuntur, ut ille homo qui vocatur *Johannes*, aut hæc albedo quæ vocatur Individuum, res inquam istæ de nullo nisi de seipsis solis dicuntur.

Universalis est Ens quod de pluribus prædicari aptum est, ut homo, animal, linea, albedo. *Universalis* In quâ definitione, duæ particule observandæ sunt. Prior quod Universalis est Ens, id est *quid.* Res quæ verè vel est essentia, vel essentiam habet. Quare quod non est tale Ens, id Universalis dici nec debet, nec potest. Atq; hinc multa excluduntur ab Universalium numero.

1. Omnia *fictitia*, ut *Chimæra*, *Centaurus*; & similia.
2. Omnia *negantia*, ut non homo, non lapis.
3. Omnia *privativa*, ut tenebræ, cæcitas, silentium. Hujusmodi enim non notant Rem sed earentiam Reis nec aliquid subjectis illis de quibus dicuntur, in esse, sed deesse significant.
4. Omnia *æquivoca*, seu voces æquivocæ, quæ res diversas æquivocè connotant, ut *Canis*, prout est vox communis fideri celesti & animali latrabili. Vox enim ista solum communis est, non res ulla per istam vocem significata.
5. Omnia *Complexa* re, quæ res diversas significant, ut *Homo doctus*, nam talia non sunt Ens, sed *Eatia*; & duas diversas res, non unam significant.

Dices, Multa ex his de pluribus prædicari: ut homo doctus de *Socrate* & *Platone*; cæcus de *Homero* & *Appio*. Ideo Universalis esse, cum de pluribus verè prædicentur. *Dub.*

Sol.

spondeo, Si Prædicabile aut Universale sumatur in *amplissima* significatione pro omni eo quod quoquo modo de multis dicitur, tum ista in hoc sensu Prædicabilia aut Universalia dici possunt: Sed si sumatur *proprie*, ut in hoc tractatu sumendum est, pro eo quod cum sit Ens, de pluribus prædicari possit, tum nihil eorum quæ exclusimus Universale dici potest, quia in omnibus, prior hæc particula deest, quod non sint Ens.

Altera particula est, quod Universale aptum natum sit de pluribus prædicari: & prædicatur vel actu vel potentia, & per hanc differt Universale ab Individuo: quia etsi Individua omnia sint Entia, nullum tamen eorum vel actu vel potentia de pluribus prædicari potest.

Quid sit Universale dictum est. Proprietatum loco observentur hæc tres Regule.

Proprietates
universalis.

1. *Omnia Universalia existunt in suis Individuis, & gratia ipsorum, sic, ut neque existant sine Individuis suis, neque extra ea.* Nec enim est, aut esse potest Homo extra omnes particulares homines. Sed natura humana in quantum existit, & per Individuantes conditiones *Hic & Nunc*, restringitur, est Individuum: in quantum verò abstrahitur mente ab existentia, & ab Individuantibus illis conditionibus, est Universale: quod idem de omni alio Universali dicendum est.

2. *Universalis nullo sensu percipi possunt, sed solo intellectu.* Sensus enim, ut docet Arist. 1. demonstr. c. 15. & 1. 2. de Anima, c. 5. nihil percipit nisi singularia: Intellectus verò & singularia percipit, & in ipsis (abstrahendo ab eis Individuantes proprietates quæ existentiam consequuntur) Universalis ipsa intuetur & discernit.

3. *Universalis ex sese nec oriri possunt, nec interire, gratia verò singularium & oriuntur & intereant.* Cum igitur Individua omnia præter Deum à Deo condita sint, & ortum ac initium habuerint, etiam Universalis omnia cum iis ortum habuerunt. *Eterna quidem fuisse, & Mundum & Universalis omnia, & quedam Individua*, putavit Arist. ut clarissimum est ex 1. 8. Phys. c. 1. & seq. Sed hinc locum habet id, quod ipse de Platone dixisse perhibetur, seu potius colligitur, ex lib. 1. Ethic. c. 6. *Amicus Plato, sed maxime omnium amica veritas.* Et quidem in Philosophicis, auctoritati Aristotelis plurimum tribuendum est, nisi constet (quod hic certe constat) eum, aut Sacris Literis, aut evidenti experientia contradicere.

Atque hæc de Universalis in genere dicta sint.

CAP. II.


De Numero Universalium.

Universalis
quinque.

Sequitur nunc consideratio Universalium in specie: priusquam verò ad singulorum tractationem descendamus, de Numero eorum pauca dicenda sunt.

Universalis sunt Numero quinque; nec plura, nec pauciora. Nempe, *Genus, Species, Differentia, Proprium, & Accidens.* Nam quod nonnulli Proprium & Accidens à Prædicabili numero expungenda contendunt, ut Keck. lib. 1. Log. cap. 3. pag. 45. & cap. 6. pag. 81. novitatem sapit non veritatem. Non esse plura certum est, cum nullum Ens sit præter Individuum, quod non in aliquo horum quinque contineatur. Non esse pauciora liquet, quia unumquodque horum diverso modo prædicatur, & ex diversitate prædicandi oritur diversitas Prædicabilium. Ea verò diversa prædicandi ratio in subiecta Synopsi facile perspicitur.

Omne



At sunt decem Prædicamenta, & in omni Prædicamento sunt multa Universalia, ergo necesse est multo plura esse Universalia quam quinque. Respondeo, Sicut Grammatici dicunt esse octo partes orationis, non quia plures voces non sint quàm octo (sunt enim infinitæ) sed quia hæc sunt octo classes, ad quarum unam, unaquæque pars orationis seu dictio referri potest & debet; Ita planè Logici docent esse quinque Universalia, id est, Quinque Universalium classes, ad quarum unam omnes res Universales (quæ infinitæ sunt) referri debent.

Dub.
Sol.

Vel sic responde:

Universalium sumuntur du- pliciter,	{	Intentionaliter, pro illis secundis Intentionibus aut vocibus artis, sub quibus res ipse quæ Universales sunt comprehenduntur; & sic sunt solum quinque.
		Realiter, pro rebus ipsis quæ sub illis secundis intentionibus comprehen- duntur, & sic sunt infinita Universalis, quæ omnia ad hæc quinque re- vocantur.

Illa major difficultas est, quod Arist. 1. Topic. cap. 4. nu. 2. dicit, omnem propositionem, id est, omne prædicatum cujusque propositionis, aut Genus declarare, aut Proprium, aut Accidens. Quibus cap. 8. ejusdem libri addit Definitionem. Certum est autem omne Prædicabile aut Universale esse prædicatum in propositione. Erunt igitur tantum tria, aut ad maximum 4. Prædicabilia, & ex eorum numero delenda erunt species & Differentia. Respondeo, Universalia aliter considerari in Topicis, aliter in tractatu de Prædicabilibus. Hic considerantur juxta modum prædicandi, illic juxta modum arguendi; & quia quinque sunt diversi modi prædicandi de alio, ideo hic quinque ponenda sunt Prædicabilia, ut antè dictum est, non plura, non pauciora. Nam definitio, cum non sit simplex sed complexum quid, non est Ens, sed entia duo, ideoque nec Universale. Si verò spectes modum arguendi, tum vel ad tria, vel ad quatuor reduci omnia possunt. Nam idem prorsus est arguendi modus à Specie ad Individua, qui est à Genere ad Species, ideo Species ad locum Generis pertinet. Differentia autem generica eandem rationem arguendi habet, quam Genus, ideo ad Genus refertur: Specifica autem eandem planè quam Definitio, & ideo ad Definitionis locum spectat. Utrumque autem tam Definitio quàm Differentia specifica, Proprium dici potest, ut Arist. c. 8. illius libri docet. Sunt enim utraque propria, sed essentialia; Proprium autem accidentale distinctum locum Topicum ab utroque facit. Ita Prædicata Topic avel tria vel quatuor dici possunt, Prædicabilia verò & Universalia sunt quinque.

Dub.

Sol.

Ac de Numero Universalium hac dicta sint.

CAP. III.

De Genere.

Acceptiones
Generis.

Nunc ad singula Universalia descendendum est. Eorum primum est Genus. Nomen autem Generis aliter usurpatur apud Grammaticos, Oratores & Historicos, aliter apud Logicos. Apud Grammaticos sexum notat. Apud Oratores significat vel multitudinem aliquam hominum qui ab uno aliquo originem ducunt; quo sensu Romani dicuntur Genus Romuli, Judæi Abrahami: vel unum illum à quo quasi à radice multitudo illa descendit, quo sensu Romulus dicitur Genus Romanorum, & Abraham Judæorum. Has Generis acceptiones, ut alienas ab ipsorum proposito, Logici respuunt: ipsi verò Generis nomen accipiunt pro eo quod essentialiter de pluribus Speciebus prædicatur: In quo solo sensu de Genere hic agendum est.

De Genere tria cognoscenda sunt. { 1. Quid sit.
2. Quotplex sit.
3. Quæ ejus sunt proprietates.

Prior Generis
definitio.

Generis sunt duæ definitiones. Prior & vulgaris est hæc:

Genus est universale quod prædicatur (actu vel aptitudine) de differentibus Specie in Quid: ut Animal de homine & bruto: Color de albedine & nigredine.

Hujus definitionis tres sunt particule. Per primam [universale] excluduntur omnia Individua. Per secundam [prædicatur de differentibus Specie] excluditur Species. Per tertiam [in Quid] excluduntur Differentia, Proprium & Accidens.

Cæterum posteriores duæ particule fusiùs explicandæ sunt, ut rectè intelligatur, quid sit differre Specie, & quid sit prædicari in quid.

Differre quot
modis dicun-
tur res.

Differunt alia
ab aliis tripli-
citer:

{ Genere, quæ vel sunt diversa Genera (ut Substantia & Qualitas) vel ponuntur sub diversis Generibus, ut Homo & Quercus, Animal & Color.
Specie, quæ vel sunt diversa Species, ut Homo & Equus; vel ponuntur sub diversis Speciebus, ut Socrates & Bucephalus.
Numero tantum, quæ nec Genere, nec Specie differunt, sed solùm particulari sua Natura & Accidentibus, ut Socrates & Plato, & omnia Individua ejusdem infimæ Speciei.

Pari modo, res etiam dicuntur eadem; nam Quot modis dicitur unum oppositorum, tot modis dicitur & Alterum.

Eadem aliqua
dicuntur tri-
pliciter.

Eadem aliqua
dicuntur tri-
pliciter:

{ Genere, quæ sub eodem Genere continentur, ut Corpus & Spiritus, Color & Virtus.
Specie, quæ sub eadem Specie infima ponuntur, ut duo homines, duæ albedines.
Numero, quæ Re, Natura, & Essentia sunt omnino eadem, ut Aristoteles, & Philosophorum princeps. Nam nullæ duæ distinctæ Res eadem Numero esse possunt, ut clarè docet Arist. 1. Topic. ca. 7. juxta Pacium.

Ex his nunc liquet omne Genus prædicari tam de pluribus Speciebus, quàm de Individuis differentibus Specie, ut Animal de Homine & Bruto, itemque de omnibus Individuis tam Hominis quàm Bruti.

Si autem queratur an Genus prædicetur de Individuis mediatè vel immediatè, distinguendum est de Individuis.

Alia sunt completa in infima Specie, ut hic Homo, hic Equus; & de his Genus nunquam

quam prædicatur immediatè, sed prius de ipsorum Speciebus, & illis mediantibus, de istis Individuis.

Alia sunt *incompleta in Specie infima, etsi completa sint in Genere*: ut hoc Animal, ni hil aliud addendo, est Individuum Animalis, sed nec Hominis nec Bruti, id quod in Em bryone actu evenit. Sic hæc Substantia (nihil cogitando utrum corporea sit vel incorporea) est Individuum Substantiæ quæ est summum Genus. Et de his Individuis incompletis in Specie, sed completis in Genere, Genera immediatè prædicantur. Tam enim verè hæc Substantia est Individuum Substantiæ, & hoc Corpus Corporis, quàm hic Homo Homi nis: & omnia Genera, sua propria & immediata Individua habent incompleta, nulla au tem Genera habent ullum Individuum completum in Specie sibi immediatum.

Sed quomodo Genus prædicatur vel de Speciebus vel de Individuis, cum non possimus vere dicere Species est Genus, aut Individuum est Genus. Illud autem dicitur prædicari de alio quod est prædicatum in propositione, in qua alterum est subiectum.

Genus Intentionaliter sumpsum, non prædicatur de Specie Intentionaliter accepta; sed Res illæ quæ sub Intentione hæc Generis continentur, de rebus quæ Species sunt prædicantur, ut Homo est Animal: Quod idem in omnibus secundis Intentionibus similiter fit. Logici ita & aptè exprimunt.

Dab.

Sol.

Prædicatio est duplex: *Exercita, ubi veritas ipsa prædicationis exercetur, & hoc semper ac so lum fit in rebus per voces secundæ Intentionis significatas, ut, Socra tes est Animal. Signata, Quando illa quæ prædicari dicuntur de alio, signa sunt verum, in quibus & non in ipsis signis prædicatio illa est exercenda: Sic Ge nus dicitur prædicari de Specie aut de Individuo.*

Hæc de priori particula, sequitur secunda, quæ ut intelligatur, advertenda est hæc di stinctio.

In Quid, ea vimirum per quæ aptè respondetur ad questionem factam Prædicari in de aliquo per quid est? ut, Quid est homo aptè respondere licet, Est Quid. Animal. Quid est Socrates? Est Homo. In Quale, ea vimirum per quæ aptè respondetur ad questionem quomodo. In Quale. cunque factam per Quale est? ut, Quale Animal est Homo? rectè res pondeas, est Rationale. Qualis Homo est Socrates? Doctus, sa pienter.

Hinc jam liquet Genus prædicari in Quid. Omnia enim quæcunque ad Quidditatem, & Essentiam alicujus rei pertinent, ea in Quid prædicantur, quia Quidditatem rei norant. Genus autem Quidditatis pars una est.

Altera definitio Generis, quæ minis quidem est usitata, sed non minis cognitu necessa ria, est hæc. Genus est universale quod de suis Speciebus & Individuis prædicatur es sentialiter, estque ea pars essentia eorum quæ per differentiam restringitur ad Speciem, quæque materia rei est, aut materia respondet.

Secunda Ge neris definitio.

In qua definitione dictæ particulae explicandæ sunt, prior, quid sit prædicari essentialiter. De qua observetur hæc distinctio.

Essentialiter, ea nempe quæ sunt de natura, essentia, quidditate, aut in trinsicatione ejus, de quo prædicantur, quæque illud constituunt, sic ut sine illis nec esse, nec in essentia sua vel cogitari possint: Hoc mo do omnia Genera, Species & Differentiæ prædicantur de omnibus, de quibus dicuntur.

Prædicari Es sentialiter quid.

Accidentaliter, ea nempe omnia quæ non sunt de essentia ejus de quo præ-

præ-

dicantur sed rei iam constituta accidunt aut adveniunt, ita ut sine illis subiectum de quo prædicantur, vel actu existere possit, vel mente saltem in sua essentia concipi. Ita omnia Propria & Accidentia de suis subiectis prædicantur.

Genus est
idem re cum
Materia.

Posterior particula est hæc, Quod Genus in iis quæ habent Materiam est idem re planè cum Materia, in aliis verò respondet Materia. Hoc duplici ratione liquere potest. Primò sic: Sumatur, exempli gratiâ, homo: certum est Materiam & Formam Hominis esse partes ejus essentielles: quòd si Genus Hominis (*Animal*) & Differentia (*Rationale*) non sint re eadem cum Materia & Forma Hominis, tum Homo constabit ex quatuor re distinctis essentialibus partibus; vel, quod idem valet, habebit duas integras distinctas essentias. At unius rei est una tantum essentia, ut verissimè Arist. docet 6. Top. cap. 4. nu. 2. Et illius unius essentia non possunt esse plures quàm duæ partes: quare necessariò efficitur Genus Hominis esse re idem cum Materia, & Differentiam cum Forma. Quod idem de omnibus aliis substantiis corporeis concludendum est. Altera ratio est hæc: Si Rationale quod est Differentia Logica, esset Aliud & Re diversum ab Anima rationali, quæ est Hominis forma physica, tum præter Animam rationalem esset alia pars essentialis constituens propriè Hominem quàm Homo est. Utrum igitur illud aliud, constituit ipsum prius, an posterius, an simul cum Anima rationali? Si prius constituat (vel naturâ, vel tempore) tum Homo erit (naturâ vel tempore) Homo antequam habeat Animam rationalem, id est, antequam sit Homo: nam antequam habeat Animam rationalem non est Homo. Si posterius constituat, tum constituit illud quod jam est constitutum. Et Homo erit Homo (per Animam rationalem) antequam sit constitutus homo, putà per illud posterius constituens. Si constituat simul, tum frustra constituit; nam ad constituendum Hominem quàm Homo, sufficit Anima rationalis. Denique, quid illud aliud, re diversum ab Anima rationali, sit vel esse possit, quod Hominem quàm Homo est, constituat, nec vel dici vel fingi potest: Hoc enim dat ei & nomen & essentiam Hominis. Cum igitur Differentia Logica sit idem Re, cum formâ physica in eis quæ formas tales habent, certè & Genus apud Logicos erit idem Re planè cum materia apud Physicos. Hoc ex Averroë & Aristoteli fusiùs declarat Zabara, lib. 2. de Mater. 1. c. 18. Ubi illa verba Averrois citat, approbatque *Materia & Genus sunt idem Re, sed Ratione distinguuntur*. Et ipse sic concludit, *Eadem res est quæ alia ratione vocatur Materia, alia Genus: & paulò post, Genus Logicum & Physicum sunt eam Re, duo autem Ratione*.

Genus & Materia differunt Ratione. Re eadem dixi, non Ratione; nam Ratione differunt. Physici enim hanc eandem Rem exprimunt per nomen in abstracto, quasi diceret Animalitatem, aut Rationalitatem, & ideo ipsorum vox non dicitur de composito in recto casu, sed tantum in obliquo; non enim dicimus, Homo est Materia, aut Anima, sed Homo constat ex Materia vel Animalitate & Anima rationali. Logici autem eandem ipsam Rem exprimunt per nomen in Concreto, quod de composito in recto casu verè prædicatur, ut Homo est Animal, Substantia, aut Rationalis.

Dub.

Sol.

Dices, genus assimilari Materia, & Differentiam Formæ, apud Porphy. c. de Differentia nu. 17. Quæ autem similia sunt, Re diversa sunt, nam Nullum simile est idem: Cum omne simile sit suo simili correlatum. Respondeo: Omne genus assimilatur Materia quæ est in rebus artificialibus, & itidem omnis Differentia Formæ artificialis. Sed genus & Differentia corporum naturalium, omnisque substantia completa, non assimilantur Materia & Formæ physice, sed eadem Re sunt cum illis.

Dico secundò. Quædam sunt Entia quæ habent genus & Differentiam, sed non Materiam & Formam ex quibus constituentur; qualia sunt omnia accidentia. In his genus ipsorum verè assimilatur Materia, & Differentia Formæ. Nam sicut Materia ex se indifferens est ad omnem Formam recipiendam, sic genus ipsorum indifferens est ad quamvis Differentiam: Et sicut Forma restringit Materiam, ita Differentia in istis restringit genus ad cer-

tam

tam Speciem: Et sicut ex materiâ & formâ physicâ conjunctis, fit compositum naturale; ita ex Genere & Differentiâ conjunctis fit hæc aut illa Species Accidentium. In quibus autem rebus est Materia & Forma, ex quibus compositum constituitur, ut in Substantiis, in iis Genus & Differentia ipsorum non assimilantur, nec sunt similia Materiæ & Formæ, sed eadem Re sunt cum istâ Materiâ & Formâ.

Quid sit Genus diximus: nunc quotūplex sit videamus.

Genus est duplex: { Generalissimum aut Summum, supra quod nullum est omnino Genus univocum, quodque solum est Genus & nunquam Species: Et talia sunt Genus Generalissimum & Subalternum. Numero decem, nec plura nec pauciora: nempe Substantia, Quantitas, Relatio, Qualitas, Actio, Passio, Ubi, Quando, Situs, & Habitus. Subalternum quod positum est sub alio Genere, quodque est & Genus & Species, sed diverso respectu: nam est Genus respectu inferiorum Specierum, & est Species respectu superiorum Generum, ut Animal est Genus Hominis & Bruti, Species verò Viventis. Hæc facili ex subiecto typo intelligi possunt.

Substantia.

Qualitas.

1
Corpus.

1
Habitus.

1
Mistum corpus.

1
Virtus.

1
Vivens.

1
Virtus moralis.

1
Animal.

1
Fortitudo.

1
Homo.

1
Fortitudo.

1
Hic & ille Homo.

1
Hæc & illa Fortitudo.

Illud summum est quod est supra omnia alia, quare si Substantia sit summum Genus, erit supra Quantitatem & Qualitatem; si verò sit supra ista, tum illa non erunt summa. Respondedo, Hæc Genera non dicuntur summa simpliciter, aut respectu omnium aliarum rerum, sed summa in sua serie & classe. Sic substantia est supra omnes substantias; Qualitas supra omnes Qualitates, & ita in reliquis. Vel si simpliciter summa appellare velis, dicas esse Summa negativè, quia nullum omnino Genus est supra illa; non Summa affirmativè, quasi illa sint supra omnia alia Genera. Simile habes in Regibus, quilibet eorum summus est, & rectè dicitur summus in suo regno, non in aliis: vel summus non quidem affirmativè, ita ut sit supra alios omnes homines, sed negativè, ita ut nullus omnino hominum sit supra ipsum, sed solus Deus; Deo secundi sunt, post Deum primi.

Proprietates Generis nunc supersunt; illæ his regulis exprimi possunt.

1. Omne Genus est superius directè suis Speciebus in serie Prædicamentali. Patet ex Regula de Genere.

2. Omne Genus est pars essentialis, & causa interna ac constituens omnium suarum Specierum. Patet tum ex Arist. 3. Met. c. 3. ubi Genera omnia vocat principia suarum Specierum, principia nempe essentialia & intrinseca: tum ex utrâvis definitione Generis. Quicquid

quid enim de aliquo prædicatur in Quid, illud est de ipsius essentiâ; nam Quidditas est essentiâ rei: & Quicquid est de essentiâ ullius, est causâ ejusdem, illudque constituit essentialiter.

3. *Omne Genus est prius naturâ suis omnibus Speciebus.* Patet ex secundâ; nam omnis causâ est prior naturâ causato, & omne constituens constituto.

4. *Omne Genus prædicatur univocè de omnibus suis inferioribus.* Docet hoc expressè Arist. Top. c. 2. nu. 1. Et patet ex secunda, quia quicquid essentialiter de ullo prædicatur, illud etiam univocè dicitur de eodem.

5. *Omne Genus prædicatur æquè seu æqualiter de omnibus suis inferioribus, de nullo autem ipsorum secundum magis & minus.* Ratio est, quia omnia essentialia æqualiter participantur ab iis omnibus quibus conveniunt: ut docet verissimè Arist. c. de Qual. n. 30. & 6. Top. c. 8. n. 17 cujus causam ipse assignat. 8. Metaph. c. 3. *Quia essentiâ cujusque rei est sicut Numerus:* nam sicut in Numeris, si vel addas Unitatem vel demas, variatur Species Numeri; ita in essentiâ cujuscunque rei sit, si gradum ullum ei vel addas, vel demas, destruit essentiâ.

6. *Est idem possit esse Genus & Accidens respectu diversorum, ut Color est Genus respectu inferiorum suorum, Albedinis & Nigredinis; & est Accidens respectu Particulis, aut subjecti illius cui inhæret; tamen nullum Genus est Accidens ejus cujus est Genus.* Ratio est, quia respectu illius est de essentiâ.

7. *Nullum Genus prædicatur denominativè, de eo cujus est Genus.* De aliis quorum est Accidens præst Genus denominativè prædicari: patet ex Reg. 4. & expressè idem docet Arist. Top. 2. c. 2. n. 1.

CAP. IV.

De Specie.

Speciei acceptiones.

Secundum Prædicabile est Species: quæ dictio apud Oratores pro externâ formâ & venustate capitur, quo sensu dictum est illud apud Euripidem, Speciem dignam esse quæ imperet: De Specie verò in hoc sensu non agunt Logici, sed ab illis sumitur pro eo Prædicabili quod Generi subicitur.

De Specie tria declaranda sunt. 1. Quid sit. 2. Quotuplex sit. 3. Quæ ejus Proprietates. Species ita definitur: *Species est universale quod subicitur Generi:* ut Homo, Brutum, Albedo; quia enim Genus & Species inter se referuntur, ideo unum per respectum ad aliud definitur potest.

Speciei definitio.

Dux verò sunt istius definitionis particule: per primam quæ est (Universale) distinguitur ab Individuis: per secundam quæ est [quod Generi subicitur] distinguitur à Genere, Differentiâ, Proprio & Accidente. Nam etsi quædam Genera (ut Animal, & omnia quæ subalterna sunt) & quædam Propria (ut Risibile, Naturali potentie & Qualitati) & quædam Accidentia (ut Albedo, Color) subiciantur Generi, tamen in quantum ita subiciuntur sunt Species, non autem vel Genera, vel Propria, vel Accidentia. Differentie autem nullæ subiciuntur ulli Generi, quia non sunt directè in ullâ serie Prædicamentali.

Dub. Sol.

Sed quare nulla mentio sit Prædicationis in hac definitione, sed solum subjectionis: cum Species in quantum est Prædicabile, per Prædicationem definienda sit potius? Est mentio Prædicationis, licet non expressa, tamen implicita, cum Species dicitur Universale; nam eo ipso significatur, quod de pluribus prædicatur. Et quia hæc definitio communis est tam Speciei infimæ, quàm subalternæ, ideo hic non exprimitur de quibus Species prædicetur, utrum

utrum de differentibus Specie, an de differentibus Numero tantum. Utrumvis enim recte dici potest, si respicias utramque Speciem, tam subalternam quam infimam.

**Quid sit Species diximus,
Quotuplex sit nunc declaremus.**

Species est duplex: *Specialissima vel Infima quæ semper & omni respectu est Species, nec unquam Genus esse potest, ut Homo, Equus, Albedo.* *Subalterna vel Media, quæ & Genus & Species diverso respectu dici Species Infima potest, Ut Animal, Vivens, Corpus: Nam hæc omnia, respectu suorum Generum superiorum, sunt Species; respectu inferiorum Specierum sunt Genera.*

Species Subalterna definitur, esse Speciem quæ de pluribus differentibus Specie prædicatur in Quid. Est enim idem planè cum Genere Subalternò. Et prædicatur non ut Species, sed ut est Genus, licet subijciatur ut est Species. Quare de hac non est necesse plura dicere. Species infima (quæ semper Speciei nomine intelligenda est, nisi aliquid addatur, ut quo Subalternam intelligi appareat) ita definitur: Est Species quæ prædicatur solummodo de differentibus Numero tantum in Quid; ut homo, albedo, linea.

In quâ definitione duæ particule observandæ sunt & explicandæ. Prior, quod Species Infima prædicatur solum de differentibus Numero tantum, id est, solum de Individuis, de nullis autem Speciebus. Et in hoc differt à Genere, quod prædicatur quidem de differentibus Numero tantum, sed non tantum de his prædicatur, verum etiam de differentibus Speciebus.

Dices, Hominem dici de Homine mare & femina, ea verò videtur differre Specie, cum unumquodque Universale sit, & prædicetur de differentibus Numero, Ut mas de hoc & illo mare, femina de hac & illâ. Adde quod mas & femina plus differunt tuam duo mares; cum ergo duo mares differunt Numero tantum, efficitur, marem & feminam differre plus quam numero tantum, ideoque Specie. Respondet: Mas & femina differunt numero tantum. Inter ea autem quæ differunt Numero tantum, quædam plus differunt, quædam minus, quia quædam differunt pluribus Accidentibus, alia paucioribus; sed quia omnia non aliter quam Accidentibus essentia particulari superadditis differunt, ideo non aliter quam Numero tantum differe dicuntur. Mas autem & femina sexu differunt; Sexus autem est Accidens, uti color, aut patria, aut stemma. Et quamvis mas dicatur de hoc & illo mare, non est tamen Species, imò nec Universale, sed complexum quid, ut Homo doctus; nam mas, est homo masculini sexus, ideo constat ex Substantia & Accidens, ut homo doctus: quare, cum omne Universale sit unum Ens, & nullum complexum re sit unum Ens, sed multa conjuncta, sequitur hominem marem non esse Universale, nec Speciem; quodque non aliter prædicetur de hoc & illo mare quam alia complexa, vel quam homo doctus de hoc & illo homine docto.

Alterâ particula est, quod Species prædicetur de Individuis in Quid, id est, ita ut recte respondeat ad questionem factam per Quid est. Ut, Quid est Socrates? est homo.

Hic verò diligenter observandum est, quod licet tam Genus de suis Speciebus, quam Species de suis Individuis dicatur in Quid, non tamen eodem modo utrumque in Quid prædicatur. Nam Genus ita dicitur in Quid, ut noceat solummodo unam partem quidditatis aut essentia inarum Specierum: Species verò ita dicitur in Quid, ut noceat totam quidditatem & essentiam ipsorum Individuorum. Ex quo fit, ut ad constituendam Speciem necesse sit superaddi Generi novam formam essentialem, quæ sit forma Speciei, quæ quæ realiter & essentialiter distincta est tam à Genere ipso, quam à forma Generis, ita ut in essentia Generis non sit comprehensa: sic Animal superadditur Rationale ad constituendum hominem: sed ad constituendum Individuum nulla Speciei superadditur nova forma essentialis, quæ sit forma Individui,

Dub.

Sol.

Quomodo Species prædicatur in Quid.

dividui, quæque realiter & essentialiter differt à formâ Speciei, & non continetur in essentiâ Speciei. Hoc in exemplo hominis & Socratis demonstrari potest. Nam cum forma hominis sit Anima rationalis, si in Socrate superadderetur nova forma, præter & ultra Animam rationalem, & quæ ab illâ realiter distincta sit, necessario consequeretur Socratem & unumquemq; hominem habere duas Animas racionales; unam quâ est homo, & aliam illi superadditam per quam fieret hic homo. Certum est enim eum non fieri hunc hominem, nisi per Animam rationalem. Dices, Si res ita sit, tum omnia Individua ejusdem infimæ Speciei totaliter in essentia conveniunt, cum quæcunque sit essentia unius, sit etiam communis essentia omnium; nam tota essentia Speciei omnibus communis est. Differunt igitur talia Individua non essentialiter, sed solis accidentibus, & Accidens erit principium Individuationis. Respondeo, impossibile est ut Accidens ullum sit principium Individuationis, aut Individui. Nam Accidentium omnium subjecta, sunt ipsa Individua. Subiectum autem Naturâ prius est eo quod ei inhaeret, & accedit: ut liquet l. 7. Met. c. 1. Principium rei, est naturâ prius eo cuius est principium, cum principium sit causa interna rei. Sed verum principium Individui, id est, proxima causa quare unumquodque Individuum est *indivisum à se, & divisum ab omni alio*, est ipsa forma particularis in illis quæ habent formam, in aliis vero quæ formam non habent, est illud quod formæ respondet. Forma enim est, & forma sola, (aut formæ proportionatum) quæ dat Nomen & Esse cuique compositio; quare Quidditas ab Arist. vocatur 2. Phys. c. 3. A formâ igitur particulari habet unumquodque Individuum compositum, ut sit Individuum: id est, *ab hac formâ*, habet ut sit *hoc*. Atque hoc illud ipsum esse, quod per suam Hæccietatem Scotus exprimere volebat; idemque maximè consentaneum veritati esse, abundè declarat Zab. Ab. de Constit. Individui.

Hinc jam consequitur, Individua omnia non solum Accidentibus, sed primò ac principaliter, essentiis suis propriis, & particularibus differre. Atq; hoc unico exemplo fiet clarissimum. Certum est unumquemque hominem habere suam propriam & sibi peculiarem Animam rationalem: Ea vero est cuique essentialis, cum det esse cuique, nec sine eâ vel concipi ullo modo potest. Per eam igitur essentialiter differt Socrates à Platone aliisque omnibus. Aut si cui ista concedenda non videbuntur, necesse est ut ipse fateatur, vel Animam rationalem Socratis, non esse Socrati essentialem, vel eandem numero animam rationalem quæ est in Socrate esse simul in Platone aliisque omnibus hominibus: Quorum utrumque à veritate alienissimum est. In hanc rem Thomæ verba, part. 1. q. 76. art. 1. dignissima sunt quæ observentur: illic non esse unum omnium hominum Intellectum, ita probat, *Hinc enim*, inquit, *sequeretur, quod Socrates & Plato essent unus homo, & quod non distinguantur ab invicem, nisi per hoc, quod est extra essentiam utriusque, & tunc distinctio Socratis à Platone non erit alia, quam hominis tunicati & cappati*. Hæc Aquinas; expressè docens absurdum esse asserere Socratem non differre à Platone essentialiter, aut non aliter eos distingui quàm accidentaliter. Jam perspicuum est, quod non differunt in essentiâ communi hominis; illa enim utrisque convenit: differunt ergo particularibus suis essentiis, & quia primario per istas distinguuntur, illa sunt prima & vera principia Individuationis.

Dices: Si singula Individua habeant diversas essentiis, quomodo verum esse potest quod ante diximus: Speciem habere in se totam essentiam Individuorum, & Individua nullam essentiam habere præter illam quam Species ipsorum habet? Speciei enim essentia omnibus communis est, nec possunt Individua ipsius, per illam inter se differre; quare si præter illam nullam aliam habent, tum nullo modo possunt essentiis, aut essentialiter differre. Respondeo, Species habet in se totam essentiam quam habent Individua, sed non habet eam eodem modo quo habent Individua. Et Individua nullam habent essentiam quam non habet Species, sed habent eam alio modo quàm habet Species. Nam essentia hominis prout nudè consideratur, ut abstrahitur ab existentia *Hic & Nunc*, est essentia Speciei, & constituit *Hominem qua homo est*, non autem qua est hic aut ille homo: Essentia eadem realiter prout existit *Hic & Nunc*, & vestitur Individuantibus conditionibus, est essentia Individui, constituitque non hominem qua est homo, sed qua est *hic aut ille homo*. Et sicut homo, & hic homo, non sunt due

Dub.

Sol.

Principium
Individuationis
est forma
particularis.

Dub.

Sol.

duo realiter distincti homines, sed natura humana, ut consideratur abstracta ab existentia *Hic & Nunc*, vocatur *homo in universali*; quæ eadem natura humana considerata prout *Hic & Nunc*, vocatur *hic homo*: Ita Specifica & communis forma aut essentia hominis, & particularis forma aut essentia hujus aut illius hominis, non sunt *Alia & Alia forma*, nec duæ realiter distinctæ formæ aut essentiæ (sic enim fieret ut unusquisque homo haberet duas realiter distinctas formas seu animas racionales, quo nihil absurdius cogitari potest:) sed sunt una & eadem *realiter forma ac essentia*, sed *Alio & Alio modo accepta & considerata*. Nam est particularis forma prout existit *Hic & Nunc*, est communis prout abstrahitur ab existentia *Hic & Nunc*. Abstrahitur autem neque per realem separationem ab Individuis, neque per intellectum cogitantem quod ista forma aut essentia non existit in Individuis (nam utraq; harum abstractionum falsa est, cum essentia illa verè existat in Individuis.) Sed abstrahitur per intellectum cogitantem essentiam illam quæ existit in Individuis, nihil omnino cogitando de existentia ipsius in Individuis; de qua abstractione verissimè dicit *Arist.* lib. 2. *Phys.* cap. 2. *Abstrahentium non est mendacium*.

Quod autem de Specie Infima respectu suorum Individuorum, quæ completa sunt in Specie, jam diximus, idem etiam de Generibus omnibus respectu suorum Individuorum quæ incompleta sunt dicendum est. Eadem enim est ratio corporis viventis, & animalis, ad hoc corpus, hoc vivens, & hoc animal, quæ est hominis ad hunc hominem. Quare, sicut formæ & essentiæ hominis, non superadditur alia realiter distincta forma aut essentia ad constituendum hunc hominem, ita neque formæ & essentiæ Corporis, Viventis, aut Animalis, superadditur alia realiter distincta forma aut essentia, quâ constituatur hoc corpus, hoc vivens, & hoc animal: sed eadem realiter formæ abstractæ ab existentia *Hic & Nunc*, constituunt corpus, vivens, & animal, quæ prout existunt *Hic & Nunc*, constituunt hoc corpus, hoc vivens, &c.

Atque ex his obscurissimus planè apud *Porph.* locus, sap. 3. num. 17. explicari potest: ubi ait, *Genus esse Totum; Individuum partem; Speciem verò & Totum & Partem, sed Partem Alius, Totum non Alius, sed in Aliis*. Nam eo loco per Totum intelligit solummodò *Totum universale*: per Partem intelligit solummodò *Partem subjectivam*. Sic verò accipiendo Totum, & Partem, sensus est hic, isque verus, quod Genus est solummodò Totum (nempe Universale) respectu Specierum; nullius autem respectu est pars subjectiva; nam ut subicitur non est Genus, sed Species. Individuum est solummodò pars (nempe subjectiva) respectu Speciei; nullius autem respectu est Totum Universale, quia infra se nihil habet. Species autem est & *Totum universale*, & *Pars subjectiva*: & utroque modo est Species, tam respectu Individuorum, quorum est Totum, quàm respectu Generis, cuius est Pars. Sed est Pars subjectiva *Alius*, quia Genus & Species *Alia sunt*, & essentiis differunt; cum ad Speciem constituendam superaddatur nova forma essentialis, quæ non est de essentiâ Generis: est autem Totum non *Alius, sed in Aliis*, quia Individua (quorum respectu Totum est) non sunt Alia à Specie, nec habent aliam essentiam præter illam quam habet Species: sed habent eam alio modo, & idèd dicitur Species esse in illis, *ut in Aliis*. Quem esse genuinum Porphyrii sensum facillè intelliget qui locum diligentius perpendere velit.

Quid & quotuplex sit Species diximus, Proprietates sequuntur.

1. *Omnis Species subicitur directè suo Generi in serie Prædicamentali*. Hoc ex typo *Regula de Specie*.
facillè cognoscitur.

2. *Omnis Species constat ex Genere & Differentiâ tanquam ex partibus essentialibus eam constituentibus*. Nam quia utrumque est pars quidditatis Speciei, utrumque erit pars ejus essentialis, eamque essentialiter constituer. Innuit quoque hoc *Arist.* lib. 2. de Anima c. 1. ubi compositum i. e. speciem ait, ex materia & forma constare.

3. *Omnis Species, & sola Species propriè definitur potest*. Patet hoc, quia Species omnis, solâque

folâque, verum Genus & Differentiam habet, & ex his omnis propriè dicta definitio constat, ut ait *Arist.* lib. 1. Topic. c. 8. n. 2. Alia igitur omnia præter Speciem quæ definitur dicuntur, descriptiones habent potius, quàm propriè dictas definitiones.

4. *Omnis Species est posterior naturâ quàm suum Genus & Differentia.* Sequitur ex secundâ, quia omne constitutum est naturâ posterius partibus suis constituentibus, cum hæc causæ sint illius. Omnis autem causa est naturâ prior suo effectu. Lib. 1. Demonstr. cap. 2.

5. *Omnis Species est naturâ suâ ignota magis quàm Genus suum & Differentia.* Sequitur ex quarta; nam modus perfectæ cognitionis rei cuiusque sequitur modum essendi ipsius. Quod ergo est naturâ posterius, etiam posterius cognoscitur: nam ipsius cognitio dependet ab eo quod prius est ipso, quodque est causa ipsius, docet idem *Arist.* 1. Demonstr. cap. 2.

6. *Omnis Species est naturâ prior singulis Individuis.* Prior inquam non in *Causando* (nam Species nec est causa nec constituens Individuorum, alio modo quàm quia continet in se causas & constituentia principia ipsorum) sed in *Consequendo*: Posito enim quovis Individuo, Speciem ipsius poni necesse est; sed posuâ Specie, hoc Individuum aut illud poni non est necesse; sed aliquod poni necessarium est. Ideo dixi, Speciem priorem esse singulis, non omnibus.

7. *Omnis Species prædicatur univocè de suis Individuis.* Paret, quia ipsius nomen eis tribuit & definitionem, aliter non prædicaretur in Quid, de ipsis.

8. *Omnis Species æqualiter prædicatur de suis Individuis, nec unquam secundum magis aut minus.* Paret, quia omnia essentialia æqualiter ab omnibus communicantur, ut in cap. de Genere, regul. 3. probatum est.

9. *Et si idem possit esse & Species & Accidens diverso respectu* (ut Albredo est & Species tam respectu Colonis, quod est Genus ipsius, quàm respectu huius & illius Albedinis, quæ sunt ejus Individua, & Accidens respectu chartæ cui inhaeret ut subjecto) *tamen nulla Species est Accidens eodem respectu quo est Species, aut respectu illius cuius est Species.* Ratio est, quia nunquam ei inhaeret ut subjecto inhaerentiæ.

10. *Nulla Species prædicatur denominativè de eo cuius est Species, de aliis quorum est Accidens potest denominativè dici.* Vide Reg. 7. de Genere.

Atque hæc de secundo Prædicabili.

CAP. V.

De Differentiâ.

Tertium prædicabile est Differentia: cuius vocis quia varix sunt acceptiones, illæ ante omnia explicandæ sunt, ut quo sensu hoc loco accipiat, intelligi possit. Differentia in amplissimâ significatione, est id quo unum ab altero quocunque modo differt, sive essentialiter, sive accidentaliter. Quâ in significatione comprehendit tria Prædicabilia, Differentiam nempe, Proprium, & Accidens.

Differentia in
latissima sig-
nificatione,
quid.

Differentia
tres acceptiones.

Differentia est
triplex.

Communis, quæ est Accidens quodvis separabile, quo unum ab altero accidentaliter differt, ut ambulare, sedere, & similia; & hæc Differentia facit rem cui tribuitur diversam ab aliâ, sed non Aliud.
Propria, quæ est Accidens sed inseparabile, quo unum ab altero magis propriè & certius discriminatur, ut Risibile distinguit hominem à bruto, Nigredo corvum à cygno. Et hæc Differentia facit rem etiam cui

cui tribuitur *diversam ab Alio*, sed non *Aliud*.

Maximè propria, quæ unum ab alio essentialiter distinguitur, ut per Rationale differt homo à bruto, & hæc Differentia facit id cui tribuitur non modò *diversum ab Alio*, sed *Aliud*, quoad naturam & essentialitatem.

Differentiæ omnes communes ponuntur in quinto Prædicabili, nullæ in hoc tertio. Differentiæ propriæ omnes ponuntur vel in quarto, vel in quinto Prædicabili, nullæ in hoc tertio. *Sole Differentiæ maximè Propriæ, eaque omnes, ad hoc tertium Prædicabile spectant.* De illis igitur solis nunc agendum est: Aliæ ad quartum, aut quintum Prædicabile relegandæ.

De Differentia maximè
Propria tria declaranda sunt:

1. Quid sit.
2. Quotplex sit.
3. Quæ illius Proprietates.

Differentiæ tres definitiones traduntur. Prima est hæc: *Differentia est universale quod prædicatur de pluribus differentiis vel Specie vel Numero tantum in Quale Quid: Ut tio Differere: Animatum, Sensibile, Rationale.* Per primam particulam [Universale] excluduntur Individua; per secundam [prædicari in Quale] excluduntur Genus & Species; per tertiam [in Quale Quid] excluduntur Propria omnia & Accidentia.

Quæ verò hæc particulæ explanatione indigent. Prior est, *Quidnam sit prædicari in Quale Quid.* Nam quid sit prædicari in Quid, & quid item in Quale, supra in cap. de Genere dictum est.

Eorum quæ prædicantur in Quale, Aliæ prædicantur in Quale

Essentiale aut Quidditativum, quæ respondent quidem ad questionem prædicari in factam per Quale, sed tamen solum quando qualitas essentialis aut Quidditativa queritur. Id autem solummodò tum fit, quando cognito alicujus Speciei aut Individui Genere, queritur quale contentum sub illo Genere hæc Species aut Individuum sit; ut cognito quod Homo sit Animal, queritur ulterius Quale Animal est Homo? tunc enim queritur illa qualitas essentialis aut Quidditativa, quæ restringit Animal ad Hominem, & complet Quidditatem Hominis. Et tum respondendum est, Est Rationale. Quæcunque igitur tali questioni satisfaciunt, ea dicuntur prædicari in Quale Quid.

Accidentale, quæ respondent aptè ad questionem factam per Quale Accidentale. Id autem queritur quoties de Specie aliqua aut Individuo, cujus tota Quidditas cognoscitur, questio fit per Quale: ut si quæras, Qualis Homo est Socrates? rectè responderetur, Est risibilis, doctus vel magnus: tunc enim queritur, quæ Accidentia subiecto huic in essentiali sua completo, conveniant. Quæcunque igitur tali questioni satisfaciunt, ea dicuntur prædicari in Quale Accidentale, aut in Quale simpliciter, non autem in Quale Quid.

Hinc jam liquet omnem Differentiam prædicari in Quale Quid: *Omnis enim Differentia est pars Quidditatis cujusque compositi.* Nam Quidditas cujusvis compositi constat ex Genere & Differentiâ. Et Genus quidem notat Quid sit res, sed *confusè & indeterminatè*, ideoque illam essentialitatem quæ Speciei cum aliis communis est. Differentia verò notat Quid sit res *distinctè & determinatè*, ideoque illam essentialitatem quæ propria est huic Speciei, nulli alteri communis. Ex quo fit ut Differentia septemmodò simpliciter Quidditas dicatur, non quod ea sola sit, sed quod sit præcipua pars Quidditatis. Unde Arist. 1. Demonstr.

Differentia pars Quidditatis.

monst. c. 11. n. 3. formam (quæ re idem est cum Differentia) Quidditatem vocat. Hæc de priori particulâ.

De quibus differentia prædicatur.

Altera particula est, quod *Differentia prædicetur de pluribus differentibus vel Specie vel Numero tantum*. Satis est enim ad Differentiam, si alterutro modo prædicetur. Quod si quæras, quænam Differentiæ de differentibus Specie, & quænam de differentibus Numero tantum prædicentur, illud facili ex Speciebus, quarum sunt Differentiæ cognoscitur. Nam omnes Differentiæ quæ sunt propriæ infimæ alicujus Speciei, tantummodo de differentibus Numero tantum, ut & ipsæ Species prædicantur: ut Rationale. Omnes autem Differentiæ specierum subalternarum prædicantur, ut & illæ species subalternæ, tam de differentibus Specie, quàm de differentibus Numero tantum, ut Animatum, Sensibile.

Differentia immediatè de uno prædicatur.

Illud tamen observandum est de omnibus, quod omnis Differentia proximè & immediatè, non de pluribus, sed de Uno prædicatur, nempe de illâ specie quam proximè constituit, ut Animatum, de Vivente; Sensibile de Animali; Rationale de Homine: Mediatè verò & remotè (mediantè nempe illâ specie quam constituit) prædicatur de Pluribus, nempe de illis omnibus, de quibus illa species prædicatur, sive differant specie, sive Numero tantum. Ut Animatum de Animali & Plantâ, itemque de Homine & Bruto, deque Socrate & Bucephalo.

Secunda definitio Differentiæ.

Secunda definitio Differentiæ est hæc: *Differentia est universale, quâ Species superat suum Genus*. Quod à Porphyrio satis obscurè positum, ita declaratur: *illud dicitur superare aliud, quod plus continet quàm aliud*: tunc enim superat in continendo. Quia verò Genus uno sensu continet plus quàm species; & species alio sensu continet plus quàm Genus, ideo ut ista diversitas rectè intelligatur, observanda est hæc distinctio.

Continere aliud capitur dupliciter:

unum dicitur continere aliud dupliciter:

Actu, quod continet aliud in se, & in suâ essentiâ; sic species continet omnes suas Differentias constituentes, & omnia inferiora continent hoc modo omnia sua superiora.
Potestate, quod continet aliud vel in suo ambitu, vel directè sub se; id est, quod ita aliud continet, ut vel ad illud, vel per illud ad aliud restringi possit. Ita Genus continet omnes suas Differentias divisivas, quia illas suo ambitu complectitur, & per illas ad species restringi potest: continet etiam Genus hoc modo omnes suas species, & Individua, quia sub Genere directè continentur; & hoc sensu superiora omnia continent omnia sua inferiora; sic Substantia continet Corpus, Vivens, Animal, Hominem, Socratem.

Quomodo Genus continet plus quàm Species.

Hinc jam faciliè liquet quomodo vel Genus continet plus quàm species; vel species plus quàm Genus. Nam Genus continet potestate, plus quàm ulla Species continet potestate, imò plus quàm omnes ipsius Species. Ut Animal potestate continet Irrationale, quod Homo non continet, & Rationale quod Brutum non continet: ita continet plus quàm alterutra ipsius species: continet etiam Animal potestate & sub se Hominem & Brutum: at neutra species ipsius continet sub se vel Hominem vel Brutum; nihil enim seipsam sub se continet, quare continet plus hoc modo quàm omnes illius species.

Quomodo species continet plus quàm Genus.

Species autem actu & in suâ essentiâ, continet plus quàm Genus actu & in suâ essentiâ continet. Nam Homo continet Rationale in suâ essentiâ & etiam Animal; Animal verò neque Rationale neque Animal in suâ essentiâ continet.

Quomodo Genus superat Speciem aut contra.

Et hoc rursus liquet quomodo & genus superat speciem, & species genus. Nam loquendo de continendo potestate atque in suo ambitu, sic genus superat omnes suas species: loquendo autem de continendo actu & in suâ essentiâ, sic species omnis superat suum genus. Et hoc posteriori sensu loquutus est Porphyrius cum dixit, *Speciem per Differentiam superare Genus*.

Tertia

Tertia definitio *Differentia* est hæc: *Differentia est universale, quâ una Species ab aliis Tertio defini- omni- bus essentialiter distinguitur.* Ut per rationale distinguitur Homo ab aliis omnibus *tio Differentia* speciebus. Per Sensibile etiam ab omnibus aliis distinguitur, sed accidentaliter, non essentialiter. *tia.*

Quæres cur dicatur speciem à specie distingui per Differentiam, non autem genus à ge- *Dub.*
nere? Hoc fit duplici de causâ. Primo, Quia omnes omnino species per Differentias essen- *Sol.*
tiales distinguuntur ab aliis rebus omnibus; Sed omnia genera per tales Differentias non
distinguuntur, cum nulla summa genera habeant ulla Differentias essentielles per quas di-
stingui possunt. Secundo, quia etsi genera subalterna distinguuntur per differentias, tamen
non distinguuntur per illas quatenus sunt genera & constituunt, sed quatenus sunt species &
constituuntur.

Quod si quæras ulterius. Quomodo summa genera distinguantur si non differentiis: aut *Dub.*
quomodo differre possunt à se invicem, si non Differentiis; Quicquid enim ab alio differt,
id aliquâ Differentia differt.

Respondeo, Summa Genera, ut etiam alia omnia quæ sunt naturæ simplicis, qualia sunt *Sol.*
omnes formæ (exceptâ solâ Animâ Rationali) & omnes Differentiæ; Hæc & huiusmodi *Quomodo sum-*
omnia differunt seipsis, id est, suis simplicibus essentiis, non autem ullis essentialibus Dif- *ma Genera*
ferentiis. De generibus summis res perspicua est. Nam si haberent Differentias aliquas con- *differant.*
stituentes; quia omnis Differentia quæ speciem constituit, etiam dividit genus; sequeretur
esse supra illa genera, alia genera quæ per istas differentias dividerentur, & tum non essent
summa genera. De Differentiis etiam & formis hinc probari potest. Si sensibile, v. g. dif- *Quomodo Dif-*
ferat ab aliis rebus per aliam Differentiam, tum illa secunda differt etiam per aliam ter- *ferentia inter*
tiam, & illa tertia per quartam, & quarta per quintam; & tum vel procederetur in infini- *se differunt.*
tum in istis Differentiis, vel alicubi sistendum est. Si dicas progressum in infinitum fieri,
sequetur nihil omnino posse ab alio differre, quia priusquam hoc ab illo per istam Differen-
tiam differat, oportet illam ipsam Differentiam per secundam, & secundam per tertiam, &
ita in infinitum distingui. Infinita autem pertransiri nunquam possunt, quare nihil omni-
no posset ab alio distingui. Si dicas sistendum esse alicubi, tum fatendum est illam Diffe-
rentiam in qua sistitur, non differre ab aliis rebus per aliam Differentiam, sed per seipsam
solummodo. Et quia nulla ratio fingi potest cur hoc dicatur de centesimâ, vigesimâ, decimâ,
aut secundâ, potius quàm de primâ illa quam sumpsit Differentiâ, efficitur, primam illam
per seipsam ab omnibus aliis rebus differre, non per aliam priorem & essentialem Diffe-
rentiam.

Quando autem dicitur, Quicquid differt ab alio, illud per Differentiam aliquam dif-
fert; id intelligendum est de iis quæ composita sunt, quæque differunt per alia, non au-
tem seipsis & sua simplici naturâ distinguuntur. Nam quæ seipsis solum distinguuntur,
ut summa genera, & omnes formæ & Differentiæ, ea verissime inter se & essentialiter diffe-
runt, & tamen non aliis Differentiis, ut jam probatum est, differre possunt.

Quid sit Differentia satis liquet,
Quotuplex sit nunc videamus.

Divisiva, quâ Genus in suas Species dividitur; sic corporeum & incor-
poreum sunt Differentiæ Divisivæ Substantiæ. Animatum & Inanima-
tum, corporis misti. Sensibile & Insensibile viventis. Rationale & Ir-
rationale Animalis.

Differentia est
duplex:

Constitutiva,
quâ Species a-
liqua sive Sub-

Proximè & Immediatè, & respectu huius vocatur Differentia
Differentia Specifica, talis est Animatum Viventis, Divisiva &
Sensibile Animalis, Rationale Hominis,

Constitutiva.

alterna

alterna siue Infima constituitur : Talis autem Differentia constituit Speciem vel

Remotè & mediante alio, & respectu huius vocatur Differentia Generica; sic Animatum est Differentia generica Animalis, & Hominis, quia mediante Vivente constituit Animal, & mediante tam Vivente, quam Animali constituit Hominem.

Ex his, quatuor conclusiones necessario & evidenter consequuntur.

1. Quòd omnis Differentia est & Constitutiva & Divisiva, sed diverso respectu; nam dicitur Constitutiva respectu Speciei quam constituit; dicitur Divisiva respectu Generis quod dividit.

2. Quòd omnis Differentia est Specifica, sed omnis non est Generica. Ratio manifesta est, quia omnis Differentia constituit aliquam Speciem proximè & immediatè: sed multae Differentiae (omnes nempe quae proximè constituunt ullam Speciem infimam) non constituunt ullam Speciem remotè: quia infra infimam Speciem nulla est alia Species.

3. Quòd omnis Species, siue sit Infima, siue Subalterna, habet unam tantum Differentiam Specificam; plurimae autem Species habent multas Differentias Genericas. Ut Homo & Brutum, habent Sensibile, Animatum & Corporeum.

4. Quòd quicquid habet veram Differentiam Divisivam, est Genus. Et quicquid habet veram Differentiam Constitutivam, est Species. Ratio est, quia vera & essentialis Differentia nihil dividit nisi Genus, & nihil constituit nisi Speciem.

Quid & Quotuplex sit Differentia diximus, Sequuntur Proprietates.

Proprietates Differentiae.

1. De nullâ Differentiâ predicari potest Genus, neque illud quod per illam Differentiam dividitur, neque ullum aliud Genus. Hoc expresse docet Arist. 6. Top. cap. 6. n. 12. Et lib. 3. Metaph. c. 3. ubi ait, Si Ens vel unum esset Genus, tum nulla Differentia esset vel Ens vel unum. Haecque hoc diligentissimè observandum est, quia magno in usu esse solet. Ratio autem huius est ista: Quia si Genus ullum de Differentiâ diceretur, tum Differentia illa esset species illius generis: si esset species, haberet aliam Differentiam se constituentem, & tum esset Differentia Differentiae, quod impossibile esse paulò antè docuimus.

2. Nulla Differentia est directè in serie Prædicamentali, sed solum à latere & indirectè. Sequitur ex primâ; nam si directè esset in serie, tum Genus summum de ipsa diceretur. Ea enim dicuntur esse directè in serie, quae vel sunt summa genera, vel de quibus summa genera prædicantur.

3. Omnis Differentia est pars essentialis suae Speciei, eorumque omnium de quibus Species dicitur. Pater ex primâ definitione, quia omnis Differentia exprimit quidditatem rei. Omnis autem pars quidditatis est pars essentialis.

4. Omnis Differentia est prior naturâ suâ Specie quam constituit. Sequitur ex tertiâ: nam omne essenziale prius est naturâ eo cui dat essentialitatem.

5. Omnis Differentia equaliter prædicatur de omnibus de quibus prædicatur, nec de ullis secundum magis & minus. Hoc expresse habetur apud Porphy. c. 15. nu. 4. & c. 14. nu. 1. Et ratio manifesta est, quia nullius rei essentialis gradus admittit, ita ut uni magis quam alteri conveniat, uti ex Arist. supr. in cap. de genere monuimus. Quare etsi unus Homo magis utatur ratione quam alius (quod vel ex temperie cerebri, vel ex educatione, aut doctrinâ, & ulu fieri potest) tamen unus alio non est magis rationalis, id est, non magis habet Animam Rationalem, aut non est magis potens ratiocinari quam alius.

6. Omnis Differentia recipitur & convertitur cum illâ Specie quam proximè constituit. Reciprocari autem dicuntur illa, quae aequè patent, ita ut de quocunque unum prædicetur,

dicetur, de eodem prædicetur & alterum: Ut Omnis Homo est Rationalis, & Omne Rationale est Homo.

Hæc ad explicationem Differentiæ sufficere possunt. Libet tamen unum hinc addere, de exemplo illo omnium vulgarissimo (Rationale intelligo) An ea enim vera & genuina Differentia sit, merito dubitari potest.

Et primo quidem videtur inter Propria recensendum. Est enim Rationale nihil aliud quam potentia naturalis, seu facultas ratiocinandi: sicut risibile est potentia naturalis ridendi; & disciplinabile, facultas seu potentia naturalis disciplinas imbibendi.

Et sicut hæc potentiæ fluunt ab Animâ rationali, ita etiam potentia ipsa ratiocinandi ab eadem Animâ emanat. Quare cum Risibile, & similes potentiæ sint verè Accidentia Propria, posita in quarto Prædicabili, & collocata in secundâ Specie qualitatis, nempe in Naturali potentiâ, videtur & potentiam hanc ratiocinandi, in eodem Prædicabili, & eadem qualitatis specie jure collocandam esse.

An Rationale
sit Differentia
vel Proprium.

Respondeo, Utrumvis recte dici posse, nam

Rationale capitur dupliciter: { *Vel pro ipsâ Animâ Rationali à qua potentia & facultas ratiocinandi fluit, & tum est Substantia non Accidens, & Differentia Hominis non Proprium.*
Vel pro Potentiâ et facultate ratiocinandi quæ fluit ab Animâ Rationali, & hæc est Proprium Hominis non Differentia; & Accidens, locatum in secundâ Specie qualitatis, non Substantia nec essentia Hominis.

Hinc jam liquet Rationale pro diversâ vocis acceptione vel Differentiam dici posse vel Proprium. Quamvis autem si nomen ipsum spectes, juxta vocis proprietatem (quæ facultatem ratiocinandi denotat) rectius, ut ego quidem sentio, inter Propria numerandum sit, & Differentia Hominis per prædictum Animâ Rationali, exprimi deberet: tamen quia rectissime præcipitur, *Loquendum esse cum vulgo, sed sentiendum cum sapientibus*: ideo dicamus cum vulgo, Rationale esse Differentiam, sed dicamus eo sensu quem declaravi, quem solum Philosophis approbatum esse non dubito. Idemque de sensibili, vegetabili, & similibus dicendum.

Secundò dubitari possit, An soli homini Rationale conveniat? Si enim non soli, neque Differentia ipsius, neque Proprium dici potest. Et videtur quidem Angelis convenire tam bonis quam malis; utrosque enim Rationales esse, & ratione uti, nemo fortasse dubitet, cum tantâ & cognitione & intelligentiâ præditi sint, ut *Intelligentia & Dæmones*. i. Scientes merito appellentur: quin & actu ratiocinatos esse & rationes texuisse, plurimis exemplis liquet. De bonis illud, Matth. 1. *Vocabis nomen ejus Jesum, Ipse enim salvum faciet populum suum à peccatis.* De malis illud, Matth. 4. ubi Dæmon probat Christum posse tutò se à vertice templi præcipitare, *Scriptum est enim, Angeli tollent te in manibus suis, ne fortè offendas ad lapidem pedem tuum.* Vis de Ethnicis exemplum? Ex omnibus cape unum illud de Porphyrio, qui cum esset Dæmonum cultor & propugnator acerrimus, cumque frustra magicis Artibus uxorem suam (quæ Christiana erat) à fidè revocare tentasset, Apollinem adit, consulit. quo id tandem modo efficiat? Respondit Dæmon, Non posse fieri ut isto errore polluta revocetur: fidem autem Christianam errorem esse, et pollutionem probat impurus Dæmon ex eo, quia crederent cum esse Deum qui morte affectus esset, idque iustâ Judicium sententiâ. Quod, aliâque multa non dissimilia, ex ipsius Porphyrii libris citat August. l. 19. de Civ. Dei, cap. 23. Cum igitur Angelis Rationale conveniat, quomodo Hominis esse potest vel Differentia vel Proprium?

An Angeli sint
Rationales.

Ut hoc expediamus, ante omnia monendum est, non esse cur quisquam Porphyrium in Porphyrii err- hac causâ moretur. Is enim sensit Angelos, ipsumque Deum (ut c. de Differ. n. 13. liquet) ray maximus.

non solum Rationales esse, sed & Animalia & corpora; nec aliter ab hominibus, quam per immortalitatem differre. Dixi cum hoc sensisse, nam quod nonnulli cum excusari velint, quasi id non ex sua sententiâ dixerit, laterem planè lavant & Æthiopem. Fuit enim Porphyrius (ut & Jamblicus, & Plotinus, & Apuleius) sectâ Platonicus, ut testatur Augustinus 1. 8. de Civ. Dei, cap. 11. Eorum autem sententia fuit, Animalia in tria Genera dividi, in Deos, Homines, Dæmones. Ut ex Platoniorum scriptis declarat idem Augustinus lib. eod. c. 14. Et Dæmones definebant esse Genere animalia, Mente rationalia, Corpore aëria, Tempore æterna, ib. c. 16. Verè igitur ita sensit, idque erravit gravissimè Porphyrius. Si quid uspiam simile apud Arist. occurrit, certè is ex aliorum, non sua sententiâ, idque exempli causâ (in quibus veritas strictè non est exigenda) posuisse dicendus est. Nam Aristotele nemo omnium Philosophorum, imò nec omnium Ethnicorum, rectius aut divinius de Deo, & Intelligentiis scripsit, uti ex 1. 2. Metap. aliisque ipsius libris liquet.

Rationale Intuitivum & Discursivum.

Multis illa trita responsio arridet de Rationali Intuitivo & Discursivo. Dicunt enim cognitionem Discursivam propriam esse Hominis, cognitionem verò Angelorum non Discursivam esse sed Intuitivam. Quod responsum ab Aquinate haustum, minutiores Scholastici (propter famam & auctoritatem Thomæ fortassis) amplexati sunt. Is enim part. 1. q. 58. part. 2. docet, Angelos non discurrendo à noto ad ignotum, sed intuendo, res sine discursu cognoscere. Inveniuntur autem res ut ille putat, partim in Deo, in quo velut in Speculo multa vident; partim in speciebus connatis, quas cum intuentur, non modò illa, quæ per species illas representantur, sciunt; sed & omnia quæcunque ex iis concludi possunt & colligi, simul, & uno intuitu sine ullo discursu conspiciunt. Et quia ratiocinari propriè est à noto ad ignotum discurre, ideo Angelos qui intuendo vident res, negant ratiocinari aut rationales esse, sed rectius intelligere eos dicunt, ideoque Intelligentias vocari.

Verùm ista responsio non solvit dubium: Nam etsi verum sit Angelos multisolo intuitu videre, non tamen omnia quæ sciunt vident, neque in Deo, neque in connatis speciebus. Non in Deo, tam licet is sit speculum omnium lucidissimum, in quo omnino omnia videri possunt; est tamen speculum Voluntarium non Necessarium: id est, tale speculum quod representat aliis ea tantum quæ ipse vult ab aliis videri, non autem omnia quæ in ipso sunt & videri possunt. Non in speciebus connatis; nam ex iis impossibile est futura contingentia, multò minus voluntates & arcana consilia ac cogitationes hominum colligere: hæc tamen ipsa & post eventum sciunt Angeli, & antequàm eveniant, ex signis, ex causis, ex conjecturis colligunt, ut perspicue docet Aug. 1. 9. de Civ. Dei, cap. 22. quod ipsum Aquinas agnoscit part. 1. q. 57. art. 3. & 4. Quare, certum est Angelos non Intuitu solum, sed Discursu res cognoscere, & à noto ad ignotum ratiocinando pervenire; ideoque Rationale Discursivum ipsis competere non minus quàm Hominibus, cuius usum, in exemplis ante adductis, perspicue exhibent.

Verissima & omnium facillima responsio mihi hæc esse videtur: Rationale seu facultas ratiocinandi duplex est: Una quæ oritur ex sensitivâ cognitione, quæque per phantasmata recepta à sensibus exercetur, & hæc omni solique Homini convenit, non Angelis, non ipsis animabus separatis. Altera quæ ex ipsâ naturâ intellectuâ spirituum emanat, quæ ex sensu non oritur, neque per phantasmata sensibilia exercetur, & talis facultas, omni spiritui quæ spiritus est, tam Angelis quàm animabus separatis convenit. Hæc ergo Spiritus, illa Homini propria est. Sed satis multa de Differentia.

CAP.

CAP. VI.

De Proprio.

Quartum Prædicabile est Proprium; cujus vocis variae sunt acceptiones, quæ ante omnia explicandæ sunt.

Proprium, ali-
quid dicitur
alicui 4. mo-
dis: {

1. Quod convenit omni sed non soli, ut posse mederi, & progredi, aut bipedem esse; Homini.
2. Quod convenit soli, sed non omni, ut mederi ex arte, Homini.
3. Quod convenit omni & soli, sed non semper, ut Homini canescere, ridere.
4. Quod convenit omni, soli, & semper, ut risibile homini.

Acceptiones
Proprii.

Omnia quæ ullo horum quatuor modorum Propria dicuntur sunt *Accidentia*, & extra essentiam ejus cui conveniunt. Omnia quæ primo, secundo, & tertio modo Propria vocantur, sunt *Accidentia communia*, & ad quintum Prædicabile spectant, non ad hoc quartum. Ea solum in hoc quarto Prædicabili collocantur quæ sunt Propria quarto modo, & nomine Proprii (nisi aliud quid addatur) ea sola intelligenda sunt.

De iis igitur solis hoc capite agendum est.

De Proprio tria declaranda sunt: {

1. Quid sit.
2. Quotuplex.
3. Quæ ejus proprietates.

Proprium duobus modis definiri solet. Primo sic: *Proprium est universale quod con-* 1. *Definitio*
venit omni, soli, & semper, accidentaliter & necessario, ut risibile & flebile Homini; Proprii.

Per primam particulam (*universale*) excluduntur Individua: per secundam (*convenit accidentaliter*) excluduntur Genus, Species, & Differentia; nam alia omnia essentialiter conveniunt eis de quibus prædicantur. Per tertiam (*convenit necessario*) excluditur Accidens, quia illud convenit contingenter non necessario. Cum autem dicitur (*convenire soli*) intelligitur soli Speciei cujus est Proprium. Cum dicitur (*convenire omni*) intelligitur, omni Individuo illius Speciei.

Unica verò particula hic explicatione indiget, quid sit nempe convenire alicui necessario, & quid contingenter; quod ut intelligatur, diligenter observanda est hæc distinctio.

Eorum quæ
Accidentaliter
alicui conve-
niunt {

1. Alia consequuntur essentiam & formam subjecti, & ab ipsius naturâ proficiunt ac emanant, ita ut impossibile sit, illam formam & essentiam alicui convenire, quin illa accidentia ei conveniant; & hæc dicuntur convenire *Necessario*.
2. Alia non sequuntur essentiam aut formam subjecti illius cui conveniunt, sed alias extraneas causas quæ formæ contingunt. Ut doctrina sequitur non naturam hominis, sed institutionem & industriam. Nigredo Æthiopis non sequitur naturam ipsius, nam tum omnes homines essent nigri; sed vel temperaturam, vel situm: & hæc dicuntur convenire *Contingenter*.

Quid sit con-
venire Neces-
sario aut Con-
tingenter.

Hinc jam liquet quo sensu *Proprium* dicatur *convenire suo subjecto*, aut *speciei cuius est Proprium, necessariò*. Nam omnia *Propria* naturam ipsam & essentiam subjecti sui insequuntur, ab eaque emanant; idòque nulli convehire potest, aut attribui illa natura, quin *Proprium* eam insequens eidem attribuatur. Et quidem *necessariò convenit* subjecto, quia causa cur ei conveniat est *ipsa essentia subjecti*. Contrà fit in omnibus *Accidentibus communibus* quæ ponuntur in quinto *Prædicabili*; illorum nullum hoc pacto *necessariò* convenit suo subjecto: quia nunquam à naturâ & essentiâ subjecti fiunt, sed ab aliis causis quæ contingunt illi naturæ, & ab eâ separari possunt, proveniunt.

Dub.

Dices: non *Proprium* solum, sed multa alia *necessariò* convenire iis quibus conveniunt. Nam *Genera* omnia, *Species* & *Differentiæ necessariò* conveniunt omnibus de quibus prædicantur. Multa etiam accidentia quinti *Prædicabilis*, ut nigredo corvo, albedo cygno, & omnia quæ inseparabilia vocantur, *necessariò* conveniunt. Illa enim *necessariò* conveniunt, quæ *aliter se habere non possunt, vel quæ non possunt, non convenire*: ut quæ inseparabilia sunt non possunt non convenire; si enim possent non convenire, essent separabilia. Respondeo, *Genus, Species, & Differentiæ necessariò* quidem conveniunt, sed plus etiam quam *necessariò*, nam *essentialiter* conveniunt. Nos autem hic loquimur de illâ necessitate quæ minor est essentiali, quæque inter accidentia reperitur. Ad alteram instantiam dico, *Necessariò* convenire, sumi dupliciter, vel generaliter, pro omni eo quod inseparabiliter convenit, & hoc sensu omnia accidentia inseparabilia quinti *Prædicabilis*, dici possunt *necessariò* convenire. Vel specialiter ac proprie, pro eo quod ita inseparabiliter convenit suo subjecto, ut causa quare non separetur, sit ipsa forma aut essentia subjecti, quoniam illam insequitur: & hoc sensu solummodò *Propria, necessariò* conveniunt, nulla verò *Accidentia quinti Prædicabilis*: nam causa cur hæc non separantur, nunquam est essentia subjecti, sed alia extrinseca & externa causa.

Sol.

Potest etiam hoc discrimen inter propria & accidentia inseparabilia quinti *Prædicabilis* aliter exprimi hoc modo.

Forum quæ
aliter propria, *Necessariò*, id
aliter Acci- est, Insepara-
dentia Neces- biliter conve-
saria dicunt- niunt.

Alia ita necessaria sunt, ut nec subjectum iis carere possit, nec concipi, cum contrario *Accidente sine injuriâ Speciei*. Sic omnia propria necessaria sunt; nam si homo careret potentiâ ridendi, tum careret etiam animâ rationaliâ quâ fluit: & si concipias hominem cum impotentiâ, aut ineptitudine ad ridendum, implicas contradictionem: quia concipis eum esse rationalem; idòque potentem ridere, & simul concipis eum non esse rationalem, cum non sit potens ridere.

Alia ita necessaria sunt, ut tamen nunquam subjectum eis actu careat, tamen nulla fieret injuria naturæ & essentiæ ullius subjecti si vel actu careret illo *Accidente*, vel conciperetur habere contrarium *Accidentis*. Sic Nigredo convenit Corvo, & *Æthiops*, & omnia illa accidentia quinti *Prædicabilis* quæ inseparabilia dicuntur: nulla enim omnino injuria fieret humanæ naturæ si *Æthiops* candidior nive esset, vel si concipias eum esse tam candidum. Idem dicendum de Corvo, omnibusque similibus. Cujus ratio manifesta est: quia cum accidentia ista non insequuntur naturam subjecti, subjectum ex sua naturâ æquè admitteret candorem atque nigredinem; utrumvis enim sine essentiæ damno inesse potest.

Atque hinc solvitur illa difficultas, *An subjectum possit concipi sine suo Proprio? vel an Proprium intellectus saltem à suo subjecto separari possit?* Dicendum enim est utrumque posse fieri, si recte capias hos terminos. Nam quod prius est naturâ, potest concipi sine actuali conceptu posterioris, cum in illius conceptu posterius non includatur: idòque etiam posterius potest intellectu separari à priori, quis potest intellectus cogitare prius, non cogitando

tando actu de posteriori : Exempli gratia, Potest quis concipere Hominem in sua nuda essentia nihil omnino actu cogitando de potentia ridendi : & tum intellectu separavit potentiam ridendi ab homine ; Sed concipere hominem carere hac potentia ridendi, aut habere impotentiam atque ineptitudinem ad ridendum, impossibile est : Hoc enim cogitare implicat manifestam contradictionem ; nam in eo ipso quod est rationalis, habet in se radicem ac necessariam causam à qua fluit, & in qua implicite continetur potentia ridendi : quare si quis cogitare posset hominem carere hac potentia, æque cogitare posset hominem esse rationalem, & non esse rationalem ; vel esse hominem & non esse hominem. Solent hoc Logici, & quidem aptè satis, hac distinctione exprimere in hunc modum :

Intellectus est duplex :

Simplex quo concipitur res in sua nuda essentia, nihil actu cogitando de Intellectus ullo eorum quæ sequuntur essentiam, & sunt posteriora subjecto. Et Simplex & tali intellectu potest subjectum concipi sine Proprio, & Proprium separari à suo subjecto.

Compositus, quo subjectum concipitur non in sua nuda essentia, sed conjunctum cum carentia hujus Accidentis, aut cum inherentiâ contrarii ; Ut si intelligas hominem cum ineptitudine ad ridendum. Et tali intellectu subjectum nunquam potest concipi sine Proprio, nec Proprium separari à suo subjecto.

Ex his abundè liquet quomodo Proprium ab Accidente quinti Prædicabilis differat. Proprium semper insequitur essentiam sui subjecti ; Accidentis nunquam ; Proprium nullum separari à subjecto potest intellectu composito, sed tantum simplici. Accidentis omne potest separari à subjecto non solum intellectu simplici sed composito. Omne itaque Proprium necessariò, omne Accidentis contingenter convenit ei cui inest. Hæc de priori definitione.

Altera definitio Proprii est hæc : *Proprium est universale quod prædicatur de pluribus differentibus vel Specie, vel Numero tantum, in quale accidentaliter & necessariò. Ut Sensibile, Risibile. Omnes autem particule hujus Definitionis ex iis quæ jam diximus manifestæ sunt. Id unum notandum est, quod omne Proprium prædicatur immediatè de uno tantum vel Genere, vel Specie, cujus est Proprium ; mediatè verò (mediate nimirum illo Genere vel Specie) prædicatur vel de pluribus Speciebus, ut Sensibile de Homine & Bruto ; vel de pluribus tantum Individuis, ut Risibile de Socrate & Platone.*

Secunda definitio Proprii.

Quid sit Proprium vidimus, Quotplex jam sit dicamus.

Proprium est duplex :

Genericum, quod fluit ab essentia Generis summi. Et hoc semper prædicatur de pluribus differentibus Specie.

Specificum, quod fluit ab essentia Speciei, vel Subalternæ, ut potentia sentiendi ; vel Infimæ, ut potentia ridendi : & si ab essentia Speciei subalternæ fluat, prædicatur de differentibus Specie ; si ab essentia Infimæ Speciei, tum prædicatur solùm de differentibus Numero tantum.

Proprium Genericum. Specificum.

Dubitari merito potest, de Propriis tam summorum Generum quam Specierum subalternarum, quænam aut qualia Prædicabilia sint respectu Specierum infimarum : certum est enim ea de his prædicari ; non sunt autem respectu earum Specierum, vel Genera vel Species, vel Differentiæ, vel Propria, vel Accidentia. Quod in uno exemplo, nempe Sensibili, respectu Hominis, probari potest. Sensibile non potest vel esse Genus, vel Species, vel Differentia Hominis, quia non est substantia, cum sit Accidentis inherens Animali. Nec etiam est Proprium Hominis, quia non convenit soli, cum etiam Brutis omnibus commune sit. Denique Accidentis quinti Prædicabilis non est respectu Hominis, cum insequatur essentiam & naturam Hominis, nempe Animam sensitivam, quæ est forma essentialis Animalis, idè quæ etiam

Dub.

etiam Hominis. Accidentia etiam omnia quinti Prædicabilis contingentia sunt, id est, nunquam emanant ab essentiâ vel propriâ vel communi ejus subiecti, cujus sunt Accidentia. Videntur igitur plura Prædicabilia quàm quinque statuenda, cum ista Propria subalternarum Specierum & Generum, si referantur ad infimas Species, prædicantur sine dubio de iis, nec tamen ut ullum ex his quinque.

Sol.

Respondeo: Sensibile, vel potentiam sentiendi, non esse ullum ex quinque Prædicabilibus respectu Hominis, ut rectè in dubio probatur. Nec necesse est ut respectu cujusvis sit aliquod horum, sed respectu illius cui debetur, & referendum est. Nam nec Rationale respectu Socratis est ullum ex his quinque: nec Risibile respectu Platonis. Et sic de aliis omnibus Differentiis & Propriis. Et tamen omne Ens quod de multis prædicatur, est unum ex his quinque, quia est unum ex iis, si referatur ad id subiectum cui propriè referri debet: sic Rationale est Differentia si referatur ad Hominem, sic potentia sentiendi est Proprium si referatur ad animal, quod est ipsius proprium subiectum. Si autem quæras quomodo prædicetur de Homine, aut quid sit respectu ejus. Respondeo, Est Proprium, sed non hominis, verum Animalis quod est Genus hominis, & prædicatur de homine ut Proprium, sed non ut Proprium hominis, nam ei soli non convenit, sed ut Proprium Animalis, à cujus essentiâ cum fluat, necesse est ut necessariò prædicetur de omnibus de quibus ipsum Animal prædicatur. Accidens autem quinti Prædicabilis respectu hominis dici nullo modo debet, quia ab essentiâ communi hominis emanat; Accidens autem neque propriam, neque communem essentiâ sui subiecti insequitur. Et hoc quod de Sensibili diximus, de omnibus omnino Propriis Genericis, & de Specificis, quæ sunt Propria subalternarum Specierum, similiter intelligendum est.

Restant nunc Proprietates seu Regulæ de Proprio explicandæ.

Regule de Proprio.

1. *uniuscujusque Species est aliquod Proprium.* Ratio est, quia omnis Species habet Genus & Differentiam, & ex istis semper & sine ullâ exceptione fluit aliquod Proprium, licet nos illud ignoremus.

2. *Non solum Species, sed omnia etiam summa Genera habent sua Propria quæ fluunt ab ipsâ simplici eorum essentiâ:* Sic Substantiæ Proprium est, esse ultimum subiectum Accidentium: Quantitatis, facere subiectum cui inest æquale aut inæquale.

3. *unius Generis aut. Speciei possunt esse multa Propria.* Ratio est, quia etsi natura rei & essentiâ una sit, multa tamen efficere & causare illa una essentiâ potest. Sic ab Anima Rationali, fluit potentia ratiocinandi humano more, potentia volendi humano more, potentia loquendi, potentia ridendi, & flendi, & quàm multa alia.

4. *Omne Proprium fluit ab essentiâ subiecti illius cujus est Proprium, vel immediatè vel mediatè: sed non omne fluit ab eâ immediatè.* Ratio est, quia unum Proprium potest ex alio Proprio ejusdem Speciei, ut ab immediatâ causâ manare: Sic ex potentiâ ratiocinandi, immediatè fluit potentia loquendi, vel conceptus mentis per voces & externa signa exprimendi: ex hac immediatè fluit potentia docendi artes & scientias aliis, & potentia eisdem ab aliis dicendi. Iterum ex Animâ rationali fluit potentia ratiocinandi: ex hac, potentia liberè volendi; ex hac, potentia bene vel malè agendi; ex hac, potentia beatitudinem aut miseriam atsequendi. Iterum ex potentia ratiocinandi fluit potentia apprehendendi res lætas & tristes, decoras & indecoras: ex hac, potentia ridendi, seu per risum læticiam Animi exprimendi. Et contra, in tristibus dolendi & flendi.

5. *In rebus simplicibus essentiâ ipsarum simplex, in compositis aut forma, aut id quod forma proportionem habet, est causa omnium Propriorum, et causa efficiens eorum, sed non per physicam et externam actionem, sed per simplicem emanationem, sic ut tali formâ aut essentiâ posita, necessariò inde profuant omnes proprietates illius subiecti, haud aliter*

aliter quàm à Sole premanat lux, ex ipsius Solis naturâ sine aliâ ullâ externa actione.

6. Nullum Proprium (laquendo stricte & proprie) est de essentiâ illius cuius est Proprium; quia non constituit illud Subiectum, nec est naturâ prius sed posterius suo Subiecto; sed si abusive & improprie loqui velis, licet dicere, omnia Propria esse de essentiâ sui Subiecti, ita nimirum ut consequantur & necessariò concomitentur ipsius essentiâ, & hoc sensu ea essentialia vocat Zab. comment. in lib. 1. Demonstr. cap. 6. text. § 2.

7. Omne Proprium convertitur seu reciprocatur cum suo Subiecto: Constat ex definitione primâ, quia Proprium convenit & omni & soli, ut omne Risibile est Homo, & omnis Homo est Risibilis.

8. Omne Proprium aequaliter predicatur de omnibus quibus convenit de nullo magis aut minus quàm de alio. Ratio est, quia essentiâ ipsa (à quâ Proprium fuit) est æqualis in omnibus, nec ullos gradus admittit. Ut e. de Genere, Reg. 5. & c. de Differ. Reg. 5. diximus. Ridet quidem unus magis alio: magis quàm Socrates, quàm eodem semper fuisse vultu, eoque gravi ac severo, testatur Cicero lib. 3. Tusc. quæst. magis quàm M. Crassus, quem semel in omni vitâ risisse, ex Lucilio testatur Cicero loc. eodem, & Plinius nat. hist. l. 7. c. 19. ideoque *φύλας* & dictus est: magis quàm Heraclitus, quem semper si visse, & nisi semel risisse, cum asinum carduus comedentem videret, ait Hieron. magis quàm Niobe, quæ propter æternum in luctu silentium lapidea fingitur: Risere inquam alii plus magisque quàm isti, sed illi tamen æquè erant Risibiles, æquè inquam ac Democritus ipse, qui humana omnia ut ineptæ perpetuò risit. Sicut etiâ unus magis ratiocinatur & utitur ratione, quàm alius, ut Aristoteles magis quàm Choraëus; sed Rationales, seu apti ad ratiocinandum æquè sunt omnes, Choraëus æquè ac Aristoteles.

9. Propria aliqua ponuntur directe in predicamento; ut illæ omnes quæ sunt potentie naturales; quales sunt potentie ridendi, flendi, sentiendi, appetendi, vegetandi, & foras se omnia Propria substantiarum: Alia verò non ponuntur directe in alio Predicamento, sed ad illud reducuntur in quo Subiecta sua collocantur; Ut Quantitatis proprietates ad Quantitatem: Qualitatis ad Qualitatem. Hoc ex eo liquet, quia si Proprium potentiarum naturalium, verbi gratiâ, Risibilis, esset directe in Qualitate, tum Species esset; eoque & aliud Proprium haberet: & quia illud Proprium esset directe in serie, illius etiam aliud Proprium esset; (nam uniuscujusque Speciei est aliquod Proprium ex Reg. primâ) & sic aut procederetur in infinitum, quod est impossibile; aut veniendum ad aliqua Propria quæ non sunt Species ullius Predicamenti, ideoque nec directe in ullâ serie, sed solum reductivè.

Ac de Proprio hæc dicta sint.

CAP. VII.

De Accidente.

Superest ultimum Prædicabile, nempe Accidentis, cuius variæ acceptiones primò explicandæ sunt.

Accidens
sumitur

Generaliter, pro omni eo quod non est de essentiâ ejus cui conjungitur; Sic
homo est accidens servo, quia non est de essentiâ servi, ut Arist. ait cap.
de Relat. num. 14. Sic homo est accidens animali, & omnia inferiora
respectu suorum superiorum.

Acceptiones
Accidentis.

Spe-

duplici-
ter:

Specialiter, pro eo solum
quod inheret in subiecto:
& hoc est duplex: nam
inheret vel

Necessario, sic ut fluat ab essentia ejus cui
inheret; & hoc est *Proprium*, & locatur
in quarto Prædicabili.
Contingenter, sic ut non fluat ab essentia ejus
cui inheret, sed ab extrinseca causa
proveniat; & hoc vocatur *Accidens Com-
mune*, aut *Contingens*; & ponitur in hoc
quinto Prædicabili.

De Accidente generaliter sumptum nihil hic est nobis negotii, nam unumquodque Prædicabile Accidens in eo sensu esse potest. De Accidente necessario diximus in cap. de Proprio, nunc ergo solum de *Accidente communi vel contingenti* agendum est, quia hoc & nullum aliud ad quintum Prædicabile spectat.

De Accidente tria declaranda sunt: { 1. Quid sit.
2. Quotuplex sit.
3. Quæ ejus proprietates.

Prima Acci-
dentis defini-
tio.

Accidentis tres definitiones ponuntur: prima est hæc: *Accidens est universale quod prædicatur de pluribus differentibus vel Specie, vel Numero tantum, in Quale accidentaliter & contingenter.* Ut niger prædicatur de Æthiope & corvo quæ Specie, doctus de Socrate & Platone qui Numero tantum differunt.

In qua definitione 4. sunt particule: per primam [*universale*] Accidens differt ab Individuo; per secundam [*prædicari in Quale*] differt à Genere & Specie; per tertiam [*prædicari accidentaliter*] differt à Differentiâ; per quartam [*prædicari contingenter*] differt à Proprio. Singulæ autem particule antea explicatæ sunt, ut eas repeti necesse non sit.

Secunda defi-
nitio Acciden-
tis.

Secunda definitio est hæc: *Accidens est universale, quod nec est Genus, nec Species, nec Differentia, nec Proprium, semper autem in subiecto inheret, contingenter non necessario.* Adverte verò quòd cum accidens negatur esse vel Genus, vel Species, vel Differentia, id intelligendum est respectu illius, cuius est accidens: ita ut illius nec Genus, nec Species, nec Differentia esse possit. Nam respectu aliorum potest esse quodvis horum; ut Color est Genus Albedinis & Nigredinis: Albedo est Species tum Coloris, tum hujus & illius Albedinis: Disgregativum visus, est Differentia Albedinis. Sed Accidens quinti Prædicabilis respectu nullius, nec ullo respectu potest esse Proprium, quia tum fluere ab essentia sui subiecti: quod si ita esset, non prædicaretur contingenter sed necessario, & ita non esset Accidens hujus quinti Prædicabilis.

Dub.

Si dicas: Accidens non semper inheret in subiecto: nam calor jam est in aqua, eique inheret; mox autem non inheret, cum aqua frigida facta fuerit: sic doctrina inest homini, sed nec semper inerat, & amitti potest; ideoque non semper inheret. Responsio est facilis: Accidens semper inest subiecto, *quandiu Accidens est & existit*; non autem quamdiu subiectum est aut existit. Quare si vel nondum inest Accidens, vel amissum sit cum inerat, Accidens tale non omnino est aut existit. *Quamprimum verò est & quamdiu est, in subiecto, inheret.*

Sol.

Tertia defini-
tio Accidentis.

Tertia definitio est hæc, *Accidens est universale, quod potest tam adesse quàm abesse subiecto cui inest, sine ipsius subiecti interitu*: Ut doctrina adesse potest homini, & abesse, interim ut homo maneat homo.

Dub.

Dices: Mors & Corruptio Accidentia sunt, tamen nulli adesse possunt quin intereat & desinat esse; quamprimum enim Mors advenit, tollitur vivens; & quamprimum Corruptio ulli rei inest, interit, & verè dicitur tum non esse. Respondeo, Mortem & Corruptionem non posse accidere vel viventi vel rei quæ corrumpitur, interim ut vivens, aut res quæ corrumpuntur sint & remaneant; quare certum est illa non esse Accidentia quæ viventi aut

Sol.

aut rei corruptæ inhaerent. Sed *Subiectum cui ista insunt & inhaerent, est corpus in Comuni, quod manet tam in Genito quam in Corrupto.* Nam Mors est privatio vitæ, & Corruptio est mutatio, quâ corpus quod informatum erat hac formâ, jam non informatur illâ formâ. Corpus ergo illud in Comuni vere manet sub utroque termino, & eidem tam vitæ, quàm privatio vitæ; tam forma illius quod corrumpitur, quàm carentia illius formæ adest sine ipsius interitu.

Sed multa Accidentia non possunt abesse sine interitu subiecti, ut Nigredo à corvo, albedo à cygno. Respondeo, Non possunt actu quidem separari & abesse, interim ut manent subiecta; sed intellectu seiangi & separari possunt: nam verè possumus intelligere & concipere corvum in suâ essentiâ, interim ut nihil cogitemus de Nigredine, & tum Nigredo separatur *simplici intellectu* à corvo: possumus etiam concipere & intelligere cum essentiâ & naturâ corvi, conjungi albedinem (quia naturam corvi non magis insequitur Nigredo quàm albedo) sine ullâ injuriâ essentiæ corvi: & tum Nigredo dicitur separari à corvo *intellectu composito*. Sed cogitare aut intelligere hunc corvum existere sine Nigredine, cum reipsa insit Nigredo; aut cogitare eum non esse actu Nigrum cum sit, hoc non possumus; nam tum falsus & mendax esset noster intellectus.

Dub.
Sol.

Quid sit Accidens apparet. Quotuplex sit videamus.

Accidens est
duplex:

Separabile, quod actu & reipsâ separari potest à subiecto, manente interim subiecto: sic doctrina, sessio, ambulatio, actu separantur ab homine, & tamen homo manet.
Inseparabile, quod licet actu separari non possit, tamen intellectu potest, & intellectu tam simplici quàm composito, eo nempe quem jam dixi modo: Ita Nigredo est Accidens inseparabile tum corvi, tum Æthiopis.

Accidens est
duplex.

Proprietates Accidentis supersunt, quæ his Regulis comprehendendi possunt.

1. *Omne Accidens quamdiu existit, inhaeret in subiecto, atq; ita inhaeret ut quamprimum ab eo cui inest separatur, statim intereat.* Liquet hoc ex secundâ definitione Accidentis supra explicata.

Regula de Accidente.

2. *Nullum Accidens potest vel ab eo subiecto, vel ab ea parte subiecti cui semel inest, migrare vel in aliud subiectum, vel in aliam partem illius subiecti.* Sequitur ex prima; nam si sic migrare posset, tum sine dubio maneret accidens post actualem separationem ab eo cui inest: hoc autem est impossibile ut jam probatum est.

3. *Subiectum ultimum cui Accidentia omnia inhaerent, quodq; Accidentia sustentat, est vel Substantia illa quæ est summum Genus, vel aliqua Species, aut Individuum illius.* Differentiæ quidem substantiales, etiam & unum accidens, potest esse alterius accidentis subiectum, ut quantitas figuræ aut coloris. Sed hæc sunt solum subiecta non ultima, sed ut Logici vocant, ultimata. Nunquam autem sunt aut esse possunt ultima Accidentium subiecta ita ut sua vi accidentia ulla sustentare possint.

4. *Omne Accidens denominat accidentaliter seu prædicatur denominativè, & accidentaliter de subiecto ultimo cui inest, si aptum denominativum adhibeatur.* Ut ex doctrina dicitur homo doctus, ex candore candidus. Videndum autem est diligenter ut aptum Denominativum adhibeatur, nam aliter non verè denominabit; ut Corruptio non denominat Corpus cui inhaeret corruptum, sed mutat unum secundum formam substantialem. Sic tum Color sit pars essentialis albedinis, hoc relativum, pars, non denominat hominem cui Color inest, esse partem: sed aliud Denominativum investigandum est, ut, prædictum eo accidente

Accidente quod est pars. Idem dicendum de Differentiis substantialibus, partes enim sunt, & hæc relatio pars inest non ipsis Differentiis ut subjectis ultimis, sed compositis : & tamen pars non denominat compositum nisi aptum Denominativum adhibeatur, scilicet præditum eo quod est pars.

5. *Nullum Accidens prædicatur univoce, id est, essentialiter de eo cuius est Accidens, aut cui inhaeret* : de aliis quorum est vel Genus, ut Color Albedinis ; vel Species, ut albedo hujus albedinis ; vel Differentia, ut disgregativum visus, albedinis, de his Accidens univoce & essentialiter prædicatur : sed non est horum Accidens.

6. *Multa Accidentia prædicantur secundum magis & minus de subjectis quibus inhaerent* : ut nix candidior est panno : & glacies frigidior est aqua : cujus ratio est, quia multa Accidentia habent quasi latitudinem quandam, & gradus diversos, in quorum ullo consistere & conservari accidentis essentia potest ; ut calor, sive sit in quarto, sive in tertio, secundo aut primo gradu, æquæ essentiam caloris retinet ; sic frigus & similia. Quæcunque igitur accidentia tales gradus admittunt, ea secundum magis & minus prædicantur : quæ verò his gradibus carent, non dicuntur secundum magis aut minus.

7. *Omne Accidens est posterius naturâ eo cuius est Accidens*. Nam subjectum quod sustentat aliud, prius est eo quod ei inhaeret. Est enim materialis causa ejus, licet non ex quâ, tamen in quâ, qualem accidentia habere solam possunt.

8. *Omne Accidens præter essentiam suam, sive simplex sit sive composita, ex Genere & Differentia, id est, præter internas sui causas à quibus constituitur, habet aliquam aliam etiam externam causam & efficientem à quâ oritur & producitur*. Ut color oritur ex admixtione perspicui & opaci : albedo ex majori abundantia lucidi quam opaci.

9. *Accidens plenè & perfectè non cognoscitur, nisi quis præter internas illas & essentielles causas, cognoscat illam externam & efficientem causam à qua oritur ac producitur*. Ut non satis est ad cognitionem albedinis scire quod sit color disgregativus visus, nisi etiam scias cur disgreget visum ; causa verò ejus est lucidi abundantia : nam luce disgregatur visus, ut opacitate contrahitur.

Et hæc de **Accidente** : adèdque de omnibus quinque
Prædicabilibus dicta sint.

C A P. VIII.

De Definitione & Divisione.

Prædicabilium tractatui brevem hanc Appendicem de *Definitione & Divisione*, Conclusionis loco, annexere visum est, quia istorum vocabulorum frequens est & multiplex usus, & sæpe tum in hoc, tum in aliis tractatibus occurrunt.

De Definitione tria explicanda sunt : $\left\{ \begin{array}{l} 1. \text{ Quid sit.} \\ 2. \text{ Quotuplex sit.} \\ 3. \text{ Quæ leges bonæ Definitionis.} \end{array} \right.$

Definitio quid. Definitio est Oratio, quæ, quam commodè fieri potest, explicat quid sit aliquid. Dixi, quam commodè fieri potest : quia ubi Genus verum, aut vera & genuina Differentia deest, ibi adhibenda sunt alia, quæ quam commodissimè eorum locum supplere possunt, ita comprehenditur hæc tum Definitio propriè dicta, tum Descriptio.

Definitio est
triplex,

- Impropria, & accidentalis* (quæ veriùs Descriptio dicenda est) in qua Definitio tri-
vel Genus ponitur vel aliquid loco Generis, cum aliquo Proprio, aut plex.
Accidente definiti, quod supplet locum Differentiæ; ut si definias ho-
minem esse Animal Disciplinabile.
- Propria & essentialis*, quæ constat ex vero Genere, & verâ Differentiâ
definiti, quæque essentiali ac naturam illius plene exprimit; ut homo
est Animal rationale.
- Causalis* quæ præter essentiali, exprimit causam vel efficientem, vel
finali proxima & immediatam propter quam est; & hæc quæren-
da est solum in Accidentibus: ut si definias Eclipsim Lunæ, esse priva-
tionem luminis in Lunâ, propter interpositionem terræ inter Solem &
Lunam; aut Risibile esse potentiam naturalem ad ridendum & dila-
tandum spiritus circa cor, propterea quod quis objectum aliquod ut in-
decorum ac ludicre cum delectatione animi apprehendit.

Leges bonæ Definitionis sequuntur, quæ sunt hæc:

1. *Omni definitio debet recipiari cum suo definito, ita ut nec pluribus nec paucio- Definitio-
ribus conveniat quàm definitum.* Ideo enim Definitio vocatur, quia rem suis finibus cir- bonæ leges.
2. *Omni Definitio est complexum re, non simplex:* Nam diversas res continet, Genus
nempe & Differentiam, vel quæ suppleant locum eorum. Ideoque nulla Definitio per se in ul-
lo vel Prædicabili vel Prædicamento locatur, sed solum gratia partium.
3. *Quicquid propriâ & essentiali Definitione definitur, illud est Species.* Nam Spec-
ies sola habet verum Genus & veram Differentiam.
4. *Definitio impropria seu accidentalis cuius rei competere potest, Generi, Differen-
tiæ, Proprio, Accidenti, ipsis Æquivocis.*
5. *Definitio Causalis Accidentibus solis convenit.*

Ac de Definitione hæc satis multa: Sequitur Divisio.

De Divisione tria videnda sunt: $\left\{ \begin{array}{l} 1. \text{ Quid sit.} \\ 2. \text{ Quotuplex sit.} \\ 3. \text{ Quæ leges sint bonæ Divisionis.} \end{array} \right.$

Divisio est Distributio alicujus in suas partes, aut diversas significationes.

Divisio quid?

Divisio est
triplex,

1. *Est totius integralis in Partes integrantes.* Ut hominis in caput, *Divisionum
tria Genera,*
humeros, brachia, tibias, & cætera. Sic Substantia dividitur in primam
& secundam.
2. *Est Generis in suas Species per Differentias essentielles aut quæ sup-
plent earum locum.* Ut Animal dividitur in hominem & brutum, per
Rationale & Irrationale.
4. *Est Vocis in suas significationes.* Ut cum vox, Genus, dividitur in
Genus Civile & Logicum: Differentia in Communem, propriam, &
maximè propriam: Ens, in Ens finitum, & infinitum, aut in Substan-
tiam, et Accidentem. Et in his Divisum semper est vox Æquivoca, et
membra dividenda sunt illius vocis variae acceptiones.

Leges bonæ Divisionis sunt hæc :

*Leges bonæ
Divisionis.*

1. In omni bonâ Divisione divisum debet latius patere quam ullum membrum dividens ; nam aliter in id & in alia membra dividi non possit.
2. In omni bonâ Divisione membra omnia dividendia debent æquè latè patere ac ipsum divisum ; nam aliter Divisio est insufficiens ; ut si dicam, Animal est vel Homo, vel Avis, mala est Divisio.
3. In nulla bona Divisione debet unum membrum de altero quod ipsi opponitur prædicari ; nam si sic prædicentur, membra illa non sunt opposita & contradivisa, sed subordinata : quare non est recta Divisio si Dicam, Substantiarum alia sunt vegetabiles, alia sensibiles, alia rationales.
4. Divisio omnis (si commodè fieri potest) debet esse bimebris : Sed cavendum est, ne quod nonnulli faciunt, ita simus superstitiosi in dichotomiis, ut malimus rem ipsam quam tractamus Divisionibus non necessariis onerare & obscurare, potius, quam umbram illam scientiæ quam in tot minutis ramis & dichotomiis venditant, amittere.

Ac de Definitione & Divisione quantum ad hoc nostrum
institutum attinet, hæc dici sufficiant,

LIBER

LIBER II.

DE PRÆDICAMENTIS.

PRÆFATIO.

De subjecto, & ordine hujus Tractatus.



SECUNDUS hic liber seu Tractatus de *Prædicamentis* Subjectum h-
est. *Subjectum hujus Tractatus sunt Res omnes*: Est enim *brī de Catego-*
hic liber de Rebus, iisque omnibus. Rerum autem tractatio *riis.*

accurata & exacta, ad Metaphysicam, Physicam, Ethicam, Mathematicam, aliasque disciplinas spectant. Logicus ea non aliter tractat quàm ut sunt Materia, in qua notiones illæ secundæ, quam ipse tractat, fundantur: ideoque imperfecta quædam & rudis earum cognitio, Logico satis est; ea verò necessaria est: Nam ut Ars Fabrilis quæ ferrum ad hunc aut illum usum aptat, levem quandam ferri notitiam desiderat, accuratam verò Philolopho relinquit; ita Logicus Res considerat pingui solum Minerva, ut in illis commodius ac facilius Propositiones suas, & Syllogismos formet fabricetque, exactam autem earum scientiam aliis disciplinis ad quas singulæ spectant relinquit.

Authorem Libri de *Categoriis* Jul. Pacius in Cap. 1. Categ. negat fuisse Aristotelem: nonnulli cum Archytæ tribuunt. Ego cum *Augustino* lib. de Categ. cap. 1. & 8. cum *Zibarel.* (& ipso teste lib. de Nat. Log. cap. 3.) cum omnibus *Græcis* interpretibus, *Aristotelem* & conscripsisse eum librum, & eundem reliquis omnibus libris suis de *Logica* præposuisse existimo. *Author libri
Categoriarum
Aristoteles.*

Vocatur liber *Categoriarum*, vel *Prædicamentorum*: *κατηγορημα* autem apud Oratores cur dicatur frequentissimè *Accusare*, significat: sed apud Logicos idem notat quod *enunciari, dici, aut liber Categoriarum.* *prædicari de alio*: Quia igitur in hoc libro enumerantur & explicantur omnes illæ *Classes* Rerum, quæ de aliis prædicantur, ideo rectè liber *Categoriarum* seu *Prædicamentorum* inscribitur. Nihil est enim quod vel de alio prædicatur, vel de quo aliud prædicatur, quin ad *Categorias* istas, seu *Classes* Rerum referendum sit, in eisque aliquo modo reponatur: ut significat *Arist.* 1. Top. cap. 9. nu. 1.

Ex quo perspicuum est *Tractatum* hunc ad omnes omnino scientias & disciplinas, non *utilitas hujus*
utilem modo esse sed planè necessarium. Nec enim quidquam poteris *Tractatus.* vel rectè de-
finire, vel dividere, vel certò cognoscere ipsius naturam, aut proprietates, aut species nisi in
qua Classe Rerum reponantur, quæque illius genera sint, & differentia cognoveris. Est
igitur ad alias scientias anhelanti, in his ante omnia seriò laborandum & desudandum. Cog-
nitio enim *Categoriarum* est clavis, qua ad alias omnes disciplinas aditus aperitur, est fun-
damentum cui omnes alie inniuntur.

Libra

Divisio & ordo Tractatus. Liber autem Arist. de *Categoriis* in tres partes dividitur: *Antepredicamenta*, quæ sic dicuntur, quod sine præviâ eorum notitiâ non facile *Predicamenta* cognosci queant: *Predicamenta*, quæ sunt decem Classes Rerum, in quibus Res omnino omnes reponuntur: Et *Postpredicamenta* quæ *Predicamentorum* cognitionem multum illustrent, magisque perspicuam reddunt. De hisce singulis ordine dicendum est, & primò de *Antepredicamentis*.

Antepredicamenta quot. *Antepredicamenta* sunt in *Genere tria*, in *Specie septem*; nimirum *Definitiones tres*: Prima, *Æquivocorum*. Secunda, *univocorum*. Tertia, *Denominativorum*: *Divisiones due*: prior, *Vocum*, secunda, *Rerum*; *Regulæ due*, *Prima & Secunda*. De singulis ordine agendum est, & primò de *Æquivocis*.

CAP. I.

De Æquivocis tria declaranda sunt: { 1. Quid sint, seu quomodo describantur.
2. Quotuplicia sunt.
3. Quæ Regulæ de Æquivocis observandæ sunt.

Descriptio Æquivocorum.

Æquivoca ita describuntur: *Æquivoca* sunt quorum nomen solum est commune, ratio verò illius nominis, est alia atque alia. Sensus est: Æquivoca habent unum nomen commune, sed nulla essentia, aut univocus conceptus significatus per id nomen est communis; ideoque non est, una ratio, quare id nomen diversis tribuitur, sed propter unam rationem tribuitur huic, propter aliam rationem alteri: ut *Hominis* nomen, respectu *Hominis vivi*, & *picti*, est Æquivocum; quia nomen illud utrique tribuitur, sed non est aliqua essentia aut univocus conceptus significatus per illud nomen, qui est communis: sed homo vivus dicitur homo propter unam rationem, nempe quia est animal rationale. Homo verò pictus non dicitur homo propter istam rationem, sed propter aliam, nempe quia est similis homini. Sic nomen hoc *Canis*, est Æquivocum, respectu *Animalis latrabilis* & *Canis sideris cœlestis*, & *Canis marini*.

Ratio nominis quid.

Per rationem nominis, intelligitur hoc loco essentia, natura, aut essentialis ac univocus conceptus: quæ ideo ratio vocatur, quia in ea ratio exprimitur cur nomen tribuitur alicui, ut ratio quare hominis nomen datur *Socrati*, est natura & essenata hominis in *Socrate*, nempe animal rationale.

Æquivoca duplicia.

Æquivoca sunt duplicia:

{ *Æquivocantia*, quæ sunt ipsæ voces æquivocæ, significantes res diversas æquivocè: ut vox *Hominis*, respectu *vivi hominis* & *picti*.
{ *Æquivocata*, quæ sunt res ipsæ per illam vocem æquivocam significatæ: ut hæc tria *Animal latrabile*, & *canis marinus*, & *sidus cœleste dictum Canis*, sicut æquivoca æquivocata respectu illius vocis *Canis*.

Definitio Æquivocorum prius posita, potest de utrisque rectè intelligi tam *Æquivocantibus*, quam *Æquivocatis*; sed sensus erit facilius & clarius si de *Æquivocalis* exponatur.

De Æquivocis hæ Regulæ observentur:

Regulæ de Æquivocis.

1. *Æquivocæ vocis*, si non distinguatur, aut manifestum fiat in quo sensu accipitur, nullus usus est in ulla sciencia; quia donec id fiat, nec quid quis dicat, nec de quâ re verba faciat, intelligi potest: unde verissimè Arist. lib. 4. *Metaph.* cap. 4. *Non unum significare, est*

est nihil significare. Et iterum, *Nihil intelligere contingit, nihil unum intelligente.*

2. *Analogum omne instar Equivoci habendum est.* Dicitur autem Analogum, quando vox aliqua propriè & primariò uni convenit, aliis verò non propriè, sed propter proportionem quandam, similitudinem aut Analogiam quam habet ad illud primum: ut sanum propriè dicitur & primariò de Animali, sed Analogicè & propter similitudinem, urina dicitur Sana, quia est signum & index sanitatis; & cibus dicitur Sanus, quia efficit vel conservat sanitatem.

3. *Analogum omne siue Equivocum, per se positum, stat pro famosiore significato.* Famosior autem significatio est ea quæ magis vulgaris ac usitata est in ore populi; unde si quis dicat, *Video canem*, de latrabili animali, cum id dixisse intelligendum est, non de sidere coelesti, aut pisce.

4. *Idem non potest esse Equivocum equivocans, et Equivocum equivocatum:* ratio est, quia equivocans est solummodò vox non res: equivocatum verò est res non vox.

5. *Nullam Equivocum equivocans est in ullo Prædicamento:* ratio est, quia nihil nisi Res in Prædicamenti locantur, equivocantia autem Voces tantum sunt, non Res.

6. *Equivoca equivocata omnia sunt in Prædicamentis:* ratio est, quia equivocata omnia sunt Res: Res verò omnes in Prædicamenti locantur. Sed tamen observa, quod hæc Equivoca equivocata sunt in prædicamento non quatenus sunt equivocata, et ut respiciant suum equivocans, sed quatenus sunt univoca, et respiciunt alia quæ illis univoca sunt.

Hæc de *Equivocis*, id est, primo Antepædicamento. Cujus usus et scopus cur hic tractetur est iste, ut Sciamus quæ rejiciantur, quæ recipiantur in Prædicamenti. Nam Equivoca omnia, quatenus Equivoca sunt, rejiciuntur, licet Equivocata, quatenus Univoca sunt, recipiantur. Scopus et usus
primi antepædicamenti.

CAP. II.

De Univocis.

De Univocis (quæ sunt, secundum Antepædicamentum) tria explicanda: { 1. Quid sint, et quomodo describantur.
2. Quotuplicia sunt.
3. Quæ regulæ de univocis observandæ sunt.

UNivoca describuntur in hunc modum: *univoca sunt Res, vel Entia, quorum nomen est commune, & ratio illius nominis est una & eadem in omnibus quibus nomen convenit;* ut Animal est Univocum respectu Hominis et Bruti; nam et nomen Animalis utrisque commune est, et eadem essentia, idem univocus conceptus, eademque ratio illius nominis utrisque convenit; utrumque enim vocatur Animal, quia est vivens præditum animâ sensitivâ. Per rationem autem nominis idem hic intelligitur, quod in definitione *Equivocorum*. Descriptio univocorum.

Univoca sunt duplicia: { Univocantia, quæ sunt universalis, quorum tam nomen quàm natura, essentia, & ratio communis est iis de quibus dicuntur: et talia sunt omnia superiora in serie respectu inferiorum, et omnes Differentiæ respectu suarum Specierum. univoca duplicia.
Univocata, quæ sunt res ipsæ siue universales, siue singulares, sub aliquo univocante comprehensæ, et talia sunt omnia inferiora respectu superiorum suorum et Differentiarum.

Hinc.

Hinc liquet Summa Genera & etiam Differentias omnes esse tantum Univoca univocantia, non univocata, quia nihil est ipsis superius: Individua vero esse tantum univocata, non univocantia, quia nihil ipsis est inferius: reliqua omnia quæ sunt inter Summa Genera & Individua, esse simul & univocantia & univocata, sed diverso respectu, nam sunt univocata respectu superiorum suorum, sunt univocantia respectu inferiorum.

Definitio Univocorum prius posita de utrisque recte intelligi potest, tam Univocantibus quam Univocatis, sed facilius est ejus sensus si de Univocantibus explicetur: quale est Animal respectu Hominis & Bruti.

Quomodo nomen & ratio univoci sit communis.

Unum vero est quod diligentissime observandum est, *Quod nomen & ratio seu essentia univoci sit ita communis, ut nomen univocantis sit essentiale nomen univocati: & essentia seu ratio univocantis, sit essentia & ratio univocati:* ut in Animali & Homine ac Bruto, liquidum est: nam & nomen Animalis essentialiter utrisque convenit, & est commune nomen essentiale utriusque, & essentia Animalis est communis etiam essentia tam Hominis quam Bruti; quod unum si advertatur, non paucas difficultates expedit.

Quomodo univoca differant ab Æquivocis & Denominativis.

Hinc jam facile est distinguere Univoca tam ab Æquivocis quam à Denominativis. Nam in Æquivocis nomen solum est commune, non essentia aliqua aut ratio, aut univocus conceptus illius nominis: In Univocis utrumque commune est, tam nomen quam essentia & ratio nominis. In Denominativis tam nomen quam essentia nominis communis est denominatis; quam verè enim homo aut charta dicitur album, tam verè dicitur esse coloratum disgregans visum, quod est ratio & essentia albi. Sed nec nomen albi est essentiale nomen hominis, aut chartæ, sed accidentale; nec essentia albi, seu natura & ratio, est essentia, natura, & ratio hominis aut chartæ, sed Accidens utriusque. In Univocis verò utrumque fit, & nomen Univocantis est essentiale nomen Univocati, & essentia ac ratio Univocantis, est essentia ac ratio Univocati.

Dub.

Dices, omnia Propria & omnia Accidentia esse Denominativa, quia sunt Accidentia vel propria vel contingentia quæ denominant subjecta. Ea verò omnia prædicantur univocè, quia sunt Universalia, & Universalis solet ita definiri, ut sit *Ens quod prædicatur de pluribus univocè*. Quare Denominativa omnia univoca sunt; & distinctio ista Univocorum à Denominativis non videtur admittenda. Respondeo, vocem illam [prædicari univocè] non est addendum in Definitione Universalis: nec verò ab iis qui accuratè definiunt, additur. Quod si liber addi, tum dicendum est Univocum, & univocè prædicari, sumi dupliciter. Primo, *Stricte & Propriè pro eo quod nec est Æquivocum, nec Denominativum, quodque nec æquivocè nec denominativè prædicatur;* & hoc modo sumpsit Arist. & nos ex eo definivimus, & in hoc sensu nulla Propria nec Accidentia prædicantur univocè de suis subjectis, nec in hoc sensu (Prædicari Univocè) debet poni in definitione Universalis. Secundo, *Capitur largè & impropriè pro omni eo quod non est Æquivocum, nec prædicatur æquivocè;* & in hoc sensu omnia Prædicabilia prædicantur univocè, & sunt Univoca. Sed hoc modo non accepit Arist. Univocum, nam tum frustra addidisset Denominativa, quia omnia Denominativa sunt Univoca in hoc sensu, id est, non Æquivoca.

Sol.

De Univocis hæ Regulæ observentur.

Regula de Univocis.

1. *Omne univocum, sive univocans, sive univocatum, est in aliquo Prædicamento.* Nam omne tale est Ens, omne autem Ens in aliquo Prædicamento locatur, ad illudque refertur.

2. *Nullum univocum potest esse Æquivocum æquivocans:* ratio est quia omne tale Æquivocum est tantum vox non res, Univoca autem omnia res sunt.

3. *univocum potest esse Æquivocum æquivocatum, sed non eo respectu quo est univocum:* ut Homo vivus est Univocum univocans respectu Socratis & Platonis; est Univocum univocatum respectu Animalis; est verò Æquivocum æquivocatum respectu hujus vocis [Homo]

[Homo] quæ de Homine vivo & picto æquivoce dicitur : sic omnia Genera, Species & Differentiæ, sunt Æquivoca æquivocata, respectu Entis.

Atque hæc de Univocis, quorum tractatio huc spectat, ut sciamus omnia univoca ponenda esse in Prædicamentis. Quæ autem Univoca non sunt, ea nec directe nec collateraliter in Prædicamento locantur; ad Prædicamenta verò reduci posse nihil prohibet, ut Deus, Punctum, Instans.

CAP. III.

De Denominativis.

De Denominativis tria sunt consideranda : $\left\{ \begin{array}{l} 1. \text{ Quomodo describantur.} \\ 2. \text{ Quotuplicia sint.} \\ 3. \text{ Quæ sint leges Denominativorum.} \end{array} \right.$

Denominativa ita describuntur : Denominativa sunt Accidentia per quæ de subiectis Denominativa fit Denominatio, orta à Denominante, ut à Justitiâ denominatur homo iustus, ab Albedine albus.

Ad omnem Denominativam tria requiruntur, $\left\{ \begin{array}{l} \text{Denominatum, quod est subiectum ipsum de quo fit Denominatio : ut homo, corpus.} \\ \text{Denominans, quod est forma vel Accidens in Abstracto, à quo inexistente in subiecto, fit & oritur Denominatio : ut Albedo.} \\ \text{Denominativum, quod est forma vel Accidens in Concreto, per quod fit Denominatio de subiecto : ut per Album denominatur homo albus, ab albedine inherente.} \end{array} \right.$

Quia verò frequentissima mentio fit Abstracti & Concreti, ideo advertendum est in quo hæc convenient, & in quo differant. Conveniunt autem in principali significato : eandem enim rem significat albus (ut sumitur formaliter, non materialiter pro subiecto cui inest albedo) & albedo : Differunt autem ratione, & respectu minus principalis significationis : nam abstractum, ut albedo, significat formam aut accidens nudè in suâ essentia, sine relatione ad prædicationem de subiecto ; & ideo Abstractum vocatur, quia abstrahitur à subiecto, non quoad inhærentiam & inexistenciam, sed quoad prædicationem ; Concretum verò idem accidens notat, verum non nude ut abstractum, sed cum relatione ad prædicationem de subiecto : ideoque Concretum vocatur, quia concernit subiectum, non solum quoad inhærentiam, sed etiam quoad prædicationem, & Denominationem ejusdem.

Quid sint Denominativa dictum jam est.

Quotuplicia sint videamus.

Voce tantum, quæ quoad vocem videntur esse Denominativa, quia initio vocis conveniunt, & sine differunt, sed re ipsâ et significatione Denominativa non sunt, quia re et significatione non conveniunt, & ideo Concretum non facit Denominationem subiecti propter illius Abstracti inherenciam : ut somnolentus à somno. Nam non denominatur quis somnolentus quod somnus, sed quia somnolentia ei inest.

Denominativa sunt triplicia :

F

Re

Re tantum, quæ quoad vocem non videntur esse denominativa, cum voce non conveniant in initio, re verò & significatione conveniunt, & ab inexistencia Abstracti fit vera denominatio de subjecto: ut studiosus & virtus; dormiens & somnus.

Re & voce simul, quæ tam quoad rem, quam vocem Denominativa sunt; ut doctus à doctrinâ, justus à iustitiâ.

Ex his facillè explicari & intelligi potest ea Denominativorum definitio quam *Arist.* tradit. *Denominativa sunt quæ orta ab uno variè commutantur.* Jam si Denominativum aliquod oriatur à Denominante quoad vocem tantum, non quoad rem, & discrepet in fine, tum est Denominativum voce tantum: Si oriatur à Denominante quoad rem tantum, non quoad vocem, & in fine non discrepet, ut *Grammatica* (ars) & *Grammatica* (mulier) tum est Denominativum re tantum: Si oriatur à Denominante suo tum quoad vocem, tum quoad rem, & fine discrepet, tum est Denominativum re & voce, quod propriissime Denominativum dicitur.

Sola Accidentia sunt Denominativa.

Hic verò meritò dubitari & queri potest, an omnia Denominativa sint Accidentia? an Substantiæ etiam hoc nomine denotentur? ut an *Animal*, *Homo*, *Substantia*, *Denominativa* sint ab his Denominantibus, *Animalitas*, *Humanitas*, *Substantialitas*? Nam ex his oritur Denominatio de subjecto, putà *Socrate*; & in initio vocis conveniunt, in fine discrepant. Certe si omnia Abstracta, Denominantia, & omnia Concreta, Denominativa dici deberent, inter Substantias Denominativa concedenda essent: nam certum est posteriora esse Abstracta, & priora Concreta. Et quidem *Aquinas* aperte docet: Abstracta & Concreta in Substantia reperiri, par. 3. q. 17. ar. 1. *Natura*, inquit, prout Abstracto significatur, non potest verè predicari de ullo supposito nisi in Deo. Ideo cum in Christo sint duæ naturæ, divina & humana, divina de eo predicatur & in Abstracto & in concreto. Dicimus enim Christus est deitas, & est Deus: sed humana natura non dicitur de eo in Abstracto, sed solum in concreto; non enim dicimus Christus est humanitas, sed est homo; quod idem alii omnes Scholastici ac Theologi farentur. Et quamvis Concreta omnia tam Substantiæ quam Accidentia, largo & amplo sensu Denominativa dici possint, quia per ea prædicatio fit de subjecto cui insunt abstracta: tamen propriè loquendo solum Concreta accidentia Denominativa vocari debent. Cujus ratio est hæc, quia Substantiæ omnes quæ de aliquo dicuntur, ea Nominant potius quam Denominant: nam cum sint de essentia eorum de quibus prædicantur, sic ut essentiam, ita etiam essentiale nomen eis tribuunt. At accidentia quia subjectis suis quibus inhaerent, jam in esse constitutis, & nominatis adveniunt, idèd, non nomen dant, nec nominant ea, sed denominant, id est, subjecto jam juxta essentiam nominato, accidentalem denominationem superaddunt. Et sanè *Aristotelem* non alia pro Denominativis agnovisse quam accidentia sola, eaque ipsa non aliter sic vocasse quam prout subjecta quibus inhaerent, respiciunt, ex hoc liquere potest: Ille enim Denominativa opponit tam Univocis quam Æquivocis: quare nihil potest esse Denominativum & Univocum respectu ejusdem. At certum est, omnes Substantias quæ de aliquo dicuntur, ut & omnia essentialia prædicata, esse Univoca si respicias eorum subjecta, de quibus essentialiter prædicantur, ut sunt *Homo*, *Animal*, *Corpus* & *Substantia*, respectu *Socratis*: quare respectu illius Denominativa non sunt, nec eorum prædicatio de *Socrate* Denominativa dici debet, sed verè & propriè Univoca. In accidentibus aliter fit, nam cum illa non sint de essentia subjectorum suorum quibus inhaerent, idèd de illis univocè prædicari non possunt. Quia igitur uno trium horum modorum de subjectis dicuntur, vel Æquivoce, vel Univocè, vel Denominative, & neutro priorum modorum prædicantur, relinquitur prædicationem talem Accidentium, eamque solam, esse Denominativam, & Accidentia sola illo respectu Denominativa esse.

Se-

Sequuntur nunc Regulae de *Denominativis*, quae sunt haec :

1. *Denominatio omnis fit per Concretum propter inexistentialitatem Abstracti in eo subiecto quod denominatur* : Quare si Abstractum non sit in subiecto, Concretum de eo verè dici non potest : si Abstractum insit, tum Concretum de eo prædicabitur, si aptum Denominativum adhibeatur. Vide Regulam quartam de Accidente. Regula de Denominativis.

2. *Nullum Denominans neque Denominativum est de essentiâ denominati, neque, de eo univocè prædicatur*. Patet ex definitione Denominativorum : nam sunt accidentia respectu eorum quorum sunt denominativa. Quare cum dicitur linea est quanta (quam loquendi formam haud quaquam approbo) aut tanta, in his similibusque, Quantum capitur pro hac aut illâ particulari aut definitâ quantitate, putà pedali, bipedali aut similiter, quæ quantitas verò est accidens lineæ; non pro Quanto in genere; sic enim linea non est quanta, sed ipsa quantitas.

3. *Idem potest esse Denominativum & univocum; sed nunquam eodem respectu, sed diverso* : nam est Univocum respectu eorum de quibus essentialiter dicitur; est Denominativum respectu eorum de quibus accidentaliter prædicatur; ut album respectu hujus & illius albi est Univocum, respectu hominis est Denominativum.

Atque hæc de Denominativis : Quorum tractatio huc spectat; (ut sciamus Denominativa nulla in quantum sunt Denominativa, & quatenus respiciunt sua subiecta inhærentis, esse in Prædicamento ullo, sed in quantum sunt Univoca, & respiciunt subiecta sua prædicationis.)

CAP. IV.

De Prima Divisione Antepredicamentali.

HAËTUS de tribus Definitionibus Antepredicamentaliibus actum est. Sequuntur Divisiones quæ duæ sunt. Prior est *Vocum* : Secunda *Rerum*. *Vocis* Divisio est hæc : *Omnis vox vel est complexa, vel incomplexa.*

Vox dicitur Complexa tripliciter, { *Voce tantum, quando plures sunt Voces, sed illa omnes unam simplicem Rem significant* : Ut Corpus animatum, quod idem valet, idemque significat quod Vivens.

{ *Re tantum vel significatione, quando Vox est una, sed per illam Vocem non una aliqua Res sed diversæ significantur* : Ut Canis & omnia Æquivoca æquivocantia.

{ *Re & voce simul, quando & Voces plures sunt, & per illas Res plures significantur* : Ut Homo doctus.

Vox dicitur incomplexa tripliciter, { *Voce tantum, quando Vox est una, sed per illam non una Res sed plures significantur* : Ut Canis.

{ *Re tantum, quando plures voces sunt, sed unam rem significant* : Ut corpus animatum.

{ *Re & voce simul, quando & vox una est, & per illam Vocem Res una significantur* : Ut Homo, Animal.

Ex his duo manifestè consequuntur : Primum, *Quòd idem potest dici complexum et incomplexum, diverso respectu.* Nam quicquid est complexum Voce tantum, est Re incomplexum ; ut Corpus animatum : & quicquid est complexum Re tantum, est Voce incomplexum ; ut Canis. Secundum, *Quòd idem nunquam potest dici complexum et incomplexum in eodem Genere :* Ut quod est complexum Voce, non est incomplexum Voce ; & quod est complexum Re, non est incomplexum Re.

us
hujus
Divisionis.

Atque hæc de prima Divisione : Cujus usus & scopus est hic : *Res ipsæ in Prædicamentis ponuntur, Rerum signa Voces sunt.* Jam ex hac Divisione docemur, Res non semper sequi conditionem Vocum ; nec Voces Rerum. Nam quodque Res una notatur per plures Voces, & tum Complexio quæ cernitur in Voce non impedit illud esse in Prædicamento, ut Corpus animatum : Quodque Vox una Res plures & non unam notat, ut Canis, & tum Incomplexio Vocis non probat Res significatas, ut unam Rem, poni in Prædicamento.

CAP. V.

De secunda Divisione Antepredicamentali.

Ens dividi-
tur.

Sequitur Secunda Divisio, quæ est Rerum. Nam Divisum in hac Divisione est Ens, Res, seu id quod est in Rerum naturâ. Unde *Arist.* ait : *Eorum quæ sunt, alia, &c.* Quare Divisio hæc non est Generis in Species (Ens enim Genus non est) sed æquivocæ vocis in sua æquivocata, vel in res quas æquivoce significat.

Omne Ens, vel
est Substantia
vel Accidens.

Divisio hæc Entis dupliciter fieri potest. Primo sic : *Omne Ens vel est Substantia, vel Accidens.* Hoc sic probat *Arist.* & rectissime : Omne Ens vel inest in subiecto, vel non inest in subiecto. Nam cum hi duo termini contradictorii sint, necesse est unum eorum de quovis Ente dici. Jam *quodcumque Ens inest in subiecto est Accidens. Quodcumque verò Ens non inest in subiecto, est Substantia :* Illud enim Accidentis, hoc Substantiæ proprium est. Quare *Omne Ens vel erit Substantia, vel Accidens.*

Ens omne vel
est universale
vel Individuum.

Alio modo Divisio hæc sic fieri potest : *Omne Ens vel est universale, vel Particulare aut Individuum.* Hoc sic probat *Arist.* Omne Ens vel dicitur de subiecto, vel non dicitur de subiecto ; nam hi duo termini contradictorii sunt, idcircoque alterum eorum de quovis Ente dici debet. Jam *Quodcumque Ens dicitur de subiecto est universale : Quodcumque verò Ens non dicitur de subiecto est Particulare aut Individuum :* illud enim Universalis, hoc Individui proprium : Quare *Omne ens est vel universale, vel Individuum.*

Divisio tota conjunctim sic exprimi potest.

Omne Ens vel	{	Non inest in subiecto, & tum est Substantia, e- aque vel	{	Dicitur de subiecto, et tum est Substantia universalis, ut homo.
				Non dicitur de subiecto, et tum est Substan- tia particularis, ut Socrates.
{	Inest in subiecto, & tum est Accidens hosque vel	{	Dicitur de subiecto, et tum est Accidens universale, ut Albedo.	
			Non dicitur de subiecto, et tum est Acci- dens particulare, ut hæc Albedo.	

Uc

Ut hæc Divisio facilius intelligatur, tria considerata sunt, quorum usus est frequentissimus. Primò, Quid hoc loco intelligatur per *Subiectum* : Secundò, Quid hic significet esse in *Subiecto*. Tertiò, Quid significet hic, dici de *Subiecto*.

Subiectum vocatur illud omne cui aliud quocumque modo inest, sive essentialiter, sive accidentaliter : seu omne illud quod subicitur alteri prædicato sive essentiali, sive accidentali. Ut Homini inest Animal, & Rationale, & Risibile, & Doctrina : quare Homo istorum omnium Subiectum vocatur.

Subiectum est duplex, { Inhesionis, cui aliquid Accidens inhaeret : tale subiectum est Homo respectu Risibilitatis, Doctrinæ, & omnium omnino suorum Accidentium, sive propria sint, sive contingentia & communia. *Subiectum duplex.*
Prædicationis, de quo aliquid essentialiter prædicatur : tale subiectum est Homo respectu Animalis, & Rationalis, & omnium suorum essentialium prædicatorum.

Hinc duo manifestè consequuntur. Primum, Quòd idem potest esse subiectum & Inhesionis & Prædicationis, sed diverso respectu, nunquam autem eodem ; ut Socrates est subiectum Inhesionis respectu Doctrinæ, & est subiectum Prædicationis respectu Hominis, Animalis, & omnium essentialium prædicatorum de ipso. Impossibile est autem ut respectu Animalis sit subiectum & Inhesionis & Prædicationis ; tum enim Animal esset Socrati & essentialiter, & Accidentale. Secundum est, Quòd tam in hac secundâ divisione, quam in proprio & strictè loquendi Genere, quotiescunque aliquid dicitur *Inesse in subiecto*, ibi oportet intelligi subiectum Inhesionis, & non Prædicationis, nisi ex circumstantiis sermonis aut scripti aliud constet : Iterùm, Quotiescunque aliquid dicitur, *Dici de subiecto*, ibi intelligi oportet subiectum Prædicationis, & non Inhesionis, nisi ex circumstantiis aliud constare poterit. Hæc de Primo, quid per subiectum hic notetur.

Secundò explicandum est quid sit *Esse in subiecto* seu *Inhaerere*. Nam hæc duo (quod *Inesse in subiecto* sedulo observa) pro eodem sumuntur. Definitur autem ab Aristotele in hunc modum ; *Inesse in subiecto* seu *Inhaerere* alteri, est inesse in aliquo, non ut pars ejus cui inest, nec ut possit separari ab eo cui inest, interim ut ipsum maneat. Sic doctrina inest in homine, & omnia omnino accidentia in suis subiectis Inhesionis. Ut autem hæc Definitio rectius teneatur, considerandum est primò, Genus seu id quod loco Generis hic ponitur ; secundò, Differentia. Genus in hac definitione est *Inesse in aliquo*, Hoc enim multò latius patet quàm *Inesse in subiecto*. Nam *Inesse in aliquo* complectitur octo diversos modos Inessendi in aliquo, qui sunt hi :

- Aliquid dicitur Inesse in alio octo modis :
1. *ut pars integralis in toto*, ut manus & pedes insunt homini.
 2. *ut totum integrale in omnibus partibus* : sic homo dicitur esse in capite, pectore, & in reliquo trunco corporis.
 3. *ut Species in Genere*, & tale dicitur inesse potestate in altero, quia in illius ambitu continetur ; sic homo inest in Animali.
 4. *ut Genus in Specie* : & tale dicitur inesse actu in altero, quia inest ut pars ejus essentialis : sic Animal inest homini ; & ad hunc Inessendi modum refertur Differentia, quæ similiter inest Speciei, ut Genus, utrumque enim actu & essentialiter inest.
 5. *ut Accidens in suo subiecto Inhesionis*, sic albedo inest parieti, calor aquæ, doctrina Socrati.
 6. *ut Rex in Regno*, id est, secundum Authoritatem, quia per totum regnum ejus autoritas extenditur.
 7. *ut res in fine*, qua ad finem ordinatur, & propter eum appetitur : sic virtus dicitur esse in felicitate. Et hinc vulgo verèque dicitur, quod qui
- Octo modi Inessendi in Alio.*

qui vult finem, media omnia velle putatur, quia media omnia in fine sunt, ut ordinata ad ipsum.

8. ut locatum in loco, ut Socrates in domo, domus in aëre, aër in cœlo.

Hi omnes modi, ut facilius memoria teneantur, duobus his versiculis comprehenduntur :

Insunt Pars ; Totum ; Species ; Genus ; & Calor igni : Rex in regno ; Res in Fine ; Locoque locatum.

Ex his jam octo modis Inessendi in alio, unus tantum est, quo aliquid dicitur Inesse in subiecto seu inherere. Is est quintus : Atque is unicus modus est ille quem definivimus, cuiusque Definiti. meritò diximus, Genus fuisse, Inesse in aliquo.

Sequitur Differentia in definitione posita. Ea duas particulas continet : prior est hæc, ut id quod inest in subiecto, non insit tanquam pars, nempe ejus cui inest. Ut calor qui inest in aqua aut igne, non est pars ignis, aut aquæ : potest tamen esse pars alterius, ut calor est pars Qualitatis, & Qualitatis tangibilis. Hoc facilius intelligetur, si quoruplex sit Pars, itémque Totum declaremus.

Pars est triplex.

Pars est triplex,

Integralis, quâ Totum sit integrum, & sine quâ Totum non est integrum, sed mancum, & mutilum. Tales Partes sunt manus, pedes, digiti, brachia humani corporis ; sine ullo enim horum homo mutilus est.

Essentialis, quæ est de essentia illius Totius cujus est Pars. Talis Pars est omne Genus, & Differentia, respectu eorum de quibus prædicantur.

Subjektivæ, vel universales, quæ unâ cum aliis Partibus ita alicui Toti subjiçiantur, ut sui potius universalem essentiam in se actu recipiat, & ut suam essentiam in se contineat : Sic Homo & Brutum sunt Partes Subjektivæ tam respectu Animalis, quàm Sensibilis, quæ est Differentia Animalis.

Ex quo etiam Quoruplex sit totum, & quid unumquodque sit videre licet.

Totum Triplex.

Totum est triplex,

Integrale, quod ex partibus omnibus integrantibus fit, ita ut sine ulla ipsarum non sit integrum. ; ut Homo respectu pedum, manuum, & aliorum membrorum Corporis.

Essentiale, quod constat ex partibus essentialibus. Sic omnis Species respectu sui Generis, & Differentiæ.

universale, quod (ut Aquinas recte notat part. 1. quæst. 77. art. 1.) universalem suam essentiam, pluribus Partibus sibi subjeçtis communicat, deque eis essentialiter prædicatur. Tale Totum est omne Genus respectu suorum inferiorum, & omnis Differentia respectu eorum de quibus mediâtè prædicatur. Nam immediâtè dicitur solum de uno, nihil autem potest esse Totum respectu unius tantum : quia Totum plures Partes semper respicit.

Ex his liquidò sequuntur hæc sex Conclusiones :

1. Idem potest simul esse Pars Essentialis, & Subjectiva, diverso respectu. Vt Animal est simul Pars Essentialis, respectu Hominis & Socratis, & Pars Subjectiva, respectu Viventis & Corporis.

2. Idem potest simul esse Totum Essentiale, & Totum universale respectu diversorum. Ut Homo est Totum Essentiale respectu Animalis, & Vniversale Totum respectu Socratis & Platonis.

3. Idem potest esse simul & Pars & Totum, idque respectu ejusdem rei, si Totum & Pars sumantur diverso modo. Nam omnis Pars Essentialis, est etiam Totum Vniversale : ut Animal, est & Pars Essentialis, & Totum Vniversale, respectu Hominis & Bruti : sic Rationale respectu Socratis & Platonis. Itidem omnis Pars Subjectiva seu Vniversalis, est Totum Essentiale respectu ejus cujus est Pars Subjectiva seu Vniversalis : Vt Homo est & Pars Subjectiva, & Totum Essentiale respectu Animalis.

4. Idem nunquam potest esse Pars Essentialis, & pars Subjectiva seu universalis respectu ejusdem. Nam si sit Pars Essentialis ejus, est naturâ prius eo ; si sit Pars Subjectiva ejusdem, est posterius naturâ eo. Nihil autem potest esse naturâ prius & posterius respectu ejusdem.

5. Idem nunquam potest esse Totum Essentiale, & Totum universale respectu ejusdem. Nam si sit Totum Essentiale, est naturâ posterius ; si sit Totum Vniversale, est naturâ prius eo cujus est Totum.

6. Idem nunquam potest esse simul Pars & Totum respectu ejusdem, si Pars et Totum sumantur in eodem sensu, prout unum opponitur alteri : Vt nihil potest esse Pars Integralis alicujus rei, & Totum Integrale respectu ejusdem : Nihil etiam potest esse Pars Essentialis ullius rei, & Totum Essentiale respectu ejusdem : sic nec Pars Vniversalis, & Totum Vniversale respectu ejusdem esse potest ; nam tum opposita, & ea quæ implicant contradictionem de eodem dicerentur.

Sed quare omittitur Pars Potentialis, & Totum Potentiale ; talem enim Partem & tale Totum statuit Thom. part. 1. quæst. 76. art. 8. & 2. secundæ, q. 48. atque alii Scholastici. Fateor tale membrum ab Aquinate, aliisque poni : Et tale Totum dicunt Animam esse respectu suarum Facultatum, & tales Partes vocant facultates ipsas sentiendi, appetendi, &c. respectu Animæ. Sed nulla ratio est cur ista vel Totum, vel Partes vocentur. Nam Anima substantia est, illæ facultates Accidentia : quis autem rectè vocet Accidentia Partes Substantiarum ? Quod si illæ Partes sint Potentiales Animæ, profectò pari jure potentias ridendi, flendi, volendi, nolendi, discendi, dicas Partes esse Hominis : quod omnino alienum est à ratione & ab usu loquendi.

Sed Deus Totum quoddam est, & tamen nec Integrale, nec Essentiale, nec Vniversale. Dicitur enim Deus esse Totus in Toto mundo, & Totus in qualibet Parte ejus. Sic Anima Rationalis dicitur Tota in Tota, & Tota in quavis Parte, nec tamen videtur esse Tota juxta aliquem modum istorum trium, quare Divisio manca est.

Respondeo, Totum aliquando sumi Absolutè, quo eo quod perfectum est : Et sic tam Anima quàm Deus Totum dici possunt : aliquando Respectivè, pro eo quod constat ex Partibus : Et sic nec Deus nec Anima (si de Partibus Integrantibus loquaris) Totum dici possunt. Hanc responsionem habes apud Bonav. in 1. Sentent. dist. 19. q. 1. nu. 34, 35. Potest & sic responderi. Totum vel sumi Positivè, pro eo quod continet in se omnes Partes ; & sic nec Deus, nec Anima (si intelligas Partes Integrales) Totum dici potest : vel Privativè, pro eo cujus nihil est extrâ, vel cui nihil ipsius deest : Et hoc sensu Deus dicitur esse Totus in quavis Parte mundi, quia in nulla mundi Parte aliquid Dei deest. Itidem & Anima Tota dicitur in quavis Parte humani corporis. Nos Totum illud quod Respectivè sumitur

Dub.

Sol.

Dub.

Sol.

*Quod inest in
subjecto non
est Pars ejus.*

mitur & Positivè distinguimus, quia illud maximè vulgare est ipsius significatum. De Toto ut sumitur pro Perfecto, aut Privativè, nihil attinebit hâc dicere.

Explicatis jam Partis, & Totius significationibus, sensus illius particulæ quæ in Definitione posita fuit, clarior est. Cum enim dicitur, quod [*Illud quod inest in Subjecto, non inest ut Pars;*] sensus est, quod neque est Pars Integralis, neque Essentialis, neque Subjectiva aut Universalis ejus cui inest. Alterius quidem potest esse Pars, vel essentialis, ut Color, Albedinis; vel Subjectiva aut Universalis, ut Albedo, Coloris: vel Integralis, ut pars Albedinis inherens in Chartâ, Totius illius Albedinis pars integrans est: Sed subjecti sui, cui inest, pars nullo modo esse potest: Non Essentialis, nam sine doctrinâ quæ inest Socrates esse potest: non Integralis, nam sine doctrinâ integer homo esse potest: non Subjectiva aut Universalis, nam de doctrinâ, Socrates essentialiter non potest prædicari.

Addendum verò est, quod sicut illud quod inest in subjecto non est pars ejus cui inest, ita neque est pars ullius tertii cum ipso cui inest, sic ut ex ipsis conjunctis, essentialiter constituatur ullum tertium. Quod ideo additur, quia Anima Bruti inest in corpore Bruti, & quævis forma in materiâ (exceptâ Animâ rationali) & non est pars ulla corporis Bruti, nec potest ab eo corpore separari quin statim intereat. Et tamen non inest anima Bruti in corpore illius, ut accidens in subjecto; est enim Substantia, ideoque in subjecto inesse non potest. Quomodo igitur excludis? Quia Anima illa, licet non sit pars corporis Bruti, est tamen cum ipso corpore, pars alterius tertii, quod ex utrisque fit & constituitur, nempe Bruti. Accidens verò nec pars est ejus cui inest, nec pars ullius tertii cum ipso.

Porro etiam observandum est, quod sicut illud quod inest in subjecto, non est pars, ita multò minus est Totum ejus cui inest. Aliorum quidem Totum, quovis trium modorum esse potest, vel Totum Integrale, ut albedo in pariete, partium omnium illius albedinis: vel Totum Essentiale, ut albedo respectu sui Generis, & Differentiæ: vel Totum Universale, ut albedo respectu hujus & illius albedinis. Sed illius subjecti cui inest & inheret, Totum nullo modo esse potest, neque Integrale, neque Essentiale, neque universale. Hæc de explicatione prioris partis Differentiæ.

*Quod inest in
subjecto non
manet si sepa-
retur.*

Alterâ Differentiæ particula est hæc, quod illud quod inest in subjecto, non potest separari ab eo cui inest: vel ut *Arist.* significanter ait, *non potest esse sine eo in quo est.* Sensus apertus est: Separari quidem potest à subjecto cui inest, ut doctrina ab Homine, calor ab aquâ calefactâ, sed cum separatur non manet, non diutius est aut existit, sed planè interit. Subjectum sine ipso quod ei inest, manere & existere potest; at accidens, vel id quod inest in subjecto, sine illo subjecto in quo semel est, manere aut existere nullo modo potest. Cujus ratio est, quia *Accidentis esse est inesse*, ut præter alios *Aquinas* disertè docet part. 1 quæst. 28. art. 2. Et si in subjecto non inesset, tum esset Substantia: quicquid enim se sustentare potest, & existere per se, sine inherentiâ in alio, id Substantiâ est, ut ex ipsâ hac Divisione liquet. Quare quod nonnulli jactitant de accidentibus quibusdam existentibus & manentibus postquam à subjecto cui inerant separata sunt, adeoque sine ullo omnino subjecto cui jam insint inhæreantvè, vanissima somnia sunt, deque his

— Miranda canunt, sed non credenda Sophista.

Observa autem, quod in hac verissimâ *Aristotelis* sententiâ, fundatur illud Axioma, de quo in Cap. de accidente egimus, quod *Nullum Accidens migrare potest ab uno subjecto in aliud.* Nam si posset ita migrare, tum posset separari ab eo cui semel inest, & tamen manere; at quamprimum separatur interit.

*Dub.
Sol.*

Quod si dicas, calorem ab igne in aërem; ab aëre in astantes migrare: si odorem à pomo in manum, lumen à sole in medium: Solutio vulgata & vera est, quod calor ignis non migrat ex igne, sed generat novum calorem in aëre, & ille alium novum in astante: Ita non est idem numero calor qui migrat ab uno in aliud subjectum, sed novus ab alio generatus. Quod idem de odore, lumine, aliisque omnibus similibus dici debet.

Acti.

Addi verò huic particulæ explicationis ergò oportet, quòd sicut illud quod inest in sub- *Accidens non*
 jecto, non potest separari à Toto illo subjecto cui inest, Ita nec separari potest ab ulla migrat ab ulla
Parte illius subjecti, in quâ semel inheret, nec ab illa Parte in aliam ullam ejusdem aut Parte subjecti
alterius subjecti transire aut migrare. Quod idcirco additur, quia Socrates, hic equus, in aliam.
 hic vermis & quodvis aliud Individuum simile, inest in mundo : nec est Pars mundi, vel
 Essentialis, quia tum corrupto vermiculo quovis, mundus Totus interirer : vel Subjectiva,
 quia tum de vermiculo mundus diceretur essentialiter, & verè diceres, Hic vermiculus est
 Totus mundus : vel Integralis, quia tum sine vermiculo quovis, mundus esset mancus &
 mutilus : Pars igitur non est mundi, & à mundo separari non potest vermis, aut Socrates
 interim aut sint, nam extra mundum nusquam essent, idèòque nec essent : tamen certum est,
 nihil istorum esse in mundo ut Accidens in subjecto, cum omnia ista Substantiæ sint. Quo-
 modo igitur excludas ? Quia unumquodque horum licet à Toto mundo separari non possit
 & manere, tamen ab hac aut illa Parte mundi in aliam Partem migrare possunt aut trans-
 ire, & manere. Accidens verò nec à Toto subjecto, nec ab illâ ipsius parte cui semel
 inest, separari potest aut migrare.

Hæc ad explicandam definitionem illam Inherendi, seu Essendi in subjecto, cujus tam *Omne Acci-*
 multiplex est & necessarius usus, dicta sunt. Ex quo nunc evidenter liquet quòd sedulo *dens, idque*
 tenendum est, *Omne Accidens inesse seu inherere in subjecto : & Quicquid in subjecto subjecto.*
inest seu inheret, esse Accidens.

Supereft tertium illud quod explicandum proposuimus, nempe quid sit in hac Divisione
 Dici de subjecto. Quod ex hac distinctione facile intelligi potest.

*Aliquid dici-
 tur de alio
 dupliciter :*

Essentialiter, quod est de essentiâ ejus subjecti de quo dicitur ; & subje-
 ctum talis prædicati est semper subjectum prædicationis, nunquam in-
 hætionis : sic Animal dicitur de Homine.
Accidentaliter, quod est Accidens ejus subjecti de quo dicitur : & sub-
 jectum talis prædicati semper est subjectum inhætionis, nunquam præ-
 dicationis ; sic album dicitur de Homine.

*Dici de subje-
 cto quid sit.*

Et si aliis locis frequenter dicere solemus, quodvis Universale dici de suo subjecto, ubi *Dici*
de, sumitur generaliter, pro omni eo quod dicitur de alio sive essentialiter, sive accidentaliter :
 & subjectum sumitur vel pro subjecto Inhætionis, vel Prædicationis ; tamen in hac
 Divisione, Dici de subjecto sumitur strictius, pro eo tantum quod essentialiter dicitur ; &
 subjectum sumitur tantum pro subjecto Prædicationis : Idèòque quicquid juxta hujus Divi-
 sionis sensum asseritur Dici de subjecto, illud pro essentiali prædicato de isto subjecto acci-
 piendum est.

Hæc de secundâ Divisione satis multa dicta sunt, quam idcirco *Arist.* præposuit Prædica- *Scopus hujus*
 tionis, ut esset veluti fundamentum totius sequentis Tractationis. Ex hac enim Divisione *secundæ Divi-*
 ista sequuntur : *tionis.*

1. *Omne Ens est vel Substantia vel Accidens*; quod antè probatum est: Unde hi ver-
 sicuti commodè inventi sunt :

*Summus Aristoteles trutinando cacumina rerum,
 In duo divisit quicquid in orbe fuit.*

2. *Omne Ens est vel universale, vel Individuum* : hoc etiam antè probatum est.

3. *Omne Ens sive sit Substantia, sive Accidens, sive universale, sive singulare, ali-*
quo modo ad Prædicamenta spectat, & in eis ponitur. Nam Prædicamenta sunt Classes,
 ad quas Res omnes suo ordine referendæ sunt.

G

4. *Quic-*

4. *Quicquid in ullo Prædicamento, ullo modo ponitur, illud vel est Substantia vel Accidens.* Hoc apertum est, quia quicquid est in Prædicamento ullo est Ens; Omne autem Ens est vel Substantia vel Accidens.

5. *Quicquid in ullo Prædicamento, ullo modo ponitur, illud est vel universale, vel Individuum.* Nam omne Ens est horum alterum.

CAP. VI.

De Primâ Regulâ Antepredicamentali.

Prima Regula
Antepredica-
mentalis.

Tenet genera-
liter in Essen-
tialibus.

Scopus Regula
primæ.

Post Definitiones, & Divisiones sequuntur Regula Antepredicamentales, quæ sunt duæ. Prior est hæc: *Quicquid dicitur de prædicato, dicitur etiam de subiecto illius prædicati*; ut quicquid dicitur de Animalis, idem de Homine & Bruto dicitur.

Et quidem si *Dici de*, sumatur hic ut in secundâ Divisione, pro *Dici essentialiter*, & subiectum pro subiecto prædicationis, tum hæc Regula non solum generalis est, nec exceptionem ullam admittit, sed etiam certissima, sensusque illius facilis & expeditus: Is est hic: *ut, Quicquid dicatur essentialiter de superiori, illud etiam essentialiter dicatur de inferiori.* Si verò exponas hanc Regulam de prædicatis accidentalibus, non tenet in illis. Nam Album prædicatur de Homine, non tamen de omni subiecto Hominis; non enim de Æthiope. Quare? quia Album accidentaliter dicitur de Homine, idèoque de aliquo Homine dici potest, non de omni. Sic Quadrupes & Volatile prædicantur accidentaliter de Animalis, sed non prædicantur ne accidentaliter quidem de omni subiecto Animalis; non enim de Homine. Et eadem de causâ fit ut licet *Species, & universale*, dicantur de Homine, tamen non prædicantur de Socrate, aut Platone, quæ sunt subiecta Hominis; quia prædicantur solum accidentaliter (ut aliæ omnes secundæ Intentiones) de Homine.

Genuinus igitur sensus hujus Regulæ est, ut de *Essentialibus prædicatis* exponatur: in hac enim Regulâ scopus fuit *Aristoteli*, indicare summè necessariam prædicationem superiorum omnium de omnibus suis inferioribus, cum nihil de illis essentialiter dicatur, quod idem de his non dicitur.

CAP. VII.

De Secundâ Regulâ Antepredicamentali.

Regula secun-
da.

Genera Sub-
alterna quæ.

Secunda Regula Antepredicamentalis sequitur, quæ est hæc: *Genera subalterna possunt habere aliquas easdem Differentias & Species, sed Genera non subalterna, nullas easdem vel Differentias, vel Species habere possunt.* Quod facile intelligetur si explicetur quæ Genera vocentur hoc loco subalterna, & quæ non subalterna.

Ea Genera
vocantur

Subalterna, quorum vel unum ponitur sub altero (sic Animal & vivens) vel ambo sub ullo tertio, sic Animal & Planta, sub vivente & corpore: Corpus, & Spiritus, sub Substantia; & sic omnia Genera ejusdem Prædicamenti subalterna sunt.

Non Subalterna, quorum neutrum ponitur sub altero, nec ambo sub ullo tertio: talia sunt omnia Genera posita in diversis Prædicamentis.

Hinc

Hinc sensus Regulæ facilis est : Genera subalterna habent easdem Differentias & Species. Nam omnis Differentia Constitutiva superioris, est Constitutiva etiam inferioris, licet non immediate : & omnis Differentia Divisiva inferioris, est etiam Divisiva superioris, sed non immediate : idcircoque omnis Species inferioris, est etiam Species superioris ; ut Homo & Brutum sunt Species Viventis, Corporis, & Substantiæ ; & rationale ac irrationale, sunt Differentiæ Divisivæ eorundem, quia ista sunt Species, & Differentiæ Divisivæ Animalis.

Genera non subalterna, id est, talia quæ ponuntur in diversis Prædicamentis nullas omnino Differentias easdem vel Constitutivas, vel Divisivas, nullas etiam Species easdem habere possunt : ut nihil quod est Differentia, vel Species Qualitatis, potest esse Species, vel Differentia Relationis, & sic in Reliquis.

Ex hoc perspicue consequens est, Nihil posse poni sub duobus summis Generibus, aut in Scopus secundæ diversis Prædicamentis ; tum enim sequeretur eandem Differentiam dividere duo Genera de Regula. non subalterna, & eandem esse Speciem utriusque : quod apte negat Arist. in hac secundæ Regula. Quia & hic fuit omnino scopus Aristotelis in proponendâ hac Regulâ, indicare maximam distantiam inter omnia Prædicamenta, quæ ita invicem distincta sunt, ut impossibile sit unam atque eandem rem in diversis collocari.

Atque hæc de omnibus Antepredicamentis dicta sunt.

CAP. VIII.

Quid sit Prædicamentum, & quot modis aliquid sit in Prædicamento.

HAstenus de septem Antepredicamentis egimus. Sequitur nunc tractatio ipsorum Prædicamentorum. De Prædicamento verò dicendum est 1. in Genere, tum in Specie.

De Prædicamento in } 1. Quid sit Prædicamentum.
Genere tria expli- } 2. Quot modis aliquid sit in prædicamento.
canda sunt : } 3. Quæ leges de Prædicamentis tenendæ sint.

Prædicamentum est distincta Classis vel Series Rerum, in qua rectè legitimeque disponuntur omnia ad illam Seriem spectantia, in eoque collocanda, sive sint Genera, Species, tum quid. Differentiæ, Propria aut Individua, sive principia aut termini horum.

Ex quo liquet quod si quis plene & perfecte Prædicamenta omnia cognosceret, is Rerum omnium perfectam plenamque scientiam haberet. Sed Aristoteli mens non fuit, accuratam Rerum scientiam hic tradere, sed levem quandam Rerum notitiam exhibere, quo facilius ad reliqua aditus patefieret. Quare si multa quæ ad Rerum cognitionem pertineant, tum in Aristotelis, tum in hoc nostro Tractatu desunt, culpâ id vacat : nam aliqualem solum, non plenam Rerum tractationem hic instituimus.

Post descriptionem Prædicamenti, videndum est quot modis Res in Prædicamentis sint & locentur.

*Tripliciter Res
sunt in Prædi-
camentis.*

*Aliquid est in
Prædicamento
tripliciter,*

Directè, à quo per rectam lineam ad Individua descenditur; & sic omnia Genera, Species, & Individua locantur.
A Latere, quod collateraliter adheret alicui Generi aut Speciei, quodq; unâ cum Genere Speciem constituit; & sic omnes Differentiæ sunt in Prædicamentis.
Reductivè aut Relativè, quod nec sub Genere directè ponitur, nec à latere ei adheret, sic ut cum ipso Speciem constituit; pertinet tamen ad illud Genus aut Speciem vel ut principium illius, ut Deus; vel ut Terminus, ut Punctum & Instans; vel ut affectio, ut Propria omnia quæ in nullo Prædicamento directè locantur.

Hæc aut huiusmodi aliqua distinctio, necessariò admittenda est. Nam *Res omnino Omnes in Prædicamentis aliquo modo locantur*, aliter hæ Classes Rerum essent imperfectæ. Certum autem est, Differentias non poni directè sub Generibus summis, tum enim Species essent istorum Generum, & non Differentiæ: quare alio modo locari in serie necesse est: eum nos dicimus, collateraliter poni: Si quis aptiorem vocem inveniat, eâ per me utatur. Idem dicendum de Puncto, Instanti, & Unitate, & si quæ sint similia. Certum est, hæc nec esse Quantitates, nec collateraliter Quantitati adherere; quia non constituent essentialiter ullam Speciem Quantitatis: quare cum Entia sint, & termini aut principia Entium, nec in alio ullo Prædicamento nisi in Quantitate posita, aliquis modus exco- gitandus erat, quo dici possunt in Quantitate poni: Hoc nos per Reductionem, aut Relativè inesse dicimus, gratias eis acturi qui rectius & significantius vocabulum adinvenerint. Dum id fiat dicere liceat cum Aquinate, parte 1. q. 3. art. 5. Per reductionem esse in Prædicamento, aut quod idem valet, Reductivè, vel Relativè. Et quamvis Aquinas loco citato negat *Deum in ullo genere per Reductionem poni*, is tamen re melius ponderatâ, in Quæst. disp. tract. de Potentia Dei, q. 7. art. 3. ad 7. expresse contrarium docuit, Deum, scilicet, esse reductivè in genere Substantiæ. Ejus verba digna sunt, quæ hic apponantur: *Licet, inquit, Deus non pertineat ad genus Substantiæ: quasi in Genere contentum, sicut Species, vel Individuum sub Genere continetur, potest tamen dici quod sit in Genere Substantiæ, per reductionem, sicut Principium, & sicut Punctum est in genere Quantitatis continetur, & unitas in genere Numeri.* Sic Aquinas. Addam ego, quod hoc eodem modo, Deus in quovis esse Prædicamento, dici potest. Nam cum sit omnium aliorum Entium principium, certe quocunque in Genere Entia ulla directè ponuntur (hoc autem fit in omni Prædicamento) in eodem Deum reductive poni, vel ad id, ut illorum Entium principium reduci vere dici potest. Sed quia Substantia omnibus Accidentium Generibus & natura prior est, & dignitate longe præstantior, & quia nihil satis dignè de Deo dicere nunquam possumus, ideo non ad Accidentium Prædicamenta, sed ad Substantiam, quæ omnium dignissimum est, eum reduci, aut in eo reductive poni, dicere solemus.

Dub.

De Puncto autem, Instanti, Unitate aliisque similibus, difficultas, eaque non levis, occurrit: videntur enim hæc non reductivè sed directè in serie Prædicamentali locanda. Nam species omnes directè in Prædicamentis ponendæ sunt, quia Generi summo directè subjiciuntur. Punctum autem, Instans, & unitas Species sunt cum sint Universalia, quæ prædicentur de pluribus differentibus Numero tantum, in quid: ut Punctum de hoc & illo Puncto; Unitas, de hac & illâ Unitate.

Sol.

Idem omnino huic argumento respondendum est, quod de Differentiis omnibus Logicis, deque omnibus Propriis, quæ non sunt Species, responderi debet.

Nam ut Punctum & Unitas, ita Corporeum, vegetativum, sensibile & similia, sunt Universalia; & de pluribus Numero tantum differentibus prædicantur: ut vegetativum, de hoc & illo vegetativo, sensibile de hoc & illo sensibili: vel (loquendo cum Physicis) anima vegetativa, & sensitiva de hac & illâ animâ vegetante, & sentiente. Quocunque igitur modo,

modo, tu animam vegetativam & sensitivam *Species* dixeris, eodem planè & ego, Punctum ac Unitatem *Species* dicam. Et quomocūque tu dixeris, animam vegetativam (licet prædicetur de hac & illâ animâ vegetativâ) non tamen poni *directè* in Prædicamento, itidem planè & ego dicam, de Puncto & Unitate; utraque autem difficultas (quod hic notatu dignum duxi) sic, ut ego sentio, solvi potest.

Species est duplex, una qua est subijcibilis Generi, & prædicabilis de individuis: Altera qua est prædicabilis de suis individuis, non item subijcibilis ulli Generi. Nos in Cap. *Species duplex est.* de *Specie* sequuti Porphyrium, & Aristotelem, solū n vel saltem præcipuè egimus de *Specie* quæ tam subijcibilis est quàm prædicabilis, quia vox ista *Species* præcipuè, & in vulgari loquendi consuetudine huic soli accommodatur: & de omni omnino tali *Specie* verissimum est, quod subijcitur summo Generi, idèq; *directè* in Prædicamento locatur. Sed *Species* illæ quæ prædicabiles tantum sunt, non subijcibiles, quia non subijciuntur ulli summo Generi, nèque de illis unquam summum genus ullum prædicatur, idè illæ in Prædicamentis nunquam *directè*, sed semper vel à *latere*, vel *reductivè* ponuntur.

Admittendam autem necessariò esse hanc distinctionem Specierum, liquet, non solū ex his quæ in objectione ponuntur (*Punctum* dico, *Instans*, & *Unitatem*) sed etiam ex omnibus Differentiis Logicis, omnibus formis Physicis (exceptâ solâ anima rationali) omnibus etiam Propriis quæ non sunt *Species* in ullo Prædicamento, (qualia certè innumera sunt.) Nam ista omnia, respectu suorum Individuorum, (non autem Individuorum suarum Specierum) ut anima vegetativa respectu hujus & illius animæ vegetativæ, sunt verè *Species*, quia hoc respectu sunt sine dubio Universalis, nec vel *Genera* vel *Differentiæ*, vel *Propria*, vel *Accidentia* respectu istorum; quod evidenter liquet: quare aut plura Universalis quam quinque; statuenda sunt, aut fatendum est, hæc omnia *hoc respectu* esse *Species*. Certissimum verò est, non esse *Species subijcibiles*, nam tum nèque Differentiæ ullæ Differentiæ essent, sed *Species*; neque ulla *Propria* quæ dixi, *Propria* essent; neque Punctum, Instans, & Unitas, principia Quantitatum essent, sed verè Quantitates, & *Species Quantitatis*: quæ omnia absurda sunt & impossibilia. Quare, & esse aliquas *Species* prædicabiles tantum, non subijcibiles; & hæc quæ dixi tales *Species* esse, & tales *Species* nunquàm *directè* sed vel à *latere*, vel *reductivè* in Prædicamentis poni, agnoscendum est.

Hæc de secundo, sequuntur nunc *Leges* de Prædicamentis, quæ duæ sunt.

1. Omne Ens est in aliquo Prædicamento, vel *directè*, vel collateraliter, vel *reductivè*. Nam aliter *Classès* hæ Prædicamentorum insufficientes essent; omnes enim Res ad Prædicamenta spectant. Quorsum enim *Arist.* Divisionem illam Entis in Substantiam & Accidens præposuisset, nisi significare voluisset, omne Ens sive sit Substantia sive Accidens, in Prædicamentis locandum? *Leges de Prædicamentis.*

2. Nullum Ens sub duobus summis generibus collocari potest, idèque nec in diversis Prædicamentis. Hoc ex secundâ Regulâ Antepredicamentali manifestò consequitur, ut ibi ostendimus. Nam aliter sequeretur, eandem differentiam dividere genera non subalterna: & unum atque idem esse Speciem utriusque. *Arist.* etiam lib. 4. *Top. c. 1. nu. 5.* idem docet; ubi ait, *Ex eo probari Qualitatem non esse Genus Scientiæ, si quis dicat Scientiam poni in Relatione.* Adde quòd unius rei est una tantum essentia. Ut *Arist.* ait, 6. *Top. c. 4. nu. 2.* Quod si idem poneretur in diversis Prædicamentis, sequeretur necessariò duas aut plures esse proximas essentias ejusdem rei. Nam ab utroque genere essentiam differentem hauriret.

Ex hoc autem sequitur: Ens, Unum, Bonum, & Verum, & si quæ sint similia, quia sunt æquè omnibus Prædicamentis, revera nihil aliud esse quàm voces æquivocas, quæ nullam unam rem naturamve significant; nam si essent una res tum in unico Prædicamento locarentur. *Dub.*

At *Arist. c. de Qualitate, nu. 33.* & seq. ait, Nonnulla poni & in Prædicamento Relationis *Sol.*

tionis & Qualitatis: & in ultimis verbis ait, *Si idem sit Quale & ad Aliquid, nulla absurditas est in utrisque Generibus idem numerare.* Rectè notat Pacius, ista ab Arist. dici non ut vera, sed ut consequentia ex opinione illa veterum quàm rejicit ipse. Veteres ponebant omnia quæ quoquo modo dicuntur *ad Aliquid*, in Prædicamento Relationis. Hoc Arist. refellit. Et ait, si ita sit, tum hæc absurda sequentur, Primo, Ut idem ponatur in diversis Generibus summis. Secundo, ut Genus ponatur in uno Prædicamento, & tamen Species illius non in eodem. Et illa ultima verba irrisionem continent opinionis veterum. Si idem sit Quale & ad Aliquid, tum fatendum esset nihil esse absurdi ponere unum & idem in diversis generibus; at hoc fateri absurdissimum est. Ergo illud quod veteres dicebant absurdum est.

Hæc de Prædicamentis in Genere.

CAP. IX.

De Numero Prædicamentorum.

Sequitur specialis tractatio Prædicamentorum. Sed priusquàm ad singula procedamus, ante omnia de Numero eorum dicendum est, ut quot sint summa Genera & Prædicamenta intelligamus. Opus profectò valdè arduum & difficile, summe tamen necessarium: ut hîc meritò, vel industriam, vel acumen interpretum desideres. Nos quid probabile videbitur certis aliquot propositionibus expediemus.

*An sit unum
Prædicamen-
tum.*

*Ens non est
Genus.*

Primò videri potest esse unum tantùm Summum Genus, nempe, *Ens* (sicut docuit Pet. Ramus Animadv. lib. 3. in cap. de Specie) sub quo alia omnia continentur, ideòque unum tantùm esse Prædicamentum. De hoc igitur pono hanc Conclusionem. *Ens neque est summum Genus omnium rerum, nec verò est omnino Genus: ideòque non potest ullum Prædicamentum constituere.* Ens non esse Genus duplici ratione demonstrari potest. Primò sic: Nullum Genus de suis Differentiis prædicari potest: ut sup. lib. 1. de Differentia. Reg. 1. dictum est. Nam si de iis Genus diceretur, tum illæ non essent Differentiæ, sed Species illius Generis. At Ens prædicatur de omnibus Differentiis per quas dividi potest. Nam illæ vel sunt Entia, vel non Entia: Non Entia esse non possunt, nihil enim tum essent, ideòque nihil vel dividerent, vel constituerent. Entia igitur sunt, atque ita Ens de iis directè prædicatur; quare Ens Genus esse non potest, cum Differentias nullas habeat. Ex quo iterum sequitur, quòd *Ens nullas Species habere potest.* Nam omne Genus per Differentias dividitur in Species; & omnes Species constituuntur per Differentias quæ dividunt Genus; at Differentiæ nullæ sunt aut esse possunt Entis: quare neque ullæ Species, neque ulla Individua ipsius.

Secunda ratio est hæc: Ens tam dicitur de Deo quàm de creaturis: utràque enim in hoc conveniunt, quòd sint Ens, & neutrum non Ens dici potest. Quare si Ens Genus sit, erit sanè non minus Dei quàm aliorum Entium Genus; At nullum Genus, imò verò nihil omnino de Deo creatore univocè & essentialiter prædicari potest: ut rectè probat Aquin. lib. 1. cont. Gent. cap. 32. Et ratio hujus est manifesta. Nam omne Genus, & omne univocum prædicatum, est prius naturâ eo cujus est univocum & essentialiter prædicatum. Sed nihil Deo prius fingi potest, cum is sit Primum Ens, & fons unde alia omnia Entia suam entitatem habent, quare impossibile est ut Ens Genus sit: Multo minus summum Genus erit.

His addi potest testimonium, tum Porphy. cap. de Specie, nu. 10. qui ex Arist. docet, *Ens non nisi æquivocè prædicari*, ideòque non esse verum Genus: tum Arist. ipsius qui lib.

Perhier-

Periher. cap. 3. nu. 6. ipsum *Ens* (ut communiter sumitur) nihil esse, id est, nullam rem aut naturam notare, sed solum vocem æquivocam esse affirmat.

Secundò, videri potest *Ens finitum* esse unum summum Genus omnium, ad quod Deus, qui infinitus est, ut principium reteratur, reliqua omnia sub ipso contineantur, vel directe vel collateraliter.

De hoc pono hanc conclusionem. *Ens finitum nec est summum Genus omnium Entium Ens finitum finitorum, nec verè Genus ullius Entis.* Hoc eodem modo probatur, quo ante de Ente probavimus. Nam quascunque Differentias Entis finiti accipias, certum est eas esse Entia finita. At Genus de suis Differentiis Divisivis dici non potest. Ens igitur finitum Genus non est. Præterea cum *Ens finitum* Differentias nullas habeat, certe nec Species aut Individua ulla habere potest.

Tertiò, dubitari potest an sint duo tantum summa Genera, Substantia nimirum & Accidens. Nam cum omnes Substantiæ ad unam Classem pertineant, videtur consentaneum, ut omnia Accidentia in unâ aliâ reponantur: quia sicut Substantia unam & univocam essentiam omnibus Substantiis tribuit, nimirum hanc, *Non inesse in subiecto*; ita Accidens omnibus Accidentibus unam & univocam naturam tribuit, nempe hanc, *Inesse in subiecto*. Quare aut neutrum, aut utrûmque pro uno summo Genere habendum est, cum utriusque par sit ratio: & sane *Timpl.* lib. 5. *Metap.* cap. 1. q. 13. uti Substantiam, ita Accidens omnium Accidentium univocum Genus statuit.

Ut hoc expediam, pono duas Conclusiones: Prior est hæc: *Substantia est verè unum summum Genus & unum Prædicamentum, in quo omnes Substantiæ continentur.* Ratio est, quia Substantia omnibus suis inferioribus unam tribuit & univocam naturam. Illa autem non est ista cujus in dubitatione mentio fit (*non inesse in subiecto*) sed hæc, esse ultimum prædicamentum subiectum Accidentium. Atque ad hoc unum Genus omnes Substantiæ spectant, vel ut Principia, vel ut Differentia, vel ut Species & Individua.

Secunda Conclusio est hæc: *Accidens non est unum summum Genus omnium Accidentium, nec verè Genus est omnino ullorum, idèoque ad ipsam ut ad unum Prædicamentum est Genus.* omnia Accidentia non possunt referri. Hoc eodem fundamento nititur, quo illud quod de Ente, & Ente finito diximus. Nam quascunque Differentias Accidentis sumas, illæ Accidentia erunt sine dubio. Etenim Entia sunt, non Substantiæ: nam Substantia de essentia Accidentis esse non potest. Quod si Accidentia sint, tum Accidens Genus esse non potest, quia nullum Genus de Differentiis suis prædicatur. Cumque Accidens Differentias non habeat, certe nec Species ulla aut Individua habere potest. Atque hinc ulterius consequitur, *Accidens, quod de omnibus Accidentibus prædicatur, non esse quid reale, neque rem ullam aut naturam communem & univocam notare,* (tunc enim verè Genus esset.) Sed esse solum vocem æquivocam quæ de omnibus Accidentibus æquivocè prædicatur; quod idem de Ente, & Ente finito dicendum est.

Dices, hæc eadem ratione probari posse nec Substantiam quidem esse Genus, quia verè de omnibus suis Differentiis prædicatur. Etenim omnes Differentiæ substantiales vel sunt Substantiæ, vel Accidentia. Accidentia esse non possunt, quia Accidens non potest esse de essentia ullius Substantiæ. Respondeo, verissime quidem istâ Ratione probari, Substantiam illam quæ de Differentiis substantialibus prædicatur, non esse Genus. Nec sane est: Sed æquivoca solum vox, ut *Ens*: Ea verò Substantia describitur per *Non inesse in subiecto*. At Substantia quæ est summum Genus describitur, per *Substare Accidentibus, quodq; est ultimum subiectum cui Accidentia inherent.* Hæc autem Substantia de nullâ ipsius Differentiâ dicitur, tunc enim Genus esse non posset, sicut ob hanc eandem rationem, Accidens Genus omnium Accidentium non est.

Quartò videri potest, Tria tantum esse, non plura Prædicamenta aut summa Genera. Unum Substantiæ, Alterum Accidentium Absolutorum, Tertium Accidentium Respectivorum. Ratio dubitandi est, quia videntur omnia Accidentia absoluta ad unum summum Genus referri posse, nempe *Accidens absolutum*, cujus essentia una eademque omnibus communicatur, nempe habere essentiam absolutam, & non ad aliud relata. Idem, respectiva omnia videntur

Dab.

Sol.

An sint Tria Prædicamenta.

videntur ad aliud unum summum Genus referri, nempe *Accidens respectivum*, cujus essentia una eademque est omnibus communis, nempe *in sua essentia ad aliud referri*. De hoc pono quatuor Conclusiones.

Accidens absolutum non

1. Est hæc : *Accidens absolutum non est omnino Genus, nedum summum Genus, aut unum Prædicamentum in quo omnia Accidentia absoluta reponuntur*. Ratio eadem est, quæ prius est exposita. Nam *Accidens absolutum*, de omnibus suis Differentiis quibus dividi potest verè prædicatur, Accidentia enim sunt, & non respectiva; quia tum Species quas constituunt non possent esse entia absoluta. Genus verò de nullis Differentiis ipsius prædicatur. Quare *Accidens absolutum* cum nullas Differentias habeat, aut habere possit, per quas dividatur, certè neque Species ullas habet in quas dividi potest: ideoque Genus nullo modo dici potest. Sed sicut Ens, Ens finitum & Accidens, est tantum æquivoca vox quæ de omnibus Accidentibus absolutis æquivoce prædicatur.

Etsi verò *Accidens absolutum* Genus non sit, tamen ea quæ per illam æquivocam vocem notantur, Genera summa verè sunt. Sunt autem duo, quæ sine omni dubitatione pro absolutis agnoscuntur, *Quantitas & Qualitas*. De priori pono hanc quæ est secunda Conclusio:

Quantitas est secundum Prædicamentum.

Quantitas est verè summum Genus & secundum Prædicamentum, in quo omnes Quantitates earumque Differentiæ & termini reponuntur. Hoc inde liquet, quia *Quantitas* vere notat realem naturam multis communem, nempe omnibus Speciebus *Quantitatis*. Ea verò est, per quam subjectum denominatur *Quantum*, quod æque *Lineæ, Superficieci, Tempori, ac Numero* convenit. Genus igitur est. Supra ipsam verò nihil est, aut fingi potest nisi *Ens, Ens finitum, Accidens, & Accidens absolutum*; horum autem nullum Genus esse ante declaravimus. Quare est summum Genus, ut ab Aristotele ponitur. In hoc autem Prædicamento, Species omnes *Quantitatis directè, Differentiæ collateraliter, Termini verò reductivè* reponuntur.

Qualitas est tertium Prædicamentum. Relatio est quartum Prædicamentum.

De Qualitate sit hæc tertia Conclusio: *Qualitas est verè summum Genus & tertium Prædicamentum*. Hoc simili omnino ratione probatur, ac de *Quantitate* modò usus sumus.

De *Accidente respectivo* pono hanc quartam Conclusionem: *Accidens respectivum (quod Relatio vocatur) est verè summum Genus & quartum Prædicamentum, in quo Relationes omnes, earumque Differentiæ collocandæ sunt*. Hoc etiam pari ratione confirmatur. Certum est enim esse *Relationes & Relata* propè infinita, & multas earum Species. Alia sunt inter Personas, ut *Pater & Filius*; Alia in rebus ut *Simile & Dissimile, & similia*. Jam omnes *Relationes* sunt vere & realiter Entia; nam aliter sine conceptu mentis nemo esset, vel *Pater* vel *Filius*, vel *Dominus* vel *Rex*, quo nihil absurdius dici potest. Etiam si à nostro intellectu & cogitatione ista penderent, certe pro arbitrio nostro hic esset, aut non esset dominus, Rex, aut Pater. Cum ergo omnes *Relationes* vere Entia sint, omnes in hac una & univocâ naturâ ac reali essentiâ conveniunt, quod ex sua naturâ ad Aliud respectum notant. Hæc autem communis omnium natura, est hoc ipsum Genus quod *Relationem* vocamus. Supra autem hoc Genus nihil est præter *Ens, Ens finitum, Accidens, & Accidens respectivum in communi*, quorum nullum esse Genus constat: quare *Relatio* verè est summum Genus & distinctum Prædicamentum, ut ab Arist. ponitur.

Dub.

Dices, *Accidens respectivum* non esse Genus, quia de suis Differentiis divisivis non minùs quàm *Ens* aut *Accidens*, aut *Accidens absolutum* prædicatur. Illæ enim *Accidentia* sunt, quia *Substantia* de essentiâ *Accidentium* esse non potest: *Absoluta* autem *Accidentia* non sunt, quia tum Species quas constituunt, essent Entia absoluta, non respectiva. Cum igitur nullum Genus dicatur de suis differentiis (& de differentiis relationis, *Ens respectivum* dicatur) certe *Ens respectivum* Genus dici non potest.

Sol.

Respondeo, *Differentias Relatorum* esse *Accidentia respectiva*, non absoluta & tamen *Relatio quæ est summum Genus*, de iis non dicitur. Nam *Ens* illud *respectivum*, quæ *Relatio* vocatur & quæ est summum Genus, est alio sensu *Accidens respectivum*, quàm differentie

ferentia ipsius. Quod ut intelligatur, attente observandum est, ad omnem Relationem tria requiri: Primum est, ut sint illius duo termini, quorum unus ad alterum referatur. Tria in omni. Secundum est, ipsa referentia seu relatio per quam termini illi inter se referuntur. Tercium est Intrinsicæ & formalis causa cur per istam relationem illi termini referuntur. Tercia in omni. Exempli gratia, Pater & Filius sunt termini qui referuntur: Paternitas est relatio quâ Pater ad Filium, & Filiatio est Relatio quâ Filius ad Patrem refertur. Ipsa verò essentialis differentia Paternitatis, est intrinsicæ causa cur per Paternitatem Pater, & Differentia Filiationis est intrinsicæ causa cur per Filiationem Filius referatur. Nam sicut formalis causa quare denominatur subiectum Album, est propria differentia albedinis, causa verò quare denominatur subiectum suum quale, est simplex essentia Qualitatis quæ est summum Genus: ita planè hæc fit Causa proxima & formalis quare per Paternitatem Pater refertur ad Filium, & nihil aliud, est Differentia proxima & specifica Paternitatis; Causa verò quare per Paternitatem Relatio ad aliud notetur, est simplex essentia Relationis quæ est summum Genus. Ex istâ communi naturâ & essentia Relationis habet Paternitas hoc, ut per ipsam Relatio ad aliud notetur. Sed cur ad Filium potius quàm ad Dominum, Relatio per Paternitatem notetur, hoc provenit à propria & specifica ipsius naturâ & differentia. Hoc observato, solutio non erit difficilis. Differentiæ Relationis sunt Entia respectiva, ut *Ens respectivum sumitur pro eo quod est aliis formalis & intrinsicæ causa referendi*. Summum Genus & omnes illius species sunt Entia respectiva, prout *Ens respectivum sumitur pro ipsâ referentiâ aut Relatione per quam unum ad Aliud refertur*. Termini Relationis sunt Entia respectiva, prout *Ens respectivum sumitur pro eo quod refertur ad Aliud*. Ita *Ens respectivum*, quod communiter prædicatur de summo Genere ejusque speciebus & de differentiis Relationum, & de Terminis Relativis, illud inquam est nihil aliud quam vox æquivoca omnibus communis, & non est summum Genus, nec omnino Genus, quia una ratione dicitur de Relatione, quæ est summum Genus, alia de Differentiis ipsius, & alia de Terminis relativis: Sicut substantia quæ prædicatur de differentiis substantialibus non est Genus, sed æquivoca vox, tam summo Geni quàm differentiis ejus communis. Summa hujus quartæ Conclusionis duabus propositionibus explicari potest: Prima est hæc: *Ens Respectivum in communi prout significat tam illa quæ referuntur, quàm illud per quod referuntur, & illud propter quod referuntur, non est Genus omnino, sed æquivoca vox, communis tam summo Geni quæ est Relatio, quàm differentiis ipsius, & Terminis Relativis*. Secunda est hæc: *Ens respectivum prout significat illam ipsam referentiam per quam duo Termini inter se referuntur, quæ Relatio dicitur, est vere summum Genus, & de nullis differentiis ipsius aut Terminis relativis prædicatur*.

Quatuor esse summa Genera liquet: Nunc an plura sint inquirendum est. Non esse plura, opinatur Jul. Pacius, non indoctus Arist. interpres, Annot. in cap. 4. Categ. Ratio dubitandi est hæc, quia sex alia, nempe *Actio, Passio, Quando, ubi, Situs & Habitus*, sub Relatione, comprehendi, & in quarto Prædicamento locanda videntur, quia Relationem notant Agentis ad Patientem, Loci ad Locatum, Temporis ad Rem Temporalem, Partium ad Totum, & Vestimenti ad Vestitum. Quæ dubitatio major erit, si sex ista (ut quidem opinantur) Relata sint secundum esse. Ut hoc expediam pono tres Conclusiones.

1. Est hæc: *Si ista sex concedantur esse Relationes aut ex naturâ suâ Relationem ad Aliud notare, necessario fatendum est illa omnia in Prædicamento Relationis esse reponenda*. Tunc enim in hac communi essentia convenient cum iis omnibus quæ in Relationis Prædicamento ponuntur, & essentiam ipsam summi Generis in se continebunt. Nec refert si dicas, sex ista esse Relationes tales quæ oriuntur ex applicatione unius termini ad alium, ut Agentis ad Patientem, cum alia Relata quæ sunt in quarto Prædicamento talem applicationem non requirunt. Nam ob hoc discrimen non magis constituere possunt diversa Prædicamenta, quàm Relata in Personis, & Relata in rebus. Sed quomodocunque alia Relata ab aliis in specie distinguantur, certum est eas omnes in uno Prædicamento, & sub uno summo Genere Relationis contineri, quæ in communi ista natura & essentia Relationis conveniunt, & quæ ex sua natura respectum notant.

An fiat tantum
quatuor Præ-
dicamenta.

Relationes
omnes sunt in
uno Prædicamento.

Actio & Passio & reliqua non sunt Relationes. 2. Conclusio est hæc: *Ista sex, Actio, Passio, ubi, Quando, Situs, & Habitus, non sunt Relationes, neque ex suâ naturâ Relationem important, ideòque nullum eorum est Relatum secundum esse, aut in quarto Prædicamento continetur.* Hoc secundum Arist. extra dubitationem est. Nam ille distinxit hæc in sex Prædicamenta, quorum unumquodque naturâ & essentiâ ab illo Prædicamento Relationis secernitur; quæ etiam eodem modo distinxit 1. Top. cap. 9. & 5. Metaph. cap. 7.

Dub.
Sol.

At videntur Relationem notare, nam Agens est in Patiens Agens, & Patiens ab Agente Patiens. Ubi, est Relatio Loci ad Locatum, & sic in reliquis. Respondeo, important quidem Relationem, sed ex suâ natura non sunt Relationes; ideòque sunt Relata secundum dici, non secundum esse. Multa enim quæ naturâ suâ absoluta sunt, important respectum ad Aliud: Ut scientia ad scibile, Sensus ad sensibile, Locus ad locatum, Actio ad Passionem; sed hic respectus non est ipsa natura & essentia illorum, sed accidentale quiddam superadditum essentia; idèd aliud quiddam (& quidem Principaliter) notant quàm istum respectum, ut Scientia principaliter notat absolutam qualitatē ex quâ scientes vocamur: Sensus, absolutam potentiam ex quâ sentire possumus. Actio, absolutam naturam ex quâ subjectum dicitur agens. Ubi, absolutam naturam ex qua res dicitur esse alicubi; sic in reliquis. Et hoc in nonnullis, nempe in Actione & Passione demonstrari potest. Nam si actio ex naturâ suâ Relationem notaret ad passionem, tum nulla esse posset actio sine passione. At multa sunt Actiones ubi nulla est Passio: Nam sentire est agere, itémque intelligere; at in illis nihil omnino patitur; quod idem de omnibus actionibus immanen-ribus verum est. Præterea actio sæpenumero est causa passionis, ut actio ignis dum calefacit, est causa cur aqua patiatur & recipiat calorem; omnis autem causa est naturâ prior suo effectu: At Relatorum secundum Esse, neutrum est prius altero vel naturâ vel tempore. Ulterius, si actio & passio essent Relata secundum esse, & ex suâ naturâ, sine dubio in aliquo univoco Prædicato & essentiâ communi convenirent: hæc enim naturâ utrisque communis esset, quòd ex suâ naturâ ad aliud referrentur. Quod idem de reliquis quatuor dici debet. Quare non possunt esse decem, sed vel quatuor tantum, vel ad summum quinque prædicamenta. Postremò, si actio & passio, cum sint relata, possent facere duo distincta prædicamenta, eodem omnino jure, Ubi, & ipsius Correlatum (putemus Ubi activum, & Ubi passivum) ita Quando activum, & Quando passivum, efficerent duo distincta prædicamenta: tam enim distant inter se, Ubi & ipsius Correlatum, quàm actio, & ipsius correlatum: quare efficeretur non jam esse solum decem, sed quatuordecem, aut plura prædicamenta. Quæ omnia cum absona sunt, & Aristoteli repugnantia, omnique antiquitati contraria, fatendum est nec actionem, nec passionem, nec ubi, nec quando, nec situm, nec habitum, ex naturâ suâ esse Relationes, aut Relationem ex essentia suâ notare, sed reipsâ ac natura esse Entia absoluta.

Actio, Passio,
& alia quatuor sunt distincta Prædicamenta.

3. Conclusio est hæc: *Ista sex, Actio, Passio, ubi, Quando, Situs & Habitus, verè sunt sex distincta summa Genera, & diversa Prædicamenta, in quibus singulorum Species & Differentia collocantur.* Hoc ex præcedentibus consequitur: Nam, cum unumquodque horum Ens sit, & realem naturam notet, ex quâ subjectum verè & realiter denominatur esse agens, patiens, alicubi, aliquando, situatum, aut habitatum; cumque in nullo præcedentium Generum contineantur, neque ullum ipsorum sub altero, sub singulis verò ipsorum multæ Species contineantur, efficitur necessariò unumquodque horum esse distinctum Genus. Et quia supra illa nihil est reale, nec quidquam præter Ens, Ens finitum, Accidens, & Accidens absolutum, quorum nullum genus esse ante probavimus, relinquitur unumquodque horum esse summum genus, & distinctum prædicamentum.

Ex his jam constat decem esse summa Genera, seu prædicamenta, nec plura, nec pauciora. Ea his versibus continentur:

Prædicamenta
decem quæ.

7 2 5 4 8
In Campo magno pugnabat fortiter olim,

Filius



Ac de Numero Prædicamentorum satis multa, nisi & hæc etiam præstitisset ut solent In-
terpretes, manum ab hac tabula, imò verò ab his spinis continuisse.

CAP. X.

De Substantia.

Procedendum nunc est ad specialem singulorum Prædicamentorum tractationem ; &
primò agendum de *Substantiâ*, quæ cum dignitate ac perfectione, tum ordine naturæ,
reliquis prior est.

De *Substantiâ* tria declaranda sunt {

1. *Quanam sit illa Substantia quæ est summum Genus*, & quo modo describatur.
2. *Quæ ejus Proprietates*.
3. *Quæ illius Species*, seu series Prædicamentalis.

Ut primum horum explicetur, diligenter animadvertenda est hæc distinctio hujus vocis *Substantia*.

Substantie vox capitur dupliciter, {

Generatim, pro essentia cujusque rei, sic ut quicquid sit de essentia alicujus rei, *Acceptiones*
illud dicatur esse *Substantia* vel de *Substantiâ* illius, sicut quicquid non est de *hujus vocis*
essentia rei dicitur *Accidens* ejus ; Hinc *Arist.* septimo *Metaph.* cap. 3. *Substan-* *substantia*.
tia, inquit, dicitur quod est esse rei : Et *Aquin.* part. 1. quest. 29. art. 2. *uno*
modo dicitur *Substantia*, *Quidditas* rei, quam *Græci* *ουσια*, nos *essentiam*
dicimus : & *Magister*, lib. 1. *Sent.* distinct. 23. lit. D. non aliter in *sermone*
Latino *essentia*, quam *Substantia* solet intelligi. Hoc sensu verè dicas *Quant-*
tatem esse *Substantiam* lineæ, *Qualitatem* virtutis.

Speciatim, pro
omni eo, eoque
tantum quod
per se subsistit,
non inherens
ulli subjecto: &
talis Substantia
est duplex,

Infinita, quæ infinitam habet essentiam & perfectionem: talis
est solus Deus Opt. Maximus.

Finita, quæ
finitam es-
sentiam &
perfectio-
nem habet:
& hæc est
duplex,

Una, quæ subsistat Accidentibus, estque eorum
basis ac subjectum ultimum cui inhaerent, & hæc
vocatur Substantia completa quia completur
ex partibus vel essentialibus, vel subjectivis.

Alia, quæ non ipsa quidem subsistat Accidenti-
bus, sed est interna causa, per quam alia sub-
stant, & hæc dicitur Substantia incompleta;
quia non completur ex partibus essentialibus,
neque fortè ex subjectivis. Tales sunt om-
nes Differentiæ substantiales, excepto, ratio-
nali.

Posita hac distinctione sex Conclusiones inde subnecto.

*Substantia ge-
neratim acce-
pta non est sum-
mum Genus.* Prima est hæc: *Substantia*, ut generatim sumitur, pro omni eo quod est essentialiter cu-
jusvis rei non potest esse summum Genus in hac Serie. Hoc clarissime liquet, quia in hoc
sensu Accidentia multa nomine *Substantia* significantur.

*Substantia per
se subsistens
non est summum
Genus.* Secunda Conclusio est hæc: *Substantia*, ut sumitur pro omni eo quod per se subsistit
nec inhaeret alteri, non potest esse summum Genus in hoc Prædicamento: Hoc etiam aper-
tissimum est; nam Substantia in hoc sensu, prædicatur tam de Deo, quam de creaturis;
Deus enim hoc sensu verè Substantia dicitur, imò omnium verissime; quia ipse per se, sine
ullo alio subsistit; at nihil aliud per se ita subsistit, ut sine alio sit. Nec enim ulla Sub-
stantia finita, sine Accidente, nec ullum Accidens sine Substantia existit; Solus Deus sine
utroque ab æterno existit: unde verissime Aug. lib. 13. Conf. cap. 3. *Tu solus es, quia
solus simpliciter es.* Cum igitur Substantia ita accepta, communis sit tam Deo quam crea-
turis, efficitur Substantiam istam Genus aut univocum prædicatum esse non posse: nam nul-
lum Genus, aut commune univocum prædicatum de Deo, & creaturis dici potest, quia tale
prædicatum esset natura prius Deo, quod est impossibile: cum ille sit omnium Entium pri-
mum, à quo omnia natura suas habent & accipiunt.

*Substantia in-
finita non est
summum Genus.* Tertia Conclusio sit hæc: *Substantia infinita* (qualis est solummodo Deus) non est sum-
mum Genus, neque ullum omnino vel Genus, vel Species, vel Individuum, vel Diffe-
rentia, vel Accidens, in nullo Prædicamento. Ratio manifesta est, quia quicquid tale
est, id finitæ naturæ sit necesse est; Si enim infinita esset, finibus illius Prædicamenti con-
tineri ac terminari non posset; Deus verò omni modo infinitus est: quare in nullo locari
potest, vel ut Genus, vel ut Species, vel ut Individuum, vel ut Differentia, vel ut Acci-
dens ullius: Verè Magister lib. 1. Sent. Dist. 19. *Essentia Divina nec est Genus, nec
Species*; Quod Aug. rationibus firmissimis demonstrat. lib. 7. de Trinit. cap. 6. Tantum-
modò ut infinitum, Substantiarum, & rerum omnium principium, ad Substantiam ut dig-
nissimum Prædicamentum Deus reduci potest, in quo non aliter esse, quam reductivè cen-
sendus est, ut supra cap. 8. monuimus; qui modus, nihil quidquam de illius infinitate ac in-
finita perfectione diminuit, sed eandem illustrat potius & manifestat.

*Substantia fi-
nita non est
summum Genus.* Quarta Conclusio sit hæc: *Substantia finita*, Genus summum in hoc Prædicamento esse
non potest. Hoc liquet: nam nullum Genus de suis Differentiis divisivis prædicari potest,
ut sepe antea ex *Arist.* monuimus: At Substantia finita de omnibus Differentiis Substan-
tiarum quæ in hoc Prædicamento ponuntur verè prædicatur: Substantiæ enim sunt, & en-
tia quæ per se subsistunt, aliter Accidentia essent; & sic non de essentia Substantiarum. Fi-
nitæ autem sunt; nam præter Deum nihil omnino infinitum est, aut infinitam essentiam &
perfectionem habet. Relinquitur ergo hoc prædicatum (Substantia finita) prout tam Dif-
ferentiis

ferentis Substantiarum, quàm Generibus ac Speciebus commune est, non esse Genus aut univocum ullum prædicatum, sed solum æquivocam vocem quæ de utrisque dicitur, ut *Ens*, aut *Ens finitum*, aut *Ens absolutum*.

Quinta Conclusio fit hæc: *Substantia incompleta Genus summum esse non potest.* Hoc *Substantia incompleta* ex se clarum est; nam talis Substantia de Differentiis omnibus substantialibus iisque solis *completa* non prædicatur; at Genus de nullâ Differentiâ suâ prædicari potest, ut sæpe monuimus: *Deus est summum* inde Substantiæ incompletæ sunt ipsæ Differentiæ substantiales, at nulla Differentia Genus *Genus* est, aut esse potest.

Sexta Conclusio fit hæc: *Substantia completa, id est, ea quæ subsistat Accidentibus ut Substantia eorum ultimum subjectum cui inhaerent, est verè summum Genus in hoc Prædicamento.* *completa est summum Genus.* Genus esse hinc constat, quia realem naturam notat, hanc nempe quod Accidentia ei inhaerent; seu quod subsistat Accidentibus. Unde & Substantia dicitur à verbo *subsisto*, *substas*; non, ut aliqui putant, à verbo *subsisto*. Hoc autem reale quid esse, liquidum est; cum sepositâ omni operatione intellectus, Accidentia reverà Substantiæ insint, ut albedo corpori, cognitio spiritui. Jam hæc realis natura, multis Speciebus communicatus, corpori nimirum & spiritui: Ambo enim in hac communi naturâ, inque hoc univoco & essentiali conceptu ac prædicato conveniunt; nam sicut corpus Quantitati, ita spiritus cognitioni & intellectui subsistat, ut illius subjectum cui inhaeret. Quare Genus verè est Spirituum ac corporum omnium. Summum verò Genus esse hinc constat, quia supra ipsum Genus nullum inveniri potest, nec ullus univocus & essentialis conceptus, in quo ipsum & alia conveniunt; nihil enim supra ipsum fingi aut cogitari potest, nisi vel *Ens*, vel *Ens finitum* vel *Ens absolutum*, vel *Substantia*, vel *Substantia finita*: at nullum horum Genus esse jam demonstravimus, quippe unumquodque horum de suis Differentiis prædicatur, quod de nullo Genere verè affirmari potest: Substantia autem completa, seu quæ subsistat Accidentibus, de Differentiis suis non dicitur: Etenim illæ etsi sic per se subsistant ut nulli inhaereant, ideoque in hoc sensu Substantiæ verè dicantur; tamen non subsistant Accidentibus, nec sunt subjecta eorum; sed sunt simplices formæ aut formales causæ per quas Substantiæ ab illis constitutæ, his aut illis Accidentibus subsistant. Quare in hoc sensu quo summum genus Substantia vocatur, nullæ Differentiæ substantiales, Substantiæ appellari possunt. Unde perspicuum est substantiam completam quæ subsistat Accidentibus, esse verè genus, & summum genus in hoc Prædicamento. Quomodo verò Anima rationalis sit subjectum Accidentium cum forma sit, itémque quomodo genus hoc summum quod Substantiam vocamus, idem omnino re ac naturâ sit cum materia prima, declarabitur, cuius à nobis in nostra illa Introductione in Metaphysicam, ut hic repetenda non sint.

Sequitur nunc quod secundo loco proposui, ut Substantiæ hujus quæ est summum genus, Proprietates explicentur. Sed priusquam illas proponam, observanda est illa Substantiæ distinctio cuius apud *Arist.* frequens est mentio, ea hæc est:

Substantia completa est duplex:	{ Prima, quæ primò subsistat Accidentibus communibus seu contingentibus; & tales sunt omnia Individua hujus Prædicamenti, ut Socrates, hic leo, hic equus. Secunda, quæ secundariò, & gratiâ primarum subsistat Accidentibus communibus seu contingentibus (nam propriis primis subsistant secundæ quam primæ Substantiæ;) & tales sunt omnia Genera & Species hujus Prædicamenti, ut homo, Animal, corpus, Substantia ipsa.	Substantia prima & secunda.
---------------------------------	---	-----------------------------

Dicitur autem individualis Substantia, prima, non primitate naturæ aut essentialis; nam secundæ sunt priores natura quam primæ: nec primitate existentie, nam æquè primò existit secunda ac prima: simul enim ambæ sunt quoad existentiam: Sed vocatur prima quoad primitatem subsistendi Accidentibus communibus, seu contingentibus; nam illis primò & primariò subsistat, ut disertè docet verèque *Porphy.* cap. 11. nu. 4. & illarum gratia, atque

secun-

secundariò, eisdem substat secunda Substantia : ut doctrina, fortitudo, & similia, priùs insunt Socrati, & Hectori ; Secundariò verò, & gratiâ illorum, homini.

*Qualis sit divisio Substantiæ completa in primam & secundam, neque divisio Gen-
visio substan- neris in suas Species ; nam tum Individua essent Species, itemque summum Genus : neque
tiæ in primam Vocis in suas significationes : nam divisum est res & ens verè reale : sed est divisio Totius
& secundam. Integralis seu aggregati in suas Partes Integrales ; ac si ita diceret, Eorum omnium quæ
Substantiæ completa vocantur, aliæ sunt Individuales & primæ, aliæ universales & secundæ
Substantiæ ; quomodò si dicas, Hominum, alii sunt Angli, alii Hispani, alii Itali, &c.
quâ de re consule lib. 1. cap. ult.*

Ex his quæ de primis & secundis substantiis jam dicta sunt, quatuor consequuntur Conclusiones quas insinuat Arist.

Quomodo primæ substantiæ tollant secundas, & contra. 1. Sublatis primis substantiis quoad actum & existentiam, tolluntur etiam quoad actum & existentiam omnes secundæ substantiæ, imò & omnia Accidentia. Ratio est aperta : quia omnes secundæ Substantiæ, omniaque Accidentia, existant in primis, neque vel extra primas, vel sine illis existere possunt. Quare primis Substantiis actu sublatis, cætera omnia actu tolli necesse est.

2. Sublatis secundis Substantiis quoad actum & existentiam, tolluntur etiam primæ quoad actum & existentiam. Ratio est, quia secundæ sunt de essentia Primarum. Quod si essentia rei actu tollatur, rem ipsam actu tolli necesse est, quia sine suâ essentiâ nihil actu existere potest.

3. Sublatis primis Substantiis quoad mentem & intellectum, sic ut nihil cogites de iis, non tamen quoad mentem & intellectum tolluntur secundæ, sed eas nihilominus verè concipere potes. Ratio est, quia primæ sunt extra essentiam, & quasi Accidentia secundarum : potest verò quæque res in suâ essentiâ rectè concipi, etiamsi mente seponas omnia Accidentia, & ea quæ sunt extra essentiam ejus, & hoc est quod docet Porphy. cap. 8. nu. 7. & cap. 9. num. 6. ubi ait, Inferiora non tollere superiora.

5. Sublatis secundis Substantiis quoad mentem & intellectum, sic ut nihil cogites concipiasve de iis, tolluntur quoad mentem & intellectum primæ. Ratio est, quia secundæ sunt de essentia primarum, & sine essentiâ, nulla res ne concipi quidem aut intelligi potest : & hoc est quod locis citatis dixit Porphy. Superiora tollere inferiora, sed ab eis non tolli, nempe quoad mentem & conceptum.

Nunc ad proprietates seu Communitates Substantiæ completæ veniamus : sex Arist. ponit, quas paucis expediemus.

Proprietates Substantiæ.

1. Substantia non inest in subiecto ; quod ex secunda Divisione Antepredicamentali facile intelligitur. Est autem hoc Proprium Substantiæ completæ secundo modo, nam convenit omni, sed non soli, quia etiam incompletæ Substantiæ, etiam & infinitæ convenit.

2. Substantia de subiectis suis univocè prædicatur : hoc Communitas est potius quam Proprietas. Nam nec convenit omni Substantiæ completæ, non enim primæ, quia illi subiecta aut inferiora nulla sunt : nec soli completæ, quia etiam Differentiis substantialibus, quæ sunt incompletæ.

3. Substantia hoc aliquid significat. Quid verò sit significare hoc aliquid ipse Arist. explicat, nempe significare unum quid numero, aut unum aliquod Individuum per se subsistens : Hoc Proprium est completæ Substantiæ primo modo, nam convenit soli completæ Substantiæ sed non omni, quia non secundæ ; illa enim videtur solum significare hoc aliquid, sed reverà non significat particulare quid, nisi improprie & per figuram appellationis, ut si dicam homo venit, & per hominem Socratem intelligam : proprie autem secunda Substantia significat universalem naturam, aut (ut Arist. loquitur) qualitatem, sed qualitatem Substantialem, non accidentalem, qualis est rationalitas, sensibilitas, corporalitas, & similia.

4. Substantia nihil est contrarium, nempe adversè ; nam contraria omnia adversa Accidentia sunt : quod si Substantia una alteri dicatur contraria, ut ignis aquæ, aer terræ, id intelli-

ntelligitur per Accidens, aut gratia Accidentium ipsi inhærentium, non autem per se: sic enim Accidentia sola aduersè contraria sunt, ut calor frigori, humor siccitati; & quia igni calor, aquæ frigus inest, & aëri humiditas, terræ siccitas, ideo gratiâ horum ignis contrariari dicitur aquæ. Est autem hoc Proprium completæ Substantiæ secundo modo, nam convenit omni, sed non soli, quia etiam incompletæ, etiam & multis Accidentibus, ut quantitati, figuræ, aliisque.

5. *Substantia non recipit magis & minus*: id est, de nullo prædicatur cum his Adverbiis *magis & minus*; vel nullos gradus admittit, sic ut secundum plures uni Individuo insit, & secundum pauciores alteri; ut Socrates non est *magis* homo, quam Choræbus; sed est *magis* doctus, aut intelligens Choræbo, quia plures gradus doctrinæ & intelligentiæ ei insunt. Est autem hoc Proprium Substantiæ secundo modo, quia convenit omni completæ Substantiæ, sed non soli; nam etiam incompletæ, etiam multis Accidentibus, ut quantitati, figuræ, aliisque.

6. *Maximè Proprium Substantiæ est, cum una sit & eadem numero, contraria suscipere posse.* Contraria dixit, id est, aliqua, non omnia; Satis enim est si ullæ: & contraria intelligit in largo sensu, ut quævis opposita noceat; deinde non dixit ut suscipiat, sed ut suscipere possit. Satis enim est si contrarium inesse possit, etsi nunquam insit; si Substantia capax sit, etsi nunquam capiat. Præterea, suscipere contraria potest, ut subjectum eorum ultimum cui insint & inhæreant illa contraria, ita ut Substantia eis substat possit, & sæpe substat utrisque contrariis, sed successivè, nunquam autem simul; ut aqua modò frigida est, mox calida: aër modò luminosus, mox tenebricosus: Cælum modo movetur, potest verò quiescere: Angelus modò bonus est, post malus. Et hoc modo explicatum, Proprium est Substantiæ completæ quarto modo, nam convenit omni, soli, & semper.

Si obijciatur, quòd oratio manens eadem suscipit contraria, quia hæc oratio, ego ambulante, me ambulante vera, me sedente falsa est; capit igitur veritatem & falsitatem, quòd idem de opinione dici potest.

Dub.


Responsio duplex est; prior, quòd oratio non suscipit in se veritatem & falsitatem, id est, non est subjectum earum, multò minùs ultimum subjectum, sicut de Substantia dictum est. Nam veritas aut falsitas est in animo concipientis verum quid aut fallum, ut in subjecto: in oratione ut in signo: in re significatâ, ut in fundamento. Altera responsio est, quòd Substantia suscipit contraria cum sui mutatione, ita ut semper ipsa mutetur cum suscipit contraria, ut aqua mutatur à frigore in calorem, cum suscipit calorem post frigus: At oratio & opinio ita capiunt veritatem aut falsitatem (nempe ut signa) ut ipsæ non mutantur, sed res solum significant. Nam oratio illa, nihil omnino ipsa mutatâ, vera est me ambulante, quæ falsa fuit, me sedente.

Sol.

istæ sunt *Proprietates Substantiæ* ab *Arist.* propositæ. Sunt verò aliæ plures ejusdem *Proprietates*, hisque (exceptâ sextâ) multò digniores & cognitæ magis necessariæ, quas nos in Introductione ad *Metaphysicam* explicabimus. Hæc satis visum est *Arist.* vestigiis insistere, qui faciliora magisque obvia pingui admodum *Minervâ* tractavit, quàm accuratam Substantiæ hujus considerationem, non ad *Logicam*, sed ad *Metaphysicam* pertinere sciebat.


Tertium quod proposui superest, nempe *Series* hujus Prædicamenti. Exactam verò ejus aut accuratam delineationem, nemo hæc à me expectet, quia talis ad alias scientias spectat. Qualemunque verò, in quâ *Species Substantiæ* aliquot, licet non omnes enumerentur, hæc tradere non erit, uti spero, infructuosum.

Sub-

Series Sub-
stantia.

Anima, Pag. seq.

Anima



Hæc est Seriei Substantiæ brevis delineatio, & umbra potiùs Seriei, quam Series. Quod si quis eam accuratè exprimere velit, ei ab ipso summo Genere, per omnia intermedia, ad infimas quasque Substantiæ Species, quæ propè infinitæ sunt, ita descendendum est, ut & summi Generis, & singularum sub ipso Specierum primò Naturas, tum Proprietates omnes explicet. Opus spissum valde & arduum, sed immensi fructus: & quidem longè maximâ ex parte, ad Animalis nempe tractatum, hoc ipsum quomodocunque à nobis præsumtum esse intelliget Lector, si unquam Introductionem nostram in Physicam in lucem prodire contigerit.

In istâ verò tabellâ multa observanda essent, sed, omnibus aliis omissis, unum tantum proponam, quod sedulo & serio tenendum est. Illud hoc est; Quod quicquid est Differentia aut forma essentialis ullius superioris, id etiam est forma essentialis, & essentialiter inest in omnibus inferioribus. Atque hoc ex primâ Regulâ Antepredicamentali liquet: ex quâ consequitur, quod in homine est non solum anima rationalis, quæ est forma hominis

Forma superioris est Substantiæ forma inferiori.

hominis propria, sed forma animalis quæ est anima sensitiva, & forma viventis quæ est anima vegetans, & forma corporis perfectè misti, & forma misti, & forma corporis. Idem in Leone est propria forma Leonis, & forma Bruti terrestres, & forma bruti, & forma animalis, quæ est anima sensitiva, & forma viventis, quæ est anima vegetativa, & reliqua sicut in homine. Qui verò unam tantum formam, in uno Individuo aut Specie statuunt, iis omnino impossibile est tueri veram univocationem quæ in serie Prædicamentali necessariò tenenda est. Non enim satis est ad eam, ut forma superior virtute & potestate contineatur in inferiori, sed requiritur ut *actus* & quoad ipsam sui essentiam & Substantiam insit; nam aliter de essentia ac Substantia inferioris Speciei esse non posset. Quicquid enim est de rei alicujus essentia ac Substantia, id quoad Substantiam eidem insit necesse est; quia si virtus solum illius ac potestas insit, non essentia ejus, sed Accidens solum inest. Capiamus è multis unum exemplum: Vivens est de essentia animalis, ac plantæ: ergo forma substantialis viventis quæ est anima vegetans, erit quoad Substantiam suam in utrisque, ut sit una & eadem ratio, quare tam animal quàm planta diceretur & sit vivens, nempe, quia utrique anima vegetans quoad essentiam suam ac Substantiam insit. Si verò dicas animal esse vivens per animam sensitivam, quæ virtute ac potestate continet in se animam vegetativam, illiusque operationes; & plantam esse vivens per animam propriam plantæ, quæ virtute & potestate continet etiam animam vegetantem; Luce jam clarius est, Animal dici vivens propter unam, & plantam dici vivens propter aliam planè rationem, & formam substantialem: ideoque vivens non dici univocè, de utrisque. Simile omnino de animali respectu hominis & bruti dicendum est. Nam si homo sit animal, propter animam rationalem, quæ potestate ac virtute continet in se animam sensitivam, cum certissimum sit brutum non posse propter istam rationem dici animal, sed propter aliam, puta propter formam irrationalem quæ est bruti propria, in quâ virtute ac potestate continetur animal sentiens, efficitur necessariò Animal non dici de homine & bruto univocè, cum non dicatur de utrisque propter unam eandemque rationem, sed propter unam de homine, & propter aliam de bruto. Idem in aliis omnibus sentiendum est. Quod nisi in singulis diligenter observetur & constanter teneatur, in infinitos errorum labyrinthos ruere necesse est.

Atque hæc de Substantiâ quæ est primum Prædicamentum dicta sunt.

CAP. XI.

De Quantitate.

SECUNDUM Prædicamentum est Quantitas; de qua tria videnda sunt. Primo, Quid sit. Secundo, Quæ ejus Proprietates. Tertio, Quæ Species, aut Quæ hujus Prædicamenti series.

Quantitatis
descriptio.

Describitur hoc modo: *Quantitas est ens, vel Accidens absolutum, per quam res primariò ac per se mensuratur, & ex qua subjectum cui inest dicitur Quantum.* In qua descriptione duæ particulæ ultimæ nonnihil explicandæ sunt; prior est de *Mensurâ*.

Mensura quid.

Mensura est illud quo vel magnitudinem, vel diuturnitatem, vel multitudinem rerum metimur, & quo explicamus vel quàm magnum aliquid sit, vel quàm multum, vel quàm diuturnum. Illud autem quod hæc primariò & per se mensurat est *Quantitas*; ut Linea ex se mensurare longitudinem a se est, Corpus crassitiem, Tempus diuturnitatem, Numerus rerum multitudinem: Alia quidem mensurare possunt, secundariò & gratiâ horum; ut una

ulna mensurat longitudinem panni, non per se, sed gratiâ longitudinis & Quantitatis quæ in ulna est & in panno; quæ nisi esset, nec ulna mensurare, nec pannus mensurari posset. Sic motus vel solis, vel aquæ, aut arenæ in Clepsydra, mensurat diem aut horam, non per se, sed gratiâ temporis illius & durationis, quæ illis convenit, ex quo fit ut ista Quantitates non sint.

Sed quid de Ponderibus sentiemus? videmus enim quotidie Pondere mensurari gravitatem rerum; hoc autem facit per se, & quarens pondus, non quâ longum, latum, crassum, diuturnum, aut ullâ Quantitate præditum, cum nulla Quantitas rerum gravitatem mensuret. Videtur igitur pondus esse Quantitatis species, cum ex se & per se res mensuret, & tamen ab Aristotele, inter Quantitates non reponitur; sed Timplerus, lib. 5. Metaph. cap. 2. q. 11. hac ratione motus, Quantitatem esse contendit.

Respondeo, pondus quidem res quoad gravitatem mensurare, sed non per se, sed ratione motus, & temporis, & multitudinis graduum gravitatis; qui, collati æquali numero graduum gravitatis, æqualem motum, & in æquali tempore faciunt: collati vero cum pluribus aut paucioribus gradibus gravitatis, inæqualem motum, & in tempore inæquali efficiunt. Nam cum omne grave naturaliter feratur deorsum, quo quid gravius est, est eo velocius, citius, & in minori tempore deorsum movetur. Quando igitur duo gravia in lance appenduntur, id quod velocius, & minori in tempore lancem deprimit, ex eo motu æ brevitate temporis, iudicatur gravius esse altero, quod propter vim huius elevatur, & impeditur ne descendat. Pondus igitur non ex se & quâ pondus est, mensurat; sed per motum & tempus, ex quibus pondus unius præ alio discernimus. Cujus etiam hoc signum est, quia pondus ac gravitas data sunt rebus à naturâ, non in hunc finem, ut mensurent, sed ut per ea, sua subjecta deorsum moveantur. Est enim pondus, seu gravitas (nam idem sunt) potentia naturalis qua corpus grave deorsum moveri aptum est; idcirco in Qualitate non in Quantitate locatur. At longitudo, latitudo, tempus, numerus, in hunc solum finem rebus dantur ut mensurent res eas quibus insunt aut applicantur. Atque hæc etiam de causa inter Quantitates non recensetur Motus, quia etsi res mensurat, id tamen facit, sicut pondus per accidens & gratiâ temporis, non suâ vi, aut ex se. Quare merito hæc, ut in aliis multis, deferendus est Timplerus.

Altera particula est, quod Quantitas denominat aliquid Quantum, Quantum vero res Quantas dicitur aliquid, quando illius vel magnitudo, vel duratio, vel multitudo indicatur: quid.

& quia unum horum per omnem Quantitatem, & per solam Quantitatem primariò ac per se notatur, idcirco rectè dicitur Quantitas, & sola Quantitas primariò denominare res Quantas.

Sequuntur Proprietates Quantitatis. Earum tres sunt ab Arist. enumeratæ. Prima: Quantitati nihil est contrarium [puta adversè.] Ratio est, quia adversè contraria non possunt simul esse in eodem subjecto, sed expellunt se mutuò; at Quantitas Continua & Discreta simul possunt consistere, nam in duobus hominibus est & numerus, & longitudo; & una Quantitas Continua non expellit aliam, nam in uno corpore est longitudo, & latitudo, & profunditas, & tempus. Est autem hoc Proprium Quantitati secundo modo, nam convenit omni, sed non soli, quia etiam Substantiæ.

Secunda: Quantitas non suscipit magis & minus. Ratio est, eia etsi sint gradus extensionis in Quantitate, tamen nulli sunt gradus intensiois, ex quibus subjectum dici possit esse magis longum, latum aut profundum. Hoc proprium est Quantitati etiam secundo modo.

At longitudo, latitudo, & crassities dicitur de subjecto cum Adverbis magis & minus: nam unum corpus, est magis longum, latum, crassum, quam aliud. Ea vero quæ cum his Adverbis prædicantur de subjectis, dicuntur recipere magis & minus, ut in cap. de Substantiâ dictum est.

Longitudo quidem dicitur cum his adverbis, sed ita ut ista Adverbia notent solum majorem extensionem, non majorem interensionem longitudinis in subjecto. Nam intensio est quando manente eadem mole et magnitudine subjecti, plure gradus Accidentis adveni-

Dub.

Sol.

Cui

Cui

Denominare

Proprietates Quantitatis.

Dub.

Sol.

nat: Ut manente eâdem mole aquæ, est calida modo, in primo, mox in secundo, tum in tercio, & quarto gradu. Hoc nunquam fit in Quantitate; nam cum corpus sit longius aut magis longum, additur nova Quantitas ad priorem, sed prior non recipit ullum novum gradum longitudinis in se: Quare, quoties aliquid dicitur magis longum, latum, aut profundum, significatur solum major extensio Quantitatis, sed nunquam major intensio. Tunc autem solum dicitur aliquid fuscipere magis, quando aliquid prædicatur de subiecto cum istis Adverbis significantibus *maïorem intensiõnem graduum* in subiecto.

Tertia: Ex Quantitate Res dici potest æqualis aut inæqualis alteri. Sic 10. angeli, 10. homines, & 10. equi, sunt æquales numero, quia in omnibus est par numerus, nempe denarius: Sic hora, & dies sunt inæquales, quia in eis est inæqualis duratio: sic duo homines ejusdem stature dicuntur æquales, propter parem longitudinem. Estque hoc Proprium Quantitati quarto modo, nam convenit omni, soli, & semper; hocque provenit ex ipsâ naturâ atque essentiâ Quantitatis, nam quia est *Mensura*, ideo æqualitatem rerum, aut inæqualitatem declarare debet.

Dub.

Sed hic dubitari merito possit. Nam æqualitas & inæqualitas sunt Relationes: Æquale enim est æquali æquale: Jam certum est res dici æquales ab æqualitate, & inæquales ab inæqualitate; Imò verò ex solâ æqualitate dicuntur res æquales, cum nihil aliud sit unde denominatio ista fiat, quàm hoc Abstractum Æqualitas. Consequitur ergò non modo ex Relationibus res dici æquales & inæquales, sed ex solis Relationibus, & non omninò ex Quantitate.

Sol.

Respondeo, Res dicitur ab aliquo esse æqualis, dupliciter; vel *formaliter*, sicut à *formâ in Abstracto*, ex quâ fit ista denominatio; & sic verum est quòd ab æqualitate (quæ verè Relatio est) imò à solâ æqualitate res dicitur æqualis, itidem inæqualis ab inæqualitate: vel *Causaliter*, sic ut sit causa proxima à quâ oritur æqualitas; atque hoc modo non ex æqualitate oriri potest æqualitas (nam nihil oritur à seipso) sed ex Quantitate, exque ea solâ. Nunquam enim hæc Relatio æqualitatis ulli inesset, nisi eidem insit Quantitas, ex qua oriretur ista æqualitas. Idem dicendum de inæqualitate. Jam cum hoc dicitur Proprium Quantitati ut ex ea res dicatur æqualis aut inæqualis, illud [ex eâ] notat *causalitatem* unde oritur ista denominatio, non *formalitatem*.

Quarta Proprietas his addi potest, ea hæc est:

Quantitas omnis per se, & ex se, divisibilis est in partes integrales. Tradit hoc Arist. 5. Metap. ca. 13. *Quantum*, inquit, dicitur, quod in ea insunt (id est, in partibus) est divisibile. Atque hoc fluit ab ipsâ essentiâ ac naturâ Quantitatis in Genere, estq; ei quarto modo Proprium, ita ut omnis Quantitas sit ex se divisibilis, & nihil omninò per se, & ex se præter Quantitatem; Quicquid verò in partes tales dividitur, id à Quantitate habet, ut sic dividatur.

Hinc rectè Zabar. lib. 2. de prima rerum mater. ca. 8. *Divisio*, inquit, & *divisibilitas* est propria Quantitatis, & nihil est divisibile nisi *Quantum*, vel merito Quantitatis, ita ut solum quantum sit per se dividuum, cætera verò per *Quantum*. Sic ille, atque Arist. hoc idem docere lib. 5. Metap. tex. 18.

*Quantitatis
Species*

Hæc de Quantitate in Genere, illiusque Proprietatibus. Nunc ad Species & Seriem progrediamur: Posset autem facillimè sic dividi: *Quantitas* mensurat, vel *extensionem rerum*, idque vel per *longitudinem solam*, & tum est *Linea*; vel per *latitudinem*, & tum est *Superficies*; vel per *crassitiem*, & tum est *corpus*: vel mensurat *durationem rerum*, & tum est *Tempus*; vel *multitudinem*, & tum est *Numerus*.

Sed quia Arist. aliâ usus est divisione, nostri instituti est ab ejus tramite non discedere, sed si possumus, illius mentem elucidare. Is autem dividit *Quantitatem* in *Continuam*, & *Discretam*: *Continuam* rursus in quatuor Species subdividit, *Lineam*, *Superficiem*, *Corpus*, & *Tempus*: in his tota Series *Quantitatis* comprehensa est. Hæc autem divisio ut rectius intelligatur multa observanda sunt.

Primum

Primum de ipso diviso hoc notandum est : Non esse cur quisquam, novitatis nescio quo *Quantitas* studio allectus, assentiat (ut Keck. lib. 1. suæ Logicæ, cap. 8. p. 90) Zabarellæ in 1. De *univocum* Genomont. cap. 7. tex. 61. Ubi negat *Quantitatem* esse *Genus univocum*, aut *Quantitatem* num.

Continuam ac Discretam in uno communi & univoco Genere convenire. Quid hoc est aliud quàm cornicum, imò Arist. & omnium post ipsum præstantissimorum Philosophorum oculos configere? Quid aliud, quàm numerum Prædicamentorum ab omni antiquitate receptum funditus evertere? Non est *Quantitas* *Genus univocum*? Non ergò jam sunt decem, sed novem tantum Prædicamenta. Estne *Quantitas Continua*, unum summum *Genus*, & *Discreta* aliud? Non ergò jam sunt decem, sed undecim summa *Genera* Prædicamenta. Nos qui Arist. vestigia libentissimè premimus, nec ab antiquâ illâ semitâ quam calcârunt tot insignes Philosophi abduci nos patimur, *Quantitatem verum esse reale*, & *univocum Genus* profiteamur, addo etiam, demonstramus. Nam tam *Continua* quàm *Discreta Quantitas* in hac verâ, reali, & univocâ naturâ conveniunt, quòd utraque sit per se mensuraverum, utraque denominat subiectum *Quantum*, utraque facit subiecta quibus inest *æqualia aut inæqualia*: hæc autem neque præstat *Continua Quantitas* quâ *Continua*, neque *Discreta*, quâ *Discreta* (nam tum uni solùm hoc competeret, non utrique?) Sed à *Quantitate* in *Genere*, quæ est utriusque natura, velut à communi fonte hæc promanant, & in utraq; ejus *Species* derivantur.

Secundò, de *Quantitate Continua* non pauca observanda sunt, & primò, Quid sit. Secundò, Quæ illius *Proprietates*.

Continua Quantitas est *Quantitas* ejus partes communi aliquo termino copulantur, & *Continua* inter se continuantur; Duo igitur requiruntur in *Quantitate Continua*; unum ut habeat *Quantitas* partes, atque in hoc convenit cum *Discreta*: nam omnis *Quantitas* quâ *Quantitas*, partes quid. habet: alterum ut illæ partes contrinuantur inter se, ita ut sit aliquid utrisque commune, quod est terminus communis utriusque; ut duæ partes lineæ copulantur per idem punctum, quod terminat hanc, & inchoat sequentem partem: sic duæ partes horæ copulantur per unum, & idem instans, quod terminat semihoram præteritam, & inchoat futuram.

Ex hac definitione emanant *Proprietates Continuæ Quantitatis*, quæ sunt hæc quinque *Proprietates Continuæ Quantitatis*. Prima: *Omnis Quantitas Continua in partes quantitativas dividi potest.* Hoc ex definitione liquet, partes enim habet, easdemque continuatas, ideòque *Quantas*, seu *quantitativas*. Numeri verò partes (quæ sunt unitates,) licet integrales sint, *quantitative* non sunt.

Secunda: *Omnis Quantitas Continua, divisibilis est in semper divisibilia, ita ut nunquam illius divisio finiri possit, sed in infinitum dividi possit.* Sequitur ex primâ: nam si partes in quas dividitur *Quantitas Continua*, sint *Quantæ*, tum ipsæ divisibiles sunt: & quia illa dividuntur in partes *quantitativas*, ideò ipsæ rursus divisibiles sunt, & ita in infinitum: nam si unquam pervenias ad partem *Quantitatis* quæ esset indivisibilis, certè illa pars *quantitativa* dici non potest, cum *Quantum* omne divisibile sit, ut ex quartâ *Proprietate Quantitatis* liquet.

Tertia: *In nullâ Continua Quantitate minima pars dari aut mente concipi potest, sed minor eâ semper & esse & dari potest.* Sequitur ex secundâ: nam si minima pars dari posset, tum *Quantitas* illa non esset ultra istam minimam divisibilis, cum minor pars minimâ esse non possit: at est divisibilis in infinitum, sic ut nunquam divisio finiri possit, quare nunquam ad minimam partem perveniri potest, tunc enim cessaret divisio.

Quarta: *Omnis pars Continui est continua.* Sequitur ex secundâ: nam si ulla ejus pars sit quæ non sit divisibilis, citè nulla pars est quæ non est Continua; nam si non sit Continua, sine dubio ad finem dividendo perveniretur.

Quinta: *Nulla Quantitas Continua in terminos suos communes dividi potest.* Sequitur ex secundâ: nam terminus omnis communis indivisibilis est. si ergò in terminos istos dividi posset Continuum, tum ulterius non posset dividi; non igitur in infinitum: at probaturum.

tum est omnem continui partem esse continuam, & posse in infinitum dividi: Impossibile ergo est, ut in terminos indivisibiles unquam dividatur. Atque hoc Arist. 6. Phys. cap. 1. indicat, cum dicit, impossibile esse ut ullum continuum ex indivisibilibus fiat.

Hec loco *Proprietatem Continuae Quantitatis* proposui: quæ, si novitius non capis intellectui, cape fide & assensu. Certè enim si aspiciam, hic locum habet, *Discentem credere oportet*. Capies antea & hæc ipsa facilius, si diligentius & sæpius, tum hæc ipsa revolvās, tum ea quæ istorum illustrandi causā de *Termino* communiter observanda subjungi: nam, ut sine illorum cognitione, ea quæ de *Continua Quantitate* ubique ferè occurrunt, intelligi vix possunt, ita hæc cognitio ac perceptio, facilis ad alia obscuriora aditus aperietur.

Terminus communis quid.

Primò. Quid sit *Terminus communis* videndum. Est autem copula quedam indivisibilis connectens partes continui inter se, ipsa vero neutrius pars, sed utriusque terminus, alterius quidem initiatus, alterius terminatus. Hoc in puncto & instanti explicatum antea fuit.

Secundò. Videndam, cur vocetur *Terminus communis*. Dicitur autem *Terminus*, quia omnis *Continua Quantitas* (quia principium habet & finem) incipit à suo termino, et in ipso definit. Duc lineam, incipiet à puncto, definit in puncto. Punctum verò illius terminus, tum quoad principium, tum quoad finem. Tempus cum incipit in initio mundi, incipit ab instanti. Si cessaret, desineret in instans. Dicuntur verò communes termini, non illi qui inchoant aut finiunt, sed illi omnes qui intermedii sunt inter illos; nam cape quodvis punctum in lineæ medio, illud commune vinculum est utriusque partis. Hoc verò terminus dicitur non quia actu jam terminat, sed quia potest terminare lineam, si linea in illo puncto secetur & dividatur. Est ergo aliquis terminus terminans actu non copulans, est alius terminus copulans, seu continuans, non autem actu terminans: Et hic dicitur terminus communis.

Tertiò. Observa, Quatuor solum esse *Terminos communes Quantitatum Continuarum*: nempe Punctum lineæ, Lineam superficiæ, Superficiem corporis, & Instans temporis; Et hi omnes termini indivisibiles dicuntur, sed diverso modo: nam Punctum, & Instans, sunt simpliciter indivisibilia, ita ut nullo modo dividi possint; Linea verò, & Superficies, indivisibiles dicuntur, non simpliciter, nam illa est divisibilis secundum longitudinem, hæc secundum latitudinem: sed secundum quid, nimirum quia indivisibiles sunt, eā divisione, quā id cuius sunt termini dividitur, ut Linea est indivisibilis secundum latitudinem, Superficies secundum crassitiem.

Quarto. Nota, Nullum terminum communem esse partem ejus cuius est terminus. Nam primò, pars essentialis esse non potest: tunc enim verè diceremus, linea est punctum, & tempus instans, quæ absurdissima sunt. Esse quidem punctuarum, id est, esse Quantitatem terminatam & continuatam puncto, convenit lineæ per se primo modo, ut ait Arist. lib. 1. Demonstr. cap. 4. Nam per hoc exprimitur essentialis differentia, aut definitio lineæ: Sed punctum ipsum de lineā non dicitur: deinde pars subjectiva esse non potest, nam tum lineā de puncto & tempus de instanti essentialiter diceretur, quæ idem absurdissima; tunc enim & punctum & instans essent divisibilia & Quantitates: postremo, pars integralis esse non potest; nam omnis pars integralis continui, cum sit ipsa Quanta, est etiam Continua, ut supra dictum est. Et omnia pars integralis seu Quantitativa continui, est divisibilis in infinitum, ut ante etiam docui; quare cum punctum & instans sint simpliciter indivisibilia, certè partes lineæ aut temporis integrales esse non possunt.

Dub.

Quid igitur sunt, si non partes? aut in quo Prædicamento ponuntur, si non in hoc Quantitatis?

Sol.

Dico esse terminos *Quantitatis*, non *Quantitates*: & tamen in hoc Prædicamento ponuntur, sed nec ut Species, nec ut partes, aut Proprietates Specierum, sed sicut principium Substantiarum reducitur ad Substantiam, ita *Terminus lineæ reducitur ad lineam*, *Terminus temporis ad tempus*, & sic in reliquis,

Quintò,

Quinto. Observa, quod nullum punctum aut alteri puncto, aut lineae partive lineae punctum continuari potest; nec instans aut instanti, aut tempori. Ratio est, quia quicquid contrahitur, continuum est, & omne continuum partes habet; nam continuum est, cujus partes copulantur: At punctum & instans nullas partes habent, cum sint indivisibilia. Quare nec inter se, nec ulli alteri continuari possunt. Idem de aliis terminis dicendum est.

Sexto, & postremo memineris, neque punctum puncto in eadem lineâ, neque instans instanti unquam proximè, immediatè aut contiguum esse. Quod idem de aliis terminis dicendum est pari modo. Nam cum punctum sit indivisibile, si unum punctum in eadem lineâ alteri immediatum esset, nunquam posset fieri ullum continuum, quia punctum puncto continuari non potest. Idem, si instans immediatum esset instanti, non possent inter se continuari, & tum non esset omnino ullum tempus. Atque hoc disertis verbis tradit Arist. lib. 6. Phys. cap. 1. *Inter puncta (inquit) semper est linea, inter instantia tempus.*

Dubitari potest de sphaera, quae si ponatur super planum, tangit illud in puncto. Trahatur ergo sphaera super illud planum, tum id quod proximè tangit erit aliud punctum, quia non tangit nisi in puncto, & sic duo puncta in plano erunt proxima & immediata.

Dub.

Responsio non est difficilis: Nam supponitur id quod fieri non potest, sphaeram cum trahitur aut movetur super planum, tangere aliquid proximè aut immediatè. Non sic tangit: nam sicut motus ejus est continuus, ideoque pars ejus prima nulla est; ita in eo super quod est motus ejus, nulla pars prima dari potest. Sicut ergo nulla pars motus est prima, sed semper prior alia datur: ita nullum punctum primum ad quod movetur datur, sed motus ejus est super lineam, lineae autem prima pars non potest assignari.

Sol.

Difficilior longè videtur illa objectio, cum linea aliqua in duas partes secatur tunc enim in extremo utriusque partis est punctum: illa verò duo puncta ante sectionem lineae aut proxima erant unum alteri, aut utraque proxima alicui tertio puncto in quo sectio & divisio fiebat, quorum utrovis dato sequitur punctum in linea puncto fuisse proximum atque immediatum.

Dub.

Respondeo, neutrum eorum sequi; nam nunquam punctum puncto immediatum est in linea, sed semper linea puncto. Dicendum igitur est, ante sectionem lineae non fuisse ibi duo puncta actu, sed duas partes lineae illo puncto in quo sectio fiebat fuisse continuatas sibi invicem, & immediatè copulatas. Post sectionem autem per divisionem lineae, oriuntur duo puncta in actu, quorum ante sectionem neutrum actu existerat, sed potestate tantum in linea. Ideò non rectè queritur, cuius illa duo puncta immediata fuerunt, cum duo actu non fuerunt, sed solum duae partes lineae puncto medio in quo sectio fit, immediatae. Ei autem quod non existit actu, nihil proximum aut dari potest, aut dari debet. Sed haec spinosiora iis qui orio abundant discutienda relinquo. Mihi satis sit monuisse (id quod firmissimè tenendum est) neque in lineâ, punctum puncto; neque in tempore, instans instanti immediatè esse posse.

Sol.

Sequuntur jam Species Quantitatis Continuae. Ea est duplex: Permanens, cujus partes omnes simul manent & existunt: Successiva, cujus partes simul non sunt, sed una alteri succedit, ut fit in tempore. Quantitas continua permanens vocari solet extensio: extensio autem ista est, vel in solum longitudinem, & tum vocatur Linea; quae est Quantitas continua permanens extensa in longitudinem tantum, neque in latitudinem, neque in profunditatem: vel est in latitudinem simul & longitudinem, non in crassitiem, & haec vocatur Superficies: vel in longitudinem, latitudinem & profunditatem, & vocatur corpus, seu magnitudo. Corpus (inquam) non Substantiale, quod est subjectum crassitiei, & est in Prædicamento Substantiae; sed Quantitativum, quae est ipsa crassities, vel extensio in longum, latum, & profundum, quae inheret corpori, & denominat ipsum crassum seu magnum, & hoc corpus non est Substantia, sed Quantitas inherens corpori.

Quantitas
Continua per-
manens.

Linea.

Superficies.
Corpus.

Etsi autem nec Linea unquam actu existat sine Superficie, nec Superficies sine Corpore, tamen natura, essentia, & definitione differunt; ideo intellectu ac mente se junguntur, licet non actu.

Pro.

Proprietates
Quantitatis
continuae per-
manentis.
Subiectum ex-
tensionis omnis
est Corpus.

Proprietates Quantitatis continuae permanentis est denominare subiectum in quo inest extensum: Lineae Proprietas, denominare subiectum longum; Superficie, latum; Corporis, Crassum, profundum, aut magnum. Subiectum proprium Quantitatis omnis continuae permanentis est corpus substantiale; hoc etiam solum per se magnum aut extensum dicitur, & habere partem unam integram extra aliam positam. Per Accidens verò & gratia huius Quantitatis continuae permanentis, Accidentia corporis, ut albedo, nigredo, & similia, extensionem habent & magnitudinem. Spiritus verò & incorporeae Substantiae, cum Quantitatem istam continuam permanentem omnino non habent, ideo nec per se nec per Accidens extensi aut magni dici possunt, neque habent partem unam extra aliam, aut (quod idem valet) partes integrales continuas non omnino habent; sed ubicunque talis Substantia est, tota est; Tota inquam, in toto cui inest, & tota in qualibet parte illius.

Causa exten-
sionis quae.

Causa proxima unde fluit extensio omnis, est ipsa forma Corporis, quam Corporietatem vocant; ideoque extensio convenit per se corpori, secundo modo; sicut risibilitas homini. Atque hinc fit, ut omne Corpus sit extensum per se, id est, ex sua ipsius natura extensionem habet, & quicquid ita extensum est, sit corpus: Cum igitur Spiritus formam corporis non habet, certè nec extensionem ullam habere potest.

Hæc de Quantitate continua permanente: Veniamus ad successivam. Ea Tempus vocatur: verè autem Tempus sic definitur potest, Tempus est Quantitas continua successiva. Nec plura addi necesse est: Nam in eo quod Quantitas est, indicatur esse mensuram rerum: quod Continua, notatur in qua Specie Quantitatis sit, talis nempe cujus partes per Instans (Nunc vocat Philosophus) continuantur, & copulantur: in eo quod successiva dicitur, significatur esse mensuram rerum in successione positarum.

Tempus Quid.

Sed quia Arist. 4. Phys. cap. 11. aliter Tempus definit, illius definitionem paucis hic explicemus. Ea hæc est, Tempus est numerus motus secundum prius & posterius. Numerum dixit, id est, mensuram: Nam sic Numeri nomen sumpsit pro Mensura, non autem pro Quantitate discretâ, sic enim Tempus Numerus esse non potest. Numerum motus vocavit: non quia sit solius motus mensura, nam mensurat quietem omnem, omnes Actiones, Passiones, imò durationem omnem rerum omnium quæ in successione sunt: sed motum solum nominavit quia motus coeli est omnium quæ Tempore mensurantur maximè conspicuus, & quo ipso durationes alias non minus quam Tempore metimur: etsi secundariò per motum, primariò verò per Tempus res ipsæ mensurentur. Additur per prius & posterius, ut significet, Tempus mensurare solum res successivas, in quibus solis est prius & posterius non verò aut instantaneas, aut æternas. Nam quorum duratio est instantanea, in eis non est prius aut posterius, cum instans sit omnino indivisibile. Æternum verò nihil est præter Deum Opt. Max. Is solus caret initio & fine, & quia æternus est ideo successionem suæ durationis non habet, sed ejus duratio est tota simul, cum Deus nullius mutationis sit capax. Quare Durationis Dei mensura est eternitas, id est, ipse Deus: Instantaneorum omnium mensura, est Instans: Successivorum verò omnium, & solum successivorum, mensura est Tempus.

Non est Tem-
pus illud dis-
cretum.

Ex his duo consequuntur dignissima observatio: prius est, Nullum esse aut esse posse Tempus discretum, id est, tale cujus partes discretæ sunt et nullo termino communi copulatæ. Hoc enim est contra naturam Temporis, cum Tempus in essentia suâ sit continuum. Quare absurdissimum est, quod Aquinas part. 1. quæst. 53. art. 3. ait (& post eum nonnulli alii) esse aliquod Tempus (illud putâ in quo angelus movetur) non Continuum, in quo unusquisque instans alteri instanti proximum est & immediatum, quodque est successio quadam ipsorum, Nunc. Nam ut antea ex Arist. docuimus, impossibile planè est, ut instans sit instanti proximum. Sed profecto necesse est eum qui hæc somniis aurem præbere velit, non Aristoteli modò bellum indicere, sed novas rerum Classes & Prædicamenta cadere, in quæ Tempus hoc discretum, id est, Chumera Thomistica, reponatur.

Tempus men-
surat motus
& durationes
Angelorum.

Secundum quod consequi dixi est hoc 1. Non solum durationem corporum, & motum corporis; sed etiam durationem, motum, quietem, Actiones Angelorum, & omnium Spirituum,

tuum, Tempore mensurari. Nam omnium successivorum mensura est *Tempus*. Angelorum autem motus, quies, actiones, duratio, non aliter successiva sunt, quam motus & duratio Corporum; in eis non minus quam in his, est *prius & posterius*. Quod v. r. Aquinas part. 1. q. 10. art. 3. & qui eum sectantur asserunt, *Ævum esse mensuram durationis Angelorum, & esse ipsorum*; Ævum inquam, quod est intermedium inter Tempus & Æternitatem, & ab utroque diversum, somnium planè est. Quod subtilitatem quandam sapere videtur, sed omni planè soliditate caret. Ævum tale nullum est, nec fingi necesse est, cum Tempus sufficiat ad durationem omnium planè successivorum menurandum, sive Spiritus sint, sive Corpora. Nam ut omnium eorum motus sunt continui, ita duratio omnium est successiva, ideòque talis quæ Tempore mensurari & possit, & debeat.

Quid Tempus sit satis jam diximus: *Proprietas* ejus est *denominare res omnes successivas, temporales, & ipsorum durationes metiri*. Hoc per se præstat Tempus, & præter Temporis. Tempus nihil.

Subiectum proprium Temporis non est *primum mobile* aut *eius motus*, ut sensit Aquinas, part. 1. q. 10. art. 6. non Corpus, non Spiritus, sed id quod his omnibus commune est, *Substantia ipsa, quæ est summum Genus, id est, ipsa materia prima*. Huic primario convenit duratio successiva, ideòque Tempus: & cuicumque hæc inest, inest etiam gratia materię duratio successiva seu Tempus: & sicut Homo, lapis, planta, cælum, Angelus substantant Accidentibus gratia Substantię, & materię primæ, quæ est in ipsis, quæque tribuit ipsis hanc vim & potestatem substandi: itidem planè homini, lapidi, omnibusque omnino Substantiis Tempus inest, quia illis omnibus Substantia seu materia prima inest, à qua habent durationem successivam, & ut sic dicam, Temporalitatem, id est, hoc ut Temporalia sint, & dicantur.

Causa proxima & immediata unde fluit Duratio successiva seu Tempus est ipsa sim- plex essentia Substantię seu materiæ primæ. Ex quo sequitur Durationem successivam seu Tempus primario competere Substantiis, quia per se illis convenit: per se inquam secundo modo, quia fluit ab ipsorum essentia: secundario vero, & gratia Substantiarum convenit motui, magnitudini, qualitati, & aliis Accidentibus quæ insunt Substantiis.

Finem hic fecissim de Tempore differendi, nisi solvenda esset una aut altera dubitatio. Videri enim potest, Tempus nihil esse, ideòque non esse Quantitatem. Id enim quod nunquam est, nihil est; Tempus autem nunquam est, quia illud esse aut existere dicitur, quod vel totum existit, vel saltem aliquæ partes ipsius; at nec totum Tempus, nec ulla pars Temporis unquam existit. Nam partes omnes Temporis, aut sunt præteritum Tempus, aut futurum: præteritum abiit & jam non est: futurum non advenit, & adhuc nondum est. Quod si nulla pars Temporis exstat, multo minus totum existere potest.

Respondeo, aliter rem se habere in rebus *permanentibus*, aliter in *successivis*. *Permanentia* non dicuntur existere, nisi vel totum vel partes aliquæ ipsorum simul existant: At in *successivis* non requiritur ut vel totum, vel pars ulla simul exstat, imò hoc impossibile est, & contra naturam successivorum. Satis autem est ad existentiam rei successivæ, si aliquid ejus exstat, puta terminus continuans partem unam cum alterâ. Quando aut quamdiu ullus talis terminus existit, tamdiu Tempus, motus, & alia successiva existere dicuntur. Unde, dies, mensis, annus præteritus, sæculum prius, quòdque elapsum est, jam non potest dici existere. Quia nihil ipsorum, ne terminus quidem copulans, jam existit. Sed hora, dies, mensis, annus, sæculum præsens & currens, verè jam dicitur existere, quia jam aliquid ipsorum existit, nempe instans. Et terminus continuans unam partem illorum cum aliâ, præteritum nempe, cum futuro. Dixi instans copulans aut continuans: nam ad existentiam vel motus, vel Temporis, vel aliorum successivorum, non satis est ut instans terminans existat, quippe nec Tempus, nec motus dicitur existere, vel in primo, vel in ultimo sui instanti. Nam in primo incipit esse, sed nondum est, verum immediate post hoc instans erit: in ultimo definit esse, sed non jam est, verum immediate ante fuit; quamdiu autem ullum in-

stans continuans Temporis aut motus existit, tamdiu verè & Tempus & motus præsens est, & existere dici potest.

Dub.

Altera dubitatio longè spinosior est. Arist. lib. 5. Metaph. cap. 13. videtur delere Tempus è numero Specierum Quantitatis. Ibi enim ait, *Quantitates alias esse per se, ut lineæ; alias per Accidens, ut sunt motus & tempus.* Hæc enim, inquit, quanta sunt & continua, eo quòd illa divisibilia sunt quorum ista sunt passionēs; *Motus nempe, quoniam magnitudo quanta est, Tempus autem propter motum.* Idem ferè docet lib. 4. Phys. cap. 11. ubi sic ait, *Quia magnitudo continua est, ideo & motus continuus est, & quia motus continuus est, ideo & tempus continuum est.* Hinc jam consequitur Tempus non esse Speciem Quantitatis, aut Quantitatis continuæ, nam omne Genus convenit per se primo modo suis Speciebus; Quantitas autem, & continuitas conveniunt Tempori non per se, sed per Accidens, ut discretè ait Arist. Præterea motus magis videtur esse Quantitas Continua, quam Tempus: quia Tempus utrumque habet propter motum; & quicquid facit tale est magis tale. Cum igitur motus non sit Species vel continuæ Quantitatis, vel Quantitatis discretæ, certè multò minus erit Tempus, quod à motu habet tum ut continuum sit, tum ut sit quantum.

Sol.

Fateor hunc esse nodum verè Gordium, & dignum vindice. Et quidem Jul. Pac. in cap. de Quant. & Keck. lib. 1. suæ Log. cap. 8. quia hoc dubium solvere nequibant, maluerunt Tempus è numero Specierum Quantitatis penitus expungere, quam suam ipsorum imbecillitatem agnoscere: mihi ab antiquo tramite non videtur abscedendum, multoque satius est, & ingenuo viro dignum, incertam suam in expediendis difficultatibus profiteri, quàm spreta Arist. autoritate, receptam & canitiæ suæ venerandam sententiam respicere. Erit hic locus ubi alii forsitan ingenii sui nervos exerceant; mihi ita respondendum videtur. Aliquid dicitur Quantum & continuum per se, duplici sensu; vel quia est quantum & continuum essentialiter: vel quia ejus Quantitas & continuitas per sese manifesta est, nec indiget manifestatione aliundè; ut in Lineâ & Superficie. Pari modo, aliquid dicitur Quantum & continuum per accidens duplici sensu; vel quia non est quantum & continuum essentialiter, vel quia ejus Quantitas & continuitas aliundè manifestari indiget. Jam Arist. in Metaph. negat Tempus esse Quantum & continuum per se, & asserit esse Quantum & continuum per accidens in secundo sensu, quia ejus Quantitas & continuitas non est manifesta per se, sed aliundè manifestari indiget, nempe à motu. Utrum verò Tempus sit quantum et continuum per se, an per accidens in primo sensu, ita ut sit Quantum et continuum essentialiter, de eo nihil omnino loco citato agit Arist. neque asserit ibi, neque negat. Sed alibi in Cap. nempe de Quantitate hoc apertissimè asseruit, cum docuit Tempus esse speciem quantitatis continuæ, ideòque esse Quantum per se primo modo, et essentialiter. Idem dicendum de motu. Arist. in Metaph. negat motum esse Quantum aut continuum per se, et asserit esse Quantum et continuum per Accidens in secundo sensu, quia ejus Quantitas et continuitas non per sese est manifesta, sed aliundè manifestari indiget, nempe à magnitudine. Utrum verò motus sit Quantum et continuus per se, an per accidens in primo sensu, ita ut sit Quantum et continuum essentialiter, de eo nihil omnino loco citato agit Arist. neque asserit hoc ibi neque negat. Sed alibi, in cap. nempe de Quant. hoc apertissimè negavit. Sic enim ait, *Hæc sola quæ enumerata sunt (inter ea vero est Tempus) sunt propriè (seu per se) Quanta, reliqua omnia ex Accidenti: ut albedo, actio, motus; non enim per se Quanta dicuntur.* Ecce hic aperte affirmat Tempus esse, et motum non esse Quantum, aut continuum per se, id est, essentialiter. Quare cum non sit par sentire, tanquam Philosophum fuisse sui oblitum, aut contraxisse suis ipsius scriptis, necesse est ut dicamus eum alio sensu in Prædicamentis asserere, et alio in Metaphysicis negare Tempus esse Quantum et continuum per se; et alio sensu in Prædicamentis negare, & in Metaphysicis asserere Tempus esse quantum aut continuum per Accidens, Quis autem iste diversus sensus mihi esse videatur, dixi.

Hunc

Hunc esse sensum *Arist.* ex ipsis verbis lib. 4. *Phys.* cap. 11. perspicere licet : nam illic ex professo docet, *Tempus manifestari per motum*, et nos duci ad noticiam Temporis per noticiam motus : Quod ex eo probat, quia si quis somno sit sepultus, ita ut motum non sentiat ullum fuisse, idem neque Tempus fuisse existimabit. Hoc concluso, pergit *Arist.* et docet motum non solum manifestare nobis quod Tempus sit, sed etiam quid sit, et quale. Nam sicut ex magnitudine et continuitate mobilis cognoscimus motum esse quantum et continuum, (etenim quia continuum est mobile, ideo una pars alteri continue succedit in motu, donec perveniatur ad terminum ad quem) ita ex continuitate motus, cognoscimus Tempus esse continuum, nam mensura debet esse proportionata rei mensuræ; cum ergo motus qui mensuratur tempore, sit continuus, necesse est Tempus quod est mensura motus, esse Continuum. Sic in *Physicis*, *Arist.* continuitatem motus, ex magnitudine; et continuitatem Temporis ex motu, manifestari docuit. Quis vero melior *Aristotelis* interpretis quam ipse? Quare ex hoc quod in *Physicis* docuit, merito explicare possumus ejus verba in *Metaphysicis*, Tempus et motum dici quanta et continua *per accidens* propter manifestationem *continuitatis motus*, per magnitudinem, et Temporis per motum.

Dixi autem manifestari non causari : nam etsi *Arist.* dicat motum esse continuum, quia magnitudo est continua, aut propter magnitudinem; et Tempus esse continuum, quia motus est continuus, aut propter motum : tamen illæ dictiones (*quia* et *propter*) ita accipienda illic sunt, ut notent certitudinem consequentiae, non causalitatem rei; nam propter continuitatem magnitudinis, aut quia magnitudo est continua, ideo verè et firmiter consequitur motum esse continuum; sed tamen causa proxima continuitatis in motu, non est magnitudo mobilis, (nam tum motus Angelorum non posset esse continuus, ut esse certum est) sed ipsa finita natura & essentia Substantia quæ est summum Genus seu materia prima, (à quâ motus & potentia movendi fluit) hæc, inquam, natura causa est proxima continuitatis in motu, sive sit conjuncta cum magnitudine, ut in Corpore; sive sejuncta à magnitudine, ut in Angelis. Nam quia Substantia illa finita est, & finitam vim habet, ideo non potest simul & in instanti, vel promovere mobile vel promoveri à movente, à termino à quo in terminum ad quem, sed necesse est ut successive, ideoque tum continuitate motus id faciat. Similiter propter continuitatem motus, vel quia motus est continuus, ideo verè & firmiter consequitur Tempus esse continuum, sed tamen causa proxima & immediata continuitatis in Tempore, non est motus, neque continuus motus (nam Tempus sine dubio continuum esset etiam si omnia quæ sunt in rerum naturâ quiescerent.) Sed causa illius continuitatis est ipsa finita natura & essentia Substantia vel materia prima à quâ fluit Tempus; nam quia finita est, ideo non potest totam durationem suam & existentiam, simul & indivisibiliter habere, sed necesse est ut eandem successive, ideoque cum continuatione durationis habeat. Hæc mihi ad illam objectionem dicenda occurrebant : Tu

— siquid novisti rectius istis,
Candidus imperti, si non, his utere mecum.

Hæ sunt omnes Species Quantitatis Continuae : Quod si quis Locum addendum hic existimet, is intelligat, Locum non esse ab his distinctum naturâ, specie, & essentiâ, sed sub Superficie comprehendendi. Etenim *Arist.* 4. *Phys.* cap. 4. definit Locum esse Superficiem continentis; Superficiem (inquam) concavam; quæ à convexâ, et planâ, Accidente solum differt, non naturâ & specie : ut homo erectus, à curvo; aut manus clausa, ab aperta; ideoque Locum prout ab *Arist.* 4. *Phys.* 4. definitur, è numero distinctarum Quantitatis Specierum, rejicit *Fons.* in *Com.* in lib. 5. *Metaph.* cap. 13. quæst. 7. sect. 2. sicut etiam *Jul. Pac.* cap. de *Quant.*

At *Arist.* cap. de *Quant.* ponit Locum pro distincta Specie à Superficie, & aliis Quantitatibus. Dub.

Ponit quidem, sed ex veterum, eâque falsâ opinione, non ex suâ ipsius sententiâ : Nam Sol. *Locus* quem eo capite intelligit, sumitur pro eo intervallo immobili, quod extendi per totum mundum,

mundum, foris etiam extra mundum, putabant aliqui. Huic intervallo trinas illi dimensiones, Longitudinem, Latitudinem, & Profunditatem tribuebant, uti corpori *Quantitativo*: id tamen ut distinctam *Quantitatis* Speciem, & à corpore naturâ differentem, statuiebant; quia corpus *Quantitativum* inherere subjecto, intervallum verò per se existere, nullique subjecto inherere, docebant: & corpus *Quantitativum* mobile à Loco in Locum, intervallum verò penitus immobile censiebant. Hoc autem sensu Aristotelem accepisse Locum in cap. de *Quanto* certum est, non solum ex Interpretum consensu hoc asserentium, ut ex Fonsce, in Com. in lib. 5. Metap. cap. 13. quest. 7. sect. 1. liquet, sed etiam ex ipsius verbis; ait enim, *Locum habere eundem terminum communem, quem habent partes corporis*, nu. 9. Jam partes corporis nullum terminum alium habent quo copulantur, præter Superficiem. Quare *Locus* ille de quo ibi agit, non est Superficies, sed *magnitudo ipsa corporea, cujus terminus est Superficies*, ideòque verè illud intervallum quod veteres somniabant. Quare cum intervallum illud nihil sit reale, sed merum figmentum, quod falsò ponebant Chrysippus & veteres Academici, quòdque ab ipso Arist. solidissimis rationibus refutatur, in 4. Phys. cap. 3 & 4. meritiſſimò, *Locus ut intervallum significat, è Speciebus Quantitatis, imò è Prædicamentis* (quæ sunt Classes Rerum) rejiciendus est.

Quantitas Discreta quid. Veniamus nunc ad *Discretam Quantitatem*, quæ definitur esse *Quantitas cujus partes nullo communi termino copulantur, sed distinctæ, separatæ, ac discretæ manent*: ut in Binario numero, partes illius, quæ sunt duæ unitates, *Discretæ* sunt, neque ullo vinculo aut termino communi copulantur. Si enim ullo, certè is nihil aliud quàm unitas esse, aut fingi potest. Si autem præter duas istas unitates, Binarii, tertia quæ sit terminus eorum communis, adjiciatur, profectò in binario erunt tres unitates, & ita Binarius erit ternarius. Quod idem de omni alio numero pari ratione dicendum est. Præterea additio terminorum communium nunquam reddit *Quantitatem* majorem; nam si addas infinita puncta Lineæ, cum illa omnia indivisibilia sint & non quanta, nunquam Lineam majorem efficiunt. Sed si vel unicam unitatem addas ulli numero, sit major *Quantitas*, major numerus. Quare unitas terminus communis esse dicere non potest.

Oratio non est Quantitas Discreta. Species *Quantitatis Discretæ* ab Arist. recensentur duæ, *Numerus & Oratio*. Sed recenset illas ex sententiâ vulgatâ, & tunc temporis receptâ, uti de Loco, nuper monuimus, non ex rei veritate, aut suâ mente. Agnoscunt hoc Cajet. Alber. & Pet. Fons. ut videre licet in Com. suo in Metap. lib. 5. cap. 13. quest. 5. sect. 2. Nam *Oratio*, ve ipsa *Quantitas non est, neque Species Quantitatis*, quippe ex se nihil mensurat, imò ipsa ab alio mensuratur, nempe à Tempore. Nam syllaba aut dictio, hæc brevis est, illa longa; quia hæc brevi, illa longo tempore pronunciatur aut pronancianda est; neque aliunde cognoscitur ullius syllabæ aut dictionis *Quantitas*. Quare cum *Oratio* ex se non mensuret, sed ejus *Quantitas* aliunde mēsuretur, certum est *Orationem Quantitatem* non esse: Omnis enim *Quantitas ex sese aliquid mensurat*. Aut igitur erravit Arist. cum posuit *Orationem* inter Species *Quantitatis*, aut eum id statuisse ex aliorum sententiâ asserendum est. Errasse tantum Philosophum indignum est ut sentiamus; sequutus igitur in hoc est vulgatam & receptam divisionem (cùm duas Species *Quantitatis Discretæ* posuit) de quâ, an vera esset aut falsa, noluit in hac brevi, & minus accuratâ tractatione differere. Relinquitur ergo, nullam aliam esse *Quantitatem Discretam* præter *Numerum*, qui non est Species *Quantitatis Discretæ* cùm contradiçta Species nulla sit, sed est *ve idem placeat cum Discretâ Quantitate, cumque eâ convertitur*. De *Número* verò pauca hic addamus.

Numerus quid. *Numerus* vel sic defini potest, *Est Quantitas Discreta*: (nam *Quantitas*, Genus illius est; *Discreta*, Differentia per quam ab omni aliâ *Quantitate* essentialiter distinguitur) vel sic cum Euclide. lib. 7. def. 2. *Numerus est multitudo unitatum*: id est, *Quantitas constans & composita ex multis unitatibus*, ut ex partibus integralibus. Nam quod vulgo dicitur, *Ex his non sit Quantum*, id, quod neque ex unitatibus *Numerus*; id tantummodo

tummodò verum est, & est accipiendum de *Quanta continua*, nam, *Quantum continuum* ex non *Quantis* fieri non potest; ut Linea non sit ex punctis, nec, tempus ex instantibus: Sed *Discretam Quantitatem*, puta *Numerum*, ex non quantis, puta unitatibus constare & fieri, ut ex partibus ipsius integrantibus, non modò verum est, sed necessarium.

Ex hac definitione tria manifestè consequuntur. Primum est, *Unitatem non esse Numerum*, sed solum principium aut partem *Numeri*; nam omnis *Numerus* est multitudo, at unitas multitudo non est. Deinde omnis *Numerus* est *Quantitas*, & *Quantitas* omnis est divisibilis in partes: unitas autem in partes dividi non potest, cum nihil unitate minus sit in quod dividatur. Id quidem quod unum est, puta Homo, lapis, mina, denarius, in partes dividitur, at ipsam unitatem dividi impossibile est.

Sed quid Grammaticis tum dicemus qui singularem *Numerum* toties intonant?

Dicendum est illos latius, & abusive, accipere nomen *Numeri*, prout non solum *Numerum* proprie dictum, sed & principium *Numeri* (quod est unitas) complectitur. Revera autem, vox hæc [singularis] addita *Numero*, diminuens terminus est, qualis [pictus] si addatur homini neque aliter singularis: *Numerus*, *Numerus* vocari potest, quam homo pictus vocatur homo; utrumque improprie, utrumque anachresticè.

Dab.

Sol.

2. Quod consequitur est hoc: *Numerum maximum nunquam dari posse*. Nam nullus est aut fingi potest *Numerus*, cui unitas una, imò vero decem myriades unitatum addi non possint. Addita autem vel unica unitate, *Numerus* fit major. Atque hinc illud vulgatum verissimumque axioma: *Nec in Quantitate Continua dari potest minimum, nec in Quantitate discreta maximum*.

Nullus est Numerus maximus.

3. Est hoc: *Numerus omnis finitus est, neque ullus Numerus actu infinitus dari potest*. Est enim contra ipsam naturam & essentiam *Numeri*, & a quod sit *Numerus*, & sit actu infinitus actu infinitus: hoc liquet ex secundo, nam nullus *Numerus* aut esse aut fingi potest, quin esse non potest. major eo facillimè derur; nam adde ei vel unicam unitatem, habes majorem. At infinito *Numero* major dari non potest; certum enim est quod vulgò dicitur: *In Infinito non est majus aut minus*; & Infinito nihil est Infinitius. Quoniam igitur omni *Numero* dari potest, aut qui esse dari potest, semper major *Numerus* dari potest, certe si esset, qui esse posset ullus *Numerus* actu infinitus, posset etiam dari infinito ipso *Numero*, major aliquo, & magis infinitus *Numerus*, quod est simpliciter impossibile.

Quid sit *Numerus* diximus. Proprietas *Numeri* est hæc: quod per eum res omnes *Numerari* possunt, & quanta sit illorum multitudo explicari. Dico res omnes, tam spirituales, quam corporales; non minus enim denario *Numero* numerantur decem angeli, quam decem homines, aut equi: neque solum ea quæ realiter, formaliter, & actu, atque sua totalitate distincta sunt & divisa, sed etiam illa quæ mente solum, & intellectu separantur aut distinguuntur, non reali distinctione. Sic, quinario *Numero* quinque digitus unius manus, quinque partes unius lineæ vere numerantur.


Subiectum Numeri quid.

Subiectum Numeri, sunt res ipsæ numeratæ: ut subiectum denarii *Numeri* quo decem Angeli mensurantur, sunt decem Angeli; itidem decem homines, decem lapides, decem digitus subiecta sunt illius *Numeri* quo numerantur. Sunt hæc (inquam) unum subiectum illius *Numeri*: sed unum, non essentialitè, neque continenter, neque eorum essentia, sed unum per aggregationem. Nam sicut ipse *Numerus* discretus est quoad suas partes & unitates, & est unus per illarum unitatum aggregationem: ita non requirit subiectum unum continuum, aut unum per essentialitè, sed sufficit si sit unum per aggregationem, & illi *Causa Numeri* est diversitas seu distinctio rerum: Distinctionem dico, vel realem & quoad subiecta, ut in decem Angelis, decem hominibus, & similibus, vel mentalem, quando res in uno subiecto designat distinctas partes, licet sint inter se continuatæ, ut cum decem partes ejusdem lineæ, ejusdem hominis aut arboris designantur. Nam quod vulgò dicitur *Numerum dari ex divisione continui*, id hanc sententiam habet, quod semper ex divisione continui *Numerus* partium jam separatarum oritur, & quo magis dividis, major erit *Numerus*: Sed sensus non est, quod nullus *Numerus* sit in rebus. Quia quando conti-

Causa Numeri.

continuum dividatur, sic enim nec esset Numerus in Angelis, nec in decem hominibus, nec in decem arboribus, quia in his nulla est divisio continui: cum decem homines inter se continui non sint. Ratio autem, quare distinctio rerum facit Numerum, est ista, quia ex ista distinctio & diversitate fit ut res diversæ sint & multæ; ut quia hic Angelus diversus est ab illo, ideo hic unus est, ille alius, atque ita multi sunt: facta autem multitudine fit Numerus, cum Numerus sit ipsa multitudo unitatum: idem dicam de distinctio-
ne huius lapidis ab illo, huius digiti ab illo.

Atque hæc de Numero, deque tota Serie huius Prædicamenti, cujus Synopsin hic subjungo.



CAP. XII. De Relatione.

Post *Quantitatem*, si accuratus rerum ordo serveretur, de *Qualitate* agendum esset, & aliis absolutis Prædicamentis, ac postremo de *Relatione*. Sed nos *Arist.* vestigiis insistemus, qui, ut ea quæ de Relatis, cap. de *Quantitate* dixerat, facilius intelligerentur; voluit, perspicuitatis causa, invertere paulo rerum ordinem, & *Relationem Qualitatis*, reliquisque Prædicamentis Absolutis præponere.

De Relatione tria declaranda sunt:

1. Quodnam sit hic summum Genus, & quomodo definiatur.
2. Quæ illius Proprietates.
3. Quæ ejus series.

Relata & Relationes differunt inter se.

Ut Genus summum in hoc Prædicamento inveniat, advertendum est diligenter, multum inter se differre *Relata*, seu ut *Arist.* vocat, ea quæ sunt ad Aliquid, & *Relationes*: Nam *Relata*, sunt termini Relationis, vel Subiecta quibus insunt *Relationes*, quæ per istas *Relationes* invicem referuntur inter se. *Relationes* autem non referuntur ipsæ ad alia, sed sunt nudæ formæ, per quas *Relata* seu termini referuntur: Exempli gratia, Pater refertur ad filium, per hanc Relationem quæ dicitur Paternitas; & filius ad patrem, per eam Relationem quæ dicitur Filiatio; Paternitas autem & Filiatio non referuntur ad ulla, sed per illam patrem, per hanc filium refertur. Quare *Relata referuntur, Relationes sunt respectus ipsi seu referentia quibus Relata referuntur*; aut si apertius loqui velis, *Relata* sunt subiecta ipsa prout Relationibus sunt affecta, *Relationes* sunt nuda Accidentia quibus subiecta efficiuntur, & ex quibus *relata* vocantur.

Relatum non est summum Genus.

Ex hoc discrimine, quatuor consequuntur, quæ ad investigandum summum Genus aptè conducunt. Primum est hoc: Relatum nec est nec esse potest summum Genus unius Prædicamenti. Ratio aperta est: Nam Relatum refertur ad aliud, nempe ad Correlatum. Quare si Relatum esset summum Genus, pari ratione etiam Correlatum ejus esset summum.

summum Genus; & ita aut essent duo summa Genera unius Prædicamenti, aut hoc non esset unum Prædicamentum, & sic essent plura quàm decem. Cum igitur nulla ratio vel fingi potest quare Relatum esset summum Genus, & non etiam illius Correlatum, certè consequitur, aut neutrum, aut utrumque esse summum Genus; & quia utrumque esse impossibile est, profectò neutrum eorum summum esse profectum est. Præterea omnia summa Genera simplicia sunt & incomplexa, ut ex prima divisione Antepredicamentali liquet: at *Relata omnia complexa sunt*, significantia duas naturas totaliter distinctas, Subiectum nempe cui inest Relatio, & ipsam Relationem. Summum igitur Genus Relatum esse non potest.

Secundum consequens est hoc: *Relatio verè est summum Genus hujus Prædicamenti. Relatio est* Sequitur ex priori: Nam certum est vel Relatum, vel Relationem ipsam esse summum Genus hujus Serie: nihil enim aliud cum ulla Specie probabilitatis vel fingi potest. Cum igitur ostensum sit, Relatum non esse, relinquatur Relationem ipsam esse verè summum Genus.

Tertium est hoc: *Relata nulla sunt vel Genera, vel Species, vel differentia, vel Propria, vel Individua hujus Prædicamenti.* Relata non Sequitur ex præcedentibus: Nam ista omnia incomplexa sunt, ac Relata omnia complexa, ut jam ostendimus. Præterea summum Genus verè & essentialiter de omni inferiori Genere, deque omni Specie, & Individuo prædicatur; at Relatio quæ est (ut ante probatum est) summum Genus hujus Prædicamenti, de nullo Relato dicitur: tum enim non Relatum esset seu terminus qui refertur, sed Relatio ipsa per quam terminus alius referretur ad alium. Quare hinc constat Relata nulla posse dici, vel Genera, vel Species, vel Individua, hujus Prædicamenti.

Quartum consequens est hoc: *Relata nulla directè ponuntur in ullo Prædicamento, reductivè verò in hoc Relationis collocantur.* Relata solum in Prædicamento reductivè. Hoc etiam ex præcedentibus liquet: Nam quicquid directè in ullo Prædicamento locatur, illud incomplexum est: at nullum Relatum est incomplexum. Reducuntur verò ad hanc classẽ, quia termini sunt Relationis, sicut Punctum, & Instans reducuntur ad Quantitatem, quia sunt termini Quantitatum. Atque hoc sensu, neque alio, capiendum est illud quod frequentissimè dici solet: *Relata esse in hoc Prædicamento, aut hoc esse Prædicamentum eorum quæ sunt ad Aliquid.* Ex enim quia Relationum natura ac essentia subtilis valdè est, neque ex se facilè percipitur, ideo frequenter pro Relationibus, Relatis utimur, quia illa facilius cognoscuntur, & per illa ad Relationum cognitionem quasi manu ducimur.

Cæterum, etsi Relata ponantur in hoc Prædicamento eo quem dixi modo, tamen non omnia ne sic quidem hic locantur. Ut autem sciamus quæ Relata sint, quæ non sunt hic reponenda, sedulo advertenda est hæc distinctio:

	<p>Intentionalia, quæ sunt secundæ intentiones, in quibus mens nostra concipit respectum unius ad alterum. Talia sunt Genus & Species, Causa & Effectum, Subiectum & Adjunctum, & similia prout intentionaliter secundum Esse accipiuntur, non autem materialiter, pro rebus ipsis quæ illis intentionibus substernuntur.</p>	<p>Relata secundum dici, quorum essentia quidem absoluta est, sed tamen accidentaliter notant respectum quandam superadditum essentia ipsorum; ut Scientia & Scibile, Sensus, & Sensibile.</p>
<p>Relata sunt duplicia, Realia, quæ sunt res ipse sine mentis nostre operatione existentes & respectum notantes; hæc sunt vel Relata</p>	<p>Secundum dici, quorum essentia quidem absoluta est, sed tamen accidentaliter notant respectum quandam superadditum essentia ipsorum; ut Scientia & Scibile, Sensus, & Sensibile.</p> <p>Secundum Esse, quorum tota essentia est in Relatione posita, sic ut absolutam naturam nullam habeant; ut Pater & Filius, Dominus & servus.</p>	<p>Hinc</p>

Hinc jam explicari potest, quæ Relata sint, quæ non sint in hac Serie: Illud tribus Propositionibus declaro.

Relata Intentionalia non sunt in ullo Predicamento 1. Est hæc: *Relata intentionalia neque in hoc, neque in ullo alio Predicamento per se reponi possunt.* Ratio manifesta est, quia Predicamenta sunt Classes Rerum, non Intentionum secundarum. Præterea talia Relata æquæ sunt in omnibus, atque in uno Predicamento: nam in omni Classe sunt Genera, & Species, Causæ & Effectum; ad unum igitur aliquod restringi ista non possunt. Sunt igitur in nullo uno per se, in omni autem per Accidens: & gratia illarum rerum quæ per istas Intentiones secundas notantur.

Relata secundum Dici non vel reductivè ponuntur. 2. Est hæc: *Relata nulla secundum Dici, ad hoc Predicamentum spectant, nec in eo vel reductivè ponuntur.* Ratio est, quia omnia talia Relata sunt in sua essentiâ & naturâ absoluta; & omnia absoluta ad Classes Rerum absolutarum spectant, & in aliquo eorum collocantur, ut Scientia & Sensus in *Quantitate*, Scibile aliquod in *Substantia*, aliud in *Quantitate*, aliud in aliis Predicamentis. Cum igitur omnia talia Relata ad aliquod absolutum Predicamentum pertineant, certè in hoc Relationis reponi aut ad hoc reduci non possunt: Nam sic unum idemque in diversis Predicamentis esset, quod est impossibile, ut antè declaravimus cap. 8.

Omnia & sola Relata secundum Esse, sunt in hoc Predicamento. 3. Est hæc: *Relata omnia secundum Esse, eaque sola ad hoc Predicamentum spectant, & reductivè in eo ponuntur.* Sequitur ex præcedentibus; Nam cum neque *Intentionalia* hæc ponuntur, neque *Relata secundum Dici*, relinquitur ut *sola Relata secundum Esse* hæc collocentur. Ea verò omnia huc spectare liquet; quia Relationes omnes quibus illa referuntur, in unâ communi naturâ & univoco Genere conveniunt, nempe in Relatione: quare cum Relationes omnes quibus ista Relata referuntur, directè in hoc Predicamento collocentur, consequitur Relata ipsa quæ sic referuntur, ad hoc idem Predicamentum reduci, in eoque reductivè collocari.

Satis, ut opinor, nunc liquet, primò Relationem esse summum Genus hujus Predicamenti; deinde Relata (non quidem omnia, sed) secundum Esse solum, huc spectare, & hæc per reductionem locari. Nunc quid sit hæc Relatio quæ est summum Genus expediamus: describitur autem sic.

Relatio quid sit. *Relatio est Accidens naturâ suâ respectivum, per quod subiectum cui inest refertur ad aliud.* Quia autem doctrina hæc tota de Relationibus & valdè fructuosa est & valdè obscura, addam pauca ad pleniorum hujus descriptionis, aliorumque quæ ad Relationem spectant, intelligentiam. Sunt autem tria præcipuè in ista descriptione notanda.

Relationes sunt Accidentia realia. Primum: *Quod Relationes omnes sint Accidentia, idè quod verè Entia realia realiter existentia, & subiectis suis inherencia.* Loquimur enim hic solum de Relationibus finitis, & rerum finitarum. Sunt enim in Deo divinæ quædam & per rationem humanam omnino incomprehensibiles Relationes, quæ Accidentia non sunt, cum in Deo *Accidens nullum vel sit vel esse possit*, ut August. sæpissime & clarissime lib. de Fide & Symb. cap. 9. & post eum Aquinas part. 1. q. 3. art. 6. & lib. 1. contra Gent. ca. 23. docet. Istæ (inquam) *Relationes in Deo Accidentia non sunt*, ut Aquinas docet part. 1. q. 28. art. 2. & lib. 1. contra Gent. cap. 14. Sed reprimo me, nec in tam altum pelagus (ubi Elephantibus omnes natent, nec forte enatent) immitto Cymbam hanc. Monco solum de his Relationibus nihil nos hæc agere, cum Relationes Accidentia definimus. Relationes enim solum finitas tractamus; Theologis alias relinquimus.

Relationes quomodo naturâ respectivæ. Secundum est hoc; *Quod Relationes sunt naturâ suâ & essentiâ respectivæ.* Quod non ita capiendum est, quasi ipsæ Relationes respiciant alia, aut ad alia referantur, (nam hoc *Terminis & Relatis convenit, non Relationibus*) sed sunt respectivæ, quia per ea subiecta ipsa seu termini ad alia referantur; neque quidquam sint, quatenus has Relationes habent, quàm naturâ suâ respectivâ & Relata. Sic pater quâ pater, id est quatenus paternitatem habet, nihil aliud est, quàm Relatum; nullam absolutam naturam habet, sed solum respectivam. Est enim paternitas, essentialiter respectus quâ pater refertur ad filium, de quo vide quæ supra meminimus cap. 9.

Tertium

Tertium est hoc; *Quod per Relationem subjectum aut Terminus unus refertur ad alium*. *Relatum refertur ad unum* (inquam) *ad unum non ad plures*. Etenim in omni Relatione duo sunt, & *sur ad unum* duo tantum non plures termini. Ideoque si eveniat (quod frequentissime evenit) ut unus *tantum Correlatum* pater referatur ad 5. aut 50. filios (quod Priamum habuisse narrat Cicero, lib. 1. Tus. *latum*. *Quæst.*) aut unus dominus ad 500. servos, aut unus rex ad 500. Myriadas subditorum, quoniam uniuscujusque Relationis non possunt esse plures quam duo termini, efficitur, quod tot sint in illo patre, domino, aut rege distinctæ numero paternitates, dominationes, & regalitates, quot sunt ejus filii, servi, aut subditi; & quod ille idem homo per unâ paternitatem referatur ad hunc filium, & dicatur terminus relatus ad hunc, vel pater hujus filii; per aliam paternitatem, referatur ad alium, dicaturque terminus relatus ad illum, vel pater illius filii, & ita in reliquis quotcunque sunt. Hoc ita probatur; Quia si una tantum paternitas ei inesset; eaque una ad quinque filios referretur, certe mortuo ullo uno istorum quinq; filiorum, non posset amplius pater aut esse aut dici. Certum est enim quod una Relatio, seu paternitas tollitur, cû tollitur unus filius; nam sublato Relato tollitur Correlatum. Correlatum autem filii pater est, aut homo cum paternitate. Quare si homo ille unam tantum paternitatem habuit, quoniam illam jam mortuo uno filio, amisit, relinquitur eum diutius non esse patrem: at constat eum adhuc esse patrem, quia adhuc alii ejus filii sunt superstites. Quare certum est eum adhuc retinere alias paternitates, per quas adhuc pater dicatur horum filiorum, & ad eas referatur: Similiter ab ortu filiorum, servorum, aut subditorum arguere possemus. Neq; tamen propter istam multiplicitem aut diversitatem paternitatum, aliarumq; Relationum, quæ eidem insunt, debet ille unus homo, multi aut diversi partes, domini aut reges appellari. Nam ut sint diversi aut multi patres, aut reges, requiritur non solum ut Relationes diversæ sint, sed ut subjecta ipsa quibus illæ Relationes insunt, sint diversa, quia nomen patris aut regis notat subjectum cum paternitate, aut regalitate. Hic autem subjectum unum est tantum, non multa. Quare unus tantum pater aut rex est, etsi illi uni insint multæ paternitates aut regalitates. Hoc tamen verum est, quod ille unus, cui tot paternitates insunt, est terminus diversus quinque filiorum, quia Subjectum illud licet unam sit, tamen cum una paternitate est terminus unius filii, cû aliâ paternitate terminus alterius, & ita in reliquis. Nam ad terminorum diversitatem sufficit subjectum idem cum diversis Relationibus. Atque propter hanc terminorum diversitatem fit ut extincto uno filio non desinat esse pater, sed solum pater illius filii, seu relatus ad illum filium; nec extinguitur in eo simpliciter paternitas, sed solum illa paternitas per quam referebatur, aut per quam erat terminus relatus ad illum filium. Quamdiu autem in eo manet vel unica paternitas, tamdiu æque vere pater dicendus est, licet habet solum unicum filium; ac dicebatur cum habuerat quingentos; sed jam non est pater tot filiorum, neque tot paternitatibus affectus.

At inquires, duo aut plura Accidentia solo numero differentia non possunt eidem subjecto inesse; sic enim vulgo dicitur. *Dub.*

Respondeo, Id quidem alicubi dici ab Aquinate, sed cujuscunq; propositio sit, certe vera non est, si generaliter accipiat. Nam Species sensibiles decem millium objectorum, puta stellarum, aut hominum, aut arborum, aut corporum alborum in eadem parte aëris, in eodem oculo, imo pupillâ oculi, simul esse possunt: at species duarum albarum chartarum, duarum stellarum, aut duorum hominum, differunt solum numero, sicut chartæ ipsæ albæ, aut homines, aut stellæ solo numero differunt. Itidem species intelligibiles centum aut mille hominum, simul esse possunt in mente, & tamen numero tantum inter se differunt. Idem de lumine asseritur à nonnullis, duo nimirum lumina distincta solo numero simul aëri inesse, cujus indicium n capiunt ex eo, quod si duæ lucernæ eidem mensæ apponantur & inter ea corpus opacum, videmus umbram utrinque fieri, id. ôque lumina diversa in aëre sunt, cuius privatio unius luminis unam non duas umbras efficeret. Quare etsi illud vulgare dictum, si de *Quantitatibus* solum, vel *Qualitatibus* (ut vocant) materialibus capiatur, concedi posset, ita ut duo calores, aut duo corpora *Quantitativa*, aut duæ Figuræ distinctæ solo numero *Sol.*

numero in eodem subjecto esse nequeant, quo sensu à Zab. sumitur cap. 9. lib. de Region. Aeris: tamen si ad alia Accidentia vel ea quæ spiritualia vocantur (qualia sunt species omnes visibiles) vel ea quæ debilem entitatem habent & tanquam *spiritualia* sunt (qualia sunt *Relationes*.) si inquam ad hæc accommodetur, verum non est; nam in exemplis allatis tum *Relationum*, tum specierum visibilium, liquet duo, imo centum aut mille Accidentia solo numero distincta, simul in eodem subjecto esse posse.

Fundamentum
Relationis
quid.

Explicata *Relationis* definitione; Causa ejus, sicut in aliis accidentibus, investiganda est: Ea dicitur *fundamentum Relationis*. Nam quod nonnulli *fundamenti* nomine subjectum ipsum aut Relatum intelligant, ut Jac. Zab. in Introd. ca. de Rel. longè aberrant & à scopo, & vero sensu illius vocis. *Fundamentum enim est illud, unde immediate oritur Relatio, seu illud, quod est causa proxima cur hic terminus aut subjectum ad Aliud referatur, cuique (velut fundamento ædificium) superstruitur Relatio.*

Fundamentum omnium Relationum est aliquod Ens absolutum: omnes autem *Relationes* non in uno, aut non similiter fundantur. Quædam fundantur in *Quantitate*, aliæ in *Qualitate*, aliæ in *Actione*, aliæ in aliis rebus: ut ex diligenti ponderatione percipi potest. In *Quantitate* fundantur æqualitas & inæqualitas; nam causa proxima, cur aliquid sit æquale alteri, est hac, quia *Quantitatem* eamque æqualem utraque habeant. In *Magnitudine* fundatur longum & breve, latum & arctum, magnum & parvum: In tempore, diuturnum & breve quoad durationem: In Numero par & impar. In *Qualitate* fundatur similitudo & dissimilitudo; nam ex eo quod duo termini habent eandem *Qualitatem Specie*, oritur inter ipsa similitudo; ex eo quod diversam habent, puta unus eorum albedinem, alter nigredinem oritur dissimilitudo. Idem quod unum albius sit, alterum minus albu, unus doctior, alter minus doctus; unus fortior, alter minus fortis; unus calidior, alter minus calidus, & reliquæ omnes *Relationes* quæ comparisonem in *Qualitate* ulla norant: Hæ inquam omnes, ex *Qualitate* oriuntur, & in *Qualitate* fundantur. Nam cui ulla *Qualitas* in pluribus gradibus inest, illud refertur ad aliud cui pauciores gradus sunt, per notā *Relationis* magis aut minus. Sicut longius, latius, crassius, diuturnius oritur a majori extensione *Quantitatis* (nempe *Lineæ*, *Superficie*, *Corporis* aut *Temporis*) quam unum habet præ alio. In *actione* quamplurimæ *Relationes* fundantur; in actione generandi, id est, producendi aliud, ita ut substantiam suam aut illius partem eidem communicet, fundatur Paternitas: in actione recipiendi substantiam suam ab alio per modum generationis, fundatur Filiatio: in actione recipiendi substantiam ab eodem patre, fundatur Fraternitas: in actione docendi præcepta artis alicui, eumque in illa arte recte instituendi, fundatur ea *Relatio* quâ quis præceptor vocatur: in actione auscultandi, & artem aliquam ab alio discendi, fundatur *Relatio* ex quâ quis discipulus denominatur: in actione consentiendi, vel in mutuo consensu per verba de presenti, quod alter vir sit aut maritus, altera uxor, fundatur matrimonium, id est, *Relatio* illa ex qua conjuges vocantur, alter vir, altera uxor: in mutuo consensu quod unus alteri fideliter serviat, & alter ei debito modo dominetur, eique prospiciat, fundantur *Relationes* illæ, ex quibus hic dominus, ille servus vocatur. Idem in omnibus aliis *Relationibus* declarari posset, sed hæc exempli causâ proposuisse sufficit.

Dub.

Dubitaverit fortè quis de eo quod *Magnum*, *longum*, *latum*, *diuturnum* inter *Relationes* numeremus, cum potius inter *Quantitates* censendæ sint.

Sol.

Solutio facilis est. *Magnum*, *longum*, & reliqua sumuntur dupliciter: *Absolute*, pro eo quod simpliciter magnitudinem aut extensionem habet ullam. *Respective*, pro eo quod magnitudinem aut extensionem majorem habet quam aliud. Idem de *longo*, *lato*, & *diuturno* dicendum est. Si priori modo capiatur, sic Absoluta sunt, & vel idem quod *Linea*, *Superficies*, *Corpus* & *Tempus*, vel *Proprietates* & *Affectiones* illorum; atque sic de iis hic non loquimur. Si secundo modo sumantur, vere *Relata* sunt in suâ naturâ, sic enī *Magnum* vocatur, non quod est extensum, sed quod majorem habet extensionem in longum, latum aut profundum, quam aliud quod respectu hujus dicitur parvum. Atque hinc consequitur, aliquid

aliquid posse absolute dici *Magnum, Longum, Latum, Crassum*, ea (inquam) omnia quibus inest magnitudo, seu extensio in longum, latum, aut profundum: Sed *Parvum, breve, subtile*, nihil absolute vel esse, vel cogitari potest, quippe nihil est absolute parvum; quia quodcumque sumas corpus eidem inest extensio & magnitudo; nihil absolute breve, quia eidem inest aliqua longitudo, & sic in cæteris. Quare quicquid parvum est, id tantummodo comparatè parvum est, nempe respectu majoris. Quodcumque enim parvum accipias, idem est, absolute magnum, quia extensionem & magnitudinem habet: & ideo etiam respectivè magnum esse potest, si cum minori conferatur; nam minima magnitudo aut extensio dari non potest.

Ex his quæ de Relationem Fundamentis jam diximus, sex consequuntur.

Primum est hoc: *Relationem omnem esse ens reale, vere realiter, seu essentialiter distinctum à suo Fundamento.* Liqueat ex dictis: Nam Fundamentum semper est absolute natura, Relatio semper est respectiva: Fundamentum semper est causa seu id unde oritur Relatio: Relatio est id quod oritur, causatur, & consequitur ex Fundamento. Fundamentum semper prius est natura Relatione: Relatio natura posterius Fundamento. Hæc certa indicia sunt realis & essentialis distinctionis. Scio virum illum doctrinæ & pietate insignem Hier. Zanch. lib. 2. de Attrib. divin. cap. 2. quest. 1. §. Vocantur, paulò aliter docere; ait enim *Relationes esse ac dici entia realia, non quia ex se talia sunt, sed tantum ex ipso Fundamento*, quia Fundamentum eorum est reale: & ulterius ait, *Relationes nihil addere suis Fundamentis.* Sed cur illis non sit assentiendum ex prædictis liquet. Addo etiam, quod si nihil addatur corpori albo cum vocatur, & est simile alteri albo, certe omnis similitudo abolenda est; nam ex albo sine reali Accidente, realiter esse dicive nihil potest Simile.

Secundum est hoc: quod *Relatio nulla potest esse terminus motus aut mutationis, sic Relatio non est ut ad ipsam tendat aut terminetur mutatio.* Docet hoc expresse Arist. 5. Phys. cap. 2. & terminus ratio est, quia motus omnis & mutatio huc spectat, ut introducatur in subiectum aliquod ens motus, absolutum, nempe vel *Substantia*, vel *Quantitas*, vel *Qualitas*, vel *ubi*: nihil autem horum, neque ullum absolutum, Relatio est.

Tertium: *Relationes oriuntur tribus modis*; Primo ad ortum Subiecti cui insunt: Relationes Ut cum oritur homo, cum eodem oritur potentia ridendi, & ideo similitudo ad alios homines qui ridere itidem possunt; sed dissimilitudo ad bruta, plantas, ad omnia alia quæ nequeunt ridere. Secundo, ad ortum sui Fundamenti: Ut cum ignis calefacit aquam, ad introductionem caloris in aqua oritur similitudo ad aërem, sed dissimilitudo ad terram & omnia frigida. Tercio ad ortum sui Correlati, est nullum omnino absolutum accedat subiecto cui inest Relatio: sic in exemplo posito, cum aqua calefit, oritur nova dissimilitudo in terra ad istam aquam; ea vero oritur neque ad ortum Subiecti, neque ad ortum Fundamenti, sed solù ad ortum Correlati, illius nempe dissimilitudinis quæ oritur in aqua ex illa introductione caloris in eam. Fundatur autem dissimilitudo terræ in qualitate frigoris quod præextiterat in terra, & quod dissimile est omni calido; & propter hoc frigus nova Relatio nunc fit in terra ad ortum sui Correlati.

Quartum est hoc: *Relationes sicut oriuntur, ita moriuntur, occidunt, seu desinunt esse tribus contrariis modis.* Primo, per interitum Subiecti, ut moriente Socrate qui pater est, moriuntur omnes paternitates quæ in ipso sunt. Secundo per interitum Correlati, ut moriente Socrate patre desinunt Relationes filiationis quæ sunt in ejus filiis. Tercio, per interitum sui Fundamenti, etiam subiectum tam Relati quam Correlati salvum fit: ut intereunte calore aquæ, interit dissimilitudo aquæ ad terram, & omnia alia frigida.

Quintum est hoc: *Cum tot modis oriri soleant Relationes, non est dubitandum, quin Numerus Relingens & omnino incomprehensibilis numerus Relationum, & sit & quotidie oriatur. lationum pro-* Accipe vel unum granum tritici, quis mente concipere potest, quot sunt corpora majora illo pe est infinitus grano, quotve arenæ maris minores eo? Sunt vero tot Relationes in illo uno grano

quot sunt numero, ad quæ refertur, & cum oritur illud granum, oriuntur simul omnes illæ *Relationes*, tam in aliis quæ vel majora sunt vel minora ipso, quam in ipso illo grano. Aut quis fingere animo potest quot sunt numeri quibus binarius numerus sit inæqualis?

Sextum est hoc: Cum *Relationes* tam facile & oriuntur & intereant, cumque tã levã habeant dependentiam à *subiectis* quibus insunt, ut sine ulla mutatione in illis facta (per accessam nempe ullius absoluti) & oriuntur insititæ ferè *Relationes* in illis, & intereant, fatendum est, id esse verum quod vulgo dicitur: *Relationes* esse minima entitatis. Dependet enim earum entitas, tam a *subiecto* cui insunt, quoddamque refertur, quàm à *Termino* ad quem refertur, & à *Fundamento* à quo oritur *Relatio*: Quorum ullum si deficiat, perit *Relatio*.

Proprietates
Relatorum.

Huc usque de summo Genere quodnam, & quidnam esset in hoc *Prædicamento* diximus. Nunc ad illius *Proprietates* progrediamur. Quinque enumerat *Arist.* cujus nos sensum aperire desideramus.

Prima est, *Quod Relatis aliquid sit contrarium*. Contrarium (inquam) non per se sed gratia sui *Fundamenti*. Ea enim *Relata* contraria sunt quorum *Fundamenta* sunt contraria: ut dissimilitudo orta ab albedine, contraria est per *Accidens* dissimilitudini quæ fundatur in nigredine, quia albedo & nigredo contraria sunt. Convenit autem *Relatis* secundum *Esse* neque omnibus, non enim æquali aut inæquali; neque solis, nam *Qualitates* contrariantur, quare *Communitas* verius quàm *Proprietas* vocanda est.

Secunda est: *Relata* suscipiunt magis & minus: ut unum simile, est magis simile alicui quàm alternum. Estque hæc etiam *Communitas* solum, non *Proprietas* *Relatorum* secundum *Esse*: Nam nec omnibus convenit, non enim æquali & inæquali, cum *Fundamentum* eorum nempe *Quantitas* non suscipiat magis & minus: nec solis, convenit enim *Qualitatibus*; Addo etiam, nullis *Relatis* per se convenit, sed solum per *accidens* & gratia *Fundamenti*.

Dub.

Sed quomodo tum dicit *Arist.* æquale & inæquale suscipere magis & minus: nam illa fundantur in *Quantitate*, & *Quantitas* non suscipit magis aut minus. Præterea æqualitas omnis in indivisibili consistit, sic ut vel addendo quicquam, vel detrahendo designat esse æquale: quare nihil altero magis æquale, nam utraque omnino paria sunt. Inæquale quidem unum magis altero inæquale; ut mille, magis inæqualis est numerus respectu binarii, quàm centum; & centum quàm viginti; ita utrinque difficultas est.

Sol.

Respondendum est, *Arist.* hic res tractare pingui *Minervâ*, & exempla adducere vulgata, licet non exactè vera. Etenim & hic locum illud habet, *Id exemplis non est quærenda veritas sed illustratio*. Dicendum igitur, neque æquale neque inæquale, propriè loquendo suscipere magis aut minus; & quamvis unum dicatur inæqualius, aut magis inæquale altero, id tamen non dicitur propter majorem intensionem sed extensionem *Qualitatis*, aut multiplicationem unitatum.

Relata dicuntur ad Convertentiam.

Tertia: *Relata* omnia dicuntur ad convertentiam, id est, recipiuntur unum cum altero in aliquo obliquo casu; vel in *Genitivo*, ut pater est filii pater: vel in *Dativo*, ut simile est simili simile; vel in *Accusativo*; ut mons dicitur magnus ad parvum, aut respectu parvi: vel in *Ablativo*, ut majus dicitur minore majus. Nunquam vero recipiuntur *Relata* in *Recto* casu, nam non possumus dicere, Omnis pater est filius.

Relata sunt simul natura.

Convenit hoc *Relatis* secundum *Esse* omnibus, non solis, nam etiam *Relata* secundum dici sic recipiuntur: ut Sensibile est Sensu sensibile, Scibile est Scientia Scibile. Est ergo proprium *Relatis* secundum *Esse*, primo modo.

Quarto: *Relata* omnia sunt simul natura: Ut autem aliqua dicantur simul natura duo requiruntur. Prius, ut sint simul tempore, neutrum verò aut prius tempore aut posterius altero: sed posito uno ponitur alterum, & sublato uno tollitur alterum. Posterius, ut neutrum

trum eorum sit causa alterius. Horum utrumque *Relatis* omnibus hujus Prædicamenti id est, *Relatis secundum Esse convenit*. Nam neque pater prior est filio, & neutrum causa alterius est. Est autem hoc *Proprium Relatis secundum Esse* primo modo: nam omnibus convenit sed non solis. Etenim *Relata secundum Dici* possunt esse simul natura: ut Scientia & Scibile, Sensus & Sensibile: & Relata etiam intentionalia, ut Genus & Species, Causa & effectum: & præter hæc, duo Propria ejusdem Speciei, ut risibile & flebile: nam posito uno, ponitur utrumque, & nec risibilitas causa est flebilis nec contra.

Sed duplex dubitatio hic occurrit, prior de *Relatis secundum esse*: nam ut vulgo obijci solet, pater prior est tempore suo filio, alias filium generare non posset.

Dub.

Responsio vulgaris, si rectè intelligatur, vera est, patrem, si *materialiter* sumatur pro homine generante, priorem esse tempore suo filio: si *formaliter*, neutrum prius est altero. Cæterum diligenter observandum est, quod formalis acceptio eorum, non est accipere patrem & filium pro abstractis, nempe pro paternitate & filiatione, sic enim neutrum eorum refertur ad Aliud, ut sæpe dictum est, sed sunt ipsæ *Relationes* per quas termini referuntur ad invicem inter se. Sed pater sumitur *formaliter*, cum accipitur homo cum hac *Relatione* paternitas, aut quatenus ei paternitas inest. Et sic pater, nec est, nec cogitari potest esse prior filio. Nunquam quis pater dici potest priusquam filius ei sit. Homo quidem iste cui inest jam paternitas, prior est filio, sed homo cum hac *Relatione* prior non est. Et si plures filios habeat, non est pater hujus filii priusquam sit hic filius.

Sol.

Altera dubitatio est de *Relatis* intentionilibus, qualia sunt Genus & Species, causa & Effectum, Pars Essentialis, & totum Essentiale, Prius natura, & Posterius natura. Hæc enim non sunt simul natura, cum omne Genus prius sit natura suis Speciebus, ut in cap. de Genere dictum est. Et causa omnis prior sit natura suo Effectui, ut Arist. docet cap. de Priori. Ex quo sequitur tum Genus esse prius Specie, tum Patrem essentialem suo Toto essentiali, cum ista sunt causæ intrinsicæ horum. His addi potest *Prius tempore*, & *Posterius tempore* quæ sine dubito *Relata* sunt, & tamen non sunt simul natura, quia: unum eorum est tempore prius alio, nempe (*prius tempore*) aliter enim tempore non esset prius sed simul: quod implicat contradictionem.

Dub.

Una responsio omnibus his satisfacit, illa nempe quam in objectione solvendâ de Patre & filio posuimus, de acceptione horum *materiali* & *formali*: Si Genus & Species sumantur *materialiter*, pro eis rebus quæ Genera sunt & Species: tum certissimum est, Genus esse natura prius Specie, ut animal homine, vivens animali, corpus vivente: Sed si sumantur *formaliter*, pro rebus ipsis, quatenus hæc intentiones Generis & Speciei eis accommodantur, tum neutrum est prius naturâ altero. Nam animal quatenus ei Generalitas attribuitur, aut quatenus vocatur Genus, nec est nec esse potest Genus, nisi sit aut cogitetur aliquid esse Species illius. Idem dicendum est de Causa & Effectui: res omnes quæ Causæ sunt, priores naturâ sunt quam res illæ quæ sunt eorum Effecta: Sed res nulla causa est, nec habet hanc intentionem Causæ ei attributâ, priusquam alteri hæc intentio Effectui attribuat. Similiter res ipsa quæ est Pars essentialis, prior est naturâ suo Toto essentiali: ut rationale homine: sed rationale cum hac intentione *Partis Essentialis*, seu prout ei accommodas hanc intentionem secundam, quod sit pars essentialis, neque est, neque cogitari potest priusquam cogites aliud, quod sit Totum essentiali respectu illius Partis. Atque hoc idem de *Priori naturâ*, & *Posteriori naturâ* respondendum. Accipe ea *materialiter* pro rebus illis quæ priores naturâ sunt aliis, tum non sunt simul natura, sed unum prius est naturâ (ut vocatur prius naturâ) altera: sed sume *formaliter* pro re aliqua cum hac *Relatione Prioritatis naturæ*, tum non est, nec cogitari potest esse *Prius naturâ*, nisi sit aliud & cogitetur, quod sit eo *Posterius naturæ*. Etiam de *priori* & *posteriori tempore* idem respondendum. Homo centum annorum prior est tempore homine qui solum duos annos egit, præcedit enim hunc annos octo & nonaginta: Sed nunquam ei inest hæc *Relatio Prioritatis tempore* antequam alter natus sit, cui inest alia *Relatio Posterioritatis tempore*:

Sol.

ideo

ideo nunquam nec est, nec dici aut cogitari potest, esse prior tempore, quam sit alter, aut dicatur aut cogitetur, qui sit posterior tempore. Sicut homo qui pater est, nunquam est, aut cogitatur esse pater antequam sit alter, aut cogitetur qui sit illius filius. Atque de omnibus quæ similia sunt simile omnino est iudicium.

Dub.

Tertia dubitatio est de *Relatis secundum Dici*, eaque ex ipso Arist. deprompta. Nam ille proluxa tractatione probat esse *scibile*, cuius tamen non sit *Scientia*, ut *Quadratura circuli* scibilis est, nec adhuc tamen est illius *Scientia*; & antequam crearentur homines, erant multa scibilia, puta, Cælum, elementa, plantæ, bruta, & tamen non erat eorum *Scientia* (nempe *humana*) cum nondum esset homo. Ita ante creationem animalium erant multa sensibilia quæ sentiri possent, nec tamen erat ullus sensus quo poterant tum sentiri. Ex quo liquet, quod etiam Arist. concludit, *Scientiam* & *scibile*, sensum & sensibile, quæ sunt *Relata secundum Dici*, non esse simul natura, cum unum sine altero esse potest.

Sol.

Respondet. Arist. id quidem & affirmare & probare; sed in totâ illâ tractatione *disserit*, non *asserit*; vel, ut vulgo dicitur, *loquitur disputativè*, non *doctrinaliter*. Relinquit verò rem in dubio, neque solutionem annectit, vel quia hic res tractat pingui Minervâ, vel quia Lectorum ingenia in solutione investigandâ, exercere voluit. Solvitur autem dubitatio hac distinctione: *Scibile* & *scientia* sumuntur tripliciter: *vel utraque actu*, ut illud dicatur *Scibile* quod actu scitur, & illud *scientia* qua rem actu scimus; & sic ambo sūt simul naturâ, neutrum altero prius; nam nihil est actu *scibile*, antequam sit actu *scientia* quâ sciatur: *vel utraque potestate*, ut illud dicatur *scibile* quod potest sciri, etsi adhuc nō sciatur; & illud *scientia* qua res potest sciri etsi adhuc actu non sciatur; & sic ambo etiâ sunt simul naturâ: nam nihil potest sciri, quin potest esse *scientia* quâ sciatur: *vel unum eorum sumitur actu, & alterum potestate*; ut sic capias *scibile* pro eo quo potest sciri, *scientiam* verò pro eo quo actu rem scimus; & in hoc modo si accipiantur, *Scibile* est prius *Scientia*: hocq; sensu de eo disputat Arist. sed tum non apta sit collatio, nec aptum Correlatum adhibetur *Scibili*. Si autem aptum capias Correlatum *Scibilis*, profectò ea simul naturâ verè dici debent. Similis responsio de sensu & sensibili adhibenda est.

Quid sit cognoscere aliquid definitè.

Quinta & ultima Proprietas Relatorum est hæc, quod *cognito uno Relatorum definitè, etiam alterum definitè cognoscitur*. Sed quid est cognoscere aliquid definitè? Duo significat; vel cognoscere aliquid in particulari esse tale, aut tale ut cognoscere Socratem in particulari esse patrem, aut hoc corpus in particulari esse capitatum; & sic opponitur ei quod est cognoscere aliquid confuse, aut in genere: vel significat cognoscere aliquid per veram & essentialē definitionem ipsius, ut si cognoscas patrem per suam essentialē & definitionem, aut capitatum, corpus per suam essentialē, & sic opponitur ei quod est cognoscere aliquid per Accidentia, aut accidentalem descriptionem. Si priori sensu sumatur, tum hoc est proprium *Relatis secundum Esse* secundo modo: nam *convenit eis omnibus, sed nō solis*, nam etiam *Relatis secundum Dici*, & *intentionalibus* convenit. Etenim ut nō scis definitè hunc esse patrem, aut dominum, nisi in particulari & definitè scias cum esse patrem hujus filii, aut dominum hujus servi; ita neq; definitè & in particulari scire potes huc esse sensibile, aut scibile, nisi definitè & in particulari scias quod sit hoc sensu sensibile, aut hac *scientia* scibile: neque etiam definitè potes scire hoc esse Genus, aut Causam, aut Partem essentialē, nisi in particulari ac definitè scias, esse Genus hujus Speciei, Causam hujus Effectus, aut Partem essentialē hujus Totius essentialis. Si vero sumatur in posteriori sensu, tum est proprium quarto modo *Relatis secundum Esse*, nam *convenit eis omnibus, solis, ac semper*: Ratio est, quia ipsa essentia *Relatorum secundum Esse* est respicere aliud ad illudque referri: Quare impossibile est cognoscere ipsum in essentiâ suâ, nisi scias id ad quod juxta essentiam refertur: Non sic *Relata secundum Dici*: nam illa omnia in sua naturâ ac essentiâ absoluta sunt, ideoque habent absolutam essentiam, quâ cognitâ, ipsa definitè & in essentiâ cognoscuntur; sicut *Scientia* & sensus qualitates sunt, & sensibile vel Qualitas vel Substantia. Cum ergo in suâ naturâ non respiciant ullum aliud, certè in sua essentiâ

essentiâ cognosci possunt, interim ut alia illa non cognoscantur, ad quæ ex Accidenti & nõ ex essentiâ referuntur. *Relatis* autem intentionalibus hoc non convenit, quia illa definite & juxta essentialem definitionem non omnino cognoscantur, sed solum per descriptiones, quia non sunt res extra mentem & sine ejus operatione existentes, sed intentiones secundæ à mente fabricatæ, quare nec in Prædicamentis (quæ sunt Classis Rerum) locantur.

Arist. autem sumpsit hoc (*Definite cognoscere*) utroque sensu simul. Atque eo modo est etiam proprium *Relatis secundum Esse*, quarto modo.

Sed dubitari de utroque sensu potest. Primo videntur *Relata secundum Esse* cognosci definite & essentialiter sine cognitione suorum Correlativorum. Unumquodque enim tum essentialiter cognoscitur quando per suum Genus & Differentiam cognoscitur. Quare si quis cognoscat Genus & Differentiam patris, is sanè totam essentiam patris cognoscit. Deinde certum est Correlatum non esse de essentia, neque partem ullam essentialem sui *Relati*, nam tum esset prius naturâ *Relato*, cum omnia essentialia priora sint eis de quorum essentiâ sunt; *Relata* vero omnia sunt simul naturâ. Quare cum Correlatum non sit de essentiâ *Relati*, videtur *Relatum* secundum suam totam essentiam cognosci posse sine eo.

Dub.

Respondeo, verissimum esse, Correlatum nullum esse de essentiâ sui *Relati*, ut satis apperte ac solide in objectione probatur. Sed tamen neque essentialiter cognosci potest, neque essentialiter definiri *Relatum* sine Correlato. In quo magnum discrimen observandum est inter *absoluta* & *respectiva*. Nam quia natura absolutorum absoluta est, ideo ad cognitionem essentia, & ad essentialem definitionem ipsorum, nihil requiritur præter Genus & Differentiam, quæ sunt partes essentielles: Atque scire habet in *Relatis*. Nam quia ipsorum natura non est absoluta, sed respectiva, talisque ut illa ipsa essentia implicet respectum ad aliud, ideo *Relata* non possunt secundum essentiam suam sciri, nisi id sciatur ad quod respectus notatur per illam essentiam; neque satis est ad *Relatorum* definitiones adhibere Genus & Differentiam (quæ sola eis essentialia sunt) sed oportet addi Correlatum, quod etsi non sit de essentia, est tamen terminus Correlativus quem *Relatum* per suam essentiam respicit.

Sol.

Altera dubitatio est de priori sensu & de *Relatis secundum Dici*. Inter ea Arist. enumerat *Caput & Capitarum, manum & manuum*, & ait aliquem posse definire, & in particulari scire manum & caput, interim ut cujus manus sit aut caput ignoretur. Hoc autem videtur impossibile, nam non potest definire & in particulari scire hoc esse manum aut caput, nisi sciatur esse hujus corporis manum aut caput, quia manus & caput partes sunt totius, pars autem & totum sunt *Relata secundum Esse*: Quare unum certo ac definite sine altero cognosci non potest.

Dub.

Respondeo, Arist. & ponere illa inter *Relata secundum dici*, & asserere unum posse definire sciri sine altero. Sed quod in aliis quamplurimis, idem hic locum habet, *In exemplis non querendam esse veritatem, sed illustrationem*. Nam capitarum cum sit totum, caput cum sit pars, cumque pars & totum sint *Relata secundum essentiam*, sanè idem de capite & capitato, manu & manutato, ac similibus dicendum esse, non potest esse dubium. Et ut Pater si materialiter sumatur est solum Substantia, si vero formaliter pro homine cui inest paternitas, est *Relatum secundum Esse*; itidem plane capitarum si materialiter capiatur, pro substantiâ ipsâ a corpore, *Relatum* non est: Sed si formaliter accipias pro corpore cui caput est, aut pro corpore quatenus habet caput, sic non minus est *Relatum secundum Esse* quam pater, aut totum. Quod autem Arist. dicit posse definire sciri manum aut caput, etsi non cognoscatur definite cujus manus sit aut caput, respondeo, id *exempli gratia & illustrationis dictum esse, non quod ad amicum verum sit*. Nam cum potes cognoscere definite, certo, & in particulari, aliquem esse dominum cum videas alios ei servire, etsi non cognoscas nomen vel domini vel servi: ita plane potes cognoscere certo ac definite hoc corpus esse capitarum, aut hoc esse caput hujus totius, licet non cognoscas de nomine, aut de facie, aut vultu cujus est caput. Sed ut nemo potest scire certo ac definite

Sol.

nec

finite hunc esse dominum nisi sciat hunc esse ejus servum, ita nemo certo ac definite scire potest, vel hoc esse capitatum, nisi sciat in particulari hoc esse illius caput, & esse huic toti continuatum: vel hoc esse caput, nisi certo sciat esse caput hujus totius capitati, eique continuatum esse ut partem integram suo toti.

Hæc de *Proprietatibus Relatorum* dicta sint. Nunc eorum *Series* explicanda. Et sanè cum infinitus sit *Relationum* numerus, adeò ut multitudine absoluta Accidentia longissime superent, possent ea multis modis dividi & in immensam *Series* produci. Verùm nos exactam harum rerum tractationem aliis relinquentes, brevem ac qualemcunque tabellam *Relatorum*, quasi in exemplar, subjiciemus.

Relatio vel est	In personis, cum duæ personæ inter se referuntur: & talis relatio vel est in personis	Inæqualibus quando unus in alterum legitimum imperium habet: Talia Relata sunt	Rex et vassallus, Dominus & servus, Pater et filius, Præceptor et discipulus, & similia. Hunc etiam spectant gradus omnes consanguinitatis et affinitatis in lineâ rectâ; ut avus, proavus, abavus, atavus, &c.
	In rebus, cum res, non personæ referuntur: et tales relationes oriuntur vel ex	Equalibus; cum neutrum in alterum imperium habet: Talia relata sunt	Maritus et uxor, Frater et frater, Socius socio, Amicus amico, Condiscipulus condiscipulo, et similia. Huncq; spectant gradus omnes consanguinitatis in lineâ collateralî.
		Quantitate, ut Aequale, Inæquale; majus, minus; longius, brevius; latius, minus latum: diuturnius, minus diuturnum: par, impar: simplum, duplum, triplum, quadruplum, & sic in infinitum.	
		Qualitate, ut Simile, dissimile: melius, pejus: doctior, minus doctus: fortior, prudentior, &c. Sic albior, minus albus: viridior, minus viridis: calidior, minus calidus: &c.	

Atque hæc de Prædicamento Relationis dicta sint.

CAP. XIII.

De Qualitate.

SEquitur nunc quartum Prædicamentum, nempe *Qualitas*: de hac tria explicanda sunt, uti in prioribus. Primum *Quodnam & quidnam sit Qualitas ea quæ est summum Genus*. Secundo, *Quæ illius Proprietates*. Tertio, *Quæ ejus Species & Series Prædicamentalis*. Quod attinet ad primum, observanda est hæc distinctio:

Qualitas

Qualitas vocatur qua quocunque modo predicatur in Quale, & est duplex,

Essentialis, quæ predicatur in quale essentialiter, quæque est de essentiâ Qualitatis rei. Sic rationale Qualitas essentialis hominis vocari potest. Hoc sensu acceptiones. sumit Arist. Qualitatis nomen 5. Metaph. cap. 14. ubi ait Differentiam Substantiæ dici Qualitatem; quod idem ait Aquin. 1, 2. quæst. 46. art. 2. Et ratio hujus aperta est, quia omnia Differentia in Quale essentialiter predicatur, ut ex Porphy. diximus.

Accidentalis, quæ denominat subiectum suum Quale accidentaliter; & hoc dupliciter, vel

Cum additamento, ut Quale quantum, Quale relatum, Quale agens, &c. Sic omnia alia octo Prædicamenta Accidentium dici possunt Qualitates, quia illa omnia prædicantur in Quale accidentale, sed semper cum aliquo additamento.

Simpliciter, quod denominat subiectum Quale & nihil aliud, neq; Quantum neq; Relatum, neq; aliud alterius Prædicamenti.

Hinc facillè perspicere licet quodnam sit summum Genus hujus Prædicamenti. Non *Qualitas essentialis*, nam ea Substantia esse potest, & ea semper Differentia est; at nulla Differentia est Genus, ut ait Arist. lib. 4. Top. ca. 2. nu. 5. Nec *Qualitas quæ predicatur in Quale accidentale cum additamento*, hæc inquam non potest esse summum Genus hujus Seriei: nam talis est semper in alio distincto Prædicamento, in Quantitate, Relatione, Actione, vel aliis; quare in hoc Prædicamento nulla talis Qualitas reponi potest, multò minus, potest esse summum Genus hujus Seriei. Restat ergo, *Qualitatem Accidentalem quæ denominat subiectum suum Quale simpliciter & sine additamento*, esse verè summum Genus hujus Prædicamenti, omniumque Specierum in eo comprehensarum.

Qualitas hæc ita describi potest: Est Accidens absolutum, ex quo subiectum denominatur Quale sine ullo additamento Quanti, Relati, aut aliorum. Ut ex albedine dicitur quid. quis albus, à doctrinâ doctus.

Accedamus nunc ad *Proprietates Qualitatis*: Earum tres ponit Arist.

Proprietates Qualitatis.

Prima est hæc: *Qualitati aliquid est contrarium*; ut vitium & virtus, calor & frigus, humor & siccitas. Est autem hæc Communitas verius quàm *Proprietas*; nam nec soli, nec omni *Qualitati* convenit: non enim ulli potentie naturali, nec ulli figuræ, nec fortitudini aut temperantiæ, viriditati, rubedini aut ulli medio colori. Nihil verò tam propriè contrariari dicitur quàm *Qualitas*, & præcipuè quatuor illæ *Primæ Qualitates*, (ut vocantur) Calor, Frigus, Humiditas, Siccitas; hæ enim primariò activæ sunt ac passivæ, ideo præcipuè pugnant inter se & contrariantur.

Sed quomodo dicit Arist. hoc cap. num. 25. & cap. 11. num. 6. *Iustitiam & injustitiam esse contraria*, aut *virtutem ac vitium*? Nam contraria debent maximè inter se distare: jam virtus omnis moralis, idèque iustitia, medium est inter duo extrema vitia. Certum est autem, extremum ab extremo magis distare, quàm à medio; ut timiditas plus distat ab audacia, quàm fortitudo.

Dub.

Respondeo, virtutem & vitium si sumantur in *Genere* sub ratione boni & mali moralis, sic maximè à se distant, Nihil enim à bono potest plus distare quàm malum, & contra. Sed si sumantur in *Specie*, ut vitia sunt extrema & virtus medium inter illa, sic non sunt contraria, nec maximè distant. Jam cum diximus esse contraria, sumpsimus ea in *Genere*, non in *Specie*; & Arist. per iustitiam intelligit virtutem moralem in *Genere*, per injustitiam vitium morale in *Genere*, & sic accepta contrariantur sicut virtus & vitium: in

Sol.

Specie verò si capiantur, sic extrema iustitiæ, plus distant inter se, quàm iustitia ab alterutra.

Secunda est hæc: *Qualitas suscipit magis & minus*; ut unus alio doctior, prudentior, melior, fortior, calidior, frigidior. Et hæc etiam *Communitas* solum est, non *Proprietas*. Nam nec soli *Qualitati* convenit, sed *Relatis & Actionibus*; nec omni, nam nulli naturali potentie, nulli figuræ.

Dub.

Cæterum hic difficultas non levis occurrit. Nam Arist. probat hoc ca. nu. 30. figuram non suscipere *magis & minus*, quia cuicunque figura definitio convenit, eidem equaliter convenit: quibus autem definitio figura non convenit, illa non possunt dici *magis aut minus figurata*, quia non sunt omnino figurata. Jam si hæc Aristotelis ratio valida sit, perfectò nihil omnino, nec ulla *Qualitas* suscipit *magis & minus*. Nam si caloris definitio (capiatur id pro exemplo) aliquibus convenit, equaliter sine dubio convenit utrisque, cum nullius rei essentia intendatur, aut remittatur ut vulgo asseritur, & ex Porph. colligitur aperte tam de Genere, ca. 11. nu. 3. quàm de Differentia ca. 15. nu. 4. Quæcunque ergo calorem habent, ea equaliter, non secundum *magis & minus* definitionem caloris habent. Quæcunque verò non habent definitionem caloris, ea non possunt dici *magis minusve* calida, cum omnino calida non sint. Calor itaque eadem planè ratione probatur non suscipere *magis & minus*, quo figuram non suscipere probavit Arist. Idemque de omnibus aliis rebus pari modo dici posset. Quare nihil omnino suscipiet *magis & minus*.

Sol.

Respondeo, neque, figuram neque calorem, neque quidquam suscipere *magis aut minus per intentionem essentiae*, aut definitionis, in uno magis quam in alio: Sed omnis susceptio *magis & minus* est per gradus individuales superadditos essentiae: ut cum duo calida sunt, essentia caloris equaliter est in utroque, nam intendi non potest. Sed tamen in uno calor potest esse in quarto, in altero solum in primo gradu: illud autem subjectum calidius vere dicitur & calor in eo intendi, in quo sunt plures gradus, aut graduales partes (ut nonnulli vocant.) Jam quod Arist. rationem attinet, is sumit ut concessum, (quod sanè verum est) in figura nullos esse gradus intentionis; nam cum figuræ omnes sint in Quantitate, & Quantitas tales gradus respuat, certe figura eos habere non potest. Extensionis quidem gradus & Quantitas & figura habet: intentionis vero neutrum eorum.

Hoc ergo supposito, quod per gradus intensionis figura non suscipiat *magis aut minus*, Arist. probat quod non omnino suscipit, quia ejus essentia non intenditur aut remittitur. Tota verò Arist. ratio & argumentatio, si exprimeretur, ita se haberet: Si figura suscipiat *magis aut minus*, illud sit vel quia ejus essentia intenditur magis in una figura quàm in alia, vel quia sunt plures gradus intensionis in uno figurato quàm in alio; At hoc posterius ne fingi quidem potest, & ut perspicuum accipio: per essentiam autem impossibile est ut intendatur; nullo igitur modo suscipit *magis aut minus*. Hæc autem ratio in calore & frigore, aliisque *Qualitatibus*, æquè valida esset ad probandum eas non suscipere *magis aut minus*, si de illis verè dici ac concedi posset, sicut de figura, quod in suis subjectis non habent gradus accidentales essentiae superadditos.

Hoc verò neque de calore, neque de frigore, neq; de ullo Accidente quod suscipit *magis & minus* dici potest.

Tertia proprietas est quod secundum *Qualitates* res dicuntur similes aut dissimiles. Et hoc quidem ex ipsa *Qualitatis* essentia emanat, eique quarto modo proprium est. Sed hæc ita explicandum est ut de æqualitate & inæqualitate dictum est in cap. de Quantitate. Nam formaliter quidem ex similitudine (quæ est Relatio non *Qualitas*) res dicuntur similes, & ex dissimilitudine dissimiles, sed causaliter ex *Qualitate* solâ res dicuntur similes ac dissimiles, cum *Qualitas* sola sit fundamentum unde similitudo omnis oriatur.

Dub.

Quod si quis dicat hominem & brutum in hoc similia esse, quod utrumque sit animal: aut

aut utrūque quantum, aut utrūque vivens : Similitudo ista propriè non est, nec similia in animali aut vivente, sed eadem genere dicenda sunt, & per Quantitates æquales aut inæquales appellanda sunt. Hic autem Arist. de similitudine ac dissimilitudine propriè ac strictè loquitur, quæ definitur esse *convenientia duorum in una Qualitate*, aut rerum diversarum eadem Qualitas : & dissimilitudo est rerum diversarum diversa Qualitas.

Hæc de Proprietatibus Qualitatis dicta sint. Superest nunc Series, in qua explicandâ multò major difficultas est. Occurrunt enim res non solum propter multitudinem immensæ, sed propter spinosas quæstiones valde obscuræ, aggrediamur tamen, & si possumus, lucem eis afferamus.

Aristoteles ponit 4. Species Qualitatis : illa sunt *Habitus & Dispositio : Naturalis potentia & impotentia : Passio & patibilis qualitas : Forma & figura*. Quæ divisio omnino amplectenda est. Neque ullo modo audiendus est vel Timpl. qui lib. 5. Metaph. ca. 3. c. 4. rejectâ hâc Arist. divisione, aliam approbat traditque, quam esse meliorem & perfectiorem jactat : vel Picol. qui lib. 2. de princ. virt. ca. 8. duas primas Species, *Habitus* nempe, & *naturalem potentiam*, è Qualitatum numero ac Serie expungit. Facile esset illorum rariunculas refellere, si esset operæ præmium : verum novitate istâ repudiata, nefas ducimus ab hac antiquâ ac trita semitâ Philosophorum recedere ; idè Arist. vestigiis insistentes, divisionem ipsius paululum explanemus. Possunt autem hæc 4. Species ita ad bimembrem divisionem revocari, ex qua quomodo unaquæque ab alia differt intelligi potest.

Qualitas omnis vel est

Insensibilis, quæ sensui passionem non infert, & hæc est duplex.

Innata, quæ ab ipsâ naturâ & essentiâ rei cui primò convenit promanat, idè ab eo tolli non potest ; & hæc est secunda Species quæ apte vocatur *Naturalis potentia & impotentia*.
 Illata aliundè, nec à naturâ rei cui convenit promanans, idè ab eo removeri potest ; & hæc est prima Species quæ vocatur *Habitus & Dispositio*.
 Quomodo 4. Species Qualitatis inter se distinguantur.

Sensibilis quæ sensui passionem infert, idque vel

ut objectum proprium alicujus sensus : & hæc est tertia Species, quæ vocatur *Passio & patibilis Qualitas*.

ut objectum commune plurium sensuum : estque quarta Species quæ vocatur *Forma & figura*.

Hinc facile distinguas unamquamque Speciem Qualitatis ab aliis. Illud verò de omnibus observandum, quod etsi singulæ Species duobus nominibus insigniantur, ut prima per *Habitus & Dispositionem*, secunda per *Potentiam naturalem & impotentiam*, & ita in reliquis : tamen per istas, non dux, sed una tantum Species notatur, & sunt complexa voce tantum, non re, sicut *Corpus animatum*, *Quantitas continua*, & similia quàm multa. Quod ex singularum tractatione ac consideratione quam nunc atteximus, liquebit. Eas vero ordine percurreremus, incipientes cum Arist. ab *Habitu & Dispositione*. De hac vero Specie tria explicanda sunt : Primo, *Quid per nomen Habitus, itemque Dispositionis significetur*. Secundo, *Quomodo inter se differant Habitus & Dispositio, & quomodo definiantur*. Tercio, *Quæ sit Habitus Series, aut quæ Qualitates sub hac prima Specie comprehendantur*.

Acceptiones
Habitus.

Habitus sumi-
tur tripliciter:

Primò, pro *Accidente* quovis *positivo* cui *privatio* opponitur: Sic *visus*, *auditus*, *Habitus* sunt; quorum *privationes* sunt; *mors*, *cæcitas*, *surditas*.
Secundò, pro *Accidente* illo quo quis *habituari* aut *vestiri* dicitur. Estq; decimum *Prædicamentum*, quod dicitur *Habitus*.
Tercio, pro *Qualitate* *insensibili*, & *illatâ extrinsecus*, non *innatâ* *subjecto*, quæ *firmiter* suo *subjecto* *inheret*; ut *scientia*, *virtus*, *vitium*.

Habitus ut primo modo accipitur, non est unum aliquod Genus entis, idcircoque non in *Prædicamento*, sed *Postprædicamentis* tractatur, nec potest esse prima hæc *Species*, quia *visus* & omnes *sensus* sunt *Habitus* in eo *sensu*, & tamen sunt in secundâ non in primâ *Specie Qualitatis*. *Habitus* ut sumitur secundo modo est summum Genus, non igitur ullius *Generis*, nedum *Qualitatis*, *Species*. In tertiâ igitur acceptione, *Habitus* hic sumitur, & pro *Specie Qualitatis* censenda est.

Habitus quare
dicatur.

Dicitur autem *Habitus*, quia cum in quo inest, reddit *habilem* & *aptum* ad *perficiendum* ea opera atque *actiones*, quæ illo *habitu* *præstari* soleat. Ut ex *Grammaticâ*, *habilis* quis fit ad loquendum congruè; ex *Logicâ* ad arguendum rectè: quare *Habitus* idem est quod *Habilitas*.

Dispositionis
acceptiones.

Dispositio sumi-
tur duplici-
ter,

Generaliter, pro omni *Qualitate* *insensibili* & *illatâ extrinsecus* per quam *subjectum* disponitur ad agendum aliquid quomodocunque, sive *facile*, sive *difficiliter*; sive *constanter*, sive *inconstanter*; sive sit *facile mobilis à subjecto*, sive *difficiliter*: atque hoc sensu omnis *Habitus* *Dispositio* dici potest; & sic vocatur ab *Arist.* hoc *cap. num. 6.* quia ex *Habitu* disponitur homo ad agendum aliquid *facile* & cum *constantia*.
Specialiter, pro illâ solum *Qualitate* *insensibili*, & *illatâ*, non *innatâ*, quâ *subjectum* disponitur quidem ad agendum aliquid *leviter*, cum *difficultate*, & *inconstantia*, addo ut *facile* amitti ac deperdi possit illa *Dispositio*. Sic cum quis *leviter* *cinctus* est *lireris*, *Grammaticâ* aut aliâ *arte*, dicitur *Dispositionem* habere ad agendum ea quæ *arte* illâ docentur, nondum autem habere *Habitu*, & hoc sensu nullus *Habitus*, *Dispositio* dici potest.

Dispositio in
Genere quid.

Si nomen *Dispositionis* capiatur in primo sensu, est idem omnino quod *Qualitas* primæ *Speciei*: definiturque esse *Qualitas* *insensibilis*, non *innata*, sed *illata extrinsecus*, per quam *subjectum* cui inest, disponitur aut *habile* sit ad aliquid agendum; & complectitur sub se tam *Habitu* quam *Dispositionem* specialiter acceptam. Si *Dispositio* sumitur in secundo sensu, tum differt ab *Habitu*, quia *Habitus* *constantius*, ac *firmius* *inheret*, *Dispositio* *levius*: Ex *Habitu* redditur quis *aptus* ad aliquid *facile* agendum: Ex *Dispositione* *aptus* est solum cum *difficultate* facere. Quare *Dispositio* sic accepta ita describitur, Est

Dispositio spe-
cialiter acce-
pta quid.

Qualitas *insensibilis*, non *innata*, sed *illata extrinsecus*, per quam *subjectum* disponitur *leviter*, ad aliquid agendum, & cum *difficultate*, quæ *per facile* *removetur à subjecto*. *Habitus* autem ita describitur, Est *Qualitas* *insensibilis*, non *innata*, sed *illata extrinsecus*, per quam *subjectum* redditur *aptum* ac *habile* ad aliquid agendum, idque cum *facilitate*, quæ *per difficile* *amitti ac deperdi potest*.

Dub.

At *Arist.* 7. *Phys.* *cap. 3.* ait *Habitus*, *virtutes* ac *virtutes*, esse *Relatas*, non igitur *Qualitates* sunt, nec in hoc, sed *Relatorum* *Prædicamento* locandi.

Relata

Relata vocat, & sunt quidem, sed *Relata secundum Dici*, quæ ex naturâ suâ absoluta sunt; non *secundum Esse*, quæ sola in illo Prædicamento Relationis ponuntur. Neque ul'o modo est audiendus Zabar. lib. de Spec. intell. cap. 8. ubi ait, *Habitus & notare naturam absolutam, & simul essentialiter respectum continere*. Nam contradictionem planè implicat, ut unum idemque, secundum essentiam, absolutum sit, & secundum essentiam relativum: quod si detur, certè esset in duobus distinctis Prædicamentis; & duas distinctas essentias haberet. Quæ utraq; absurda sunt & adversantur Arist. tum in secunda regula Antepredicamentali, tum in 6. Top. ca. 4. nu. 2.

Arist. cap. de Qualitate num. 4. ponit calorem & frigus in hac primâ Specie, at illa sunt Qualitates sensibiles; malè ergo Dispositio & Habitus definiuntur esse Qualitates insensibiles.

Sæpè dixi, Arist. hæc tractare pingui Minerva, idèoque in illius exemplis *veritatem non semper querendam esse, sed illustrationem*. Et quidem, ut calor & frigus facilè remouentur; ita Dispositiones: verè tamen calor & frigus, nec Habitus nec Dispositiones sunt, neque in prima sed in tertiâ Specie collocanda. Nam quod ait Zabar. loco nuper citato, *Habitus posse in duabus Speciebus Qualitatis locari, nempe in primâ & secundâ*, id tam alienum est à ratione & Arist. quàm quod ibidem dixit, *idem esse natura sua & respectivum & absolutum*.

Sed quare non additur in definitione Habitus, quod ex multis actionibus generetur, præcipue cum id vulgo in Habituum definitione ponatur; & Arist. lib. 2. Eth. ca. 1. *Habitum omnem ex similibus actionibus sæpè frequentatis generari dicat*.

Responsio facilis est: Habitus aliqui *Infusi sunt divinitus* in mentes hominum, et multis nostris actionibus, aut labore comparati; tales erant Habitus omnes virtutum et scientiarum, quibus Adamus, cum primum creabatur, ornatissimus fuit atque instructissimus: tales etiam illi Habitus scientiarum quibus Apostoli divinitus inspirati fuerunt; tales sunt illi à Scholasticis *Infusi Habitus* d. Si, *Fides Spes & Charitas*. Cùm ergo tam multi Habitus sint, qui non ex actionibus frequentatis generantur, sed sine ullo labore aut operatione nostrâ infunduntur, non debuit Habitus, qui utroque complectitur, sic definiri, quod ex crebris actionibus oriatur; tum enim ex Habituum numero excluderentur omnes Habitus infusi. Alii Habitus *Acquisiti* sunt, & de his Arist. solùm loquitur loco citato, & illi quidem id convenit, quod generantur ex frequentatione similium operationum. Habitus autem utrique his, tam *infusis* quàm *acquisitis* communis, per ea solùm definitur, quæ utrique conveniunt, & ea sunt, quæ in definitione suprâ posita afferuntur.

At ne in *Acquisitis Habitibus* id verum videtur, quod ex frequentibus actionibus generentur. Nam scientia, quæ est Habitus acquisitus, unicâ demonstratione comparatur, & ex unâ actione adulterii, aut homicidii, verè quis adulter, & homicida denominatur, quæ sunt nomina Habituum notantia.

Dicendum est, non requiri ad Habitum acquisitum ut generetur ex actionibus *similibus omnino in Specie* cum illis qui ex Habitu prodeunt: Satis est si actiones *similes in Genere* præcedant, modò illæ sint præviæ Dispositiones ad Habitum, & actus qui ex Habitu fiunt. Sic ante ullam demonstrationem quam quis formare potest, oportet multiplicem rerum, & Logicæ præsertim, cognitionem præcedere, quæ præparet animum ad intelligendum vim & efficaciam illius demonstrationis, per quam scientiam acquirit. Ita de intemperantia sentiendum. Ante tam sedum facinus, etsi unicum sit, præcesserunt in animo multæ præviæ & præviæ cogitationes, voluantes, libidines, quibus ad tam immane facinus accendebatur animus & præparabatur. Simile de homicidio dicendum est.

Ex his facilè perspicere licet discrimen inter *Habitum & Dispositionem specialiter acceptam*. Dfferunt enim *non naturâ & essentiâ* (nam tunc non essent una, sed duæ distinctæ Species) Sed *in extensione & restrictione*, quia Habitus firmius intensiusque inhaeret subjecto, Dispositio levius ac infirmius; & ex Habitu facilius & alacrius & constantius operamur,

ex Dispositione difficilius, sæpe cum inconstantiâ, & inconstantiâ. Ex Habitu perfectionem, ex Dispositione inchoamentum operandi habemus. Differunt ergo, ut *puer* & *vir robustus*, vel ut pannus cum perfectum purpuræ colorem imbibierit, & cum leviter ac præparatoriis solum coloribus tinctus sit; nam Dispositio dat veluti levem tincturam homini, Habitus stabili ac constanti aut virtutis, aut vicii colore imbuir.

Dub.

Dices si sint essentiâ eadem, tum quicunque Dispositionem habet, etiam Habitu ipsum habere necesse est: habet enim essentiâ & naturam Habitus, cui autem essentiâ convenit, eidem & nomen & res ipsa tribuenda est. Quare Sciulus omnis Sciens, & Sophista quivis peritus Logicus vocandus est.

Sol.

Respondeo, nihil horum sequi, quod ex pari liquet: Puer essentiâ convenit cum sené, & robusto viro, nec tamen puer vagiens in cunis, robustus vir aut senex appellari debet; Ratio est, quia nomen pueri ac senis, præter illam essentiâ hominis in quâ ambo conveniunt, superaddit Accidens ætatis, in quo discrepant. Idem hic dicendum: Dispositio convenit cum Habitu in essentiâ quæ utrisque communis est, & in communi nomine notante illam essentiâ; utrumque enim est *Qualitas insensibilis illata*: Sed huic essentiâ Habitus superaddit hoc Accidens, quod illa *Qualitas sit robusta & firmiter radicata in subiecto*: Dispositio item hoc addit, quod sit *imbecillis & debilitèr inherens*. Quare cum non possint magis convenire in hoc nomine Habitus, quod essentiâ non nudam, sed cum hoc Accidente notat, quàm convenit puer cum sené in nomine senis; liquet non magis Sciolum illum aut Sophistam, Scientem dici posse aut Logicum, quàm puer vagiens, vir Sapiens aut robustus appellari potest.

Series Habituum.

Supereft nunc quod tertio loco propositi de Habitu, ut illius *Seriem*, & *Species* attexamus. Tanta est enim copia rerum in quavis illarum quatuor Specierum comprehensarum, ut ad distinctas Classes merito revocandæ sint. Exactam autem Habituum Seriem, à me nemo expectet, eam ab aliis petant juniores, aut ipsi (nam utilissimum est in hanc partem nervos ingenii sui intendere) investigent. Hanc autem qualiscunque sit, à nobis in bonam accipiant partem. *Habitus* primò dividitur in *Habitu Corporis*, & *Animi*: *Habitus Corporis est Habitus qui ad corporis actiones præstandas vel adjuvat, ut sanitas; vel impedit, ut ægrotudo*: ac illa quidem ex iustâ & debitâ, hæc ex indebitâ ac depravatâ humorum corporis temperie, velut ex Dispositione, oritur. Alexander quidem omnino negavit ullos esse corporis Habitus, & hæc duo sanitatem ac ægrotudinem ut exempla solum, hic poni, illa strandi causâ, quoniam ut hæc, ita Habitus & dispositiones, vel faciliè vel difficulter amittuntur: Sed Aquin. 1. 2. quæst. 50. art. 1. cum refutat tum ex hoc capite, tum ex 7. Phys. cap. 3. ubi inter Habitus, sanitatem recenset, & esse aliquos corporis Habitus confirmat. Idem iterum docet Aquin. 1. 2. quæst. 49. art. 3. ubi etiam probat ex Arist. lib. 10. de Historia Anim. cap. 1. *Sanum esse quod potest facere operationem sani, ideoque sanitatem est Habitu, quo ad id agendum aliquis fit aptus & habilis*.

Habitus animi.

Habitus sine ratione.

Habitus animi est habitus, qui ex animâ ejusque facultatibus oritur, & subiectum cui inest, ad aliquod animi opus præstandum habilitat. Talis Habitus est duplex. Nam aliquando est *sine ratione, ejusque usu*, & tales Habitus possunt esse, & sunt in brutis, & infantibus. Quàm multa edocentur Canes? Aves? Equi? Simiæ? Elephantes etiam litteras conscribere edocti sunt, & funambulis incedere. Idem infantes dexteras non sinistras accommodare ad actiones, penè in cunis, cum nullum habent usum rationis edocentur. Hæc autem, tam bruta, quàm infantes ex Habitu facere quis dubitet, cum ex frequenti repetitione harum actionum discant & assuescant hæc præstare? Nam quod Aquin. 1. 2. quæst. 50. art. 3. negat, *in brutis esse ullos Habitus propriè; quia non habent rationem, nec voluntatem, ideoque non dominium utendi illis Habitus cum volunt*; non est ei in hoc assentiendum, quippe satis est ad Habitu generandum Phantasia & Memoria, etiam absque ratione: nec ratio aut voluntas ad omnem habitum requiruntur, vel ipso iudice; (Quia non ad sanitatem & ægrotudinem) sed solum ad Habitu ex voluntate & ratione provenientes. Aliquando verò, imò sæpius *Habitus est cum ratione ejusque usu conjunctus*; Et hi sunt

illi omnes qui ex ejusmodi actibus, & eorum frequentatione oriuntur, qui ex imperio Habitus cum rationis perficiuntur. At Habitus prioris generis, distinctionis causâ, vocare liceat irrationales; hos posteriores rationales.

Habitus rationalis seu cum ratione conjunctus, duplex est: nam vel perficit subjectum *Virtus Quid.* cui inest, vel depravat. Si perficiat, & habile ac aptum faciat ad opus rectè agendum, *Vitium Quid.* tum vocatur *virtus*. Si verò depravat subjectum & faciat aptum ad aliquid quod ex ratione provenit, malè agendum, tum vocatur *vitium*. Atque in horum duorum Habituum animi explicatione, tota reliqua Series, omnisque labor noster impendendus est. Id unum hic moneo, non esse necesse, ut de vitiis multa dicantur, cum illa ex oppositis virtutibus faciliùs intelligantur.

Virtus omnis est vel *acquisita*, vel *infusa*; *acquisita* (vel potiùs *acquisibilis*) est quæ *Virtus* acquiritur studio, labore ac industria humanâ acquiri potest, etsi nonnunquam à Deo immediatè sita *Quid.* nonnullis infundatur, quæque ordinat hominem ad illud bonum, quod naturaliter sciri, & acquiri potest: Ejus generis sunt virtutes illæ omnes quæ in homine, fide ac pietate destituto, ineffe possunt. Hæc virtus duplex est *Intellectualis & Moralis*.

Intellectualis virtus, est *virtus* *acquisita*, quæ intellectum in suis operibus dirigit, aptumque reddit ad opus rectè perficiendum, quæque facit eum cui inest, virum peritum, sed *Intellectualis Quid.* non probum ac bonum. Potest enim quis virtutes omnes intellectuales, artes omnes, omnes scientias ipsamque ad id prudentiam habere, & tamen vir malus esse, quia potest illis omnibus virtutibus ad nequitiam & improbitatem abuti, aut non facere ea quæ virtutes illæ, mixtæque prudentia, agenda monent ac docent. *Intellectualis* virtus triplex est: Nam vel versatur in rebus faciendis, & tum dicitur *Ars*; vel in agendis, & tum dicitur *Prudentia*; vel in cognoscendis, & tum dici potest *cognitio intellectualis veri*.

Ars est *virtus intellectualis*, quæ dirigit mentem in faciendo aliquo opere externo, sive *Ars Quid.* aliquid permaneat post actionem artificis; ut domus, vestis; sive nihil permaneat; ut in arte saltandi, canendi, pulsandi Citharam, quæque ad alias scientias imbibendas non instruunt, neque ut instrumenta iis inserviant: Quam ultimam particulam id circo addi oportet, quia quædam disciplinæ in effectione quidem aliquorum ponuntur, ut *Grammatica* in efficiendo sermone congruo, *Logica* in efficiendis Syllogismis: Sed hæc ipsa efficiuntur, ut instruunt nos ad alias scientias, & ut tanquam instrumenta ad eas dicendas, aut docendas inserviant. Quare artes propriè appellandæ non sunt, cum artium finis non est aptare mentem ad alias scientias, sed opus solum illius artis perficiendum: Sicut qui artem calli canendi, saltandi, aut ædificia, vestisquæ efficiendi, non his aptatur aut instruitur ad intelligendam philosophiam, aut Mathematicas disciplinas: Sed finis istarum artium, est rectè apteque illa opera artis perficere. Quæ autem sit differentia inter *facere* & *agere*, nempe quod *facere* est opus externum aut corporeum producere, *agere* verò moralem actionem respicit, & virtutem aut vitium, docet. Arist. lib. 6. Eth. cap. 4. & Zab. lib. 1. de naturâ Logicæ. cap. 2.

Artis, quâ plurimæ sunt *Species*: Aliæ sunt ad vitam omnino necessariæ; ut *Agri-* *Artis Species.* cultura, ars Pastoricia, molinaria, coquinaria, & similes. Aliæ ad vivendum commodè conducunt; & harum, aliæ sunt præstantiores ac ingenuo homine dignæ, ut Mercatura, quâ merces vel importantur, vel exportantur; Architectura, Typographia, artes scribendi, canendi, pingendi, saltandi, & similes: aliæ minùs præstantes, ut artes fabrorum ferrariorum, lignariorum, lapididarum, textorum, fullonum, vestiariarum, sutorum, & similes.

Singulis artibus singula *vitia intellectualia* opponuntur: Vitium autem illud non est simplex ignorantia alicujus artis; nam nescire artem aliquam vitium non est, nisi quis artem scire & potuerat & debuerat. Deinde *vitium* Habitus est, at simplex ignorantia non est Habitus sed negatio: Sed *vitium* quod arti opponitur, est habitus malè & inartificialiter operandi aut efficiendi ea quæ ad aliquam artem pertineat. Ut Habitus malè scribendi, in-

inartificialiter pingendi, ædificia extruendi, vestes conficiendi, & ita in reliquis. Nam sicut ex arte dicuntur boni, id est, artificiosi seu periti artifices (bonitas enim artificis quæ est artifex, est peritia in illa arte quam proficitur) ita ex contrario Habitu (liceat vocare inartificium) dicuntur mali, id est, inartificiosi vel imperiti artifices.

Prudentia
quid.

Prudentia est virtus intellectualis, quæ dirigit mentem rectè judicare quid sit in omni actione Morali agendum, aut non agendum, ideoque recta ratio rerum agendarum dici potest & solet: Ex quo faciliè perspicias discrimen inter prudentiam & virtutem moralem, & cur prudentia sit virtus moralis, licet tota versetur in rebus agendis. Nam prudentia tantum docet quid sit agendum, sed non inclinat nec flectit voluntatem ejus cui inest, id ipsum agere. Virtus autem moralis non indicat quidem, nec scit quid sit agendum, (nam hoc spectat ad mentem & intellectum, non ad appetitum & voluntatem) sed inclinat & flectit appetitum & voluntatem ejus cui inest, obedire prudentiæ, & agere illud quod prudentia, seu recta ratio monet esse agendum. Quare prudentia est quasi præceptor, præcipiens omnia quæ sunt agenda: Virtus autem moralis est quasi discipulus, obtemperans illius præceptis. Atque hinc ulterius liquere faciliè potest, cur ex virtute morali quis dicatur vir bonus, non item ex prudentia. Is enim tantummodo vir bonus appellandus est; qui agit ea quæ scit esse agenda: Atque hoc præstat omnis morali virtute præditus, quia virtus moralis inclinat & flectit semper illius voluntatem, ut ita agat. At multi sunt qui sciunt quid sit agendum, ideoque prudentes sunt, & tamen nolunt illud agere, id est, quæ mali ac improbi sunt. Multi, inquam, Atheniensibus illis perfimiles sunt, quos meritis taxavit Lacedæmoniorum Legatus, ut est apud Cic. lib. de senect. *Athenienses sciunt rectè facere, sed nolunt.* Vitium intellectus, quod Prudentiæ opponitur, est Imprudentia: Quæ est *Habitus quo ratio & judicium mentis ita depravatur, ut illi quibus inest, judicent ea agenda esse quæ recta ratio docet non esse agenda.* Tales, ut opinor, sunt illi omnes qui vitiosi, aut habitu vitii morali imbuti sunt. In illis enim propter assuetudinem male agendi, non solum voluntas depravatur, sed ipsa etiam ratio & judicium mentis ita corruptum & occacatum est, ut judicent sceleratissimas quasque vitiorum actiones, & deterrima flagitia persequenda, omni studio sectanda esse. Quare ex hoc Habitu, qui vitio morali semper conjunctus est, imprudentes & stolidi merito appellantur omnes mali & vitiosi.

Tertia species virtutis intellectualis innominata est. Nos (quia nomen aptius non occurrebat) *cognitionem veri rectèque nominavimus:* Est autem hæc cognitio (ut hic accipimus) *Habitus mentis, per quem in omni disciplinâ quid sit verum cognoscimus, tam quoad principia quàm quoad conclusiones.* Nam ut in rebus faciendis ars, & in agendis prudentia, sic in cognoscendis, hic *Habitus cognitionis* mentem dirigit. Quoniam autem omnia quæ in ulla disciplina considerantur, vel sunt principia in illâ disciplinâ, vel conclusiones ex illis principiis collectæ, ideo hæc cognitio intellectualis duplex est, *Intellectus & Scientia.*

Dub.

At Arist. 6. Eth. ca. 3. præter intellectum & Scientiam, recenset *Sapientiam*, ut Habitum intellectualem. Et ex eo omnes Philosophi sequentes, ponunt quinque Species virtutis intellectualis, *Artem, Prudentiam, Intellectum, Scientiam & Sapientiam*, & has quinque Arist. ibidem recenset.

Sol.

Sapientia non
est distincta
Species virtu-
tis intellectu-
alis.

Respondeo, Sapientiam non poni ab Arist. ut Habitum re distinctum ab intellectu, & scientiâ, sed ut quiddam ex utrisque aggregatum, imò ex universali concursu utriusque. Nam cum Habitum *Intellectus* verè quis habere dicatur, etiam si non nisi præmissas seu principia *verius* solum demonstrativæ conclusionis cognoscat; & Habitum *Scientiæ*, etiam si unicam tantum conclusionem demonstrativam cognoscat; Sapientia tam est augustum & magnificum nomen, ut eam nemo habere dicatur, nisi idem habeat cognitionem omnium principiorum in omnibus disciplinis, & omnium conclusionum, quæ ex illis deducuntur ac dependent. Unde Sapientia à Cicerone definitur, *rerum divinarum simul & humanarum scientia.* Hoc ut Arist. significaret, lib. eodem 6. Ethic. ca. 7. dicit *Sapientiam esse intellectum & scientiam*, aut *scientiam caput rerum præstantissimarum habentem*

bentem; innuens *Sapientiam* non esse unum simplicem Habitum naturā ac realiter distinctum ab illis, sed complexum quid, ex pleno utriusque concursu conflatum. Et id quidem ratio ipsa clarissimè demonstrat. Quicquid enim in ulla disciplina cognosci potest, vel est *principium*, vel *conclusio*; jam principia omnia omnium disciplinarum per *intellectum* cognoscuntur, & conclusiones omnes per *Habitu Scientiā*; nullum igitur est objectum distinctum, quod per *Sapientiam* cognosci potest. Si verò distinctum objectum non habeat, certè neque distinctus Habitus censendus est. Quinque ergo vocantur Habitus intellectuales ab Arist. quia totidem sunt quomodocūque distincti, nempe ratione quadam, & respectu. Sed non sunt quinque realiter ac essentialiter inter se distincti. Omissio igitur illo *Habitu Sapientiā*, qui ex duorum aliorum cognitione plenè intelligitur, duos illos habitus quos constat re ac naturā differre, *Intellectum* dico ac *Scientiam*, prosequamur.

Intellectus est Habitus intellectualis, per quem cognoscuntur principia quævis in ulla disciplina. Principia voco, tum *definitiones* omnes, tum *præmissas* ex quibus doctrinales conclusiones colliguntur. Quare quod in *Metaphysica* cognoscis Ens esse id quod existit; *Substantiam* esse Ens quod substat Accidentibus, ab intellectu est: Quod in *Physica* cognoscis corpus constare ex materiā primā & formā; *hominem* esse rationalem: Quod in *Mathematica*, *lineam* continuari per punctum; *Numerum* ex unitatibus constare: Quod in *Ethica*, *virtutem moralem* esse Habitum qui inclinat voluntatem eligere & agere quod recta ratio monet: Quod in *Logica*, *Genus* prædicari de Speciebus in Quid; Propositionem esse orationem indicativam: Quod in *Grammatica*, *Syllabam* constare ex literis, unā pluribusve, & semper ex unica vocali: *nomen* significare sine ulla temporis aut personæ differentia: Quod (inquam) hæc aliæque his similia cognoscis, est ab hoc habitu *Intellectus*; & hoc solo Habitu, hæc aliæque omnia principia, definitiones, ac præmissæ doctrinales cognoscuntur.

Quæres, cur hic Habitus quo principia cognoscuntur, *Intellectus* vocetur, cum cognitio Conclusionum non minus sit intellectiva (& ope intellectus non sensus) quàm cognitio ipsorum Principiorum.

Dub.

Respondeo, de utroque verè dici posse, quod cognoscatur intellectu; prout intellectus opponitur sensui: Nam neutrum eorum sensitivā, utrumque intellectivā cognitione percipitur: Sed hoc loco, *Intellectus* non opponitur Sensui, sed *Scientiā*; nec Sensitivæ cognitioni, sed Scientificæ. Quare autem ea cognitio quæ Principia, non Conclusiones cognoscuntur, vocetur Intellectus, tres (ut arbitror) rationes rectè assignari possunt. Primò, sic vocatur, quia id quod in ulla Disciplina primò intelligitur ab ullo discente, sunt ipsa Principia: Nam ea præcognosci necesse est, antequam quidquam aliud intelligere posses in illa Disciplina: Nunquam in Physica cognoscas hominem esse risibilem, nisi prius cognoscas hominem esse rationalem, & rationale esse fontem unde risibilitas fluit. Nunquam in Logica cognoscas animal esse Genus, nisi prius cognoscas, quid Genus sit, & Generis definitionem animali convenire: quia igitur Principia primò intelliguntur, ideo *Intellectus* nomen tribuitur illi Habitu, quo illa intelliguntur. Secundo, sic vocatur iste Habitus, propter certitudinem intelligendi, quæ major est quàm in cognitione Conclusionis. Ut Arist. verissimè docet lib. 1, Demonstr. cap. 2. & probat etiam, quia quicquid facit tale, illud est magis tale. Quoniam igitur de Conclusionem non aliā ratione certi sumus, quàm quia de præmissis seu Principiis certi sumus, necesse est, nos magis esse certos de veritate Principiorum; quia hæc faciunt nos esse certos de veritate Conclusionis. Quoniam igitur Principia certius intelliguntur, ideo Habitus quo illa cognoscantur, *Intellectus* vocatur. Tertiò, sic dicitur iste Habitus, quia Principia intelliguntur tantummodò, non probantur, non inquam a notiori, non a priori, non ut Conclusiones probantur. Inductione quidem explanamur, & sic manifestatur eorum veritas; quia cum videamus hunc, illum, & ceteros homines esse rationales, non possumus dubitare de universali hac propositione quin vera sit, Omnis homo est rationalis: Sed cur vel hic, vel ille, vel omnis homo sit rationalis,

Sol.

lis, aut cur rationale homini insit, nihil omnino quod notius est hoc ipso asserri potest, ut probetur; Quare cum intelliguntur solum Principia, non probantur ut Conclusiones, idem Habitus quo ipsa cognoscuntur merito *Intellectus* vocatur. Vides nunc rationem, cur hic Principiorum Habitus dicatur *Intellectus*, tum propter *primitatem*, tum propter *certitudinem*, tum propter *solitudinem intelligendi*; quia & prius & certius intelliguntur quam Conclusiones, & solum intelliguntur, non probantur ut Conclusiones.

Dub.

Quæres adhuc, unde habeatur aut proveniat hic *Intellectus* Principiorum; an naturâ nobis insit, an à doctrinâ?

Sol.

Respondeo, habitum hunc esse acquisitum (nam de acquisitis solum nunc agimus) ideòq; naturâ nulli ineſt. Omnia enim Principia, aliqua inductione fiunt manifesta, & cognoscuntur; sed illa inductio aliquando fit à nobis ipsis, aliquando à magistris illarum Discipularum quas discimus. Quæ differentia oritur ab illo discrimine quod est in ipsis Principiis. Sunt enim quædam tam facilia, tam clara & perspicua, ut nobis pueris, nihil tale cogitantibus, per inductionem cognita sint. Quis enim te primò docuit, *Omne totum esse majus suâ parte*? aut illud, *Ens esse quicquid existit*? aut illud, *De omni Ente verum est, vel affirmare quod sit hoc, vel negare*? Equidem in ipsa infantia, ex inductione quotidiana, ista nobis intellecta sunt, & cum lacte nutricis sensim luximus eorum intellectum. Hæc autem quia tam clara sunt ut sua luce luceant, & per se sine Magistro fidem mereantur, idem *Axiomata & dignitates* vocantur. Alia verò sunt, & longè maxima pars Principiorum, quorum intellectum derivat animus à Magistris: Tale est in Metaphysica, *Substantiam esse Ens quod subsistat Accidentibus*: In Mathematica, *Punctum esse indivisibile, & continuare partes lineæ*: in Logica, *Propositionem esse orationem indicativam*: In Grammatica, *In omni syllaba esse unam vocalem non plures*: & ejusmodi omnia, cum primùm Disciplinas istas discere incepimus, Præceptores nobis instillant, & postulant à nobis, imò verò, pro imperio & authoritatē suâ jubent, ut accipiamus pro veris: Paululum verò nobis progressis, inductiones adhibent, quibus veritatem horum Principiorum manifestant, & quàm primùm earum veritas per inductionem nobis patefacta est, ita ut confidenter eis assentiamus, tum verè intelligere illa dicimur, & eorum Principiorum intellectum habere. Libuit ista (licet nimis breviter) de hoc *Intellectus* Habitu, hoc loco annotare: partim quia & obscurius videbatur, & à perpaucis tractatum, partim quia multo maximus est usus hujus Habitus, cum ab eo Scientiæ omnes, & omnes quas in ulla Disciplina scimus Conclusiones dependent.

Vitium intellectui oppositum.

Vitium *Intellectui* oppositum est *Habitus malè cognoscendi Principia, per quem falsis aut incertis Principiis ita firmiter quis adhæret, ut ab illis dimoveri nequeat*. Tale est, si quis hoc pro principio statuat, *Quicquid Imperator Romanus aut Pontifex docet, pro indubitato tenendum est*. Et hoc vitium est planè pestis omnium Discipularum. Nam qui semel falso Principio adhæserit, quamdiu illud tenet, non modò errabit in conclusionibus inde deductis, sed & aditum omnem sibi metipso obstruit, nè unquam veritatem amplecti possit. Quare, summopere ac præcipue elaborandum est omnibus quarumcunque Discipularum Magistris, ut vera, sana, ac solida Principia, velut *fundamenta* doctrinæ superstruendæ suis auditoribus instillant; Quod efficient si sanum, verum, & rectum *Intellectum* definitionum quæ in illis Disciplinis habentur, tradant; hoc nisi faciant, (& à perpaucis fieri dolendum est) Scientiam certè nunquam, sed errores & ignorantiam pravæ dispositionis (ut vocetur) id est, ipsum *Habitus ignorantia* in animis discipulorum generabunt.

Scientia quid.

Altera Species cognitionis *intellectualis* versatur in notitia Conclusionum, diciturque *Scientia*, quæ sic definiri potest. *Scientia est Habitus intellectualis, quo cognoscuntur Conclusiones quævis doctrinales in ulla Disciplina*. Dixi *Doctrinales*, quia probabiles Conclusiones opinione, non Scientiâ apprehenduntur, & opinionem solum gignunt, non Scientiam. Dixi in *quavis disciplina*, nam Scientiæ nomen hic latè ac large accipio, ut sit Cognitio omnium doctrinalium conclusionum, sive de rebus necessariis & æternis, (quales

les solum in Metaphysica, Physica, & Mathematica inveniuntur) live de Rebus Contingentibus, (quales sunt omnes Conclusiones, tam in Disciplinis practicis, ut in Ethica; quam in Disciplinis instrumentalibus, ut in Grammatica, & Logica.) Nec miretur quis si nomen Scientiæ hæc etiam Disciplinis quæ contingentia tractant, attribuamus; et si Arist. lib. 1. Demonstr. ca. 2. & lib. 6. Eth. cap. 3. accommodet hoc Scientiæ nomen iis solis, quæ res summè necessarias considerant. Nam etsi in Rebus ipsis differentia magna sit, quia hæc necessariae sunt, illæ contingentes: tamen in modo Cognoscendi differentia non est; uterque enim scit per optima, certissima ac præstantissima media aut principia, quæ in illis Disciplinis sunt, aut esse possunt. Et ut is qui in rebus necessariis Conclusionem ullam scit, idè scire dicitur, quia cognoscit id per optima Principia per quæ cognosci potest. Idem cum ille qui in rebus contingentibus Conclusionem aliquam tenet per media & Principia optima & certissima per quæ conclusio talis cognosci possit, ille inquam non immerito Conclusionem scire dicendus est. Quia etsi tam Conclusio, quam Principia, in se contingencia sint, tamen inter ea, talis tamque necessaria connexio est, ut positis his principiis, Conclusio ista necessario sequatur; & si Conclusio inferenda sit, ex his Principiis nullisque aliis inferri debet. Exemplum unum aut alterum addam. Ex se contingens est tam ut quis habeat virtutem moralem, quam ut sit bonus; tamen inter virtutem moralem & bonitatem tam necessaria connexio, ut in Ethica non minus certo sciatur aliquem esse bonum quia habet virtutem moralem, quam scitur in Physica hominem esse risibilem quia est rationalis. Idem contingens ex se, & ex arbitrio humano pendens, utrum id quod prædicatur de pluribus Speciebus in quid, vocetur Genus, an Species, aut quid aliud. Sed hoc contingenti supposito, (ut in Logica supponitur) illud vocandum esse Genus, quod ita prædicatur, tam certo & necessario in Logica sequitur, Animal esse Genus, quoniam ita prædicatur, quam in Physica sequitur, Animal esse sensibile, qui habet animam sensitivam. Quare, etsi hæc similesque omnes Conclusiones, sint in se contingentes, & ex Principiis, quæ in se contingencia sunt dependant, tamen cum Conclusiones istæ cognoscantur per optima & præstantissima media, per quæ cognosci possunt, perque ea quæ necessariam connexionem cum Conclusionem habent; profecto Habitus quo Conclusiones istiusmodi cognoscuntur, non injuria *Scientia* largo in sensu vocari potest. Atque hoc monendum necessario videbatur, ne quis fortè decipiatur hoc *Scientiæ* nomine, putans eodem sensu a nobis hic usurpatum, quo est ab Aristotele locis citatis; cum juxta ejus sensum sola *Metaphysica, Physica, & Mathematica Scientiæ* sint, quæ in istis solis res summè necessariae tractantur; juxta nostram autem acceptionem, *Scientiæ* nomen etiam *Ethica, Grammatica, & Logica* tribui potest.

Vitium *Scientiæ* sic acceptæ oppositum, est *Ignorantia prave dispositionis*. Quæ non est simplex negatio, aut privatio Scientiæ, sed *Habitus mentis quo Conclusioni falsæ tanquam veræ adheret, quia Principia falsa pro veris posuit*; ut si quis ideo negaret Lunam posse eclipsari, quia non vult credere inter Solem & Lunam posse terram interponi. Atque hoc omnibus Scientiæ Speciebus accommodari potest. Ut Ignorantia prave dispositionis in Grammatica, opponitur Scientiæ Grammaticæ: Ignorantia prave dispositionis in Logica, Physica, Metaphysica, Mathematica, & Ethica opponitur Scientiæ Logicæ, Physicæ, Metaphysicæ, Mathematicæ & Ethicæ; quod hic semel monco, ne idem multoties deinceps repetendum sit.

Scientia ita large accepta duplex est, *Humana & Divina*, *Humana* est, quæ humano ingenio absq; Dei speciali revelatione inveniri potest. Non enim Deus immediate aut Philosophiæ naturalis, aut Mathematicarum Disciplinarum cognitionem hominibus indidit, sed eas viri ingenio præstantes, summo studio ac diligenti observatione invenerunt: Quare hæc similesque omnes, *Humanae* vere dici possunt.

Humana Scientia duplex est, *Instrumentalis & Principalis*. *Instrumentalis Scientia* est *Scientia Instrumentalis humana, quæ propter seipsam non expetitur, sed solum propter aliud, ut medium ad aliq; instrumentum quo facilius ad alias Disciplinas & earum fines perveniamur*. *Principalis Scientia* est *Scientia Instrumentalis* *Quid.*

mentum enim nullum propter se expetitur, sed solum propter finem illum, aut propter illud opus, ad quod perficiendum utimur eo instrumento. Nam si æque commodè finem illum assequi, aut opus illud perficere, sine eo instrumento possemus, insipientis planè esset, vel ex petere illud instrumentum, vel eo adepto uti; frustra enim fieret tum per plura, quod æque commodè fieret per pauciora.

*Grammatica
& Logica an
sint Artes, aut
Scientiæ.*

Instrumentales Scientiæ duæ sunt, *Grammatica & Logica*, quarum illa *Sermocinatrix* vocatur, quia in sermone congruè formando; hæc *Ratiocinatrix*, quia in rationibus commodè texendis versatur. Non sum Nescius, quàm multos acriter digladiari, ac tanquam pro aris ac focis pugnare de hac re: Utrum duæ istæ Disciplinæ inter *Scientiæ* propriè dictas, an inter *Artes* censendæ sint. Certissimum est, *Scientiæ* in stricto sensu (quo usus est *Arist.* 6. *Eth.* ca. 3. & 1. *Demonst.* cap. 2.) vocandas non esse; nam neque versantur in rebus summe necessariis, neque in contemplatione rerum quas considerant, sed in effectione: *Grammatica* enim docet *Efficere congruum sermonem*, *Logica* efficere *Syllogismos*; quare jure optimo ex istarum *Scientiarum* classe expunxit eas *Zab.* lib. 1. de *Natur. Log.* ca. 3. & 4. Si alterutrum dicendum est, profecto *Artibus* simillimæ sunt, sunt enim *habitus effectivi*, & *Ars* ab *Arist.* definitur esse *habitus effectivus*. Et sane, si quis eas *Artes* vocare velit, non repugnabo: eoque minus, quod videam rationes illas, quas adduxit *Zab.* lib. cit. ca. 8. ut probeat eas non esse *Artes*, valde infirmas esse. *Cæciorum Artes* (ut ego arbitror) illæ propriè vocandæ sunt quæ *effectivæ* sunt eorum operum quibus ad *Scientiæ* intelligendas & discendas non utimur ut necessariis instrumentis. Jam vero tam *Grammatica*, quàm *Logica* tales *Habitus* sunt, ut necessaria sint instrumenta omnium aliarum *Disciplinarum*, neque in alium finem expetuntur, quàm ut sint talia instrumenta; quare *Artes* propriè dictæ vocandæ non videntur. Sed tamen, uti largâ acceptione *Artes* vocari possunt (ut docet *Zab.* lib. cit. ca. 5.) ita largè accipiendo nomen *Scientiæ* (quomodo à nobis hîc accipi sæpe monuimus) nemo jure reprehendat, si *Scientiæ* appellentur. Sed, hoc omisso, quid sint videamus.

*Grammatica
quid.*

Grammatica est *Scientia Instrumentalis*, quâ dirigimur congruè aptèque, propriè & concinnè loqui in omni idiomate, *Hebræo, Græco, Latino, Anglico, Gallico, &c.* Quæque ut hoc præstet, vocum omnium cujusque idiomatis, & veram, & nativam significationem, & congruam inter se compositionem tam in prosa, quàm in metro explicat, ut sic alias quascunque *Scientiæ* vel discere, vel docere valeamus. *Instrumentum* est, & quidem omnium primum in discendis *Scientiis*. Nam quia omnes *Disciplinæ* sive easdem discere ab aliis, sive alios eas docere volumus, vocibus vel prolatis, vel scriptis traduntur, & voces rerum signa sunt; hinc fit, ut neque ipsi intelligere, neque ut alii intelligant efficere possumus, quæ res illis vocibus notentur, nisi veram vim ac genuinam significationem earum vocum (sive propria ea sit sive figurata) veramque & congruam earundarum inter se compositionem cognoscamus. Decet etiam *Grammatica*, tam metro voces conjungere quàm prosâ. Nam facultas illa *Versus* componendi (quam vulgus non sine magno errore *Poeticam* appellat) ad *Grammaticam* solum, non *Poeticam* spectat. Quid enim illic de suo fingit *Poëta*? aut quid aliud est *Versus*, quàm stricta earum dictionum dispositio, quæ in prosa ac soluta oratione laxius collocantur, nec tam accurate? Docet itaque *Grammatica* utroque modo recte loqui; & quia neutrum præstari potest, nisi justam *Syllabarum* ac vocum quantitatem teneamus, ideo quantitatem omnium dictionum, in omni idiomate docet *Grammatica*: cognitâ vocum quantitate, docet etiam *Grammatica* eisdem uti, vel cum certo aliquo pedum numero ac mensurâ, ut in carminibus omnis generis; vel sine tam strictâ & certâ mensurâ ut in prosa. Quod si vel *Poëta* quis vel *Rhetor*, vel *Historicus*, vel *Philosophus*, in tradendis iis quæ ad suas disciplinas spectant, carminibus utatur, facit illud non ut *Poëta*, nec ut *Historicus*, aut *Philosophus*, sed solum ut *Grammaticus*, a quo mutuatur tum congruitatem, tum debitam dispositionem vocum, id est, tam strictum quam solum dicendi genus.

Logica quid.

Logica est *Scientia Instrumentalis* quâ dirigimur argumentari vel ratiocinari, seu argumenta.

gumenta rectè contexere. Nam ut alibi dixi, Argumentatio est subjectum in quo *Logica* versatur, & ad quem referuntur omnia quæ in *Logica* tractantur. Jam quia omnes omnino Scientiæ argumentis utuntur, quibus suas Conclusiones probant, ideo *Logica* quæ docet ipsum modum arguendi, & per quam discernimus utrum probationes legitimæ sunt & validæ, an imbecillæ & illegitimæ, *instrumentum ad omnes Disciplinas* summe necessarium habetur, sine quo ad eas nunquam quisquam attingat.

Logica duplex est, Generalis, & Specialis. Generalis est quæ docet simpliciter argu- *Logica Gene-*
mentari, sine ullo respectu vel ad finem, vel ad materiam, utrum necessaria sit an con- *ialis quid.*
tingens; & est *Logica* quam tradit *Arist.* in libris de Interpret. & Priorum Analyt. in illis enim docet recte & legitime argumentationem contexere; tam perfectam, quæ est Syllogismus, quam imperfectam, quales sunt Enthymema, Inductio, & Exemplum.

Specialis Logica vocatur, quæ docet in hac aut illâ speciali materiâ rectè arguere, aut *Logica Spe-*
ad hunc aut illum specialem finem assequendum. Quare ex diversitate materiæ, in quâ *cialis.*
argumenta texuntur, aut finium quos in arguendo respicimus, oritur diversitas in hac speciali *Logica*; aut, si ita mavis dicere, diversæ illius partes. Quotuplex vero sit hæc *Logica specialis*, aut quot illius partes, non est ita facile explicatum. Nos liberum aliis quid ipsi sentiant relinquentes, quid nobis videatur, paucis expediemus.

Tres sunt omnino fines arguendi, quorum aliquem unusquisque dum arguit sibi proponit. Nam vel docere vult & demonstrare per certissima media illud esse verum quod probat; & qui hoc facit est Demonstrator, & ea facultas per quam hoc facit, *Logica Demonstrativa* vocatur: Vel differere vult & probabiliter rationum verum vel invenire, vel ostendere; & qui hoc facit Dialecticus est, & ea pars *Logicæ* quæ hoc facit, *Dialectica* proprio nomine vocatur: Vel denique persuadere vult alteri hoc vel illud esse faciendum aut fugiendum; & qui hoc faciunt Rhetores, Poetæ, vel Historici sunt, & facultas illa arguendi quæ hoc faciunt dicitur *Logica suadens*, seu *Rhetorica*, *Poetica*, & *Historica*.

De primis duobus, quod illæ sint partes *Logicæ*, & inter se distinctæ, nemo dubitat; *Discrimen* *Dis-*
Differentia vero illorum non solum ex finium, quam jam dixi, distinctione; sed ex ma- *monstrationis*
terix etiam, in quâ versantur, diversitate, ex quæ ipso diverso arguendi modo oritur. Nam *& Dialecticæ.*
quia Demonstrator docere vult, non contendere, ideo ille versatur solum in materiâ necessariâ, probat solum eas Conclusiones quæ necessariae sunt, & per necessaria media solum probat. Dialecticus, quia non intendit docere, sed vel vincere, vel verum quod nondum cognoscit invenire, vel probabilitatis specie allicere alium ad suam opinionem, ideo versatur solum in rebus contingentibus & probabilibus; aut si forte in necessariis, tamen eis utitur non ut necessariis, sed ut probabilibus. Est enim hoc discrimen inter Demonstratorem & Dialecticum, dignissimum observatione: Fieri potest ut uterque eodem plane argumento utatur; nam ut demonstrator per causam demonstrat effectum inesse, ut hominem esse risibilem, quia est rationalis; & ille idem locus per causam probandi effectum inesse, est etiam Dialecticus; eodemque plane argumento ducto à causa probat Dialecticus hominem esse risibilem, quia est rationalis. Quid ergo? nonne hic differt Syllogismus Demonstrativus, à Dialectico? Differt plane, non re, sed scopo ac modo utendi. Demonstrator utitur illis præmissis ut necessariis & per se notis; quæ nullo notiori medio probari possunt. Quare si apud eum neges vel rationale esse causam risibilitatis, vel hominem esse rationalem, explicabit ille tibi & inductione aliqua docebit hæc vera esse; sed si perstes & obliqueris, aut probationem aliquam à notiori petas, valedicet ille tibi, neque cum Alabandensi illo magistro, velut in hac scientia indocilem, ad alias artes amandabit. Longe aliter Dialecticus: nam quia ille præmissis illis eisdem, etsi in se summe necessariis, utitur ut probabilibus: ideo si apud eum alterutrum neges, intonabit statim, probo, probo. Et aliud quidem medium, minus notum, sed tamen probabile ac verisimile adferet, ad ista probanda, nec

te nisi victum dimitteret, etsi nihilo doctior certiorve sis jam, quam dudum fueras. Sed Demonstrativam & Dialecticam partes esse, easque distinctas Logicæ, non est quod diutius declaremus.

Difficultas tota in reliquis tribus consistit. Quamplurimis enim Paradoxen videbitur aut Rhetoricam, aut Poëticam, aut Historicam, inter Logicæ partes numerare; Agamus igitur de singulis, sed cum Neoptolemo apud Eunium, paucis; multis enim non liber.

Rhetorica
pars Logica.

Rhetoricam partem esse Logicæ nemo, ut opinor, dubitabit, qui quis sit ejus scopus, quod officium considerare velit. Finis Rhetoricæ, ut docet Arist. lib. 1. Rhet. cap. 1. est persuadere: officium autem, non persuadere (nam hoc aliorum vitio sæpe non fit) sed apta ad persuadendum proponere. Sicut Medici finis est sanare, sed officium ejus est, non sanare, sed apta ad sanandum prescribere aut dare. Persuadere nemo potest quidquam cuiquam, nisi rationibus & argumentis: etiam persuadere, est rationum vi ac pondere, ad aliquid faciendum, alterum movere. Quare cum Rhetorica quatenus talis est, docet quæ sunt apta ad persuadendum, sine dubio quatenus talis est, docet quibus argumentis & rationibus ad aliquid faciendum alter promoveri possit. Docet igitur ratiocinari, aut quendam ratiocinandi modum, ideoque verè pars Logicæ est. Nam si demonstrandi facultas, non aliâ ratione sit pars Logicæ, quàm quia usum quendam peculiarem ratiocinandi docet, & Syllogismum, (quem à Logicâ communi sumit) applicat ad finem suum peculiarem, nempe ad docendum. Et, si Dialectica similiter sit pars Logicæ, quia docet usum alium peculiarem ratiocinandi, & Syllogismum applicat ad suum finem, nempe ad differendum, & probabilibus mediis verum inveniendum; certe nulla ratio fingi potest, cur Rhetorica non sit etiam alia pars Logicæ, cum ea doceat alium ratiocinandi usum, & Syllogismum (quem sumit à Logicâ communi) applicat ad suum peculiarem finem, nempe ad persuadendum hoc aut illud faciendum esse.

Præterea, sicut est nullus Syllogismus Demonstrativus, qui non etiam est Dialecticus, & tamen Demonstrativa facultas est diversa pars Logicæ à Dialecticâ, quia utitur suis Syllogismis in alium finem quàm Dialecticus, nempe ad docendum tantum, non ad differendum & verum inveniendum: Ita nullus est Syllogismus Rhetoricus, qui non etiam est Dialecticus, & tamen Rhetorica est distincta pars Logicæ à Dialecticâ, quia Rhetorica utitur illis eisdem argumentis, in alium omnino finem quam Dialectica, nempe ad persuadendum hoc vel illud esse faciendum, non ad differendum, aut ad inveniendum verum. Et sicut nullus est locus Demonstrativus, qui non est etiam Dialecticus; sed aliâ, ratione Demonstrativus vocatur, nempe cum argumentum petitur vel à causâ, vel ab effectu ad docendum tantum; & aliâ ratione Dialecticus, nempe quia argumentum petitur vel à causâ, vel ab effectu, ad differendum, & cum probabilitate verum inveniendum: Itidem hic fit, licet nullus sit locus Rhetoricus, qui non sit idem Dialecticus, tamen alia ratione illi iidem loci dicuntur Rhetorici & Dialectici: nam quando ab illis argumenta petuntur solum ad hunc finem ut differendo probabiliter verum inveniatur, tum vocantur loci Dialectici: Quando autem argumentamur ab illis locis, non differendi causâ, sed persuadendi, ut quis faciat hoc vel illud, tum loci Rhetorici, & non Dialectici dicuntur. Ex quibus omnibus liquere potest, Demonstrativam facultatem, Dialecticam & Rhetoricam, esse tres distinctas partes, & veluti filias Logicæ communis, quasi matris omnium, cum unaquæque Syllogismum in communi ad suum proprium & peculiarem usum accommodet. Liquet etiam hoc inter eas discrimen esse, quod etsi unaquæque earum sit instrumentum Logicum, tamen Demonstrativa facultas est solum instrumentum in Disciplinis necessariis, quales sunt Scientiæ speculativæ, Metaphysica, Physica, & Mathematica, quia in istis solum Demonstrationes summe necessariae inveniuntur; Rhetorica est solum instrumentum in Disciplinis Practicis, in Ethicâ ejusve partibus, quia in illis solum, res agendæ considerantur, ideoque persuasio in illis solum locum habet: Dialectica verò est instrumentum generale ad omnes omnino Disciplinas se extendens, quia in omnibus istis (aliisque quæ ratione tractantur) quid

quid verum sit, & quæri potest & discernendo inveniri; quod, ut cum probabilitate facere possumus, docet *Dialectica*.

Officiat quis, Oratoris munus esse, *ornate loqui*, idcircoque Rhetoricam esse potius artem *sermocinatricem*, quam *rationinatricem*. Cujus indicium ex ipsis Rhetorum libris, ubi istam artem docent, sumitur. Nam nihil ferè ibi de arguendo, aut modo argumentandi tradunt, sed illud (quasi à *Dialectica* mutuandū sit) omittentes, toti versantur in hoc, ut doceant modum poliendi limandique orationem, quod sit verbis compris, ornatis, ac figuris illis locutionis quas copiose tractant; modum etiam quæ affectus auditorum ac judicium commoveri possint, quod sit vel gestu, vel lachrymis, vel quibusdam verborum lenociniis, quibus Rhetorum libri abundant.

Dub.

Sol.

Respondeo, dubitatione hac vulgus in errorem abreptum esse, ut putent Rhetoricam potius in sermone ornando (quod revera *Grammaticæ* munus est) quam in *rationinando* consistere. Sed solutio facilis est, eaque ex *Arist.* ipso desumpta lib. 1. *Rhet.* cap. 1. Finis (ut dixi) *Rhetoricæ* est *persuadere*: Hoc ut efficiat, duo docet, quorum unum *primarium* est & *Rhetoricæ intrinsecum*, alterum *secundarium* & *extrinsecum*. *Primarium* est, *docere quibus argumentis quis aptissime in quaque causâ uti debeat ad persuadendum*. Qui talia argumenta proponit, licet sine omni (non dico pompâ, sed) veste verborum, is verè *Rhetor* dicendus est, quia quod est *primarium ac præcipuum* in persuadendo, abundè præstitit. *Secundarium* est, *ut indicet quomodo auditores alliciantur ut rationibus illis auscultare velint, eisque obtemperare*. Nam quia natura hominum adeò perversa est ac depravata ut vix autem accommodet sanis rationibus, nedum perficiat quod ad officium pertinere videt, idcirco *Rhetores* tantopere insudant in hoc, quod *secundarium* est, sed respectu naturæ nostræ perneccessarium, ut alliciant ad se auditorum animos, ut benevolentiam ipsorum capiant ac concilient, ut mentes ipsorum, verborum gestuumque varietate commoveant vel ad amorem, vel iram, vel ad odium, vel ad misericordiam, vel similes animi perturbationes. Quæ omnia, si penitus omitterentur, minùs fortasse persuadebit orator, sed non minùs præstabit id quod oratoris est officium, proponere nimirum ea quæ aptissima sunt ad persuadendum. Imò hæc ipsa quæ dixi *secundaria*, tam sunt extrinseca ab officio Oratoris, ut teste *Arist.* loco citato, non solum apud *Areopagitas*, sed in aliis optimè institutis rebus pub. legibus cautum sit, ne quidquam eorum in agendis causis adhiberetur, neve quidquam præter rem ipsam diceretur. Videbant viri illi prudentes, verborum illecebris & lenociniis, omni etiam perturbationum genere judicium mentes inflammari sæpe; & à recto abripi. Quare ista omnia exulare in dicendo mandabant. Neque unquam certè admissa fuissent in rebus pub. nisi tam prava ac perversa esset hominum natura, ut non tam ratione, quam amore, irâ, misericordiâ, aut simili aliqua perturbatione ad officium permoveretur. Simile quid in *Medicina* videre licet. *Præcipuum ac primarium* Medici officium est præscribere ea quæ ægrotantem sanare, & morbum pellere apta sunt. Sed quia nonnulli, quadam naturæ imbecillitate, *Pharmaca* respiciunt & averfantur, alii *pharmacorum* amaritudine nonnunquam deterrentur, *secundariò* curæ medicus invenire, quibus modis alliciat æger, ut velit non illibenter recipere salutarem medicinam; aut si renuat, quomodo in recipiendo decipiatur. Idem planè sit in *Rhetorica*, ubi quod *secundarium* est, ut alliciantur aut commoveantur animi obtemperare persuasionibus, non minùs est a *Rhetorica* alienum & extrinsecum, quam illud est in *medicina* ut vel pelliciantur, vel decipiantur ægroti in *pharmacis* recipiendis. Sed de *Rhetorica* satis multa: Qui plura desiderat, consulat doctissimos libros *Jac. Zab. de Nat. Log.* & præcipue lib. 2. cap. 17. & 18. ubi *Rhetoricam* esse *Logicæ partem* cum rationibus, tum autoritate *Arist.* solide, ut tantum *Philosophum* aequit, confirmavit.

Veniunt ad *Poeticam*, & *Historicam*, quas esse, sicut *Rhetoricam*, partes *Logicæ* an- *Poëtica & reat* diximus. Quid facilius perspicitur si scopum ac finem eorum consideremus. *Finis Historica* per-
utriusque est excitare alios ad virtutem, & à vitiis detertere. Ut hoc persuadeant, res *Logica*.
proponunt ante oculos exempla tam virtutum quam vitiorum. *Poëta* quidam exempla
603-

conficta, Historicus vera, & res verè gestas. Sed quomodo per ista exempla arguentur ut persuadeant, paucis exemplis fiet manifestum. *Virgiliana Aeneas*, ut verissimum (quia ex ingenio Poëta totum confectum & confictum) ita uno errore excepto, omnium quæ extant, Poëma præstantissimum est. Scopus totius Poëmatum hoc argumento concluditur: *Aeneas*, cujus ipsum nomen laudem indicat, quique fuit famâ super æthera notus, vir fuit magnanimus, fortis, prudens, justus, erga parentes & patriam pius, in omni item vitæ conditione, tam bello quàm pace, tam rebus secundis quàm adversis ita constanter calcavit virtutis viam, ut in omni fortuna specimen illustre virtutis exhibuerit: quare si tu eandem aut similem laudem ac gloriam appetas, debes prudentiam, justitiam, fortitudinem, pietatem colere, neque in ullâ vitæ parte à virtutis tramite deviare. Antecedens solum à Poëta depingitur per totum Poëma. Conclusio quidem à Poëta non attexitur, sed à prudenti Lector colligenda relinquitur. Similiter in *Thyestis Tragœdiâ*, Antecedens hoc per totam Tragœdiam declaratur, & ante oculos proponitur: Crudelitas Atrei (cum Thyestis liberos patri devorandos apposuit) tam exosa non hominibus solum, sed ipsi cœlo ac superis visa est ut Sol retrocesserit, & tam horrendum scelus intruere refugerit, eadêque sævitia tandem miserum Atreo exitium attulit. Conclusionem autem hanc Spectatoribus aut Lectoribus colligendam relinquit poëta: Quare, tu cave ne sævitiam ac crudelitatem ullam exerceas, ne similem exitum simile flagitium consequatur. Eodem planè modo persuadet *Historicus*; nam factum illud crudele, & injuriâ plenissimum (quo Harpagi filium patri, ut Epulas comedendum, apposuit Astyages) bellum & amissionem regni merito consecutum esse narrat *Historicus*; Lectori verò concludendum ex eo relinquit; Crædem, crudelitatem, & injurias cavendas, ne in pari culpâ par supplicium contingat. Similes planè sunt, & pari passu hæc incedunt *Historicus* & *Poëta*, uterq; speculum quoddam aut virtutum aut vitiorum proponit, virtutem autem istam imitatione, aut vitium odio habendum esse, non exprimunt quidem, sed prudentiæ Lectorum concludendum relinquunt. Quanquâ sæpenumerò & in Historiis conclusio ipsa attexitur, & quid laude, quid reprehensione dignû sit, in rebus gestis eorum quorum vitas describunt, indicant, ne forte specie virtutis fallatur Lector: id quod non solum Thucydides, & Livius, sed præter alios egregie præstitit Plutarchus. Utrum verò prosâ, an versibus hoc fiat, extrinsecum est & accidentale tam Poëticæ quàm Historicæ facultati. Non minus enim *Æsopus* in suis fabulis, & *Xenophon* in *Cyriædia* (ubi non Historiam de Cyro conscribit, sed sub Cyri nomine effigiem optimi Principis delineat) Poëtas agunt, & Poëmata conscribunt, quàm *Homerus*, aut *Virgilius*, dum in *Ulyssæ* & *Aeneas* exemplar magnanimi viri & prudentis ducis proponunt. Nec minus *Lucanus* Historiam, quàm *Livius* scripsit, licet hic prosâ, ille versibus id præstet. Vere ille *Historicus* est, qui res gestas ut gestæ sunt commemorat; vere ille *Poëta*, qui exempla virtutû aut vitiorum confingit. Scopus autem utriusque plane idem; utraq; enim est facultas persuasoria; & ut *Historica* facultas docet res gestas ita conscribere, ut animi Lectorum ad virtutem accendantur; itidem *Poëtica* docet ita facere Poëmata, seu confingere exempla, ut aptissima sint, quibus ad virtutem stimuli addantur. Quod si vel Rhetor aliquis rationibus suis & persuasionibus ad iniquitatem & improbitatem aliorum animos inflectere conetur; vel si *Poëta* exempla talia faciat ac confingat; vel *Historicus* res gestas ita describat, ut iis non ad virtutem, sed ad libidinem & vitia excitentur & inflammentur Lectores, aut Spectatores, abutuntur planè illi omnes suis artibus, neque in hoc, Rhetoricâ, Poëticâ, aut Historicâ facultate, sed lenocinio quodam, & adulatoriâ arte utuntur; quales omnes è repub. bene institutâ ejiciendi & in exilium mittendi sunt, ut è suâ omnes longissime amandandos esse censuit *Divinus Plato*.

Ex his nunc liquet, & ex ipso fine *Poëtica* & *Historica*, facultates eas esse *ratiocinatri- ces*, & earum omnium vim in persuadendo positam esse. Quare ut *Rhetorica* idcò pars *Logicæ* vocatur, quia à *Logica communi* Syllogismum capit, quem ad suum usum, nempe ad persuadendum, accommodat & explicat: Eodem omnino jure etiam *Poëtica* atq; *Historica* facultas inter *Logicæ* partes censende sunt, Nam formam arguendi ab Exemplo, à *Logica* communi.

communi capientes, accommodant ad eundem finem ad quem Rhetorica, nempe ad persuadendum; ideo & illæ, sicut Rhetorica, instrumenta sunt Logicæ, non generalia sed specialia, quia Ethicæ disciplinæ maximèque Politicæ inserviunt. Discrimen vero inter ipsas & Rhetoricam, hoc est, quod Rhetorica conclusionem proponit, urget, & omni argumentationum genere, à Causa, Effectu, Contrario, Simili, & reliquis eandem confirmat: Poetica verò & Historica uno tantum argumentorum genere, nempe ab Exemplo utuntur, eoque tantum persuadent; non ipsæ quidem conclusionem inferentes, sed eam à prudenti Lectore aut Spectatore inferendam relinquentes. Summa huc redit, Ex triplici argumentandi fine, tres in genere oriuntur Logicæ partes: Prima solummodò docet; & hæc est Logica Demonstrativa. Secunda tantum disserit ut inveniat verum; & hæc est Dialectica. Tertia solum persuadet; & quia tres sunt persuadendi distincti modi, ideo tres sunt hujus persuasivæ Logicæ partes. Prima proponit id quod persuadet, & omni argumentorum genere illud confirmat, & hæc est Rhetorica; dux alix non proponunt id quod suadent, nec ullo argumento nisi exemplo ad persuadendum utuntur, vel ficto & tum est Poetica, vel vero & tum est Historica facultas.

Præter has omnes, sunt dux alix instrumentales Disciplinæ quæ inserviunt præcipuè Historicæ, non parum etiam Poeticæ. Ex sunt Chorographia & Chronographia. Quis enim Historiam unquam rectè conscribat, nisi locorum, urbium, regionum notitiam habuerit, ubi res gestæ sunt; aut nisi annos & tempora cognoverit, quo unumquodque gestum sit? Quare Historico planè necessariæ sunt hæc dux Disciplinæ; Poëtæ etiam, si aptè exempla sua confingere velit; nec enim quisquam (opinor) veterum Homero aut Virgilio in Geographia pares. Ita situs omnium urbium, regionum, montium, fluviorum, accuratè callebant, ut planè mirum sit Homerum (quem cæcum fuisse aiunt) tenere ista potuisse. Nec debet Poëta in suo opere res diversorum sæculorum, quasi simul contingentia, narrare. In quo Virgilium, (principem omnium Poëtarum) lapsus esse non indignor solum sed molestè fero, ac doleo: Multis ille describit adventum Æneæ ad Didonem, eorum colloquia, ac amores: quàm verò hic fœdè erravit, & Poëticæ leges violavit? Nam Æneas 300. annis antè mortuus est, quàm Carthaginem extruxit Dido. Etenim Æneam infra octo post captam Trojam annos obiisse censent ferè omnes: Troja capta annis 164. antè Templum Salomonis conditum, ut præter alios ex eo liquet, qui diligentiissimè has periodos & tempora notavit & examinavit, Jos. Scal. lib. 5. de Emend. Tem. A templo condito ad Carthaginè à Didone Pigmalionis sorore extructam, anni sunt 143. ut exactè, ex quæ ipsis Tyriorum monumentis, testatur Joseph. lib. 1. contra Appion: Ex quo perspicuum est & indubitatum Æneam 300. annis obiisse antè Carthaginem à Didone conditam. Ut non injurià Didonem conquerentem de Marone inducat Aufonius:

Talis eram, sed non qualem (Maro) mibi fixit, erat meus;

Vita nec incestis tanta cupidinibus.

Namque nec Æneas vidit me Troius unquam,

Nec Lybiam advenit clausibus Iliacis.

Vos magis Historicis (Lectores) credite de me,

Quàm qui furta deùm concubitusque canunt.

Elucè hic, si potis es, hæc meo Poëtæ labem: Magnam certè apud me, & merito inibis gratiam. An duos forte fuisse Pigmationes? duas item Didones? & ab utraque eandem Carthaginis urbem extructam dicemus? Ego non dixerim. Dicat ille qui potest, modò quæ dicat probare possit.

Simili, imò fœdè magis, magisque periculoso lapsu in Geographia erratum est ab auctore lib. 2. Machab. qui cap. 9. v. 2. narrat Antiochum Epiphaneum urbem Persiæ, nomine Persepolis ingressum esse, ibique tentasse Sacrilegium committere, sed turbâ irruentium civium impeditum ac fugatum esse. Vanissima verè somnia. Nec fugatus ibi Antiochus,

nec

Chorographia.
Chronographia.

Virgili lapsus

*Nam Templū

conditū anno

mundi, 2934.

Troja capta

an. mūdiz 770.

Is est ann. ante

Chr. natū 1180

Joseph. Scal.

- nec templum illic spoliare tentavit, nec vero urbem illam ingressus est: sed nec urbs illa tunc uspiam, quam ille vel ingredi potuit, vel spoliare. Nam certum est urbem Persepolin, (quondam totius Orientis Regiam ac Reginam, opibus, ac templi donariis locupletissimam) ab Alexandro magno (140. annis (d) ante regnum Antiochi) non modò spoliatam fuisse centum viginti millibus talentorum, (id est, si ad nummos nostros revoces 22500000. libris (e) inde direptis: sed ita funditus eversam, excisamque fuisse, sicque annis 200. post (f) Antiochi obitum remansisse, ut Q. Curtii ætate (fuit is (g) imperante Claudio) nec vola nec vestigium illius urbis extaret, nec ubi sita fuisset nisi ex Araxis amne, qui non procul à moenibus fluxerat, cognosci, aut inveniri potuit, ut testatur, vir fide dignissimus, Q. Curt. lib. 5.
- Pari aut peiori *Geographiæ* errore, idem author 2. lib. Machab. narrat, cap. 1. v. 15. Antiochum eundem Epiphanem, (agnoscit de eo agi Bellar. lib. 1. de verb. Dei, cap. 15. & Perer. lib. 9. in Daniel, prope finem) in Perside, inque *Nanea* (Dianam fuisse arbitror) templo lapidibus obrutum octubuisse: quem tamen eundem Antiochum, cap. 9. v. 3. & 28. narrat prope *Ectabanam* (Metropolis illa est *Medæ*) miserrimè languentem, & fæore squalido ita sordentem, ut ex odore totus ejus exercitus gravaretur, in montibus expirasse. Ubi Historici hujus mens? ubi memoria? An & in Perside moritur, & in *Medæ*? An & in *Nanæ* templo, & in montibus? An & lapidibus obrutus est, & ex morbo & languore obiit? Di cemenum, aut gluten aliquod quo hæc cohercant. Non invenies. Sunt enim & hæc somnia, nec eluendi in *Geographiâ* lapsus. Nam Antiochus ille, neque vel in Persiâ, vel in *Medæ*, neque vel in templo, vel in montanis obiit. sed & Perside reverius, Babylonem venit, ibique in lecto decumbens inter amicos expiravit: ut, præter alios, testatur Joseph. lib. 12. Antiq. Judaic. cap. 13. & author primi libri Machab. cap. 6. Sic nimirum se res habet. Scripta omnia humana, homines sapiunt, id est, errores atque lapsus; ne unquam se ancillæ audeant, contra Dominam attollere, aut se illi conferre, nedum æquiparare. Divini calami hic honos est eique peculiaris, ut ne falli unquam possit, nec fallere. Sed sisto. Hoc te obiter & in transcurso monendum censui, ut scias, quam sit *Poëtis*, multoque magis *Historicis*, non utilis solum sed plane necessaria *Chorographiæ*, itemque *Chronographiæ* cognitio. Eas nunc definiamus.
- Chorographia* (seu mavis *Geographiam* vocare) est disciplina instrumentalis inserviens *Poëtica*, & præcipue *Historica* aculeati, quâ cognoscitur verus situs omnium urbium, montium, fluminum, regionum, et locorum aliorum, tam terrâ marique; tum respectu cœli, tum respectu aliorum locorum, ut quis magis ad Orientem aut Austrum situs sit; quis sub *Zonâ* torridâ, temperatâ, vel frigidâ.
- Chronographia* est disciplina instrumentalis inserviens *Poëtica*, et præcipue *Historica* facultati, quâ cognoscitur certum tempus quo res quæque gesta sit quæ in *Historia* narratur, aut à *Poëta* fieri fingitur.
- Hucusque de *Scientiis instrumentalibus* dictum est, in quo numero, sicut hæc omnes quas dixi, reponende sunt, ita ut opinor. præter has nullæ aliz. Sequitur *Scientia Principalis*, quæ est *Scientia humana*, quam propter seipsam expetimus non ut instrumentum ad alias *Disciplinæ*. Ea duplex est, *Speculativa*, et *Practica*.
- Speculativa Scientia* est Scientia humana principalis, in qua ea tractantur quorum est Speculatio tantum non actio, cujusque finis est, ut res consideratas sciamus, non agamus: Sic Angelos, Cœlum, Elementa, Animal, Hominem, Magnitudinem, contemplamur et scire volumus, agere verò ista neque possumus neque volumus. Hæc triplex est, *Metaphysica*, *Physica*, *Mathematica*.
- Metaphysica*, est Scientia Speculativa, in qua traditur cognitio: *Primo* de Ente in genere: *Secundo* de Ente infinito: *Tertio* de Ente finito in genere: *Quarto* de Accidente: *Quinto* de Substantia in genere: *Sexto* de Substantia incompleta: *Septimo* de Substantia completa in genere: *Octavo* de Spiritu: *Nono* de Angelo: *Decimo* de Anima rationali: Hæc enim omnia, et hoc quo dixi ordine in *Metaphysica* traduntur, neque ulterius pro-

procedet *Metaphysicus*: de quibus omnibus infra, in illa nostra ad *Metaphysicam* Introductione, agemus.

Physica, est *Scientia Speculativa*, in qua traditur cognitio, *Primo* de corpore in com- *Physica quid.*
muni: *Secundò* de Coelo: *Tertiò* de corpore caduco: *Quartò* de Elemento: *Quintò*
de Corpore misto; atque ita de omnibus Speciebus misti. Et hæc *Scientia* vocatur *Nat-*
uralis Philosophia, quia de rebus naturalibus tractat. Ad hanc autem referenda est *Me-*
dicina: quæ humanum corpus considerat quidem, sed non aliter quàm faber ferrum aut
res, sicut materiam in quâ operationes suæ artis perficiat. Nam reverà *Medicina Scientia*
non est, sed *Ars*; *Ars*, inquam, efficiendæ sanitatem in corpore humano. Sed quia tota ferè *Medicina*
ista ars à *Philosophiâ naturali* dependet, eandemque præsupponit, tamque illustris est & dig-
na professio, nolui eam antè, inter *Artes*, sed hic inter *Scientias* collocare: vide *Zab. lib.*
3. de nat. Log. cap. 4. Eamque si speculationem solam consideres, scientiam meritò nun-
cupes; licet, si praxim spectes, *Artis* vocabulo gaudeat.

Mathematica, est *Scientia Speculativa*, in qua traditur cognitio de *Quantitate*. Ea du- *Mathematica*
plex est, *Arithmetica*, & *Geometria*. *Scientia quid.*

Arithmetica, est *Scientia Mathematica*, in qua traditur *Scientia* de numeris & ratione *Arithmetica*
numerandi. Huic subalternatur *Musica*, quæ *Numerum* considerat sonorum & de eo *De-*
monstrationes facit; atque hæc quia *Demonstrativa* est, verè dicitur *Scientialis Musica*, *quid.*
quæ inter *Scientias* meritò locari & honorari debet. Est verò alia *Musica* quæ *Scientialis*
non est nec *Scientia*, quoniam in speculatione non consistit; sed *Ars* verè est, quia tota
versatur in apta vocum aut sonorum efformatione, neque ullam habet causarum cognitionem.
Et quidem quicumque illam priorem, (*Scientialem* dico) callet, verè sciens & doctus cen-
sendus est. Sed qui hanc vocalem *Musicam* sine altera *scientiali* tenent, cur hos ut doctos,
& *Scientes*, doctorum insignibus honoremus non satis video.

Geometria, est *Scientia Speculativa*, quæ tradit scientiam de omni *Quantitate* conti- *Geometria*
nua permanente, *Linea*, *Superficie* & *Corpore*. Huic subalternantur *Optica*, *Astronomia*, *quid.*
& *Mechanica*. Nam *Geometria* lineam per se & sine sensili accidente considerat, *Optica*
lineam visuale: *Astronomia* longitudinem, latitudinem & crassitiem in corpore mobi-
li nempe in calo contemplatur, demonstrans *Quantitatem* omnium syderum, distantiamque
earundem. Dixi *Astronomiam* non *Astrologiam*, nam hæc quæ ex conversione cælorum
syderumque, vel ex conjunctionibus aut oppositionibus eorundem eventus futuros prædicir,
vanissima planè *Disciplina* censenda est. Nullis etenim certis & indubitatis principiis con-
stat: ne ipsa quidem experientia, cum ab exordio mundi, nunquam eadem cæli positio
bis contigerit; nam sphaera summo proxima (quæ est cælum stelliferum, seu *Firmamen-*
tum) suum proprium cursum ab occasu in ortum, (ut ex *Joh. Clavio* liquet, *Commen. in*
cap. 1. Joh. de Sacrobosco, pag. 36.) non nisi 49000. annorum spatio, aut paulò minore
conficiat. Ut impossibile sit ex eadem cæli positione eundem eventum prædicere, cum ea-
dem omnino positio cæli nunquam redierit aut reditura sit. *Astronomia* verò prædictiones
istas ut futes ac supersticiosas dimittens, in magnitudine ac motu cælorum ac syderum di-
metiendo, tota versatur, & ex principiis certissimis suas Conclusiones colligit. Denique
Geometria, vel ea saltem pars ejus quæ *Stereometria* vocatur, solida considerat absolute
per sese, & sine sensili Qualitate aut accidente. *Mechanica* verò, (quæ ei subalterna-
tur) considerat eadem solida cum ponderositate, docetque quomoddò magna pondera de lo-
co ad locum cum artificio moveantur aut vehantur. Quare *Mechanicam* *Stereometrix*
subalternam jure ponit *Arist. lib. 1. Demonstr. cap. 13. nu. 13.*

Quæri meritò hîc potest, an cum *Arithmetica* & *Geometria* *Quantitatem* solum in *Dub.*
Specie considerent, non sit etiam communis aliqua *Mathematica Scientia* quæ *Quantitatem*
in *Genere* tractet, & de *Quantitate* proprias ejus affectiones demonstret?

Abitror profectò omnino concedendū esse & statuendum, communem esse aliquam *Ma-* *Sol.*
thematicam. Nam & subjectum diversum est, cum ab *Arithmetica*, cum à *Geometria* sub-
jecto, & affectiones quædam sunt *Quantitatis* quæ *Quantitas* est, quæ de isto subjecto de-
monstrentur.

monstrentur. Nam quod Numerus sit divisibilis, & æqualis, aut inæqualis, *Arithmetici*; quod item magnitudo, *Geometra*, non demōstrent ex se, cum divisibilitas, æqualitas, & inæqualitas, neque sit affectio propria Numeri, neque Magnitudinis: Sed uterque cognoscit hæc, per eam Mathematicam quæ utrisque communis est: quæque illas affectiones, de Quantitate in Genere, cui primariò insunt, demonstrat. Sed quia pauca sunt quæ in istâ communi Mathematicâ tradi possunt, & quia ea ipsa ex particulari tum Numeri, tum Magnitudinis tractatione, non difficulter cognoscuntur, ideo communi illâ Scientiâ omisâ, quasi ex se satis notâ, vel non multum necessariâ, doctores Mathematicarum Scientiarum in iis quæ magis obscura sunt operam suam omnem & laborem impendunt. Ea vero sunt quæ ad *Arithmetica* & *Geometriam* spectant.

Dab.

Sol.

Quæri etiam potest, cur in Mathematicis una Scientia dicatur *subalterna* alteri, & an in ullis aliis Disciplinis *Scientia subalterna* inveniantur?

Respondeo, in nullis omnino aliis: quod facillè intelligitur, si cur una Scientia alteri *subalterna* sit consideremus. Dicitur autem *Scientia una alteri subalternari*, non quando *subjectum subalternata* subicitur directè *subjecto subalternantis*; ut Species Generi, quomodo Scientia de Homine, subicitur Scientiæ de Animalis, de Corpore, de Substantiâ, de Ente. Cujus ratio est, quia nulla omnino Conclusio in Scientiâ de Homine, probatur per Principia Scientiæ de animali, de Corpore aut Substantiâ; nam talis Conclusio per Principia communia probaretur: at Conclusiones omnes Scientiæ subalternæ demonstrantur per Principia Scientiæ illius cui est subalterna: ut docet Arist. lib. 1. Demonstr. cap. 10. nu. 13. & doctissimè idem declarat, ac probat Zab. lib. de trib. præcog. cap. 12. & 13. Quare magnoperè errant ac turpiter, qui dicunt, (quod vulgò quidem asseritur) Scientias omnes *Metaphysicæ* subalternari. Nulla enim omnino Conclusio scientialis alterius inferioris Scientiæ, per Principia *Metaphysicæ* demonstrari potest: uti ex antè dicta ratione liquet, & copiose declarat Zab: locis citatis. Sed Scientiæ dux dicuntur *subalterne* una alteri, quando *subalternans* considerat *subjectum aliquod absolute*, & *sine sensili accidente*; *Subalternata* verò idem *subjectum* considerat; cum *sensili aliqua qualitate*: ut *Arithmetica* Numerum absolute, *Musica* Numerum sonorum: *Geometria* lineam absolute, *Perspectiva* verò, lineam visualem. Omnes enim Conclusiones in *Musicâ*, per *Arithmetica* principia, & omnes in *Perspectiva* per *Geometrica* demonstrantur, neque alio modo aut sciri aut demonstrari possunt: quod ipsum tum Arist. tum ex eo Zab. solidè & eruditè ostendit locis citatis. Jam certum est, nullius Scientiæ *subjectum* considerari posse duplici hoc modo, absolute (inquam) & cum *sensili qualitate*, præter *subjecta* Scientiarum Mathematicarum; Quare in illis, & in illis solis, invenitur illa *subalternatio*, ex qua Scientiæ propriè *Subalternæ* dicuntur.

Practica Scientia quid.

Quæ & quot sint *Scientia Speculativa*, nunc diximus: & has solas (ut antè monui) *Scientiæ* nomine insignit Arist. Sequitur *Scientia Practica*: Ea est *Scientia humana*, *principalis*, quæ tradit cognitionem eorum quæ vel agenda sunt, vel fugienda. Hæc est triplex: *Ethica* sive *Moralis Philosophia*, *Oeconomica* & *Politica*.

Ethica quid.

Ethica Philosophia, est *Scientia Practica*, quæ docet quomodo quis seipsum faciat bonum, aut quomodo fiat vir bonus.

Oeconomica quid.

Oeconomica, est *Scientia Practica*, quæ docet, quomodo quis faciat suam familiam bonâ.

Politica quid.

Politica, est *Scientia Practica*, quæ docet quomodo quis faciat civitatem bonam, & cives bonos. Nam moralis quidem Philosophia instruit unumquemque ex se rectè agere, etiam nullo imperante aut cogente: Quare si omnes Disciplinam Moralem rectè cognoscere, eique auscultarent, ac juxta illius normam vitæ agerent, neque *Oeconomica*, neque *Politica* necessaria fuisset. Sed quoniam non vivitur in Platonis repub. sed in fœce Romanis, ubi multi crassâ quadam & supinâ negligentia ignorant quid sit agendum: multi sciunt quidam rectè agere, sed nolunt, ideo à Deo instituta est primò quidem *Oeconomica*, tum *Politica* *Disciplina*, ut per illam pater familias, per hanc Princeps (sive unus sive plures) alios omnes, prudentiâ suâ, & auctoritate in officio continerent; tum instruendo quæ

facere

Siste verò pedè hie paulisper, bone adolescens, & hinc veluti ex specula circumspice, non dico stadium aut curriculum, sed planè immensum illud pelagus Scientiarum, ac bonarum artium, quod ei percurrendum est, qui vult vir quadratus, & absolute doctus aut esse, aut haberi. Quàm vere Hippocrates, *Ars longa, vità brevis!* Quàm vere Theophrastus apud Laertium, & Themistocles apud Hieron. ad Nepot. querebantur, *Nos cum vivere & sapere incipimus, tunc morimur!* Noli verò tu queri: cui finis id, aut bono? Sed quo brevius est hoc vitæ spatium, excita te magis, invigila nocte ac die, erige mentem, intende omnes nervos corporis simul atq; animi, neq; languescas unquam aut torpescas, donec ab istis quos signavi carceribus, ad ipsum calcem perveneris.

Cùm verò ad istam metam & Encyclopediam perveneris, ut vir doctus sis, alter labor superest, isque multò major, ut vir bonus sis. Peritum & doctum faciet te *virtus intellectualis*; Bonum facit non nisi *virtus Moralis*. Nam artes omnes, omnem prudentiam, omnes quas commemoravi scientias, ipsam etiam Theologiam habere quis & malus esse potest; virtutem autem moralem habere, & malus esse nemo potest. Quare cum hæc de virtute intellectuali dictum sit, addamus pauca de Morali.

Virtus moralis quid.

Virtus Moralis, est virtus acquisita, quæ inclinat voluntatem ejus cui inest, scienter, libenter, constanter agere quod recta ratio seu prudentia præscribit, ideòque observare medium tum in actionibus vitæ tum in affectionibus animi, & vitare duo vitia extrema, unum in defectu, alterum in excessu. Sunt enim in omni virtute Morali tria observanda. Primum, objectum circa quod versatur; quod est vel externum, ut bellum, vel internum, ut timor. Secundum, modus quo virtus operatur circa hæc objecta: in utrisque observat medium idque voluntariò cum scientia simul & constantia. Ex quo jure Bonus appellatur, quia scienter, libenter & constanter agit quæ bona sunt. Tertium, *Extrema vitia* à quibus cavet, ut à Scylla atque Charybdi.

Quod ad Species virtutis Moralis attinet, scio multos curiose, ne dicam superstitiose, eam dividere, & subdividere. Nos, dichotomias istas non necessarias linquentes, dicimus esse *Virtutes morales undecim*, quas ordine ac breviter percurreremus, easdem tum per objecta externa simul & interna, tum per opposita vitia describentes.

Fortitudo.

1. *Fortitudo*, quæ versatur in tolerantia eorum quæ molesta sunt, quæque naturaliter refugimus. Talia autem vel futura sunt, vel præsentia. Si futura sint *Fortitudo* tum moderatur passionem timoris, ne aut minùs quàm par est ea mala timeamus, aut nimis: & *Fortitudini* cum circa hæc futura versatur, opponitur in excessu *Audacia* seu *Temeritas*, cum quis mala impendentia non timet quantum oportet; in defectu *Timiditas*, cum quis ea timet plus quam oportet. Si mala præsentia sint, tum *Fortitudo* moderatur passionem doloris, ne plus, minùsve quam oportet doleamus; & hæc proprio nomine *patientia* aut *constantia* dici potest. Cui in excessu opponitur *Impatientia*, cum plus æquo doleamus, in defectu *Indolentia*, cum quis quantum oportet non dolet. Est ergo *Fortitudo virtus Moralis* quæ inclinat voluntatem ejus cui inest, observare medium in omnibus rebus adversis ac molestis, siue futuri, siue præsentibus, ne unquam plus minùsve quàm oportet, vel timeamus *Adventantia*, vel doleamus cum advenierint; quæque facit vitare tam *Audaciam* & *Timiditatem*; quàm *Impatientiam*, & *Indolentiam*.

Temperantia.

Secunda est *Temperantia*, quæ versatur circa voluptates corporis, gustus præsertim, & tactus inclinans voluntatem ejus cui inest, observare medium in iis, & moderare appetitum, ne illas unquam aliter quàm oportet appetamus, & ut duo extrema vitia vitemus; nempe *Intemperantiam* in excessu, & in defectu *Stuporem*. Est autem *Temperantia* hæc virtus triplex; Prima versatur circa res venereas, & earum inordinatum usum atque appetitum frænans; cui in excessu opponitur *Libido*, *Luxuria*, *Lascivia*; in defectu, *Stupor*, in illis voluptatibus. Secunda versatur circa res esculentas, earum tam usum quàm appetitum inordinatum prohibens: cui in excessu opponitur *Gula* siue *Edacitas*, in defectu *Stupor* in usu Ciberum. Tertia versatur circa res poculentas, frænans appetitum ne cuius plus minùsve quàm par est appetat, cui in excessu opponitur *Ebrietas*, in defectu *Stupor* in usu Potus.

Tertia

Tertia est *Liberalitas*, quæ versatur circa pecunias ac sumptus minores, incli- *Liberalitas.*
nans cum cui inest, observare medium in dando & accipiendo, & moderans ap-
petitum ne quis pecunias aut divitias plus minùve quàm oportet appetat, vitæque
duo extrema vitia; in excessu *Prodigalitatē*, in defectu *Parimoniam* aut *Ava-*
ritiam.

Quarta est *Magnificētia*, quæ versatur circa pecunias ac sumptus magnos, quâ quis ob- *Magnificētia.*
servat medium in eis sumptis faciendis, ut nec plus minùve quàm oportet impendat; vitæque
duo vitia extrema; è quibus id quod in defectu ponitur *sordidum*, id quod in excessu ineptè
profusum denominatur.

Quinta est *Modestia*, quæ versatur circa honores parvos, frænans appetitum e- *Modestia.*
jus cui inest, ne illos plus minùve quàm oportet desideret, sed medium in eis ob-
servet, vitans duo extrema; in excessu *Ambitionem* aut *Superbiam*, in defectu *Ab-*
jectionem animi, cum quis nimis vili se pendat, nec appetat aut accipiat honores quibus
dignus est.

Sexta est *Magnanimitas*, quæ ita se habet ad modestiam, ut *Magnificētia* ad *Liberalita-* *Magnanimi-*
tem: versatur verò in honoribus magnis, facitque eum cui inest observare medium in eo- *tas.*
rum appetitu, & vitare duo extrema vitia; in excessu *Inflationem* & *Fasum*, in defectu *Pu-*
ellanimitatem.

Septima est *Mansuetudo*, quæ versatur circa injurias, & ea quæ iram commovent, fræ- *Mansuetudo.*
nans passionem *Ira*, ne quis plus minùve quàm oportet irascatur, sed vitet duo extrema vitia;
in excessu *Iracundiā* & *Furorem*, in defectu *Lenitudinem* aut *Reporem* in bona causa quan-
do irasci oportet.

Octava est *Veritas*, quæ versatur in manifestatione nostræ mentis aliis, vel verbo, vel *Affabilitas.*
scriptis. Hæc ita moderatur appetitum ejus cui inest, ut falsum nunquam, verum
semper quando oportet enunciet, & vitet duo vitia extrema: in excessu *Mendacitatem*, cum
quis enunciat id quod est falsum, aut plus dicit quàm est verum; in defectu *Dissimulationem*,
cum quis verum, quod manifestare cum oportet, celat & æquivocatione aliquâ, aut mentali
reservatione tegit.

Nona est *Affabilitas*, quæ versatur in congressu & sermocinatione cum aliis *Veritas.*
de rebus seriis, in quibus ita frænans ac moderatur appetitum, ut cum ea quâ opor-
teret humanitate singulos alloquamur, & vitemus duo vitia extrema, in excessu *As-*
sentationem, nè cum Gnathone dicamus, *Ait, aio: Negat, nego:* in defectu *Morositatem*,
quando quis cum Timone *μωροσπῶντο*, congressu & colloquia hominum spernat aut
repudiat.

Decima est *urbanitas*, quæ versatur in sermocinatione jocosa, in quâ sic ap- *urbanitas.*
petitum irascibilem refrænans ac moderatur, ut is cui inest, quando, & inter quos
oportet, jocos libérales & facetias tum dare, tum ferre velit, vitetque duo vitia ex-
trema: in excessu *Scurrilitatem*, cum quis totus ex jocis compositus est, in defe-
ctu *Rusticitatem*, quando quis odit facetias, quas non solum placidè ferre, sed amare de-
buisset.

Undecima est *Justitia* quæ versatur in omnibus (ut vocantur) *fortuna bonis*, prout nostra *Justitia.*
sunt, aut aliena: in quibus sic appetitum moderatur, ut neque plus sibi quàm quod suum
est accipere, neque minus aliis quàm quod ipsorum est dare desideret; sed medium observans,
suū cuique tribuit; vitetque duo extrema, quæ utraq; *Injustitia* nomine notantur: illa quæ
in excessu, *Injustitia ut plus*, cum plus nobis, aliis minùs quàm æquum est; illa quæ in defectu
Injustitia ut minùs, cum (quod rarè fit) minùs nobis, aliis plus quàm oportet tribuitur. *Ju-*
stitia duplex est, *Commutativa*, & *Distributiva*.

Justitia commutativa, versatur in commutatione rerum, in qua aliquid sit ex mea tuū, *Justitia com-*
aut contra: tales sunt contractus omnes vendendi & emendi: In his omnibus *Justitia hæc* *mutativa.*
ita appetitum modera ut, ut neque nobis ipsis turpe ali quod lucrum, neque aliis damnum ullū
afferre velimus, sed medium (non rationis solum quod *Geometricū*, sed etiam rei quod *Arith-*
meticum).

ticum vocatur) ita stricte observare, ut neque à nobis quidquam plus accipi, neque aliis minus dari quam justitia & æquitas postulat, desideremus: atque huic *Justitia*, opponitur in excessu *Injustitia ut plus in rebus commutandis*, cum res ulla aut sine ulla, aut sine justo pretio nobis appetimus; ad quam furtiva omnia, rapina, Sacrilegia, fraudes in emendo spectant: in defectu *Injustitia ut minus*, quando (quod raro fit) minus nobis, alteri plus quam oportet in commutando dari volumus.

Justitia distributiva.

Justitia distributiva, versatur in distributione eorum præmiorum aut poenarum, quæ cuique debeantur: in quibus justitia hæc ita appetitum moderatur, ut cum in quo inest, neque amore, neque odio, neque timore, neque cupiditate abripi sinat ab eo quod justum est, sed medium observans, pro cuiusque meritis, quod cuique debetur tribuit. Hujus *Justitia distributiva* duæ sunt partes, aut si mavis dicere, munera. Præsertim est in bonis & præmiis quæ aliis debentur tribuendis: atque hæc *Justitiæ* pars latissime patet per omnem vitam, sicut multa sunt & diversa genera præmiorum quæ diversis debentur: ut Principi debetur fidelitas, obedientia, proctio; Injustitia verò quæ his opponitur est Rebellio, inobedientia, omnes injuriæ Principi factæ: sic Parentibus debetur cultus & observantia, quæ pietas erga parentes vocatur; cui opponitur contemptus omnis parentum, quo inofficiosus in illos quis dicitur. Dominis debetur servitus & servilis obedientia; cui opponitur servilis inobedientia. Benefactoribus, à quibus beneficia recepimus, debetur honor ille, qui pro proportionem beneficiorum justè tribuendus est, qui dicitur gratitudo: cui opponitur vitium ingrati animi, quo quis ingratus est in eos à quibus beneficia perceperit; vitium tam foedum, ut Ethnicus jure dixerit, *Ingratum qui dicit, omnia dixisse videtur*. Denique quibuscunque aut cuicunque hominum generi honor ullus, aut præmium debetur, id tribuere libenter & constanter quibus debetur, docet & inclinatur *Justitia hæc distributiva*, sicut à contrariò *Injustitia distributiva* facit ut eisdem honores ac præmia rectè factorum cui debeantur non tribuamus. Altera pars *Justitiæ distributivæ* versatur in erogandis poenis, per quam pro ratione delicti, & delinquentis justa poena infligitur, nec major nec minor quam recta ratio & justitia postulat: neque ut eam infligamus vel ira vel odium, aut invidia, vel cupiditas impellit: neque ut non infligamus, vel misericordia, vel timor, vel amor detinet. Huic in excessu, opponitur *Crudelitas* aut *Sævitia*: in defectu, *Mollities animi* aut *stulta Indulgentia*.

Dub.

Dubitari hic potest de *Continentia*, annon illa sit inter virtutes morales, & de *Incontinentia*, an non ea inter vitia moralia reponi ac censi debeat.

So.

Respondeo, *Continentiam* non esse virtutem, sed dispositionem ad virtutem; & *Incontinentiam* non esse vitium, sed dispositionem ad vitium morale. Quod manifestius erit, si discrimen inter *Continentiam* ac virtutem moralem rectè intelligamus. *Continentia* dicitur, cum quis refrænat ac continet se ab actionibus illicitis, sed cum lucta quadam inter rationem & appetitum, in qua tamen pugna, victoriam tandem reportat recta ratio. *Virtus* autem est habitus, secundum quem qui agit, illius voluntas ac appetitus ita libenter obtemperat rectæ rationi, ut sine ulla lucta faciat quod recta ratio præscribit. In *Continente*, ratio & appetitus seu passiones animi adhuc in acie sunt & dimicant inter se, dubiisque volat victoria pennis: in eo qui *virtute* præditus est, pugna exitum habet, & appetitus passionibus animi quas secum adduxerat, victus, & sub jugum missus est, ut jam reluctari non audeant. Idè de *Incontinente* dicendū & vitioso. Uterque agit quod malum est, sed in *Incontinente* ratio diu obluatur, & cohibet appetitum, licet tandem victa cedat: in *vitioso* ratio jam ante cessit & subjugata est; neque tunc reluctatur, sed appetitus regnat & triumphum agit sine ulla lucta aut resistencia rationis. In *Incontinente* ratio etsi debilior sit appetitu, cæca tamen non est, sed videt quid faciendum sit: in *Vitioso* non voluntas solum sed ipsa ratio illius ita occæcata est, & depravata passionum caligine, ut non videat quid sit rectum, sed iudicet malum ipsum bonum esse, appetendum, & faciendum. Ex quo liquet paucos admodum esse qui vere Studiosi, aut vitiosi, id est, qui habitu vel Virtutis vel Vitii imbuti sunt. Nam in plurimis adhuc est lucta

*Continentia
& virtus
quomodo
differant.*

lucta et bellum inter appetitum et rationem, quod quamdiu durat in aliquo, Continens solum is est, aut Incontinens; nondum habitum Virtutis aut Vitii assequutus est. Hæc in Med. à intuitu licet.

— *Videō meliora probōque,
Deteriora sequor.* —

Ecce in Medea ratio adhuc certabat cum appetitu, & ratio meliora suavit, atque ea verè meliora esse videt & agnovit Medea aliquamdiu: Sed tandè victa est ratio, & attendit solum iis hortamentis quæ appetitus & passionibus suggererant, quæ etsi deteriora reverà erant, tamen tum cum ratio victa erat, ipsa ratio iudicabat ea esse meliora, ideoque illa sequebatur Medea. Certissimum enim Axioma est, *voluntatem semper sequi ultimum iudicium rationis, neque posse quendam aliquid velle facere, priusquam ratio concluderit & iudicaverit illud esse faciendum.* Etsi ergo pugna durante, ratio iudicabat ea quæ non fecit Medea, esse faciendā; quia tamen illud non erat ultimum rationis iudicium, ideo illud non secuta est Medea: Quia verò pugna finita, ratio se ad nutum appetitus accommodavit, & tum iudicabat illa quæ passionibus suggererant esse faciendā, et esse (omnibus consideratis) meliora, ideo iudicium hoc (quod erat ultimum rationis iudicium) sequitur Medea, et ait *Deteriora sequor*, deteriora nempe, *iudicio rationis nondū victa*; nam ea quæ tum iudicabat deteriora, jam victa ratio, et auscultans solum appetitui, iudicat ultimo suo iudicio *esse meliora & esse faciendā*, ideoque facit. Maxima autem pars hominum in hoc, Medea similes sunt; et quod ipsi in uno, idem in omni virtutum et vitiorum genere, usu venit, ut in actionibus Fortitudinis, Temperantiae, Iustitiae, et similibus, ex *Continentia* aut *Incontinentia* agant homines, non ex *habitu ipso virtutis*, vel *vitii*. Pauci enim ad eam perfectionem perveniunt, ut sine omni luctu appetitus recte agant: pauci tam projecti sunt ad improbitatem, ut malum eligant faciuntque sine ulla resistētia, aut increpatione rationis. Quare in omni virtutis specie *Continentia* dispositio solum est ad virtutem, non ipse habitus virtutis. Quod idem de *Incontinentia* et vicio dicendum.

Dubitari ulterius potest, an non *Heroica virtus* sit distincta virtus moralis; aut si sit, cur eam inter reliquas non recensuit Arist. Eth. lib. 2. cap. 7. sed separatim de ea agat, lib. 7. Eth. ca. 1.

Dub.

Respondeo, eam ab Aquinate 1. 2. q. 68. art. 1. ut distinctam virtutem à reliquis censeri, sed illud mihi non videtur verum. Nam nullam affectionem animi moderatur hæc *Heroica virtus*, distinctam ab illis circa quas aliae virtutes versantur, neque ullum objectum externum distinctum ab illis habet. Sed hoc manifestius fiet, si quid sit intelligamus. Est autem *Heroica virtus*, ut Arist. loco citato docet, *Excellentia quaedam, aut eminentia virtutis quā quis, quasi supra hominum conditionem, tus an sit distincta ab aliis* (ut Ethnici loquebantur) *consortium elevatur.* Jam *Eminentia* illa in tribus posita est. Primò, cum quis non vulgari aliqua, sed *præclarissimā virtute* morali præditus sit, tali nimirum qua maxima atque præstantissima beneficia in Genus humanum conferuntur, quales sunt Magnificētia, Magnanimitas, et si quæ similes. Quia enim hæc virtutes eminent supra reliquas et micant

Sol.

1.

— *Velut inter ignes
Luna minores;*

P

ideo

2.

ideo tales virtutes *Heroicas*, & eos qui illis præstabant, *Heroes* dixerunt. Secundò, Eminentia ista in *cumulo virtutum moralium* posita est; unus Temperantiâ, alter Liberalitate, alius Justitia præditus est: sed cum quis plurimis virtutibus splendet, cum supra vulgarem hominum sortem velut in Deorum consortio locabatur, & *Heroa* dixere ab *ἥρω*, ut Plato ait, quod amorem significat; vel quia putabant tales plus cæteris à Diis amari, vel quia tantus virtutum splendor amorem omnium ad se raperet & alliceret. Nam quod *virtutes omnes ita connexas & concatenatas dicunt, ut qui unam habet, omnes illam habere necesse sit*, verum certè non est, nisi ita intelligatur, ut habeat omnes *quoad potentiam propinquiores*, & *quoad radicem*, quia habet Prudentiam quæ est omnium directrix: quo sensu illud dixisse videtur Arist. lib. 6. Eth. cap. 13. Sed quod *actu* semper connectantur, aut quod is qui unam habet, omnes alias *actu* habeat, non est veritati aut rationi consentaneum. Tertiò, eminentia illa, *ex personarum* qui virtute præditi erant *dignitate* oriebatur. Nam etsi virtus, in quocumq; sit, eum illustrem faciat, tum tamen splendor ejus illustrior est, quando generis nobilitati conjuncta est. Atque hinc est ut vix ulli *Heroes* ab antiquis dicantur, qui non illustri stemmate & genere nobiles essent; quos idcirco fabulabantur à Jove natos, et sanguine Deorum cretos. Quando igitur hæc multiplex eminentia virtutis in aliquo elucebat, ut & *Generis splendore*, & *virtutum cumulo*, & *aliquâ ex præstantissimis virtutibus* ornaretur, ad significandum summam talis viri dignitatem, cum *Heroem*, & ejus virtutem *Heroicam virtutem* appellabant; etsi ejusdem omnino Speciei esset cum aliis virtutibus moralibus, neque naturâ ac essentia ab illis differret. Sicut etiam è contrario viros despiciatissimos, qui omni vitiorum & flagitiorum genere insignes erant, *Bestias*, & ipsorum nequitiam *Bestialitatem*, & *feritatem* vocabant, quasi tales, exurâ humana omni naturâ, in feras & bestias degenerassent, cum tamen eorum vitia ejusdem planè Speciei essent cum aliis vitiis moralibus.

3.

Quomodo ex
virtute morali
quis dicitur
bonus.

Atque hæc satis multa de virtute morali, quæ, ut dixi, facit virum bonum: sed bonum tantum moraliter, sic ut agat quod est bonum *quoad substantiam operis*, & illas solum circumstantias quæ ordinant hominem ad *assequendam felicitatem* eam quam naturaliter vel scire, vel appetere potest. Et tales quidem erant virtutes omnes Ethnicorum, Temperantia Socratis, Justitia Aristidis, Fortitudo Scipionis, hæc atque similes virtutes Ethnicos faciebant bonos moraliter; quam solam bonitatem Philosophi intelligebant. Etsi vero quis omni virtute morali præditus esset, nisi idem virtutibus Theologicis imbutus sit, bonus Christianus esse nunquam poterit; id est, non bonus Theologicè, non eâ bonitate, quæ Deo gratum facit & acceptum, quæque ordinat hominem ejusque actiones ad bonum & felicitatem supernaturalem. Hinc est, quod ipsæ virtutes morales prout in Ethnicis erant, & quando separantur à virtutibus Theologicis, sint nihil aliud, quam umbræ virtutum, non veræ virtutes; nec faciant habentem simpliciter & vere bonum, sed solum bonum moraliter, & apud Philosophos; non Theologicè, nec apud Deum. Vere Aug. lib. 14. de Trinit. cap. 1. Virtutes ipsæ quibus in hac vita prudenter, fortiter, temperanter, & juxta vivitur, nisi ad fidem referantur, veræ virtutes non sunt. Præclare Prosp. lib. 1. de vocat. Gent. cap. 7. Sine cultu Dei, quod virtus esse videtur, peccatum est; nec placere ullus Deo, sine Deo potest; qui vero Deo non placet, cui nisi sibi, & Diabolo placet? Fusè & eleganter docet hoc Laët. lib. 5. Instit. c. 15, 16. & seq. Et, lib. 6. c. 9. de Ethnicis agens, ait, Omnis doctrina & virtus eorum sine Capite est, quia Deum nesciunt, qui est virtutis ac doctrinæ caput: Quare non est dubium quin omnes eorum virtutes, quas habere aut tenere se putant, in illa mortifera via reperiuntur, quæ est tota tenebrarum. Sed reprimo me; satis sit monuisse, quid sibi id velit, quod dixi, & sæpe in Ethicis dicendum est, Ex virtute morali bonus fieri. Si autem vere bonus quis esse velit, id non virtute ullâ acquisita, (de quâ hucusque dictum est) neque intellectuali neque morali, sed solum ex virtute infusa habendum est.

Virtus infusa est virtus quæ nullo studio, labore, aut industria humanâ acquiri potest, *Virtus infusa* sed immediatè à Deo, quibus & quando vult, infunditur, quæque ordinat hominem ejusque quid. actiones omnes, ad finem supernaturalem, & ad illud bonum obtinendum quod naturaliter neque scire neque appetere poterat. Hæc est, quam Aqu. 2. Secundæ q. 1. & seq. & alii, *virtutem Theologicam* nominant, quia de hac virtute nihil omnino in Philosophiâ, & scriptis Ethnicorum Philosophorum, sed solum in SS. Theologiâ agitur. Hæc triplex est: *Fides, Spes, Charitas.*


Fides est virtus infusa, quâ Deo ejusque verbo quomocunque revelato, sive publicè *Fides quid.* in S. literis, sive privatim in cordibus credentium, sine ullâ hæsitacione fidem habemus, quâque certi sumus id falsum esse non posse. Nam impossibile est ut quæ Deus revelat falsa sint, is enim nec fallere potest nec falli. Huic opponitur tam *Infidelitas*, quâ quis verbum Dei totaliter negat, nec unquam ei fidem habet: tum *Hæresis*, quâ quis partem aliquam divini verbi, vel explicitè vel implicitè pertinaciter negat: tum *Apostasia*, qua quis ab agnita semel veritate totaliter recedit, ut Apostata Julianus.

Spes est virtus infusa, quâ propter verbum Dei & illius promissa revelata, & cordibus *Spes quid.* obsignata, quibus indubitatam fidem adhibemus, certò confidimus nos Deo ut summo bono æternum fructuros, & ut promissa illius præstet cum patientiâ expectamus. Huic opponitur tum *Presumptio*, cum quis sine justa causa sperat: tum *Desperatio*, cum justa causa subest cur sperare non debeat.

Charitas est virtus infusa, quâ alios omnes qui diligendi sunt, propter Deum, Deum *Charitas quid.* autem propter seipsum diligimus, inque signum dilectionis, & mandatis illius libenter obtemperamus, & ei conjungi ardentè desideramus. Nam *charitas* Dei, id est, Deus in quantum diligitur, est fons seu *causa efficiens* quæ movet nos ad bene operandum, & finis seu *causa finalis* propter quem bene operamur. Huic opponuntur *Odium Dei* aut *Proximi*, *Contentio*, *Schisma*.

Hæ sunt *virtutes infusæ*, de quibus qui plura scire desiderat, consulat Theologos. Unum est quod hic paucis observandum videtur. *Virtutes hæ infusæ*, ut dixi, *ordinant actiones ejus cui insunt, tam quoad initium & finem, quam quoad modum operandi.* Quando cunque igitur virtutes morales (de quibus antè egimus) his infusis conjunguntur, tunc ex *Quomodo viri* *umbris virtutum*, fiunt *veræ virtutes*; ex mortiferis, *salutifera*; et Philosophicis aut *tua moralis finis* *Ethnicis, Theologicæ & Christianæ.* Tunc enim incipit vir fortis, temperans et justus a- *at Theologica,* gere non solum bonum, sed *benè*; id est, facere non solum quoad substantiam operis, & morales circumstantias id quod est faciendum, sed facere *ex eo fonte, in eum finem, eoque modo* quo faciendum est, nempe ex *dilectione Dei, in gloriam & honorem Dei*, ut tandem Deo, ut *summo bono in æternum* perfruatur.

Atque hæc de omnibus Speciebus Habitibus, prolixius multò quàm Seriei hujus necessitas exigebat. Sed ideo tam multus fui, ut obscuris aliquot quæstionibus, quarum intelligentia summè necessaria est, quæque à paucis, & obscurius tractantur, lucem aliquam, si possem, in hoc transcurso Prædicamentorum, asserrem. Nunc integram Synopsin Habituum adjiciam.

Synopsis
Habituum.Naturalis po-
tentia quid.Omnis Natu-
ralis potentia
est proprium
quarto modo.Omnis Sub-
stantia com-
pleta habet a-
liquam Poten-
tiam natura-
lem.Potentie na-
turales plures
eiusdem sub-
jecti.Differentia
inter Potenti-
as & alias
Qualitates.

Secunda Qualitatis Species est Naturalis Potentia, & Impotentia, de quâ duo videnda sunt, Primo quid sit Naturalis Potentia, & Impotentia, & quomodo ab aliis omnibus Qualitatibus differat. Secundo quæ Series ejus sit.

Naturalis potentia, est Qualitas insensibilis, & innata, fluens ab essentiâ subjecti cui inest, vel immediate, vel mediate, per quam fit potens ad aliquid vel faciendum vel patiendum: Sic Risibilitas est Potentia fluens ab animâ rationali, qua homo est aptus ad ridendum. Sic Sensus in animali, potentia vegetandi, & nutriendi, in vivente.

Hinc tria consequuntur. Primo, Omnem Naturalem potentiam esse proprium quarto modo, seu propriam affectionem ejus cui primariò & immediate inest. Nam quia fluit ab essentiâ, neque accidens commune esse potest subjecti illius, neque ipsa essentia. Quid igitur aliud esse potest quam proprium?

Secundo, Omnis Substantia quæ directè in Prædicamento ponitur, habet unum pluresve Potentias naturales. Cum enim unaquæque talis Substantia essentiam habeat, vel simplicem, ut summum Genus; vel compositam, ut omnes illius Species, certe illa essentia facit subjectum aptum ac potens, vel ad agendum, vel ad patiendum. Talis autem omnis potentia cum à natura fluit, naturalis est. Fortasse etiam aliqua accidentia tales potentias habent, ut Quantitas potentiam habet ut dividi possit, inq; infinitum dividi; Linea ut dividi possit secundum longitudinem. Certum est autem omnem speciem non habere tale proprium quod sit potentia Naturalis: nam tum ipsarum potentiarum Naturalium aliæ essent potentia, & illarum item aliæ, et sic in infinitum, quod fieri nullo modo potest.

Tertio, etius subjecti aut speciei possunt esse & verè sunt multe potentie Naturales: ut in homine potentia ridendi, flendi, intelligendi per recepta phantasmata, Scientias & Artes discendi, virtutes assequendi, et felicitatem.

Quid sit Naturalis potentia videmus. Differt autem ab omni Qualitate tertiæ et quartæ Speciei, quia illæ sunt sensibiles, hæc insensibilis: ab Habitu vero, quia hæc innata est, sic ut naturam ipsam et essentiam subjecti necessariò insequatur, Habitus vero advenit aliunde, subjecto jam in essentia constituto, et vel labore acquiritur, vel divinitus infunditur. Potentia

tentia verò naturalis ab *Impotentia* differt, sicut *Habitus*, à *Dispositione*; non naturā ac essentiā, (nam tum fierent duas *Qualitatis Species* distinctas,) sed accidentaliter solum; nam quando potentia hæc quæ fuit à naturā subjecti, conjungitur cum facilitate operandi, & actus illius potentiae producendi, tum dicitur *Potentia*; quando conjungitur cum difficultate aut debilitate operandi, tum dicitur *Impotentia*. Etenim *Impotentia* nomen non hic sumitur negativè, pro omnimoda negatione aut privatione potentiae, quomodo lapis dici potest impotens videre, quia repugnat naturæ lapidis ut possit videre; sed positivè pro potentia debili ac infirmā ad operandum, quo sensu illi quos Græci *μῆκος* vocant, Latini, teste Gellio, Lusciosos, dicuntur impotentes ad videndum, quia videre quidem possunt, sed non è longinquo, non nisi debiliter.

Sed dubitari & merito potest, an possit esse ulla *Impotentia naturalis*, nam cum omnis *Potentia naturalis* sit proprium quarto modo, & ab essentiā speciei fluat, propria autem omnia æqualiter subjectis suis convenient, sequitur non posse esse potentiam majorem in hoc quàm in alio, sed omnes æqualiter potentiam illam habere: & ratio evidens est, quia ubi causa æqualis est, ibidem etiam effectus erit æqualis. Essentia autem speciei omnibus individuis æqualiter inest, quare etiam potentia fluens ab illā essentiā inerit omnibus æqualiter. Præterea de Visu, Auditui, & Olfactu, nulli dubium est, quin sint *Potentia naturales*: at ista non fluunt ab essentiā specierum, quia tum impossibile esset hos sensus separari à subjectis: at separantur in cæcis, in surdis, in iis qui Olfactu privati sunt. Quare videtur illud non esse verum, quòd omnes Naturales Potentiae consequantur essentiam subjecti aut ab illā fluant.

Respondent nonnulli, duplicem esse Potentiam naturalem, unam remotam, quæ sequitur naturam speciei, & hæc omnibus æqualiter atque inseparabiliter inest; alteram propinquam, quæ sequitur constitutionem & aptam dispositionem individui, & hæc inequaliter & separabiliter inest; & de hac potentia intelligenda esse exempla in argumento allato. Cæterum non videtur mihi hæc propinqua Potentia naturalis esse; nam si sit, cur à subjecti naturā separatur? Quare ego dicerem potius, esse unicam tantum, non duas Potentias naturales respectu unius objecti. Ista autem una potentia dupliciter consideratur. Primò, *in se*, & ut insequitur naturam subjecti; atque hoc modo inest omnibus, & eis æqualiter ac inseparabiliter inest, sicut essentia ipsa à qua fluat, omnibus æqualiter ac inseparabiliter convenit. Secundo consideratur prout recipitur in individuum aptum aut ineptum, bene aut malè dispositum ad operandum & exercendum actus illius potentiae; & ex diversa dispositione individui oritur facilitas, vel difficultas operandi per illam potentiam. Nam cum potentia videndi (capia ut hoc ut exemplum, cæterorum enim par est ratio) quæ fuit ab Anima sensitiva, & est in omni animali, conjungitur organis bene dispositis, aut oculis lyncei, oritur tum facilitas videndi, quæ simplici nomine *Potentia* dicitur, sed significantius, *valida ac robusta potentia* dici posset. Cum verò eadem illa potentia videndi, conjungitur subjecto quod vel oculos non habet, vel habet quidem sed malè dispositos, vel propter humorum abundantiam, & intemperiem, vel propter tunicarum crassitiem, ut in Lusciosis; tunc oritur difficultas videndi, quæ impotentia dicitur, sed rectius potentia debilis ac infirma dici potest. Licet ergo potentia omnis naturalis prout fluat à naturā subjecti æqualiter omnibus inest, & inseparabiliter; tamen prout recipitur in subjecto diverso modo & inequaliter disposito, nec æqualiter inest, nec inseparabiliter. Quia licet potentia ipsa in se separari non potest, tamen potentia cum facilitate operandi, itemque potentia cum difficultate operandi separari potest. Si verò fieri posset ut individuum omnium æqualis esset dispositio, sine dubio æqualiter omnibus omni modo inesset potentia naturalis. Nam si anima sensitiva & potentia videndi quæ est in talpa conjungeretur oculis Lyncei, certè tam acutè cerneret talpa, quàm Lynceus; & hoc indicat *Arist.* lib. 1. de Anim. cap. 4. Si senex acciperet oculum juvenis, videret ut juvenis; & si anima sensitiva ac potentia videndi quæ est in Lynceo, non haberet meliora organa videndi quàm talpa, tam cæcus esset Lynceus quàm est nunc talpa. Summa est: Potentia naturalis ut in se con-

Dns.

Sol.

sideratur,

sideratur, & fluit à naturâ subjecti, est secunda Species Qualitatis, & commune nomen tam potentia validæ quam debili: ut conjungitur aptis organis ad operandum, sic est *Potentia valida*, quæ impotentia opponitur; ut conjungitur organis malè dispositis, sic est *Potentia debilis* quæ Impotentia vocatur: Duo autem hæc, Potentia valida, & debilis, sic accepta, nec fluunt ab essentia subjecti, nec faciunt secundam Qualitatis Speciem, sed ambo sunt accidentia communia, insequentia dispositionem organorum, & differunt non aliter quàm accidentaliter, nempe facilitate ac difficultate, validitate ac debilitate operandi.

Sequitur nunc *Series* potentia naturalis: quæ nullo pacto commodius explicari potest quam incipiendo à Substantia quæ est summum Genus, perque omnia intermedia Genera ad imas omnes Species descendendo, quæ ac quor sint cujusque earum, potentia naturalis ab ipsorum essentia fluentes, ordine recensere: opus spissum, & immensi laboris. Summam enim ferè complectitur Metaphysicæ, & totius Naturalis Philosophiæ, ut nihil de aliis Scientiis dicam. Et nos quidem magnâ ex parte hoc ipsum, (quomodocunque) præstitimus in illa cujus antè memini Introductione ad Physicam. Hic satis erit, si unam aut alteram potentiam, istorum non quidem omnium, sed multorum tamen indicem, non tam ut *Seriem* ipsam describam, quam ut exemplar quo pacto accuratè describi debeat (quod à nullis, quantum scio, observatum est) proponam.

Potentia naturales istæ sunt.

Series Potentia Naturalis. Substantia, posse subistere Accidentibus, posse loco contineri, posse moveri & quiescere.

Spiritus, posse intelligere sine phantasmate recepto à sensu.

Angeli, posse angelicè subsistere, ita ut corpus informare non possit.

Anima rationalis, posse uniri corpori ut illius forma informans.

Corporis, posse locum implere, posse loco circumscribi.

Cæli, posse Qualitati omni corruptenti resistere, ut nihil inde pariat.

Elementi, posse uno tantum simplici ac recto motu ex se moveri.

Ignis, posse ex se calefacere simul & siccare.

Aëris, posse ex se calefacere simul & humectare.

Aquæ, posse ex se frigefacere simul & humectare.

Terræ, posse ex se frigefacere simul & siccare.

Misti, posse moveri ad motum elementi prædominantis.

Imperfectè misti, posse citò evanescere propter imperfectam mitionem.

Perfectè misti, posse putrefieri.

Metallosum vires, ut Auri, Aëris, &c. à Philosophis petendæ sunt.

Lapidum, posse vires suas (à Philosophis ac Medicis descriptas) exercere; ut in Adamante non posse limâ vel malleo frangi, non igne incallescere: In Magnete quod ferrum ad se trahat, in Asbesto quod semel accensus non extinguatur, & infinita similia.

Animati corporis, posse nutriri, augeri, diminui, juvenescere, senescere, mori.

Plantæ, posse vegetari et nutriri sine sensu.

Arborum vires, tam apertæ, quam occultæ, à Philosophis traditæ; ut vitis quod Brasicam odit, fugiatque: Palmæ quod ponderibus resistat, et contra nitatur: Cedri quod nec tinea nec cariem sentiat, et infinita hujus generis.

Herbarum vires: illæ à Philosophis ac Medicis declaratæ, ut quod Tussilago fumo suo pulmonibus medeat: quod Panacæa morbis omnibus medeat: quod Absinthium bilem detrahat, et infinita illis similia.

Animalis, posse sentire, posse imaginari, posse memoriâ res tenere, posse vigilare, posse dormire, posse per species à sensu receptas appetere, fugere, amare, odire, et similia; Huc spectant sensus omnes tam *externi*, ut Visus, Auditus, Olfactus, Gustus et Tactus; quam *interni* ut Sensus communis, Phantasia, Memoria,

Bruti,

Bruti, posse sensu tantum, non ratione res cognoscere, & huc spectant Proprietates omnium Piscium, omnium Avium, omnium Quadrupedum, omnium Reptilium, de quibus Philosophorum libri consulendi.

Homini, posse ratiocinari, per phantasmata recepta posse discere Scientias omnes & artes, posse easdem docere, posse voluptatem mentis capere, posse ridere, posse dolorem mentis capere, posse flere, & similia.

Atque hæc de secunda Specie Qualitatis.

Sequitur tertia, quæ est *Qualitas patibilis & passio*, de qua videndum primo quid sit, secundo quæ ejus Series.

Patibilis Qualitas est Qualitas sensibilis, vel ut proprium objectum alicujus sensus *Patibilis* externi, vel ut imago ac species ejus. In eo quod Sensibilis dicitur, distinguitur à *Qualitate* prima & secunda Specie, nam illæ sunt Qualitates Insensibiles: in eo quod dicitur Sensibilis ut objectum proprium, distinguitur à Forma & Figura, nam & illæ Qualitates sensibiles sunt, sed ut communia objecta sensuum diversorum: nam figuram rei & Visu, & Tactu cognoscimus; at illæ solum qualitates in hac tertia specie ponuntur, quæ sunt objecta propria sensuum, quæ uno tantum externo sensu cognosci possunt, ut color Visu, sonus Auditu: postremo in definitione additur, quod non modo objectum ipsum proprium, est *Patibilis Qualitas*, sed etiam illius species seu imago: Nam illa etiam afficit sensum; & quidem immediate; objectum autem ipsum non nisi mediate, mediante nimirum ipsius specie. Quare etiam ipsæ species externorum objectorum, objecta sensuum dici possunt, sed secundaria, non primaria. Itaque Qualitas Patibilis ab omni Qualitate aliarum Specierum distinguitur.

Differt autem à Passione sicut Habitus à Dispositione, firmitate nimirum inhaerentia. Nam rubedo, si stabilis sit & firmiter radicata in subiecto, *Patibilis Qualitas* dicitur. Si vero facile amoveatur, ut in verecundante fieri solet, non *Patibilis Qualitas*, sed *passio* dicitur.

At Arist. hoc cap. nu. 13. negat subiectum ex passione dici quale: ex quo sequitur eam non esse omnino Qualitatem.

Respondeo, Arist. negare Passionem esse Qualitatem, aut denominare subiectum quale, eo modo quo *Patibilis Qualitas* denominat, id est, permanentem & firmiter; sed quod nullo modo sit Qualitas, aut quod ne debilitèr quidem denominet subiectum quale, non dicit Arist.

At Passio est distinctum Prædicamentum & summum Genus, non ergo potest esse Species Qualitatis.

Dub.

Sol.

Dub.

1. Pro quovis communi accidente; quia enim ex cujuscvis receptione, subiectum aliquam alterationem aut mutationem patitur, ideo unumquodque Passio dici potest, ut rectè docet Thom. Aquin. parte 1. quæst. 79. art. 2. Et sic est æquivoca vox, & in nullo Prædicamento uno. Sic non hic sumitur.

2. Pro quovis accidente proprio alicujus rei, quæ propria passio ejus dici solet, quia per illam subiectum aptum est pati aliquam peculiarem alterationem: sic Risibile est propria passio hominis, Sensibile animalis. Sic passio potest esse in secunda Specie, nam omnes naturales potentia sunt propriæ passionibus, etiam in omnibus serè Prædicamentis reductivè est.

Pro effectu Actionis, & sic est distinctum Prædicamentum.

Pro Qualitate quæ passionem infert sensui, ut illius proprium objectum, & hoc solo sensu hic sumitur, neq; est in ullo alio Prædicamento, vel specie, quam in hac solâ.

Passio sumitur
quadrupliciter.

Sol.

Hinc

Hinc jam liquet, non solum quid sit Patibilis Qualitas & Passio, sed etiam cur ita vocentur. Non enim dicuntur *Patibiles*, quia faciunt subiecta in quibus sunt pati, vel quia ipsæ patiantur, sed quia sensui inferre passionem aptæ sunt.

Dub.

Sed quid dicendum erit tum de speciebus intelligibilibus? nam illæ cum solum sint in mente, sensui non inferunt passionem, & tamen has non minus quam sensibilibus objectorum species Qualitates esse constat, & Patibiles etiam Qualitates, quia in nullo alio genere, nec in aliâ specie Qualitatis quàm in hac tertia reponi possunt.

Res.

Dico reponi in tertia hac specie: & esse aptas inferre passionem sensui, licet non *in se*, tamen *in sua origine & causâ*, à quâ productæ sunt & natæ: omnis enim intellectiva cognitio oritur ex sensitivâ. Sufficit autem ut aliquid dicatur Patibilis Qualitas, si vel *in se*, vel *in sua origine passionem sensui* inferat.

Sequitur Series harum Qualitatum Patibilium. Et quia omnis patibilis qualitas est obiectum proprium alicujus sensus externi, ideo juxta numerum quinque sensuum dividi debet Patibilis Qualitas.

Omnis Patibilis Qualitas vel est obiectū proprium	Visus, & tum dicitur Qualitas visibilis, quæ est triplex,	Lux, quæ est splendor in corpore lucido & illuminante.	
		Lumen, quod est splendor in corpore illuminato, & reverâ species lucis: ut recte docet Zab.	
		Color, qui est Qualitas visibilis orta ex mixture lucidi & opaci, ique est vel	
		{	Extremus ut <i>albedo</i> & <i>nigredo</i> .
			Medius ut <i>viriditas</i> , <i>rubedo</i> , <i>fuscedo</i> , &c.
	Auditus, & dicitur Sonus, qui est duplex,	{	Fragor, qui fit ex collisione quorumvis duorum corporum, ut ex suppositione pedum.
			Vox, quæ profertur ex ore animantis certis loquendi instrumentis, lingua, palato, & similibus.
	Olfactus, & dicitur Odor, qui est vel	{	Fragrans.
			Færens.
	Gustus, & dicitur Sapor, qui vel est	{	Dulcis.
Amarus.			
Tactus, & dicitur tangibilis Qualitas, quæ est vel	{	Prima, quæ ex alia tangibili Qualitate non oritur, tales sunt 4. <i>Calor</i> , <i>Frigus</i> , <i>Humiditas</i> , <i>Siccitas</i> .	
		A primis orta, ut sunt <i>Durities</i> , <i>Mollities</i> , & <i>temperature</i> omnium corporum mixtorum, lapidum, metallorum, plantarum, brutorum, hominum.	

Dubitarj

Dubitari hic merito videtur, an non affectiones illæ animi quæ passiones & perturbationes vocantur, inter Patibiles Qualitates, & in hac tertiâ Specie reponendæ sint. Non reponi ex definitione antè posita liquet, quia ex se non inferunt passionem ulli sensui, neque sunt objecta propria ullius sensus externi. Reponendas vero hac in classe testatur *Arist.* qui hoc cap. nu. 14. ita inquit, *Similiter etiam in anima patibiles Qualitates & passiones dicuntur, & pro exemplis ponit Amentiam & Iræ.*

Dub.

Respondens, Passiones istæ animi, ut ego quidem arbitror, neque patibiles Qualitates sunt, neque omnino Qualitates. Ad *Arist.* verò dico, cum crassâ Minervâ, & minus accuratè ista hic tractare, & idèd posuisse ista pro exemplis patibilium Qualitatum. Atque hoc ex eo conijcere licet, quia *Amentia* reverà non est patibilis Qualitas, sed Impotentia utendi ratione, propter intemperiem aliquam cerebri; vel est potentia debilis & infirma, ratione utendi, idèoque non ad hanc tertiam, sed ad secundam Speciem Qualitatis verè pertinet. *Iræ* autem cujus meminit *Arist.* videtur esse inclinatio quædam naturalis ad irascendum, non propriè ipsa passio animi quæ *Iracundia* vocatur. Aut dici potest, hunc esse sensum verborum *Arist.* quòd illi colores, calores, aut similes Qualitates sensibiles, quæ oriuntur ex perturbationibus animi, non minus inter Qualitates patibiles, & passiones censendæ sunt, quàm eadem Qualitates cum ab aliis causis oriuntur, nempe à corporum ipsorum temperaturâ: Sed si ab aliqua perturbatione firmiter inhærente proveniant, tum vocantur Patibiles Qualitates, ut pallor, ex assiduo timore: si verò à passione aliqua subitanè & facilè mobili nascantur, ut verecundia à timore dedecoris, tum Passiones dicendæ sunt.

Sol.

Sed quare non sunt istæ perturbationes Patibiles Qualitates? Duplex ratio afferri potest: prior sumitur ex illa definitione atque essentiâ Qualitatis Patibilis quam ante irascendi didi, quæ est, inferre ex sese passionem sensui alicui, ut illius proprium objectum; quod non facere istas perturbationes certum est. Quin & hoc insinuat ipse *Arist.* Nam nu. 10. non ait, ac probat, dulcedinem, calorem ac frigus esse Patibiles Qualitates, quia sensui passionem inferre apta sunt. Quare si Qualitas Patibilis esset Genus perturbationum animi, certè unâ atque eadem ratione, dicerentur illæ Patibiles Qualitates, quæ calor & frigus dicuntur, nempe quia inferunt sensui passionem: aliter Patibilis Qualitas (quæ Genus earum supponitur) non prædicabitur univocè de omnibus suis speciebus. Altera ratio est, quia si quis diligenter perpendat naturas harum perturbationum, inveniet eas reverà nihil aliud esse quàm *actiones quasdam immanentes anime sensitivæ*, quas actiones sequitur commotio quædam Spirituum ac humorum in corpore, & ita quædam passio corporis. Nam *Iræ* est in sua essentiâ ipsa actio animi quâ appetimus vindictam, id est, appetitio vindictæ: Amor ipsa appetitio & actio desiderandi objectum illud quod ut jucundum apprehenditur. Odium ipsa aversatio objecti quod ingratum ac molestum putatur. Ex quo fit ut ulla talis passio vel perturbatio in dormiente sit, dum dormit, aut in eo qui est animo ita sedato ac tranquillo, ut nihil vel appetat, vel fugiat. Et quidem omnes hæ affectiones ita se habent ad potentias istas naturales ex quibus proveniunt, sicut sensatio, ad potentiam naturalem sentiendi; aut intellectio, ad potentiam intelligendi. Nam sensatio est actio ipsa proveniens à potentia sentiendi, quâ judicamus & decernimus colorem hujus esse album non nigrum, aut sonum acutum non gravem: aut saporem suavem non amarum. Eodem plane modo, à potentia naturali appetendi, quæ Appetitus dicitur, quæque est in omni animali, oritur Appetitio, id est, actio animi quâ cupimus & appetimus objectum jucundum; ex naturali potentia timendi, oritur timor, seu actio illa quâ timemus: vel nè objectum desideratum non assequamur, vel ut non desideratū assequamur; similiter in reliquis. Quare sicut Sensus ipse, id est, potentia naturalis sentiendi, & Intellectus, id est, naturalis potentia intelligendi, sunt Qualitates secundæ speciei, sed Sensatio & Intellectio, actiones sunt non Qualitates; itidem planè potentiæ naturales appetendi, irascendi, timendi, & similes, verè Qualitates sunt in secunda specie repositæ, sed Appetitus vel potius Appetitio, ira, timor, sunt actiones non Qualitates. Atque hoc docet non obscure *Arist.* in c. de Actione,

Q

ubi

ubi inter actiones recenset *Letari* ac *Dolere*, quæ eadem sunt cum lætitia seu gaudio, ac dolore, quæ sunt affectiones animi.

Quia verò, ut dixi, has animi actiones, seu perturbationes semper sequitur spirituum ac humorum concitatio, ut ex ira commoventur primò spiritus in cerebro, illi concitati commovent spiritus in corde, & eorum commotionem sequitur fervor & ebullitio sanguinis circa cor: itidem ex amore & vehementi desiderio objecti jucundi commoventur spiritus primò in cerebro, tum in corde, unde existit ille æstus & ignis quo ardent amantes: Hinc fit ut istæ affectiones animi, licet in se ac suâ essentia sint actiones, tamen passionibus animi dicantur; non quia vel ipse passionibus sint, vel inferant passionem sensui, sed vel quia ipsæ ex passionibus & objectis sensuum oriuntur; vel quia ex ipsis, passio quædam sensibilibus oritur in corpore, & sensibus: atque ita passionibus dicuntur non formaliter quidem, sed vel effectivè & causaliter, quia procreant & efficiunt semper Qualitates ejusmodi quæ propriè patibiles sunt, aut passionibus, & sensui passionem inferre possunt: vel originaliter, quia ex talibus oriuntur. Præterea quia omnes istæ actiones animi versantur circa illa objecta sensuum, quæ animali naturaliter quæ animal est, jucunda sunt aut molesta, ideòque naturaliter ea vel appetimus vel fugimus, quæ ratio tamen sæpe docet non appetenda esse aut non fugienda; hinc oritur intestinum illud bellum & lucta in homine inter appetitum & rationem; & quia appetitus sæpissimè avocatur & abstrahit hominem ab eo quod recta ratio suadet appetendum non esse, ideò affectiones istæ Perturbationes animi in homine dicuntur, quia perturbant non iudicium solum, sed operationes rectæ rationis.

Dixi quid mihi de *Perturbationibus* animi videatur: quia tamen à multis ad hanc speciem Qualitatis referuntur, & earum cognitio ad omnes ferè Philosophiæ, imò totius vitæ partes maxima necessaria est, ideò hinc pauca quæ ad earum intelligentiam maximè conducunt, adjiciam.


Passio animi
quid.

Passio seu Perturbatio animi, est actio immanens animæ, quæ oritur ex apprehensione objecti alicujus, vel ut delectabilis sibi, vel ut molesti, secundum quam animal hoc vel illo modo affici dicitur, & agere, tam circa assentionem, & evitacionem, quàm circa fruitionem & amissionem illius objecti. Nam fons & causa omnium perturbationum, est apprehensio objecti, non quovis modo, sed ut est *delectabile*, vel *molestum*. Sic autem apprehendere objectum non potest in animali vel sensus externus, vel sensus ille qui communis dicitur, sed sola Phantasia; illa sola apprehendit objectum non nudè quidem & ut rem verè existentem, sed sub ratione *boni aut mali*, id est delectabilis aut molesti. Atque hoc iudicium Phantasia exerceat non modo præsentem externo objecto, sed etiam eodem absente. Species enim objectorum semel receptas, Phantasia Memoriz commendat, in eaq; reponit, & quasi in quodam libello inscribit. Illas Species sic inscribas in Memoria, Phantasia quando & quoties vult intueretur, ac quasi legit, ac relegit pro libito; ex quo fit ut Phantasia apprehendat & videat in illo suo libro, hoc aut illud objectum, etiam cum absens est jucundum sibi aut fuisse, aut fore, itidem etiam molestum. Objecto sic per Phantasiam apprehenso, incipit tum appetendi facultas suas partes agere, & pro diversa apprehensione objecti, vel amare illud vel odire, vel prosequi, vel fugere ac declinare. Atque hinc oritur diversitas illa affectionum animi, quibus quotidie agitatur.

Passiones ani-
mi novem.

Sunt autem in universum *Affectiones animi* novem, Voluptas & Dolor, Amor & Odium, Spes & Desperatio, Timor & Confidentia, atque Ira; quæ omnes tam in objecto delectabili, quàm in molesto cerni possunt.

Objectum



Simile omnino de objecto molesto dicendum est. Nam si consideretur antequam vel eveniat, vel nos fugiamus ipsum & vitemus, tunc oritur Odium seu aversatio illius, ac detestatio: si dum fugiamus, & ipsum nondum acciderit, videatur nobis tale quod nullo modo effugere ac vitare possimus, tunc oritur Tristitia conjuncta desperationi: Sin videatur tale ut facile vitare possimus, oritur Spes effugiendi: Quod si videatur tale ut non possit sine magna difficultate vitari, oritur Timor ne vitetur: Si tale ut vitari posse videatur, tunc oritur Confidentia: Si tale, quod alii nos impediunt effugere, oritur Ira: Si consideretur cum venerit, inde oritur Dolor seu tristitia: Si cum vitetur tum inde oritur Gaudium, Letitia, ac voluptas.

Si quis autem Misericordiam & Invidiam istis adjungendas obijciat, Dicendum est, illas quidem esse passiones animi, sed non distinctas à nominatis, nam ambae sub Tristitia, aut Dolori continentur. Etenim Misericordia est dolor ac tristitia de alienis malis aut miseriis, quum quis dolet alteri male esse: Invidia autem est tristitia aut dolor de alienis bonis, cum quis dolet quod alteri bene sit. Idem de Amicitia dicendum, nam hanc etiam, sicut Misericordiam ac Invidiam, inter affectus animi enumerat Arist. 2. Eth. c. 5. Ut enim illa ad dolorem, ita Amicitia ad amorem pertinet; est enim nihil aliud quam mutuus amor aut benevolentia ex virtute proficiens, si vera sit; aliunde vero si vulgaris.

Sed videntur Voluptas ipsa & Dolor non esse affectiones; Nam Arist. describit affectus animi eos esse quos voluptas & dolor sequitur & comitatur, tum 2. Eth. cap. 5. tum lib. 2. Ethic. ad Eudem. jam Voluptas & Dolor sese non sequuntur, atque hæc ratio movit Piccolom. Grad. 1. cap. 11. ut penitus expungeret hæc duo ex numero affectionum.

Responsio non est difficilis: Voluptas aut Dolor sequitur omnes passiones, quæ præcedunt vel adaptionem & amissionem objecti desiderati, vel accessum & evitacionem objecti molesti, puta Amorem, Odium, Spem, Iram & reliquas; & hoc voluit Arist. Sed eas quæ respiciunt objectum ut adeptum, si desideretur, vel vitatum, si fugiatur, eas inquam Voluptas aut Dolor non sequitur; Nam affectiones illæ sunt ipsa Voluptas & Dolor. Loquitur etiam Arist. de Voluptate & Dolori sensitivo quorum alterum semper est affectionum (eo quod dixi sensu) comes, & quicquid alterum eorum per sese sequitur, id est, affectus animi; Nam voluptas, quæ virtutis actiones & ipsam virtutem insequitur, non est corporalis & sensitiva, sed Voluptas animæ rationalis & mentis. Quare Arist. lib. 2. Eth. ad Eudem. utramque particulam à nobis additam expressit, dicens, &

Dub.
Sol.

Dub.

Sol.

in universum affectus voco quæ per se Voluptas Tristitiæ sensitiva sequitur : Ecce, per se & sensitiva.

Definitiones
affectionum
animi.

Ex his quæ dicta sunt, facile est quemvis affectum definire. Amor est, Actio immanens, vel actio animi quâ objectum delectabile cupimus tum adipisci, tum adepti frui : Odium est actio immanens, vel affectio animi, quâ averſamur & declinare cupimus objectum molestum. Timor est actio immanens, vel affectio animi, quâ metumus ne vel objectum quod desideramus & persequimur, non assequamur ; vel objectum quod declinare cupimus assequamur : Ira est immanens actio, vel affectio animi, quâ appetamus ulcisci injuriam ablatam nobis ab eo qui impedit, vel ne objectum desideratum assequamur, vel ne objectum quod averſatur, declinemus. Voluptas est actio immanens vel affectio animi quâ lætamur & gaudemus quod objectum amatum & desideratum adepti sumus, eoque fruamur. Dolor est actio immanens, vel affectio animi, quâ tristamur, vel quod objectum desideratum adipisci ac frui non possumus, vel quod molesto objecto premimur, nec illud vitare possumus ; & ita in aliis.

Passiones ani-
mi commovent
corpus.

Omnium autem passionum animi communis effectus est quod Spiritus, primo in cerebro, tum in corde & aliis partibus corporis commoveant. Hoc in Amore, & Irâ, antea declaratum est. Idem in Timore, Tristitiâ atque Dolo cerni potest. Nam sicut nos ipsi cum timemus, ita Spiritus nostri quantum valent, refugiant id malum quod ut impendens apprehenditur, & ideo à cerebro in cor, velut in arcem corporis, & fontem vitæ se recipiunt : quod idem fit in Dolo cum malum advenerit, tum enim Phantasia apprehendens id ut inimicum, efficit ut Spiritus quantum possunt refugiant, atq; ex fuga Spirituum ad cor, evenit sæpiſſime ut cor aggravetur, & Spiritus vitales cordis ita opprimantur & suffocentur, ut ad alias corporis partes vitam transfundere nequeant, ideoque interius inde sequitur. Contrarium fit in Gaudio, Voluptate, & Lætitia : sicut nos ipsi, ita Spiritus omnes vitales, objectum desideratum avidè recipere gestiunt, ideo è corde in omnes exterâs partes præsertim in cerebrum se diffundunt, velut in occursum procedentes, aut prominentes in amplexum objecti. Ex hac subitâ eruptione spirituum è corde, evenit non raro ut arce vitæ deserta, mors præsentanea inſequatur, & subita ; nam statim, momento uno, ipsam arcem corporis mors occupat, non ut in obsidione sit, extrinsecus primo, tum interiores partes. Idem in reliquis Passionibus declarari posset ; sed hæc exempli causâ satis multa. Ex hac etiam commotione spirituum, contingunt colores varii, & aliæ Qualitates in corpore, ut ex Timore & invidia Pallor, ex Ira Rubor, ex Tristitiâ & dolore Languor, ex Lætitia & Gaudio Vergetur fit corpus : Quare ut illa nutritioni & sanitati corporis inimica, sic hæc ad utrumque magnum momentum habet.

Dub.

Dices, si hæc effecta omnes Passiones consequantur, quid dicendum erit de Passionibus illis Amoris, Odii, Iræ, Voluptatis & Doloris, quæ sunt in Angelis & Animabus separatim. Certum est enim in illis Passiones has non posse tales corporeos effectus producere, cum corpora non habeant.

Sol.

Respondeo, ea quæ hæcenus de illis Passionibus dicta sunt, de solis illis accipienda esse quæ in Animalibus reperiuntur, brutis vel hominibus. Hæ autem Actiones, Amoris, Odii, Iræ, Voluptatis, Doloris, & similes quæ in Animalibus omnibus Passiones, in Hominibus Perturbationes dicuntur, ut sunt in Angelis & Spiritibus, nec Passiones sunt, nec Perturbationes, sed in illis sunt passione omni, multo magis sine commotione corporea, inveniuntur. Nam illis Amor, Gaudium, & similia, sunt nihil aliud quam actiones immanentes quæ ex perceptione objecti delectabilis vel molesti oriuntur : atque hæc est essentia harum affectionum. Efficere autem commotionem in corpore, aut perturbare rationem, aut oriri ex sensitiva perceptione objecti, ista accidentalia sunt, & extrinseca ; ideo ista omnia ab Amore, Odio, Gaudio, & Tristitiâ Angelorum reipsâ separantur, quæ omnia in animalium affectionibus conjunguntur.

Passiones ani-
mi ex se nec
bonæ nec malæ

Postremo loco de his Passionibus observandum, eas ex se nec bonas esse nec malas, sed solum ex accidente, prout quis eis utitur bene aut male ; nam si in his medium observetur, bonæ

bonæ sunt; si ad nimium aut parum declinetur, in vitio sunt: eas autem frenare, est virtutis opus; ut cum per amorem ad quodvis delectabile incitemur, efficit virtus, ut non amemus aut appetamus quidquam delectabile, nisi quod oportet, & quomodo oportet; Et cum per appetitum naturaliter fugiamus omnia molesta, istque tristemur, facit virtus ut libere animo multa molesta, perpassu aspiciamus, & si necesse sit, ipsam mortem toleremus. Idem in aliis omnibus animi Passionibus dicendum est. Sed de his satis multa, hoc præsertim loco, in quo, si stricte atque accurate agendum esset, de Passionibus istis animi nihil dictum oportuisset.

Superest quarta & ultima Species *Qualitatis*, quæ est *Forma & Figura*, de qua duo item videnda sunt, primo *quid sit hæc Species*: secundo *quæ illius Series*.

Nomen *Formæ*, non hic sumitur pro *forma substantiali*, quæ dat esse corpori, sed pro *extrema forma & delineatione* corporis. Ea vero sic accepta est essentia eadem cum figura, & utraque ita definiri potest: *Forma seu Figura est Qualitas sensibilis, per se, quæ magnitudo alicujus corporis terminatur*. Nam magnitudo ipsa Quantitas est, non Qualitas: sed externa delineatio, figuratio, & terminatio magnitudinis, ea est quæ Qualitas est: talis est externa illa & inter omnia corpora pulcherrima delineatio & proportio membrorum in homine: huius Generis est externa proportio & figura domus, cathedræ, & similibus. Nam externa illa proportio & terminatio magnitudinis, in rebus artificialibus figura, in rebus naturalibus forma vocatur, neque aliter differunt inter se forma ac figura.

Forma & figura quid.

Ex his liquet, quomodo hæc quarta Species *Qualitatis* distinguatur ab omnibus aliis. A prima & secunda differt, quod *Qualitates* quæ in illis reponuntur sunt *insensibiles*, quæ in hac quarta classe omnes sunt *sensibiles*. A tertia Specie differt, quod *Qualitates* quæ ibi ponuntur sunt *sensibiles* non solum per se, sed etiam *primario*, atque ab unico sensu externo; quæ vero in hac quarta Specie collocantur, *sensibiles* quidem sunt per se, sed nec *primario*, nec ab unico sensu: nam Magnitudo & Figura sunt communia objecta sensuum, ut docet *Arist.* lib. 2. secundo de *Anim.* c. 6. idcircoque à pluribus sensibus percipi possunt, ut Figura ex Visu & Tactu. Quæ omnia facilius percipientur, si hæc distinctio diligenter observetur.

Quomodo forma et figura differant ab aliis.

Aliquid
sentitur tri-
pliciter:

Per se & primo, quod speciem suam imprimit in sensum, idque primo, ut color, sonus, & hæc sunt solum propria objecta sensuum, & in tertia Specie *Qualitatis*.

Per se sed non primo, quod speciem suam imprimit in sensum, sed solum secundario, & cum alio; talia sunt objecta communia sensuum: Motus, Quies, Figura, Magnitudo, per se sensibilia sunt, ut docet *Arist.* secundo de *Anim.* cap. 6. Idcirco suam speciem imprimunt, sed nunquam sola, nec primo imprimunt; nam Magnitudo non potest videri nisi cum colore, aut lumine, quæ prius afficiant sensum.

Per accidens & nec per se, nec primo, quod speciem suam non omnino imprimit in sensum, sed solum sentitur per suam accidentiam, quarum species sensui imprimuntur: sic Substantia.

Dices, figuras non esse per se, imo nec omnino sensibiles; nam certum est Mathematicum considerare figuras, & de iis demonstrationes conficere, ut de Triangulo. Mathematicus autem abstrahit Quantitatem à sensibili omni qualitate, ut docet *Aristot.* cum alibi sæpe, tum *11. Metaphis.* cap. 3. ubi ait, *Mathematicus tollendo omnia sensibilia, ita speculatur.*

Dub.

Respondeo *Arist.* loqui de sensibilibus per se primo, & ab omni tali sensibili vere abstrahit Mathematicus. Nam quod ab omni sensibili simpliciter abstrahat, ab eo inquam, quod per se & secundario sentitur, impossibile plane est, cum Magnitudo ipsa & figura quas saptem.

Sol.

contemplatur, sunt eo modo sensibilia. Sed utrum illa Magnitudo aut figura quam specularur, sit mobilis aut immobilis, alba vel nigra, calida vel frigida, rara vel densa, gravis vel levis, dura vel mollis, nihil omnino ad Mathematicum spectat. Ab his igitur per se primò sensibilibus, non simpliciter ab omnibus sensibilibus abstrahit.

Species Figura.

Sequitur nunc Series figurarum: Sunt autem figuræ propè infinitæ, quæ ad tria capita reduci possunt. Primum est *figura rerum naturalium*, sic Cœli et Elementorum figura rotunda est: Mixtorum quàm multiplex sit, quis numerare potest? Alia est figura Cometæ, alia Nubis, alia Pluviæ, alia Metallorum, alia Lapidum, alia Reptilium, alia Hominis. Secundum est *figura rerum artificialium*, sic alia est figura Domus, alia Navis, alia Mensæ, alia Cathedræ, alia Ensis, alia Vomeris, alia Bombardæ, et ita percurrento omnia quæcunque arte fiunt. Tertium est *figura rerum Mathematicarum*, quo spectant figura Triangularis, Quadrangularis, Sexangularis, & ita in infinitum.

Atque hæc de Qualitate, illiusque omnibus Speciebus dicta sint.

CAP. XIV. De Actione.

Sequuntur sex posteriora Prædicamenta, quæ sunt minùs principalia; tum quia ex reliquis dependent, et ex Substantia cum uno ex tribus Prædicamentis accidentium oriuntur; tum quia cognitio horum magna ex parte ex præcedentibus peti debet. Idem Arist. in his brevior est, uti & nos etiam futuri sumus:

Primum horum est *Actionis Prædicamentum*, de quo tria declaranda sunt. Primò, *quamquam Actio sit summum Genus*, & quomodo describatur. Secundò, *quæ illius proprietates*. Tertio, *quæ Series*. Ut primum explicetur, observanda est illa distinctio, quam ponit Arist. 9. Metaph. cap. 9.

Actio Transiens & Immanens.

Transiens, quando ab agente, in patiens aliquid transit, aut producit in eo; ut cum aqua calefit, calor producit in aqua per actionem ignis.
Immanens, quando ab agente nihil transit in ullum patiens, nec in eo producit, sed tota operatio manet in ipso agente; ut cum quis intelligit aliquid, actio ipsa intelligendi totaliter manet in ipso agente, non transit in ullum aliud patiens.

Actio in Genere est Summum Genus.

Sunt nonnulli qui in Actionis Prædicamento solas Actiones transeuntes ponunt, sed illi longissimè à vero absunt. Cerrum est enim, Actionem immanentem *Ens esse*, & in aliquo Prædicamento reponi: in nullo verò alio nisi in Actione collocari potest. Præterea, cum Actio verè prædicetur de Immanente, non minùs quàm de Transeunte, cur illam excludamus, non hæc? imò cum de utrisque univocè dicatur Actio, cumque sit idem univocus conceptus Actionis in utraque, cur non utriusque Genus verum & univocum esse fateamur? Pro certo igitur teneatur, *Actionem in Genere, quæ utramque tam immanentem quàm transeuntem complectitur, Genus esse summum hujus Prædicamenti.*

Actio non est Relatum secundum Esse.

Atque hinc consequitur, verum id esse quod alibi diximus, *Actionem quæ est summum Genus non esse Relatum secundum Esse, sed solum secundum Dici*. Si enim Relatum esset in sua naturâ & essentiâ, certè neque esset neque intelligi posset ulla Actio, sine Passione: At in Actione immanente passio nulla est, nec ullum patiens. Quid enim patitur in Actione videndi, aut intelligendi? Quæ de re rectissimè scripsit Aquin. part. 1. quest. 23. art. 2. *Dicendum est, inquit, quod Actiones in exteriorem materiam transeuntes, inferunt*

ex se passionem, ut Calefactio, & sectio, non autem actiones in agente manentes, ut sunt intelligere, & velle.

Describi potest Actio, quæ est summum Genus, in hunc modum. *Actio est accidens absolute, subjectivè in agente inherens, per quod subiectum formaliter dicitur agere, quocunque modo, vel actione immanente, vel transeunte.* In qua descriptione 4. particulæ notandæ sunt, quibus Actio ab omni alio ente secernitur. Prima est, quod sit *accidens absolute*, non igitur Relatum secundum Esse, nam nullum tale est absolute. Secunda, quod *inheret in agente*: Nullum enim accidens potest denominare illud subiectum cui non inheret; quum igitur Actio denominet subiectum agentis, erit subjectivè in ipso agente. Quando autem Arist. lib. 3. de Anim. c. 2. ait *Actionem & passionem non esse in agente, sed in eo quod patitur*, Actionem sumit pro ipso effectu actionis, & ut ipse se exponit, pro *agentis moventisque operatione*; non propriè, pro eo accidente, ex quo agentes dicimur. Tertia, quod per *Actionem subiectum dicitur formaliter esse agens vel agere.* Etenim per *Substantialem formam* etiam aliquid dicitur agere, ut homo per animam sensitivam sentit, & ignis per suam formam calefacit: Etiam per *artem* aliquis dicitur agere, ut architectus per artem ædificandi domum extruit. Etiam per *Instrumenta* aliquid agit, ut per calorem ignis calefacit, per ferrum ligna dividit opifex, per oculos homo videt; tamen ex nullo horum dicitur agens *formaliter esse agens*, sed solum per *actionem ipsam*; Ista igitur sic distinguuntur: aliquid agit *originaliter* per formam, *Habitualiter* per artem, *Instrumentaliter* per organa, *Formaliter* per *Actionem*. Quarta est, quod agens per actionem dicitur agere, vel *immanenter*, vel *transeunter*; ita Actio quæ est summum Genus utramq; Actionem comprehendit, nam *immanentem*, quàm *transeuntem*.

Ex his consequitur vitiosam esse illam Actionis definitionem, quam Porretanus tradit, quem vulgus interpretum sequitur: *Actio est secundum quàm in id quod subicitur agere dicimur.* Etenim hæc definitio soli *transeunti* convenit, non *immanenti*, cum in immanente nullus sit patiens, nec quod subiciatur, ut ille loquitur, actioni agentis. Sed neq; transeunti convenit, nisi candidè accipias illud *Secundum quàm*. Nam secundum formam, & secundum habitum, aut artem, & secundum instrumentum agere dicimur in patiens; addenda igitur est vox illa expressa à nobis *Formaliter*, quomodo secundum actionem solum agere dicimur.

Proprietates Actionis sequuntur. Duas ponit Arist. prior est *Actioni aliquid est contrarium*, ut calefactio frigefactio. Hoc autem convenit neq; omni Actioni, non enim visio; neq; soli Actioni, nam etiam Qualitati. Quare Communitas est veriùs quàm Proprietas. Utque intelligamus quænam Actiones contrarium habeant, & quæ non, tenenda est hæc regula. Cum omnis Actio proveniat vel à formâ, vel ab aliqua naturali potentia subiecti, vel ab alia Qualitate illius Subiecti, si illud unde Actio proveniat habeat contrarium, etiam ipsa Actio alicui contrariatur; ut Calefactio ex calore provenit, idè ei frigefactio contraria est, sicut calori frigus contrariatur: Sin illud unde Actio provenit, non habeat contrarium, neq; Actio ipsa ulli contrariatur.

Secunda est, *Actio suscipit magis ac minus.* Et hæc quoq; Communitas est, non Proprietas, nam neq; omni Actioni convenit, neq; soli: & explicanda est ut prior, quod nulla Actio per se suscipit magis aut minus, sed per accidens, gratia nimirum illius unde oritur.

Series Actionum, non potest commodius explicari quàm juxta ordinem potenciarum naturalium quæ fluunt ab essentia Specierum Substantiæ. Specierum, inquam, non summi. Generis, nam eius essentiam sequitur potius potentia patiendi quàm agendi. Et quod vulgò dicitur, *Actiones insequi formas*, id generaliter verum est, sumendo *formam* non *strictè* pro formâ Physicâ, sed *largiùs* ut comprehendit differentias spirituum quæ formis correspondent; nam ab illis ut à formis Physicis Actiones proveniunt. Actiones autem aliquando proveniunt à formis *immediatè*, ut cum Spiritus intelligit: aliquando *mediate* *potentiâ naturali*, ut cum animal videt aut sentit, *mediate* *potentiâ videndi, aut sentiendi*: aliquando *mediate* *non solum potentiâ naturali, sed aliâ qualitate*, ut cum ignis calefacit *mediate* calore, cum homo ædificat, *mediate* arte. Semper verò à forma (largè acceptâ) vel *immediatè* vel *mediate*.

mediate proveniunt Actiones : Quare juxta ordinem Specierum Substantiæ, commodissime describi potest Actionum Series. Nos exemplar solum hanc (ut facimus in Serie potenti-
arum naturalium) proponemus ; exactam verò & accuratam Seriem aliis describendam re-
linquimus. Actionesigitur sunt :

Series Actio-
nis.

Spiritus, intelligere sine Phantasmate recepto à sensu.

Corporis, implere locum, circumscribere aliud corpus.

Cali, illustrare sua luce orbem inferiorem, inque cum influere.

Elementi, agere in suum contrarium, &, si potest, corrumpere.

Ignis, calefacere simul & siccare.

Aëris, humectare simul & calefacere.

Aqua, frigidare simul & humectare.

Terra, frigidare simul & siccare.

Meteororum, citò evanescere propter imperfectam missionem.

Metallorum ac lapidum Actiones sunt, illarum virium exercitia quæ naturaliter illis tri-
butuntur, ut in Magnete attrahere ferrum, in Carbunculo lustrare mediis tenebris, in Electro
venena, si infundantur, detegere.

Viventis, vivere, (nam ipsa vita actio immanens est, ut docet *Arist.* lib. 9. *Metaph.*
cap. 9.) cibum attrahere, digerere, concoquere.

Plantarum tot Actiones sunt quot à diversis viribus Plantarum procedunt: aliæ cale-
faciunt ut *Absinthium*, *Malva*; aliæ refrigerant, ut *Cicuta*, *Solanum*; alia humectant, ut
Intubum, *Lactuca*; alia siccant, ut *Foeniculum*, *Anethum*, & similia.

Animalis, sentire quovis sensu, videre, audire, gustare, imaginari, appetere, averfari, a-
mare, odisse, irasci, timere, gaudere, tristari.

Brutorum diversæ sunt pro diversis speciebus, *Piscis* nat, *Avis* volat, *Serpens* reptit, *Bos*
mugit, *Leo* rugit, *Canis* latrat, *Equus* hinnit, & sic in reliquis.

Hominis, intelligere per phantasmata recepta à sensibus, ratiocinari, discere ac docere ar-
tes, ridere, flere, agere secundum virtutes tam morales quàm intellectuales, beate vivere atq;
felicem esse. Atque hanc de Actione finem facerem loquendi, nisi unum aut alterum dubium
videretur explicandum.

Dub.

Primum est de eo, quod posuimus Sensationem inter actiones: jam sensum esse passionem
vulgò asseritur, & ratio astipulari videtur, quia sensatio fit per receptionem specierum sen-
sibilium in organa.

Sol.

Sensatio est
actio.

Respondeo, Duo sunt in Visu & omni sensatione: unum est, receptio speciei in organum
seu sensorium; alterum est iudicium de hac specie recepta. Prius quidem est passio, nam
organum recipiendo speciem, pati non dubium est: Sed in hoc non est sita sensatio; nam fi-
eri potest ut quis apertis oculis recipiat speciem alicujus objecti, qui tamen non videat illud
objectum, quia animo aliis rebus vehementius intentus, sensus non iudicat nec discernit quid-
quam de illâ specie utrum objectum album sit aut nigrum. In iudicio autem, & in hoc
actu discernendi ac iudicandi hoc esse album non nigrum, posita est Sensatio; ut perspicue
docet *Arist.* 2. *Demonst.* c. ult. ubi vocat sensum, vim iudicativam: & ideo sensatio est
verè Actio immanens. Docet hoc *Aquin.* part. 1. quæst. 18. art. 3. & 1. *Secundæ*, quæst. 3. art.
2. Est, inquit, duplex actio, una quæ transit in exteriorem materiam, ut calefacere, secare;
alia quæ manet in agente, ut intelligere, sentire, velle. Quid clarius? Sentire, i. Sensationem
asserit esse Actionem, eamque immanentem. Quin & *Arist.* 9. *Metaph.* c. 9. hoc idem expresse
docet, Quorum, inquit, non est aliud opus præter Actionem, in ipsismet Actio est, ut visio in
vidente, speculatio in speculante, & vita in anima. Sic ille. Ne quis nuperum existimet quod
Sensatio inter actiones hanc recensatur. Est enim reverà formaliter Actio, originaliter solum
& antecedenter Passio, quia receptio speciei, quæ est Passio, sensationem antecedit.

Secundò dubitari potest de Intellectione, quam nos inter Actiones numeravimus, cum ta-
men *Arist.* lib. de *Anim.* cap. 4. docet Intelligere esse quoddam pati, ideoque intellectio
potius inter passiones censenda est.

Dicendum

Dicendum hic idem quod modo de Sensu, Intellectionem esse formaliter Actionem, id quod ex *Arist.* 9. *Metaph.* & Aquinate probatum est; originaliter verò tantum seu antecedenter Passionem, quia oritur ex Passione, nempe receptione specierum intelligibilium in mentem. Etenim non satis est ad intellectionem, recipere talem speciem, sed requiritur ut mens de illâ specie iudicium ferat, in quo actu iudicandi posita est essentia ipsa intellectionis. Quod ut clarius explicetur, dico ad intellectionem sicut ad visionem requiri quatuor: primum est *objectum*, ut Color: Secundum, *lumen*, ut conditio requisita ad objectum ut actu moveat visum: Tertium, *receptio speciei objecti* (sic illuminati) in organum videndi: Quartum, *Dijudicatio de objecto* per illam speciem recepto, quod tale sit, puta albedo; & in hoc quarto ponitur ipsa essentia visionis. Idem fit in intellectione; Primum, requiritur *objectum intelligibile* quod moveat intellectum; & hoc est phantasma seu species recepta in phantasiam: quamvis autem illa species sit tantum rei particularis pro ut à phantasia aut sensu apprehenditur, quia nullus sensus potest universalia percipere, tamen in eo particulari latent universalia, quæ sunt essentia & quidditates rerum singularium; & omnia hæc tam singularia quàm universalia in illis latentia, ex sese apta sunt movere intellectum; idcirco verè intelligibilia sunt & motiva intellectus. Secundo requiritur *lumen quoddam* ut conditio necessaria, quo phantasmata illa quæ adhuc solum sunt motiva in potentia, actu moveant intellectum, cum ad illa convertitur: & hoc lumen vocatur ab *Arist.* *Intellectus agens*, & lumini ab eodem aptissime comparatur, lib. 3. de *Anim.* cap. 5. quia sicut lumen colores qui erant potentia visibiles & motivi visus, actu visibiles facit & actu movere visum, ita intellectus agens facit phantasmata recepta in sensu, quæ erant solum potentia intelligibilia, & motiva intellectus, actu intelligibilia, & ita conspicua, ut actu moveant intellectum. Et sicut colores omnes per lumen videntur, ipsum autem lumen per seipsum solum videtur, & non per aliud; itidem per intellectum agentem, alia omnia intelliguntur, ipse vero ille intellectus agens, non per aliud quod magis est ipso conspicuum, sed per sese solum intelligitur, quoties intelligitur. Jam si queratur quid sit hic *intellectus agens*, Philosophi de hac re consulendi sunt. Ego ut paucis hoc obiter annotem, non dubito esse lumen illud primum, summum & æternum; & eum ipsum, qui se lucem vocat, quique illuminat omnem hominem venientem in hunc mundum. Neque aliud intellexit ipse *Arist.* Nam ut alia omittam, lib. 3. de *Anim.* cap. 6. dicit Intellectum agentem esse, quoad substantiam, actum seu operationem, & nihil aliud esse quam id quod est, id est, nihil præter suam puram ac simplicem essentiam, idcircoque esse *ex partem Passionis*, semper intelligentem, & solum esse *immortalem ac perpetuum*. Certum est autem, nihil esse præter *Deum Opti. Max.* de quo ista verè dici possunt: ille solus est sua operatio; aliis omnibus operationes accident, & essentia ipsorum superadduntur. Ille solus est id quod est, & nihil præterea, quia accidentia in eo nulla sunt aut esse possunt, idcircoque semper intelligit, cum sit sua ipsius intellectio; ille solus impassibilis, quia solus accidentis quod illi inferatur, capax non est; ille solus immortalis ac perpetuus, quia solus talis ut non possit mori aut non esse, cum sit ipsum esse; alia omnia talia sunt ut non repugnet ipsis non esse, & verè de omnibus dici potest, non fuisse: quod autem deinceps perpetuo sint, imo quod omnino sint, ab eo solo habent qui ex se est. *Intellectus igitur agens non est alius quàm Deus*, juxta *Arist.* Atque hoc non Zabara, solum docuit, quanquam illustravit magnopere: tenere hanc sententiam multi, itaque Doctores Canonici, ut testatur Cajet. com. in part. 1. q. 79. art. 4. Et quanquam Aquinas contrarium asserat, ratio tamen illa, quam ut objectionem ponit, tum *Quæ.* citat, tum in *Quæst. disp. de Spirit. Creat.* art. 10. tam evidens est, ut non facile dissolvi possit. Sed hæc satis multa, ad declarandum tum quod sit lumen necessarium ad intelligendum, tum quidnam illud lumen sit. Tercio requiritur, ut *Phantasmata sic illuminata moveant intellectum*, & imprimant in eo species intelligibiles: nam recipit quidem intellectus in se species, licet fortè easdem non reserve (magis quam oculus species visibiles) sed easdem, quando & quoties libitum est, à phantasia imprimi sinit, & vel in phantasia, vel in memoria, eas intueatur: Quarto requiritur *dijudicatio de his*

Sol.

Intellectio est Actio.

1.

2.

Intellectus Agens quid,

3.

4.

R

spe-

Speciebus receptis, ubi intellectus pronunciat hanc esse hominis, illam equi essentiam aut quidditatem; aut discurrendo colligit unum ex alio, ut hoc esse animal, quia est homo. Etsi autem quidditates omnes, & essentiae in phantasmate sic, ut diximus, ab intellectu agente illuminato videri possint ab intellectu cujusvis, tamen intellectus cujusvis non videt omnes illas quidditates, imò fortassis nullas, aut perpaucas earum; non propter defectum luminis, sed vel quia mens non convertit se ad illarum contemplationem: vel convertit quidem se, sed contenta est illas quidditates confuso modo intueri, non curans easdem distinctè in phantasmate illo videre: haud secus ac si quis claudat oculos, vel cum intueretur objectum aliquod visibile, contentus est illud confuso modo apprehendere, nec sollicitus est exiles quavis partes, lineas aut lineamenta illius objecti intueri, etiam si in clarissima luce positas, sic ut videre possit. Evenit etiam non raro ut intellectus videat illas essentias aut quidditates in phantasmate relucens, sed easdem esse hujus aut illius individui aut speciei quidditates, non videat; non propter luminis defectum, sed quia intellectus hanc esse hujus aut illius rei, puta leonis, equi, misti aut corporis quidditatem ignoret: haud secus ac infans, etsi recipiat in oculum speciem leonis, equi, albedinis aut nigredinis, non judicat tamen hoc esse leonem, illud equum, hoc albedinem, illud nigredinem, non quia lumen deest, sed quia quid sit illud quod vocatur leo, equus, albedo aut nigredo, nescit. Tanta est inter intellectionem ac visionem, inter colores & phantasmata, inter lumen & intellectum agentem affinitas & similitudo. Atque hinc jam facile perspicitur, quòd ut visio, ita Intellectio, etsi originaliter & respectu receptionis specierum sibi impressarum sit passio, quo sensu *Arist.* dixit intelligere esse quoddam pati, tamen formaliter & respectu judicii de specie recepta (in quo solo propriè loquendò consistit intellectio) est reverà Actio; Actio, inquam, immanens animi, ex cujus frequenti iteratione oriuntur habitus mentis, id est, facilitas quaedam in mente videndi in illo phantasmate has distinctas quidditates, & ex iis alia, discurrendo, colligendi.

Dub.

Tertiò dubitari potest, de eo quod Beatitudinem sive felicitatem inter Actiones censeamus, sicut & *Arist.* 1. Eth. cap. 7. definit eam, esse *Actionem animi secundum virtutem*. Merito inquam hic dubitatur; nam si actio sit genus felicitatis, certè cum non inest alicui actio secundum virtutem, neque inerit felicitas, quia sublarà essentia ac Genere tollitur Species: at quoties quis dormit aut cessat ab actionibus, non tum agit secundum virtutem; quare actio secundum virtutem non tum ei inest; amittitur ergo felicitas quoties quis somnum capit, aut vacat à rebus agendis: & ita maximè instabile bonum erit felicitas, quam esse constantissimam certum est.

Sol.
Felicitas an
sit Actio.

Respondeo, Beatitudinem verè *Actionem* esse, & ejus essentiam in Actione positam: Sed *Aristotelica Felicitas* neque est *Actio* secundum essentiam, neque vera felicitas. Umbra solum ille vidit felicitatis, rem ipsam nec vidit, nec per somnium quidem cogitavit. Dicamus primò de Aristotelicà. Possèt fortè ad argumentum responderi, ipsam dormitionem, & vacationem à rebus seriis, esse actionem secundum virtutem, quia prudentia ac recta ratio dormiendum esse temporibus opportunis, & vacandum à rebus agendis præscribit. Et hoc opinor sensit Aquin. primà secundæ quæst. 3. art. 2. ad quartum, ubi ait, *Felicitatem, ipsam cessationem* (puta cum dormit aut vacat omnino) *ad operationem secundum virtutem ordinare*. Sed ego aliter respondendum puto: Felicitatem nimirum Aristotelicam, non esse juxta essentiam, Actionem, aut operationem secundum virtutem. Cur igitur actionem esse dicit? Imò definit? Dico, non esse istam veram ac genuinam definitionem, sed solum descriptionem; & explicari in eà quæ ad felicitatem requiruntur, non quæ sit ejus essentia. Addo etiam felicitatem eam quam *Arist.* intellexit, non posse verè ac propriè definiri. Etenim eà non est ens unum & simplex, sed ens solum per aggregationem, tale nimirum quod sit cumulus bonorum diversi generis, animi, corporis, ac fortune, quorum ullum si desit, felix ex *Arist.* mente dici non potest. Nam felix virtutes morales aut omnino omnes, aut omnes quæ ipsius statui ac conditioni congruant, habere debet. Neque habitus solum virtutum inesse oportet, sed actiones etiam, sic ut quandoquæque occasio ei detur

detur secundum illam virtutem operandi; exercet illum habitum, agatque quod tunc est agendum: quod aperte significat *Arist.* lib. 1. *Eth.* cap. 5. ubi dicit, *eum qui virtutem habet, posse dormire* (i. non agere cum oportet,) *qui autem talis est, felix non est dicendus.* Adhuc etiam necesse est tum corporis, tum fortunæ bona, ut instrumenta sine quibus agere non potest secundum virtutem. Quomodo enim liberaliter agat sine divitiis? Quomodo felix erit, si adversâ fortunâ & summâ inopiâ laboret, aut si in Phalaridis tauro positus sit? Certe eum qui talem felicem vocat, *Arist.* cap. citato, ait paradoxa tueri. Est igitur Aristotelica felicitas *Eus, non unum, sed multiplex, & unum solum per aggregationem* ex diversis generibus bonorum conflatum. Jam enis per aggregationem, neque in ullo Prædicamento poni, neque definiri potest, cum non sit unum illius Genus sed multiplex, ut Virtutis habitus, Sanitatis potentia naturalis, Actionis secundum virtutem Actio, Divitiarum substantia. Hanc ego arbitror verè esse sententiam Aristotelis, tam de felicitate activâ, quam contemplativâ; ita ut si quis agat secundum virtutem moralem in vitâ perfectâ, (i. abundanti bonorum cumulo) is sit felix, felicitate morali; si secundum virtutem contemplativam agat in tali vitâ, tum felix est. Nihil enim in hac mortali vitâ optabilius cogitari potest quam operari secundum utramque virtutem, tum speculando omnia quæ vera sunt, tum agendo omnia quæ bona sunt.

Sed loquendo de vera felicitate, longe secus se res habet. Ea enim in hac vitâ obtineri non potest, quod etiam ratio ipsa manifeste persuadet. Etenim voluntas humana non est hujus aut illius boni, sed boni omnis: nec unquam appetitus, ac voluntas satiari aut quietari potest, donec objecto tali in quo sit omne bonum perfruiatur. Nam si ullum bonum desit, adhuc appetet illud, nec unquam quiescet, donec eo fruatur. Quare nec divitiæ, nec honor, nec voluptas, vel corporis vel animi, nec virtus, nec ullum omnino bonum, imò nec omnia simul, quæ in hac vitâ mortali contingere homini possunt, summum bonum aut felicitas censeri debent. Nam ut quis hisce omnibus fruatur, manet tamen desiderium majoris boni quàm sunt hæc omnia, nempe æternitatis, & æternæ fruitionis bonorum, sic ut privari sua delectatione & gaudio nunquam possit. Jam nullum omnino bonum æternum est, nisi solus Deus, qui est fons omnis boni; quare mens nunquam beata est aut esse potest, donec Deo fruatur; Quamprimum autem eo fruatur; beatissima est, nec quidquam amplius velle, appetere, aut desiderare potest. Ille enim non tam bonus est, quam ipsa bonitas; nec tam beatus, quam ipsa beatitudo; nec tam æternus, quam ipsa æternitas; in eoque sunt omnia omnino bona idque multo perfectiori ac eminentiori modo, quam in reulla alia vel esse possint vel cogitari; quia quæcunque bona in aliis ullis rebus sunt, finita sunt, & finito modo insunt; illius autem bonitas infinita est, & modo infinito inest. Cum igitur Deus summum bonum sit, certè, *fruitio Dei est fruitio summi boni & omnis boni, ideoque beatitudo*; nam fruitio omnis boni Beatitudo verè & proprie est. Fruitio autem Dei in duobus consistit, in *cognitione* ejus, & in *dilectione*; quarum ambarum individuus comes, & inseparabile adjunctum est *gaudium, delectatio, ac voluptas* animi summa ac sincera. Nam quanto magis cognoscimus Deum qui bonus est, tanto magis diligimus: & quia bonus est: Quanto vero magis eum diligimus, tanto majori gaudio & delectatione afficimur cum fruimur eo. Quoniam igitur in hac mortali vitâ Deum cognoscimus solum in umbra, ex parte solum, & imperfecte, ideo non nisi imperfecte & ex parte eum diligimus: & quia ex parte solum, & imperfecte tum cognoscimus, tum diligimus, ideo ex parte solum & imperfecte Deo fruimur, ac beati sumus; omniscue beatitudo quæ in hac vitâ contingere cuiquam potest, *imperfecta solum est, inchoata, & partialis.* Sed in futura vitâ, videbimus & cognoscemus Deum clarissime & perfectissime, omnemque illius bonitatem facie ad faciem inuebimur: Et quia perfecte, eum cognoscemus, perfecte eum amabimus, quia summè bonus est; Et amabimus ipsum propter se solum, quia ipsa bonitas ille est; & quia perpetuo & perfectissime tum videndo tum diligendo fruimur hoc bono, ideo perpetua & plenissima delectatione (cui nihil omnino decrit,) perfruemur. Ita verè

Beatitudo in plenâ visione & dilectione Dei consistit, quam necessariâ & inseparabiliter comitatur plenissima & omnibus numeris perfectissima delectatio ac gaudium. Hæc autem omnia visio seu cognitio Dei, dilectio seu amor Dei, delectatio seu gaudium in fruendo Deo, tam quoad cognitionem, quam quoad dilectionem, actiones sunt; sed actiones, non quales Arist. somniavit, secundum virtutem ullam moralem aut intellectualem, sed *actiones immanentes & æternum permanentes*, quæ sine omni interruptione erunt æternæ animorum beatorum actiones. Verum de his Theologi consulendi: Mihi animus fuit hæc pauca ex eorum sacratissimis (cum borâ ipsorum veniâ) fontibus delibâsse. Ac de Prædicamento *Actionis* hæc dicta sunt. Nam quæ de affectionibus animi, quæ *passiones & perturbationes* vocantur, dicenda videbantur, ea in cap. de Qualitate, & tertiâ illius Specie declarata sunt.

CAP. XV.

De Passione.

Actionis Prædicamentum sequitur *Passio*; de quâ itidem tria explicanda; *Quid sit*, Quæ ejus *Proprietates*, Quæ *Series*. Nam de acceptionibus variis hujus vocis, satis dictum est in cap. de Qual. cum de Patibili Qualitate & *Passione* ageremus.

Passio quid.

Passio, est accidens absolutum, quod est effectus *Actionis* ex quo subjectum pati dicitur, vel esse patiens: ut ex calefactione passivâ, aqua calefieri dicitur; ex motu, subjectum moveri. Nam ut est calefactio *activa* quâ ignis agit & calefacit, ita est calefactio *passiva* quâ aqua patitur & calefit; & ut est *Motio* & actio moventis quâ motor movet, ita est *Motus* & passio quâ mobile movetur.

Hinc sex sunt observanda: Primum est, *Nullam esse Passionem sine Actione præcedente vel comitante*; nam effectus sine causa esse non potest, *Passio* autem est effectus *Actionis*.

Actio & Passio non sunt Relata secundum Esse.

Secundum est, *Actionem & Passionem non posse inter Relata secundum Esse recenseri*; nam cum unum sit causâ alterius, unum semper est naturâ prius altero, tempore autem sæpe simul sunt. Relata verò secundum Esse, non solum tempore sed naturâ sunt simul.

Actio & Passio non sunt idem natura.

Tertium, *Actio & Passio non sunt, nec esse possunt unum re, id est, naturâ atque essentiâ*: nam nihil est seipso prius naturâ; at Actio est naturâ prior *Passione*. Quod si alicubi videatur Arist. dicere eadem esse, ut cum ait 3. de Anim. cap. 2. *Actionem, Passionem, & Motum esse in patiente, non in agente*, id vel intelligendum est de Actione & *Passione* prout sumuntur pro effectu *Actionis & Passionis*; vel dicendum est, eadem esse non naturâ atque essentiâ, sed *subjecto*, quia sæpissime sunt in eodem subjecto; nam in omni motu naturali & *Motio activa*, & *Motus* qui est passio, in eodem subjecto sunt; quia in eodem corpore est & principium movens, quæ est forma, & id quod movetur, nempe corpus ipsum, vel compositum quod motione illâ movetur.

Actio quo modo sit causa Passionis.

Quartum, *Cum dicitur Passionem esse effectum Actionis, illud de immediato & proximo effectu, non de remoto & mediato intelligendum est*. Ignis calefacit aquam, & agit in eam: per istam Actionem ignis causatur & efficitur calor in aquâ; sed efficitur mediâtè, mediante nimirum passione aquæ, quæ dicitur calefactio passiva. Effectus proximus actionis seu calefactionis activæ, est ipsa calefactio passiva, per quam recipitur in aquam calor, & hic effectus proximus est *passio*; Effectus verò remotus est calor qui non est passio, sed qualitas quæ per actionem quidem producitur, sed remotè, per *Passionem* verò immediâtè & proximè.

Quintum

Quintum est, *Motum & omnes illius Species in hoc Serie & Prædicamento ponendum esse.* Id hinc liquet, quia sicut movere est Agere, ita moveri est Pati, ideoque sicut motio est Actio, ita motus est Passio. Præterea, cum Motus accidens sit, proculdubio in aliquo accidentium Prædicamento locandus est, cum Ens omne ad aliquam Classem pertineat. In nullo autem alio ponitur aut poni potest Motus nisi in Passione: nam neque Quantitas est, neque Relatio, neque Qualitas. Siquis dicat Motum in nullo Prædicamento per se & directe reponi, sed reductivè solum, reduci autem ad illud Prædicamentum in quo ejus termini sunt; ut motus ad Quantitatem, in Quantitate reductivè ponitur; Motus ad Qualitatem, in Qualitate; Motus ad Ubi, in Prædicamento Ubi: Hoc non satisfacit argumento allato. Nam Motus verè univocum est, & univocè ac secundum unum & eundem univocum conceptum ac rationem de omni motu prædicatur; omnes enim species Motus in essentiâ Motus conveniunt; quare necesse est ipsum Motum in genere, esse verum & univocum omnium Motuum genus, ideoque directe in aliquo Prædicamento locari, nam omnia genera & species eis subjectæ directe in Prædicamento ponuntur. Quare cum Motus in nullo alio directe poni possit, fatendum est, Motum esse directe in hac Serie, ut veram speciem Passionis, verumque Genus suarum omnium Specierum. Atque hoc non obscure indicat Arist. qui cap. de Passione, recenset inter Passiones hujus Prædicamenti, calefieri & frigesieri: quæ duo motus esse, & proprie dictas alterationes, nemo nescit. Quare etsi motus respectu terminorum suorum, dici possit ad alia Prædicamenta reduci, aut pertinere, tamen respectu suæ naturæ ac essentiæ in nullo alio quàm in hoc Passio- nis reponi potest.

Sextum est, *Omnis receptio novæ formæ quæ per actionem alterius in subjectum intro-* *Receptio for-*
ducitur, est Passio, & ad hanc Seriem spectat. Receptio autem hujusmodi fit cum in- *ma absoluta*
troducitur forma aliqua vel Substantialis, ut in Generatione, in quâ materia prima, *est Passio.*
quam corpus recipit novam formam; ideoque tam ipsa, quam corpus (non autem id quod generatur,) pati dicitur: vel Quantitatis, ut in Augmentatione ac Diminutione; vel Qualitatis ut in Alteratione; vel ubi, ut in Motu locali, & si qua sint similia. Relationes autem non recipiuntur in subjectum per actionem aliquam in ipsum, sed aliis modis, ut antea cap. de Relatis diximus. Huc spectat quod habet Aquin. Part. 1. q. 79. art. 2. Pati, inquit, tripliciter dicitur; Primò, Propriissime, quando aliquid remouetur ab aliquo quod ei secundum naturam aut naturalem inclinationem convenit: Sic patitur aqua cum calefit, homo cum ægrotat. Secundò, Minus propriè, cum aliquid remouetur à subjecto, siue sit ei secundum naturam conveniens, siue non: Sic pati dicitur homo cum sanatur, aqua cum frigescit. Tertiò, Communiter aliquid pati dicitur ex hoc solo, quod recipit illud actu ad quod prius erat solum in potentiâ, absque hoc quod aliquid adjiciatur. Sic intellectus dicitur pati recipiendo species. Quod idem fere repetit 1. secundæ, q. 22. art. 1. ubi docet communiter illud dici pati, quodcumque aliquam formam (puta absolutam) in se recipit; quo sensu omne recipere est Pati, siue subjectum recipiat, id quo perficiatur, siue illud quo corrumpatur, & hoc modo Aërem dicit pati, cum illuminatur à Sole. Hæc si observentur, facilius multo, quæ, & quam multa Entia in hoc Prædicamento reponenda sunt, intelligetur.

Proprietates Passionis duas ponit Arist. easdemque quæ Actioni tribuuntur. Primam Passionis Pro-
quod aliquid sit Passioni contrarium; ut calefactio passiva, frige-factioni passivæ: Secun- *prietates,*
dam quod Passio suscipiat magis aut minus; ut una aqua calefit magis quàm alia. Ambæ autem hæ Proprietates, ita explicandæ sunt ut in Actione: Sunt enim verius Communitates quàm Proprietates, quia neque omni conveniunt, neque soli Passioni.

Series posset variis modis tradi, sicut varix sunt Passionis distinctiones, vel sic: aliæ Passiones sint perfectivæ, ut sanum fieri; aliæ corruptivæ, ut cum aqua calefit: vel sic, aliæ dicantur Passiones corporales quibus corpora, aliæ spirituales quibus spiritus patiuntur: vel sic, aliæ Passiones sint per receptionem Substantiæ, ut Generatio; aliæ per receptionem vel Quantitatis, ut Augmentatio; vel Qualitatis, ut Alteratio; vel Loci,

ut Motus localis. Sed mihi nullo modo tam commodè explicari posse videtur hæc *Series*, quam percurrendo Genera ac Species Substantiarum omnium, quæ singulis Passiones conveniant declarare. Exemplar solum hic ponemus, nam prolixior & accurata hujus & aliorum omnium *Series* querenda est in tractatione eorum quæ ad Metaphysicam & Physicam pertinent.

*Series Passio-
nis.*

Passiones igitur hæc sunt :

Substantiæ in Genere, recipere accidentia quibus substat, moveri vel violento, vel naturali motu : moveri vel in loco definitivo vel circumscriptivo.

Spiritus, moveri in loco definitivo tantum, illuminari, aut recipere objecti speciem per quam intelligat.

Corporis in Genere, dividi secundum longitudinem, latitudinem & profunditatem, moveri in loco circumscriptivo.

Cæli, moveri circulariter constanti motu & immutabili.

Corporis corruptibilis, recipere qualitates corrumpentes, iisdemque alterari.

Elementi, moveri unico simplici ac recto motu per sese & primario.

Ignis & Aeris, frigesieri.

Aque & Terra, caleheri.

Corporis mixti in Genere, moveri ad motum elementi prædominantis.

Meteororum, pati ab iis qualitatibus quæ ipsis contrariæ sunt.

Mixti perfecti, putrificari, aut pati dissolutionem temperaturæ per actionem contrariarum qualitarum.

Lapidum ac Metallorum, tundi, secari, frangi, & similia.

Viventis in Genere, moveri motu Accretionis ac Diminutionis.

Plantarum, arborum dico & herbarum, pati à contrariis qualitatibus, quibus vis earum retundatur & temperetur.

Animalis, recipere objecta sensuum omnium tam externorum quam internorum, moveri motu progressivo, alterari ex passionibus iræ, odii, & similibus.

Brutorum, pati à contrariis qualitatibus iis quæ ipsis insunt, & ab eisdem ad corruptionem perducere.

Hominis, recipere objecta intelligibilia à phantasiâ impressa.

Quoniam autem *Motum* ad hoc Prædicamentum spectare declaravi, necessarium arbitror, de Motu nonnulla hic atterere, quia illius cognitio & valde obscura est, ac difficultatibus plurimis implicata, & tamen planè ad omnem Philosophiæ partem apprimè necessaria. Agamus verò primum de *Motu in Genere*, tum de ejus *Speciebus*. *Motum in Genere* sic definire licet.

Motus quid.

Motus est mutatio, vel instantanea, vel successiva, quâ subjectum recedit à termino à quo, & accedit ad terminum ad quem. Tria igitur sunt in omni Motu, quæ si rectè teneas, non erit cur à Motu metuas : *Subjectum* cui inest ; *Termini duo*, *A quo & ad quem*, & ab hoc Motus semper nomen suum capit ; & *Mensura* seu duratio Motus.

Hic vero memineris Motum à nobis *large sensu* sumi, prout comprehendit omnem mutationem, sive instantanea sit, sive successiva : & sic complectitur tam mutationem illam quæ est ad *Substantiam*, quam illas quæ sunt ad *Quantitatem*, *Qualitatem*, & *ubi*. Atque hoc eodem *large sensu* *Motus* nomen accipit *Arist.* in Postprædicamentis, cap. de Motu. Quod si stricte accipias, continet solum Motus successivos ; Nos hic *large sensu* accipimus.

Species Motus sequuntur ; Eæ sex sunt, quatum dux sunt *instantanea*, nempe *Generatio*, & *Corruptio*, quæ sunt ad *Substantiam*, aut à Substantiâ : quatuor reliquæ sunt *successivæ*, quarum dux sunt ad *Quantitatem*, *Augmentatio* ac *Diminutio* ; una ad *Qualitatem*, *Alteratio* ; & una ad *ubi*, nempe *Motus localis*. Sex esse Motus large accepti Species, & non plures, docet *Arist.* lib. 3. *Phys.* cap. 1. Id, inquit, quod mutatur aut in Substantiâ, aut

in

in Qualitate, aut in Quantitate, aut in ubi semper mutatur: & iterum ibidem, ac clarius, Quare neque Motus, neque mutatio cuiusquam præter ea quæ diximus, erit; & in Postprædicamentis cap. de Motu, ubi sic ait, *Motus Species sunt sex, & eas quas dixi enumerat.*

At Arist. 3. Phys. cap. 1. disertè ait *Tot esse Species Motus siue Mutationis, quot sunt Species Entis.* Jam cum sint decem distinctæ Species Entis, ut ex denario Prædicamentorum numero liquet, erunt etiam decem Species Motus largè accepti, siue mutationis

Dub.

Respondeo, verba illa Arist. sic accipienda esse, Tot sunt Species Motus, quot sunt Species Entis ad quas est Motus. Nam Motus à Terminis suis nomen accipit. Quare, licet sint simpliciter plures Species Entis, quàm Substantia, Quantitas, Qualitas, & Ubi; tamen quia ad hæc sola, & non ad reliqua terminatur Motus, idcirco ad alia præter hæc non dicitur esse Motus.

Sol.

Quod si dicas ex Relationibus, Actionibus, Passionibus, Quando, Situ, & Habitu, Mutationes fieri in subjectis, & subjecta per ista mutari; ut cum quis ex non patre, fit pater; ex orfoso, agens; ex non patiente, patiens; ex non ocreato, ocreatus; idcirco & istas Mutationes seu Motus largè nuncupandas esse.

Rep.

Respondeo, ex istis omnibus quidem subjecta mutari quando insint, sed neque Motus, neque mutatio ad ullum eorum terminatur, nec est ad illud ut ad terminum Mutationis: sed quædam eorum consequuntur ex Motu, ut ex Generatione passivâ consequitur filiatio; ex Alteratione factâ per albedinem consequitur similitudo ad alia omnia alba, dissimilitudo ad omnia nigra; Sic ex inductione Quantitatis ullius oritur Situs: ex Motu locali, quo induuntur ocreæ, consequitur ocreatum esse; ex generatione, seu productione ullius rei, consequitur ejus Quando. Alia non consequuntur quidem Motum, sed præcedunt, & causant Motum, ut Actio; nam cum Motus sit Passio, ab Actione causari eum necesse est; quare si ad ipsam Actionem esset Motus, ita ut Motus terminaretur ad Actionem, tum ante istam Actionem esset Passio, nempe Motus quo introducitur ista Actio; & quia istam Passionem alia Actio præcedit, & illa Actio Motum priorem terminabit, & sic in infinitum; atque ita nec esset ulla Actio, vel Passio, vel Motus. Quæ eadem ratione demonstratur Passionem non posse esse terminum Motus: nam si ad hunc Motum, puta D. esset prior Motus, puta C. itidem esset ad Motum C. prior alius motus, puta B. & ad B. adhuc prior alius, puta A. & ita in infinitum. Has aut alias similes rationes, ex quibus probatur ad Relationem, Actionem, Passionem, & reliqua Motum non esse, videre potes apud Arist. lib. 5. Physic. cap. 2. Ex quibus omnibus concludo necessario concedendum esse quod Arist. statuit, Motum seu mutationem non esse ad ullum Prædicamentum nisi vel Substantiam, vel ad Quantitatem, vel ad Qualitatem, vel ad Ubi: atque ita sex esse Motus seu mutationis Species, neque plures neque pauciores. Eas nunc paucis percurramus; & primo agamus de Instantaneis: Quæ sunt Generatio, & Corruptio.

Sol.

Generatio, est mutatio, per quam materia prima & Corpus in communi, in instanti mutantur à non esse substantiali, ad esse substantiale; id est, à privatione hujus formæ introducendæ, ad habendum illam formam.

Corruptio, est mutatio, per quam materia prima & Corpus in communi, mutatur ab esse substantiale ad non esse substantiale; id est, ab habendo hanc formam quæ jam inest, quid. ad privationem, seu carentiam illius formæ.

Vides hic in utrisque illa tria quæ observanda dixi in omni Motu: Subjectum in utrisque remotissimum est, materia prima, propinquum (si non proximum) est corpus in communi: Nam subjectum in omni mutatione, est id quod mutatur; id autem mutatur, quod remanet sub utroque termino illius mutationis, sic ut prius subjiciatur termino à quo, post termino ad quem. Jam certum est quod tam materia prima, quam Corpus illud in communi, (cum sint æterna) manent sub utroque termino illarum mutationum: Hæc igitur utraq; tam Generationis quàm Corruptionis subjecta sunt: sed Corpus propinquum, (& fortassis proximum) materia prima remotum. Et hoc liquido docet Arist. lib. 1. de Gen.

Subjectum Generationis & Corruptionis.

Gen. & Cor. cap. 4. ubi sic ait, *Materia tum maxime, tum proprie, ejus generis, (scilicet Generationis, & Corruptionis) subiectum habetur, ut ortum & interitum ferre possit.*

Discrimen inter Generationem & Creationem. Atque hinc liquidò perspicias verum discrimen inter *Creationem & Generationem*: nam in omni Generatione est semper præexistens Corpus, & materia, ex qua tanquam ex parte essentiali genitum fit, quæque caruerat formâ introducenda, & in quam per Generationem introducitur. At in Creatione nihil omnino: neque corpus, neque materia ulla prima præexistit ex qua id creatur, vel sit aut fieri potest: nulla omnino quâ vel caruit, forma in creaturam introducenda, vel in quam forma per Creationem introducitur, sed quod creatur, ex nihilo fit. Et quando Deus in principio mundum creavit, eodem instanti quo formas introduxit in materiam, creavit ipsam materiam in quam introductæ sunt.

Termini Generationis & Corruptionis. *Terminus à quo*, in Generatione est privatio seu absentia formæ introducendæ, seu non esse compositi generandi. *Terminus ad quem*, est ipsa forma introducta, vel compositum, quod tum generatur; utrumvis rectè dicas. Idem *Terminus à quo* in Corruptione, est forma quæ fuerat in composito, vel compositum ipsum quod tum corrumpitur, (utrumvis rectè dicas,) & *Terminus ad quem*, est privatio vel carentia illius formæ, seu non esse illius compositi. Ut quando ex aëre corrupto generatur aqua, corruptionis *terminus à quo* est aër, vel forma aëris: *terminus ad quem*, est Non esse aëris, vel privatio formæ aëris. *Terminus autem à quo* illius Generationis, est non esse aquæ, vel privatio formæ aquæ: *terminus ad quem*, est aqua vel forma aquæ. Docet hoc clarè Arist. lib. 5. Phys. cap. 1. ubi ait, Generationis, itemque Corruptionis terminos esse contradictorios, scilicet esse & non esse: & iterum ubi ait, *Ea mutatio quæ per contradictionem est è non subiecto ad subiectum, est Generatio*: Ea verò, quæ ad non subiectum est à subiecto, corruptio est. Quamvis ergo vulgo & vere dicatur (quo etiam loquendi genere utitur Arist. lib. 1. de Genes. & Cor. ca. 4.) aquam ex aëre generari, tamen in illâ & similibus loquutionibus, illud *Ex*, non notat terminum à quo Generatio incipit, sed notat solum illud corpus quod immediatè in materiâ geniti præexistebat. Aërem enim non posse esse terminum Generationis à quo liquet, quia est terminus à quo Corruptionis conjunctæ, & impossibile est, ut idem sit terminus Generationis aquæ, & Corruptionis aëris: deinde aer & aqua non sunt termini Contradictorii, at termini duo Generationis debent esse Contradictorii, ut sæpe & verissimè docet Arist.

Mensura Generationis & Corruptionis. Mensura, seu duratio utriusque harum mutationum, est *Instantis*, non *tempus*, Docet hoc Arist. 6. Phys. ca. 5. & ratione etiam solidâ ac evidenti probat. Nam cum aqua generatur ex aëre, si forma aquæ non introducatur in Instanti, tum nondum adhuc est aqua: at necesse est tum cum incipit generari aquam esse, quia Generatio erat à non esse ad esse, & inter non esse ac esse (cum contradictoria sint) nullum potest esse medium. Quare in eo Instanti quo corpus corruptum desinit esse aer, est aqua: Idem quamprimum aer incipit corrumpi est non aer, quia Corruptio est ab esse ad non esse.

Hoc etiam ulterius observandum; Generationem & Corruptionem non solum fieri in Instanti, sed quoties ex uno corrupto aliud generatur, ut ex aëre aqua, ambæ istæ mutationes, tam Generatio quam Corruptio, sunt in uno eodemque Instanti: In divisis enim Instantibus fieri non possunt: utrum enim in duobus proximis & immediatis Instantibus, an mediatis, & remotis? In proximis fieri dici nullo modo potest: quia certissimum est, *Instantis non esse Instanti immediatum*, sicut nec est punctum puncto, sed ut ait Arist. 6. Phys. ca. 1. *inter omnia duo puncta est linea, & inter omnia duo instantia est tempus*. Immediatis dici etiam non potest, nam tum sequeretur esse aliquod tempus, in quo in illo corpore simplici nec inisset forma vel aeris, vel aquæ; argue ita existeret corpus aliquod simplex & elementare, quod nec esset ignis, nec aer, nec aqua, nec terra: quod quia est impossibile, agnoscendum est, non modo aerem in Instanti corrumpi, & aquam in instanti generari, sed etiam aquam generari ex aëre, in illo ipso Instanti quo aer corrumpitur,

pitur, non in alio ullo, neque mediato, neq; immediato, atque hoc pro certo & indubitato tenendum est.

Dubitare hic primò poteris de subiecto harum Mutationum. Nam subiectum debet denominari ab eo accidente quod ei inest. Jam certum est nec Materiam, nec corpus dici vel generari, vel corrumpi, nam illa utraque æterna sunt, & manent tam in genito quam in corrupto. Quæ autem generantur & corrumpuntur sunt composita, tam ex Materia & Corpore, quam ex forma; ut ignis, vivens homo, canis; quare Composita hæc specialia videntur esse subiecta harum mutationum, non autem vel Materia prima, vel Corpus.

Respondeo juxta illam vulgarem distinctionem, quam tamen non undique probo, nisi commodè intelligatur. Subiectum est duplex, *Denominativum tantum, & Inhesionis simul ac Denominativum*. Composita ista specialia, ut ignis, vivens & similia, dici possunt subiecta Denominativum tantum Generationis & Corruptionis, quia illa solum per hæc denominativa (Generatum & Corruptum) denominantur; sed ista sunt Denominativa non quoad rem, sed quoad vocem tantum à Generatione & Corruptione. Talia vero composita specialia, nec sunt nec esse dici possunt *Subiecta Inhesionis* istarum mutationum, quia istis compositis corruptio non inhaeret: nam quando corrumpuntur, tum non sunt, sed interierunt, & sunt non entia. Non ens vere subiectum inhesionis ullius, dici non potest. Et quia non sunt Corruptionis subiecta inhesionis, ideo neque sunt Generationis. Idem enim est utriusque subiectum inhesionis. Sed verum subiectum inhesionis tam Generationis quam Corruptionis est, ut dixi, Materia prima, & Corpus in communi: hæc enim sola in Generatione & Corruptione mutantur, ut ex Arist. declaravi. Sunt etiam hæc verè *Subiecta Denominativum tantum*, harum mutationum, si apta Denominativa accipiantur. Nam *Denominativum* res, licet non voce, à Generatione est hoc, sic mutari, ut jam recipiat hanc formam quam ante non habuit; & à Corruptione est hoc, non habere jam in se hanc formam quam antea habuit: & per hæc Denominativa, à Generatione & Corruptione denominantur Materia prima, & Corpus in communi, non autem composita illa specialia quæ generantur, & corrumpuntur.

Dubitare te secundo faciat id, quod vulgo dicitur, quodque ab Arist. disertè asseritur, lib. 1. de Gen. & Cor. c. 3. *Generatio unius est Corruptio alterius, & contra*: nulla enim Species de sua contradiçtória Specie dici potest: cum igitur de Generatione Corruptio, & de Corruptione Generatio dicatur, Species diversæ Motus aut Mutationis esse non possunt.

Respondeo, illud dictum non esse formaliter accipiendum, neque ut prædicationem formalem, sed solum ut prædicationem per concomitantiam, quo solo sensu vera est, & nullo alio: idemque sonat, ac si dicas Generationem unius concomitari Corruptionem alterius, & contra: quomodo dici potest, elationem unius scæle esse depressionem alterius, & occasum solis apud nos esse ortum ejus apud Antipodas. Sed nec sic quidem ne per concomitantiam vera est generaliter, nisi commodè intelligas. In quam multis evenit ut unum generetur, & nihil tamen jam tum, aut immediate ante corrumpatur? vel ut unum corrumpatur, & nihil tamen jam tum generetur? Cum generatur homo ex animali, forma animalis (quæ est anima sensitiva) non corrumpitur adventu animæ rationalis, sed perficitur: sic cum ex vivente, generatur animal, forma viventis (quæ est anima vegetativa) non corrumpitur. Contrà, cum corrumpitur vivens, puta planta, brutum, aut homo, non generatur aliquod novum mixtum, nec ulla nova forma introducitur, sed corpus illud mixtum, puta caro, ossa, & similia, quod per adventum animæ vegetantis factum erat vivens, & per adventum animæ rationalis factum erat homo, ad interitum vegetativæ, & separationem rationalis, desinit esse homo et vivens: spoliatur tantum his formis, quibus ante vestitum erat & ornatum: utque homo spoliatus vestibus atque armillis nudus quidem remanet, sed manet tamen idem homo qui ante fuerat, nec indiget ullo novo ornatu ut fiat homo: itidem in mixto corpore (quod vitæ velut veste ornatum est) non accedit ulla nova forma quâ fiat, ut dicatur inanimatum mixtum, satis ad hoc

Dub.

Sol.

Dub.

Sol.

est ut anima spoliatur. Privationem utraque hæc notant, & carentiam; illud animarum, hoc vestium, sed positionem novæ formæ non important. Sic igitur intellige illud ab Arist. loco citato universaliter enunciatum dogma, *Omnis Generatio unius est Corruptio Alterius*, & contra; est scilicet vel *immediate*, ut quum ex aëre generatur aqua; vel *mediate* ut in antedictis exemplis: nam licet tum cum generatur homo ex animali, vel animal ex vivente, nihil *immediate* corrumpatur, tamen cum vivens generabatur, corrumpebatur semen; & licet cum animal corrumpitur, nihil tum *immediate* generetur, tamen cum carnes & ossa (quæ viventis primò fuerunt, postea cadaveris) cum illa inquam, corrumpuntur, generantur ex iis vermes aut alia (prout contingit) corpora.

Dub.

Tertiò dubites de *Mensura* earum mutationum, an ea instans sit, ut ante posui, & an in *eodem instanti* quo unum corrumpitur, aliud generetur; videtur enim impossibile, ut in illo eodem instanti quo aër corrumpitur, aqua ex eo generetur; nam tum essent in illo simplici corpore duæ oppositæ formæ: nam cum aër corrumpitur, tum est, quod enim non est, non potest corrumpi; quare cum aër sit in eo instanti quo corrumpitur, sequitur etiam formam aëris tunc esse in illo corpore. Idem dico de forma aquæ: nam quando aqua generatur, tum illius forma existit, aliter aqua generetur antequam sua forma esset: quare in illo ipso instanti in quo corrumpitur aër, & aqua ex eo generatur, sequitur in illo uno simplici corpore, esse & formam aquæ, & formam aëris: ex quo rursus sequitur illud unum, idemque numero corpus esse tam aquam quam aërem.

Sol.

Respondeo, hoc nullo modo sequi. Nam illud quod pro fundamento sumitur falsum est, nempe vel aërem, vel formam aëris tunc esse, quando aër corrumpitur: neutrum tunc existit, sed utraque interierunt. Et quando obijcitur, illud quod non est, non posse corrumpi: dico, illud quod non est antequam corrumpitur, non posse corrumpi, sed illud quod ante quidem fuerat, tum vero cum corrumpitur non est, illud potest vere dici corrumpi, imò aliter dici non potest. Nam, ut alibi monui, Substantiæ omnes, item omnes substantiales formæ quæ oriuntur & intereunt, incipiunt *per primum sui esse*, sic ut de eis tum dicas, Jam sunt, nec ante hoc instans fuerunt: desinunt verò non per ultimum sui esse, sic ut dicas, Jam sunt, & postea non erunt; sed *per primum sui non esse*, sic ut de iis tum dicas, Jam non sunt, & immediate ante hoc instans fuerunt. Sed de mutationibus instantaneis hæc satis multa.

Motus propriè dictus quid.

Sequitur nunc *Mutatio successiva*, quæ *propriè Motus* vocatur, & quoties deinceps sine additione *Motum* nomino, hunc *successivum*, & non alium volo. Posset autem *Motus* facile ac breviter definiri, *Motus est mutatio successiva, ad Quantitatem, Qualitatem, aut ubi.* Sed quia mihi magnopere in votis est Aristoreli, si possum, lucem adferre, videamus an illam *Motus* definitionem quam ipse tradit, quæque infinitos interpretes torset, illustrare possimus. Sic ille *morum* definit 3. *Physico. 1. Motus est actus entis in potentia, quatenus est in potentia*: quod paulo post repetens, ait, *Motus est actus ejus quod est potentia, cum actu est*. Sensus hic est, mobile seu subjectum cui inest *Motus*, partim habet actu illam formam, ad quam fit *Motus*, partim habet eandem in potentia: nam habet eam *inchoativè* seu inchoatam, non habet *perfectè* seu complete indutam: respectu inchoatæ formæ, *Motus* dicitur esse *actus*, & subjectum dicitur esse in *actu* quoad illam formam: respectu formæ nondum completæ, sed adhuc complendæ, *Motus* dicitur esse *potentia*, & subjectum esse in *potentia* quoad illam formam; & utraque hæc in *Motu* plane necessaria sunt. Nam si mobile non habeat actu formam, ne inchoatam quidem, nondum est in *Motu*; si habeat formam complete, tum non est in potentia ad illam formam, quia *Motus* ad eam jam finitus est: quamdiu ergo *Motus* est, subjectum, & habet actu formam *quoad inchoationem*, & habet eandem in potentia *quoad complementum*. *Motus* enim quamdiu existit, est semper *in fieri*, nunquam autem *in facto*.

Liquet

Liquet nunc in hac Arist. definitione, & subiectum Motus declarari, nempe ipsum mobile, quod manet unum idemque sub utroque termino: & terminum Motus, ad quem, nempe formam introductam in mobile: & mensuram, seu durationem motus, quod fit cum successione, non in instanti. Nam si forma illa in instanti (quod est indivisibile) per Motum introduceretur, non posset subiectum esse, & in actu respectu illius formæ, & in potentia: ideo pars una præterito tempore introducta est, & pars altera futuro tempore introducenda est. Atque hoc Arist. expresse docet lib. 6. Phys. cap. 4. Omnis, inquit, Motus est in tempore: & lib. 3. cap. 1. ubi ait, Motum esse continuum: & iterum lib. 6. c. 3. ubi ait, Nihil in ipso nunc, seu Instanti movetur. In quo Motum proprie dictum differre vides à moribus illis large sic appellatis, Generatione & Corruptione, de quibus ante dictum est, quamvis etiam aliis nullis modis differant. Nam id quod movetur proprie, manet idem sub utroque termino Motus: sed id quod generatur & corrumpitur, non manet sub utroque termino: & id quod movetur, antequam movetur, est: id quod generatur, non est antequam generatur: quod intellexit Arist. lib. 5. Phys. cap. 1. ubi ait, Impossibile esse ut Generatio sit Motus (proprie dictus) quia id quod haud est, generatur.

Dictum est hæcenus de Motu in genere, sequuntur nunc Species Motus. Ex quatuor sunt, ut ante monui, duæ ad Quantitatem, *Augmentatio* nempe & *Diminutio*: una ad Qualitatem, *Alteratio*: una ad Ubi, nempe *Motus localis*. Hoc diserte tradit Arist. 5. Phys. cap. 2. ubi sic ait, Restat in Quantitate, Qualitate, & Ubi, solummodo Motum esse.

At non videtur vel ad Quantitatem vel ubi, esse ullus motus: nam Arist. 5. Phys. cap. 8. ex eo probat Motum non esse ad Substantiam, quia Substantiæ nihil est contrarium: quæ ratio si valet, sequitur neque ad Quantitatem, neque ad Ubi posse esse Motum, quia nihil illis est contrarium.

Dnd.

Sol.

Respondeo Arist. Phys. 5. cap. 2. sumere Contrarium pro eo quod non est contradictorium, non autem pro eo quod adverse alicui opponitur. Nam termini Generationis & Corruptionis sunt contradictorii, *Esse*, scilicet, & *non esse*, & ita unus eorum est semper *non ens*: at in Motu proprie dicto, ambo termini debent esse entia & positivi termini, quorum unum positive opponitur alteri, licet non adversentur inter se. Jam licet in Quantitate & Ubi, termini non adversentur (nam adverse opposita in Quantitate & Ubi nulla sunt) tamen ambo sunt vere entia & positiva, & inter se opponuntur, licet non adverse. Sufficit autem ad Motum, si termini sint positivi & oppositi, licet non sint adversi: nam ab albedine ad rubedinem, aut à viriditate ad rubedinem, est vere Motus, & tamen nullum eorum adversatur alteri, sed verè opponitur. At termini in Generatione & Corruptione non opponuntur, ut termini positivi, sed unus eorum semper est *non ens*, & ideo ad Substantiam negat Arist. esse Motum, quia semper in Motu requiritur ut ambo termini Motus sint positivi. Restat nunc ut singulas species Motus breviter percurramus.

Augmentatio est Motus, quæ subiectum seu id quod augetur, mutatur successive à minori quantitate ad maiorem.

Augmentatio quid.

Diminutio est Motus, quæ subiectum seu id quod diminuitur, mutatur successive à maiori quantitate in minorem.

Diminutio quid.

Est autem tam *Augmentatio*, quam *Diminutio* duplex: *Augmentatio improprie dicta*, quæ est quando alicui subiecto maior quantitas sic additur, ut id quod additur, continuetur illi toti, cui fit additio, licet non recipiatur intus in singulas illius partes; ut cum aquæ additur alia aqua. *Diminutio improprie dicta* est quando pars aliqua quæ continua fuerat toti, tollitur à toto, licet à singulis ipsius partibus non detrahatur; ut cum aquæ demas tertiam illius aut quartam partem.

Tres conditiones in Augmentatione proprie dictæ.

Augmentatio vero & Diminutio proprie dictæ invenitur tantummodo in viventibus, & ad hanc augmentationem tres hæc conditiones necessario requiruntur. Primæ, ut vivens fiat majus

propter

propter alimentum intrinsecus receptum, & conversum in substantiam alicui. Secunda, ut non modò totum fiat majus, sed etiam singulæ ipsius partes tam similes (ut caro & ossa) quam dissimiles (ut caput, manus, & pedes) nam singulis partibus fit additio alimenti primò concocti in stomacho, & ibi mutati in chylum; tum in jecore conversi in sanguinem; postremo à jecore per venas dilati in singula membra, & ibi per poros recepti in minutissimas quasque partes, ac tum carni ac ossibus assimilati, agglutinati, & continuati. Tertia, ut id quod augetur maneat idem numero quod fuerat; nam animal per totam vitam manet idem numero, habetque eandem animam numero tam vegetantem, quam sentientem, licet particulae quamp plurimæ materiæ, quotidie & sensim defluant, & cum materia, partes etiam quædam animæ tam vegetantis quam sentientis, quia illæ cum materiæ immerse sunt, una cum materia defluunt; sed manent quædam principales partes materiæ per totam vitam, ut cor & ossa, & eadem numero anima tam vegetativa, quam sensitiva, quæ in novas partes materiæ à corde extenditur. Hæc paucis, & obscurius hic significavi, fusiùs enim de his agere ad Physiologiam spectat. Tres verò illæ Augmentationis propriæ dictæ conditiones expresse ab *Arist.* traduntur lib. 1. de Gen. & Cor. cap. 5.

Dubia tam multa hic de Augmentatione occurrunt, eaq; tam difficilia, ut Pomponatius, qui duos integros libros de Augmentatione conscripsit, in quibus diligentissime de Accretione disseruit, palam confessus sit, neminem mortalium esse, qui possit asserere in hujus rei intelligentiâ sibi esse satisfactum. Ego unicum hic proponam, quo, ut opinor, bene intellecto, in reliquis labor facilius multo futurus est. Illud mensuram respicit, & durationem, in qua Augmentatio fieri solet. Certum est, non modò in Augmentatione, sed in omni nutritione, quantitatem majorem addi rei alicui, & auctæ: nam cum alimentum, quod quantum est, assimilatur agglutinatur, & continuatur sive nutrito, sive aucto, necesse est Augmentationem tum fieri, sit enim corpus alitum & auctum majus quam fuerat, antequam alimentum illud agglutinatum erat. Jam certum est nutritionem non fieri vel priùs vel posterius quam alimentum fiat pars alicui: pars non est, nec esse potest illius, priusquam forma alicui, scilicet anima vegetans, informet alimentum susceptum, tunc enim incipit id quod ante alimentum fuerat, esse vivum, & pars viventis. At forma viventis introducit in alimentum in instanti, quia omnis Generatio fit in instanti: & quando alimentum assimilatur, & agglutinatur viventi, tum generatur pars nova viventis, quæ ex alimento corrupto fit vivens. At quæprimum alimentum suscipit formam alicui, additur nova quantitas, & corpus alitum fit majus quàm ante fuerat, tunc enim nova Quantitas ei additur & continuatur; quare Augmentationem fieri in instanti necesse est, & ita motus hic non erit successivus, sed instantaneus.

Erit hic locus, ubi ingenia sua exerceant, qui in his studiis operam & oleum impendant, quid mihi videretur paucis indicabo. Augmentatio in vivente accipitur vel propriè vel improprie. *Proprie* vivens augetur quando corpus alitum recipit majorem quantitatem quàm fuit deperdita, ut fit in adolescente, ideòque is crescit donec ad perfectam staturam perveniat. *Improprie* vivens augeri dicitur, quando alitum recipit majorem quantitatem quàm habuerat ante alimenti agglutinationem, licet non majorem quàm habuerat antequam perdidit illam quantitatem quæ per nutritionem restituitur. Jam extra dubium est, Augmentationem illam quæ corpus pueri aut adolescentis quod augetur quotidie, fit majus, donec ad perfectam staturam & magnitudinem perveniat, fieri in tempore & successivè; nam postquam alimentum conversum est in tale corpus alitum, extenditur corpus in longum & latum, idq; fit postquam alimentum factum est pars alicui; tunc enim calor naturalis resolvit paulatim corpus, & poros implet, atque ita extendit corpus, una parte aliam trudente, ex quo fit ut corpus tum longius fiat, tum crassius in pueris & juvenibus: atque istam Augmentationem in tempore, & successivè fieri non dubitamus. Sed cum corpus nutritur solummodo non autè augetur, ut fit in viro ac senè, & ut fit etiam in pueris & juvenibus ante istam quæ agglutinationem alimenti sequitur auctorem, tum (inquam) est additio

novæ quantitatis alito, quæ, etsi non faciat alitum majus quam fuerat ante deperditionem materiæ quæ defluxit, verè tamen facit majus quam fuerat antequam nutrimentum hoc additum, & agglutinatum fuit; ideo hæc etiam verè Augmentatio viventis dicenda est, licet non sic vulgò vocetur, quia augeri corpus vulgò tum solum dicimus, quando majus aut longius fit quàm unquam fuerat: & quia hæc additio, agglutinatio, & continuatio alimenti fit per accessum animæ in id quod prius fuerat alimentum, sed corruptâ jam formâ alimenti, sit pars corporis, & informatur formâ aliti, ideoque est verè generatio novæ partis aliti; & quia forma non accedit alicui, neque quidquam informat nisi in instanti, sicut nulla generatio rei ullius est nisi instantanea, ideo ego planè sentio, quantitatem istam addi in instanti, & Augmentationem istam fieri in instanti, sicut solidè in objectione probatur. Ad dubitationem autem ita dico, quantitatem talem esse, ut ex se se non nisi tempore & successive addatur, adeoque omnem omnino Augmentationem tam eam quæ proprie viventis Augmentatio dicitur, quam eam quæ fit in omni nutritione, ex se se successivam esse, & in tempore fieri profiteor. Sed per concomitantiam Generationis, cui individuo nexu nutritio semper conjuncta est, fit additio novæ ac majoris quantitatis (quæ verè est Augmentatio) in instanti. Breviter in hunc modum, Augmentatio (ut omnis alius motus) ex se fit in tempore & successive, sed ex accidenti, & propter Concomitantiam Generationis, Augmentatio hæc quæ nutritioni semper conjuncta est (quod idem forte in aliis Moribus fieri solet) fit in instanti.

Et sicut eadem de Diminutione dubitatio fieri potest, ita eadem solutio adhiberi debet. Nam certum est vivens non diminui nisi cum corporis aliquæ partes, & cum eis quantitas, defluant: corpus autem nullam partem amittit, nisi quando anima viventis vel recedit vel interit; at anima nec recedit nec interit nisi in instanti; nunquam igitur diminuitur corpus nisi in instanti; diminutio autem fit in instanti propter Concomitantiam Corruptionis, sed ex se, ut omnis alius Motus, fit in tempore.

Hoc est quod mihi post multam lectionem, post longam ac seriam meditationem occurrebat, quo dubitationi propositæ satisficeret, & credo certè satisfactam esse. Ipse in hoc ut maxime probabili lubens acquiesco: te Lector, si quid rectius novisti hac in re, obnixè rogo ut impertias; & sine quæso, te hic exorem.

Motus ad Qualitatem vocatur *Alteratio*; ea sic definitur. *Alteratio est Motus, quo subiectum successive mutatur ab una qualitate in aliam.* Ut ab albo in nigrum. Vides hic & subiectum hujus motus, & duos terminos, & mensuram. Etsi autem per acquisitionem cujusvis Qualitatis, sive habitus sit, sive figura, subiectum dici potest alterari in largo sensu, tamen propriè dicta Alteratio solum est inter sensibiles Qualitates, & præcipue inter eas quæ sunt activæ & passivæ; ut sunt Calor, frigus, humidum & siccum. Hoc indicat Arist. 7. Phys. cap. 3. ubi negat Alterationem (puta propriè acceptam) esse vel in figuris, vel in habitibus animi.

Alteratio quid

Ultima Species Motus est ad *ubi*, & vocatur *Motus localis*: is sic definitur: *Locatio est Motus quo subiectum aliquod mutatur successive ab uno loco ad alium:* Ut à loco sursum, ad locum deorsum. Subiectum hujus Motus est vel Corpus vel Spiritus: utrumque enim localiter movetur. Terminus à quo, est locus ille sive definitivus, sive circumscriptivus qui describitur à mobili: Terminus ad quem, est ille qui acquiritur à mobili: Mensura vero omnis Motus localis est Tempus, & hoc Arist. expresse docet lib. 6. Phys. cap. 3 ubi ait, *Nihil in ipso nunc moveri*: & iterum, *fieri non potest ut quidquam in ipso nunc moveatur.* Et sicut negat quidquam posse moveri, itidem negat ibidem quidquam posse quiescere in instanti. Nam quiescere illud dicitur quod non movetur quando est aptum moveri: nihil autem aptum est moveri in instanti, nihil igitur in instanti quiescit. Verum quidem est, quod in instanti res cessat à Motu, & non movetur: sed quiescere plus requirit quàm negationem Motus, nempe aptitudinem tum movendi quando quiescit.

Locatio quid.

Ex eo quod dixi, Mensuram omnis Motus localis esse Tempus, duo consequuntur: Primum est, *Omnem Motum localem esse continuum*, nam aliter non posset successive fieri aut in tempore. Quare longissime à vero aberrat Tho. Aquin. qui dixit part. 1. Quæst. 53. Art. 2. & art. 3. Et post eum Pet. de Aquila in 2. sent. dist. 2. quæst. 3. & alii, *Angeli Motum posse esse non continuum*: & *Angelum posse moveri in tempore non continuo*. Certissimum est enim neque ullum Tempus, neque ullum Motum posse esse discretum, utraq; continua sunt.

Secundum est, non modò nullum Corpus, sed *ne Angelos quidem posse moveri in instanti*, sicut aliquos opinatos esse testatur Aquin. quæst. eadem art. 3. Docet hoc & probat liquidò Bonavent. in lib. 1. sent. dist. 37. nu. 58, 59. etiam & ratio idem confirmat. Nam si Angelus Londino Romam in instanti moveretur, esset, in illo uno instanti, & Romæ & in omnibus illis locis, quæ media sunt inter Romam & Londinum: nam si prius sit in ullo medio loco, quàm in extremo, tum esset prius & posterius in instanti, quod fingi non potest: ut autem simul sit in pluribus locis, est penitus impossibile, cum Angelus sit ex natura sua, sicut omnia entia finita, *definitur de loco*: quod autem loco definitur, ita est hic, ut simul alibi esse non possit. Quod si quis dicat, Angelum posse moveri ab uno extremo ad aliud extremum, nec tamen moveri aut transire per medium (quod ipsum sensit Aquin. part. 1. qu. 53. art. 2. & post eum Petr. de Aquila loc. cit. aliique) tam futile est ut ne cogitatione quidem comprehendi possit, & ut verè ait Bonavent. loc. cit. q. 2. nu. 54. *ratio hoc non capit ut possibile*: quare & ipse rejicit eam sententiã, quã Angelum moveri sine medio asseritur. Sed Aquinas in hoc multisque aliis ingenio suo nimium indulget.

Dub.

Sol.

Dubitari merito potest de Cælo; nam moveri orbis cœlestes certum est, nec tamen unquam deserunt locum, aut superficiem illam concavam continentis in quo sunt: deniq; suprema sphaera juxta Arist. movetur, & tamen non est in ullo loco, nec ergo recedere potest à termino à quo, nec accedere ad terminum ad quem. Respondeo, cœlestes sphaeras cum moventur localiter, non deserere unquam *totaliter* loca sua in quibus sunt, sed deserunt hanc aut illam partem loci & superficiem concavam in qua continentur. Satis est autem ad motum localem, si mobile relinquat locum in quo fuit vel *totaliter*, vel *secundum partem*. Ad illud de summo cœlo, dico, id quod verè est summum cœlum, quodque à Theologis Empyreum vocatur, non omnino moveri, licet mobile sit; sed etsi actu moveretur, ut summum cœlum Arist. putavit esse primum mobile, solutio non est difficilis juxta illam Damasceni distinctionem, quam ponit lib. 2. de fide, cap. 17. Nam etsi non sit in loco circumscriptivo *corporali*, est tamen in loco circumscriptivo *intelligibili*: sic ut intelligere possis corpus circumscribens ipsum atque ambiens, & satis est ad motum illius localem, si moveatur à termino & ad terminum loci *intelligibilis*, licet non *corporalis*.

Atque hæc satis multa de Motu, quæ in Tyronum gratiam huc intextenda censui, ut sicut in aliis obscuris Philosophiæ partibus, ita in hac de Motu lucem aliquem si possem asferrem. Certè enim spinosa multa in Motu; cujus tractationem tam arduam ac difficilem opinabantur majores nostri, ut, me adolescente, Mr. Randallus, grandævus tum senex, sed nec supra modum, nec improprie doctus, valde destomachari solitus sit, si quem forte qui candidatus non esset, vel nominare Motum in Scholis audisset.

Hæc de Passionis Prædicamento dicta sint.

CAP.

CAP. XVI. De Ubi.

Sequitur ubi, de quo iridem tria explicanda, Quid sit, Quæ ejus Proprietates, Quæ

Series.

ubi est accidens absolutum, ortum ex applicatione locati ad locum, per quod respondetur ad questionem factam per ubi, aut per quares dicitur esse alicubi: ut ubi docuit Aristoteles? In Lyceo, celeberrimo Gymnasio juxta Athenas, ubi inambulantes disputabant: unde Peripatetici dicti. Cic. lib. 1. Acad. ubi Plato? In Academia, loco nemoroso mille passus ab Athenis distante.

Hinc observat Primus, ubi non esse Relatum secundum Esse. Nam si haberet Correlationem, illud proculdubio æque esse summum Genus atq; est ipsum ubi, quia nec superius esset, nec inferius quam ubi. Atq; ita essent plura Prædicamenta quam decem. Præterea nullum Correlatum videtur esse aliud ejus quam locatum: at id subiectum est ubi, non Correlatum, quare ad id non magis refertur ubi quam pater ad hominem.

Secundo, ubi non est locus, nec idem natura cum loco: Nam ubi oritur ex loco: & locus est Quantitas, nempe superficies, ideoque sub genere alio positus: at ubi sub alio Genere (cum sit summum Genus) poni non potest.

Tertio, Omne ens finitum habet suum ubi, & alicubi esse dicitur: Omne inquam, tam Substantia, quæ per se habet ubi, quam Accidens quod per accidens & gratia Substantia habet ubi: & Substantia tam incorporea, qualis est Spiritus, quam corporea, qualis est Corpus, suum habet ubi. De utroque enim queri potest ubi sit? de utroque verè responderi potest, esse in hoc vel illo loco: id vero est esse in ubi. Atque hinc perspicuum est, vitiosam esse illam Gil. Porretani descriptionem, cum definit ubi, esse circumscriptionem corporis locati a circumscriptione loci procedentem. Nam illa descriptio convenit tantummodo ubi corporum, non Spirituum: nec omnium etiam Corporum ubi convenit, non enim summo cælo. At certum est ubi tam Spiritibus, & summo cælo, quam aliis Corporibus competere.

Ut hoc plenius intelligatur, observandum est tria hæc inter se differre, Esse in loco definitive: Esse definitive tantum, non circumscriptive, & esse definitive ac circumscriptive. Definitive simpliciter & communiter illud dicitur esse in loco quod loco determinatur & definitur, id est, quod ita est in hoc loco, ut simul extra hunc non sit usquam, vel non sit in ullo alio loco. Nam egregie profecto Sophistam agit Bellar. lib. 3. de Sac. Euch. cap. 4. §. Altero, quando ut persuadeat, Corpus unum non solum posse esse simul in pluribus locis, sed etiam definitive posse esse in illis simul, ait, Definitive esse in loco, requirere nihil aliud, quam ita esse in aliquo loco, ut in illo loco sit, & non in majori. Manca enim est hæc descriptio: cum definitive esse in loco, sit loco illo in quo inest finiri; non autem finiri aut definitur, si totum extra hunc locum sit, aut in alio loco simul. Docet hoc Magister, qui lib. 1. Sent. distinct. 37. lit. I. dicit, Spiritum ideo esse in loco definitive, quoniam cum alicubi sit præsens, totus alicubi non invenitur. Docet idem Aquin. qui part. 1. quæst. 52. art. 2. ait, Angelum esse definitive in loco, quia ita est in uno loco, ut non sit in alio. Docet hoc Cajet. Com. in illam quæst. art. 1. ubi sic ait, Præsentia rei existentis in loco est duplex, circumscriptiva & definitiva. Definitiva importat tantum limitationem seu determinationem ad locum, id est, ita esse hic quod non sit alibi.

Definitive tantum & non circumscriptive esse in loco, est definiri loco in quo est, Esse in loco ita ut totum alibi non sit, non tamen circumscribi superficie locantis. Ubi Spiritus sit in hac definitive domo, non circumscribitur superficie domus, sed ita finitur illo spatio ut nusquam alibi sit tantum quidam

Circum

ubi quid.

ubi non est
Relatum se-
cundum Esse.

ubi non est
locus.

Omne Ens fi-
nitum est in
loco.

Esse in loco
definitive
quid.

*Esse in loco
circumscripti-
vè quid.*

Circumscriptivè simul ac definitivè illud dicitur esse in loco, quod ita finitur loco in quo existit, ut simul etiam superficies ejus contigua sit superficier corporis locantis. Sic homo est in aëre, piscis in aqua, sphaera inferior in superiori.

*Deus nullo
modo est in
loco.*

His declaratis facile intelligitur, Primò, quod *Quicquid est in loco ullo, id est definitivè in loco.* Nam si non definitur ullo loco, certè nec est in loco ullo. Quare pro certissimo habendum est, Deum, qui nullo loco definitur, nec definiri potest, non esse ullo modo proprie in loco. Excedit enim illius essentia omnem locum: & quamvis verum sit, eum esse ubique, & in omni loco, non tamen est ubique ut comprehensus seu contentus in loco, sed ut comprehendens & continens omnem locum. Secundo, quod *Quicquid est circumscriptivè in loco, illud etiam est definitivè in illo loco, sed non contra.* Nam Spiritus est definitivè in loco, non autem circumscriptivè, quia quod circumscribitur habet superficiem exteriorem contiguam, & circumambientem suam superficiem. Spiritus autem superficiem nullam habet, ideoque circumambiri non potest. Quicquid verò circumscribitur loco, ita continetur & definitur in eo loco, ut simul alibi nec sit, nec esse possit. Tertio, quod *Esse in loco definitivè, est quasi Genus ad esse in loco definitivè tantum, & esse in loco definitivè simul ac circumscriptivè.*

*Substantia est
definitivè in
loco omni.*

Quod si quaeratur quonam pacto Substantiae sint in loco aut ubi, etsi hoc ad Metaphysicos & Physicos spectet, non ad Logicos, paucis tamen id significabo. *Substantia in Genere convenit esse per se in loco definitivè seu definiri loco.* Atq; hoc plane fluit à natura atq; essentia Substantiae quæ est summum Genus: nam quia ejus natura finita est, & non in infinitum extensa, ideo loco finitur & terminatur.

*Spiritus est in
loco definiti-
vè tantum.*

Spiritui omni quæ spiritus est, convenit esse in loco definitivè tantum, sic ut nec circumscribatur, nec circumscribi loco possit: ratio aperta est, quia non habet superficiem quæ possit ambiri ab alia superficie sibi contiguâ. Et ita esse in loco, fluit à natura & essentia Spiritus.

Non possum quin te hic admoneam Lector, illius vere infamis Libri, quem *De descensu Christi ad inferos*, conscripsit Rob. Parkerus. Is ut sacrosanctum illum fidei nostræ articulum convellat, Christique animam non fuisse localiter in Inferno tueri posset, negat animas separatas itemq; Angelos, vel moveri localiter, vel agere, vel pati quidquam, vel omnino in loco, verò ac reali ullo esse.

Dic primum de loco: *Locus*, inquit, *Animarum, nisi Metaphysicus & intelligibilis, nullus est;* lib. 2. nu. 60. Sed quis aut qualis iste locus? an verus, realis, & proprie dictus locus? Non, *Angelos*, inquit, & *Animas in loco proprie non esse, contendimus: cum locus proprius corporeus sit, & modus existendi in loco proprio, modus corporeus: modus autem ille (quo spiritus sunt in loco) non nisi mysticè & spiritualiter, addo etiam figuratè intelligitur* lib. 2. nu. 61. Et postquam hæc, multaque similia citasset, atque approbasset, *Dicere entia beata nusquam esse non est inconveniens: sic concludit, Conficitur hinc, neq; Animam neq; Angelum, vel in ullo loco esse, vel in ubi.* lib. 2. nu. 70. Et iterum, ibidem, *Patefcit jam tandem apertissime, quod in nullo loco separata hominum Anima esse possunt.*

Dic nunc an moveri possunt? Non possunt, *Spiritus*, inquit, *hominum defunctorum localiter moveri nullo modo posse, supra demonstratum est.* lib. 4. nu. 54. Dic ulterius an agere possunt? Nè id quidem. *Abundè probatum est, Animam solutam agere non posse, præsertim à extrâ. Hoc est verissimè.* lib. 4. nu. 45. An verò pati etiam non possunt? Nec id quidem. Et hoc ineptò ac futili quodam Tertulliani dicto, lib. de Anim. cap. 7. (cui ipse applaudit) probat. lib. 2. nu. 91. *Incorporalitas nihil patitur, nec habet quod pati possit; ab omni genere custodia libera est, immunis à pœna, & à fovea (i. solatio.)* Malè Tertullianus, qui ex hoc, quod Anima in loco sit, & patiatur, ideo corpoream eam esse contendit; pessimè Parkerus, qui ex hoc, quod Anima non sit corporea, ideo nec pati eam, nec in loco omnino esse concludit.

Cor Philosophi, Anima, & Angelus, nec agit quidquam, nec patitur, nec movetur in

in loco, nec omnino in loco ullo est; Psychopannuchiam opinor inducet. Dormitare Animas vult alium somnum, & hoc (quod magis mireris) nusquam, in nullo loco, in Utopia; Sic etiam illi, & Outis, nomen; Talis solus Utopiae hospes.

Sed fortassis circumscriptivum solum eis locum negat; imò etiam definitivum, & verè omnem locum; nam definitivum locum, rider homo argutus, & pro figmento habet: *Non me movere*, inquit, *numera illa distinctio, quæ affirmatur nil nisi corpus circumscriptivè in loco esse, animam tamen posse locari definitivè.* Ausim dicere, huius acuminis nihil cognitum fuisse ante Scholasticorum tempora. Antiqui nullum locum Physicum (id est, verum ac realem) statuerunt nisi corporeum, lib. 2. num. 64. Et postquam citasset Cajetanum, & Scaligerum, dicentes, Animas esse in loco æquivocè, horum, inquit, æquivoca Anima illocalitas, univoca est nostra illocalitas, lib. 2. nu. 66. & clarius lib. eodem nu. 60. ubi hoc recitat, probatque: Dicunt aliqui, quod Angelus non est in loco circumscriptivè, sed definitivè, quia determinatur ad locum aliquem, sic quod est in hoc loco, ita ut non sit in alio, cum essentia ejus finita est. Sed hæc, inquit, valde rudis est probatio: quia procedit ex æquivocatione finis. Quia essentia Angeli est finita, id est, habet finem essentie & virtutis, sed non est finita, sic ut habeat commensurationem seu proportionem cum loco aut terminis loci. Quare probatio valde rudis est eorum, qui ex eo probare volunt Animam separatam in loco esse, quia in essentia finita sit. Et postquam ineptas quasdam contra locum definitivum ratiunculas attulisset, sic insultabundus triumphum canit, *Quò nunc abiis hæc localitas definitiva? certè in fumum, & in teneras auras*, lib. 2. nu. 66.

Ac ut cum ratione insanire videatur, rationibus & auctoritatibus firmare videri vult hanc suam de Animarum, atque Angelorum illocalitate, & immobilitate ineptiam. Boetii verba hic citat, lib. 2. nu. 63. (an verè citer tu videbis) *Incorporalia in loco non esse.* Anselmum etiam (ibidem) sic arguentem, (si fides sit, referenti) Deum, *ideo illocalem esse, quia est incorporeus.* Sed & Aristotelem (ibidem) patronum jactat, sic dicentem, (tu cave hic credulus sic) *Non omne quod est, in loco est, sed tantum mobile corpus.* Ex his (vel malè citatis, vel malè intellectis) concludit, Animas & Angelos quia corporea non sunt, nec in loco ullo esse: etiam & gloriari audeat, *Nullis unquam machinis deicienda est ista Proclæ Demonstratio, Quicquid est mobile, est divibile*, lib. 2. num. 100.

At tuam hæc de Animarum immobilitate, & illocalitate sententiam, S. Scripturæ clarè, ut opinor, refellunt: nam impiorum Animas detrudunt in infernum, quasi in locum corporeum. Imò, inquit ille, hæc me non refellunt, quia infernum respectu Animarum, locale & Physicum (i. verum) nullum est; lib. 2. nu. 70. figuratè illa omnia dicuntur quæ de loco Animarum habentur; ibidem. Nec infernus locus est in centro terræ, aut sub terræ superficie, lib. 2. nu. 71. Delirium hoc est, & Hieronimus i suis delirii auctor, quod Animæ damnatorum sunt in inferno, quasi in loco intra terram corporeæ; Ante Hieronimi aetatem, sententiam illam publicè receptam non invenio, lib. 2. nu. 81. Imò patres, qui Infernum sub terrâ statuerunt, de Antipodum regione loquuntur, non de aliquo intra terram recessu, lib. 2. nu. 74.

Sed dic amabo, an non cum Animæ impiorum migrant à Corpore ad Infernum, an non verè tum, realiter, ac localiter descendunt? Non sanè. Descensus, inquit, eorum ad Infernum non est localis descensus, nec in locale Infernum, lib. 2. nu. 99. Quid igitur est? dic clarè. Descensus ad Infernos, est planè figuratus, & notat descensionem in ipsam mortis conditionem: & magis alio quocumq; modo descendere Anima ad Infernum potest, li. 2. nu. 99. & 100. Mori, & descendere in Infernum, Synonima sunt; Descendere ad Infernos, & mori, idem sunt, lib. eodem, nu. 99.

At, cum tam boni ac beati, quam mali ac miseri, cum utrique subeant mortis conditionem, & moriantur, an tu utrosque ad Infernum descendere dices? Dicam certe, & fidenter; Unus est utriusque Hades, utrique in Infernum descendunt. Dicere piarum Animas & in morte ascendere, & (in Infernum) etiam descendere, non sunt contraria: Imò nihil est in his repugnantie, lib. 2. nu. 98. Nostra sententia est, in Haden omnibus hominibus

hominum Animabus communem, Christi animam descendisse, lib. 3. nu. 16. & iterum ibidem, *Lex hac in Animas omnium hominum incumbit, ut maneant in Hade atque Inferno, quousque resurgant. In hunc Haden descendit anima Servatoris. Ecce Sanctorum omnium Animæ (quæ sine omni dubio Paradisum incolunt, & cælum) illæ, inquam, ipsæ quæ in cælum ascendunt, huic arguto homini descendunt in Infernum: in Infernum etiam impiis omnibus commune, ibique commoraturi sunt quoad resurgant Corpora.*

Dic vero ad extremum, quandoquidem Christi Animam fuisse in Paradiso non audeas inficiari, an non Paradisus ille vere Hades & Infernum tibi est? Est certe, nam primo sic ait, *Christi Anima in suo inferno remansit quoad revixit*, lib. 3. nu. 25. post addit, nu. 28. *Animam Christi in Paradiso duntaxat fuisse.* Quomodo utrumque verum? Animam Christi in Paradiso tantum fuisse, & tamen fuisse in suo Inferno, ibique toto illo tri-duo remansisse, nisi quia Hades seu Infernum idem apud eum sit quod Paradisus? quod ipsum aperte proficitur, lib. 3. num. 28. *In Paradiso, inquit, quæ est Hades, & Terra beatorum omnium spirituum.*

Portenta opinionum! quid est, si hoc non sit, cælum terræ miscere, cælum in terram, Infernum in Paradisum vestere? Quis non hic exclamet,

O nugæ hominum! O quantum est in rebus inane?

Quis leget hæc? —

Nec tamen hæc quæ citavi, millesima pars sum earum sordium quibus est illud Parkeri volumen oppletum; vere Augeræ stabulum est, quod Hercules ipse non expurgeret, nec quisquam alius nisi Vulcanus. Tu, mi Lector, si forte apud eum, aut similiter ineptientes, in hæc incideris, noli titubare animo, aut hæsitare de fide eorum, quæ tibi fide optimâ commendavi, de loco definitivo, de existentia, Actione, Passione, Motu locali tam Angelorum, quam Animarum in tali loco, quænam verum, reale, & si vis etiam Physicum, i. e. naturæ ipsorum aptum & convenientem recte vocare poteris. Quo diligentius hæc nostra pensabis, videbis magis, amabis magis, puram putam quam inde haurire poteris doctrinam. Istorum autem qui contra blaterant nœnias atque ineptias, si semel noveris, perpetuo oderis. Audi enim pauca, sed vera verba, (quæ tibi olim usui erunt) de hoc, cujus tot jam audisti ineptias, Parkeri. Fuit ille, me adolescente, vir & doctrina celebris, & propter morum gravitatem simul ac suavitatem insignis; quem juniores nos, propter ingenii acumen, & orationis flumen conspiciere soliti & suspicere. Certe enim, dum in Ecclesiæ gremio se continuit, ex limpidissimis florentissimæ Academicæ fontibus, multum aquæ viventis, & ad vitam salientis, multum nectaris, & ambrosiæ hauerat, quæ illum, si bonis suis bene uti voluisset, poterant & facere, & servare beatum. Postquam verò, ingenii sui typho elatus ac inflatus, intumescere cepit, & contra sanctissimam hanc Ecclesiam, primò eristas attollere, tum verò palam etiam disciplinam suæ matris, (quod verat Sapiens) vili pendere, & aperto demum Marte, calamum, imò stylum in eam stringere, & nefarium ei bellum inferre; res ejus ex illo fluere, ac retrò sublapsum referri, & quasi de cælo tactus deliquium doctrinæ simul ac ingenii passus est; evanuit illi statim, inque fumum abiit omnis sana quam prius imbiberat doctrina, in errorum, imò hæresin barathrum se præcipitem dedit, & aurum omne ingenii sui in scoriam, vinum in venenum vertit. Quodque solenne Schismaticorum ingeniiis, omnibusque qui in Ecclesiam sanctam immorigeri sunt ac rebelles, pro Philosophiæ institutis nœnias, ac germanas gerras; pro Theologiæ ac fidei dogmatibus, foedissimas hæreses, & horrendas blasphemias, quæ nihil aliud quam Atheismo viam sternunt, disseminare in vulgus, & palam vendicare non est veritus; nec erubuit quidem.

Sine te hinc uno verbo moneam, Adolescens Academicæ; Cave unquam sis Narcissus ingenio tuo; ne si te forte deamare ac admirari incipias, cœcus iste & improbus amor (quod non nemini contigisse vidimus) ex amante amentem faciat. Sapiens, sed juxta Apostoli monitum

nitum, ad sobrietatem, & modestiam sapito; ita sapiens ad veritatem, sapiens ad unitatem, sapiens ad eum qui unus, unitas est & veritas, Deum. Sed redeamus ad id unde digressi sumus: nam quibus locus definitivus convenit, satis, uti spero, nunc intelligitur.

Corpori omni quod Corpus est, convenit ita esse in loco definitive ut possit simul esse in loco circumscriptive. Possit, inquam; nam ex natura Corporis fuit ut sit circumscriptibile, utque possit circumscribi. Si autem actu non circumscribatur, hoc non est ob aliquod impedimentum aut defectum in natura Corporis, sed propter defectum ambientis. Nam si esset aliquod Corpus ambiens supremum cœlum, actu circumscriberetur tam verè, quam orbis Solis, Lunæ, aut Terræ. Quia vero ambiens Corpus nullam est, ideo illud supremum cœlum est tantum definitive in loco, non autem circumscriptive; non, inquam, actu circumscriptive, nam in hoc est manifesta differentia inter Spiritum & supremum cœlum; Quia licet utrumque eorum sit tantum definitive in loco, tamen Spiritus ita est definitive tantum, ut non possit esse circumscriptive, ne si mille corpora ipsum actu ambirent. Supremum autem cœlum est ita in loco definitive tantum, ut tamen possit esse circumscriptive in loco, si ullum superius corpus ipsum extrinsecus ambiret. Reliqua autem omnia Corpora præter summum cœlum, sunt & definitive & circumscriptive actu, in loco, ita ut non solum definiantur eo loco in quo sunt, sic ut simul alibi non sint, sed etiam ut superficies ambientis Corporis, contigua sit ipsorum Superficie.

Ex his consequitur, nullum omnino Corpus (ne Christi quidem) posse simul in pluribus locis esse, ut garrunt quidam Sophistæ: tunc enim non definiretur suo loco. Præterea duo corpora esset, non unum; nam quod unum est, illud a seipso indivisum est; at si in pluribus contineretur locis, totum à se toto divideretur, cum in utroque loco totum, & tota ipsius essentia esset. Audiant isti Angelicum suum Doctorem verissimè hoc docentem, in lib. quartum Sent. distinct. 44. q. 2. art. 2. ad quartum. Dicendum est, inquit, quod unum corpus esse simul localiter in duobus locis, non potest fieri per miraculum. Quia esse simul in pluribus locis, repugnat individuo ratione ejus quod est esse indivisum in se: sequeretur enim quod esset distinctum in Situ. unde quod aliquod corpus sit localiter simul in diversis locis, includit contradictionem sicut quod homo caveat ratione: & Quodl. 3. Quest. 1. art. 2. Respondeo, inquit, quod aliquod corpus esse localiter in aliquo loco, nihil est aliud quam corpus circumscribi & comprehendi à loco secundum commensurationem propriarum dimensionum. Quod autem comprehenditur à loco aliquo, ita est in ipso loco, quod nihil ejus est extra locum illum; unde ponere quod sit localiter in hoc loco, & tamen sit in alio loco, est ponere contradictoria esse simul: unde secundum præmissa, hoc à Deo fieri non potest. Sic Aquinas. Eat nunc Bellarminus, & Sophista Angelicum Doctorem id est, Sus Minervam doceat, posse nimirum corpus Christi esse localiter in pluribus locis simul, idque non solum definitive, sed circumscriptive, ut ille ait, ca. citato, §. At quia, Quod autem S. Ambrosium simul & Mediolani fuisse & in Galliis, & Mediolani quidem dum missam celebraret obdormivisse, ac eodem tempore S. Martini funeri interfuisse in Galliis; quod, inquam, Greg. Turonens. & ex ipso alii, hæc commemorant, fabula est, & figmentum plane anile. De eo sic Dom. Soto in quartum Sent. distinct. 10. q. 1. art. 5. Haud credendum est, Ambrosium reverà fuisse in ambobus locis; nam tum quid opus esset obdormire? Somnus ergo indicium fuit, imaginariam fuisse visionem. Sic ille. Sed profectò & ipse delirat, aut somniat. Nam reverà Ambrosius neque dormiens, neque vigilans, neque per realem præsentiam, neque per imaginariam visionem, funeri S. Martini interfuit aut verò interesse potuit; cum certum sit Ambrosium triennio aut quadriennio ante Martinum defunctum esse. Etenim Ambrosius obiit, ut Marcell. ait in Chron. Coss. Honorio & Eutychiano, sed, ut ait Costerius in vita Ambr. anno priori Coss. Cæsario & Attico, qui est annus 397. Atque hoc verius est, cum Simplicianus Ambrosii successor, his ipsis Coss. fuit Episcopus Mediolanensis, ut ex Concilio Carthag. 3. sub Syricio cap. 48. liquet. Martinus vero non obiit ante consularum quintum Arcadii, & Honorii qui est annus 402. ut ex Sulp. Severo ipsius discipulo manifestum est, utque ex ipso Baron. agnoscit Not. in Martyr.

Novem. 11. at inter consularum. Caesaris, & Honorii quintum, sunt 4. integri consularis & completi anni, ut ex fastis, & Marci clarum est. Quare si Ambrosius S. Martini funeri interfuerit, aut missam celebravit eodem tempore, (ut fabulatur Gregor. Tur.) certe ad hæc officia præstanda, necesse erat ipsum quadriennio antè jam sepultum, & sepulchro suo etiam tum cum computrasset caro & ossa ejus, rediisse. Magnum certe & mirandum argumentum, non solum dignitatis S. Martini, sed & ipsius missæ. Sic ineptiunt scilicet & desirant qui volunt, inventis frugibus, glandibus vesci.

*Prob.
Sol.*

*Summum ca-
lum quomodo
in loco.*

Dubitari potest de *supremo celo* quomodo in loco, vel *definitivè*, esse possit, cum locus nullus sit in quo esse possit. Dicat fortasse quispiam, esse in eo spatio quod occupat, ibique definiri, quia totum illo spatio continetur, & nusquam alibi est, neque extra illud spatium. Sed fateor me quidam sit illud quod spatium vocant, non capere. Substantia enim non est, sed neque Accidens ullum, nisi fortè Quantitas. Si autem Quantitas ulla sit, quia est extensum per totum mundum, erit certe corpus quantitativum, & ita erunt simul dimensiones spatii & dimensiones corporis locati (puta hominis aut cœli) in eodem loco, quod est impossibile; quia tum concedenda esset penetratio dimensionum. Quare ego malim huc accomodare distinctionem illam quam ponit Damasc. lib. 1. de Orth. fid. cap. 16. & 17. *Locus est*, ut ipse ait, duplex, *unus corporalis, alter intelligibilis*. Gab. Biel. in 4. Sent. distinct. 10. *vocat illum locum verum, hunc imaginarium*. *Locus corporalis* est terminus ac superficies ejus quod continet, ei quod continetur contigua; & in tali loco, verum est *supremum celum* non esse, tum enim circumscriberetur alio superiori corpore, atque ita non esset summum. *Locus intelligibilis* est in quo intelligitur, & mente concipitur ambire locatum, licet actu & reverà non ambiat. Atque eo modo omnia dicuntur esse in loco, quæ talia sunt ut exterius ambiens eis sine injuria attribui possit, quod etsi non habeant actu, mente tamen tale ambiens concipere poteris. Talia sunt omnia finita. Nam idcirco quia finita sunt, verissime possumus sine ulla ipsorum injuria concipere aliud exterius ambiens. Quod verò infinitum est (ut solus Deus) cum ne mente quidem sic concipere potes, ut exterius quidquam sit quod ipsum ambiat, tunc enim finitum ipsum concipies, non infinitum. Jam ea quæ definitivè tantum sunt in loco & non circumscriptivè, Damasc. ait esse in loco *intelligibili, non corporali*. Ita *supremum celum*, ita quivis Angelus, si ponatur in summa parte summi cœli, aut si vel Spiritus vel Corpus ponatur supra summum cœli, essent tamen omnia in loco definitivè, non quidem in loco *corporali*, sed *intelligibili*, quod satis est. Quo sensu ac nullo alio verissime dixit August. Epist. ad Dard. cap. 8. *Corpora si nusquam sunt, nec sunt*. Nec enim ignoravit vir doctissimus, esse aliquod supremum corpus quod in loco corporali non est, sed de corpore dixit, (quod verè etiam de omni spiritu dici potest) *Si nusquam sunt, id est, si nullis finibus loci neque corporalis neque intelligibilis contineantur, certe nec erunt omnino*; quia tunc non erunt finita, & infinitum esse præter Deum nihil potest. Sed de his alibi plenius egimus. Hæc satis multa sunt ad explicandum naturam hujus Summi Generis. Est enim Ubi nihil aliud quam Accidens illud, ex qua unaquæque substantia dicitur esse alicubi, vel esse in loco definitivè.

*Proprietates
ubi.*

Proprietates ubi nullæ ab Arist. ponuntur, sed possunt hæc duæ assignari; *Ubi nihil est contrarium, & Ubi non suscipit magis ac minus*. Nam ut loco ita nec ubi aliquid propriè contrariatur; nam locus sursum ac deorsum contraria non sunt, licet maxime distent, distantia enim ista est localis non formalis neque activa, qualis est caloris in frigore, & humiditatis in siccum.

Series ubi.

Series ejus, sicut in Actione & Passione, nullo pacto commodius explicari potest quam percurrendo Seriem Substantiarum, & suum ubi cuique attribuendo: ubi igitur

Substantie in Genere est, esse in loco definitivè.

Spiritus, esse in loco definitivè tantum, sic ut circumscribi loco non possit.

Corporis, ita esse in loco definitivè ut possit etiam circumscribi.

Summi

Siderum dicitur esse in loco definiti vel in hora acti circumscribatur sed possit circumscribi
 bi. *alibi* dicitur non in loco sed in hora acti circumscribatur sed possit circumscribi
 Firmamentum esse circumscripive in prima sphaera. *alibi* dicitur non in loco sed in hora acti circumscribatur sed possit circumscribi
 Saturni, esse in firmamento, Jovis in Saturno, Martis in Jove, Solis in Marte, Veneris
 in Sole, Mercurii in Venere, Lunae in Mercurio. *alibi* dicitur non in loco sed in hora acti circumscribatur sed possit circumscribi
 Ignis, in conca va superficiali Lunae, Aeris in igne, Aquae in aere, Terra in aqua. *alibi* dicitur non in loco sed in hora acti circumscribatur sed possit circumscribi
 Mixture, tam imperfectorum quam perfectorum, esse partim in Aere, partim in Aqua
 vel in Pice, partim in Terra, ut Metalla, & Lapides multi. *alibi* dicitur non in loco sed in hora acti circumscribatur sed possit circumscribi
 Hominum, ut quod alii sint in Europa, alii in Asia, alii in Africa, alii in America, & in
 Europa, alii in Anglia, alii in Gallia, alii in Italia, alii in Germania, &c. *alibi* dicitur non in loco sed in hora acti circumscribatur sed possit circumscribi

Arque hęc de Predicamento Ubi.

CAP. XVII.

De Quando.

Quoniam Predicamentum est Quando. Quod ita de habet ad Tempus, ut ubi ad
 Locum. De eodendum Primo, Quid sit, & Secundo, Quae ejus proprietates s.
 Tercio, Quae ejus sententia. *Quando* est Accidens absolutum, quod oritur ex applicatione rei temporalis ad tempus. *Quando* quid
 per quod respondetur ad questionem factam per Quando, significans quo tempore aliquid
 vel fuit, vel sit, vel futurum est. *Quando* floruit Aristoteles, Regnavit Aldandus
 Magnus circa Olympiadem 320. *Quando* obiit Anno 324. ut testatur Dioge
 Laert. in ejus vita, eodemque anno quo Demosthenes: biennio scilicet post Alexandri obit
 Anno. Ante Christianum anno 320. h. d. (Anno sineq. ullius regni) eoq. matutino
 Ex hac definitione consequitur, Primo, Quando non esse Tempus, nam tempus est Spe
 cies, Species etiam Quantitatis, at Quando Species esse non potest, tunc enim non esset
 summum Genus. Et Quando oritur ex tempore, sicut ubi ex loco: sed sicut ubi non est
 locus, sic neque Quando est tempus. Secundo, Id quod eternum est non esse in tempore,
 nec habere Quando, namque quibusque rationibus Quando sentit esse successione habent & mu
 rationem, ita ut semper eodem modo non sint: & eternum cum illis habet successione
 nullam mutationem. Tercio, Instantaneum non habere Quando, aut habere Quando
 nam nullum tale etiam successione ullam habet, sed oritur & moritur, incipit ac desinit
 in uno eodemque instanti. Quando autem oritur ex applicatione rei temporalis ut men
 surati, ad tempus ut ad mensuram ejus. Quarto, Substantias omnes omniaq. accidentia
 quae durationem ullam successivam habent, habere suum Quando: ex quo verè dicuntur
 esse in tempore, aut mensurari tempore, Dixi Substantias omnes, tam spirituales quam cor
 porales; nam quod aliqui putant esse mensuram spirituum, jam ante refutatum est.
 Dixi etiam omnia accidentia successiva, quia motus omnis, etiam is qui cum mundo caput,
 habet suum Quando, & est in tempore.

Dab.

At Arist. 4. Phys. cap. 12. ait omnia quae sunt in tempore, à tempore contineri, idèq.
 tempus majus esse quàm id quod est in tempore. Cum ergo motus ille qui cum mundo coe
 pit, non superetur à tempore, nec in tempore esse dici potest.

Sol.

Responderi potest, Ex quo ceperunt cum mundo, secundum totam non superari tempore
 pore, sed secundum partes quasvis superantur. Et ita licet secundum totam non superari in
 tempore, sunt tamen secundum quasvis ipsorum partes quae superantur tempore.

tempore dupliciter, *proprie*, quod mensuratur & superatur à tempore, qualia sunt caduca omnia & mortalia : *improprie*, quod mensuratur à tempore sed non superatur, & talia sunt ea, quæ æqualis durationis sunt cum tempore. Nam mensuram rei sæpe esse non maiorem ac mensurata certum est : ut hora mensurat motum in hora, dies motum in die.

Dub.

Dubitari potest de eo quod dictum est, Instantanea incipere & desinere in eodem Instanti. Nam ex eo videtur sequi quod Instans simul est & non est ; est enim cum incipit, non est autem cum desinit.

Sol.

Respondeo, Instans & Instantanea omnia esse, non solum cum incipiunt, sed etiam cum desinunt. Quod ut intelligatur, observandum est, quod res incipiunt ac desinunt tribus modis. Primo, *Formæ substantiales ut & omnia permanentia caduca, incipiunt per primum sui esse, & desinunt per primum sui non esse* : Ita ut de illis cum incipiunt, dicere possimus, Jam primum sunt, cum ante hoc Instans nunquam fuerint ; & cum desinunt, dicere debemus, Jam non sunt, cum immediate ante hoc Instans fuerint. De his igitur verum est quod cum incipiunt sunt, cum desinunt non sunt. Sed nunquam in eodem Instanti incipiunt aut desinunt, nam tum contradictoria de eodem dicerentur. Secundo, *Tempus, motus, & similia omnia successiva incipiunt per ultimum sui non esse, & desinunt per primum sui non esse* : Ita ut de his dicamus cum incipiunt, Jam vel in hoc Instanti non sunt, sed immediate post hoc Instans erunt ; & cum desinunt dicamus, Jam vel in hoc Instanti non sunt, sed immediate ante hoc Instans fuerunt. Non possunt enim talia vel incipere per primum sui esse, cum prima pars motus aut temporis dari non possit : vel desinere per ultimum sui esse, quia ultima pars motus aut temporis dari non potest. De istis igitur perspicuum est quod non dicuntur esse cum incipiunt, neque esse cum desinunt. Tercio, *Instans & omnia instantanea incipiunt per primum sui esse, & desinunt per ultimum sui esse* : Sic ut cum incipiunt dicamus, Jam vel in hoc instanti sunt, cum immediate ante hoc instans non fuerint ; & cum desinunt dicamus, Jam vel in hoc instanti sunt, cum immediate post hoc instans non erunt. Ita & cum incipiunt & cum desinunt, verè dicuntur esse, & in neutro non esse. Hæc verò esse jam cum ante non fuerint, & esse jam cum post non erunt, non sunt contradictoria, sed de uno eodemque instanti, in illo uno eodemque instanti quo est, verè dici possunt ac debent.

Proprietates

Quando

Series Quando

Proprietatum loco (nam nullas ponit Arist.) hæc duæ recenseri possunt : quod *Quando* nihil est contrarium, & quod *Quando* non suscipiat magis ac minus. Quæ utraque conveniunt ei gratiâ temporis à quo oritur *Quando*.

Series huius Prædicamenti ita explicari potest, ut dicamus alia esse Quando vel in tempore præterito, alia in præsentis, alia in futuro ; & unumquodque rursus dividi potest vel in seculo, anno, mense, die, hora aut momento præterito, præsentis, vel futuro. Ita latissime omnino patet hoc Prædicamentum, continens omnia quæ sunt, quæ fuerunt, quæque futura sunt, ideo Chronologia tota ad hanc Seriem spectat.

Atque hæc de Prædicamento Quando.

CAP. XVII.

De Situ.

Situs quid.

NONUM Prædicamentum est *Situs*, de quo itidem tria explicanda, *Quid sit ; Quæ ejus Proprietates, Quæ illius Series.*

Situs est positio & ordo partium alienius, tam in suo toto quam in locis & partibus

libus loci, ex quo res dicitur Situari, vel Situm habere. Quod ut intelligatur, diligenter notandum est quod habet Cajet. in part. 3. Aquin. quest. 76. art. 3. Positionem quidem esse unam *intrinsicam* ad quam nihil aliud requiritur nisi ut id quod situatur habeat partem extra partem: Aliam *extrinsecam*, ad quam præter illam intrinsicam positionem unius partis extra aliam, requiritur ulterius ut id quod situatur, habeat ordinem quendam ad partes loci, ita ut una pars situari, respondeat uni parti loci, & alia alteri; sic ut una sit superior, altera inferior; una antea, altera retro, & similiter. Prior positio oritur ex ipsa natura continui permanentis, quia omnino continuum permanent, quatenus est tale, sine ullo respectu ad locum, habet unam partem positam extra aliam, ideo hæc dicitur *Intrinsicca*. Secunda oritur ex applicatione continui permanentis ad partes loci, & ideo dicitur *Extrinsicca*. Atque hoc idem agnoscit & tradit Bell. lib. 3. de Sac. Euch. cap. 5. sect. secundo. Jam ad *Situm* qui est Prædicamentum novum, utrumque requiritur; nam quia *Situs* hic notat ordinem partium totius ad partes loci, hic autem ordo præsupponit unam partem totius extra aliam, ideo ad hunc *Situm* utraque positio necessaria est, tam *intrinsicca*, quam *extrinsicca*, quatenus altera si desit, *Situm* non habet, nec proprie situari res illa dici potest.

Positio intrinsicca & extrinsicca.

Atque hinc consequitur Primo Nullum Spiritum, aut Substantiam incorpoream *Situm habere*: nam nullum tale habet extensionem aut magnitudinem, ideoque nec partem unam extra aliam. Quia enim aliquid extenditur, ideo una pars est extra aliam; aliter non diceretur extendi, sed potius intendi, si intentionem res illa capere possit. Atque hinc fit, ut Spiritus, totus sit ubicunque est, & idem totus est in toto illo in quo est, & totus in qualibet parte, ut anima in toto corpore est tota & tota in quavis parte corporis. Quia enim Spiritus partes extensas non habet, ideo si totus est in aliquo, etiam totus est in qualibet parte illius.

Spiritus non habet Situm.

Secundo Omne corpus suum seu positionem habet *intrinsiccam*, talem scilicet ut pars quævis extra aliam sit. Aliter enim non posset dici extendi, ideoque nec magnitudinem habere. Quare nullum corpus est, aut esse potest totum in toto, & totum in qualibet parte: unde verissime Aug. Epist. ad Dard. quæ est 57. Non potuit obtinere quantitas corporis, quod posuit qualitas. Nam ita distantibus partibus, quæ simul esse non possunt (quoniam sua quaque spatia locorum tenent, minores minora, & majora majores) non potuit esse in singulis partibus tota, vel tanta, sed amplior est quantitas in amplioribus partibus, brevior in brevioribus, & in nulla parte tantum, quanta per totum.

Omne Corpus habet positionem intrinsiccam.

Atque hinc intelligi potest somnium esse atque signum vanissimum, quod Aquin. part. 3. q. 76. art. 3. & 4. & post eum Concil. Trid. sess. 13. cap. 3. & Sophistæ alii tradunt, Integrum Corpus Christi, esse sub specie panis, & sub quavis illius speciei parte; aut ut Aquin. ait, Christum esse in illis speciebus non per modum dimensionum, sed per modum Substantiæ, id est, per modum quo Substantia est sub dimensionibus. Manifestum est autem quod natura Substantiæ tota est sub qualibet parte dimensionum, & ideo totus Christus est sub qualibet parte specierum. Sic ille, & art. 4. adhuc clarius. Quantitas, inquit, dimensionum corporis Christi est in hoc Sacramento, non secundum proprium modum, ut scilicet sit tota in tota, & singula partes in singulis partibus: sed per modum Substantiæ cujus natura est tota in toto, & tota in qualibet parte. Hoc inquam repugnat ipsi naturæ dimensionum & Quantitatis extensivæ. Nam est intrinsiccum planè, & essentialiter dimensioni, & extensioni, ut tota sit ubi quævis ejus pars est, sic enim pars non esset extra partem, sed omnes partes simul, ut in Spiritu fit. Et si tota dimensio Christi sit in quaque parte, sequitur pedes & brachia esse in eadem planè parte ubi est ejus caput, & ita totus erit caput, & totus pes, & totus manus: nam si posses dicere, caput ejus est hic, non autem pes, certe non erit totus ibi nec secundum totam suam dimensionem. Ita tollitur hoc signum, figura & dispositio organica. Corporis Christi, & membra omnia se mutuo penetrare dicenda sunt, quod esse repugnans non solum veritati. Corporis ratio docet, sed doctrinæ Theologorum & Ecclesiæ, testatur Bell. lib. 3. de Euch. cap. 5. sect. 11. Sic dum portenta suorum

Corpus nullum est totum in toto & totum in qualibet parte.

Omne Corpus
habet Situm
& positionem
extrinsecam.

Proprietates.
Situs. Series
Situs.

tophilem meetur, & acuti videri voluit, non tenus totum illis eluere conatur, sed & rationem, & (quod deperit est) fidem totam evolvit, cuius nulla pars constare potest, si veritas humani corporis Christo denegatur. Denegatur autem & profus veratur, in ea quæ intrinseca sunt atque essentialia corpori (quæ illi extensio & positio partis extra partem) denegatur; aut si totum corpus, aut tota illius dimensio in qualibet parte esse statuat; ut docet Aquin. & de his Concilium illud Tridentinum.

¶ Tercio, *Omne Christum admodum est habere* *Situm*, quod est, positionem non solum intrinsecam, (quam semper habet) sed & extrinsecam. Apertum inquam est, quis si esset locus ambiens aptitudinali corpus, sine dubio partes eius responderet partibus loci: quod autem actu *Situm* non habet, illud propter non defectu aliquo in corpore summo, sed ex defectu ambiens. Residua autem omnia præter supremum coelum, actu habent *Situm*, & positionem plani extrinsecam: & repugnat plane naturæ corporis, ut habeat locum actu, aut corpus actu seu ambiens, & non habeat actu *Situm*. Id quod in corpore Christi actu evenire, Sophiste opinantur. Quinquam & illud etiam dici potest, satis esse ad *Situm*, ut corpus situm habeat locum intelligibilem, nec non corporalem. Nam non miris proprie *Situm* dicitur, cuius partes respondent partibus loci intelligibilis, quam corporaliss. Ita ipsius supremum coelum dicitur posse habere *Situm* actus respectu loci intelligibilis, *Situm* autem potentia respectu loci corporalis.

Proprietates Situs, quæ sunt, 3 Non habere Contrarium, & Non suscipere magis ac mi-
nus: quæ utraq; conveniunt ei, 4 gratia Quantitatis 2 qua oritur Situs.

- *Ser.* hujus Prædicamenti non potest facilius aut commodius explicari, quam percur-
rendo omnia corpora, & cuique *Ser.* suum, sive illi naturalis sit, sive præter naturam, at-
tribuendo.

Situs Supremi Caeli est talis (in loco intelligibili) qualem diximus. *Situs primi mobilis* est in concavo coeli *Emptius*; *Situs Firmamenti* in concavo primi mobilis; *Saturni* in Firmamento; *Jovis* in Saturno; *Martis* in Jove; *Solis* in Marte; *Veneris* in Sole; *Mercurii* in Venere; *Lunae* in Mercurio; *Aeris* in Luna concavo; *Aeris* in Ignis concavo; *Aqua* & *Terrae* in concavo Aeris. Sic *Minerarum* alia *Sita* habent in suprema, alia in media, alia in infima regione Aeris, alia in visceribus Terrae. *Metalla* in venis Terrae fructur, donec inde eruantur. *Plantarum Situs* est in radice (quae est instar oris) sit deorsum, truncus in medio, rami sursum. *Brutorum* praeterea sunt species, ita divinus *Situs*; alius *Quadrupedum*, alius *Piscium*, alius *Avium*, alius *Serpentium*. *Hominis Situs* est omnium corporum pulcherrimus, caput sursum, cor in medio, pedes deorsum, &c. sic in reliquis membris.

Atque hæc de Sign.

C A P. XIX.

De Habitu

Superest decimum & ultimum Prædicamentum, quod est *Habitus*, de quo itidem tria paucis explicanda, *Quid sit*, *Quæ ejus Proprietates*, *Quæ Series*.

habitus' quid.

Habitus est ad id ens absolutum; exurgens ex applicatione vestis ad vestitum; ex quo
 Miranda Habitum dicitur ad vestitum: ut ex eo quod quis induitur dicitur rogatus quod
 armis

armis armatus. Nam etsi vestimentum ipsum, ut toga, pallium, diplois, tunica dicantur habitus, tamen non illa ipsa, sed applicatio eorum ad id quod eis ornatur, vocatur *Habitus* ille qui est hoc Prædicamentum. Ipsum enim vestimentum, si capiatur juxta Substantiā, est in Prædicamento Substantiæ: si juxta figuram, est in Qualitate: si juxta utrumq; simul est per se in nullo Prædicamento, sed complexum quid, ut omnia artificialia; neque ipsum vestimentum denominat aliquid habituum, nisi fiat applicatio illius ad rem vestitam.

Habitus Proprietates.

Habitus Proprietates sunt, *Non habere contrarium; Non suscipere magis ac minus.* Nā licet unus alio decentius, comptius, & elegantius habituetur, tamen alio qui habitū vilem induit, magis habitatus non dicitur.

Habitus Series ex diversitate vestium aut *Habituum* quibus vel homines, vel jumenta, vel statuae ornantur, declarari potest: ut dicamus alium hominem togatum, alium palliatum, alium tunicatum, alium pileatum, calceatum, ocreatum, alium armatum gladio, thorace, clypeo, & similibus. Sic equus habituatur sellā, Phaleris, fræno, & similibus.

Series Habitatus.

Atque hæc de Habitu.



CAP. XX. De Oppositis.



Uc usque de Prædicamentis actum est. Sequuntur Postprædicamenta, quæ sunt quinque *Modi Oppositorum*, *Modi Prioris*, *Modi Simul*, *Modi Movendi*, *Modi Habendi*; de quibus ordine.

De *Oppositis* hoc ante omnia observandum est: Aristotelem divisionem eam quæ ipsius tempore vulgaris erat sequi, & ideo solum quatuor Species eorum quæ dissentiant inter se proposuisse. Quoniam vero aliqua sūt in ista vulgari divisione omissa, ideo nos paulo altius re repetentes, *Dissentaneorum* omnia Genera breviter percurramus, eoque libentius, quod maximus omnino est eorum usus in omnibus Disciplinis.

Dissentanea sūt quæ quocunque modo inter se dissentiant aut differunt. Et hoc nomen cum generale sit, complectitur omnia quæ ullo modo differunt. Sunt autem *Dissentaneorum* duo genera; alia sunt *Diversa*, alia *Opposita*.

Dissentanea quæ.

Diversa sunt *Dissentanea* quæ natura & essentia differunt, sed tamen eidem subjecto inesse possunt, aut unū esse subjectū alterius: ut Homo & Animal, Substantia & Quantitas, Quantitas & Qualitas, Color & Odor. Certè hæc differre inter se nemo negare potest. Dissertunt autem nullo eorum modorum qui ab Arist. ponuntur, uti consideranti clarū est. Quare necesse erat addi hoc Genus *Dissentaneorum* quod *diversa* vocamus, in quo ista comprehendantur.

Diversa quæ.

Opposita sunt *dissentanea*, quæ non solum natura & essentia differunt, sed etiam *Opposita* quæ subjecto, sicut ei eisdem subjecto nunquā simul inesse aut convenire possint. Sic Rationale & Irrationale: Homo & Brutum, Virtus & Vitium, Justitia & Injustitia, *Opposita* dicuntur. Memento verò latius & largius sumi nunc à nobis nomen *Oppositorum*, quam

ab

ab Arist. id quod ex re ipsa facillimè liquet. Opposita sūt duplicia; *Disparata & Contraria*.

Disparata quæ. *Disparata* (sic dicta quasi dis-separata) sunt Opposita quorū unū uni sic opponitur, ut alteri vel æque, vel magis opponatur. Sic Liberalitas & Avaritia *Disparata* sunt. Nā Avaritia magis opponitur Prodigalitati quā Liberalitati: Sic Albedo, & Rubedo *Disparata* sūt, quia Albedo æque opponitur Viriditati, atque Rubedini, & magis Nigredini, quam ambobus. Nam plus inter se semper distant extrema, quam vel media inter se, vel mediū ab alterutro extremo, Et hoc etiam membrum *Dissentaneorum* ab Arist. penitus omissum est.

Contraria quæ. *Contraria* sunt Opposita, quorū unū alteri sic opponitur, ut nulli alteri aut æque, aut magis opponatur? Sic Albedo Nigredini, Homini Brutum, Rationale Irrationali contrarium est. Nam nihil est quod æque Albedini opponitur atque Nigredo, & sic in reliquis. Hic vero memineris, aliter hic accipi hoc nomen Contrariorum, quam ab Arist. nam juxta hujus vocis usum apud eum, nulla Substantia alteri contrariatur. Ea quæ ille Opposita vocat, nos Contraria appellamus. Sunt autem Contrariorum duo Genera, alia affirmantia sunt, alia negantia.

Affirmantia Contraria quæ. *Affirmantia Contraria*, sunt Contraria quorum uterque terminus est positivus aut affirmativus, qualia sunt omnia exempla ante posita: Homo & Brutum, Albedo & Nigredo, & reliqua quamplurima. Et horum etiam sunt duo Genera. Nam alia sunt Contraria affirmantia in dividendo tantum, non in inherendo; alia Contraria in dividendo simul & in inherendo.

Contraria affirmantia in dividendo tantum quæ. *Contraria affirmantia in dividendo tantum*, non in inherendo, ea sunt quæ contrariantur quidem inter se, & uterque terminus est positivus: sed contrariantur solum quoad divisionem Generis, sic ut Genus dividant in contrarias partes, sed non inhereant omnino in subjecto: & talia Contraria sunt Rationale & Irrationale, Homo & Brutum, Corporeum & Incorporeum, & omnes omnino Differentiæ Substantiales, quæ dividunt idem Genus, omnes item Species Substantiarum. Certum est enim ista dissentire inter se, ideòque esse dissentanea. Diversa autem non sunt, cum eidem subjecto nequeunt inesse, quare sunt Opposita. Opposita disparata non sunt, quia nulli æque Rationale opponitur atque Irrationali, aut Homo atque Bruto. Contraria ergo sunt, & quia uterq; terminus est positivus, Contraria affirmantia sunt. Jam nec sunt Contraria relative, quia unum eorum non refertur ad aliud, neque contraria adversè, quia illa omnia accidentia sūt, & in subjecto insunt, ut ex definitione Adversorum liquet. Necessario igitur ponenda est alia distinctio Contrariorum, & aliud membrum præter *Relata & adversè Contraria*, quæ sola ab Arist. ponuntur; quod autem aliud nomen aptius, quam ut dicantur Contraria in dividendo tantum, nō in inherendo? Hoc enim pacto ab aliis omnibus quæ Contraria sunt, secernitur oppositio illa quæ est inter Differentias & Species Substantiales; nam in hoc membro nihil omnino continetur præter illas. Etenim etsi Differentiæ & Species Accidentium, exempli gratia, Continuum & Discretum, dissentiunt maxime in dividendo, tamen illæ omnes inhereant in subjecto, & ideo in hoc membro non possunt comprehendi: Deinde, sæpe evenit, ut illæ Differentiæ non sint oppositæ, nedum contrariæ: sed solum diversæ, quia eidem subjecto ambæ inesse possunt; Nam sicut Quantitas Continua & Discreta eidem subjecto inest, ita & ipsarum Differentiarum: sic Habitus & Naturalis Potentia, atque ita in reliquis: quanquam laxè & large loquendo dicere solcimus, omnes Differentias dividentes idem Genus, itemque Species ejus esse oppositas aut contrarias. Hoc vero loco quæ proprie ac stricte contraria sint declaramus.

Contraria affirmantia in dividendo simul & in inherendo quæ. *Contraria affirmantia in dividendo simul & in inherendo* sunt quæ contrariantur inter se, & uterque terminus est positivus, & dividunt idem Genus, & in subjecto etiam inhereant: ut Albedo & Nigredo, Sanitas & Egrotudo, & Pater & filius, & similia. Horū Contrariorum sunt duo Genera. Nam alia sunt respectiva quæ dicuntur *relata contraria*; alia sūt *absoluta*

absoluta, quæ dicuntur adversa contraria, et in his ac sequentibus omnibus membris Arist. sequimur.

Relata contraria, sunt *Contraria affirmantia in inherendo*, quorum tota natura contraria quæ-
 & *essentia in relatione consistit*; ut Pater et Filius, Dominus et servus; vel quomodo-
 cunque unum ad aliud refertur; ut Scientia et Scibile, nam in hoc Genere Contrario-
 rum ponuntur tam Relata secundum esse, quam secundum Dici: Nam utriusque exempla
 ponit Arist.

Dices Relata ponere se mutuo, at contraria tollunt et perimunt unum alterum, quomo-
 do erga Relata dici possunt Opposita aut Contraria?

Respondeo, Relata quidem ponunt se, sed in diversis subjectis; destruunt se in eodem
 subjecto, nunquam enim se compatiuntur in eodem subjecto, aut respectu ejusdem. Ut posito
 quod Socrates sit Pater, poni debet filius ejus. Sed ut filius iste sit alius a Socrate necesse
 est. Et licet idem homo potest esse et Pater et Filius, nunquam tamen potest esse Pater
 ejus cujus est Filius, aut contra: ita Relata ponunt se si ad diversa subjecta, destruunt se
 si ad idem referantur.

Adverse Contraria (quæ *Contraria simpliciter* et sine ulla additione vocat Arist.)
 sunt, *contraria affirmantia in inherendo simul & dividendo, & absoluta, sine respectu*
ad alia: Ut Albedo et Nigredo, Virtus et Vitium. Et hoc sane satis est ad definitionem
 Adversorum. Nam hinc ab omnibus aliis Dissentaneis abunde distinguuntur, à Diversis et
 Disparatis, quia hæc sunt Contraria: à Contrariis negantibus, quia hæc sunt affirmantia;
 à Contrariis in dividendo tantum, quia hæc sunt Contraria tam in dividendo quam in in-
 herendo: nam et dividunt semper idem Genus ut oppositæ Species, aut Differentiæ ejus,
 & in herent in subjecto: à Contrariis relatè, quia hæc sumuntur absolute, nunquam re-
 lativè. Nam licet Scientia sit Contrarium utroque modo; tamen est relatè Contrarium
 prout respicit Scibile quod est Correlatum: est vero adverse Contrarium prout absolute
 sumitur sine ullo respectu ad aliud. Hinc ista consequuntur: Primo, Adversa omnia esse
 accidentia. Nam in herent in subjecto. Quare nulla Substantia contrariatur alicui ad-
 verse.

Secundo, *Adversa omnia poni sub eodem Genere*. Nam aliter Contraria non erunt
 in dividendo. Ponuntur autem sub eodem vel immediate: ut Albedo et Nigredo sub colore
 extremo: vel mediate, ut Scientia et Ignorantia sub habitu mentis. Atque hinc liquet
 nunquam vel summa Genera contrariari alicui, vel ea quæ in diversis Prædicamentis ponun-
 tur. Nam talia, vel sub nullo Genere continentur, si summa sint; vel non sub eodem
 si sint in diversis Seriebus.

At Arist. expresse dicit cap. 11. de Contrariis, nu. 6. aliqua adverse contraria esse
 in eodem Genere, alia esse in contrariis Generibus, alia esse ipsa summa Genera,
 ut Albedo & Nigredo sunt sub uno Genere, nempe Colore: Justitia sub Virtute,
 Injustitia sub Vicio. Bonum autem & malum non sunt sub aliquo Genere, sed sunt ipsa
 summa Genera.

Respondeo, ad secundam Instantiam; quod Sol. si proprie loqui volumus, Justitia & Inju-
 stitia non sunt Contraria adverse, imo non omnino Contraria sed Disparata, cū Injustitia
 plus distat ab extremo, quam à Justitia quæ est medium. Si vero Injustitia sumatur pro vicio
 morali, & Justitia pro virtute morali, quomodo nonnunquam capiuntur, sic continetur quidæ
 sub diversis Generibus proximis, sed sub eodem remoto, nempe Habitu; sed in diversis præ-
 dicamentis poni non asserit. Ad tertiam Instantiam dico, Arist. ponere Bonum & Malum
 inter summa Genera, non ex sua, sed ex Pythagoreorum opinione, (ut testatur Aquin.
 part. 1. quæst. 48. art. 1.) ideoque nec ex suâ, sed ex ipsorum opinione dicere Contraria
 aliqua esse summa Genera.

Tertio sequitur, *Adversa omnia maximè inter se distare*, quod illis convenit non quæ
 Adversa sunt, sed quæ Contraria. Nam omnia contraria ita opponuntur suis contrariis ut
 nulli alteri æque opponantur.

Relata con-

Dub.

Sol.

Duo

Sol.

Quarto, sequitur quod *Adversa Contraria* pellant se mutuo à suis subiectis: Quod non intelligitur solum de actione physicâ unius in alterum, quo pacto calor ignis expellit frigus ex aqua, & frigus aëris expellit calorem ex manu. Quanquam inter istas activas & passivas Qualitates, propriissimè dicitur esse *Adversa contrarietas*; sed intelligitur generaliter, ita ut dicantur se pellerè, quia sunt incompatibilia in eodem subiecto, & neutrum consistere cum altero potest: Ut Prodigalitas non comparitur Avaritiam, nec Audacia Timiditatem, nec Scientia Ignorantiam sibi contrariam. Hoc autem *Adversis* convenit neque quâ *Adversa* sunt, neque quâ *Contraria*, sed quâ sunt *Opposita*; omnibus enim *Oppositis* hoc commune est, ut non compatiuntur sua *Opposita* in eodem subiecto. Quanquam illud quibusdam solum *Oppositis*, & inter ea *Adversis* omnibus convenit, ut ea sic pellantur à subiectis quibus insunt, ut vicissim alterutrum post aliud inesse possit, ut aqua post frigus expulsum, iterum redit ad frigus, & post id calida fit. Sic sanitas ægritudinem, & vicissim ægritudo sanitatem consequi potest. Quod si eveniat aliquando ut unum eorum non omnino expellatur per suum contrarium, sicut calor ignis nunquam expellitur ab igne, neque illi unquam succedit frigus in illo subiecto; hoc non provenit ex eo, quia frigus non sit aptum pellerè calorem, nec quia calor & frigus non se possunt vicissim consequi; sed provenit à natura ignis, quæ frigus admittere non potest, & cuius forma sine calore consistere non potest: ad naturam autem *Adversorum* satis est, si unum conetur expellere alterum, si nunquam compatiatur suum contrarium simul inesse, si cum pulsus sit, iterum redire possit. Hæc autem omnia omnibus planè *Adversis* in quocunque subiecto sunt conveniunt.

Atque ita ex definitione *Adversorum* à nobis positâ, intelligitur quo sensu accipienda sit illa vulgaris & trita apud interpretes definitio *Contrariorum adverse*, quæ est hæc: *Contraria* (nempe *adverse*) sunt *accidentia absoluta*, posita sub eodem *Genere*, maxime à se invicem distantia, quæ expellunt (quantum in ipsis est) se ab eo subiecto cui insunt, & cui subiecto vicissim (postquam pulsa sunt) inesse possunt.

Adversa autem hæc, de quibus in *Genere* hæcenus dictum est, sunt duplicia; Alia sunt *immediata*, alia *mediata*. *Immediata adversa* sunt ea, inter quæ nullus est medius, sed alterutrum eorum semper inest in subiecto capaci, ut sanitas & Ægritudo. Nam subiectum capax horum nullum est nisi Animal, & nullum animal est cui unum horum non insit, vel enim sanum est vel ægrum.

Mediata adversa sunt ea, inter quæ est medium, ita ut unum eorum non necesse sit inesse in subiecto capaci eorum; ut corpus perfecte mistum est capax Albedinis & Nigredinis; sed multa corpora mixta sunt, quibus neutrum horum inest, sed vel Viriditas, vel Rubedo, vel alius medius color. Medium autem illud est aliquando medium per abnegationem solum utriusque extremi, ut Scientia Logicæ, & Ignorantia Logicæ sunt mediata Contraria. Nam multi sunt quibus nec Scientia illius inest, nec Ignorantia prææ dispositionis (quæ est contraria qualitas) sed solum mera abnegatio Scientiæ, quæ non tam est Ignorantia quam Nescientia: aliquando Medium est per participationem utriusque extremi, ut colores omnes medii, Rubedo, Viriditas, Fuscedo, & similes dicuntur media inter Albedinem & Nigredinem, quia participant de utroque extremo, nam ex commistione istorum extremorum oriuntur medii colores omnes; ex quo fit, ut Rubrum respectu Albi dicatur Nigrum, & respectu Nigri dici possit Album, quia aliquos gradus Albedinis habet, quorum nulli sunt in Nigro cum sit extremum, & alios gradus Nigredinis habet, quorum multi sunt in Albo. Atque hæc de *Adversis* seu *adverse contrariis*; quorum cognitio idèò magis est necessaria, quia frequentissime tum inter discernendum, tum in legendis Philosophorum libris occurrunt.

Sequuntur *Contraria negantia*. Ea sunt *Contraria* talia ut alter terminus sit negativus aut privativus. Atque hæc sũt duplicia, *Privativa* et *Contradictoria*.

Privativa, vel *privativè contraria*, sunt *contraria negantia*, quorum unus notat privationem

vationem alterius. Ideo unus terminus vocatur *Habitus*, id est positivum ens; alter vocatur *Privatio* illius *Habitus*, ut visus & Cæcitas, Vita & Mors. Sunt autem *Privativa* duplicia, nam alia tollunt solummodo actum, ita ut *h. bitus actu non insit, sed tamen inesse possit iterum in illo subiecto*; ut Tenebræ privant Lucem in aëre, sed tamen aër lucidus esse potest. Alia tollunt non solum actum, sed etiam potentiam, sic ut subiectum non possit naturaliter habere habitum illum quo sic privatur. Ut Mors privat Vitam non solum quoad actum, sed quoad potentiam, & Cæcitas Visum, ita ut post Mortem subiectum illud ad vitam naturaliter redire non possit, nec post Cæcitatem ad visum. Ex quo illa Regula oritur quod *A Privatione ad Habitum non est regressus naturaliter*, nempe a Privatione tollente Habitum tam quoad actum quam quoad potentiam. Et dicitur naturaliter; quia per potentiam divinam a tali Privatione ad Habitum est regressus. Ut multi post Cæcitatem Visum receperunt, & post mortem ad Vitam restituti sunt omnipotentia divina; sed naturaliter hoc fieri impossibile est.

Dices, quod apud Ælium Spartianum in vita Hadriani legitur, *mulierem quandam cæcatam fuisse, eandem tamen postquam Hadriani genita osculata esset, & oculos in aqua qua in fano erat abluisset, visum recepisse*. Narratur etiam ibidem, quendam qui cæcus natus esset, ad Hadrianum venisse, eumque contigisse, quo contactu oculos ac visum recepit.

Respondeo, hæc & simul quæ ab Historicis commemorantur, aut falsa esse & facta per simulationem, quod in exemplis aliis testatur Marius Maximus, ut idem Spart. ibidem ait; aut eos nunquam revera cæcos fuisse, sed visum ipsi solum impeditum fuisse, aut ligatum, vel pelliculâ aliquâ pupillam obtegente, vel humore visivam potentiam obrebrante; & tum quidem demptâ illâ pelliculâ, aut humore remoto, videre incipiunt, & exercere illam potentiam quæ prius non sublata erat, sed solum impedita; uterque autem horum naturaliter effici potest. Sed cui reipsa potentia videndi semel perit, aut oculis omis, aut nervo optico inciso aut emortuo, naturaliter visum restitui impossibile est.

Siquis obijciat, Catulos canis per novem dies cæcos esse, & post videre. Dicendum est, Catulos istos nec cæcos per novem dies istos esse, nec visu pravatos. Nam privatio præsupponit habitum, nec ulli inesse potest, nisi cui habitus vel actu inerat, vel postquam actu inesse & potuerat & debuerat, ut Arist. docet 5. Metaph. cap. 21. jam Catuli ante novum diem videre actu nec possunt nec debent, nonnulli ante 12. aut 17. diem, ut docet Arist. lib. de hist. animal. 1. 20. Cum ante visus illis inesse potest, & debet, si tum non videant, cæci dicendi sunt, nisi fortè potentia visiva ligata solum sit & impedita.

At Arist. lib. 1. Phys. cap. 7. docet *Privationem esse principium rei generanda*: Principium autem prius est principiatio. Quare Privatio prius inest in materia, & tum advenit forma, & sic a Privatione ad Habitum progressus est, non contra ab habitu ad Privationem. Et hoc cum Arist. locis citatis indicat, tum ex eo alii Philosophi docent.

Respondeo, *Privationem* aliter accipi in naturali Philosophia, aliter in Logica. *Privatio Physica est absentia formæ introducenda in materiam, conjuncta potentie propinque ad illam formam*; & ita Privatio Physica præcedit Habitum: At Privatio Logica est *absentia formæ quæ inerat, aut inesse potuerat ac debuerat*, & hæc semper sequitur habitum. Privatio Physica non est mere non ens, sed propter potentiam illam in materia cui est conjuncta, dicitur accidens ab Arist. primo Phys. cap. 7. quia ista potentia est accidens; at Privatio Logica est mere non ens, neque quidquam notat præter absentiam formæ aut habitus qui inerat. Nos hic solum de Privatione Logica loquimur, non de Physica. Quamquam & Privatio illa Physica, atq; opposita forma, recte dici possunt esse contraria privative quia unum eorum est Privatio, alterum habitus, sed tum privativa in latiori acceptione definienda sunt, quam antea definita sunt. Sic ut omnia ea dicantur privative opponi quorum

Dub.

Sol.

Dub.

Sol.

Dub.

Sol.

num est habitus, alterum privatio vel absentia habitus qui aut inerat aut inesse potuerat, vel qui inesse adhuc potest & aptus est statim introduci. Hæc de Privative Contrariis.


Contradictoria.

Contradictoria, vel contradictoriè Contraria, sunt Contraria negantia; quorum alterum de omni ente & non ente dici verè potest: ut homo, & non homo. Nam accipe quodvis ens, imo Chimeram aut figmentum quodcunque, verè dici potest, vel esse homo, vel non homo: lapis, vel non lapis. Atque hinc Axioma illud tritum & verum, *Inter contradictoria non dari ullum omnino medium*, cum in aliis omnibus Dissentaneis dari possit subjectum aliquod de quo neutrum Dissentaneorum prædicetur in diversis, ut cælum nec est album nec dulce: in Disparatis, ut puer nec est liberalis nec avarus: in Contrariis in dividendo tantum, ut lapis nec est rationalis nec irrationalis, id est, sentiens sine ratione ejusque usu: in Relatis, ut lapis nec est pater nec filius: in Adversis, ut cælum nec est calidum, nec frigidum, nec sanum, nec ægrum: in Privantibus, ut lapis nec est videns nec cæcus (nisi forte improprie atque abusive cæcum id dicas, quod non videt, etsi naturâ non sit potens videre, quo sensu Privationem accipi posse, & Plantam privari oculis ait Arist. 5. Metaph. cap. 22.) cum inquam in omnibus aliis Dissentaneis medium sit, in solis Contradictoriis hoc verum est, nullum subjectum dari posse de quo alterum eorum non dicatur.

Contradictoria sunt duplicia, alia Complexa quæ sunt Propositiones contradictoriæ, ut Socrates sedet, Socrates non sedet: alia Incomplexa quæ sunt termini contradictorii & non Propositiones. In prioribus semper est affirmatio aut negatio, veritas aut falsitas: in Contradictoriis simplicibus seu incomplexis neque est affirmatio neque negatio, neque veritas aut falsitas. Arist. agit quidem in hoc cap. de utrisque, sed de Contradictoriis complexis, non aliud in finem quam ut ex eis facilius ac melius intelligantur Contradictoria incomplexa, nam Complexa contradictoria ad tractatum hunc non spectant (ubi solum de simplicibus & incomplexis directè et ex professo agitur) sed ad librum Perihermenias. Hic ergo de eis obiter et propter aliud agitur.

Declaravimus jam omnia genera Dissentaneorum, quorum Synopsin hic subjicimus.

Synopsis
Dissentaneorum.



CAP. XXI.

De Modis Prioris.

Secundum Postprædicamentum est de *Modis Prioris*. Sunt autem quinque, qui his verbis exprimuntur:

*Tempore, Naturâ prius Ordine dico & Honore,
Causam causato dicimus esse prius.*

Hoc verò in isto versu corrigendum est, vel saltem explicandum: quod ponat *Prius Naturâ* ut distinctum Modum a *Priori in Causando*. Nam quicquid est *causa* alterius, aut *prius in Causando*, idem etiam *Natura prius* est eo, quod causatur, ut aperte docet Arist. 1. Demonstr. cap. 2. Et Author versiculi (sive Marmelius, sive quis alius fuit) confundit *Prius Naturâ* cum eo Modo quem Arist. vocat *prius in consequendo*, cum non magis ad illum quam ad *Prius in causando* pertineat. Quare sic *Modi Prioris* certius distinguendi sunt, ut aliquid dicatur alio prius, vel Tempore, vel Natura; & hoc dupliciter, vel in *Causando* (hic apud Arist. est quintus) vel in *Consequendo*, vel *Ordine*, vel *Honore*: Sunt igitur, ut ex his liquet, *Modi 4.* in Genere, & in specie 5. quia *Prius Natura* in duos modos dividitur. De iis vero hoc quo à nobis propositi sunt ordine agemus.

Tempore prius illud dicitur, quod tempore aliud antecedit, estq; eo antiquius, aut in Tempore priori tempore existit. Sic Senex est Prior Tempore juveni, si ad diversos homines respiciamus; si ad eundem, qui jam est senex, tum juvenis est prior sene Tempore.

Prius natura in Causando est omnis causa suo effectu. Sic animal prius est homine & *Prius Natura* bruto, quia est causa eorum: Rationale prius homine, quia est forma & formalis causa in *causando* ejus; idem de omni causa dicendum. Etiam ipse finis, prout movet & causat efficientem quid ad agendum, est *Natura prior* quam actio & operatio efficientis. Causat autem & movet prout intenditur; ut cum quis ædificat domum, domus est finis ædificandi: & quanquâ in executione sit postremum, tamen est primum in intentione, & prout intenditur ab ædificatore, movet ipsum ad operandum, & sic *Naturâ prior* est quam ipsa illa actio ædificandi, qua domus efficitur.

Est autem Causa quadruplex, seu quatuor sunt Causarum genera.

Prima, est *Efficiens causa*; a qua effectus producit & causatur; vel per Actionem Physicam, sic ædicator est causa efficiens domus: vel per Emanationem, sic Rationale est causa efficiens Rationabilis.

Secunda est, *Materialis causa*, ex qua res fit; sic lapides, ligna, cæmentum sunt materia domus; sic materia prima est causa materialis ex qua corpus fit.

Tertia, est *Formalis causa*, per quam res fit & causatur; sic rationale est formalis causa hominis, & omnes omnino Differentiæ suarum Specierum quas constituunt.

Quarto, *Finalis causa*, propter quam res fit aut cuius gratia efficiens agit & operatur; ut finis cur ædicator extruit domum est commoda habitatio; & finis quare natura dedit homini oculos, est ut videre possit.

Harum quatuor causarum, duæ sunt essentielles, & de natura effecti, nempe Materia & Forma: duæ alie sunt extra essentielles, nempe Efficiens & Finis, Sed hæc monuisse hic satis

*Prius natura
in consequen-
do quid.*

satis sit. Quocunque vero modo causam sumas, sive pro Efficiente, Materiâ, Formâ vel Fine ea semper prior est Naturâ in Causando suo effectu.

Prius natura in consequendo est illud, à quo non retro sequitur consecutio quoad existentiam : ut bene sequitur, Homo est, ergo animal est, sed non retro, Animal est, ergo homo est : ideo animal est prius naturâ hominè in Consequendo. Sed nō est prius utriusque suis speciebus, homine nimirū & bruto : nā ad existentiam animalis (perfecti scilicet in specie) sequitur existentia vel hominis vel bruti : rectè enim sequitur, Animal (scilicet perfectum in specie) est, ergo vel homo vel brutum est. Imo aliquando Genus non est prius unâ aliquâ suâ specie : nempe cum illa Species in omnibus aliis includitur, sic ut aliz sine his existere non possunt ; ut rectè sequitur, Est numerus, ergo est binarius, quippe nullus numerus existere potest nisi existat binarius.

Atque hinc liquet *Omne Genus esse prius natura quoad causandum omnibus suis Speciebus, sed non esse prius naturâ quoad consequendum vel omnibus vel una aliqua*, ut aliquando evenit. Hinc etiam liquet omnem Differentiam esse priorem naturâ suâ specie in Causando, nullam vero esse priorem suâ specie in Consequendo, quia existere sine Specie non potest. Itidem omnis Species & Differentia prior est natura eo proprio quod fuit à differentia quoad Causandum ; sed neque Species, neque Differentia priores sunt naturâ illo proprio quoad Consequendum ; nam tam certo sequitur Consecutio ab existentia Speciei aut differentie ad existentiam Proprii, quam a proprio ad Speciem aut Differentiam. Equè enim sequitur, Est homo, aut rationale, ergo est risibile ; atque hoc, Est risibile, ergo est homo aut rationale.

*Prius Ordine
quid Syllabæ.*

Prius Ordine illud dicitur quod in aliqua disciplina prius tractatur aut tractandum est. Sic Elementa prius docenda ac discenda sunt quam Syllabæ quam Dictiones. Sic Exordium prius ordine est Narratione, hæc Confirmatione. Et ita in aliis.

Ordo nature, cum id prius tractatur quod naturâ suâ prius est, & sine cuius cognitione alterum perfectè cognosci non potest ; Sic Corpus prius tractandum est in Physica, quam Elementa ; & corpus mixtum quam Vivens, & vivens quam Animal. Et omnino quæ magis Universalia sunt prius tractanda sunt, si ordinem nature sequi volumus : & certe in tradendis omnibus Disciplinis æquum est, imo necessarium ut Naturam ducem sequamur.

*In rerum
ratione ordo
est duplex.*

Ordo quoad nos, cum id prius traditur quod nos facilius intelligere aut cognoscere possumus, licet in se & naturâ suâ non sit prius. Sic nonnunquam evenit ut nos facilius effectum cognoscemus quam causam, ut Lunam eclipsari facilius novimus, quam quare eclipsetur ; & qui effectum prius tractat quam causam, is *Ordinem sequitur quoad nos*, sed non *Ordinem Naturæ*. Sed ut ego arbitror, in tradendâ Disciplinâ, hic Ordo nunquam observandus est.

*Prius Honore
quid.*

Prius Honore illud dicitur quod aliud dignitate superat, eoque præstantius est : ut Rex Subditis, Virtus divitiis. Et huc referri debet prius Loco : nam ex dignitate personæ capitur dignitas loci.

Atque hæc de modis Prioris.

CAP. XXII.

De Modis Simul.

Tertium Postpredicamentum est de *Modis Simul*; ejus tres modos ponit *Arist.* non quia plures non sunt; nam quot modis dicitur unum Oppositorum (nempe prius) tot modis dicitur etiam alterum: sed satis erat eos indicasse quorum est principis usus.

Hi sunt *Simul Tempore*, *Simul naturā in consequendo*, *Simul naturā in dividendo*.

Tempore Simul generaliter ea omnia dicuntur, quae eodem sunt tempore, etsi nec oriatur nec intereant eodem tempore Sic *Plato & Aristoteles simul tempore* dicuntur, etsi quia *Plato* natus sit Olympiade 88. & mortuus Olymp. 108. *Aristoteles* verò natus Olymp. 99. id est, 36. annis post *Platonem*, & mortuus Olymp. 124. id est, 20 annis post *Platonem*, ut ex *Diog. Laert.* liquet. Propriissime verò ea dicuntur *Simul tempore*, quorum neutrum præcedit aut sequitur alterum tempore, sed simul & oriuntur & intereunt. Sic homo & visibile, visibile & rationale, *simul Tempore* sunt, & omnia etiam Relata, nam pater & filius simul oriuntur & moriuntur.

Simul Naturā in Consequendo ea dicuntur, quae & reciprocantur quoad existendi consecutionem, & neutrum eorum est causa alterius. Sic Pater & Filius, & omnia Relata sunt in consequendo simul Naturā. Nam si unum existit, alterum etiam existit: Si unum tollatur, tollitur & quæ alterum, & neutrum causa est alterius; ut in duplo & dimidio expressè afferit hic, *Arist.*

Simul Naturā in Dividendo ea dicuntur quae idem Genus univocum dividunt: Ut homo & brutum, animalis & omnes contradivisæ Species ac Differentiæ ejusdem Generis. *Simul natura in dividendo* quæ.

Dices Binarium, & Ternarium, itemque alias Species Numeri dividere idem Genus univocum, & tamen non sunt *simul Naturā*, cum Binarius sit prior Naturā omni alio Numero, quia à quovis alio ad Binarium sequitur existendi consecutio, sed non retrò sequitur à Binario ad ullum alium; & idem de Lineâ, Superficie, ac Corpore obijci potest. Dub.

Respondet, rectè hinc probari Binarium & Ternarium aut alios Numeros non esse *simul Natura in consequendo*, atque hoc verum est; nam Binarius in Consequendo prior est Naturā, quovis alio Numero, ut rectè in argumento probatur; sed hoc non probat eos non esse simul in Dividendo. Nam ad istam similitudinem, satis est si Genus æquè & æqualiter respiciat omnes Species, & hoc facit Numerus: quod autem unus Numerus sit prior Naturā alio in Consequendo, hoc provenit ex respectu quem unus eorum habet ad alium, non quem habet ad Genus, quasi vicinior esset aut propior Generi quàm alius. Sol.

Atque hoc idem de Lineâ, Superficie, & Corpore responderet: et. Nihil enim impedit quo minus una Species sit prior Naturā quoad Consecutionem aliis contradivisis Speciebus, sed quod sit prior Naturā quoad Divisionem, hoc fieri non potest, cum in dividendo æqualiter omnes à Genere distant, & Genus non minus ad unam quam ad aliam respectum habet, cum naturam suam æqualiter & pari jure omnibus contribuat.

Atque hæc de Modis Simul.

CAP. XXIII.

De Motu.

*Notus est
Postprædica-
mentum.*

Quartum Postprædicamentum est *de Motu*. Nam quia termini ejus sunt in diversis Prædicamentis, ideo respectu terminorum non potuit ad unum Genus referri, sed in Postprædicamentis ponitur, licet respectu essentiae ac naturæ suæ sit directè in Prædicamento Passionis, ut ante dictum est.

Quia verò superius in cap. de Passione satis multa de *Motu* illiusque Speciebus omnibus à nobis dicta sunt, illuc remittendus est Lector, nec hic iterum eadem repetenda.

Atque hæc de Motu.

CAP. XXIV.

De Habere.

Quintum & ultimum Postprædicamentum est *de Modis Habendi*, quorum 8. ponit Arist.

*Dicitur quis
Habere aliquid*

1. Ut *Habitu* aut *Dispositionem*; ut qui scit, *habet* Scientiam.
2. Ut *Quantitatem*; ut qui magnus est, *habet* magnitudinem.
3. Ut *Habitu* vel *vestimentum corporis*; ut *Habere* tunicam.
4. Ut *Habitu* partis corporis; ut *Habere* anulum.
5. Ut *Locatum* seu *contentum in continente*; sic amphora aut dolium *habet*, i. continet vinum.
6. Ut *Possessionem*; ut qui possidet domum aut fundum, dicitur *Habere* domum aut fundum.
7. Ut *Partem*; sic homo dicitur *Habere* manum.
8. Ut *Cohabitantem*; quo sensu ab Arist. vir dicitur *Habere* uxorem.

Quem *Modum Habendi* maximè alienum & improprium vocat: quia ille nihil aliud conjugio significari putavit quam cohabitationem cum muliere, ut ipse se explicat. Sed id longe secus est; nam cohabitat quis cum sorore, matre, filiâ, aut ancillâ, quas tamen uxores non habet: Sed *Habere* ut uxorem, est sacrosancto & indissolubili vinculo, quod ex mutuo utriusque consensu oritur, ei conjungi.

Atque hæc de toto Categoriarum tractatu, Antepredicamentis, Prædicamentis & Postprædicamentis, dicta sint.

Finis Libri secundi.

LIB. III. DE SYLLOGISMO.

PREFATIO.

De Subjecto Logica, & quo ordine tractari debet.

Quia hactenus tractavimus, primo de *Prædicabilibus*, tum de *Prædicamentis*, ea omnia sunt solum *Præfationis* loco ad *Logicam*. Nunc tertio loco ipsam *Logicam* aggrediamur.

Subjectum Logica est *Argumentatio*, seu *Ratiocinatio*. Nam *Logica* dicitur esse *Arts ratiocinandi*: *Ratiocinari* autem nihil aliud est, quam rem aliquam argumentatione vel demonstrare, vel probare. Quare nihil in *Logica* proprie ac primario tractatur, aut tractari debet, præterquam *Argumentatio*, & quæ ad eam pertinet: Deinde subjectum in omni *Disciplina* illud est, cuius *Principia*, *affectiones*, ac *Species* in ea traduntur. In *Logica* vero, *Argumentationis* *Principia*, & *affectiones*, ac *Species* traduntur: quare *Argumentatio* pro *Subjecto Logica* sine ulla controversia agnoscenda est.

Subjectum Logica quid sit.

Tractatur autem *Argumentatio* duobus modis: Primo *generaliter*, ubi declaratur quid *Argumentationi* conveniat, quatenus est *Argumentatio*; uti nimirum consideratur sine ullo respectu vel *materia*, in qua sit, utrum ea necessaria sit, an probabilis; vel *finis* propter quem sit, utrum docendi causa quis arguat, an differendi, an suadendi. De *Argumentatione* in hunc modum generaliter accepta, agit *Arist.* partim in libro *Perihermenias*, partim in libris duobus priorum *Analytic.* Secundo tractatur *specialiter*, ubi agitur de *Argumentatione*, prout vel ad certam materiam restringitur, vel ad certum finem restringitur. Nam vel fit in *materia necessaria*, & ad docendum per necessaria media adhibetur, & tum vocatur *Argumentatio Demonstrativa*, seu *Demonstratio*, de qua agit *Arist.* in lib. duob. de *Demonstratione*: vel fit in *materia probabilis*, aut quæ ut probabilis accipitur, & tum vocatur *Argumentatio Probabilis*: illius autem duplex est finis; Nam *Argumentatio* ista *probabilis* vel adhibetur ad *differendum*, ac *verum inveniendum*, & tum vocatur *Argumentatio Dialectica*, de qua agit *Arist.* in lib. 8. *Topic.* vel adhibetur ad *suadendum* aliquid non *diffuadendum*, & tum vocatur *Argumentatio Rhetorica*, de qua agit *Arist.* lib. tribus *Rhetor.* ad *Theodect.* *Sophistica* autem *Argumentatio*, de qua agit *Arist.* in libro de *Repreh.* *Sophistarum*, non est distincta *Species* arguendi, sed est vitium *Argumentationis*, cuius specialis tractatio non est in *Logica* necessaria, cum illius cognitio fere tota ex *Argumentatione* in *Genere* percipi possit, sed adhibetur ab *Arist.* facilioris disciplinæ causa, & perspicuitatis gratiâ, non necessitatis.

Argumentatio quomodo in Logica tractetur.

Logica partes
tres.

Ita tres sunt in universum partes Logicæ; prima est *Logica generalis* (quæ est velut mater reliquarum) cujus subjectum est *Argumentatio*, vel *Ratiocinatio generaliter* ut dixi accepta, & hæc propriè *Logica* vocatur, quasi dicas *Ratiocinatrix* disciplina, ἡ τῆς λογικῆς, quod rationem & ratiocinari significat. Hanc sequitur *Logica specialis*, ubi Species *Argumentationis* (quæ sunt quasi filix Logicæ generalis) tractantur. Illæ duæ sunt, *Argumentatio Demonstrativa* seu *docens*, quæ dicitur *Logica Demonstrativa*; & *Argumentatio Probabilis* quæ complectitur duas partes, non quidem *forma ac essentia*, sed *sine solum* differentes: Prior est *Argumentatio differens*, quæ propriè *Dialectica Argumentatio* vocatur, uti illa Logicæ pars quæ eam considerat vocatur proprio nomine *Dialectica*, ἀπὸ διαλέξεως, quod differere aut rationibus disceptare significat; Altera est, *Argumentatio suadens* quæ proprio nomine *Rhetorica Argumentatio* vocatur, uti illa Logicæ pars quæ eam considerat vocatur *Rhetorica*, ἀπὸ ρῆω quod dicere, & dicendo suadere significat. De his igitur tribus, *Logica Generali*, *Demonstrativa*, & *Probabiliter* arguente (si Deus annuerit) ordine discuti sumus.

In omnibus verò, quantum possumus, *Aristotelis* vestigiis insitemus: tum quod is Philosophorum omnium princeps jure optimo habendus est: tum quod *Logicam*, totamque hanc *Ratiocinandi* artem, illius ingenio atque industria omnes debemus; Primus hanc argumentandi artem invenit, nullus illi semitam hic antè calcaverat: & ut scias mirabile illius acumen, ac ingenium, non honore solum & admiratione, sed (cum *Augustino*, lib. 9. Conf. cap. 6. sic loqui liceat) planè horrore dignum, artem hanc ab ipso inventam, ipsemet absolvit, eisque ultimam manum, & colophonem addidit, sic ut nihil post eum huc addi, nihil hinc demi possit; nec ab hac illius semitâ, vir prudens ullus, aut doctus unquam deflexit: Nam hic Ramum non moror; scio eum puerilibus ineptiis, & capitiunculis (quas sciolus quivis è nostris scholis, modo *Logicam*, vel à limine salutarit, non resellat modo, sed deriuvi propinet) tanti magistri doctrinam ubique infectari, & illius nomen, lividâ mente, ac dente malévolo rodere. Sed idem illi hic usu venit, quod veteri verbo dici solet, *Sus Minervam*. Meminisse eam potius oportuisset Hieronymiani (h) illius moniti, *Sufficit mihi probare mea, & aliena non carpere*. Puerilis est jactantia, (quod Ramo solenne) *illustres viros accusando, suo nomini famam quærere*. Sed mitto ipsum. Sciunt docti omnes eum, dum pueriliter huic immoto scopulo insillit, atque insultat; & famæ suæ, simul & doctrinæ ac ingenii jacturam fecisse & naufragium. Quamvis autem non mihi placeat illa viri doctissimi, mihi quæ à puero charissimi *Beremooddi* vox, quàm inter disputandum, me audiente, juvenis ille in scholis nostris non sine magno astantium applausu publicè edidit, *Prius vitam quam Aristotelem deseram*; tantum tamen ei in Logicis tribuendum, & sentio & ingenuè profiteor, ut ab illius tramite in his discedere, & indocti hominis, & valde levis ingenii *τυραννίδος* iudicem. Sed rem ipsam nunc aggrediamur.

b Hier. epist.
ad August. in-
ter Epi. Aug.
83.

CAP.

CAP. I.

*De Voce in Genere : De voce non significativa,
& significativa, tam naturaliter,
quam ad placitum.*

Argumentatio generaliter, ut dixi, sumpta, sine ulla consideratione vel materia ex qua, utrum necessaria sit an probabilis; vel suis in quem, utrum docendi causa fiat, an differendi, duobus modis tractanda est. Primo, in Genere: Secundo, in Specie. De ea in Genere duo explicanda sunt: Primo, Quid sit; Secundo, Quae illius Proprietates. Quid sit Argumentatio nunquam recte intelligi potest, nisi prius Materiam ex qua sit & constet, plane & dilucide cognoscamus. Materia autem ex qua sunt omnes Argumentationes, sunt Propositiones: Materia etiam omnis Propositionis sunt Voces. Ita proxime ex Propositionibus, remotius ex Vocibus fit omnis Argumentatio. Quare ut intelligatur quid sit Argumentatio, de Propositione prius dicendum est, & ut intelligatur quid sit Propositionis, de Vocibus prius agendum est; A Vocibus igitur velut à cæteris incipiendum est.

Ordo qui hic observatur.

De Voce agendum est, primo in Genere: Secundo, in Specie. Vox in Genere ita definitur, Vox est quicquid ex ore animantis certis quibusdam instrumentis, puta lingua, palati, gutturi, pulmonum, & similibus proferri potest. Dixi ex ore animantis, et idem docet Arist. lib. 1. de anim. cap. 8. Nam insinuat, ut ventus, sonum quidem edere possunt, non tamen Vocem. Dixi instrumenta vocis esse linguam, palatum, pulmones, & similia: nam soni qui aliis modis etiam ab animante fiunt, ut suppositio pedum, aut manuum, Voces non sunt: et hoc quoque docet Arist. loco citato. Dixi proferri posse; nam Voces scriptæ verè Voces sunt, et si non proferantur, quia sic ut dixi proferri possunt. Et hæc quidem definitio, omni Vocis, siue brutorum, (qualis est latratus canum, cantus avium) siue hominum, communis est, et Vocis tam scriptæ quam prolatae convenit.

Nec necesse est plura addere de Voce in Genere; nam hinc intelligi potest tum quid sit Proprietates Vocis, tum quæ illius Proprietates: sunt autem duæ; prima, Vox omnis, eo quem dixi Vocis modo, proferri potest: secunda, Quicquid isto modo proferri potest, est Vox.

Sequuntur Species Vocis; quæ duæ sunt: Vox alia est Non significativa, alia significativa: de priori prius dicendum est.

Vox non significativa est Vox, quæ nihil significat: ut buff, buff; Scindapsus, quod exemplum ponit Damasc. in sua Dialectica, cap. 5. et similia. Voces quidem sunt, quia ex ore animantis, iis instrumentis quæ dixi, proferri possunt: at quia nullum expriment aut significant conceptum mentis ideo non significantæ merito vocantur. Ac harum vocum nullus omnino est usus vel in ullâ disciplinâ, vel in vitâ humanâ: ideo illæ omnes ab hoc tractatu amandandæ sunt, et ut inutiles rejiciendæ.

Sequitur altera Vocis Species, quæ tractanda est, primo in Genere, tum in Specie.

Vox significativa est Vox quæ significat aliquid, vel, quæ est signum conceptum in animâ: ut homo, lapis: atque de hoc Vocum Genere intelligitur illud Arist. lib. Perih. cap. 1. Voces, inquit, sunt signa, & nota passionum in animâ, et lib. 2. de animâ. cap. 8. Vox, inquit, est sonus significativus.

Quid vero Signum sit diligenter observat Signum est quod seipsum sensui, & præter se quicquid animo obendit, ut recte definit August. lib. de Princ. Dialect. cap. 5. et lib. 2. de doctr.

Vox significativa

doct. Christ. cap. 1. Sic fumus signum est ignis, hedera vini: Ita Vox prolata, aut scripta, signum est conceptus, & rei per illam Vocem significat: Atq; hinc Aquinas recte colligit, part. 3. q. 60. art. 4. *Ea quæ propriè signa sunt, esse sensibilia; quæ verò intelligibilia sunt, ea rationem signi non habent, nisi prout sunt manifesta per aliqua signa.*

Conceptus non
sunt Voces.

Ex hoc consequitur, quod si quis Vocem aliquam concipiat animo, Vox illi sic concepta, vere Vox significativa non est, est enim conceptus signi, non autem (sicut significativa Vox) signum conceptus, cum signum omne sit sensibile & exterius, conceptus autem iste sensibilis non est, nisi signo aliquo exteriori manifestetur. Addo etiam eadem ratione, nullum ullius rei conceptum signum esse, cum conceptus nullus, nisi exterius significetur, sensibilis sit: Sic vero se res habet, *Conceptus sunt intellectuales imagines rerum: Voces vero sunt signa immediata conceptuum, mediata rerum; scripta autem, sunt signa proxima Vocum, remota Conceptuum, remotiora rerum.* Sed de Voce significativa in Genere, hæc satis multa.

Vox significativa
naturaliter
quid.

Sequuntur illius Species, quæ duæ sunt, Vox significativa naturaliter, & significativa ad placitum; Vox significativa naturaliter, est vox per quam natura instinctu conceptus animi aliis significamus; & tales sunt Voces aliqua hominum ut risus, & omnes omnino Voces brutorum; nam & illa, suos conceptus per voces significant, iram putà vel metum, vel desiderium: docet hoc Arist. 1. Polit. cap. 2. *Sermonem solus homo habet, Vox vero cum sit molesti aut jucundi significatio, aliis quoq; animalibus inest.* Hucusque enim in his processit natura, ut sensum habeant jucundi & molesti, & hoc inter se significare possunt. Hinc Basil. Hom. 8. in Hexam. *Irrationalia, inquit, sunt, (de brutis agit) sed tamen unumquodq; ex natura multas anime affectiones Voce significat. Nam & gaudium & tristitiam, & rei familiaris cognitionem, & alimentum inopiam, & innumeras affectiones ipso Vocis sono manifestant.* Quod autem Plato existimavit, (ut refert Clem. Alex. lib. 1. Stromat. pag. 388.) *Bruta omnia non minus, quam homines, inter se colloqui, & Dialectis seu Vocibus ad arbitrium significativis uti;* quod etiam Appollonium se passurum sermonem intellexisse aiebat, quodque in Paracæ urbe Iadæ, cives, draconis hepate comesto, omnium animalium Voces, murmurq; intelligere se dicant, ut refert, Gorop. lib. 1. Hermath. pag. 5. fabulæ sunt, & ineptiæ plusquam aniles: locutio seu sermo, (qui sic Vocibus ad placitum significativis) proprium est homini; illi soli convenit, ut ex Arist. nuper docuimus. Hominiibus vero & brutis communiter convenit Vox naturaliter significans. Sed quia Voces naturaliter significativæ, ad Propositionem nihil conducunt, ideo eas etiam ut instituto nostro inutiles omitemus.

Vox significativa
ad placitum
quid.

Sequitur altera Species Vocis significativæ, de quâ idem agendum est, primo in Genere, tum in Specie.

Vox significativa ad placitum, est vox significativa quæ pro voluntate & Arbitrio ejus qui rebus nomina imposuit, res vel conceptus significat: nam qui animali rationali nomen Hominiis indidit, potuit pro suo arbitrio, alia voces rem istam notare. Imposuit autem rebus quibusdam nomina Deus ipse, in Hebræo idioma; aliis Adamus, & alii homines qui diversorum idiomatum auctores erant.

Atque hoc de Voce significativa ad placitum in Genere observasse satis est.

CAP. II.

De Voce simplici, ejusque Speciebus, Nomine,
Verbo, & voce Syncategorematica.

Sequitur Species Vocis significativæ ad placitum: Species ejus duæ sunt: *Vox simplex*, & *Vox complexa*, quæ vocatur *Oratio*. De utriusque accuratius & diligentius agendum est; & primò de *Voce simplici*, de quâ agendum, Primò in genere, Secundò in Specie: de eâ in genere, quò declaranda sunt: Primò, *Quid sit*; Secundò, *Quid illi proprium*.

Vox simplex est *vox significativa ad placitum*, ejus partes vel nullæ sunt, vel si sunt, *Vox Simplex eadem separata aut nihil omnino significant, aut nihil tale, quale conjuncta significabant*, quid. Ut homo, lapis; In hoc enim *Vox simplex* differt à complexa, seu *Oratione*, quia *Oratio* semper habet partes; & illæ, tam conjunctæ, quam separatæ, idem plane significant; ut in hac *Oratione*, Homo doctus sedet: *Homo*, & *doctus* idem significant quod separatæ, & per se sumptæ significabant. Contrà fit in *Voce simplici*, cujus aliquando nullæ partes sunt, ut in his, *a, e, o*, quæ voces sunt: aliquando partes habent, sed non syllabicas, ut *do, flo, sto*: aliquando partes etiam syllabicas habent, sed illæ separatæ nihil significant, ut *parens, ambulans*: aliquando significant quidem partes illæ separatæ, sed nunquam idem quod conjunctæ, ut in *domus*: nec enim *do*, nec *mus* significat id quod *domus*, sed longè aliud, & ab hoc alienum.

Proprietas Vocis simplicis est hæc unica: *Omnis Vox simplex unum quid, & non multa Proprietas in omni sermone ac ratione significat, aut significare debet*. Hoc aperte tradit *Arist.* 4. *Vocis Simplicis*. *Metaph.* ca. 4. ubi ait, *Non significare unum quid, esse idem ac nihil significare*. Quare tunc cum *Vox* omnis simplex significativa sit, unum quid, & non multa significare debet in oratione. Et *Arist.* ibidem rationem reddit, *Quia aliter, inquit, non esset oratio*, (puta certa, & talis ut intelligi posset) & periret omnis disputatio, quia nihil (ut ille ait eodem cap.) intelligere contingit, nihil unum intelligentes.

Dices, quamplurimas Voces ambiguas esse, & multa significare, ut *Gallus, Cancer, Canis*, & alia; & rectè necessarium est, ut Voces eadem multa denotent, quia res quæ significantur propè infinitæ sunt, *Vocum autem est certus numerus*, ut verè docet *Arist.* lib. 1. de Repreh. *Sophist.* ca. 1. Et *Varro* in *Latina* lingua numeravit Voces quinquies centena millia, & in *Hebræo* idiomate non ultra 1500: radicales voces recensentur. Respondet verissimum esse, quod Voces fere omnes ambiguæ sunt, idque vel casu, ut *Gallus, Cancer*, vel analogiâ quadam ad primarium & principale significatum, ut caput, propriè ac primariò membrum humani corporis, aut animalis notat; per analogiam principem, aut patremfamilias, quia sunt veluti capita reipub. aut domus. Sed utrunq; Voces per se sumptæ ambiguæ sunt, tamem cum in oratione aliis Vocibus connectuntur, unum quiddam, ut dixi, & non multa significant: nam si sint ambiguæ, semper in famosiore (ut loquuntur) significato accipiendæ sunt, nisi ex circumstantiis in alio sensu capiendas esse constet. Et hoc certè non obscure notavit, vel res ipsæ, de quibus est sermo, vel aliquid in oratione annexum. Quis enim in hac oratione, *Cæsar Gallum fudit*, non intelligat populum Galliarum, & non avem? aut quis in hac, *Cantro laborat*, non intelligat morbum, & non piscem? Ita in oratione, *Vox* omnis unum quid semper denotat; ac de *Voce simplici in Genere* hæc dicta sint.

Dub.

Sol.

Sec.

*Species Vocis
Simplicis.*

Sequitur *Species Vocis simplicis*. Aliter autem Vocem dividunt Grammatici, aliter Logici; Grammatici octo numerant *Vocis Species*, quas totidem partes *Orationis* nominant: ad quarum aliquam, vocem omnem in omni idiomate revocant. Quam divisionem tantum abest ut improbem, ut nunquam satis laudari sentiam eorum acumen, qui tot tamque innumeras Voces, ad tam paucas, & quod majus est, tam aptas & commodas classes retulerunt. Fruantur illi sua, cæque laudatissima partitione, quæ ad sermonis congruitatem, ornatum, atq; elegantiam docendum, non solum utilis est, sed planè necessaria.

Logici vero, qui neq; ornatum, aut elegantiam, neq; ipsam congruitatem quidem, sed solum veritatem orationis respiciunt, quiq; Vocem non aliter considerant, quam ut inservit Propositioni; duas Vocum Species, & non plures agnoscunt, Vocem *Catagorematicam*, & Vocem *Synatagorematicam*.

Vox Catagorematica quid.

Vox Catagorematica est vox simplex, quæ apta est, ut sit materia & materialis pars Propositionis, sic ut ex ea fiat Propositio; dicta *Catagorematica*, quia ad *Categoriam*, id est, *Prædicationem* sic spectat, ut vel de aliis prædicari possit, vel subijci aliis quæ de se prædicantur; ut Homo, Iustitia, Eni, Socrates, Ambulat, Loquitur, & similia. Latine dicas aptissime voces principales seu principaliter res aut conceptus significantes.

Nomen quid.

Vocis *Catagorematicæ* dux sunt Species, *Nomen & Verbum*. *Nomen* est *Vox Catagorematica*, quæ rem aliquam, aut conceptum mentis significat, sine ullâ certâ temporis differentiâ: ut homo, lapis, bonus, magnus, & similia: & hæc referenda sunt *Pronomina omnia substantiva*, quæ vicem nominum substantivorum supplent, & pro illis brevitaris causâ usurpantur: qualia sunt *Ego, tu, ille, iste, hic, is*: Nam ista possunt esse subiecta in Propositione, ut *Ego scribo, Tu legis*, & significant rem sine temporis ullâ differentiâ. Hæc etiam spectant omnia *Participia* quoties significant sine differentiâ temporis: ut cum dico, *Tu es doctus, fuisti legens, est amandus*. Quod si temporis differentiam notemus, tum non *Nomina* censenda sunt, sed *Verba*.

Dub.

Dices *Horam, diem, mensem, annum*, esse *Nomina*, & tamen significant tempus, & differentiam temporis.

Sol.

Respondedo, posse multa *Nomina* significare tempus, & differentiam unius temporis ab alio, sed non significant cum certâ aliquâ differentiâ temporis, id est, non significant aliquid principaliter, & præter illud significant id esse vel in præsentem, vel in præteritum, vel in futuro tempore, sed hoc incertum manet ex significatione *Nominum*. Ita significatio *horæ, diei*, & aliorum, est quidem *tempus*: sed cum dico [*hora*] d. e. mihi an præsentem horam, certo tibi notem, an præteritam, an futuram? & hoc est, quod dicere solent, Nullum nomen adsignificare tempus, etsi significare tempus possit.

Verbum quid.

Verbum est *Vox Catagorematica*, quæ rem significat cum certâ temporis differentiâ, ut *lego, doceo*, principaliter significant actionem legendi, & docendi: sed præter hæc, norant actiones jam in præsentem tempore fieri, & ita adsignificant tempus (ut loquitur *Arist.* lib. de *Interp.* cap. 3.) quod nomen nullum facit. Arque hinc liquet *Participia* omnia, quando significant cum differentiâ temporis, esse verè verba apud *Logicos*; ut *Puer est docendus*. Hinc etiam apparet verbum illud *Substantivum Sum es fui*, quando *Copula* est, & nihil aliud, non esse *Verbum* apud *Logicos*: nam non significat rem aliquam, sed solummodo copulat unam rem, aut conceptum cum aliâ. Arque hoc est quod *Arist.* lib. de *Interp.* cap. 3. nu. 6. dicit, *Esse, aut non esse, non est signum rei, sed compositionem quandam adsignificat*: quem in locum rectè observat *Jul. Pacius*, Tantum abest, ut esse aut non esse, per se accepta, significant rem aliquam esse aut non esse, ut verius sit, ea nihil significare, atq; adeo non esse vera verba, sed (ut in scholis nominantur) copulæ verbales: Hæc ille, Quod idem docet *Forsec.* lib. 1. *Dial.* c. 14. & *Zabar.* in *Tab.* in lib. de *Interp.* p. 27 illius verba notatu digna sunt, *Verbum* inquit rem significat, ut *carro* significat *cursum*. Excepitur hoc verbum [est] quando est tertium adjectivum, nullam enim rem tū significat,

ut

ut cum dico, Homo est albus : Sic ille. Idem Petrus Molineus, lib. 1. cap. 1. In Logiceis, inquit, Verbum [Est] non accensetur verbis, sed est verbalis copula. Recte, nam revera [est] quando pro Copula tantum sumitur, non notat rem ullam, aut existentiam rei, sed solum conjunctionem & connexionem Prædicati cum Subiecto; ut hic, Chimæra est figmentum, Vacuum est non ens; in his per Verbum [est] nihil aliud notatur, nisi Prædicatum coherere cum Subiecto.

Vox Syncategorematica, est vox quæ inepta est ut per se sit materialis pars Propositionis, sed adhæret vocibus illis quæ sunt ex se materiales partes Propositionis, ut modum aliquem earum significationi addat; vel copulando eas inter se, ut Homo est Animal; vel extendendo earum quantitatem, ut omnis homo est vivens; vel contrahendo, ut quidam homo est doctus; vel separando unam partem ab alia, ut homo non est lapis; vel alio modo qualificando, ut Aristoteles bene & diu philosophatur est in Lycæo: hæc voces bene, diu, et in, modum denotant, quomodo, ubi, et quamdiu philosophatus est. Latine dicas non male, voces adsignificativas, quia non significant rem ullam principaliter, sed solum adsignificant, id est, adjunctæ aliis vocibus, earum significationem hoc aut illo modo efficiunt.

Atque hinc liquet, non modo omnia Adverbia, Conjunctiones, Præpositiones, et Interjectiones, sed quàm multa etiam quæ Grammaticis Nomina Adjectiva vocantur, ut omnia, nullus, unus, alius, et similia; multa etiam Pronomina, ut quidam, quilibet, quicunque, aliquis, meus, tuus, noster, vester, et similia; nonnulla etiam quæ verba illis sunt, ut Sum, es, est, fui, ero, (cum Copulæ loco solum adhibeantur, ut sit in Propositionibus omnibus tertii adjacentis) à Logicis in unam Classem et Speciem Vocis reduci; omnia enim talia, Syncategorematicæ Voces sunt; quia omnia eandem omnino rationem habent in Propositione, materiales enim partes ejus esse non possunt: quis enim ita dicat, Omnis est homo; aut sic, Non est arbor? Hæc igitur est altera Classis aut Species Vocis simplicis apud Logicos.

Ita in universum sunt tres Species Vocis simplicis; ad unam quarum Vox omnis simplex à Logicis refertur. Vox Categorematica, quæ est vel Nomen, vel Verbum, et Vox Syncategorematica.

Atque hæc de Voce simplici, ejusque Speciebus dicta sunt.

CAP. III.

De Oratione in Genere deque ejus Speciebus.

Sequitur Vox complexa quæ dicitur Oratio: quæ consideranda est dupliciter: Primo in Genere; Secundo in Specie. Primo, Quid sit: Secundo, Quæ illius Proprietates.

Oratio est vox complexa, (seu est multitudo et congeries plurimum vocum simplicium) cujus partes separata non solum significativa sunt, sed idem plane quod conjuncte significant. Ut, Homo doctus ambulat; Orationem Vocem esse testatur Arist. lib. Perihæ. cap. 4. Oratio, inquit, est vox significativa, &c. In eo autem quod complexa sit, à Voce simplici distinguitur; nam ex eo provenit, ut ejus partes (quæ sunt voces simplices) significant idem plane cum separatæ sunt, quod significabant cum erant conjunctæ.


Dices, Curro, ambulo, scribo, et similia, Orationes sunt; et tamen hic non est congeries multarum Vocum, sed una tantum Vox simplex.

Dixi.

Y

Respondeo

- Sol.** Respondeo, istas Voces esse verè Orationes, sed implicitas, non explicitas, & ideo in illa una Voce quæ exprimitur, plures voces explicantur, nam Curro idem valet, atque Ego sum currens : quæ omnes Voces in illa unâ, Curro, implicantur.
- Propriet as Orationis.** Proprietas Orationis, est hæc unica, quod *Omnis Oratio constat ex pluribus vocibus simplicibus vel explicitè vel implicitè* ; & quicquid ex pluribus vocibus constat est Oratio. Hæc de Oratione in Genere. Sequuntur ejus Species, quæ duæ sunt : Oratio imperfecta, & Oratio perfecta.
- Oratio Imperfecta quid.** Oratio imperfecta est oratio quæ non relinquit perfectum sensum in animo audientis. Hoc autem fit vel quia nullum est Verbum aut Copula, ut Homo justus, Homo & animal ; vel quia sensus per illud Verbum aut Copulam non completur, sed suspensum relinquit animû, ut *Cum fueris Roma* : *Si tibi copia, seu sapientia, formaque detur.*
- Oratio perfecta quid.** Oratio perfecta est Oratio quæ relinquit integrum, plenum ; & perfectum sensum in animo audientis : & talis Oratio est quadruplex.
- Alia est Imperativa, ut
- Disce puer virtutem ex me verosque labores,
Fortunam ex aliis.*
- Alia est Optativa, ut,
- Sed mihi vel tellus optem, prius ima debiscat,
Vel pater omnipotens adigat me fulmine ad umbras,
Pallentes umbras Erebi, noctemque profundam,
Ante Pudor quam te violenti, aut tua jura resolvam.*
- Atque ad hanc referri debet Oratio Precativa, ut,
- Eripe me, his inviste malis.*
- Hæc enim (similèque omnes) precativa est, licet in Imperativo modo proferatur. Rectissime enim observat Basiliius in Plal. 44. Precationes frequenter formari imperativè ; ut *Eia! voluntas tua*, id est, *utinam fiat*, *Adveniat regnum tuum*, id est, *utinam adveniat*, sic ille, *Alia est Interrogativa*, ut,
- Tantane animis caelestibus ira?*
- Alia denique est Indicativa, quæ rem aliquam aut esse aut non esse indicamus: ut, *Bene est, tui Deus obtulit parca quod satis est manu.* Et hæc sola Propositionem facit : quia per hanc solam verum aut falsû significamus ac proponimus, unde Propositio dicta. Quare omis- sis aliis omnibus Orationis Speciebus, ut ab instituto nostro alienis, de Oratione solum Indica- tivâ, seu (quod idem valet) de Propositione deinceps acturi sumus ; de Propositione enim post Vocum (quæ illius materia sunt) tractationem, agendum, antea proposuimus Cap. 1. Sed priusquam ulterius procedamus, ea quæ hæcenus de Voce dicta sunt, memoriæ causâ, brevi hac Synopsi proponemus :



CAP. III.

De Propositione in Genere.

DE Propositione agendum est Primò in Genere, ubi quid omni Propositioni convenit declarandum est; Secundò in Specie, ubi quæ sunt illius Species, & quid singulis conveniat explicandum. De Propositione in Genere, duo declaranda sunt, Primò *Quid sit*, Secundò, *Quæ illius Proprietates*.

Propositio est Oratio indicativa, quæ verum vel falsum significat, aut indicat, idque vel affirmando, vel negando. Ut Homo est animal: Lapis non est homo: Si dies est, sol lucet: Necessè est hominem esse substantiam: Hæc enim definitio omni Propositioni convenit; omni inquam, sive ea prolata sit, sive scripta; nam ut Vox & Oratio, ita etiam Propositio duobus modis accipi potest. Unde tam Vox, quàm Oratio, & Propositio, in Vocalem & Scriptam, distingui potest & solet: quæ verò dicitur *Vox mentalis*, aut *Oratio mentalis*, & *scriptalis*, cum neutrum eorum signum exterius sit, certè neque Vox, neque Oratio Verè est, nec potest sic nisi abusivè vocari potest.

Quid sit Propositio videmus. Proprietates ejus quinque sunt; *Qualitas*, *Quantitas*, *Proprietates Oppositio*, *Aquipollentia*, & *Conversio*. Nam hæc omnia (quod hic moneo) conveniunt Propositioni in Genere, illiusque Proprietates sunt, nec ad ullam unam Propositionis Speciem (ut solent à vulgo Logicorum) quasi ullius earum Proprietates restringi debent.

Prima Proprietas est *Qualitas*, quæ inter omnes diligentissimè est observanda. *Qualitas* autem Propositionis tria respicit, primò *Affirmationem*, & *Negationem*; secundò *Veritatem* & *Falsitatem*; tertio *Necessitatem* & *Contingentiam*: unde hæc Proprietas tribus regulis explicari debet.

Prima regula est hæc: *Omnis Propositio vel affirmat aliquid vel negat, & quæcunq; ratio vel affirmat aliquid, vel negat ullo modo, est Propositio.* Prima Regula de Qualitate.

Propositio affirmat, vel est *affirmativa*, quando rem ullam quocunque modo affirmat. *Affirmativa.* Ut Homo est vivens. Si dies est Sol lucet: Necessè est animal esse substantiam. *Propositio quid.*

Propositio negat, vel est *negativa*, quando rem aliquam quocunque modo negat. *Negativa.* Ut Homo non est lapis: Non si dies est sol lucet: Non est necesse hominem esse doctum. *Propositio quid.*

Secunda regula de *Qualitate* est hæc: *Omnis Propositio significat vel verum vel falsum, & quæcunque Oratio ullo modo significat vel verum vel falsum est Propositio.* Secunda Regula de Qualitate.

Propositio est *vera*, vel significat verum, quando res respondet orationi, & ita se habet *Vera Propositio* ut Propositio significat eam se habere. Nam ut docet Arist. lib. 9. Metaph. ca. 12. *Veritas quid.* *Veritas* est adequatio rei & orationis: Ut, Homo est vivens, vera est Propositio, sive scribas, sive voce proferas: quia res ipsa ita se habet, ut per hanc Propositionem significatur.

Propositio est *falsa*, vel significat falsum, quando res non respondet orationi, sed aliter se habet quàm Propositio significat eam se habere. Nam ut ex Arist. loco nuper citato liquet, *falsitas quid.* *falsitas* est inadequatio rei & orationis: Ut hæc est falsa, Homo est lapis, sive scribas, sive vivâ voce proferas, quia res ipsa non respondet orationi.

Unum hic est de veritate & falsitate Propositionum accurate & diligenter observandum: *Propositio* omnis tam scripta, quàm prolata, verà est, quandocunq; res respondet ei positio est quod per orationem significatur, vel verbis expressis, vel necessariò subintellektis. Verè enim vera.

vulgò dicitur, *Quod necessariò subintelligitur, non deest*. Ex autem voces necessariò subintelliguntur, quas vel ex scripto, vel modo proferendi, vel ullà al. a manifestà circumstantià intelligi, aut intelligendas esse, constat. Hinc illud quod in sacris literis dicitur, Psal. 116. *Omnis Homo est mendax*, verissimum est; & tamen si nihil aliud quàm quod exprimitur spectes, falsum est: nam Christus homo non est mendax. Sed quia constat ex isdem sacris literis, Deum mendacem non esse, & Christum Deum esse, ideo ex his certò colligitur, & constat per vocem [homo] in priore propositione intelligi necessariò merum hominem, qui homo tantum est, non Deus; & ita tam vera est illa propositio, *Omnis Homo est mendax*, hoc subintellecto, (quod necessariò subintelligendum esse constat) quam si expressis verbis dictum fuisset, *Omnis merus homo mendax est*.

Quando Propositio est falsa

Pari modo, *Propositio* omnis sive scripta, sive prolata, *falsa est*, quandocumque res non respondet ei quod exprimitur, aut quod necessariò subintelligi, vel subintelligendum esse constat, etiamsi is qui proferit, aut scribit illam Propositionem, clausulam aliquam occultam, & non necessariò subintelligendam intus apud se & suà mente reservet, quā additā, oratio fiat vera; quam tamen clausulam ab eo subintelligi, ex nullà circumstantià scripti, aut sermonis, colligi potest: Ut si quis scripto, vel voce enunciet, se nunquam Romæ fuisse, qui tamen illic verè fuit per aliquot annos, & reservet apud se hanc clausulam, nunquam ante Christum natum, aut nunquam ex quo in Angliam redierit, aut nunquam ibi fuisse, ut tibi illud significet, aut indicet (quod genus mentalis reservationis vulgò, sed non satis aptè, *Æquivocatio* vocari solet) qui inquam illud, cum istarum aliquā reservatione enunciaret, sine dubio mentiretur; & ejus oratio sive scripta, sive prolata, falsa esset, quia neque necessariò subintelligenda est talis clausula, neque ex ulla scripti aut sermonis circumstantià intelligi potest talem clausulam ab eo qui id protulit subintelligi; imò contrarium potius ex circumstantiis colligi potest.

Mentalis Reservatio seu Æquivocatio.

Mixta Propositio nulla est.

Ex hoc consequitur Propositionem illam quam *Mixtam* vocant Jesuitæ, ejus nimirum una pars voce vel scripto exprimitur, altera verò (quam subintelligi, aut subintelligendam esse ex nulla circumstantià liquere potest) mente reservatur, nihil esse aliud quàm figmentum merum & delirium. Nulla est omnino talis mixta Propositio, neque ab orbis condito, per quinque millia annorum & amplius, vel à Legicis, sive Ethnicis, sive Christianis (multo minus à Theologis) unquam recepta fuit, aut probata illa mixta Propositio, ut constanter asserit vir doctissimus Episc. Convent. in suà censur. doctrinæ de Æquivo. cap. 3. pag. 45. In novissimis vero & pravissimis senescentis mundi ætatibus, teste Genesio in Theoph. ca. 6. ab ignobili Sophistâ Gabriele Biel excogitata fuit, & jam à Jesuitis (a. curissimis omnium qui unquam fuerunt mendaciorum patronis) tanquam Romana Helenæ defenditur, ut videre licet, tum in tractatu de Æquivocatione, approbato à Geor. Blackwello, tum in libro P. R. (id est, patris Roberti Parsonii) de Mitig. cap. 7. & 8. Non alium vero in finem vel inventa est, vel defensata, nisi ut ipsis esset latebra mendaci, simul & perjurii.

Non esse vero ullam talem Propositionem, hinc liquet: quia *Propositio omnis est oratio*, ideoque vox significativa, exque ejusmodi vocibus constata: vox autem omnis significativa, signum est conceptum mentis, ut ante ostendimus, utque *Arist.* expresse docet lib. de Inter. cap. 2. *Voces* inquit, *sunt signa conceptuum in animo*: illa autem pars Propositionis mixtæ quæ mente reservatur, signum non est ejus quod concipis, (ut ex Aquinate docuimus) sed est ipse conceptus, quem ideo mente reservas, nè id quod concipis, significes. Quare eam illa pars quæ concipitur solum, & non profertur, vel scribitur, vox non sit, certè nec pars ullius Propositionis esse potest.

non Æquivocationem detestandus.

Quantopere vero detestandæ sint istæ mixtæ Propositiones, vel hinc solum liquere potest, quia si talis Propositio, illiusque usus, semel admittatur, & pro legitima approbetur (ut per eam exprimere & proponere mentis conceptus liceat) nihil usquam est tam falsum, aut impossibile, quod non tuto verèque asserere, imò & juramento sacrosancto confirmare liceat.

liceat. Tu, cum sacerdos sis, & Missibans, dic tamen surreptitium respondisse quoniam ex hac scholâ notum est, utque videre licet in Confut. doctrinæ de Equ. cap. 18. pa. 94.) Dic inquam audacter, & jurato te sacerdotem non esse, cum hac mentis reservatione, [non polliam sacerdotem.] Tu Trethame, etiam jamjam morituro, dicito, scripseris testare eundem & protestare tam certo, quam salutem expectas, (fecisti enim hæc omnia, ut liquet in actione proditoriâ, littera T. 3.) te Garnettum ab annis 16. nunquam vidisse; dicito hoc contra conscientiam, & conscientiam tuam, & ipsius Garnetti, aliorumque confessionem; licebit tamen Garnetto iudice (ut ibidem liquet) cum Equivocatione, aut mentis reservatione hoc dicere; non vidisti cum [oculis glorificatis] (ut ab alio istius farinae, in simili causâ responsû fuisse accepimus) non vidisti, [ut his aut illi significet.] Dicito & jurato te nullû unquâ hominem, corpus, aut colorem vidisse: verum esse jurabis, cum hac quam apud te reservasti clausulâ, non vidisse te hæc [oculis leonit, aut equi;] aut, ut ille Lucifuga, [non oculis glorificatis.] Jura denique nec hominem, nec brutum, nec coelum, nec inferos esse, verè te jurasse contendes, qui reservasti hanc aut similem clausulam, non esse hæc [in puncto mathematico, non in Utopia, non supra, aut extra supremam Sphæram.] Hæc quia impia sunt & abominanda, amandentur ad inferos, unde exortæ sunt istæ equivocandi artes, & Jesuiticæ reservationes. Sunt enim vere Asylum mendacii & perjurii, veritatis ac fidei capitalis hostis, rerumpub. omnium pestis, & totius humanæ vitæ certissima perniciēs. Audiant vero Jesuitæ isti, alium Jesuitam, Azor. lib. 11. Moral. cap. 2. Quidam, inquit, putant fas esse cuiquam jurare eo sensu quem mente intus concipit. Quid vero tu? possemus, inquit, hac ratione quidvis negare, & nihil non absque mendacio dicere. Audiant Dom. Soto lib. 5. de Jure & Justit. qu. 6. art. 2. Dicere non feci, quod samem fecisti, cum hac mentis limitatione (ut tibi significem) non est equivocatio sed mendacium. Aut si hæc audire nolint, audient, velint, nolint, vocem illam Omnipotentis, Labia mendacia abominatio Domino.. Atque hoc de secunda regulâ quæ veritatem & falsitatem propositionis respicit.

Tertia regula de Qualitate propositionis est hæc: *Omnis Propositio est vel necessaria, Tertia Regula vel contingens. de Qualitate.*

Propositio est necessaria, quando id quod per eam notatur, vel est tam necessario verum, *Necessaria* ut nunquam falsum sit, aut esse possit; vel tam necessario falsum, ut nunquam verum sit aut esse possit. Ut, Homo est animal, Homo non est lapis, sunt necessario veræ; Homo est brutum, Homo est lapis, sunt necessario falsæ: Si dies est, Sol lucet, est necessario vera: Si homo sit animal, est lapis, est necessario falsa.

Propositio est contingens, quando id quod per eam notatur, vel est ita verum, ut tamen *Contingens* quandoque falsum sit, vel esse possit: vel ita falsum, ut tamen verum quandoque sit, vel esse possit: ut, Socrates est doctus, est contingens: quia est verum sit, cum jam esse doctus, cum, tamen & fuit ante, & iterum potest esse non doctus: Si des operam studiis, evades insignis Philosophus, est contingens: quia fieri potest, ut si acumen tibi adest, diligentia & studio evades alter Aristoteles: sin ingenium desit, utrumque insudes studiis, operam omnem & oleum perdis: Nam,

*Nec studium sine divite vend,
Nec rade quid profit video ingenium.*

Quantitas Propositionis.

Secunda Proprietas Propositionis est *Quantitas*: *Omnis Propositio aliquam Quantitatem habet, esseque vel universalis, vel Particularis, vel Singularis, vel Indefinita:* ut hæc, Omnis homo est animal, est Universalis: Aliquis homo est doctus, est Particularis: Hominem esse lapidem est impossibile, est Singularis: Homo est prudens, est indefinita: quæ omnia clariùs ac faciliùs ex iis quæ postea trademus intelligi poterunt.

Tertia Proprietas est *Oppositio*: *Omnis Propositio alicui alteri Propositioni opposita potest:*

Oppositio Propositionis.

potest. Et quidem variis modis opponitur infra liquet. hic satis sit monere omnem Propositionem alteri alteri contradictorie opponi. Quod vel hinc certissime constat, quia nulla dari Propositioni potest, contra quam alteri disputare non liceat: at Opponens qui contra disputat, debet semper contradictorium tenere ac suscipere sibi probandum, ei quod a Respondente asseritur. Quare nulla Propositioni dari potest, cui altera ei contradictorie opposita non possit dari.

Equipollentia Propositionis.

Quarta Proprietas est Equipollentia: Omnis Propositioni alteri equipollere potest: ut, Omnis homo est animal, equipollent huic, Non aliquis homo non est animal: & hæc, Si homo est animal est vivens, equipollent huic, Omne animal est vivens: & hæc, Necesse est hominem esse animal, equipollent huic, Impossibile est hominem non esse animal.

Conversio Propositionis.

Quinta Proprietas est Conversio: Omnis Propositioni in aliam converti potest: ut, Nullus homo est lapis, convertitur in hanc, Nullus lapis est homo; & hæc, Si dies est sol lucet, convertitur in hanc, Quandocunque dies est sol lucet; & hæc, Necesse est hominem esse animal, convertitur in hanc, Aliquid quod est necesse, est hominem esse animal.

Ac de Propositione in Genere hæc dicta sint.

CAP. V.

De Propositione Categorica, quid sit.

Categorica Propositioni quid.

Categorica quare dicta.

Subiectum quid.

Predicatum quid.

Copula quid.

Nunc agendum est de Propositione in Specie. Sunt autem ejus duæ Species. Propositioni Categorica & Hypothesica. De Categorica quæ primo tractanda est, duo explicanda sunt: Primo, Quid sit; Secundo Quæ illius Proprietates. Categorica Propositioni est Propositioni, in qua aliquid Categorice, id est, simpliciter, absolute, sine ulla conditione vel affirmatur, vel negatur; quæq; constat ex uno Subiecto, & uno Predicato, per unam Copulam connectitur. Homo est animal, Homo non est lapis. Dicitur autem hæc non incommode posset Propositioni simplex, & sic ab Arist. lib. de Interp. ca. 5. nu. 5. & 6. vocatur, & vere simplex, quia constat ex uno solum Subiecto, uno solum Predicato, & una solum Copula. In quo ab Hypothesica Propositione proprie distinguitur. Sed quia usus jam apud omnes obtinuit, ut Categorica vocetur, loquendum est certe hic cum vulgo, & pro simplici Categoricam dicamus. Puto autem ideo Categoricam vocari, quia in hac est unum tantum Categoremata, id est, Prædicatum, quod de uno tantum Subiecto Categorice, id est, simpliciter, absolute, & sine ulla conditione prædicatur. Hoc enim vox hæc Categorice significat.

Quæ definitio ut rectius intelligatur, observandum est, quid sit Subiectum, quid Prædicatum, & quid Copula.

Subiectum est totum illud quod præcedit Copulam, exceptis notis Quantitatis, & Qualitatis; ut in hac, Omnis homo doctus & probus laudandus, Subiectum est, homo doctus & probus.

Prædicatum est totum illud quod sequitur Copulam; ut in hac, Homo est animal rationale & risibile, Prædicatum est, animal rationale & risibile.

Copula est verbum principale in Propositione, quod connectit Prædicatum cum Subiecto: Et hæc est in omni Propositione Verbum hoc Substantivum, Sum, es, fui, aut aliqua persona illius.

Hæc

Hæc tria in omni Propositione Categorica semper habentur, & aliquando quidem exprimi-
muntur, seu expresse ponuntur: ut, Hic homo est animal, & tum Propositio *Explicita* &
dicitur; aliquando non exprimuntur sed implicantur, & tum Propositio *Implicita* dicitur, *implicita*.
quæ resolvendo fieri potest *Explicita*: In *Implicita* autem Propositione aliquando non ex-
primitur Subiectum, ut *Ambulo*, id est, Ego sum ambulans: aliquando non exprimitur
Prædicatum, ut *Homo est*, id est, Homo est Ens, vel existens: aliquando nec Copula, nec
Subiectum exprimitur, ut in his, *Pluit*, *Ningit*, & similibus; quæ variis modis re-
solvendi possunt. Nam si pluvia quasi *fluvia*, dicatur à fluo, ut Anglicum nostrum *rain*
à *pluvio*; tum sic resolvitur, *Pluit*, id est, Pluvia vel aqua pluvialis in quam nubes
resolvitur, est fluens vel cadens e nube, vel si pluo à *βλῦω*, id est, mano aut effundo de-
rivetur, tum sic resolvitur, *Pluit*, id est, Aer vel nubes effundit aquam pluvialem. Iri-
dem *Ningit*, id est, Nix seu vapor nivalis in quem nubes resolvitur, est cadens. Sed quo-
modocunque resolvatur, hoc constat, in his, adeoque in omni Propositione, ista tria
semper inveniri, Subiectum dico, Copulam, & Prædicatum, vel *explicitè* vel *im-
plicitè*.

Observa ulterius, quod quando nihil additur Subjecto præter hoc verbum *Sum*, aut *Est*, Propositio se-
aut aliqua illius persona, ut hic, Homo est, Chimæra non est, Tu es, Troja fuit, & in cunctis adja-
similibus: talis Propositio dicitur, *Propositio secundæ adjacentis* à Logicis, quia illud *centis* & *ter-
tiæ* Prædicatum quod adjacet Subjecto, est secundum in Propositione, vel in eo quod secun-
dum est implicatur: in istis enim omnibus, Prædicatum includitur, & implicatur in
ipsa Copula, quæ est secundum in Propositione quoad locum, (nam *Subiectum præcedit*,
Copula intercedit, *Prædicatum succedit*) & est Participium illius Verbi *Sum*; Prædica-
tum enim in his, est semper *Ens* aut *Existent*: *Ens* autem participium est ab antiquo &
obsoleto Verbo, *Eo*, *es*, à quo *Sum* quædam Tempora mutuatur. Quando autem Subjecto
additur aliquid, quod in Copula non includitur, talis Propositio vocatur *tertiæ adja-
centis*, quia id quod tertium est (quoad locum) in Propositione, adjacet Subjecto, & de eo
prædicatur: ut hic, Homo est animal, Homo loquitur: Quæ distinctio Propositionum, *se-
cundæ & tertii adjacentis*, colligitur, non obscure ex verbis *Arist.* lib. de *Interp.* ca. 10.
nu. 4. & 5.

Adhuc observa, quod ex his tribus, quæ in omni Propositione reperiuntur, duæ extrin-
secæ, nempe Subjectum & Prædicatum, sunt *Materia*, seu *materiales partes*, & *Termini* Prædicatum
Propositionis: Copula autem non est materialis pars Propositionis, sed *vinculum*, *copulans*, ut *Materia*,
& *connexæ* istas partes inter se, & ideo ut illæ *Materia* locum habent, ita Copula instar *Copula ut
Formæ* est in Propositione. Quæ licet in illis Propositionibus quæ sunt *secundæ adjacentis* *Formæ*.
sit (ut, Homo est) in hac Copula, *est*, Prædicatum nempe *Ens* includatur, tamen ipsa Co-
pula, quæ *Copula est*, & nihil aliud, non est materialis pars, ne ullius quidem Propositio-
nis, sed vinculum tantum & quasi forma ejus. Nihil autem refert, cujus Temporis aut per-
sonæ Copula est, nam tam veræ sunt Propositiones, *Troja fuit*, & *Roma incendio de-
structa*, quæ sunt in præterito & futuro tempore, quàm hæc, *Homo est animal*, quæ est in
præsentia.

Ac de definitione Propositionis Categoricæ, hæc

satis multa.

CAP.

CAP. VI.

De Qualitate Propositionis Categorica.

Proprietates
quinque Propo-
sitionis Cate-
gorica.

SEquuntur nunc Proprietates propositionis Categoricae, quae sunt quinque. Prima, *Qualitas Categorica*: Secunda *Quantitas Categorica*: Tertia, *Oppositio Categorica*: Quarta, *Equipollentia Categorica*: Quinta *Conversio Categorica*. Nam etsi hae omnia, ut supra monui, prout in Genere & indeterminatè sumuntur, sint Proprietates Propositionis in Genere, tamen prout limitantur, & determinantur, sunt Proprietates Specierum Propositionis. Nam *Categorica Affirmatio & Negatio, Veritas & Falsitas, Necessitas & Contingentia*, & sic in reliquis, Proprietates verae sunt Categoricae propositionis; Hypothetica vero *Affirmatio & Negatio, Veritas & Falsitas, Necessitas, & Contingentia*, & reliqua, sunt Proprietates Hypotheticae propositionis. Hic vero de his prout ad Categoricam propositionem restringuntur agemus; & primo de Qualitate.

Qualitas Propositionis quid - Hoc Propositionis Categoricae proprium est, ut omnis talis Propositio Qualitatem aliquam habeat. Qualitas hic vocatur, per quam indicatur & exprimitur, qualiter Prædicatum & Subiecto convenerit, utrum ita ut affirmetur de eo, an ut negetur; itemque utrum verè & falsò, utrum etiam necessario an contingenter, vel affirmetur, vel negetur. Ex quo fit ut Qualitas hae Categoricae propositionis, de qua nunc agimus, tria respiciat: quorum primum est *Categorica Affirmatio & Negatio*: secundum est *Categorica Veritas & Falsitas*: Tertium est *Categorica Necessitas & Contingentia*, unde de Qualitate propositionis Categoricae tres regulæ oriuntur.

Prima Regula
de Qualitate.

-Prima est haec: *Omni propositio Categorica absolute, & Categorice aliquid vel affirmat vel negat*: ideoque est vel Affirmativa vel Negativa.

Affirmativa
Propositio
Categorica quid.

Propositio Categorica Affirmativa est, quando Prædicatum Categorice, seu (quod idem valet) absolute affirmatur de Subiecto. Cujus Nota est, quod negatio ista *Non* Copulam non præcedit, necne actu neque virtute: aut si forte loco præcedat, suas tamen vires in eam non exercet: ut *Omnis homo est doctus*: *Omne non animal est non homo*: nam licet negatio *Non* in posteriori exemplo, præcedat Copulam loco, non tamen sic præcedit, ut ejus virtus exerceatur in Copulam, sed solum in Subiectum, quod facit terminum infinitum; & si proprie loqui volumus, vox illa *Non* ibi non est vox negans, sed solum infinitans.

Negativa Pro-
positio Cate-
gorica quid.

Propositio Categorica negativa, est quando Prædicatum Categorice seu absolute negatur de Subiecto. Cujus Nota est, quod hæc Negatio *Non* ita præcedit Copulam, ut virtus in eam exerceat: præcedit autem vel actu, ut *Homo non est lapis*: vel virtute, ut *Nullus homo est lapis*. Nam etsi *Non* actu hic non exprimitur, tamen virtute continetur, & includitur in voce *Nullus*, quod idem valet, ac *non ullus*, aut *non aliquis*: præcedit etiam in his ista negatio Copulam, sicut in eam vim exerceat. Nam voces istae *Nullus, non ullus, non aliquis*, sunt signa mixta quæ norant tam Qualitatem, quam Quantitatem Propositionum: ideo negatio in illis duplicem vim exercet, unam in Subiectum, aliam in Copulam: per priorem notat Quantitatem, & Universalitatem Propositionum istarum: per posteriorem notat solum Qualitatem, quod sint negativæ Propositiones: virtute etiam præcedit Copulam negatio: aliquando, cum quoad locum in Propositione sequitur Copulam, quod etsi in Latino idiomate raro evenit, sicut etiam in Græco, tamen usitatissimum est in Anglicano, [*He is not learned, A man is not a stone*:] & in infinitis similibus: de quibus omnibus hoc tenendum est, quod licet Negatio pro more idiomatis, Copulam loco

Signa Mixta.

loca sequatur; virtute tamen præcedit, & vim totam suam negativam in eam exercet.

Dices hanc Propositionem, *Homo qui non est doctus loquitur*, esse affirmativam, & tamen negatio illa *Non Copulam (est)* præcedit, & in eam suas vires exercet.

Dub.

Respondeo, verbum illud (*est*) quod exprimitur ante vocem *doctus*, non est Copula in hac Propositione, quia non est verbum principale, ut Grammatici docent: sed Copula hic includitur in verbo *loquitur*; quod si resolves, fiet, *est loquens*: huic autem (*est*) quod est verè Copula, negatio ista (*Non*) præponitur quoad locum, sed non quoad virtutem, ita ut suam vim in hanc Copulam exerceat, sed solum in partem Subiecti, *est doctus*.

Sol.

Hæc Propositio, *Nullus homo non est doctus*, est affirmativa, & tamen negatio (*Non*) hic præcedit Copulam, & vim suam in illam exercet.

Dub.

Respondeo, quod non exercet: sed Propositio ista est affirmativa propter duas negationes. Est enim regula vulgaris ac vera, quod *Due negativæ faciunt affirmativam*. Quod apud Latinos semper tenet, sed in Græco idiomate, & sæpe in Anglicano pro more idiomatum, duæ negativæ fortius negare solent. Et ratio quare duæ negativæ affirmant est hæc, quia prior negatio exercet suam vim in ipsam negationem sequentem, & in id quod per ipsam negatur, ideoque tollit ab illâ Propositione vim omnem negandi, & contrariam vim affirmandi ei tribuit; Quare licet hæc sit negativa, *Homo non est doctus*, tamen si negatio alia præponatur, hoc modo, *Nullus aut Non ullus homo non est doctus*, tollitur à priori Propositione vis negandi, & fit ex negativâ, affirmativa; nam idem valeret dicere, *Nullus homo non est doctus*, & dicere, *Omnis homo est doctus*. Sed ista ex regulis de Equipollentia facilius cognoscuntur. Ad objectionem ergo dicendum, omnem Propositionem esse negativam, quando negatio unica, vel impares, Copulæ præponuntur, quæ exerceant vim suam in istam Copulam. Quod si negationes duæ, aut pares sint, tum Propositio propter rationem dictam, est affirmativa: quare ista affirmativa est, *Nullus homo non est doctus*, quia hic duæ sunt; ista vero negativa, *Non nullus homo non est doctus*, quia tres sunt & impares negationes.

Sol.

Secunda regula de Qualitate est hæc: Omnis Propositio Categorica est Categorice vera vel Categorice falsa.

Secunda regula de Qualitate.

Propositio Categorica, est Categorice vera quando vel prædicatum quod vere inest Subjecto, de eodem Categorice affirmatur; vel prædicatum quod vere non inest Subjecto, de eodem Categorice negatur: ut, *Homo est animal*, *Homo non est lapis*.

Vera Propositio Categorica quid.

Propositio Categorica, est Categorice falsa, quando vel Prædicatum quod revera inest Subjecto, de eodem Categorice negatur; vel Prædicatum quod non inest Subjecto, de eodem Categorice affirmatur: ut, *Homo non est animal*, *Homo est lapis*.

Falsa Propositio Categorica quid.

Tertia regula de Qualitate est hæc: In omni Propositione Categorica, Prædicatum vel necessario vel contingenter de Subjecto affirmatur Categorice vel negatur: Ideoque omnis talis Propositio, vel est Categorice necessaria, vel Categorice contingens.

Tertia Regula de Qualitate.

Propositio Categorica necessaria est, quando Prædicatum, vel ita Categorice affirmatur de Subjecto, ut negari de eo non possit, quia semper illi Subjecto convenit, ita ut sine isto Prædicato Subjectum esse non possit; ut *Homo est Animal*, *Homo est visibilis*, *Ignis est calidus*: vel ita negatur de Subjecto, ut de eo affirmari non possit, quia nunquam illud Prædicatum isti Subjecto convenire potest; ut *Homo non est lapis*, *Ignis non est frigidus*, *Substantia non est Accidens*.

Necessaria Propositio Categorica quid.

Propositio Categorica contingens est, quando Prædicatum vel ita Categorice affirmatur de Subjecto, ut possit de eo negari vel ita negatur de Subjecto, ut possit de eo affirmari.

Contingens Propositio Categorica quid.

mari, quia Prædicatum illud, vel inesse potest Subjecto isti, vel non inesse; ut *Homo est doctus, Homo non est doctus*; nam doctrina ita inest homini ut possit non esse, & ita non inest homini, ut tamen possit inesse.

Ac de Qualitate Categoricæ Propositionis hæc satis multa.

CAP. VII.

De Quantitate Propositionis Categoricæ.

Quantitas
Propositionis
quid.

SECUNDA Proprietas Propositionis Categoricæ est Quantitas. Nam hoc ei proprium est, quod *Omnis Propositio Categorica aliquam Quantitatem habeat.*

Quantitas autem Categoricæ Propositionis de qua hic loquimur, est per quam exprimitur quàm latè extendatur Prædicatum in ea, respectu Subjecti, utrum omnibus, an aliquibus, an nullis conveniat. Unde secundum Quantitatem, Categorica Propositio dividitur in Universalem, Particularem, Singularem, & Indefinitam, quæ omnes ex Notis Quantitatis intelliguntur.

Note
Quantita-
tis sunt vel

Universales, quæ notant terminum cui conjunguntur universaliter accipi, eæque sunt vel *Affirmativæ*, ut *Omnis, quilibet, quicumque*, quandoque; vel *Negativæ*, ut *Nullus, nemo, nunquam*.

Particulares, quæ notant terminum cui adduntur particulariter, sed indefinite accipi, pro individuo, incerto & vago, ut *Aliquis, alius, unus, alter, nonnullus*.

Singulares, quæ notant rem aliquam singularem, certam, & determinatam, ut *Hic, ille, iste, is, ego, tu*; & omnia Pronomina demonstrativa; omnia etiam Propria nomina, ut *Johannes, Georgius, Bucephalus*; & vox *omnis*, quando collectivè sumitur, non distributivè.

Hinc facile est, Propositiones Categoricas (hoc tu semper intellige, nè sæpius vocem istam repetere necesse sit) juxta Quantitatem & discernere & definire.

Universalis
Propositio Ca-
gorica quid.

Universalis Propositio est, quando Subjecto communi ponitur Nota *universalis*: ut *Omnis homo est animal*; nam per hoc notatur Prædicatum universaliter convenire Subjecto, sic ut in singulos distribui, aut de singulis affirmari possit. Ita ut verè dicas, *Hic homo est animal, iste, & ille, & sic de singulis*. At hæc non est Universalis, *Omnes Apostoli sunt duodecim*, quia (*omnes*) ibi collectivè sumitur, non distributivè; non enim certè dices, *Petrus est duodecim*, aut *Paulus*, sed omnes simul sumpti sunt duodecim.

Particularis

Particularis Propositio est quando Subjecto communi præponitur Nota particularis: ut *Quidam homo est doctus, varius Sol est in mundo*; quæ Propositio etiam negativæ quid. est, nam vox (*unus*) est signum mixtum (quale *nullus, non ullus, & similia*) & idem valet

valet quod omnes tantum, vel non plures, ita & particularitatem notat, & negationem in propositione.

Singularis propositio est, quando vel Subiectum est nomen proprium, ut *Socrates est Singularis Philosophus*, vel nomen commune, cui Nota singularis præponitur, ut, *Hic homo Propositio est doctus*.

Dices istas propositiones, *Orator hoc testatur, Poëta sic cecinit*, esse Singulares; nam idem valent ac si dicas, *Cicero & Virgilius hoc testatur*: & tamen Subiectum hic neque est nomen proprium, neque nomen commune, cum Nota Singulari præfixa. Respondeo, istas propositiones, si modum proferendi & voces expressas ibi spectes, esse Indefinitas; sed si usum loquendi, sunt Singulares: Nam etsi nulla singularis Nota expressè præponatur huic Subiecto (*Poëta*) tamen in ista propositione intelligitur, & implicatur talis Nota in isto Subiecto ex usu loquendi. Idem enim est, ac si dicas, aut demonstrates digno, ille qui est poëta præstantissimus, vel *ἁρ' ἄριστος* (quem omnes norunt esse *Virgilium*) ille ita cecinit: similia sunt ista, *Filius hominis est Deus*: i. ille, qui præstantissimus filius est ex homine natus. *Philosophus ita docet*: i. ille, qui est Philosophorum omnium dignissimus: quem omnes docti sciunt & agnoscunt esse *Aristotelem*. Similis implicatio Notæ Singularis est in ista propositione, *Omnes Apostoli sunt duodecim*: aut, *Omnes sapientes Græci sunt septem*. Nam in voce *Omnes*, quando sumitur collective, ut hic accipi clarum est, implicatur hæc Nota *illi*: ac si dicas, *Illi qui à Græcis propter summam sapientiam celebrantur*, i.e. illi simul sumpti sunt numero *Septem*. Quare cum istis omnibus Notæ Singulares implicentur, certe propositiones esse Singulares non est dubitandum.

Indefinita Propositio est, quando Subiecto communi nulla Nota Quantitatis præponitur, neque ex usu loquendi subintelligitur: Ut, *Homo est animal*, *Homo est Propositio Ca-*
doctus. Et dicitur *Indefinita*, non quia nullam habet Quantitatem certam, & *egorica quid,*
definitam (nam omnis Propositio est aliquis certæ, & definitæ Quantitatis) sed quia nulla n habet signo aliquo aut Nota expressam aut definitam, sicut habet Universalis, Particularis & Singularis.

Quæris, unde ergo cognoscetur certa illa *Quantitas propositionis Indefinita*? Dico *Quomodo sci-*
ex Materia ipsâ vel ex Qualitate illâ, quæ respicit Necessitatem, & Contingentiam *amus Quanti-*
propositionis. Nam, si sit in Materia necessaria (id est, si Propositio illa Indefinita sit *tatem Indefi-*
necessaria) tum Quantitas ejus est Universalis, & pro Universalis capienda est: unde *nita Propositio*
hæc, *Homo est animal*, est re ipsa Universalis & æquivalens huic *Omnes homo est ani-*
mal; Si verò sit in materia contingenti, (id est, si propositio illa Indefinita sit *malis*
contingens) tum Quantitas ejus est particularis, & pro particulari capienda est: unde
hæc, *Homo est doctus*, quoad rem est particularis; æquivalens huic, *Quidam homo*
est doctus.

Observa hic, Nullam Notam, vel Quantitatis, vel Qualitatis esse partem Propositionis, *Nota non sunt*
sed solum voces Syncategorematicas, quæ accidunt propositioni: ut Quantitatem illi *partes Propo-*
is aut Qualitatem denotent; unde in his *Omnes homo est doctus*, &, *Aliquis homo non* *sitionum,*
est doctus: *Omnes*, *Aliquis*, & *Non*, non sunt vel Subiectum, vel pars ulla subiecti. Id
quod hinc certè ratione liquet; quia cum duæ istæ propositiones sunt contradictoriæ, ha-
bent ambe sine dubio, idem Subiectum & Prædicatum; ac nulla istarum *Notarum* est in u-
traque propositione. Ad Copulam autem spectare non possunt, ut pars illius, quia in om-
ni Propositione Copula est nihil omnino aliud præter hoc Verbum Substantivum *Sum, es,*
est, aut aliqua ejus persona. Relinquitur ergo istas & similes omnes Notas, neque esse
Subiectum, aut Prædicatum, neque ullam partem vel subiecti, vel Prædicati, neque et-
iam vel Copulam vel partem copulae.

Dices, In hac Propositione, *Omne non animal est non homo*, prius non esse partem Sub-
jecti, & posterius partem Prædicati. Respondeo, verum est, vocem istam *non* posse
esse partem utriusque, neque id negavi; sed dixi notas Quantitatis & Qualitatis, nun-
quam

Dub.
Soli.

*Vox hæc Non,
est vel Infini-
tans vel Ne-
gati.*

quam esse partes vel Subjecti vel Prædicati : In ista autem propositione vox illa *non* adjecta animali, facit terminum infinitum, sed non facit propositionem negativam ; quod efficeret si esset nota Qualitatis. Est igitur hæc negatio *non* aliquando Infinitans, ut cum adjungitur vel Subjecto, vel Prædicato, eisque adhaeret ; & suam vim in ea solum exercet, & tum potest esse, & est pars Subjecti aut Prædicati in propositione : aliquando Negans, cum exercet suam vim non in Subjectum aut Prædicatum, sed in Copulam ; ut *Quidam homo non est doctus* : & tunc solum est Nota Qualitatis, & neque est pars propositionis totius, neque ullius partis propositionis. Simile dicendum est de his : *Omne hominem esse animal, est necessarium* : *Omne corpus esse animatum, est falsum* ; & similibus. In his, vox *Omnis* est quidem pars Subjecti, sed non est in his nota Quantitatis illius propositionis, cujus est pars.

*Qua, Qualis,
Quanta Pro-
positio.*

Hæc de Quantitate propositionis Categoricæ dicta sint. Hic verò attendendum est, quod solent interpretes, de Interrogationibus, sive de Substantia, sive de Qualitate, sive de Quantitate propositionum. Quanquam (ut ingenuè fatear) non mihi arridet quod ita dividant propositionem secundum Substantiam, Qualitatem, & Quantitatem ; nam vere dividenda est secundum Substantiam, aut essentiam, in Categoricam & Hypotheticam : Qualitas verò & Quantitas, non ut membra dividenda, aut Species Propositionis, sed ut ejus Proprietates, sicut etiam Oppositio, Equipollentia, & Conversio, verè habenda sunt. Sed sequamur vulgus : Si quis te querat, *Quæ* est aliqua propositio ? tum (quia de Substantia, aut essentia querit) respondendum est, quod vel est Categorica vel Hypothetica. Si querat, *Qualis* est aliqua propositio ? tum respondendum est, quod vel est Affirmativa vel Negativa. Si querat *quanta* est aliqua propositio ? tum respondendum est quod vel est Universalis, vel Particularis, vel Indefinita, vel Singularis. Quæ omnes responsiones, hoc versiculo non incommode exprimuntur.

Quæ ? Ca. vel Hyp. Qualis ? Ne. vel Aff. Un. Quanta ? Par. In. Sing.

Atque hæc de *Quantitate* Propositionis Categoricæ dicta sunt.

CAP. VIII.

De Oppositione Propositionum Categoricarum.

Tertia proprietas Propositionis Categoricæ est *Oppositio Categorica* : Nam hoc proprium est Categoricæ propositionis, ut Omnis Categorica propositio alicui Categoricæ propositioni Categoricè opponi possit.

*Oppositio Ca-
gorica quid.*

Quod ut rectius intelligatur, tria hic explicanda sunt : Primo, Quid sit Categorica Oppositio. Secundo, Quotuplex sit. Tertiò, Quæ sint leges Oppositarum propositionum.

Oppositio Categorica est repugnancia duarum propositionum Categoricarum, vel in Qualitate solâ, vel in Quantitate solâ, vel in Quantitate & Qualitate simul, in quibus utrisque est idem Subjectum, & idem Prædicatum. Ut *Omnis homo est doctus, Nullus homo est doctus.*

Hinc liquet ad omnem Logicam Oppositionum Categoricam tria requiri : Primo, ut sint duæ exque repugnantes propositiones ; unde hæc non sunt oppositæ, *Homo est doctus, & homo est eruditus* ; nam hæc duæ non repugnant. Secundo, ut istæ duæ differant vel Quantitate, vel Qualitate ; unde hæc non sunt oppositæ, *Aliquis homo est doctus, & Nonnullus*

Nullus homo est doctus; nam sunt ejusdem planè Quantitatis & Qualitatis, Tertio, ut sit in
 nrisq; idem Subjectum, & idem Prædicatum; unde hæc non sunt oppositæ, *Homo est albus*,
 & *Homo est niger*, quia Prædicatum in his non est idem; nec hæc *Gladius est acutus*, *Ensis*
non est acutus; nam Subjectū in his non est idem. Opponuntur quidem sensu, s. d. secundū
 formam Logicam non opponuntur. Nam Oppositio formalis & Logica sumitur tantum ex
 signis non ex terminis: ubi ergo signa seu notæ Quantitatis & Qualitatis sunt eadem, ibi
 formalis & Logica Oppositio nulla est, quantumvis respectu terminorum sit, vel maxime
 Oppositio.

Secundò, videndum est Quomplex sit Oppositio Categorica. Quia autem alius est
 modus Oppositionis in Propositionibus *universalibus*, *Particularibus*, & *Indefinitis*;
 alius in Propositionibus *Singularibus*: ideo dicemus primò de illa Oppositione quæ est in-
 ter Propositiones *Universales*, *Particulares*, & *Indefinitas*, tum de illa quæ est inter Sin-
 gulares.

Quod ad primum attinet illud hic tenendum est, *Oppositionem quæ est inter Propositio-* *Oppositio in-*
nes Indefinitas nunquam rectè conspici poss.; nisi ad Quantitatem suam certam revocentur, *Indefinitis*
 ita ut si sint in materia necessariâ, tū pro *Indefinita* substituenda est *universalis*: si in ma- *quomodo capi-*
 teria contingentia, tū pro *Indefinita* substituenda est *Particularis*; itaq; ita eadē omnino erit *enda*.
 Oppositio in Indefinitis quæ est in *Universalibus*, & *Particularibus*: Quare si hanc expli-
 cemus, eadē operâ Indefinitarum Oppositio declarabitur.

Est autem in Propositionibus *Universalibus*, & *Particularibus* quadruplex Oppo- *Oppositio qua-*
 sitio. Nam illæ vel sunt *Contrariæ*, vel *Subcontrariæ*, vel *Subalternæ*, vel *Contra-* *druplex in*
dictoria. *universalibus*, & *Parti-*

Contrariæ sunt *due universales oppositæ*, quarum altera affirmat, altera negat: ut, *Om-* *Contrariæ*
nis homo est animal, *Nullus homo est animal*. *Propositiones.*

Subcontrariæ sunt, *due Particulares oppositæ*, quarū altera affirmat, altera negat: ut, *Subcontrariæ*
Quidam homo est animal, *Quidam homo non est animal*. *Propositiones.*

Subalternæ iunt, *due Propositiones oppositæ quæ differunt solâ Quantitate non Qua-* *Subalternæ*
litate, ita ut si una sit affirmativa, altera etiam erit affirmativa: & si una sit negativa, altera *Propositiones.*
 etiam erit negativa: sed una semper est *Universalis*, altera *Particularis*: ut, *Omnis homo est* *Subalternæ*
animal, *Quidam homo est animal*: & *Nullus homo est animal*, *Quidam homo non est* *Propositiones.*
animal.

Dices, *Aristotelem* ubi de Oppositione Propositionum agit, lib. *Perih.* cap. 7. nul- *Dub.*
 lam mentionem fecisse *Subalternarum*, quare illæ non videntur opponi: Quin & ra-
 tio hoc idem docet: nam unum Oppositum non continet in se & sub se alterum: at
Subalternarum una semper in se, & sub se continet alteram. Nempe *Universalis* *Par-*
ticularem.


Respondeo *Arist.* de iis tantum *Oppositis* illic egisse quæ *Qualitate* differunt, & una *Sol.*
 earum non continet sub se alteram. *Subalternæ* autem: *Qualitate* non differunt, sed solâ
Quantitate. Hanc autem Oppositionem in *Quantitate solâ* *Aristoteles* neque negavit, ne-
 que ignoravit, sed ut faciliorem omisit: una autem earum Oppositarum, quæ *Quantitate*
 solâ differunt, continere & potest & debet in se & sub se alteram: ut hæc, *Omnis homo*
est animal, continet in se et sub se hanc, *Quidam homo est animal*, ideoque *Subalternæ*
 vocantur, quia una continetur sub alterâ, nempe *Particularis* sub *Universali*. Quare *Univer-*
salis vocari solet *Propositio subalternans*, id est, continens sub se alteram: *Particularis* voca- *Subalternæ*
 ri solet *Subalternata*, id est, contenta sub altera: utraq; autem *Subalternæ* communi no- *cur dicta.*
 mine vocantur.

Contradictoria sunt, *due Propositiones oppositæ quæ differunt & Qualitate & Quan-* *Contradictoria*
titate, ita ut si una sit affirmativa, altera erit negativa: si una sit *Universalis*, altera erit *Parti-*
cularis: ut, *Omne homo est animal*, *Quidam homo non est animal*: et *Nullus homo est ani-* *ria Proposi-*
mal, *Quidam homo est animal* *ones.*

Hæc

Hæc omnia ex subjecto typo, qui tyronibus ad unguem tenendus est, facite perspicitur.

Omnis ho-
mo est do-
ctus.



Nullus ho-
mo est do-
ctus.

Quidam
homo est
doctus.

Quidam
homo non
est doctus.

Hæc est *Oppositio* in Propositionibus Universalibus & Particularibus, quæ nunquam variat. Eademque omnino est in Propositionibus Indefinitis cum in eis certâ Quantitas exprimitur. Nam ista, *Homo est animal*, quia est in materiâ necessariâ, revocanda est ad hanc, *Omnis homo est animal*, & eandem cum hac Oppositionem habet, tam *Contrariam*, quàm *Subalternam* & *Contradictoriam*. Hæc autem, *Homo est doctus*, quia est in materiâ contingenti, revocanda est ad hanc, *Quidam homo est doctus*, & eandem omnino cum hac Oppositionem habet tam *Contradictoriam*, quàm *Subcontrariam*, et *Subalternam*.

Oppositio qualis in Propositionibus Singularibus.

In Singularibus vero Propositionibus alio modo se res habet. Nam *Oppositio* in his neque est *Contraria*, neque *Subcontraria*, neque *Subalterna*, sed solum *Contradictoria*. Illeque ipsæ *Contradictoriae* in Singularibus differunt sola Qualitate, nunquam autem Quantitate: Nam sunt semper duæ Singulares oppositæ, quarum una affirmat, altera negat; unde *contradictoria* hujus, *Hic homo est doctus*, non est ista, *Nullus homo est doctus*, sed hæc, *Hic homo non est doctus*. Nam aliter non satis esset ad refellendum hanc Propositionem, *Hic homo est doctus*, probare hunc hominem non esse doctum; sed probanda esset hæc, *Nullus homo est doctus*. Nam *Contradictoria* Propositio semper in disputando probanda est. Præterea, utraque istarum, simul falsâ esse potest, & del. *Hic homo est doctus*, et *Nullus homo est doctus*: at duæ *Contradictoriae* simul, falsæ nunquam esse possunt; Pari modo evenit quando Subjectum Propositionis singularis est hominem proprium. Nam hæc Propositio, *Socrates est doctus*, contradiçtoriè opponitur huic, *Socrates non est doctus*, neque ullam oppositam habet, vel *subcontrariæ*, vel *subalternæ*: et ratio aperta est euiâ nomini proprio nulla Nota vel Universalis, vel Particularis præponi potest, ut fiat *Oppositio*, vel *contraria*, vel *subcontraria*, vel *subalterna*.

Lex prior de Contradictoriis.

Quæsit, et Quotuplex Oppositio Propositionum diximus. Tercio ostendendum est, quæ sint leges oppositarum Propositionum.

De *Contradictoriis* duæ sunt regulæ. Prima est hæc: *Omnis Propositio cujuscunque sit Qualitatis, aut Quantitatis, uni Propositioni contradictoria est, & tantum uni*. Hoc ex antedictis apertissime sequitur. Nam Universalis affirmativæ, contradicit Particularis negativæ, nec ulla alia: et contra. Item Universalis negativæ contradicit Particularis negativæ, et

& nulla alia : & contra. Item Singulari affirmativæ, contradicit Singularis negativa, & nulla alia ; & contra. Nullæ autem sunt Propositiones nisi vel Universales, vel Particulares, vel Singulares affirmativæ vel negativæ, (nam ad has revocatur omnis Indefinita) quare omni Propositioni una contradicit & tantum una. Deinde, nulla est Propositionis, quin adversus eam disputari potest : at nisi haberet unam contradictoriam, non posset contra eam disputari : nam in disputatione, contradictorium semper probandum est.

Secunda regula est hæc : *Dua Contradictoria nunquam possunt esse vel simul vera, vel simul falsa ; sed una semper est vera, & altera falsa* : Hoc expressè docet *Arist.* lib. Categ. cap. 10. nu. 21. 25, & 26. sæpe alibi : Et ratio hujus est hæc, quia impossibile planè est, ut unum idemque Prædicatum, uni & eidem Subjecto, simul ac eodem tempore & insit, & non insit ; hoc etiam *Arist.* clarè docet, lib. 4. Metaph. c. 3, & 4. neque quisquam est tam fatuus, qui hoc non agnoscat ; Atque hoc est (ut *Arist.* loco proxime citato fusè docet) *Axioma seu principium* omnium primum, omnium communissimum, omnium certissimum, omnium notissimum, quod impossibile est quenkum ignorare, qui quidquam cognoscit ; Imò hoc est omnium *Principiorum principium*, & omnium Disciplinarum fundamentum, quod ab ipsis incunabilis sine ullo preceptore, naturâ duce, didicimus, & sensim sine sensu, cum lacte nutricis suximus. Quare hæc pro infallibili regulâ indubitanter ab omnibus tenenda est, & inviolabiliter.

Lex secunda
de Contradi-
ctoriis.

De Subalternis dux sunt etiam regulæ : prior est hæc : *Si Subalternans, seu universalis sit vera, tum Subalternata ejus seu Particularis est etiam vera.* Nam si verum sit dicere, *Omnis homo est doctus*, multo magis erit verum dicere, *Quidam homo est doctus* ; & ratio aperta est, quia quicquid verè dicitur de Universalis, illud de singulis particularibus sub illo contentis (multo magis de uno aliquo eorum) verè dicitur : sed non contra fit, ut si Particularis seu Subalternata sit vera, vera etiam sit Universalis aut Subalternans. Nam hoc est verum, *Aliquis homo est doctus*, quod patet, ostenso *Socrate* qui *Apollinis* Oraculo, sapientissimus omnium judicatus est, ut testatur *Diog. Laër.* in ejus vita, & *Tert.* in *Apologet.* cap. 46. alique : & tamen hæc illius Subalternans non est vera, *Omnis homo est doctus* ; quod patet ostenso *Coræbo*, qui tam indoctus, imò indocilis fuit ac stupidus, ut nunquam discere potuerit ultra quinque numerare, & tamen fluctus maris se numeraturum sperabat, ut ex *Eustath.* aliisque narrat *Eras.* in illud Adagium, *Stultior Coræbo*.

Lex prior de
Subalternis.

Secunda regula est hæc : *Si Subalternata seu Particularis sit falsa, falsa etiam est ejus Subalternans & universalis.* Nam si falsum sit dicere, unum aliquem hominem esse doctum, multo magis falsum est, dicere omnem hominem esse doctum, Nam qui hoc posterius dicit, affirmat & illum unum, & omnem alium hominem esse doctum. Sed non è contra fit, ut si Subalternans sit falsa, Subalternata ejus sit falsa. Nam hæc est falsa, *Omnis homo est doctus*, ut patet, ostenso *Coræbo* ; & tamen hæc ejus Subalternata non est falsa, *Quidam homo est doctus*, ut patet, ostenso *Socrate*.

Secunda Lex
de Subalternis.

De Contrariis dux item regulæ sunt : prima hæc est : *Contraria nunquam, neque in ulla materia possunt esse simul vera.* Probatio hujus, exercendi ingenii causâ, est diligenter à tyronibus observanda, est & ediscenda ; ea sic se habet : Si hæc sit vera, *Omnis homo est doctus*, tum hæc illius Subalternata erit eodem tempore vera, *Quidam homo est doctus* ex prima lege Subalternarum. Pari modo, si hæc sit vera, *Nullus homo est doctus*, tum hæc illius Subalternata erit eodem tempore vera, *Quidam homo non est doctus* ex eadem primâ lege Subalternarum. Quare si hæc dux Contrariæ, *Omnis homo est doctus*, & *Nullus homo est doctus*, essent unquam simul veræ, tum eodem tempore veræ etiam essent hæc illarum Subalternatæ, *Aliquis homo est doctus*, & *Aliquis homo non est doctus*. Quod si hæc omnes quatuor (quæ faciunt quatuor Tabellæ suprapositæ angulos) essent simul veræ, tum simul & eodem tempore veræ essent dux contradictoriæ, quod est plane impossibile & contra secundâ regulâ de Contradictoriis. Non possunt igitur dux Contrariæ unquam esse simul veræ.

Prior Lex de
Contrariis.

Secunda

*Secunda lex
de Contrariis.*

Secunda regula est hæc: *Due Contrariæ possunt esse simul falsæ*; possunt, inquam, in materia contingenti: ut hæc est falsa, *Omnis homo est doctus*, ut patet ostenso Choroæbo: et hæc etiam illius Contraria est falsa, *Nullus homo est doctus*, ut patet ostenso Socrate. In materia autem necessaria, duæ Contrariæ non possunt unquam esse simul falsæ, sed una semper est vera, altera falsa; ut hæc semper veræ sunt, *Omnis homo est animal*, & *Nullus homo est lapis*; & hæc ipsarum Contrariæ sunt semper falsæ, *Nullus homo est Animal*, & *Omnis homo est lapis*. Sed fit non vi Logicæ Oppositionis, ut hæc sint simul falsæ, sed ratione materiæ, quia Prædicatum necessario, vel conjungitur Subjecto, vel disjungitur ab eodem.

*Prior lex de
Subcontrariis.*

Subcontrariarum Leges etiam sunt duæ: Prior est hæc; *Subcontrariæ nunquam, neque in ulla materia possunt esse simul falsæ*. Hoc pari modo probandum est, ut ante in Contrariis. Nam quia duæ *Subcontrariæ* sunt aliis subalternatæ, ideo si illæ duæ essent simul falsæ, certe earum Subalternantes simul & eodem tempore essent quoque falsæ, ex secunda lege Subalternarum. Quod si omnes quatuor anguli Tabellæ supra positæ, essent simul falsi, tum Contradictoriæ essent simul falsæ, quod est impossibile, & contra secundam legem de Contradictoriis. Quare certum est duas *Subcontrariæ* nunquam esse posse simul falsas.

*Secunda Re-
gula de Sub-
contrariis.*

Secunda regula est hæc: *Due Subcontrariæ possunt esse simul veræ*: possunt, inquam, in materia contingenti. Nam hæc est vera, *Quidam homo est doctus*, ut patet ostenso Socrate: & hæc etiam illius Subcontraria est vera, *Quidam homo non est doctus*, ut patet ostenso Choroæbo. In materia autem necessaria, veræ simul esse nunquam possunt, sed una semper est vera, altera falsa: ut hæc semper est vera, *Aliquis homo est animal*: & hæc semper falsa, *Quidam homo non est animal*.

Ac de Oppositione Propositionum Categoricarum hæc
diſta sunt.

CAP. IX.

De Equipollentia Propositionum Categoricarum.

Quarta Proprietas Propositionis Categoricæ est *Equipollentia Categorica*: hoc enim ei proprium est, ut *Omnis Propositio Categorica habeat aliquam Categoricam ipsi Equipollentem*. Quod ut intelligatur tria explicanda sunt: Primo, Quid sit Categorica *Equipollentia*: Secundo, Quot modis fiat hæc *Equipollentia*: Tertio, Quæ sint Leges seu Regulæ de hac *Equipollentia*.

*Equipollen-
tia quid.*

Equipollentia Categorica est *Equivalencia* duarum Propositionum Categoricarum, virtute negationis *Non*, vel præfixæ Signo & Subjecto, vel postfixæ Signo & Subjecto, vel præfixæ simul & postfixæ Signo & Subjecto, in quibus est idem Subjectum, & idem Prædicatum: ut *Non omnis homo est doctus*, & *Quidam homo est doctus*.

Hinc liquet ad omnem Logicam *Equipollentiam* quatuor requiri: Primo, ut sint *due Propositiones diversa quoad voces, sed non sensu & significatione*; nam ambæ habent eundem sensum & significationem, aliter non possunt dici æquipollere una alteri; voce autem differunt; nam una Propositio quoad vocem non æquipollere sibi ipsi, sed plane eadem est omni modo, Secundo, ut hæc Logica *Equipollentia* fiat inter istas duas Propositiones, virtute Negationis hujus *Non*. Nam si æquivalent ulla alia ratione, puta ratione terminorum qui idem significant, non est ista Logica & formalis, sed Grammatica & materialis

Æqui-

Equipollentiâ; unde hæc non æquipollent formaliter & Logice, Homo est albus, Homo est candidus; nec hæc, Maro est homo, Virgilius est animal rationale. Tertiò, ut Negatio ista Non, præponatur Copulæ quando facit Equipollentiâ: Nam si sequatur Copulam, non facit Logicam & formalem Equipollentiâ: unde hæc non æquipollent apud Logicos, Homo est indoctus, & Homo est non doctus. Quartò, ut in utrisque æquipollentibus Propositionibus, sit idem omnino Subiectum, & idem Prædicatum, per quam unam notam, exempla ista omnia jam adducta, ab Equipollentiâ Logica excluduntur Nam in nullis est idem Subiectum, & idem Prædicatum.

Quod ad secundum attinet, Equipollentiâ Categorica fit tribus modis, propter diversam collocationem Negationis hujus Non. Nam hæc negatio vel præponitur Signo & Subiecto, & tum facit duas Contradictorias æquipollentes; ut, Non omnis homo est doctus, æquipollet huic, Quidam homo non est doctus: vel postponitur Signo & Subiecto, & tum facit duas Contrarias æquipollentes; ut, Omnis homo non est doctus, æquipollet huic, Nullus homo est doctus: vel præponitur & postponitur Signo & Subiecto, & tum facit duas Subalternas æquipollentes; ut, Non omnis homo non est doctus, æquipollet huic, Quidam homo est doctus.

Equipollentiâ fit tribus modis.

Hi tres modi vulgari hoc versiculo, ita exprimuntur:

Præ, Contradict, Post, Contrar, Præ, Postque, Subalter.

Quæ Equipollentiæ clarius adhuc aliis versibus declarantur, qui si memoriâ teneantur, in Equipollentiâ nunquam errabis.

Non omnis, quidam non: omnis non, quasi nullus:

Non nullus, quidam: sed nullus non, valet omnis:

Non aliquis, nullus: non quidam non, valet omnis:

Non alter, neuter: neuter non, præstat uterque.

Dices, Negatio est nota Qualitatis, at nota Qualitatis Quantitatem dare non potest, ergò negatio præposita aut postposita non potest mutare Quantitatem Propositionis; mutare autem Quantitatem, si Propositionem faceret Particularem ex Universali, aut contrâ. Præterea, effectus negationis est tantum negare: quare affirmationem Propositioni dare non potest; daret autem, si ex negativâ faceret affirmativam quare negatio præfixa Propositioni negativæ non facit eam affirmativam, aut æquipollentem affirmativæ.

Dub.

Respondeo, Negationem ex se tantum negare illud quod sequitur, sed ex accidente, aut ex consequenti affirmationem facit in Propositione. Nam quia negat ipsam negationem sequentem, ut hic, Non nullus homo est doctus, ex consequenti ponit in ea affirmationem, & facit ut sit affirmativa. Similiter ex accidente seu ex consequenti dat novam Quantitatem Propositioni. Nam cum negat ulli Propositioni Quantitatem, illem quam prius habuit, facit ex consequenti ut habeat aliam Quantitatem: unde cum negat huic Propositioni, Omnis homo est doctus, Quantitatem Universalem, ponit in ea ex consequenti Quantitatem Particularem: & cum negat huic Propositioni, Quidam homo non est doctus, Quantitatem Particularem, ponit in ea ex consequenti Quantitatem Universalem. Ex sese ergò, Negatio tantummodo negat, & notat Qualitatem: sed ex accidente, aut consequenter, & dat novam Quantitatem, & dat etiam affirmationem.

Sol.

Vel sic responderi potest. Negatio ista Non, dat solummodo Qualitatem Propositioni, quando, & quatenus exercet suam vim negativam in Copulâ, dat autem Quantitatem Propositioni quando, & quatenus exercet suam vim negativam in signum Quantitatis vel Universale vel Particulare. Mutat verò Qualitatem & facit ex negativâ, affirmativam, quando, & quatenus exercet suam vim negandi in Negationem sequentem.

Quomodo negatio mutat Quantitatem aut Qualitatem.

A a

Hoc

Equipollentiâ in Singularibus. Hoc tamen memineris, Negationem istam præfixam Subjecto, mutare Quantitatem in Propositionibus Universalibus & Particularibus: in Singularibus verò nunquam mutat Quantitatem, sed solum modo Qualitatem. Præfixa enim Propositioni Singulari, ut hic, *Non Coræbus est doctus*, facit eam æquipollere huic Singulari, *Coræbus non est doctus*. Nam in istis etiam hæc regula tenet, *Præ, Contradiç*: sed non mutat illic Quantitatem, nam Propositione: antæ manent Singulares. Observa etiam, quod Singularis Propositio per negationem *Non*, fieri potest æquipollere nulli Propositioni, nisi solum al ei Singulari, & suæ contradictoriæ: & quoties *Non*, Singulari Subjecto sic præponitur (ut in hoc exemplo, *Non Coræbus est doctus*) vox illa [*Non*] est solum negans, non infinitans, neque facit hic terminum Singularem infinitum, sed facit solum ut radicamentum negetur de illo termino finito; ac si ita dicas, *Non est verum, Coræbus est doctus*: Et ratio hujus non est illa quam dat Zabara in Tab. in lib. de Interp. pag. 31. quicunque sequitur Kecker. lib. 2. suæ Log. cap. 2. *Quia Singulari Subjecto terminus infinitans addi non potest, nec tale Subiectum infinitari potest*. Nam certum est, ex Singulari termino finito, ut ex *Socrate*, per *Non infinitans* præfixum, verè fieri terminum infinitum, ut *non Socrates*: quod notat omnia alia præter Socratem; sed ratio illius est, quia si *Non* præfixa Coræbo, faceret terminum infinitum in hac Propositione, *Non Coræbus est doctus*, tum hæc non posset æquipollere huic, *Coræbus non est doctus*, quia non est in utrisque idem Subjectum, quippe *Non*, quando est infinitans est pars Subjecti, debuit ergo esse in utraque Propositioni unum idemque: & *Coræbus* notat illum unum Singularem stultum, ac stupidum hominem; *Non Coræbus* autem (quando *Non* est infinitans) notat Socratem, Platonem, & omnes vel sapientissimos, imò omnia entia præter *Coræbum*. Quoniam igitur per Regulam *Præ, Contradiç*. istæ duæ, *Non Coræbus est doctus*, & *Coræbus non est doctus*, sunt verè æquipollentes: ideo certum est, quod *Non*, in posteriori Propositioni, ubi præponitur Subjecto Singulari, est solum vox negans, non autem infinitans.

Dub.
Sol.

Si objicias, duas Contradictorias Propositiones pugnare & Quantitate, & Qualitate, ergo non posse fieri æquipollentes: Solutio est facilis: Contradictoriæ, dum manent Contradictoriæ, pugnant Quantitate, & Qualitate, nec unquam dum tales manent, æquipollere possunt sed per negationem alteri earum præfixam, fit ut cesset atque tollatur illa quæ prius fuerat contradictio, & virtute negationis sunt æquipollentes, & ejusdem planè tam Quantitatis, quam Qualitatis.

Dub.

Dubium majus occurrit de Contrariis. Dicat aliquis, Omne animal est rationale: Opponens ita solet contravenire, Omne animal non est rationale. At qui legitime opponit, sumit Contradictorium; quare hæc, Omne animal non est rationale, est contradictoria huic, Omne animal est rationale; & ideo æquipollere debet huic, Aliquod animal non est rationale. At per regulam, *Post, Contrar* æquipollere debet huic, Nullum animal est rationale. Præterea quis non concedat & facile credat, eum solide probasse, Omne animal non est rationale, qui probat vel unum aliquod animal, puta *equum*, non esse rationale? Nam si equus non sit rationalis, certè videtur consequi, quod Omne animal non est rationale. Quod si hæc propositio, Omne animal non est, rationale, æquipolleret huic, Nullum animal est rationale, (ut secundum regulam, *Post, Contrar*. deberet) profecto ineptissima esset prior probatio: Est enim ac si quis ita arguat, Equus non est rationalis, ergo Nullum animal est rationale.

Sol.

Respondeo, modum istum, tam opponendi, quam probandi, frequentem esse, & pro legitimè ferre ab omnibus admitti: Sed certè id fit conniventia quadam aut insentia disputantium, non ullâ iustâ ratione. Accipiunt enim hanc Propositionem, Omne animal non est rationale, & similes pro hac, Non omne animal est rationale, & pro similibus. Inter has vè magna est & lata differentia; cum prior sit reverà *Universalis negativa*, æquipollens huic, Nullum animal est rationale: posterior *particularis negativa*, æquipollens huic, Quoddam animal non est rationale. Quare si quis legitime in disputando velit oppugnare hanc propositionem, Omne animal est rationale, non debet accipere hanc, Omne animal non est rationale,

tionale, quæ est priori contraria, sed istam, Non omne animal est rationale, quæ est priori contradictoria. Deinde certum est, infirmam & minimè consequentem probationem esse hanc, Equus non est rationalis, ergo Omne animal non est rationale; sicut hæc est infirma et inconsequens, Equus non est rationalis, ergo Nullum animal est rationale. Manavit autem (ut ego conjicio) error ille hinc, quod multi non satis advertunt vim hujus Propositionis, Omne animal non est rationale, ac similitum. Accipiunt enim illi signum *Omne*, collectivè, quasi hic esset illius sensus, Omnia animalia simul sumpta non sunt rationalia, atque hoc solidè probatur, si vel unum animal, putà *equus*, non sit rationalis. At reverà signum illud *Omne*, non est ibi accipiendum collectivè, sed distributivè, ita ut distribui debeat Prædicatum in omnia quæ Subjecto subsunt; ut sic dicas, *De hoc animali dici potest, non est rationale, itemque de illo, isto, & sic de singulis*; qui autem hoc modo distribuit, ille idem planè dicit, ac si diceret, Nullum animal est rationale: ex quo liquidum est hanc, Omne animal non est rationale, æquipollentem esse huic, Nullum animal est rationale, & ita neque oppositio illa, neque probatio, pro legitimâ admittenda est.

Sequuntur leges seu regulæ de *Æquipollentia*, quæ duæ sunt. Prior est hæc: Propositiones æquipollentes sunt amba ejusdem Quantitatis, ejusdem Qualitatis, ejusdem veritatis & falsitatis, ejusdem necessitatis & contingentia. Pater hoc ex ipsâ definitione *Æquipollentia*: Nam aliter non æquivalerent, neque essent ejusdem sensus & significationis.

Secunda est hæc: Cuicunque Propositioni una earum quæ æquipollent, contradicit, contrariatur, aut est subalterna, vel subcontraria, eidem etiam altera ei æquipollens contradicit, contrariatur, & est, vel subalterna, vel subcontraria: item, in quamcunque una convertitur, in eandem sua æquipollens converti potest ac debet. Sequuntur ex priori, quia amba æquipollentes sunt ejusdem Quantitatis & Qualitatis; Quare huic, Nullus homo non est doctus, contradicit hæc, Aliquis homo non est doctus; contrariatur hæc, Nullus homo est doctus; subalterna est hæc, Aliquis homo est doctus.

Prior Lex de
Æquipollentia.

Secunda Lex
de Æquipollentia.

Atque hæc de Æquipollentiâ.

G A P. X.

De Conversione Propositionum Categoricarum.

Quinta Proprietas Categoricæ Propositionis est *Conversio*. Nam hoc ei proprium est, quod *Omnis Propositio Categorica in aliam rectè & legitimè converti potest*. Quod ut intelligatur, tria explicanda sunt. Primo, *Quid sit Conversio*. Secundo, *Quotuplex sit*. Tertiò, *Quæ leges in bonâ & legitimâ Conversione sint observandæ*.

Conversio est talis, tamque apta transmutatio unius Propositionis in aliam, ut ex priori Conversio Propositionis quæ convertitur, posterior necessariò consequatur: in quâ transmutatione, totum Subjectum prioris Propositionis, mutatur in totum Prædicatum posterioris, & contra, manente quid. Semper eadem Qualitate, sed mutata aliquando Quantitate: ut, Omnis homo est animal, ergo Quoddam animal est homo. Sunt igitur in omni Conversione duæ Propositiones, quarum prior dicitur *Conversa*, quia verè in aliam convertitur; posterior dicitur *Convertens*, quia in eam prior convertitur, & posterior ex priori necessariò semper consequitur. Nam hæc est nota & indicium legitimæ Conversionis, quod *Convertens ex Conversâ necessariò sequatur*: Quod, quoties non fit, *Conversio fortè dici potest, sed nunquam legitima*, ideòque rejicienda, & respuenda.

Conversio Simplex quid. *Conversio est duplex, Simplex, & Per Accidens. Conversio simplex est mera & nuda transmutatio terminorum, Prædicati nempe in locum Subiecti, & contra, manente eadem Quantitate, & Qualitate; in quâ si legitima sit Conversio, Convertens ex Conversâ necessario sequitur, & inferri potest. ut hic, Nullus homo est lapis, ergo Nullus lapis est homo. Hæc verò Conversio est, sed illegitima & respuenda. Omnis homo est animal, ergo Omne animal est homo, quia Convertens ex Conversâ non sequitur. Dicitur autem Conversio simplex quia est unica solum & simplex mutatio terminorum, Quantitate & Qualitate non mutatis.*

Conversio per Accidens quid. *Conversio per Accidens est mutatio Subiecti totius in locum totius Prædicati, manente eadem Qualitate, sed mutata Quantitate; in quâ si legitima sit Conversio ex Conversâ necessario sequitur Convertens: ut hic, Omnis homo est animal, ergo Quoddam animal est homo. Dicitur Conversio per Accidens; quia per eam Propositio non convertitur secundum se totam, id est non secundum omnia quæ Prædicato in Conversâ subijciuntur, sed solum secundum partem aliquam, aut secundum aliqua quæ dicto Prædicato subijciuntur.*

De conversione per Contrapositionem. *Nec plura sunt Conversionis genera hæc loco tractanda. Quod si quæras, quare hic ommittatur à nobis Conversio per Contrapositionem, cuius est apud interpretes frequens mentio: Respondeo, Conversiones solummodo illas hæc loco tractandas esse, quæ inferiuntur Syllogismo, & illius Reductioni. Jam dux istæ Conversiones à nobis explicatæ, huic usui accommodatæ sunt. Illa autem quam vocant Conversionem per Contrapositionem, non omnino interviit, neque ullius usus est in Reductione Syllogismorum. Cujus ratio est manifesta, quia in ista Conversione termini Propositionis, mutantur, quod in Syllogismi Reductione admitti nunquam debet. Imo si rem quis rectè perspiciat, videbit Conversionem istam quam per Contrapositionem vocant, verè Conversionem non esse. Nam in omni verâ Conversione debent esse iidem planè termini, at in illa Conversione per Contrapositionem, sunt alii termini in Convergente, quàm fuerant in Conversâ. Nam in illa termini semper sunt finiti, in hac verò sunt semper infiniti: ut hic, Omnis homo est animal, ergo Omne non animal est non homo. Hinc Arist. lib. 2. Prior. cap. 1. nu. 2. diffinire ait, Particularem negativam non posse converti, non inquam ullâ Conversione, quæ Syllogismo interviit; & tamen per Contrapositionem converti potest.*

Ne autem ignores quid sibi velint interpretes, cum de Conversione per Contrapositionem loquantur, eam quoque Conversionem hic definiam.

Conversio per Contrapositionem quid. *Conversio Per Contrapositionem, est mutatio Subiecti in locum Prædicati, & contra, manente quidem eadem Quantitate, & Qualitate, sed mutatis terminis qui in Conversâ finiti erant, in infinitos terminos, quales esse debent in Convergente; in quâ Conversione si legitima sit, ex Conversâ Convertens necessario sequitur: ut, Omne animal est vivens, ergo Omne non vivens est non animal.*

Termini finiti & infiniti. *Termini tum dicuntur finiti, cum rem unam, certam, & finitam norant, quibusque negatio hæc [Non] minimè præponitur; ut, Homo, animal, vivens. Dicuntur termini infiniti, quando rebus omnibus, uno excepto, conveniunt; seu quando termino finito præponitur infinitans hæc negatio [Non] ut, Non homo, Non animal, Non vivens.*

Prima Regula Conversionis. *Regulæ Conversionis sunt quatuor. Prima est hæc, In omni legitimâ Conversione, si Conversâ sit vera, etiam Convertens vera erit. Ratio est, quia à Conversâ ad Convergentem, ratio necessario sequitur.*

Secunda Regula Conversionis. *Secunda est hæc, Nulla Propositio simpliciter legitimè converti potest, nisi universalis negativa, in universalem negativam; & particularis affirmativa in particularem affirmativam: ut, Nullus homo est lapis, ergo Nullus lapis est homo. Quidam homo est doctus, ergo Quoddam doctum est homo.*

Tertia Regula Conversionis. *Tertia est hæc, Nulla Propositio legitimè per Conversionem per Accidens converti potest, nisi universalis negativa in particularem negativam; & universalis affirmativa in particularem*

ticularem affirmativam : ut, Omnis homo est vivens, ergo Aliquod vivens est homo. Nullus homo est lapis, ergo Quidam lapis non est homo.

Quarta est hæc, Nulla Propositio legitime per Conversionem per Contrapositionem converti potest, nisi universalis affirmativa in universalem affirmativam, & particularis negativa in particularem negativam : ut, Omnis homo est vivens, ergo Omne non vivens est non homo. Quidam homo non est doctus, ergo Quoddam non doctum non est non homo.

Hi tres modi legitimæ Conversionis hoc versiculo exprimuntur.

EccE, tIbI, Simp. Arml, gErOs Acci. ArmA, bOnO, Con.

In quo observa : Primò tres modos Conversionis, eoque notari per Simp. & Acci. & Con. Secundò, unicuique Conversioni duas voces accommodari ; & in singulis vocibus duas esse syllabas : quarum prior in quaque voce notat Propositionem *Conversam*, seu eam quæ tali Conversione converti legitime potest : posterior syllaba notat *Convertentem* seu Propositionem illam, in quam prior legitime converti potest, & debet per istum modum Conversionis. Cuique etiam syllabæ inest una ex his vocalibus, A E. I. O. quarum A, notat universalem affirmativam ; E, universalem negativam ; I, particularem affirmativam ; O, particularem negativam, juxta hos versiculos :

Afferit A, negat E, sed universaliter amba :
Afferit I, negat O, sed particulariter ambo.

Hinc clarè liquet, nullam Propositionem converti legitime per *Simplicem Conversionem*, nisi E, in E, & I, in I, juxta voces *EccE*, & *tIbI* : nullam per *Accidens* legitime converti posse, nisi A, in I, & E, in O, juxta duas alias voces *Arml*, & *gErOs* : nullam per *Contrapositionem* converti posse, nisi A, in A, & O, in O, juxta duas alias voces *ArmA*, & *bOnO*.

Hæc est Conversio legitima, Omnis homo est rationalis, ergo Omne rationale est homo : At hic universalis affirmativa convertitur simpliciter in universalem affirmativam contra secundam regulam. Respondeo, istam non esse legitimam *Conversionem* : nam etsi consequentia hic sit bona ratione *materia*, quoniam duo isti termini, homo, & rationale, convertuntur inter se, & æquè latè patent ; non tamen est bona ratione *forma* convertendi. Nam tum semper valeret talis Conversio, & consequentia ab universali affirmativa ad universalem affirmativam. At sæpissimè non valet talis Conversio, ut hic, Omnis homo est animal, ergo Omne animal est homo : si autem unquam in Conversione consequentia non valeat, certe modus talis convertendi non est legitimus.

Hæc est legitima *Conversio*, Hic homo est doctus, ergo Aliquid doctum est hic homo ; & hæc, Socrates est probus, ergo Aliquis probus est Socrates : & tamen istæ *Conversiones* non fiunt per ullum modum à nobis positum : Nam *Conversa* in his est Propositio singularis, de illius autem *Conversione* nihil dictum est. Quod si dicas has esse *Simplices Conversiones*, id non videtur verum, quia in *Simplici Conversione* semper retinetur eadem Quantitas in *Convertente*, quæ fuerat in *Conversa*, per voces *EccE* & *tIbI* ; at in his mutatur Quantitas, singularis nempe, in particularem. Respondeo, has & similes *Conversiones* Singularium Propositionum esse legitimas *Simplices Conversiones*. Nam Propositio Singularis in *Conversione*, eandem omnino rationem habet quam particularis. Et licet Quantitas in Singulari & Particulari non sit eadem quoad *modum enunciandi*, est tamen eadem quoad *modum convertendi*. Tales ergo *Conversiones* sub voce illâ *tIbI* comprehenduntur.

Quinta lex est hæc, In omni Conversione diligenter videndum est, ut totum Subjectum *Conversæ* mutetur in totum Prædicatum in *Convertente*, & contrasine ulla vel casus, vel personæ, vel temporis variatione : unde hæc non est legitima Conversio, Aliquis homo edit cibum, ergo Aliquis cibus edit hominem : Nam Subjectum in *Conversa* est homo,

Quarta Regula Conversionis.

Dub.

Sol.

Dub.

Sol.

Quinta lex Conversionis.

homo, in *Convertente* verò mutatur in *hominem*, imò in *edens hominem*: similiter Prædicatum in *Conversa* est, *edens cibum*; at in *Convergente* mutatur in *Cibus*: sic ergò converti debet, ergò Aliquid edens cibum est homo. Idem hæc Propositio, Quidam homo est in domo, non convertitur legitime in hanc, ergò Quædam domus est in homine, sed in hanc, Quidam existens in domo est homo. Pari modo non valet hæc Conversio, Quidam senex fuit puer, ergò Quidam puer fuit senex: Nam verbum i' lud præteriti temporis Fuit, non est Copula in *Conversa*, sed pars Prædicari: sic enim resolvenda est illa Propositio, Quidam senex est ens quod fuit puer: & tum Conversio est facilis, ergò Quoddam ens quod fuit puer est senex. Hoc nisi strictè observetur, nulla unquam Conversio legitima fiet. Sed de Conversione hæc satis multa.

CAP. XI.

De Propositione Categorica Modali.

*Modales ob-
scuritatis ple-
na putantur.*

NON sum n. scius *Modales* has negotium Logicis facessere, & verè illorum Crucem esse. Sudarunt hic scilicet, & se miserum in modum torserunt, tot in his spinas esse opinantes, ut in proverbium jamdiu abierit, *De Modalibus non gustabit Asinus*. Inter omnes miseret me profecto Pet. Fonseca, qui totis quinque prolixis Capitibus de Modalibus agens, implicat se miserè hisce spinis, nec tamen rem ipsam ullo modo explicat, sed velut alter Sisyphus, *versat saxum sudans nitendo, neque proficit bilum*: & prope modum facit, ut Lector intelligendo, nihil quidquam intelligat. Mihi, fateor, res hæc non adeò aspera ac spinosa videtur: eamque in Tyronum gratiam sic claram ac perspicuam reddam, ut fateantur ingenuè *Modales* has, verè *Minervam* esse, quod a. lli instar Medusæ capitis horruerunt, quæque opinor illos in lapides juxta Poetarum fabulas tran formarunt. Novus ego hic Perseus horribile illud, & Gorgonicum Caput, Palladis ope (sic planè confido) amputabo, sic ut quivis deinceps sine ullâ trepidatione, non modo libenter atrectare *Modales* has, sed easdem deamare velit ac deosculari.

De illis tria explicanda sunt: Primò, *Quid sit Modalis Propositio*. Secundò, *Quot sint Modi quibus Propositio modificari soleat*. Tertiò, *An Modalis Propositio sit distincta Specie à purâ & simplici*.

*Modalis Pro-
positio quid.*

Modalis Propositio Categorica est, per quam Prædicatum aliquod significatur, non solum inesse aut non inesse Subjecto, sed modus præterea exprimitur, quo inest vel non inest illi Subjecto: Ut, *Necesse est hominem esse animal*. Hic enim non solum significatur, quòd animal inest homini, sed quòd inest *necessariò*, deque homine *necessariò* prædicatur. Sic, *Contingit esse hominem esse doctum*, notat doctrinam inesse homini, & in-esse contingenter.

*In omni Mo-
dali dictum,
& Modus dicti.*

Ex hoc liquet in omni *Modali Propositione* duo observanda esse: *Dictum*, & *Modum dicti*. *Dictum* vocatur illud, quod per puram Categoricam, sublato modo, dicitur; ut, *Hominem esse animal*, *Hominem non esse lapidem*. *Modus* est conditio *dicti* addita, per quam exprimitur quomodo Prædicatum in *dicto*, Subjecto illi inest vel non inest: ut, *Necesse est hominem esse vivens*. *Contingens est hominem esse sanum*.

*Quot modi
sunt in Propo-
sitionibus Mo-
dalibus.*

Quod ad secundum attinet: *Modi* quamplurimi sunt, qui Propositionibus addi possunt, easque modificare; ut, *Pium est obedire parentibus*. *Pulchrum & decorum est pro patriâ mori*. *Utile est benevolentiam aliorum conciliare*. *Certum est hominem esse risibilem*.

bilem. *Incertum est* hominem currere. *Verum est*, animal esse sensibile. *Per se* homo est animal. *Per accidens* fossor invenit thesaurum : & infinita hujus generis. Sed Arist. diligentissime hæc perpendens, quatuor solum Modos recenser, vel quia ista quatuor maxime omnium in usu sunt, vel quia alii ad unum horum reduci possunt, vel quia *Modus* quo Prædicatum Subjecto insit, per hos præcipue declaratur. Hi sunt, *Necessarium*, *Contingens*, *Possibile* & *Impossibile*. *Necessarium* est illud, quod jam est, & aliter esse non potest; quid. ut hominem esse animal. *Contingens* est illud, quod jam est, & potest non esse; ut hominem *Contingens* scribere. *Impossibile* est, quod nec jam est, nec esse potest; ut hominem esse lapidem. *Possibile*, quod jam non est, sed tamen potest esse; ut aquam esse calidam. Ex his oriuntur quatuor diversi ordinis *Modalium* Propositionum.

Primus ordo vocatur *Necesse est esse*, & quæ ei æquipollent aut inde consequuntur : Per hunc, Prædicatum in *Dicto* notatur Subjecto illi *necessario* inesse, ideoque *Universaliter* de eo affirmari. Hic ordo sic exprimitur : *Primus ordo*

Necesse est esse, ut hoc, Hominem esse animal, *necesse est* :
Cui æquipollent ista, ex eoque consequuntur :
Impossibile est non esse, ut hoc, Hominem non esse animal,
est impossibile.
Non possibile est non esse, ut hoc, Hominem non esse animal,
non est possibile.
Non contingens est non esse, ut hoc, Hominem non esse animal,
non est contingens.

Secundus ordo vocatur *Contingens est esse*, & quæ ei æquipollent : quo significatur Prædicatum in *Dicto* convenire Subjecto illi *contingenter*, ideoque non nisi *particulariter* de eo prædicari. Is sic se habet : *Secundus ordo*

Contingens est esse, ut hoc, Hominem esse doctum est contingens :
Cui æquipollent ista, exque eo consequuntur :
Possibile est esse, ut hoc, Hominem esse doctum,
est possibile.
Non impossibile est esse, ut hoc, Hominem esse doctum, non est
impossibile.
Non necesse est esse, ut hoc, Hominem esse doctum, non est
necesse.

Tertius ordo vocatur *Impossibile est esse*, & quæ ei æquipollent : quo significatur, Prædicatum in *Dicto* nec jam convenire illi Subjecto, nec posse unquam convenire, ideoque *negari universaliter* de illo Subjecto. Is sic se habet : *Tertius ordo*

Impossibile est esse, ut hoc, Hominem esse lapidem est impossibile :
Cui æquipollent ista, exque eo consequuntur :
Non possibile est esse, ut hoc, Hominem esse lapidem
non est possibile.
Non contingens est esse, ut hoc, Hominem esse lapidem,
non est contingens.
Necesse est non esse, ut hoc, Hominem esse lapidem,
necesse est non esse.

Quartus ordo vocatur *Possibile est non esse*, & quæ huic æquipollent aut inde consequuntur : quo significatur Prædicatum in *Dicto*, posse non convenire illi Subjecto, aut posse eidem non inesse, ideoque notat *particularem negativam*. Is sic se habet : *Quartus ordo*

Possibile

Possibile est non esse, ut hoc, Hominem non esse doctum est possibile non esse:
Cui æquipolent hæc, ex eoque consequuntur.

Contingens est non esse, ut hoc, Hominem non esse doctum est
contingens non esse.

Non impossibile est esse, ut hoc, Hominem non esse doctum
non impossibile est esse.

Non necesse est esse, ut hoc, Hominem non esse doctum
non necesse est esse.

*Modalis Propo-
sitiō non est
Specie distin-
cta à simplici.*

Quid sit *Modalis* Propositionis, & quot ejus Modi vel ordines diximus: nunc videndum an sit distincta Species Propositionis à *Categorica purâ*. Quamvis autem viceantur *Modales* esse alterius Generis, tamen si rem penitus introspicias, videbis reverâ eas non differre *essentiâ ac naturâ*, sed solum *accidente*, à puris *Categoricis*. Etenim in *Modalibus* est solum unum Prædicatum, & illud semper est *Modus*; est etiam unum solum Subjectum, & illud semper est *totum Dictum*; & est una solum Copula, quâ Modus cum *Dicto* connectitur. Quare si velis clarè ac dilucidè conspiciere veram formam & faciem *Modalis* Propositionis, pones semper *totum Dictum* pro Subjecto, & *totum Modum* pro Prædicato; in hunc modum: Hoc, videlicet, Hominem esse animal, est necesse; & hoc, videlicet, Hominem esse doctum, est contingens, & ita in reliquis omnibus? Si verò obscurior modus occurrat, licebit, & præstabit aliquam ex eis, quæ ei æquipollent, in superioribus tabellis, illius loco accipere

Modalis natura eadem cum purâ.

Hinc tria jam consequuntur: Primum est, *Quod omnis Propositio Modalis est ejusdem planè naturæ cum eâ purâ ac simplici Categoricâ, quam hactenus tractavimus*. Conveniunt enim in definitione essentiali: neque aliter differunt, nisi quod in *Modalis* semper *Modus*, in *Simplici* modus nunquam est Prædicatum, tunc enim non esset simplex, sed modificata. Secundum est, *Quod omnis Propositio Modalis est quoad Quantitatem reverâ Singularis*.

Omnis Propositio Modalis est Singularis.

In omni enim *Modalis*, Pronomen demonstrativum *Hoc*, aut alia similis *Singularis nota*, Subjecto præponitur vel *adû*, & *explicitè*, vel *intellectu & implicitè*. Nam cum dico, Necesse est hominem esse animal; est ac si dicerem, hoc, viz. hominem, esse animal est necesse; vel sic, Hæc Propositio Homo est animal, est necessaria, vel in materiâ necessariâ. Tertium est hoc, *Propositio Modalis habet omnes easdem Proprietates quas supra Categoricam puram habere diximus*: Primò, *Qualitatem*; nam aliæ sunt affirmativæ, ut Hominem esse animal est necesse: aliæ negativæ, ut Hominem esse lapidem non est possibile. Secundò *Quantitatem*, nam omnes sunt singulares. Tertiò, *Oppositionem*, ut huic, Hominem esse animal est necesse, contradictoria est hæc, Hominem esse animal non est necesse. Quartò, *Æquipollentiam*, ut huic, Hominem esse doctum non est necesse, æquipollet hæc, Non hoc, videlicet, hominem esse doctum est necesse, juxta regulam *Præ: contradiçt.* Quintò, *Conversionem*, ut hæc, Hominem esse doctum est contingens, convertitur in hanc, ergò Aliquod contingens est hoc Hominem esse doctum, per *tbl.*

Modalis habet omnes proprietates, quas purâ habet.

Quare tantum abest ut *Modalis* Propositio pro distinctâ Specie à *Categoricâ purâ* censatur, ut mihi potius videatur Modificatio illa *Categorica* nihil aliud esse quàm *Proprietas alia* (Tu, si vis, sextam voca) *Categoricæ Propositionis*. Nam hoc omni *Categoricæ* Propositioni convenit, ut categorice modificari possit, aut ut modo recipiendo fiat *Categorica Modalis*. Sed de *Modalis* hæc satis multa.

CAP. XII.

De Propositione Hypothesica.

Diximus hæcenus de Propositione *Categorica*, quæ est prima Species Propositionis. Sequitur nunc altera illius Species, quæ est *Hypothesica* de qua tria declaranda sunt: Primo *Quid sit*. Secundo *Quotuplex sit*, seu quo: illius Species. Tertiò, *Quæ illius Proprietates*.

Hypothesica Propositio, est Propositio constans ex duabus aut pluribus Propositionibus *Categoricis*, per aliquam *Conjunctionem conditionalem*, *copulativam*, aut *disjunctivam* connectis: ut, Si homo est animal est vivens. Non est & dies & nox: Velest dies vel nox. Fateor equidem Speciem hanc Propositionis multò rectius, atque commodius potuisse vocari *Conjunctam Propositionem*, potius quàm *Hypothesicam*: nam & Arist. sic eam vocat lib. de Interp. cap. 5. nu. 5. & vox Hypothesica, Conditionalem Propositionem (quæ est solum una Species Hypothesicæ) potius notat, quàm *Conjunctam Propositionem*, quæ est Genus istarum omnium. Quare autem factum sit ut pro *Conjuncta* Hypothesicam dixerint, equidem non satis intelligo. Sed quoniam usus obrinuit ut *Hypothesica* vocetur, sic eam cum vulgo dicamus. Certè enim *cedendum est consuetudini & usui*, quem penes arbitrium est & jus, & norma loquendi. Utamur igitur vocibus minus aptis, magis tamen apertis; & licet minùs commodis, tamen magis cognitis: & cum Augustino, si usus postulet, *Osium* & barbarè dicamus pro *Os*, & *floriet* e pro *florabit*; malo me Grammatici reprehendant, quàm populus, quàm auditores & discipuli mei me non intelligant; aut quoniam in Logicis verè amur, juxta prudens illud Arist. f. monitum, non cogamus homines dextrâ id facere quod sinistrâ rectè facere didicerunt. Hypothesicam itaque ut vulgus vocat & nos libenter vocabimus: ejus *Materia* sunt duæ *Categoricæ* Propositiones. *Forma* autem est ipsa *Conjunctio* quæ duas *Categoricas* connectit quæque est *Copula* semper in Hypothesica, ut verbum illud *Est*, in *Categorica*.

Hypothesica Propositio est triplex, *Conditionalis*, *Copulativa* & *Disjunctiva*.

Conditionalis Propositio, est Propositio Hypothesica, in qua duæ *Categoricæ*, per *Conjunctionem aliquam conditionalem* connectuntur: ut, Si dies est, sol ucet. Atque huc refertur Propositio *Causalis*, qualis est hæc, Quia sol lucet dies est: nam in istâ, virtute includitur *Conjunctio* *Conditionalis*.

Copulativa Propositio, est Propositio Hypothesica, in quâ duæ aut plures *Categoricæ* per *Conjunctionem aliquam copulativam* connectuntur: ut, Homo est animal, & est rationalis.

Disjunctiva Propositio, est Hypothesica Propositio, in qua duæ aut plures *Categoricæ*, per *Conjunctionem disjunctivam* connectuntur: ut, Homo vel est animal, vel planta.

Quid sit, & quotuplex Propositio Hypothesica diximus. Sequuntur nunc illius Proprietates; quæ sunt quinque, similes ferè illis quas in *Categorica* tractavimus, sed non in omnibus eadem. Prima est *Qualitas*: Secunda est *Quantitas*: Tertia est, *Oppositio*: Quarta est, *Aquipollentia*: Quinta est, *Conversio*; de quibus ordine, sed paucis.

Qualitas in Hypothesicis, sicut in *Categoricis* tria respicit: Primum est, *Hypothesica affirmatio*, aut *negatio*: Secundum est, *Hypothesica veritas* aut *falsitas*: Tertium est, *Hypothesica necessitas* vel *contingentia*. Unde tres regulæ de *Qualitate* ejus oriuntur.

Bb

Prima

*Hypothesica
Propositio quid.*

*An Hypothesica
vocanda sit.*

*d Aug. lib. 3. de
doct. Christ. c. 3.*

e lib. lib. 2. cap. 13.

*f Citat ex A-
rist. con. Lagus*

*in Method. Fur-
ris part. 1. ca. 5.*

*nu. 2. & sump-
tum videtur ex*

*lib. 2. Polit. A-
rist. cap. 6.*

*Conditionalis
quid.*

*Copulativa;
quid.*

*Disjunctiva;
quid.*

*Qualitas in
Hypothesicis.*

**Prima regula
de Qualitate.
Hypothesica af-
firmativa &
negativa quid.**

Prima est hæc, *Omnis Hypothesica Propositio hypotheticè aliquid vel affirmat, vel negat, ideoque est vel affirmativa hypotheticè, vel negativa.* Hypothesica affirmativa est, quando nulla negatio præponitur Copula Hypothesica, id est, Coniunctioni conditionali copulativa, aut disjunctiva, sic ut in eam suas vires exercent: ut, Si homo est animal, est vivens. Socrates vel est doctus vel indoctus. Hypothesica negativa est, quando negatio vel actu & expresse vel virtute & implicite Hypothesicæ copula, id est, coniunctioni sic præponitur, ut vires suas in eam exercent: ut, Non si homo est animal, est doctus. Socrates non est vel lapis vel leo.

**Secunda regula
de Qualitate.**

Secunda regula est hæc, *Omnis Hypothesica Propositio hypotheticè, id est, cum conjunctione aliqua conditionali, copulativa, aut disjunctiva, significat vel verum, vel falsum, ideoque est vel vera, vel falsa.* Pro diversitate autem Propositionum Hypothesicarum, diverso modo sunt vel veræ, vel falsæ.

**Conditionalis
quando vera.**

Conditionalis Propositio est vera, quando ex antecedente verè sequitur consequens, sic ut concesso antecedente necesse sit concedere consequens: ut, si homo est animal, est vivens. Si homo sit lapis, non est animal. Observa enim, quod ad veritatem conditionalis Propositionis, non requiritur ut alterutra illius pars vera sit, sed ut ex priori, posterior sequatur. Nam in secundo exemplo, neutra pars illius conditionalis est vera, & tamen conditionalis ipsa tota est vera; quia ex antecedente consequens verè consequitur. Hinc Axioma illud natum, *Conditionalis Propositio nihil ponit in esse, id est, non requirit ut alterutra illius pars vera sit, sed solum ut posterior ex priori sequatur.*

**Conditionalis
quando falsa.**

Conditionalis Propositio est falsa, quando ex antecedente consequens non verè sequitur: ut, Si homo sit animal, est rationalis. Atque hinc fit ut ad falsitatem conditionalis, non requiratur, ut illa illius pars falsa sit, sed solum hoc requiritur, ut ex priori posterior non sequatur; ut in exemplo posito, neutra pars est falsa, & tamen tota conditionalis est falsa; quia non sequitur, ut homo sit rationalis, si sit animal, quia tum omne animal esset rationale.

**Copulativa
quando vera
aut falsa. Dis-
junctiva quan-
do vera aut fal-
sa Tertia regula
de Qualitate.
Hypothesica ne-
cessaria quando.
Hypothesica
Contingens
quando.**

Copulativa Propositio est vera, quando omnes illius partes sunt veræ: ut, Homo est & substantia, & vivens, & rationalis. Falsa autem est, si una aliqua illius pars etiam sit falsa, relique sunt veræ: ut, Homo est & animal, & rationalis, & volatilis.

Disjunctiva Propositio est vera, quando ulla una ejus pars est vera: ut, Homo, est vel planta, vel animal. Falsa autem est, quando nulla ipsius pars est vera, ut, Homo est vel lapis, vel leo, vel arbor.

Tertia Regula est hæc, *Omnis Propositio Hypothesica vel est hypotheticè necessaria, vel hypotheticè contingens.* Propositio Hypothesica est necessaria, quando id quod per eam significatur vel est ita verum, ut falsum esse non possit, vel ita falsum ut verum esse non possit: ut Si homo est animal, est vivens; est necessaria conditionalis: Homo est & animal, & vivens; est necessaria copulativa: Homo est vel rationalis vel irrationalis; est necessaria disjunctiva.

Propositio Hypothesica est contingens, quando id quod per eam significatur, vel est ita verum ut falsum esse possit, vel ita falsum ut verum esse possit. Si sis doctus, & probus, alii te diligunt & colunt, est conditionalis contingens. Socrates est & doctus, & probus, est copulativa contingens, Socrates vel est doctus vel probus, est disjunctiva contingens. Hæc de Qualitate Propositionis Hypothesicæ quæ est prima illius Proprietas.

**Quantitas in
Hypothesicis.**

Secunda Proprietas est *Quantitas: Omnis autem copulativa, & disjunctiva eandem planè habet Quantitatem quàm Categorica, ex quibus constant:* ut, Socrates est & bonus & sapiens, est copulativa Singularis. Omnis homo est vel rationalis vel irrationalis, est disjunctiva Universalis. Conditionales autem omnes, sunt virtute universales; sicut sunt Propositiones Categoricæ illæ ipsæ quibus innituntur: ut hæc, Si Socrates sit homo est animal, est virtute universalis, sicut est illa Categorica, cui æquipallet & cui innititur, videlicet, Omnis homo est animal.

Tertia

Tertia Proprietas est *Oppositio*. & quidem contraria, subcontraria, & subalterna oppositio in hypotheticis non invenitur. *Contradictoria autem oppositio Hypothesica æquæ Hypotheticis ac Categorica per se convenit.* Nam aliter in disputando non posset Hypothesica refelli: cum opponens contradictorium probare teneatur. *Contradictio autem in Hypothesicis oritur ex ipsa affirmatione & negatione ejus quod hypotheticè assertitur*: ut hujus affirmativæ, Si sol lucet dies est; contradictoria est hæc negativa, non si sol lucet, dies est: Et hujus negativæ, Homo non est & animal, & vivens; contradictoria est hæc affirmativa, Homo est & animal & vivens: Et hujus negativæ, Homo non est vel animal, vel planta; contradictoria est hæc affirmativa, Homo est vel animal vel planta.

Quarta Proprietas est *Æquipollentia*; & hæc quidem in copulativis eadem est planè *Æquipollentia in Categoricis*; unde hæc, Non omnis homo est animal & vivens, æquipollet huic, Aliquis homo non est & animal, & vivens. In disjunctivis *Æquipollentia nullius omnino usus est.* In conditionalibus autem *Æquipollentia sumenda est, ex ea Categorica universali, quæ virtute in conditionali semper includitur, quæque est fundamentum semper consequentia in conditionali*: unde hæc, Si homo est animal, est vivens: æquipollet huic universali Categoricæ, cui veluti fundamento innititur, Omne animal est vivens: & hæc, Si homo est planta est insensibilis; æquipollet huic universali Categoricæ, Omnis planta est insensibilis: & hæc, Si Socrates sit Philosophus, est doctus; æquipollet huic universali Categoricæ, Omnis Philosophus est doctus. Atque ita fit, ut omnis Hypothesica conditionalis æquipolleat uni Categoricæ universali cui innititur, quæque in ea, virtute continetur.

Quinta Proprietas est *Conversio*: & sane copulativa omnis eodem modo convertitur quo suæ Categoricæ, ex quibus constat: ut, Omnis homo est vivens & animal, convertitur in hanc per regulam *id est*, ergo Aliquod vivens & animal, est homo. In disjunctivis verò *Conversio nullius est usus.* In conditionalibus autem *Conversio semper fit in illam Categoricam cui innituntur, & quæ in eis virtute includitur*; ut hæc, Si homo sit vivens est substantia, convertitur in hanc, ergo Omne vivens est substantia. Quo etiam modo ipsa Categorica universalis, cui conditionalis innititur, convertitur in conditionalem ex ea consequentem; ut hæc, Omnis homo est animal, convertitur in hanc conditionalem, Si aliquid sit homo est animal.

His quinque Proprietatibus Propositionis Hypothesicæ, addi potest, ut sexta, *Modificatio*. Hoc enim Hypothesicis non minus quam Categoricis convenit, ut quatuor illi *Modi de quibus ante dictum est eis connecti possint, easque modificare* ut hæc conditionalis est modalis in primo ordine, *Necesse est* ut si homo sit animal sit vivens. Hæc copulativa in secundo, *contingens est* ut homo sit doctus & probus. Hæc disjunctiva in tertio, *Impossibile est*, ut homo sit vel lapis vel leo, Hæc conditionalis in quarto, *possibile est* ut si homo sit animal, non sit bipes.

Hic verò diligenter advertendum est, quod hæ & similes omnes, etsi respectu *dicti* quod est *Propositio Hypothesica*, dici possunt *Hypothesicæ*, tamen si totam Propositionem Modalem, id est, *dictum cum Modo* respicias, sunt reverà *Categorica singulares*. Nam in omnibus est unum tantum subjectum, nempe *totum dictum*, sive sit conditionalis, sive copulativa, sive disjunctiva *Propositio*: & unum tantum Prædicatum, quod est semper *Modus adjectus dicto*. Sed de Propositione Hypothesica, adeoque de omni Propositione hæc satis multa sunt quæ dicantur. Libet nunc eorum quæ de Propositione declaravimus brevem hic Synopsin proponere.



C A P. XIII.

De Argumentatione in Genere.

*Materia Ar-
gumentationis.
Forma Argu-
mentationis.*

HActenus *Materiam* Argumentationis tractavimus, tam remotam, quæ sunt *Voces*; quam propinquam, quæ sunt *Propositiones*. Materiam jam cognitam, quæ *Forma* sit Argumentationis verbo expediám. *Forma* autem est ipsa *connexio* plurium *Propositionum* per *conjunctionem* aliquam. *Illativam*, quales sunt *Ergò, igitur, idèò*, aut alia similia.

Arque hinc jam quid sit Argumentatio (quod declarandum proposui ca. 1.) facile liquet; sic enim definiti potest:

*Argumentatio
quid.*

Argumentatio est *Oratio perfecta*, in qua ex una Propositione vel pluribus, alia inferitur, cum hac Relationis notâ, Ergò, igitur, aut alia simili, vel expressâ, vel intellectâ, ut;

Homo est animal ::

Ergò est vivens.

Neque enim illis assentior, qui has similesque Argumentationes, inter Propositiones Hypotheticas numerant: nam etsi plures Propositiones in his connectantur per Conjunctionem, tamen. *Conjunctiones Illativæ* notæ sunt *Argumentationis*, non *Propositionis hypotheticæ*; ut sunt Conjunctiones Copulativæ, & Disjunctivæ: Causales quidem Propositiones, qualis est hæc, Quia homo est animal, est vivens; *virtute* Conjunctionem illativam in se continent, & ideo sunt virtute & implicite Argumentationes: quod idem de omni Propositione Conditionali sentiendum est. Sed actu, & quoad modum proferendi sunt reverà Propositiones hypotheticæ, & non Argumentationes.

*Tres parles in
Argumentati-
one.*

Ex his nunc liquet, in omni Argumentatione tres esse partes: Prima est illa ^{qua}

quæ inferat & probat aliud; & hæc vocatur vel *Antecedens*, quia antecedit Conclusio- *Antecedens*
nem; vel *Premissa*, quia præmittitur Conclusioni, ut eam inferat probetque. Quan- *seu Premissa*
doque autem in Antecedente, est una tantum Propositio; ut hic, Homo est animal, er-
gò est vivens: Quandoque sunt duæ Propositiones; ut hic, Omne animal est vivens, Ho-
mo est animal, ergò homo est vivens: Quandoque etiam tres aut plures, ut de *Sorite* post
ostendemus.

Secunda pars Argumentationis est ea quæ inferitur ex Antecedente, & hæc vocatur vel *Conclusio*, sive
Conclusio, quia est illud quod probatur & concluditur; vel *Consequens*, quia est illud *Consequens*
quod consequitur ex Antecedente. Consequentia autem neque est *Antecedens*, neque *Consequentia*
Consequens, sed ipsa *dependentia* & *Cohærentia* *Consequentis* ab *Antecedente*. Et hæc Con- *quid*
sequentia aliquando *firma* est & valida, quando nimirum *Consequens* *necessariò* sequitur *Consequentia*
ab *Antecedente*; ita ut si concedatur Antecedens, necesse sit concedi Consequens; ut hic, *firma*
Homo est animal, ergò est vivens. Aliquando est infirma & invalida, quando *Consequens* *Consequentia*
non necessariò sequitur ex *Antecedente*, sed rectè concedi potest Antecedens, & tamen *infirma*.
Consequens negari; ut hic, Homo est animal, ergò est rationalis. Ex quo fit ut Argu-
mentationes alix sunt validæ, alix infirmæ & invalidæ, utraq; autem verè Argumen-
tationes sunt.

Tertia Argumentationis pars est ipsa Copula, seu vinculum quod *connektit* *Antecedens*
cum *Consequente*; & hæc semper est nota Illationis, Ergo, igitur, aut quid simile. Nam ut *Copula in Ar-*
priores partes sunt *Materia*, ita Copula ista, est quasi *Forma* Argumentationis. Atque *gumentatione*,
ut in Propositione Categorica, termini duo nempe Subjectum & Prædicatum sunt *Materia*,
Copula autem quæ est verbum substantivum, aut aliqua ejus persona, est *Forma*: & ut in
Hypotheticâ Propositione duæ Propositiones sunt *Materia*, Conjunctio autem Conditio-
nalis, Copulativa aut Disjunctiva quæ copulat istas Propositiones, est i lius quasi *Forma*: ita
planè in Argumentatione *Premissæ* & *Conclusio*, sunt illius, *Materia*; Illativa autem nota
quæ illas in arguendo copulat, est quasi *Forma*: Quare si hæc desit, Argumentatio nulla
esse, dicere potest.

Proprietates Argumentationis sunt duæ: Primâ est hæc, *Omnis Argumentatio aliquid* *Proprietates*
probat, vel probare videtur. Nam si consequentia sit firma, tum verè probat id quod conclu- *Argumentati-*
ditur. Sed si consequentia sit infirma, tum non probat ista Argumentatio, sed solum videtur *onis*,
probare Conclusionem illam.

Secunda est hæc, *Quæcunque oratio aliquid vel probat, vel probare videtur, est Argu-*
mentatio. Nihil enim à quoquam vel verè, vel apparenter probari potest nisi per Argu-
mentationem, vel *expressam*, vel *implicitam*.

Hæc de Argumentatione in Genere dicta sint.

C A P. XIV.

De Syllogismo in Genere, & de Syllogismo Categorico in Genere.

Progrediendum nunc ad Species Argumentationis, sic enim supra ca. i. agendum
proposuimus. Est autem Argumentatio duplex, *Perfecta*, & *Imperfecta*. Agemus pri-
mò de *Perfecta*.

Argumentatio perfecta, est *Argumentatio* quæ ad aliud perfectius Argumentationis Ge-
nus reduci non potest; sed ipsa est *mensura* & *regula* aliorum omnium Argumentationum, *Syllogismus*,
& quid.

Et hac vocatur *Syllogismus*. De Syllogismo agendum, primò in *Genere*: secundo, in *Specie*. De eo in *Genere* duo explicanda sunt. Primò, *Quid sit*: Secundo, *Qua illius Proprietates*. Definitur autem sic:

Syllogismus est *Argumentatio perfecta*. Nam, in hoc differt ab omnibus aliis: Per *Argumentationem*, differt ab omni oratione quæ non est *Argumentatio*: per id quod dicitur *Perfecta*, differt ab omni *Argumentatione imperfecta*. Vel sic apertius & plenius: Syllogismus est *Argumentatio, in qua ex duabus Præmissis sive Categoricalis, sive Hypotheticis necessario inferitur Conclusio*: ut in his.

BAR Omne animal est vivens,
BA Omnis homo est animal,
RA. Ergo omnis homo est vivens.
Si homo sit animal, est vivens.
At homo est animal,
Ergo homo est vivens.

In omni Syllogismo tres Propositiones.

Ex ista definitione duo consequuntur: Primum est, *Quòd in omni Syllogismo sunt tres Propositiones*. Harum prima, quæque primo loco ponitur, vocatur *Major Propositio*: & sæpe *Propositio*. Ea quæ secundo loco ponitur, vocatur *Minor Propositio* aut *Assumptio*, quia assumitur ad Majorem. Ea quæ tertio loco ponitur, vocatur *Conclusio*, quia ex Præmissis inferitur, & concluditur.

Dub.

At Arist. 1. Prior. ca. 25. nu. 5. ait *Syllogismum ex duabus Propositionibus, & non pluribus constare*.

Sol.

Respondeo, constat ex duabus tantum Propositionibus quæ Conclusionem præcedunt, id est, ex duabus tantum Præmissis, & sic intelligendus est Arist. loco citato. Sed si Conclusio addatur, tum constat ex tribus Propositionibus.

Conclusio in Syllogismo necessario sequitur ex Præmissis.

Secundum quod consequitur est hoc, quod diligenter observa & tene: Quod in omni Syllogismo Conclusio necessario sequitur ex Præmissis, ita ut si Præmissas concedas esse veras, Conclusionem esse veram necessario concedere debeas. Hoc expresse docet Arist. 1. Prior. ca. 1. num. 9. & 1. Topic. cap. 1. num. 3, utrobique ait, *Ex eis quæ posita sunt aliud necessario accidere*, id est, Conclusionem ex Præmissis necessario sequi. Atque hinc constat, nullam *Argumentationem* invalidam, (seu in qua Consequentia non est firma) vel esse Syllogismum, vel sic dicendam esse: videntur solum Syllogismi esse, sed quia consequentia in illis est infirma, ideo Syllogismi non sunt, sed *Argumentationes* vitiosæ & inutiles: de quibus singulis Arist. ait 1. Prior. cap. 4. 5. & 6. *Non est Syllogismus, non fit syllogismus*, aut quid simile. Tales sunt illæ ubi omnes Propositiones sunt vel negativæ, vel particulares: ut hic:

Nullus homo est equus,
Nullum hinnibile est homo:
Ergo nullum hinnibile est equus.
Et hic,
Aliquod animal est rationale,
Aliquis equus est animal.
Ergo aliquis equus est rationalis.

Proprietas Syllogismi.

Proprietas Syllogismi est hæc unica, *Quòd si Præmissa ejus sint vera, Conclusio etiam erit vera: aut si Præmissa concedantur esse vera, Conclusionem quoque veram esse concedendum est*. Patet ex definitione: nam quia Conclusio necessario semper sequitur ex Præmissis in Syllogismo, ideo si illæ veræ sint, aut pro veris concedantur, eo ipso Conclusio est vera, & implicite conceditur esse vera. Quotiescunque igitur Conclusio in ulla Argumentatione est falsa, certissimum est vel istam Argumentationem non esse Syllogismum, vel si sit, aliquam Præmissarum in ea falsam esse.

Hæc

Hæc de Syllogismo in Genere.

Sequuntur Species Syllogismi, quæ duæ sunt: *Syllogismus Categoricus & Hypotheticus*. De Categorico prius agendum est. Is tractandus primò, *in Genere*: secundò, *in Specie*.

Categoricus Syllogismus, est *Syllogismus cujus omnes tres Propositiones sunt Categoricæ*: ut hic, *Syllogismus Categoricus quid.*

CE Nullum animal est lapis:

LA Omnis homo est animal:

RENT. Ergò nullus homo est lapis.

Nec necesse est de eo, *in Genere*, plura his addi. Nam etsi juxta accuratam rerum tractationem, atque ordinem, tam *Materia* hujus Syllogismi quàm *Forma*, (quæ utrisque illius speciebus æqualiter conveniunt) hoc loco tractanda essent, tamen quia ista utraque & commodius tradi, & facilius multò intelligi possunt ex tractatione Specierum hujus Syllogismi, idè nos ista utraque in illum locum reservando, illicque explicanda duximus.

C A P. XV.

De Syllogismo Categorico Communi.

Sequuntur illius Species. Est autem Syllogismus Categoricus duplex, *Communis*, & *Singularis*. De *Communi* prius agendum est: tum quòd illius usus multò maximus est, tum quòd illius notitia faciliorem longè facit non solum *Singularis* Syllogismi, sed aliarum planè omnium Argumentationum cognitionem. Sunt autem de hoc *Syllogismo Categorico communi*, tria explicanda, & tyronibus ad unguem plane tenenda. Primò, *Quid sit*: Secundo, *Quomodo rectè formari debeat*: Tertio, *Quæ Leges seu regula de eo observanda sint*, quæ loco Proprietatum habendæ sunt; de hisce ordine.

Definitur in hunc modum: Syllogismus Categoricus communis, est *Syllogismus Categoricus, in quo vel amba, vel una saltem Præmissarum est Propositio universalis*. Aliquando quidem ambae sunt; sed nisi una earum sit universalis, Syllogismus communis seu *communis quid* universalis dici non potest. Memineris vero quod cùm definiatur esse Syllogismus, ex eo necessaria in omni tali Syllogismo consequentia declaratur: quod, quia superius de Syllogismo in Genere observatum est, sine ulteriori repetitione hic solum te monendum censui. Hinc enim intelliges, fieri nunquam posse, ut ex veris Præmissis falsa Conclusio in ullo Syllogismo colligatur: tantopere interest Syllogi morum non certam modò, sed plenam cognitionem habere.

Quod attinet ad secundum, ut rectè formetur talis Syllogismus, duo sunt de eo necessario & diligenter cognoscenda. *Materia* illius, & *Forma*: de quibus ordine agemus.

Materia ejus est, *id ex quo talis Syllogismus fit & constat*. Et duplex est, *Materia proxima*, & *Materia remota*. *Materia* illius proxima, seu ex qua proxime fit, sunt tres Propositiones ex quibus constat, nempe *Propositio Major*, *Minor*, & *Conclusio*.

Materia ejus remota, seu ex qua remotius & mediatè fit, sunt illi ipsi *Termini*, ex quibus tres illius Propositiones fiunt. Hi in omni tali Syllogismo sunt tres, neque plures, neque fauciores. Hoc expresse docet Arist. 1. Prior. cap. 25. nu. 1. & 4. ubi ait, *Omnem Syllogismum*.

Major Terminus. gismum, (nempe Categoricum commune) e tribus tantum Terminis constare. Primus horum vocatur *Major Terminus*, seu *Majus extremum*, qui est in Majori Propositione & Conclusionem, sed nunquam in *Minori*. Secundus vocatur *Minor Terminus*, seu *Minus extremum*, qui est in *Minori* Propositione & Conclusionem, sed nunquam in Majori. Tertius vocatur *Medius Terminus*, seu *Medium*, qui est in Majori Propositione & in *Minori*, sed nunquam in Conclusionem. Quæ omnia ab Arist. fusiùs traduntur, lib. 1. Prior. cap. 4. 5. & seq. ubi etiam ista ipsa nomina *Medii* & *Extremorum* tribus istis Terminis sæpissimè attribuit.

Medium quare vocatur. Vocatur autem tertius iste Terminus *Medium*, seu *Medius Terminus*, quia mediante hoc termino, probatur & ostenditur unus extremorum vel convenire alteri, vel non convenire. Nam quia *Medium* inest, aut convenit tam Majori termino, quàm *Minori*, ideo unus eorum alteri convenire debet. Similiter quia *Medium* non inest, aut non convenit Majori Termino, sed inest & convenit *Minori* termino, vel convenit Majori non autem convenit *Minori*, ideo Major *Minori* convenire non potest. Ita mediante *Medio* semper ostenditur alter Extremorum alteri vel convenire, vel non convenire. Hinc etiam liquet cur duo alii termini *Extrema* vocentur, nimirum quia habent alium terminum *Medium* inter ipsa, quo mediante vel convenit unum alteri, vel non convenit.

Extrema, quare vocantur.

Est etiam & alia horum nominum ratio. Nam in Syllogismis illis qui omnium dignissimi ac præstantissimi sunt, quales sunt Syllogismi qui in *Barbara* contextuntur, in illis, inquam, hoc sæpe evenit, ut inter tres istius Syllogismi Terminos, *Major* sit reverà amplissimum, *Minor* angustissimum, & tertius *Medium* inter utrumque, angustius *Majori*, & *Minori* latius, ut in hoc similibusque omnibus videre licet:

BAR Omne animal est vivens,
BA Omnis homo est animal,
RA Ergo omnis homo est vivens.

In hoc, similibusque omnibus, respectu Prædicationis primus terminus, vocatur *Major* quia est prædicatione amplissimus: secundus vocatur *Minor*, quia est prædicatione angustissimus: tertius vocatur *Medium*, quia est angustior *Majori*, latior vero & amplior *Minori*. Et quoniam in Syllogismis his, qui in præstantissimo Modo reantur, hoc sæpe evenit, ideo ista nomina *Medii* & *Extremorum* tribus terminis in quovis Syllogismo accommodantur, licet non sit in eis talis ordo inter *Media* ac *Extrema*, qualem in his nunc ostendi.

Medium quomodo vocetur Argumentum.

Vocari potest *Medium* alio Nomine *Argumentum*: si per hanc vocem intelligas id quod adducitur ad arguendum, id est: probandum unum Extremorum alteri vel convenire, vel non convenire. Sed Ramus, quique eum sequuntur, alio sensu *Argumentum* accipiunt: id enim omne quid ad arguendum aptum est, *Argumentum* dicunt. Ita apud eos ut videre licet apud G. D. Comment. in Ram. Dialect. lib. 1. cap. 2. pag. 85. voces omnes Categoricæ, per sese, & extra argumentationem acceptæ, *Argumenta* sunt & vocantur: Nulla enim omnino vox talis est quæ non sit affecta, & apta ad arguendum aliquid vel inesse, vel non inesse. Fruantur per hoc suo idiomate: non in video eis istum hujus vocabuli usum: nec de re tantillâ litigandum sentio. Cæterum hoc negari non potest, *Argumenti* nomen vulgo & juxta frequentem probatorum scriptorum usum, non pro simplici aliqua dictione, sed vel pro *medio* (licet id raro) vel pro tota ipsa ratione seu *Argumentatione* quâ quid probamus usurpari. Sic Quintil. definit esse *Rationem quæ probationem præstat, in qua colligitur aliud per aliud*. Sic Cic. in lib. Part. Qui us rebus sit fides? *Argumentis*. Quid est *Argumentum*? est probabile inventum ad faciendam fidem. Et clariùs in lib. Top. *Argumentum*, inquit, est Ratio quæ rei dubiæ facit fidem: quo loco *Argumentationem* à Cicerone per vocem *Argumenti* significari, agnoscit ille, qui inter Rameos est longe doctissimus, Comment. in Ram. Dialect. lib.

lib. 1. cap. 2. 76. Præstabitur igitur, meo iudicio cum Cicerone, Quintiliano, cumque ipso vulgo, *Argumenti* nomen ipsi *Argumentationi* tribuere, quam *Medio termino* in ulla *Argumentatione*. Omnino enim lex illa tenenda est, *Loquendum cum vulgo*.

Quod verò non *Medium* solum, sed & duos alios Syllogismi terminos *Argumenta* vocat Ramus, lib. 2. cap. 9. ubi *Medium tertium Argumentum* nominat; quo nomine *tertius Terminus* non *Argumenti* nihil frequentius, vel in ore, vel in scriptis Rameorum, quomodo etiam in omni Syllogismo tria (g) *Argumenta* faciunt, primum scilicet, secundum, & tertium *Argumentum*. Quis obsecro tantum verborum Catachrésin, & in loquendo confusionem ferre potest? aut quis unquam tria *Argumenta* esse in uno Syllogismo, id est, in uno *Argumento* probabit? Sed nimirum Ramo novam Logicam cudenti, novus rerum ordo, nova vocabula, nova ferè omnia excogitanda erant. Hinc *Propositio*, illi *Axioma* dicitur, Syllogismus *Dianoia*, Methodus item *Dianoia*: vox quævis, à quâ ratio duci potest, Ratio & *Argumentum*; tres Termini in Syllogismo, tria *Argumenta*; locus à Causa, *Categoria Causæ*; & pro decem antiquis benè notis *Categoriis* seu *Prædicamentis*, octo Rameis sunt *Categoriæ* argumenta sunt tria s. u. octo *Prædicamenta*. In hæc à liaque similia (ea sunt supra numerum) verissimè congruit id, quod in alia causa dixit August. lib. 1. ad Inquisit. Jan. cap. 5. non tantum utilitate *Terminus Major & Minor* *appellatur* *quorum res* *Medium*, *tertium Argumentum* *appellatur*. Sed satis multa de *Materia* Syllogismi.

Sequitur *Forma*: Ea est apta & legitima dispositio totius & *Materia*, tam remota, quam propinqua in Syllogismo: Et quo fit ut per *Formam* tria declarentur, primum est *Figura* Syllogismi: secundum est, *Ordo concludendi* in Syllogismo: tertium est, *Modus* Syllogismi: de singulis ordine dicendum est prout in Syllogismo Categorico communi (de quo hic agimus) inveniuntur.

Figura Syllogismi est apta & legitima dispositio *Materia* remota, id est, trium Terminorum in *Præmissis* Syllogismi. Et sanè si *Medium* in *Præmissis* rectè collocetur, duo alii non possunt aliter quam rectè disponi. *Medium* autem quatuor diversis modis, & nec pluribus nec paucioribus in *Præmissis* collocari potest. Quare ex ista quadruplici dispositione *Medii* quatuor oriuntur Syllogismorum *Figurae*.

Primò, *Medium* sic locatur, ut sit *Subiectum* in *Majori Propositione*, & *Prædicatum* in *Minori*, & tum fit *Prima Figura*, ut hic:

DA Omne animal est vivens,
RI Quidam homo est animal,
I. Ergo quidam homo est vivens.

Secundò, *Medium* sic locatur, ut sit *Prædicatum* in ambabus *Præmissis*, & tum fit *Secunda Figura*, ut hic:

CES Nullus lapis est animal,
A Omnis homo est animal,
RE Ergo nullus homo est lapis.

Tertiò, sic locatur *Medium*, ut sit *Subiectum* in utrisque *Præmissis*, & tum fit *Tertia Figura*, ut hic:

Cc

DA7

DA Omnis homo est vivens,
 RAP Omnis homo est animal,
 TI Ergo aliquod animal est vivens,

Quarta figura. Quarto, sic locatur *Medium*, ut sit *Prædicatum in Majori*, & *Subiectum in Minori Propositione*, & tum fit *Quarta Figura*, ut hic :

DI Quidam homo est animal,
 MA Omne animal est vivens,
 SI Ergo quoddam vivens est homo.

Numerum istum Figurarum hi versus comprehendunt :

Sub, Præ, prima: *hi Præ*, secunda : *tertia, hi Sub* :
 Sed *Præ Sub*, quartam vocitabis rite Figuram.

*An quarta figura sit admit-
 tenda.*

Tres primas Figuras recipiunt omnes, ipseque Arist. approbat; quare de eis non est dubitandum quin legitimæ Figuræ sint. De quartâ dubitari potest: Syllogismos enim in eâ contextos, verè Syllogismos esse, & necessariò ac syllogisticè concludere, certum est; & Zabar. istius Figuræ acerrimus impugnator hoc ipsum agnoscit lib. de quartâ Fig. cap. 13. ubi ait, *Syllogismus in hac quartâ Figurâ formatur; esse utiles in hoc sensu, quia certa Conclusio ex Præmissis in hac Figurâ colligitur.* Syllogismi igitur verè sunt, qui in hac Figurâ formantur. Esse autem hanc distinctam Figuram à tribus primis, res ipsa, clamat, cum *diversitas Figurarum oriatur à diversâ dispositione Medii*: *Medium* verò h'c alio modo disponitur, quàm in ullâ aliâ Figurâ. Quia verò hæc quarta Figura non est necessaria (sic ut neque secunda aut tertia, cum omnis Conclusio Categorica in uno ex quatuor Modis primæ Figuræ concludi possit, ut Arist. verè docet lib. 1. Prior cap. 4. nu. 25.) quia etiam hæc Figura non concludit tam *naturaliter*, ideòque non tam *usitate* ac tres reliquæ, ideo Arist. eam planè omisit. Agens enim de Syllogismis *naturaliter concludentibus*, ac *juxta usitatum modum*, sic inquit lib. 1. Prior. ca. 23. nu. 8. *Certè constat necesse esse, ut omnis Syllogismus fiat per aliquam ex his (tribus) Figuris.* Et iterum cap. 30. nu. 1. *Ex dictis*, inquit, *constat non solum hac viâ*, (id est, in his tribus Figuris) *confici posse omnes Syllogismos, sed etiam aliâ viâ non posse.* Significat nimirum se hanc quartam Figuram omisisse, non ideo quia ratio concludendi in ea non est legitima & syllogistica; sed quia non est *naturalis & usitata*. Ita non rejecit hanc Figuram, sed omisit: Atque hoc clavis verbis docet Zabar. lib. cit. cap. 13. inquit, *Aristoteles istos modos neque admisit, neque rejecit.* Ecce Arist. non rejecit quartam Figuram, licet non admisit, teste Zabar. Quare vero non admisit, aut quare omisit? Rationem tibi reddit ipse Zabar. *Quoniam via naturali* (id est usitato) *neque procedunt Syllogismi hujus Figuræ, neque procedere videntur.* Sic Zabar.

Ego hic Aristotelis vestigiis libens insisto. Omittam hanc Figuram, sed non rejicio eam. Nam certum est, & liquido cuius demonstrare possum, rationem concludendi in hac quartâ Figurâ, *veram, legitimam, & syllogisticam esse.* Quod autem vulgo dicitur, Syllogismos in hac Figurâ contextos, non aliter quàm transpositione terminorum differre à Syllogismis in primâ Figurâ, profecto non tam est vulgaris iste quàm crassus error. Nam in quibusdam Modis quartæ Figuræ (ut in *Fesapo*) non omnino transponuntur Præmissæ: & in omnibus ubi transponuntur, est alia, eaque major mutatio quàm sola transpositio Præmissarum. Etenim ex illa transpositione Præmissarum, fit & oritur tam *nova dispositio Medii* (ideòque *nova Figura*) quàm *nova dispositio terminorum in Conclusionem*, cum di-
 xit sepe quantitate ideòque *novus Modus*. Ita per istam transpositionem Præmissarum
 mutatur

mutatur ipsa forma & essentia Syllogismi, quæ sita est in dispositione terminorum. Hoc idem in aliis modis receptis, & ab Aristotele comprobatis uia venit. *Cesare*, enim non aliter differt à *Camestres*, nec *Datist* à *Lisamis*, nisi sola transpositione Præmissarum, & eâ mutatione terminorum in Conclusionem, quæ istam transpositionem insequitur. Quare si tum fiat novus Syllogismorum *Modus*, quando Præmissæ transpositæ faciunt solum mutationem terminorum in Conclusionem, certe multò magis erunt & *Modi diversi*, & *diversa Figura*, quando transpositionem Præmissarum insequitur, & *nova dispositio Medii* in Præmissis, atque ita nova *Figura*, & *nova dispositio terminorum* in Conclusionem, atque ita novus *Modus*. Hoc autem semper fit in omnibus Modis *quarta Figura*, in quibus fit transpositio Præmissarum à Modis primæ Figuræ: Sed nos, ut dixi, Aristotelem sequentes, ommissâ hac *quarta Figurâ*, tres primas, ut maximè *naturales*, ut *naturaliter*, ideoque *usitate concludentes*, utque maximè idoneas disputationi, amplectimur. Atque hæc de Figuris Syllogismorum.

Secundum, quod ad Syllogismorum *Formam* spectat, est *Ordo concludendi*. Nam ut *Figura* indicat quomodo termini omnes disponuntur in Præmissis, ita ex *Ordine concludendi* ostenditur quo pacto Major & Minor terminus disponendi sunt in Conclusionem.

Hoc ut cognoscatur, sciendum est, Syllogismos aliquos *Directè*, alios *Indirectè* concludere. *Directè concludunt illi, in quibus Minor terminus est Subjectum, & Major terminus est Prædicatum in Conclusionem*. Ita concludunt omnes planè Syllogismi hucusque à nobis pro exemplis adducti: omnesque qui ab Aristotele exprimuntur. Nam ille *Modus* illos solum exprimit, qui *naturaliter concludunt*. Major autem terminus juxta naturalem arguendi rationem, debet semper prædicari, & Minor subjici: quia *Major terminus est amplior*, quoties est inter eum & Minorem subordinatio, qualis semper est in Modis omnibus qui affirmativè concludunt.

Indirectè concludunt illi Modi omnes, in quibus Major terminus est Subjectum, & Minor est Prædicatum in Conclusionem. Istorum ex Aristotele exemplum nullum afferri potest, quia talis *modus concludendi* non est naturalis. Sic in primâ Figurâ concludunt quinque illi *Modi*, qui ab interpretibus fere omnibus (excepto Zabarellâ) pro legitimis agnoscuntur, quique hoc versu comprehendi solent.

Celantes, Baralip, Dabitis, Fapesmo, Frisefmo.

Addam ego exemplum unum in secundâ, alterum in tertiâ Figurâ.

in secundâ. CES Nullus lapis est animal,
A Omnis homo est animal,
RES Ergò nullus lapis est homo.

Modum istum syllogizandi necessarium & legitimum esse liquidò constat. Nam si transponas Præmissas, hæc ipsa Conclusio *directè* & evidenter sequitur in *Camestres*, quare certissimum est eandem hanc Conclusionem, ex eisdem Præmissis sequi in *Cesares*, nam transpositio Præmissarum non reddit consequentiam infirmam, licet *Modum Syllogismi* & necnunquam *Figuram* mutet. Præterea Modum hunc syllogisticum esse *Reductio* certissime demonstrat. Nam ex istâ *Majori* in *Cesares*, sequitur in *Celant* per simplicem Conversionem.

Hæc ————— CE Ergò nullum animal est lapis.
ex hac *Majore* cum *Minore* positâ — LA Omnis homo est animal.
sequitur evidenter ista Conclusio — RENT. Ergò nullus homo est lapis.

At ex hac Conclusionē quæ est in *Celarent*, sequitur per Conversionem simplicem, ergo nullus lapis est homo, quæ est Conclusio in *Cesares*. Quare ista ipsa Conclusio, certissime, licet mediata & per Conversiones quasdam, sequitur ex Præmissis illis in *Cesares*. Nam quicquid sequitur immediate ex ulla Propositione aut ex pluribus, idem sequitur necessario, sed mediata ex illis Præmissis unde illa Propositio sequebatur.

In tertiâ. DA. Omnis homo est vivens,
 SI. Quidam homo est animal,
 SI. Ergo quoddam vivens est animal.

Hunc etiam Modum syllogizandi necessarium, ac legitimum esse, ex Reductione certissimum est, sed ego brevius sic demonstro: Ex his ipsi Præmissis positæ in *Dasisi* sequitur directè hæc Conclusio in *Dasisi*, ergo quoddam animal est vivens. At ex hac Conclusionē per Conversionem simplicem sequitur hoc, ergo quoddam vivens est animal, quæ est Conclusio in *Dasisi*. Quare cum Conclusio in *Dasisi*, sequatur necessario ex Conclusionē in *Dasisi*, & Conclusio in *Dasisi* sequatur directè & immediate ex Præmissis in *Dasisi*, sine dubio Conclusio illa in *Dasisi*, sequatur necessario licet mediata ex præmissis positæ in *Dasisi*. Nam quicquid sequitur immediate & necessario ex ulla Propositione, illud sequitur etiam necessario sed mediata ex Præmissis unde illa Propositio sequebatur. Libuit hæc exempla proponere, & insuper demonstrare Modos hos esse concludendi necessarios, licet neque ab Aristotele proponantur isti Modi, neque directè sed indirectè concludant.

Illud etiam verbo monendum est, quod Aristoteles sicut nullos Modos proponit & exprimit, nisi qui directè concludunt, ita neque omnes qui directè concludunt expressit: sed alios, in primâ; alios, in secundâ; alios in tertiâ: Omnes autem in quartâ Figurâ omisit, quia licet concludant directè, non tamen juxta naturalem & usitatum arguendi modum. Atque hæc de ratione concludendi.

Modus syllogismi, quid.

Superest tertium quod ad Formam Syllogismorum scire dixerim, illud est *Modus*. Est autem *Modus Syllogismi*, apta & legitima ordinatio seu dispositio *Materia* propinque, id est trium Propositionum in Syllogismo, sic ut unicuique debita sua *Quantitas* & *Qualitas* tribuatur. Nam ut per *Figuram* & *Modum* concludendi disponitur tota *Materia* remota in Præmissis simul & Conclusionē, sic per *Modum* Syllogismi disponitur in eisdem tota *Materia* propinqua, secundum *Quantitatem*, & *Qualitatem*.

Ut autem, cuique Propositioni debita *Quantitas* & *Qualitas*, assignetur in quaque Figurâ, unicuique Modo diversum vocabulum, velut Nomina proprium confinxerunt Logici. Cuique item Nomini Syllogismorum tres syllabas aptarunt: quarum prima notat Majorem, secunda Minorem Propositionem, tertiâ verò Conclusionem. Cuique etiam syllaba una ex his quatuor vocalibus, A, E, I, O, inest, quæ illius Propositionis cui præfigitur debitam *Quantitatem*, & *Qualitatem* indicat; ut *Barbara* notat omnes tres Propositiones esse universales affirmativas: *Celarent*, notat Majorem, & Conclusionem esse universales negativas: Minorem, verò esse universalem affirmativam. Atque ita in reliquis.

Modi syllogismorum quatuordecim.

Quot verò Syllogismorum diversi Modi sint, difficile est definire. Arist. in libris Priorum, quatuordecim expressit, qui omnium celeberrimi Modi aq; maxime usitati sunt, quique perpetuo consensu omnium, qui cum ulla laude de rebus Logicis scripserunt, approbantur. Hi omnes directè concludunt, & eorum quatuor primi, sunt in primâ; quatuor proximi, in secundâ; sex ultimi, in tertiâ Figurâ. Eorum nomina his versibus exprimiuntur:

1. *Barbara*,


1. *Barbara, Celarent, Darii, Ferioque*: Redhuc his.
2. *Cesare, Camestres, Festino, Baroco*: 3. *Darapti, Felapton, Disamis, Datisi, Bécardo, Ferison*.

An verò plures hisce sint *Syllogismorum Modi*, merito dubitatur. Imò extra dubium est multò plures esse, in quibus *necessariò & syllogisticè* concludere licet. Nam quatuor ante de industriâ proposui *Dimasi, Cesares, Dasisi, & Fesapo*: quinque etiam *indirectè concludentes* in primâ Figurâ, à plurimis interpretibus recipiuntur, nempe, *Celantes, Baralisip, Dabilis, Fapesmo, Frijismo*. Ac (ut *quartam Figuram* præteream, in quâ octo minimùm inveniuntur) possunt Modi plures quam alii *quatuordecim* in tribus *primis Figuris* his adjungi: in quibus omnibus, est tam necessaria syllogizandi forma, ut e: Præmissis sic dispositis, prout illi Modi disponendas indicant, Conclusio semper necessariò sequitur, neque unquam fallat talis syllogizandi forma. Et erat quidem mihi in animo, primò nomina horum omnium Modorum versibus comprehensa adnotasse; deinde exemplum uniuscujusque Modi proposuisse, & ex ipsius Reductione, velut Lydiò lapide demonstrasse, eos omnes esse veros ac legitimos Syllogismorum Modos. Hoc me præstitisse sciunt nonnulli Ceterum quia nolebam ullo novitatis studio, ab Aristotelis vestigiis, & trita Peripateticorum semita discedere; & quoniam illi Modi licet *verè syllogistici* sint, non sunt tamen *necessarii*: denique quia non est tam *naturalis*, ideòque nec tam *perspicua* in eis concludendi ratio: idcirco stylum hic verti, & omisis omnibus istis Modis, *Quatuordecim illos celebres ab Aristotele expressos*, ut omnium dignissimos amplectendos censui. Neque dubito quin hoc de Modorum numero à me nunc significatum, & veritati, & Logicis principiis consentaneum, ex eis deductum esse, clarissimè perspicient illi, qui ingenio simul & orio abundantes, ad hujus causæ examen ingenium atque industriam adhibebunt. Mihi istud verbo monuisse satis videbatur.

Nihil nunc superest, nisi ut Tyrones dent operam, ut non modo in quovis istorum 14. Modorum Syllogismos rectè ac promptè ipsi formare, sed an ab aliis rectè formentur primo intuitu dijudicare possint. Hoc sine multa scriptione, & magnâ diligentia, atque attentione adhibitâ, nunquam præstabunt. Hic igitur ingenium exerceant & stylum. Et quoad sine cortice natare possunt, licebit, imò præstabit in omnibus Modis qui affirmativè concludunt, accipere hos tres terminos, *Vivens, Animal, & Homo*: In omnibus qui negativè concludunt, hos tres, *Animal, Homo, & Lapis*. Nam ex his terminis vera Conclusio, ex veris Præmissis, in quovis Modo rectè colligi potest.

Quid sit Syllogismus, & quomodo tenendus, hæcenus declaratum est. Quæ ut facilius memoriâ teneantur, libet eorum omnium quæ ad formandum Syllogismum spectant, brevem hic Synopsin proponere.

Synopsis de
formatione
Syllogismi.



Regula de
Syllogismo.
Prima Reg.

Sequuntur nunc *Leges* seu *Regula* de Syllogismo, quæ loco Proprietatum ejus esse pos-
sunt. Has etiam ex antè dictis colligere liceat, perspicuitatis tamen gratiâ earum potissimas
exprimemus. Nullus Syllogismus Categoricus communis, vel ex solis particularibus, vel
ex solis negativis constare potest. Hanc expressè tradit Aristoteles libro primo Prior, capi-
te 24. numero primo. Hinc metrum hoc natum.

Ex particulari non est syllogizari,
Neque negativis, rectè concludere si vis.

2. Reg.

In Syllogismo Categorico communi, Propositio singularis eodem loco habenda est quo
particularis: quare, hic est Syllogismus legitimus in Darii.

DA Omne animal est vivens,
RI Socrates est animal,
I. Ergo Socrates est vivens.

3. Reg.

In omni Syllogismo Categorico, termini debent esse impermixti, sic ut nulla pars Ma-
joris termini sit in Minori Propositione, nec ulla pars Minoris termini in Majori, nec ulla
pars Medii in Conclusionem. Quare hic videtur solum esse Syllogismus in Celarent, sed verè
Syllogismus non est:

Nullum

Nullum risibile differt ab homine,
 Omnis equus differt à risibili,
 Ergò nullus equus differt ab homine.

Non inquam est Syllogismus: Nam vox differens; quæ est pars Majoris termini, est in Minori Propositione. Præterea mutantur hic termini. Nam [risibile] in Majori Propositione ponitur pro Medio, at in Minori Propositione mutatur in hunc, Differens à risibili, atque ita fiunt quatuor termini. Sic autem contexi deberet hic Syllogismus:

CE Nullum risibile est differens ab homine,
 LA Omnis equus est risibile,
 RENT. Ergò nullus equus est differens ab homine;
 Sed tum Assumptio est manifestè falsa.

Cavendum est diligenter ne sub specie affirmativa Propositionis ponatur negativa: quare hic videtur esse Syllogismus in Davis sed verè Syllogismus non est: 4. Reg.

Quicquid est in hoc oppido, est in Europâ,
 Unicum templum est in hoc oppido,
 Ergò unicum templum est in Europâ.

Non est inquam Syllogismus: Nam vox illa unicum, est nota negativa, & virtute in se negationem continet. Idem enim valer ac si dicas, *Non plura templa quàm unum sunt in hoc oppido.* Ex quo fit ut, tam Minor quàm Conclusio sint Propositiones negativæ, cum deberent esse affirmativæ si in Davis fieret Syllogismus.

In omni Syllogismo, si Præmissa sint veræ, Conclusio sine dubio est vera: sed si Præmissa vel ambæ, vel una sit falsa, Conclusio tamen inde sequens potest esse vera: ut hic, 5. Reg.

BAR Omnis lapis est animal:
 BA Omnis homo est lapis:
 RA Ergò omnis homo est animal.

Hoc expressè tradit Arist. tum. 1. Demonstr. cap. : 9. num. 1. tum. 2. Prior. cap. 2. num. 1. *Ex veris, inquit, non potest falsum (syllogisticè nempe) concludi, ex falsis verum potest; non ita tamen ut probeatur cur sit, sed tantum quòd sit.* Ex quo duplex discrimen oritur inter illationem veri ex falsis, & veri ex veris. Prius est hoc, quod ex Præmissis veris Conclusio vera semper sequitur in Syllogismo; ideo hoc Præmissis veris convenit per se, & quia veræ sunt: ita ut impossibile planè sit ex Præmissis veris Conclusionem falsam unquam colligere in ullo Syllogismo. At ex falsis Præmissis Conclusio vera non semper sequitur, imò hoc rarò fit; ideoque hoc convenit Præmissis falsis, non per se, nec quia falsæ sunt sed per accidens & contingenter.

Quomodo ex falsis Præmissis verum sequitur.

Alterum discriminis est hoc, quòd Conclusio vera sequitur ex Præmissis veris, non solum *vi consequentiæ*, sed sæpe etiam *vi efficientiæ*; ut veritas quæ est in Præmissis sit causa veritatis quæ est in Conclusionem, ut hic:

BAR Omne rationale est risibile,
 BA Omnis homo est rationalis,
 RA Ergò omnis homo est risibilis.

Nam

Nam causa, quare homo est risibilis, est quia est rationalis, & ex rationali fluit risibilitas. Hoc inquam saepe fit, sed non semper in Præmissis veris. At Conclusio vera nunquam sequitur ex Præmissis falsis vi efficientiæ, quasi falsitas illa in Præmissis esset causa veritatis quæ est in Conclusionem: (Nam homo non est idcirco animal, quia est lapis, aut quia lapis est animal) sed vera Conclusio sequitur ex Præmissis falsis solummodo vi consequentiæ syllogisticæ, quia talis est & tam necessaria connexio illorum terminorum in Syllogismo, ut si Præmissæ (sive veræ sint, sive falsæ) concedantur, necesse sit concedere Conclusionem quæ ex illis inferatur. Hinc illi versus nati:

*Ex falsis falsum, verumque aliquando sequetur,
Ex veris possunt nil nisi vera sequi.*

6. Reg.
Debilior Pars
quomodo acci-
pienda.

In omni Syllogismo Conclusio semper sequitur de:riorem partem, seu debiliorem, & ignobiliorem Præmissam. Hæc autem dignitas & ignobilitas Præmissarum non est intellegendæ, vel respectu veritatis & falsitatis, vel respectu necessitatis & contingentiæ, vel respectu certitudinis & incertitudinis: Nam certum est, posse Conclusionem esse veram, necessariam, & certam, etsi una Præmissarum sit falsa, contingens, & incerta; ut in his exemplis; Omne animal est homo, Socrates est animal, ergo Socrates est homo, Conclusio hic est vera, & tamen Major est falsa. Omne calidum est corpus, aqua est calida, ergo aqua est corpus. Hic conclusio est necessaria, & certa, & tamen Minor est contingens, & incerta. Quare cum falsum, contingens, & incertum sit deterius, ignobilius, & debilius vero, necessario, & certo & tamen Conclusio istam debilitatem, & ignobilitatem non sequatur, perspicuum est, regulam istam de nullâ tali debilitate aut ignobilitate posse intelligi.

Negativa dete-
rior Affirma-
tiva.

Intelligitur autem ista deterioritas, debilitas, & ignobilitas in hac regulâ, quatuor modis Primò, respectu Qualitatis in affirmatione & negatione; ut si una Præmissarum sit affirmativa & altera negativa, Conclusio tum erit negativa: quia *negativa Propositio in arguendo indignior est & deterior affirmativâ*. Atque hoc expressè tradit Arist. lib. 1. Demonstr. cap. 22. nu. 3, *Affirmativa*, inquit, *cum sit prior, & notior negativâ, utique melior est*.

Particularis
deterior univer-
sali.

Secundò, intelligitur respectu Quantitatis; ut si una Præmissarum sit universalis, altera particularis Conclusio tum erit particularis quia *universalis Propositio dignior est & nobilior in arguendo quàm particularis*. Atque hoc etiam tradit Arist. lib. 1. Demonstr. cap. 21. nu. 9. 10.

Propositio ine-
videns quoad
sensum, deterior
evidente quoad
sensum.

Tertiò, intelligitur respectu Evidentiæ quoad sensum, & inevidentiæ quoad sensum; ut si una Præmissarum sit evidens quoad sensum, altera evidens quidem quoad rationem, sed inevidens quoad sensum, Conclusio tum erit inevidens quoad sensum quia *evidentiâ & cognitio sensitiva dignior est, certior & nobilior in arguendo, quàm id quod sola ratione, non autem sensu cognoscitur, & evidens est*; quia *omnis nostra cognitio & evidentiâ intellectiva, oritur & dependet à cognitione & evidentiâ sensitivâ*: ut Arist. perspicue docet, lib. 2. Demonstr. cap. ultimo, & lib. 1. Demonstr. cap. 15. Quare in hoc Syllogismo: Omne album est substantia, nix est alba, ergo nix est substantia; Conclusio hic est *inevidens sensu*, quia Major est inevidens sensu, etsi Minor sit sensu evidens.

Propositio ine-
videns quoad
rationem, de-
terior evidente
quoad ratio-
nem.

Quartò, intelligitur respectu evidentiæ quoad rationem, & inevidentiæ quoad rationem; ita ut si una Præmissarum sit cognita, & evidens ratione, altera autem sit de fide, incognita vero & inevidens quoad rationem, Conclusio tum erit de fide, & inevidens quoad rationem. Quia *etsi Propositio omnis de fide sit ex se & in se certior quàm ulla cognitio vel intellectiva, vel sensitiva* (quoniam omnis Propositio de fide nititur testimonio Dei, qui neque falli potest neque falli re) *tamen quoad nos qui in arguendo sensu ac ratione ducimur, Propositio de fide* (quia est rationi inevidens,) *deterior habetur ac debilior*

de: *ilior in differendo*, Propositione illa quæ est evidens quoad rationem aut sensum. Atque huc spectat id quod Aquinas part. 1. q. 1. art. 1. tradit, *Illud quod est certius quoad naturam* (id est, ex se, qualia sunt omnia quæ fide tenentur) *posse esse quoad nos minus certum*, propter debilitatem intellectus nostri, qui se habet ad manifestissimam secundum naturam, sicut oculi nostræ ad lumen solis. Exemplum sit hoc, *Omni homo resurget, Socrates est homo, ergo Socrates resurget*: hic Conclusio est de fide, licet Minor sit evidens quoad rationem, & non de fide.

Hoc, si tu attentè advertas, faciliè solves sophisma illud, cui, velut Herculeo ac plene invincibili argumento, innituntur homines, qui videri vult valde arguti. Dicunt, ut scis, doctissimi Theologi (& rectissime docent) posse fideles de sua electione certos esse: certos esse certitudine fidei. Probatio eo um sic se habet: Qui credit, qui fratrem diligit, qui poenitentiam agit, is iustificatus, sanctificatus, ideoque electus est: At ego, inquit fidelis, credo, fratrem diligo, & poenitentiam ago, quare ego me iustificatum, & sanctificatum, & electum esse non dubito. Major illa certa est certitudine fidei; quia sacræ literæ hæc esse iustificati, sanctificati, & electi *tenentur*, liquidò docent: Minor fidei certa est, sed certitudine interni sensus & experientie. Nam ut verissime ait Aug. lib. 13. de Trin. cap. 1. *Fidem suam videt quisque esse in corde suo, si credit; vel non esse, si non credit*; & lib. 8. de Trin. cap. 8. *Qui diligit fratrem, magis novit dilectionem quam diligit, quam fratrem quem diligit*. Quid hic Sophista? Inc. amant magno strepitu, nihil hinc adversus ipsos probari: Quia etsi Major ista concedatur esse de fide, & in sacris literis tradita (ut certe est) *Assumptio* tamen illa, non est de fide certa, nec unquam e sacris literis (quod nos ultro fitemur, & omnino fatendum est) efficaci et concudi potest. Quare, Conclusio quæ ex his sequitur, non potest esse de fide, cum Propositio quæ non est de fide, deterior sit & debilior eâ quæ est de fide; & *Conclusio semper sequitur deteriorem partem*. Vide quàm strenuè Sophistas agunt, & dum decipulas aliis tendunt, ipsi seiplos vel maxime decipiunt. Certe enim Propositio quæ certa est de fide, quoad nos qui ratione ac sensu ducimur, in differendo & ratiocinando, deterior est & debilior illa quæ certa est & evidens de sensu & experientia, non autem de fide. Dedi clarum exemplum, cui hæc aliud addam quod Sophistis omnibus es obstruat. Dixit S. S. Johanni Baptista, *Super quem videris Spiritum descendentem, & manentem super eum, is est qui baptizat Spiritu sancto*. Propositio sine dubio certa de fide. Assumpsit Johannes, *Ego vidi Spiritum descendentem quasi columbam de caelo, & mansit super eum* (digito Christum demonstrabat.) Ex illâ Majori quæ est certa de fide, & hac Minori quæ erat certa Johanni, sed de sensu & visu, non de fide, infert Conclusionem hanc certissimam de fide: *Ecce Agnus Dei ille est* (digito Christum monstrabat) *qui tollit peccatum mundi*. Infinita his similia afferre possent. Sed nolo te hic diutius tenere. In his quæ dixi quatuor, & fortasse nonnullis aliis, vera est ista regula ore omnium celebrata, *Conclusio semper sequitur deteriorem partem*.

Reductio Syllogismi convenit, de quâ quia plura declaranda sunt, ideo alius tractationem in sequens Caput referemus.

7. Reg.

CAP. XVI.

De Reductione Syllogismorum Categoricorum
Communium.

Septimam regulam, de Syllogismorum Reductione posuimus. Hanc nisi quis cognitam, Reductionis & plane perfectam habeat, mancus & imminutus erit, & mutilus in hac parte Logicæ: Hac cognitio necesse velut *aria*.

velut Lydio lapide probantur Syllogismi an veri sint & legitimi. Hoc enim omnis syllogismus præter primos quatuor convenit, ut ad unum ex illis quatuor reduci possint, ac debeant; ut sic necessitas syllogistica qua illis inest manifestetur. Nam si vere reduci possint, ex eo certum est, formam illam syllogizandi rectam, ac legitimam esse. Sin reduci non possint, hinc certum est, eos pro Syllogismis habendos non esse, nec veros esse. Quare monendi sunt tyrones ut hic, veluti in palestra, sedulo se exerceant. Nam præterquam quod ipsorum ingenia hic (quasi cote) acuantur, cerè si Reductionem aut ignorent, aut negligant, quod vel ipsorum, vel docentium culpa haud levi fieri solet) profecto in texendis Syllogismis operam omnem ludunt.

Sunt autem de Reductione tria explicanda: Primo, Quid sit Reductio. Secundo, Quare aliqui Modi indigeant Reductione, alii non indigeant. Tercio, Quomodo cujusque Modi Reductio fiat.

Reductio Syllogismi quid.

Reductio est Manifestatio quid Conclusio in Modo aliquo qui reducitur, necessario sequitur ex illis Præmissis. Ita usus Reductionis non est, ut probatio in ullo Modo fiat necessaria, (nam Modi omnes Syllogismorum, necessario ex se concludunt, aliter Syllogismi non essent) sed ut necessitas illa quæ est adhuc obscurior, per Reductionem fiat manifesta & evidens.

Modi perfecti quatuor.

Quod attinet ad secundum, Sciendum est aliquos Modos Syllogismorum ita manifestè & evidenter concludere, ut ad alios evidentiores Modos reduci non possint; & hi dicuntur Modi perfecti, quia plenissima perfectio evidentia in illis sic elucet, ut major desiderari nec possit nec debeat. Hujus generis sunt solum quatuor Modi *Barbara*, *Celarent*, *Darii*, & *Ferio*. Alii Modi necessario quidem concludunt, etiam tam necessario quam isti quatuor, sed non concludunt tam evidenter, nec necessitas illa consequentia manifesta est & evidens illis, donec ad alium Modum perfectum reducantur & hi dicuntur Modi Imperfecti, quia non est in eis perfecta evidentia consequentia. Hujus generis sunt omnes Modi omnium Figurarum præter illos quatuor jam nominatos, ad quos alii omnes reducendi sunt. Hæc utraque ab Arist. traduntur 1. Prior. cap. 1. num. 10. & 11.

Modi Imperfecti omnes præter. 4.

Radix evidentia qua.

Ut hoc plenius intelligatur, advertendum est quæ sit Radix evidentia in Syllogizando. Radix autem evidentia in concludendo, est *Dictum de Omni*, & *Dictum de Nullo*; quorum meminit Arist. 1. Prior. cap. 1. num. 12. Recte Averreos, *Dictum de Omni*, & *dictum de nullo*, Radix est & principium omnium Syllogismorum. Recte etiam Zabara lib. de quarta Fig. cap. 6. Aristoteles inquit, proposuit dictum de Omni, & de Nullo, veluti Radicem omnium Syllogismorum artificialium, quos deinceps tractaturus erat.

Dictum de Omni quid.

Dictum de Omni hunc habet sensum, quod Quicquid affirmatur universaliter de aliquo, idem affirmatur etiam de omni de quo illud prædicatur. Atque in hoc dicto, aperte radican- tur Conclusiones in *Barbara* & *Darii*. Nam quia majus extremum dicitur universaliter de Medio, & Medium dicitur de Minori extremo; vel universaliter, ut in *Barbara*; vel particulariter, ut in *Darii*; ideo vi hujus Dicti, evidenter concluditur Majus extremum prædicari de Minori extremo.

Dictum de Nullo quid.

Dictum de Nullo hunc habet sensum, quod Quicquid negatur universaliter de aliquo idem negatur de omni cui illud attribuitur. Atque in hoc dicto aperte radican- tur Conclusiones in *Celarent* & *Ferio*. Nam quia Majus extremum negatur universaliter de Medio, Medium autem attribuitur Minori extremo; vel universaliter, ut in *Celarent*; vel particulariter, ut in *Ferio*; ideo vi hujus Dicti evidenter concluditur Majus extremum negari de Minori.

Cur primi quatuor Modi non possint reduci.

Hinc nunc liquet, quare Syllogismi in omnibus Modis illis quatuor perfecti sint ex sese evidentes: quia nimirum in illis omnibus exprimitur actu ipsa radix evidentia. Procedunt enim omnes per *Dictum de Omni* aut *Nullo*, idque ordine naturali; ac maxime evidenti: quia primo accipiunt illud, quod vel universaliter affirmatur, vel universaliter negatur de

de Medio, & tum assumunt Medium illud attribui alteri tertio, Quo modo probandi nullus magis naturalis, magis evidens aut manifestus excogitari potest. Quare isti quatuor cum sint *Modi manifestissimi*, ad alios reduci nullo modo possunt.

Contra sit in aliis omnibus *Modis* præter istos quatuor. Nam in nullis eorum observatur naturalis ille ordo procedendi per *Dictum de Omni*, aut de Nullo: quippe in se- *Cur alii omnes* cunda Figurâ Medium nunquam est Subiectum, ita ut aliud de ipso dicatur, In tertia *Modi redu-* Medium nunquam est Prædicatum, ita ut i, sum de alio dicatur: In quartâ verò inverte- *cantur.* tur planè ordo naturalis, & progressus per *Dictum de Omni*, aut de Nullo: quia Medium prius dicitur de tertio, quam de Medio dicitur primum. Ita in nullo modo istorum omnium, est *actu* & *expresse* dictum de Omni aut de Nullo juxta naturalem ordinem procedendi, sed solum *virtute ac potestate*. Atque hoc est quod verissime ait Zab. lib. citat. ca. 6. *Manifestum est*, inquit, quod dictum de Omni & de Nullo, solum primam Figuram continet, & quatuor ejus Modos, alia autem Figura (ac Modi) sub *Dicto de Omni* & de Nullo non continentur, nisi ad primam reducantur. Sic etiam Averroes, *Dictum*, inquit, de Omni ac de Nullo, est in prima Figurâ *actu*, in aliis non *actu* sed *potestate*. Ex quo perspicuum est, *Omnes* alios Modos cujuscunque Figuræ Reductione ad istos quatuor indigere, quia cum non sunt ex se evidentes, per Reductionem fit ut evidentia probationis, quæ adhuc solum est in eis *virtute ac potestate*, actu appareat quod tum demum fit, cum ostenditur & manifestatur probationes illas radicari in *Dicto de Omni*, & de Nullo, licet non immediate (ut in primis quatuor) tamen mediatè & per obliquum cursum.

Restat tertium quod proposui, quomodo Reductio fieri debet; de quo quinque observanda sunt. Primum est, *Fundamentum omnis Reductionis est Axioma hoc*; cujus in *Fundamentum* Reductione maximus est usus; *Quicquid necessario, evidenter, & immediate sequitur ex* *omnis Redu-* Propositione unâ, pluribusve; idem necessario sequitur sed oblique, & mediatè, ex illis *ctionis.* Præmissis unde illa Propositio sequebatur: Exempli gratiâ, ex his Præmissis, Omne animal est vivens, & Omnis homo est animal, sequitur directe & immediate, Ergo omnis homo est vivens, quæ est Conclusio in *Barbara*. Ex hac universali Conclusionem, per regulam Subalternarum sequitur ista, ergo aliquis homo est vivens, quæ est Conclusio in *Baragi* (Modus iste est in prima Figurâ directe concludens.) Ex eadem universali Conclusionem, sequitur etiam hæc per Conversionem per Accidens, ergo aliquod vivens est homo, quæ est Conclusio in *Baralip*. Quare ex illis ipsis Præmissis in *Barbara* (quæ eadem sunt in *Baragi*, & *Baralip*) per fundamentum ante dictum, necessario sequitur, sed oblique & mediatè, tam Conclusio in *Baragi*, quam in *Baralip*.

Secundò observandum est, duplicem esse Reductionem: *Offensivam*, & per *Impossibile*. *Reductio du-* *plex, Offensi-* *va, & per* *Impossibile.* Reductio Offensiva est, quando vel per regulas Subalternarum Propositionum, vel per regulas Conversionis, vel per Fundamentum Reductionis ante positum, vel per transpositionem Præmissarum ostenditur Conclusio in aliquo Modo imperfecto, sequi necessario ex suis Præmissis. Nam his Modis ostenditur, & manifestatur illa evidentia quæ adhuc virtute solum ac potestate est in tali Modo.

Reductio per Impossibile est, quando adversarium protervum (qui concedit Præmissas in Modo imperfecto veras esse, sed Conclusionem inde sequentem veram esse non vult concedere) urgemus incommodo, & cogimus fateri id, quod est absurdum, & impossibile (ut evidenter docemus per Modum perfectum) nisi concedat Conclusionem illam in Modo imperfecto veram esse, & ex Præmissis sequi. Etsi verò omnes Modi imperfecti possunt reduci per Impossibile, ut liquet ex Arist. 2. Prior. c. 14. nu. 3. & ex Zab. in Tabulis suis in libros Prior. p. 60. & seq. tamen quia talis Reductio est valde obliqua & obscura, ideo in nullis Modis hac utimur, nisi tantum duobus, *Baroco*, & *Bocardo*, qui aliter reduci non possunt. In reliquis omnibus, præter Reductionem per Impossibile, utimur *Offensiva*.

Tertio, observandæ sunt literæ Modorum Capitales; seu initiales, nam *Modi omnes im-* *Quomodo Re-* *ductio fiat.* perfecti qui incipiunt à B. reducuntur ad *Barbara*; omnes qui à C. ad *Celarent*; omnes qui à

D d 2

D, ad

Diad. Carii; omnes qui ab F. ad Ferio.

Quarto, observandum est ut recte, imò accurate syllabæ omnes in Modis imperfectis distinguantur, ita ut Consonantes debita cuique Propositioni tribuantur. Hoc nisi fiat, reduci nullus Modus recte unquam poterit, Et quidem in nonnullis vix errari potest. Alii sunt quos sic distinguere oportet, Cef-a-re. Dis-am-u. Da-tis-i. Fe-ris-on. Sunt enim hæ Consonantes sic distinctæ, instar filii, quod te in Reductionis labyrintho ducat & reducat.

Quinto usus harum quatuor Consonantium cum in medio occurrunt observandus est S. P. M. C. Nam cuicunque Propositioni ullius Modi imperfecti præfigitur S. norat illam Propositionem in Reductione convertendam esse Simpliciter. Cuicunque P. præfigitur, norat quod illa Propositio in Reductione convertenda est per Accidens, si sic converti potest; si verò non potest sic converti, tum ejus Conversa illius loco accipienda est in Reductione, quod in Baralip. usu venit. Litera M. ubicunque ponitur in ullo Modo, norat Præmissas illius Syllogismi in Reductione transponendas esse, & mutandas unam in locum alterius, C. tantum in duobus Modis invenitur, Baroco, & Bocardo & norat illos Modos reducendos esse per Impossibile, non autem. Ostensivè. Ista his tritis versiculis declarantur:

Simpliciter verti vult S. P. verò per Acci.

M vult transponi. C. per Impossibile Duci.

Eadem hæ Consonantes eandem planè vim & usum habent in Reductione eorum Modorum qui ab Arist. omitti sunt, cujuscunque demum sint figuræ. In nonnullis autem ipsorum litera G. occurrit, ut in Baragi. Hæc autem norat Propositionem subalternantem in Reductione substituendam esse loco subalternatæ: quia ex subalternante subalternata sequitur.

Nihil jam reliquum est, nisi ut tyrones se in reducendis Syllogismis sedulo exerceant. Nā observatis his quinque monitis, quævis Modum imperfectum recte poterunt reducere. Nos uno exemplo eoque difficillimo & quavis Figuræ selecto, præbimus eis, & formam ipsam reducendi indicabimus.

In prima Figurâ sumo *Frisesmo*, qui est ab Arist. omittus: concludit autem indirectè, Syllogismus reducendus sit hic:

Reductio Mo-
di Frisesmo.

FRIS. Quidam homo est animal,

ESM. Nullus lapis est homo,

O. Ergò quoddam animal non est lapis.

Ut manifestem hanc Conclusionem ex his Præmissis necessariò sequi, sic eum reduco,

Ex Minore positâ (quam sumo loco

Majoris) sequitur per simplicem. Con-

versionem _____ FE Nullus homo est lapis.

Ex Majore positâ (quam sumo loco

Minoris) sequitur etiam per simplicem

Conversionem, ergo _____ RI Quoddam animal est homo.

At ex his duabus sequitur eviden-

ter & directè in *Ferio*, ergò _____ O. Quoddam animal non est lapis.

Quare cum conclusio ista in *Frisesmo* immediatè & evidenter per *Diâ de Nullo* sequatur ex Præmissis in *Ferio*: cumq; illæ Præmissæ in *Ferio*, immediatè, necessariò & evidenter per Regulas Conversionis sequantur ex Præmissis in *Frisesmo*, ceterè Conclusio illa ipsa in *Frisesmo* (quæ eadem planè est cum Conclusionem in *Ferio*) necessariò sed mediatè & oblique sequitur ex Præmissis in *Frisesmo*. Nam per fundamentum Reductionis ante positum, Quic-

quid

quid sequitur immediate ex ullis Propositionibus, idem sequitur necessario, sed mediate ex Præmissis unde illæ Propositiones sequebantur.

In secundâ Figurâ accipio *Camestres*. Syllogismus fit hic:

CA Omnis homo est animal,

ME9 Nullus lapis est animal,

TRES Ergo nullus lapis est homo.

Reductio Mo-
di *Camestres*.

Conclusionem hanc ex istis Præmissis necessario sequi sic ostendo:

Ex Minore positâ (quam sumo loco
Majoris) sequitur per Conversionem
simplicem, ergo

CE Nullum animal est lapis.

Ex hac, cum Majore positâ, nem-
pe

LA Omnis homo est animal.

Sequitur immediate, & evidenter
in *Celarent*:

RENT Ergo nullus homo est lapis.

Quare per Fundamentum Reductionis hæc eadem Conclusio, viz. Nullus homo est la-
pis, sequitur ex Præmissis in *Camestres*. At ex hac Conclusionem, Nullus homo est lapis,
sequitur per simplicem Conversionem, Ergo nullus lapis est homo, quæ est Conclusio in
Camestres: quare certum est eandem hanc Conclusionem sequi necessario ex Præmissis in
Camestres, sed mediate, nimirum: Mediantibus Conversionibus illis jam dictis.

In tertiâ Figurâ sumo *Bocardo*. Syllogismus fit hic:

BO Quidam homo non est lapis,

CAR Omnis homo est animal,

DO Ergo quoddam animal non est lapis.

Reductio Mo-
di *Bocardo*.

Reducitur hic Modus per Impossiblem, in hunc modum: Adversarius protervus, concedit
Majorem & Minorem esse veras, sed Conclusionem inde collectam non vult concedere ve-
ram esse. Cui ita dico, si ut tu ais, hæc Conclusio fit falsa, Quoddam animal non est
lapis, ergo ejus Contradictoria erit vera, Omne animal est lapis. Annuente illo, ego ita in
Barbara disputo:

BAR Omne animal (sic tu ais) est lapis,

BA Omnis homo est animal,

RA Ergo omnis homo est lapis.

Tum dico, Ecce, Conclusio hæc in *Barbara* est manifeste falsa, quare necesse est unam
ex Præmissis his falsam esse, per regulam quintam Syllogismorum, cap. 15 At hæc Minor
non est certe falsa, Omnis homo est animal. Annuit ille: Ergo Major ista, Omne a-
nimal est lapis, est sine dubio falsa. Quod si illa falsa sit, tum ejus contradictoria quæ
erat Conclusio in *Bocardo* est sine dubio vera, nempe Quoddam animal non est lapis.
Adversarius cum se videt ad hoc incommodum adduci, ut aut concedat Conclusionem il-
lam in *Bocardo* veram esse, & ex illis Præmissis sequi, aut fateatur Conclusionem ali-
am in *Barbara* (quæ est impossibilis & absurdissima) veram esse, ut vitet hæc posterius in-
commodum, quod evidenter sequitur & necessario, cessat tandem proterve agere, &
victus agnoscit Conclusionem illam in *Bocardo* veram esse, & necessario ex illis Præmis-
sis sequi.

Addam unicum exemplum in quarta Figurâ, ut qualis sit illic in Syllogismis necessitas
appareat. Accipio Modum qui vocatur *Fesapo*, qui quædã directe concludit. Syllogismus
fit hic:

FES.

FES Nullus lapis est homo,
 AP Omnis homo est animal,
 O Ergo quoddam animal non est lapis,

Conclusionem hanc ex his Præmissis necessario sequi, ita per reductionem ostendo.

Ex Majori positâ, sequitur per

Conversionem simplicem, ergo — FE Nullus homo est lapis.

Ex Minore positâ, sequitur per

Conversionem per Accidens, ergo — RI Quoddam animal est homo.

Ex his immediatè, directè, &
 evidenter sequitur hæc Conclusio

in *Ferio* — O. Ergo quoddam animal non est lapis.

Quare cum ista Conclusio (quæ eadem est omnino in *Fesapo*) sequatur evidenter & immediatè ex Præmissis in *Ferio*, cumque Præmissæ in *Ferio*, sequantur immediatè & evidenter per regulas Conversionum ex Præmissis in *Fesapo*, sine dubio Conclusio etiam ista in *Fesapo* sequitur necessario sed mediatè, ex illis ipsis Præmissis in *Fesapo*. Nam per Fundamentum Reductionis, *Quicquid sequitur immediatè & necessariò ex una aut duabus Propositionibus, idem sequitur necessariò, sed mediatè ex illis Præmissis unde ista Propositiones sequebantur.*

Hæc est germana & genuina ratio reducendi Syllogismos. Nam quod vulgus Logicorum (non sine magna oscitantia ne dicam incertiâ) facere solet, ut cum reducant Modum aliquem imperfectum, nihil aliud omnino conentur nisi ut ex eisdem terminis qui sunt in *Frisismo*, *Camestres*, aut alio Modo imperfecto, contrahant Syllogismum in *Ferio*, *Celarent* aut alio Modo perfecto, istud certe ad reductionem ne quid valeat. Etenim dum hoc faciunt, novos Syllogismos cudunt, sed necessitatem Consequentie quæ est in Modis imperfectis (quod solum est Reductionis munus) non omnino manifestant, nec anè alio modo, quam ex eo quæ jam explicavi, manifestari potest. Sed de Reductione hæc satis multa.

C A P. XVII.

De Syllogismo Categorico Singulari.

Hucusque egimus de Syllogismo Categorico Communi. Sequitur nunc altera Species Syllogismi Categorici, qui est Syllogismus Singularis: de eo tria explicanda sunt. Primo *Quid sit*, secundo, *Quomodo formetur*. Tertiò, *Quæ*

ejus Proprietates.

Syllogismus Categoricus Singularis est, Syllogismus Categoricus in quo ambæ Præmissæ sunt Singulares Propositiones. Nam si una solum Propositio sit singularis, Syllogismus erit Communis non Singularis.

Quod ad secundum attinet, Formatio hujus Syllogismi, facili ex eis quæ de Syllogismo Communi dicta sunt, intelligitur: in plurimis enim conveniunt. Materia illius remota sunt tres termini, propinqua sunt tres Propositiones Categoricæ.

Ad Formam ejus iidem tria spectant: Primum est Figura, quæ oritur ex diversa dispositione Medii. Medium autem quatuor Modis disponitur; vel *Sub, Præ*; & tum est prima Figura:

Syllogismus
 Singularis
 quid
 Materia Syl-
 logismi Sin-
 gularis.
 Figura in Syl-
 logismi Sin-
 gularibus.

gura: vel *hi* *Præ*; & tum est secunda Figura: vel *hi* *Sub*; & tum est tertia Figura: vel *Præ*, *Sub*; & tum est quarta Figura. Hic verò observandum est, quartam Figuram in Syllogismis Singularibus æquè ultatam esse & æquè naturalem ac primam: & ratio est quia cum Præmissæ ambæ sunt Singulares, non omnino refert, quæ alteri præponatur, neutro enim modo invertitur ordo naturalis. Ex omnibus autem Figuris, Syllogismi Singulares frequentissimè sunt in texta: quia *Medium* sæpissimè in his est singulare. Singularia autem amant subjici, potius quàm prædicari: Ut magis propriè dicimus, Socrates est doctus, quàm aliquid doctum est Socrates.

Secundum ad *Formam* spectans est *Ordo Concludendi*: is itidem duplex est; nam *Ordo concludendi* alii ex his concludunt *directè*, ita ut minor terminus sit Subjectum, major Prædicatum. Alii *indirectè* ubi major terminus subjicitur, & minor prædicatur in Conclusionis.

Tertium ad *Formam* spectans, est *Modus*. *Modi* autem hic sunt tam affirmativi, Syllogismorum vel negativi; tam cum Conclusio est singularis, quàm cum est particularis; tam cum Singularium, *directè*, quàm cum *indirectè* concluditur. Et quidem facile fuit, his diversis Modis Syllogizandi, diversa nomina coningere. Sed quia ratio concludendi in his Syllogismis est valde facilis, & cuivis obvia, non est visum operæ pretium in istis immorari.

Hæc omnia tam ad *Materiam* spectantia, quàm ad *Formam*, ex subjectis exemplis facile est conspiciere.

In prima Figura *directè*, Aristides est vir iustissimus,
Is quem tu vides est Aristides,
Ergo is quem tu vides est vir iustissimus.

In Secunda *directè*. Socrates est deformis corpore,
Plato non est deformis corpore,
Ergo Plato non est Socrates.

In tertia *directè*, Homerus fuit cæcus,
Homerus fuit eximius poeta,
Ergo aliquis eximius poeta fuit cæcus;

In quarta *directè*, Is à quo Logicam & Philosophiam debes discere, est
Logicorum & Philosophorum præstantissimus,
Logicorum & Philosophorum omnium præstantissimus est,
Aristoteles.
Ergo Aristoteles est is à quo Logicam & Philosophiam debes discere.

Et hi, ut vides, omnes Syllogismi *directè* concludunt. Cæterum in quavis Figurâ possunt Syllogismi *indirectè* concludere. Nam si mutes terminos Conclusionis, hi omnes Syllogismi *indirectè* concludent; nec minus verè & Syllogistice quàm si *directè*; nam ex Præmissis illis in tertia Figurâ tam verè sequitur, Ergo aliquis cæcus fuit eximius poeta, quàm sic, Ergo aliquis eximius poeta fuit cæcus.

Sed quare Aristoteles de hoc Syllogismo Singulari nihil tradidit. Nam bunc ab aliis *Dub.* rejectam, ab Aristotele verò planè neglectum, dicunt illi, qui laudem hujus Syllogismi suo Ramo vindicare solent. Utinam verò Ramus non turbasset hic omnia, ante cit. lib. 2. novis vocibus, novo ordine, novis commentis, novis omnibus. Sed quem ille, quantâque cap. 10. pag. laudem mereatur, indicat tibi Justus Lipsius, epist. 89. Centur. 1. *Fuventus nostra à me* 670. & 671. *buc audiat*; nunquam illa magnus erit, qui Ramus est magnus. Indicat iterum vir ille, doctrinâ.

doctrina & ingenio nulli sua ætate secundus, R. Hieron. lib. 1. de Ecclef. Poit. sect. 6. ubi Rameam disciplinam graphicè describeas, ita, *Artem esse, quæ videtur tam bellè te argumentari instruat, quàm ter triennio: quaque ne nimium doctus evadas, caveas sedulo ac coerceat.* Verè in hunc Ramum quadrat, *Laurigeri multi; pauci Phæbi:* sed mitte Ramum. Putasne Aristotelem hanc syllogizandi formam ignorasse? Audi Zabaro lib. ante cit. cap. 7. *Non ignoravit Arist. hujusmodi Argumentationem* [Singulari] *sed ipse usus est.* Verè quidem: usus enim est, & sapius. Ad lib. 1. Prior. cap. 6. nu. 6. i lic Expositione (ut ipse eisdem vocat) id est, *Expositorio Syllogismo* utitur, & probata π (puta animal) alicui α (puta rationali) inest, quia utrumque eorum inest $\pi\delta$ (puta Socrati) qui est individuum $\pi\delta$, id est, hominis; ratio ejus ita formatur in tertia Figurâ:

Socrates est animal,

Socrates est rationalis,

Ergo aliquod rationale est animal,

Et clariùs adhuc lib. 2. Prior. cap. 27. nu. 5. ubi hunc Syllogismum texit:

Pitracus est probus,

Pitracus est sapiens,

Ergo aliquis sapiens est probus.

Dub.
Sol.

At præcepta, inquires, de hoc Syllogismo nulla tradidit; fateor, sedque triplici de causa. Primò, quia ratio formandi tales Syllogismos facilis est: Ille autem instar aquilæ non captabat muscas, sed in arduis versari amabat. Secundò quia in Scientiis tradendis vix ullus hujus Syllogismi usus est: Nam Scientiæ omnes universalia considerant, & ex universalibus colligunt suas Conclusiones, ideòque procedunt per *Dictum de Omni & de Nullo*, ut ante ostendimus. At in Syllogismo Singulari, universalia nulla ponuntur, sed vel singularia, vel particularia, & ex his colligunt Conclusiones particulares solum vel singulares; atque ita non procedunt per *Dictum de Omni & de Nullo*. Aristoteles igitur qui suam Logicam instrumentum scientificum esse voluit, de hoc Singulari Syllogismo minùs fuit sollicitus. Tertio quia Syllogismus hic Singularis non tam probationem continet, quàm expositionem ejus quod concluditur; unde Arist. loco citato expressè vocat Expositionem, & vulgò Syllogismus Expositorius vocari solet. Exponitur enim unum singulare aut particulare per aliud singulare. Quæ autem propriè probationes dicendæ sunt, ex universali aliquo noto; colligunt Conclusionem aliquam ignotam.

Dub.

Sed difficultas hic major exoritur: Nam omnis ratiocinatio & rationalis discursus, fundatur in *Dicto de omni, aut Nullo*, ut & Arist. ante dictum cap. 16. Quare omnis Syllogismus inniti debet alicui universali Propositioni. Cum igitur Syllogismus Singularis, tali universali non innitatur, videtur non omnino pro Syllogismo habendus.

Sol.

Respondeo, in omni discursu rationali, ideòque in omni Syllogismo esse *Dictum de Omni* aut *de Nullo*, ideòque universalem aliquam Propositionem vel actum & expressè, ut semper fit in Syllogismo Communi vel virtute, implicite, & originaliter, ut in Syllogismo Singulari. Sunt enim in Syllogismo omni Singulari *duo processus*: Cum Conclusio est affirmativa, tunc prior processus est hic aut similis, *Quæcunque conveniunt in aliquo tertio conveniunt inter se*; id est, Quandocunque duo aliqua de uno tertio dicuntur, illa etiam de se aliquo modo dicuntur: at Pitracus duo ista conveniunt, esse probum, & esse sapientem; quare duo ista conveniunt inter se & de se invicem aliquo modo dicuntur. Jam Major hujus processus præcognoscitur, & præcognita supponitur in *Syllogismo Singulari*, ideò illius non fit expressa mentio. Minoris autem probatio

probatio seu potius declaratio & expositio exprimitur in Præmissis Syllogismi singularis in secundo processu quia de eo solum dubitatio esse potuit. Conclusio autem colligitur ex utroque processu; sed ex secundo sequitur actu, ex priori quoad virtutem & potestatem. Idem fit in Syllogismo singulari negativo: Nam in isto prior processus est hic aut similis, *Quaecunque differunt in aliquo tertio, differunt etiam inter se*; id est, Cuicumque unum aliquod inest aut convenit, quod alteri non inest, aut convenit, illa differunt inter se, ita ut unum non sit alterum: At Socrati aliquid inest aut convenit, quod Platoni non inest aut convenit: Ergo Socrates differt à Platone, & non est Plato. Hujus primi processus Major, ut præcognitum, omittitur: & in secundo processu Minoris probatio vel potius explicatio & expositio proponitur in Præmissis Syllogismi singularis hoc modo: Socrates est deformis corpore, Plato non est deformis corpore. Conclusio verò quod Socrates non sit Plato, innititur utrique processui, sed prior virtute solum & radicaliter ibi continetur; secundus actu & e presse ponitur. In hoc autem capite, nihil egimus de priori processu, in quo est universalis Propositio, & *Dictum de Omni*, aut *de Nullo*, sed solum de secundo processu. In eo autem est universalis Propositio seu *Dictum de Omni*, aut *Nullo*, non actu sed potestate, & quoad radicem & originem discursus. Cuicumque autem Syllogismo inest Propositio universalis, seu dictum *de Omni* aut *Nullo* utrovis modo, ille verè Syllogismus est, & discursus rationalis.

Proprietas Syllogismi Singularis non est alia, quàm quod in declaratione & expositione *Proprietas* frequentissimus sit illius usus. Estne hic tuus equus? Non; nam meus est niger, hic verò *Syllogismus sin-* est albus. Estne hic homo vir justus? Est; nam hic est Aristides, & Aristides est vir ju- *gularis* gularis; & infinita sunt hujus generis.

Atque hæc de Syllogismo Singulari, adeoque de omni Syllogismo Categorico, sive sit *Communis*, sive *Singularis*.

CAP. XVIII.

De Syllogismo Hypothetico.

Sequitur Syllogismus *Hypotheticus*, quæ est altera Syllogismi Species. De hoc agit Arist. 1. Prior. cap. 29. nu. 3. & seq. ut rectè observat Jul. Pacius in eum locum. Ut mihi mirum videatur Rameos aliquos (Com. in Pet. Ram. Dial lib. 2. cap. 13. pag. 713.) voluisse dicere, *Aristotelem non agnovisse, vel cerè non cognovisse Syllogismum compositum*, id est, Hypotheticum. Nam eum & ex professo tractat, & sæpe utitur in suis scriptis: & Ramus ipse Schol. 7.12. Arist. hoc Syllogismo usum esse aperte profitetur. Pauca verò de eo tradit, partim quia facilior est hujus Syllogismi intelligentia: & præcipue quia ex eis quæ de *Categorico* copiose tractavit, Hypothetici cognitio peti posset. Nos ea quæ ille in angustum arctavit uberius propenemus. Tria vero de eo explicanda sunt. Primo, *Quid sit*. Secundo *Quotuplex sit*, seu quot illius Species. Tertiò, *Qui sint cujusque Speciei Modi*.

Syllogismus Hypotheticus est *Syllogismus in quo vel ambæ vel una saltem Præmissarum est Propositio Hypothetica*. Ex eo quod Syllogismus sit, liquidò constat, Conclusiones omnes quæ per hunc Syllogismum Hypotheticum probantur, tam necessario ex suis Præmissis sequi, quàm sequuntur Conclusiones in Syllogismo Categorico. Nam hoc in ipsa naturâ ac definitione Syllogismi in Genere penitus, ut Conclusio ex Præmissis necessario sequatur. Quare quod nonnulli postulare solent, & propemodum imperare, ut illi quibuscumque disputant Categoricè concludant, aut Categorico Syllogismo utantur, iniquum om-

*Hypotheticus
Syllogismus
Aristotelis
cognitus.*

*Hypotheticus
Syllogismus
quid.*

nino flagitant. Nam cum hic verè Syllogismus sit, cur eum repudiant? Cumque in hoc tam necessario Conclusio inferatur, quam in Categorico, cur hunc præ illo desiderant? Præterea sunt nonnullæ Propositiones probandæ ac concludendæ, quæ in nullo Categorico Syllogismo concludi possunt. Tenta Categorico Syllogismo hanc concludere, Si nulum animal sentit, emittis homo est cæcus: aut hanc, Si mundus habuit initium, tum Arist. non est in omnibus defendendus. Frustrà certè te fatiges. Hæc simi èsque omnes nullo alio nisi Hypothesico Syllogismo concludi unquam, aut probari possunt.

*Tres Species
Syllogismi Hy-
pothesici.*

Secundo loco videndum est *Quotuplex sit hic Syllogismus*. Sicut autem Propositiones Hypothesicæ, ita etiam Syllogismus Hypothesicus est triplex. *Conditionalis*, nempe, *Copulativus*, & *Disjunctivus*. Nam quod Kecker. lib. 3. cap. 13. *Copulativum Syllogismum expungendum censet*: & eundem ut superfluum emittunt non Ramus solum, sed Zabara in Tab. in lib. Prior. non rectè profectò faciunt: est enim *Copulativus Syllogismus* tam verè distincta species Syllogismi Hypothesici, quam vel *Conditionalis*, vel *Disjunctivus*.

*Conditionalis
Syllogismus
quid.
Copulativus
quid.
Disjunctivus
quid.
Modus Syllo-
gismi Hypo-
thesici, quid.*

Conditionalis Syllogismus est Syllogismus Hypothesicus, in quo vel ambæ ut (nonnunquam) vel (ut plerumque) una Præmissarum est Propositio Conditionalis.

Copulativus Syllogismus est Syllogismus Hypothesicus, in quo una aliqua Præmissarum est Propositio Copulativa.

Disjunctivus Syllogismus est Syllogismus Hypothesicus, in quo una aliqua Præmissarum est Propositio Disjunctiva.

Quid sit & Quotuplex videmus. Nunc de *Modis Syllogismorum Hypothesicorum* dicendum est: Modus autem ejus est nihil aliud, quam *ipsa legitima forma Syllogismi Hypothesici*. Nam Figure hic nullæ quærendæ sunt, ut in Syllogismo Categorico, & per *Modum* indicitur tota forma hujus Syllogismi. De materia autem nihil attinet dicere, cum quivis sci tres Propositiones ejus esse illius materiam, uti sunt in Categorico: quare si *Modos* scias, sufficit. Sicut autem in argumentatione Categoricâ sunt multi *Modi* *inutiles*, in quaque Figurâ, qui videntur quidem esse Syllogismi, sed verè non sunt; quia forma ipsa concludendi in illis Modis est vitiosa & inconsequens, quare eos aperte rejicit Arist. 1. Prior. cap. 4, 5, & 6. Idem fit in Hypothesicis Argumentationibus: Sunt in his aliqui *Modi* *inutiles* & rejiciendi, qui videntur quidem esse Syllogismi Hypothesici, sed verè non sunt; quia forma ipsa concludendi in illis Modis est vitiosa & inconsequens.

*Modi utiles
quo modo ab
inutilibus dis-
cernendi.*

Sed quonam pacto *Modos* *utiles* ab *inutilibus* & *vitiosis* discernemus in Argumentationibus Hypothesicis? Nonnulli asserunt eos solum *Modos* in Hypothesicis Argumentationibus esse *utiles* & *legitimos*, qui ad *Categoricos Syllogismos* reduci possunt, quia *Categoricus, cum sit perfectior, est mensura Hypothesici*. Cæterum hoc nullo pacto verum est. Nam etsi multi Syllogismi Hypothesici, & præsertim *Conditionales*, ad *Categoricos* reduci possunt, tamen neque *omnes Conditionales*, neque ulli *Copulativi* aut *Disjunctivi* ad *Categoricos* reduci possunt. Quare etsi ex *Reductione* ad *Categoricos*, Hypothesici Syllogismi declarentur esse verè Syllogismi, tamen hæc *Reductio* non est causa quare sunt verè Syllogismi. Sed causa hujus est, quia *formantur juxta legitimum Modum Hypothesicali Syllogismo peculiarem*: tum enim verè *formam* habent Syllogismi talis, idèque legitimi sunt, sive reducantur ad *Categoricos*, sive non reducantur. Sed videamus quinam illi *Modi* sunt Hypothesicorum proprii, & declaremus hoc primò in *Syllogismis Conditionalibus*: secundò in *Copulativis*: tertio in *Disjunctivis*.

*Conditionalis
Syllogismi tres
sunt Modi.*

Conditionalis Syllogismi septuaginta Modos recenset Boethus. Vah! Quis hujus unius generis Syllogismorum tam immensum Numerum ferre aut audire potest? Ramus, & qui eum sequuntur, duos tantum agnoscit. Sed nec ille verum numerum attingit. Nam tres esse illius *Modos*, & res ipsa docet, & ratio evincit. Conclusio in prioribus duobus est *Categorica*, in tertio *Hypothesica*. Fiunt autem in singulis horum trium *Modorum* Syllogismi *Conditionales*, & *affirmativi* & *negativi*, & *universales* & *singulares*: & in primis.

primis duobus, Syllogismi reducibiles ad Categoricalos; in tertiis, illi qui reduci non possunt: Præ autem differentie non variant *Modum concludendi*, & ideo non faciunt *diversos Modos*, sed solum diversos Syllogismos in *eisdem Modis*.

Primus Modus in Conditionalibus est *Constructivus*; & modus arguendi est à *constructione Antecedentis ad constructionem Consequentis*; in eo enim asseritur & assumitur *Antecedens*, ex eoque consequens illius antecedentis, seu id quod necessarîo inde consequitur, constituitur, & concluditur. Innititur h. c. *Modus* huic Axiomati & infallibili Regulæ: *Si Antecedens in ulla Conditionalis Propositione sit vera, tum Consequens ejus, seu id quod necessarîo ex eo Antecedente consequitur, erit etiam verum: ut,*

Si homo sit animal est vivens — BAR Omne animal est vivens,
At h. mo est animal — BA Omnis homo est animal,
Ergo homo est vivens — RA. Omnis homo est vivens.

Et hic:

Si mundus non sit æternus, tum Aristoteles erravit,
At mundus non est æternus,
Ergo Arist. erravit.

In his, omnibusque similibus, *construitur Consequens ex Antecedente*. Posterius autem exemplum reduci ad Categoricalum non potest: & ratio est manifesta; Sunt enim in ea quatuor termini quod in Syllogismo Hypothetico sæpe usu venit, at nunquam in ul'o Categoricalo plures tribus esse possunt. Termini autem 4. sunt isti, 1. *Mundus*, 2. *æternus*, 3. *Aristoteles*, 4. *erravit*: Quorum duo primi sunt in Minori Propositione, duo alii in Conclusionem, omnes autem quatuor in Majori.

Secundus Modus in Conditionalibus est *Destructivus*, & modus arguendi est à *destructione Consequentis ad destructionem Antecedentis*. Nam à negatione Consequentis seu *Secundus Modus in Conditionalibus Syllogismi* ejus quod ex Antecedente necessarîo sequitur, negatur in Conclusionem & destruitur ipsum Antecedens. Innititur hic *Modus* huic Axiomati indubitæ veritatis: *Si id quod necessarîo ex aliquo Antecedente consequitur non sit verum, neque Antecedens unde sequebatur verum erit: ut hic,*

Si homo sit lapis non est animal, — CE Nullum animal est lapis,
At homo est animal, — LA Omnis homo est animal,
Ergo homo non est lapis. — RENT. Ergo nullus homo est lapis.

Hi duo Modi Conditionalis Syllogismi hoc versu explicantur:

Construit *Ant.*, *Con.*: sed contrariò *Con.*, destruit *Ante.*

Præter hos, (qui soli sunt legitimi Modi Conditionalis Syllogismi, quando Conclusio est Categoricala) duos alios & utrosque *Modos* destructivos pro validis & legitimis penit Zabar in suis Tabulis ad lib. Prior. p. 57. Prior est à *positione Consequentis ad positionem Antecedentis*: alter à *destructione Antecedentis ad destructionem Consequentis*. At sine dubio in hoc erravit: & ex m. la quæ adducit non rectè accommodantur: Exemplum prioris est hic, quem esse infirmum reductio manifestat,

Si equus non sit animal, non est homo — Omnis homo est animal,
 At equus non est homo — Nullus equus est homo.
 Ergo equus non est animal — Ergo nullus equus est animal.

Ecce hic ponitur *Consequens*, & assumitur esse verum, quod equus non est homo, & inde *construitur Antecedens*, & concluditur esse verum, quod equus non sit animal; quæ ratio concludendi reducitur ad eum *Modum* quem expressè rejecit Arist. quemque ponit ut primum modum *inutilem* in primâ Figurâ, lib. 1. Prior. ca. 4. nu. 6. Zabarella autem erravit, cum sic Syllogismum in hoc *Modo* formavit:

Si non est animal, non est homo — DA Omnis homo est animal,
 At est homo — RI hic est homo,
 Ergo est animal — I. Ergo hic est animal.

Etenim in hoc Syllogismo non arguitur à *positione Consequentis ad positionem Antecedentis*, sed à *destructione Consequentis ad destructionem Antecedentis*. Nam *Consequens* est hoc, *Non est homo*: hoc autem in dicto Syllogismo non ponitur, sed *tollitur*, quia ejus contradictoria assumitur, *Est homo*. Idem *Antecedens* est hoc, *Non est animal*, quod non ponitur in Conclusionem sed planè *destruitur*, quia ejus contradictoria asseritur, *Est animal*. Ita exemplum Zabarellæ reverà spectat ad secundum *Modum* suprà positum, & est validum: sed non spectat ad hunc *Modum*, à positione *Consequentis*, ad positionem *Antecedentis*, qui reverà est *inutilis*, etsi ab eo pro valido commendetur.

Idem dicendum de altero *Modo*, qui est à *destructione Antecedentis ad destructionem Consequentis*. Hic est etiam *inutilis* ut Reductio declarat. Exemplum hujus *Modi* est hoc:

Si equus non est animal, non est homo — Omnis homo est animal,
 At equus est animal — Omnis equus est animal,
 Ergo equus est homo — Ergo omnis equus est homo.

Ecce, *Antecedens* in Minori *destruitur*, quia ejus contradictoria illic asseritur: idem *Consequens destruitur* in Conclusionem, quia illius contradictoria ibi asseritur. Esse autem vitiosum *Modum* declarat Reductio, nam reducitur ad eum *Modum inutilem* quem expressè rejecit Arist. 1. Prior. cap. 5. nu. 11. quia Conclusio est affirmativa in secundâ Figurâ. Exemplum autem à Zabarellâ adductum, ad hunc *Modum* non omnino spectat; est autem hoc:

Si non est animal, non est homo — CA Omnis homo est animal,
 At non est animal — MES Nullus lapis est animal,
 Ergo non est homo — TRES. Ergo nullus lapis est homo.

Non inquam huc spectat; nam hic non *destruitur* vel *Antecedens*, vel *Consequens*, sed utrumque *asseritur*; prius in Minori, posterius in Conclusionem: quare hic Syllogismus verè legitimus est, & spectat ad primum *Modum* ante à nobis positum: in quo arguitur à *Constructione Antecedentis ad constructionem Consequentis*. Rejctis igitur his duobus Modis (quos doleo doctissimum Zabarellam pro legitimis probasse) relinquitur non esse alios *Modos Syllogismi conditionalis*, quàm duos illos à nobis positos, quando Conclusio est *Categorica*.

Tertius

Tertius Modus in Conditionalibus est, quando Conclusio (ideoque ambæ Præmissæ sunt) Tertius Modus Propositiones Conditionales; in quo quia ex primo Consequenti, (quod ponitur in Majori) in Conditiona sequitur aliud Consequens (quod ponitur in Minori) ideo concluditur, hoc posterius Con- libus syllogif- sequens sequi ex primo Antecedente. Regula cui hic Modus innititur est hæc, quam antè mis- posui, cap. 17. Quicquid sequitur immediata ex ulla Propositione, idem sequitur medi- atè ex ea aut eiu unde illa sequebatur, ut hic:

Si Socrates sit homo, est animal,

Si sit animal, est vivens,

Ergo si sit homo, est vivens.

Et hic:

Si mundus non sit æternus, tum Arist. erravit,

Si Arist. erravit, non est in omnibus defendendus,

Ergo si mundus non sit æternus, Arist. non est in om- nibus defendendus.

Hæc de Modis Syllogismi Conditionalis. Sequuntur Modi Syllogismi Copulativi. Et Prior Modus quidem hujus sunt duo Modi, sed prior per omnia formam habet Syllogismi Categorici, Syllogismi Co- in Omni Figura ac Modo formari potest. In hoc solum ab eo differt, quod in Syllogif- pulativi. mo Copulativo, sunt duæ semper Propositiones Copulativæ: illæ tamen Speciem præ se ferunt Propositionum Categoricarum; ideo Syllogismi ex his contexti in omnibus formam sequuntur Syllogismi Categorici: Talis est iste:

BAR Omne animal habet gustum & tactum,

BA Omnis homo est animal,

RA Ergo omnis homo habet gustum & tactum.

Esti verò hic, & omnes similes Hypothetici Syllogismi Copulativi sint, quia in eo sunt semper duæ Propositiones Copulativæ; tamen quia formam omnino habent Syllogismorum Categoricorum, ideo pro Hypotheticis à paucis censentur: Ego hoc monuisse uno verbo fati duxi.

Secundus Modus Syllogismi Copulativi sequitur formam Hypothetico Syllogismo pro- priam: is est, cum à positione unius partis Propositionis Copulativæ tollitur altera, sive una sit, sive plures. Syllogismi autem omnes hujus Modi, qui legitimi sunt, concludunt negativè: ut hic;

Secundus Mo-
dus Syllogismi
Copulativi.

Homo non est & rationalis & irrationalis,

At est rationalis,

Ergo non est irrationalis.

A negatione verò unius partis ad positionem alterius, non valet consequentia: ut hic;

Socrates non est & lapis & leo,

Sed non est lapis,

Ergo est leo,

Non inquam valet, quia neutra pars Propositionis Copulativæ de Socrate assumatur, & tamen vera est Propositio Copulativa, quia si ulla una pars negativæ hujus sit vera, Propo- sitio est vera, multo magis, si ambæ sint veræ, ut in exemplo posito. Evenit quidem non- nunquam, ut sic verum concludatur, seu hoc sit, non vi formæ syllogisticæ, sed ratione materiz,

materiæ, quia illa Copulativa Propositio quam accipis, est talis ut altera pars semper conveniat Subjecto, altera semper negetur: ut hic;

Homo non est, & animal & planta,
At non est planta,
Ergo est animal.

Vera quidem est Conclusio ratione Materiæ, quia homo verè est animal, & planta esse non potest. Sed ubi Copulativa Propositio est in materiâ contingenti non autem in necessaria, hic modus arguendi affirmativè, non valet. Is autem Modus qui in ullo fallit, non est utilis aut legitimus.

*Prior Modus
Syllogismi
Disjunctivi.*

Sequuntur *Modi Syllogismi Disjunctivi*. Hi etiam duo sunt. Prior per omnia sequitur formam Syllogismi Categorici, & in quavis illius Figuræ ac Modo formari potest: in hoc solum differt, quod in hoc duæ Propositiones sunt Hypotheticæ Disjunctivæ: ut hic;

Omne animal est vel rationale vel irrationale,
Socrates est animal,
Ergo Socrates est vel rationale vel irrationale.

*Secundus Modus
Syllogismi
Disjunctivi.*

Secundus Modus Syllogismi Disjunctivi sequitur formam Disjunctivo Syllogismo propriam, & est, Cum a negatione unius aut plurium partium Disjunctivæ Propositionis, una altera pars ponitur & concluditur. Ideo omnes Syllogismi Disjunctivi, affirmativi sunt, & affirmativè concludunt: ut hic;

Homo vel est animal, vel planta,
At homo non est planta,
Ergo est animal.
Et hic:
Homo vel est lapis vel non lapis,
At homo non est lapis,
Ergo est non lapis.

Scio Ramum lib. 2. cap. 16. ejusque sectatores, nec non & Zabar. in suis tabul. in lib. Prior. pag. 58. alium adhuc Syllogismi Disjunctivi Modum addere, nempe cum à positione unius partis concluditur negatio alterius, sic ut Syllogismi isti sint negativi, & negativè concludant: ut hic;

Homo vel est rationale vel irrationale,
At est rationale,
Ergo non est irrationale.

Sed sine dubio hic arguendi Modus est inutilis & inconsequens: Nam etsi aliquando eveniat ut Conclusio in hoc Modo sit vera, tum scilicet quando Propositio est in Materiâ necessaria, sic ut una disjunctionis pars semper Subjecto conveniat, altera nunquam (quod fit in exemplo allato,) tamen hoc fit ratione Materiæ, non autem ratione Formæ syllogisticæ. Nam si sequeretur ratione formæ, valeret consequentia in omni materiâ, at in materiâ contingenti non est valida: ut hic.

Socrates

Socrates vel est vir doctus vel probus,
 At est vir doctus,
 Ergo non est vir probus.

Non valet consequentia, quia potest esse, ac verè fuit & vir doctus & probus. Et quidem, si rem serio perpendas, videbis hunc & similes omnes Syllogismos, quos illi huc referunt, verè & quoad sensum Copulativos esse, non Disjunctivos. Nam Conclusio in illis non sequitur ratione disjunctionis, sed quia una tantum illius pars Subiecto convenit, non utraque: sic igitur formandæ sunt;

Socrates non est & vir doctus & probus, [hoc est si disjunctivè proferre placeat,] vel, est tantum vir doctus, vel tantum vir probus,
 At Socrates est doctus,
 Ergo non est vir probus.

Hic autem Syllogismus verè, & quoad sensum Copulativus est secundi Modi quem supra solui. Quare certum est legitimas omnes Syllogismos Copulativos negativè, Disjunctivos verò omnes affirmativè solum concludere.

Sed hæc satis multa de Syllogismo Hypothesico, adeoque de omni Argumentatione perfecta (quæ Syllogismus vocatur) sive Categorica sit, sive Hypothesica.

C. A. P. XIX.

De Enthymemate.

Sequitur nunc Argumentatio Imperfecta. Ea definitur esse Argumentatio quæ ad Syllogismum veluti ad perfectius Argumentationis genus, & aliarum omnium regulam revocari potest ac debet. Hujus sunt quatuor Species, Enthymema, Inductio, Exemplum, & Sorites, de quibus paucis.

Enthymema est Argumentatio imperfecta, in qua ex unica Præmissa inferitur Conclusio: altera verò Præmissa non exprimitur, sed mente reservatur, ideoque Enthymema vocatur, quasi ἐν ὑμῶν, quia una Præmissarum subintelligitur, & mente gestatur. De hoc quid agit Arist. lib. 1. Prior. cap. 27. Si verò illa quæ fabiuntur ligitur exprimitur, tum sit perfecta Argumentatio & Syllogismus: ut hic;

Socrates est animal,
 Ergo est vivens. Adde istam Majorem, Omne animal est vivens, & est Syllogismus Communis in Darii.

Idem hic:

Socrates est philosophus,

Ergo aliquis Atheniensis est philosophus. Adde istam Minorem, Socrates est Atheniensis, & est Syllogismus Singularis in tertiâ Figurâ.

Idem.

Iidem hic:

Socrates non est brutum,

Ergo est homo. Adde istam *Maiores*, Socrates vel est brutum, vel est homo,

& est *Syllogismus Hypotheticus Disjunctivus secundi Modi*.

Hinc liquet in *Enthymemate*, aliquando subintelligi *Maiores Propositionem*, a'quando *Minorem*: quando autem hæc, & quando illa intelligitur, etsi facile discernes, sic tamen paucis explicari potest. Supponendum est in *Enthymemate* quovis Conclusionem directe inferri; sic ut Major terminus sit in ea *Prædicatum*, & Minor terminus *Subjectum*; Quia hæc arguendi ratio est maximè naturalis & prompta. Jam, hoc supposito, Si *Subjectum Conclusionis in Enthymemate bis exprimatur*, tum deest *Major Propositio*: ut in primo exemplo. Si *verò Prædicatum Conclusionis bis exprimatur*, tum deest *Minor Propositio*: ut in secundo. Si *Enthymema* revocetur ad syllogismum Hypotheticum, tunc, ut opinor, semper subintelligitur *Major Propositio*: ut in his, Est dies, ergo sol lucet in nostro hemisphærio: Socrates est homo, ergo non est brutum: Homo non est planta, ergo est animal. Hæc omnia *Enthymemata* revocantur ad syllogismum Hypotheticum, & in omnibus subintelligitur *Major Propositio*; quæ si addatur, ex primo *Enthymemate* fit *Syllogismus Conditionalis*; ex secundo *Copulativus*, ex tertio *Disjunctivus*. Atque hæc de *Enthymemate* satis multa.

C A P. XX.

De Inductione.

Inductio quid.

X

Secunda Species est *Inductio*. Ea sic definitur: *Inductio est Argumentatio imperfecta, in qua, ex plenâ enumeratione singularium omnium quibus Prædicatum aliquod convenit (quod fit in unâ Præmissâ) concluditur idem Prædicatum universaliter convenire Speciei illorum Individuorum: ut,*

Socrates est risibilis, itémque Plato, Aristoteles,

Et cæteri quotquot extant homines:

Ergo omnis homo est risibilis.

Fit etiam *Inductio*, ex plenâ enumeratione Specierum unius Generis, & Partium integralium unius Totius; Nam par est ratio arguendi ab omnibus Speciebus ad Genus, & ab omnibus Partibus ad Totum, atque ab omnibus Individuis ad Speciem. Quare hæc legitimæ inductiones sunt:

Homo est vivens, itémque brutum,

Ergo omne animal est vivens.

Et hæc:

Caput, pectus, femora, tibiæ, & reliquæ partes Corporis, sunt sana,

Ergo omnis pars Corporis est sana.

De Inductione tria observanda sunt. Primum hoc est, ut in *Inductione* fiat plenâ & perfecta enumeratio omnium particularium. Nam si vel unum tantum omittatur, *Inductio* est invalida & inconsequens. Quod non ratio solum tibi indicat, sed & Arist. 2. Prior. cap. 24. nu. 3.

Secundum

Secundum est hoc, *Nulla Inductio unquam probat aliquid nisi quando vel sensu, vel Inductio ex aliqua evidentiâ liquet Prædicatum illud inesse singularibus omnibus, quod inesse uni- sensu aut co- versali probare volumus.* Ut cum probandum sit omnem hominem esse bipedem, si in- dentia liquere ducas singularia omnia, & vere possis oculo demonstrare, ecce, Socrates est bipes, itémque debet. Plato, itémque Aristoteles, & ita de cæteris, cum hæc ex Inductione manifesta judicio sen- sus fecisti, omnem hominem esse bipedem recte concludes. Quoties verò non est evidenter manifestum Prædicatum illud inesse omnibus singularibus quæ inducuntur, certè nihil dici potest verè tum probari, sed solum asseri. Nam probare aliquid est per illud quod notum est ducere nos ad cognitionem ejus quod est ignotum. At nisi sit aliquo modo manife- stum, Prædicatum illud omnibus singularibus inesse, probatio solum est ignoti per ig- notum: quæ verè est Petitio principii. Ut si mihi nescienti omnem vermem habere gu- stum, tu ita arguas: Hic vermis, itémque ille, & cæteri omnes habent gustum, ergo om- nis vermis gustum habet: petis plane principium. Etenim non accipitur hic ullum me- dium notum, quo probes gustum vermi ulli inesse, sed inducis omnes vermes, de quibus affirmas quod habent gustum, quos tamen omnes gustum habere, æque mihi ignotum est, ac omnem vermem habere gustum; estque ac si arguas, Omnis vermis habet gu- stum, ergo omnis vermis habet gustum. Atque hinc est quod Arist. profunde confide- rans vim Inductionis, lib. 2. Prior. Cap. 23. num. 3. & 4. ait, *Syllogismus fieri per me- dium,* (puta notius eo quod probatur.) *Inductionem verò fieri eorum quorum non est medium,* (nempe notius eo quod probatur.) Quare inquit, *Inductio quodam modo op- ponitur Syllogismo, Syllogismus enim per medium (notius) probat Majorem terminum in- esse Minori. Inductio autem solum probat (vel potius asserit) Majorem terminum inesse medio per minorem.* Ex quo fit ut Inductio non sit admittenda, ut legitima probatio, quia non asserit medium ullum quo probat Majorem terminum inesse Minori, sed solum ad- mittenda est ut *illustratio vel declaratio* Propositionis probandæ; nec tum etiam admit- ti debet, nisi quando Prædicatum probandum de Subjecto Conclusionis, *sensu vel aliâ evidentiâ* discernatur inesse singularibus omnibus illius Subjecti, ut Arist. docet 8. Top. cap. 1. nu. 7.

Tertiò observa, quomodo *Enthymema*, & *Inductio* inter se differant. Differunt autem tribus modis: Primò, quia semper fit in Inductione enumeratio particularium omnium: hoc nunquam fit in Enthymemate. nam tum Enthymema non vocandum esset, sed Inductio. Secundò, quia semper in Inductione subintelligitur *Majore*, at in Enthymemate modo *Majore*, modo *Minore* deest & intelligitur. Tertiò, quia En- thymema ad quamvis Syllogismi Speciem reduci potest, vel ad *Categoricum commu- nem*, vel ad *Categoricum singularem*, vel ad Syllogismum *Hypotheticum* sive *Con- ditionalem*, sive *Copulativum*, sive *Disjunctivum*. At Inductio ad nullum alium Syl- logismum reduci potest & revocari, nisi solum ad *Hypotheticum Conditionalem*. Ut in primo exemplo, si vis ex Inductione facere Syllogismum, hic, & nullus alius esse potest; Si Socrates sit risibilis, itémque Plato, & cæteri omnes homines, tum om- nis homo est risibilis: At Socrates est risibilis, itémque Plato, & cæteri omnes ho- mines, ergo omnis homo est risibilis. Quod idem de aliâ omni Inductione dicen- dum est.

At videtur ista prima Inductio revocari posse ad Syllogismum *Categoricum*, hoc modo: Socrates, Plato, & cæteri sunt omnes qui sunt homines; at Socrates, Plato, & cæteri sunt risibiles, ergo omnis homo est risibilis.

Respondeo, hanc Argumentationem non esse vel Syllogismum *Categoricum* commu- nem, quia ambæ Præmissæ sunt singulares; vel *Categoricum singularem*, quia Conclusio est universalis, quod nunquam fit in Syllogismo singulari. Ita non est omnino Syllogismus *Categoricus*, Nec vero talis dici potest, quia sunt in eâ quatuor minimum termini: Nam Socrates, Plato, & cæteri, faciunt utrum terminum; omnes homines facit alium risibiles fa- cit tertium, & homo facit quartum. Ita non est omnino Syllogismus *Categoricus*.

*Differimen in-
ter Inductionem
& Enthymema.*

Du,

Sol,

Ff

Non

Non igitur ad istum aut ullum similem Inductio illa reduci potest, sed solum, ut ante dixi, ad *Syllogismum Hypotheticum Conditionalem* primi Modi.

Atque hæc de Inductione.

C A P. XXI. De Exemplo.

Exemplum quid.

Tertia Species Argumentationis imperfectæ, est *Exemplum*; quod ita definitur, *Exemplum est Argumentatio imperfecta, in qua ex uno singulari noto, aut ex pluribus, probatur aliud singulare sed ignotum, ut:*

Malum fuit Thebanis bellum gerere contra Phocenses finitimos,
Ergo malum etiam est Atheniensibus, bellum gerere contra Megarense: finitimos.

Quoniam autem transitus non potest fieri ab uno singulari ad aliud, nisi per medium alicquod universale, ideo Arist. lib. 2. Prior. cap. 24. diligenter ac profundè vim hujus Argumentationis considerans, docet duplicem esse in omni Exemplo processum.

Prior processus in Exemplo.

Prior est ab uno singulari noto, ad universale ignotum: hoc modo,

Thebanis malum fuit bellum gerere contra Phocenses finitimos,

Ergo bellum gerere contra finitimos est universaliter malum.

Hic prior processus est Inductio, sed valde debilis & imperfecta, quia hic ex uno aut paucis singularibus colligitur universale.

In secundo processu, universale hoc sic probatum, accipitur ut notum, & inde concluditur singulare ignotum: hoc modo,

Secundus processus in Exemplo:

Bellum gerere contra finitimos est universaliter malum,

At Megarense sunt finitimi Atheniensium:

Ergo malum est Atheniensibus bellum gerere contra Megarense.

Similis processus in quovis Exemplo invenitur; nec aliter Exemplum vim arguendi habet, nisi quatenus ex eo concluditur, primo universale, ex quo postea singulare aliud probetur. Sed omissis aliis partibus in utroque processu brevitatis causâ, solummodo Exemplum notum cum singulari ignoto conjungitur.

In Exemplo vis minima probandi.

Hinc fit ut minima vis arguendi sit in Exemplo, idque duplici de causâ; Primo, quia omnes tales argumentationes in primo processu, colligunt universalem Conclusionem ex Inductione imperfecta & valde manca; quæ ratio probandi est repitè inefficax. Secundo, quia si recte volumus rem aliquem Exemplo probare, oportet ambo similia esse: Jam rarum est ut non inveniatur dissimilitudo inter Exemplum illud quod probat, & Exemplum aut singulare illud quod probatur. Dissimilitudo enim enervat vim Exempli, nisi constet ea in aliis rebus dissimilia esse, in eo verò quod probatur, aut ad quod probandum Exemplum affertur, similia esse. Nam satis est si in eo quod probamus similitudo sit, licet in aliis quam plurimis sit dissimilitudo.

Exemplum efficax ad persuadendum.

Nullum autem arguendi genus est efficacius ad persuadendum, quam hoc ab Exemplo. Nulla enim re facilius ducimur, quam aliorum exemplis, quæ id factum esse demonstrant, quod faciendum esse persuademus: nec diffidimus nos ipsos idem effecturos, quod

quod effecisse alios videmus. Quare apud oratores & poetas (quorum scopus est persuadere) frequens est & præcipuus Exemplorum usus, multo certe major quam apud Philosophos. Sed de Exemplo satis multa.

CAP. XXII.

De Sorite.

Ultima Argumentationis Species est Sorites. Hæc ita definitur: *Sorites est Argumentatio imperfecta, in qua tres, quatuor aut plures Præmissæ e primuntur, & ita disponuntur, ut Prædicatum primæ Propositionis sit subiectum secundæ, & Prædicatum secundæ Subiectum tertiæ, & sic deinceps, donec tandem concludamus ultimum Prædicatum de primo Subiecto prædicari aut eidem convenire, ut:*

Homo est Animal,	Immodicus potus gignit crudos humores in stomacho,
Animal est Vivens,	Crudi humores in stomacho vitiant & corrumpunt
Vivens est Mixtum,	Sanguinem.
Mixtum est Corpus	Sanguis corruptus facit malam assimilationem alimenti
Corpus est Substantia.	in partibus corporis.
Ergo à primo ad ultimum, Homo	Mala assimilatio nutrimenti in partibus, gignit hy-
est Substantia.	dropem.
	Ergo, à primo ad ultimum, immodicus potus gignit hy-
	dropem.


Hinc liquet *Soritem* nihil aliud esse nisi cumulum Syllogismorum in unum acervum ac veluti fasciculum colligatorum. Atque hoc facile constabit, si *Soritem* dissolvas, & ad Syllogismos unde constat revoces; id quod fieri potest vel ascendendo vel descendendo, in hunc modum:

Omne Corpus est Substantia.	
Omnis homo est Corpus. Probatur.	Omne Mixtum est Corpus.
Ergo omnis homo est Substantia.	Omnis homo est Mixtum Probatur *
	Ergo omnis homo est Corpus.

* Omne vivens est Mixtum	
Omnis homo est vivens. Probarur.	Omne animal est vivens.
Ergo omnis homo est Mixtum.	Omnis homo est animal.
	Ergo omnis homo est vivens,

Mixtum probatur.

In ascendendo autem contrario plane modo est procedendum: nam tum prima Conclusio est probanda per proximum Subiecti Genus, & Major semper est probanda, Minore ut evidenti omittenda, aut concessa. Sed de *Sorite* hæc monuisse satis est. Libet vero hic brevem Synopsin eorum quæ de Argumentatione à nobis declarata sunt proponere, ut facilius memoria teneantur.



Atque hæc de Argumentatione generaliter sumptâ, prout neque ad ullam certam materiam, vel necessariam, vel probabilem, neque ad certum ullum finem, vel docendi, vel dissuadendi, vel persuadendi restringitur, dicta sint.

Finis Libri tertii

LIB.

LIB. IV.

DE

DEMONSTRATIONE.

CAP. I.

*De Syllogismo Demonstrativo in Genere quid sit, & de triplici
Necessitatis Gradu. De Omni, Per se, & Quatenus ipsum.*

HActenus egimus de *Argumentatione in Genere*, sine respectu vel *Materia* in quâ, utrum necessaria sit an probabilis, vel *Finis* propter quem fit, utrum docendi an differendi, an persuadendi causa fiat. Sequuntur nunc *Species Argumentationis*, quæ sumuntur vel respectu *Materiae in quâ*, vel *Finis propter quem fit*. Sunt autem duæ *Species illius*: *Argumentatio seu Syllogismus Demonstrativus*, quæ dicitur *Demonstratio*, & *Syllogismus Probabilis*, qui, si ad verum inveniendum afferatur, dicitur *Syllogismus Dialecticus*; si ad suadendum, dicitur *Syllogismus Rhetoricus*. De his igitur ordine dicendum est. Et primo de *Demonstratione*. *Species Argumentationis.*

Et quidem in animo mihi fuit, totum hunc de *Demonstratione* locum omisisse. Tractavit enim hunc Syllogismum, omniâque ad eum spectantia tam docte, tam dilucide tamque abunde Jac. Zabarella (quem ego post Arist. in Logicis doctissimum s. n. c.) ut nihil omnino de *Demonstratione* dici aut scribi possit, quod ab ipso non sit, & locupletius traditum, & multo luculentius, quia vero de omnibus Logicæ partibus agendum susceperam, ne Tractatio nostra manca esset ac mutila, in ea præsertim parte quæ Logicæ Caput est, & vere scientiarum omnium clavis, animum verti, & stylum: Et pauca aliquot de hac etiam parte tradere, vel potius leviter ac desultorio pede proponere decrevi. Agimus autem primò de *Demonstratione in genere*, tum de illius *Speciebus*. Ea in genere sic definiti potest.

Demonstratio est Syllogismus, in quo ex Præmissis veris, certis, & necessariis nobisque notioribus docemus Conclusionem inde sequentem esse veram, certam, & necessariam. Hoc enim *Demonstratio* omni *Demonstrationi*, quâ est *Demonstratio* convenit, ut & *Conclusio* in ea sit vera, certa, *quid.* & necessaria; & *Præmissæ* ex quibus illa *Conclusio* inferitur sint veræ, certæ, & necessariae, nobisque notiores quàm *Conclusio*. Sunt igitur quatuor *Demonstrationis* *Conditiones*, *Veritas, Certitudo, Necessitas*, & ut *Præmissæ sint nobis notiores*: quæ omnes ordine explicandæ sunt.

De *Veritate* primùm scias, quod *Omnes in omni Demonstratione Propositiones veræ Veritas Propo-* *sunt.* *Conclusio* vera, quia falsum cognosci, doceri, aut disci non potest, nedum *demons-* *trari*: nam cum falsum sit inadaquatio rei & orationis, profecto quod falsum est, fictio est, *sitionum.* cui res non respondet; non ens est: Quis vero id quod non est demonstrare potest? *Præ-* *missæ* quoque veræ sunt, nam ideo cognoscis *Conclusionem* esse veram, quia *Præmissas* ve- *ras* esse cognoscis. Magis ergo cognoscis *Præmissas* esse veras, quàm *Conclusionem*, *quia.*

quia quicquid facit tale est magis tale, juxta regulam Arist. 1. Demonstr. cap. 2. num. 14.

Certitudo

Propositionum.

De Certitudine similiter dicendum; Omnes in omni Demonstratione Propositiones certas esse. Certitudo autem est tanta, ac talis firmitas Veritatis, ut debeat quique sine ulla dubitatione ei assentiri. Certitudo hæc duplex est: una ex parte Objecti, per quam res in se talis est, ut quasi oculis cerni possit. Alia ex parte Subjecti, cum ita firmiter quis assensum objecto vero ac certo præbet, ac si eam oculis suis cerneret. Nam Participium hoc Certus à Cerno (quod te Lexicographi doctissimi docent) deducitur. Cerno autem regulariter in Præterito Cerni, in Supino Certum facit; ut Cerno, Sivi, & Situm, & licet verbum Cerno, & Præteritum suum, & Supinum à Video mutuetur, (ex quo etiam fit, ut quod certum est, à cognato Verbo, quod est video, evidens dicatur, quasi exterius ac palam illud videri posset, tamen vestigium antiqui & regularis tam Præteriti quam Supini, in Participio hoc Certus, quod inde deductum est, remanet. Ultraque autem Certitudo in Demonstratione invenitur, quoties quis per Demonstrationem aliquid cognoscit. Nam & omnes Propositiones sunt in se tam certæ, sic ut quasi videri possint; & si tu per Demonstrationem quid cognoscis, sunt etiam omnes tibi tam certæ, ac si tu eas palam oculis conspiceres. Et quidem quod sensu cognoscitur certum est, certitudine aut evidentiâ sensus, quâ major Certitudo homini quâ est homo, contingere non potest. Quod autem ratione ac discursu cognoscitur, certum est, formali. er quidem, certitudine & evidentiâ Rationis, sic ut ratio firmiter, & sine ulla dubitatione ei assentiat: sed primariò & originaliter certum est etiam, certitudine & evidentiâ Sensus, & in certitudinem sensitivam ultimâ resolvuntur. Omnis enim Demonstrativa cognitio nititur intellectivâ; Intellectiva autem omnis, experienciâ sensitivâ. Nam ut Arist. verè docet secundo Demonstr. cap. ult. Omnis nostra cognitio, (quæ cum discursu fit) oritur à Sensu, & sensitivâ cognitione, quæ per se, & sine omni discursu, per ipsos sensus res apprehendit. Atque hinc fit ut quia homo (quâ homo) rationem habet, ideò quod ratione certum est, apud omnes homines quâ homines sunt, certum est. Ea verò quæ certa sunt Certitudine fidei (talìa omnia enim sunt ipsa Dei verba) etsi in se, & respectu Objecti certissima sunt, tam certa, quàm solem meridie lucere; tamen quia fides quæ sola est instar oculi quo talia objecta cernuntur non est omnium hominum, sed tantummodò fidelium, quibus Deus mentis oculos aperuit, ut hæc esse ipsissima illius verba cernant; ex eo fit ut hæc objecta licet in se sint certissima, non tamen sunt certa homini quâ homo, neque in sensitivam Certitudinem unquam resolveri possunt. Ideoque Certitudo fidei, ut alibi monui in ratiocinando quod homini quâ homo est, convenit) deterior existimatur, quàm id quod ratione & sensu certum est. Hoc autem posito (quod fidelibus omnino certum & conspicuum est, vel saltem esse debet) Deum qui nec falli potest, nec fallere, hæc omnia quæ pro objectis fidei proponuntur dimis- se, ea omnia tam certa nobis sunt, quàm ipsa principia ullius Demonstrationis; & quæcunque inde consequuntur, Demonstrationum vim obtinent. Sed de his non est hic nobis agendi locus. Hoc unum est quod nunc contendo, Propositiones omnes in omni Demonstratione certas esse, in se, & respectu Objecti certas; certas etiam respectu Subjecti, ei nimirum qui Demonstrationem rei ullius habet, quia is certus est Conclusionis per Certitudinem præmissarum; Præmissarum etiam certus est certitudine intellectus, qui illa Principia ab experienciâ sensitivâ deduxit, quique easdem in ipsam certitudinem sensuum resolvere potest. Nemo igitur ullius rei Demonstrationem habet, nec quidquam per ullam Demonstrationem cognoscit, donec certus sit, & Conclusionem illam veram ac certam esse propter veritatem & certitudinem Præmissarum, & Præmissas veras esse ac certas, propter veritatem & certitudinem judicii sensuum, in quod Intellectus easdem resolvere potest. Quæ omnia, nisi brevitati studerem, clarissimis exemplis conspicua hic fecissem, Sed monere hæc volui, non demonstrare.

Necessitas

Propositionum.

De Necessitate tertio dicendum est; Propositiones omnes in omni Demonstratione necessarias esse; idemque ait Arist. 1. Dem. cap. 4. num. 1. Est autem Necessarium, definiente Arist.

Arist. & loco citato, & 4. Metap. cap. 5. quod aliter esse non potest, quo sensu Propositiones omnes in omni Demonstratione necessariae sunt.

Ut autem intelligatur qualis, quantaque sit in omnibus Demonstrationibus Necessitas, Arist. tres gradus Necessitatis optime observavit, eosque omnes tractavit. 1. Demonstr. cap. 4. Primus vocatur *de Omni*, Secundus *Per se*, Tertius *Quatenus ipsum*. Tres gradus Necessitatis.

Propositio dicitur esse *De omni*, quando Praedicatum convenit Subjecto, omnibusque sub eo contentis, idque omni tempore: ut, Omnis homo est risibilis. Atque hinc facile discernas discrimen inter id quod in Prioribus Analyticis dicitur esse *de Omni*, & quod in libris hisce Demonstrationis: Nam illic ubi nihil respicitur nisi forma enunciandi, multae Propositiones contingentes; ut, Omnis homo vigilat; multae etiam falsae, ut, Omnis homo est lapis, dicuntur Propositiones *de Omni*: *De Omni* inquam *Prioristice*, in quibus nihil aliud requiritur, nisi ut Subjecto communi praeponeatur signum universale. Sed in lib. Demonstrationum, ubi materia Syllogismi accurate consideratur, ad omnem Propositionem *de Omni*, duo ista requiruntur; Primo, ut Praedicatum conveniat Subjecto omnibusque sub eo contentis; Secundo, ut conveniat illis, omni tempore, vel simpliciter, vel omni quando causa necessaria illius accidentis ponitur: si alterutrum horum deest, non est Propositio *de Omni posterioristice*. Propositio de Omni, quid.

Secundus gradus Necessitatis est *Per se*, cui opponitur Propositio *per Accidens*. Hae autem Conditiones *Per se* inveniuntur vel in Propositionibus secundi adjacentis, vel in Propositionibus tertii adjacentis. In illis quae sunt secundi adjacentis tum dicitur esse Propositio *Per se*, quando Subjectum per se existit, & nulli alteri inhaeret: ut, Homo est, vivens est, & ubicunque ulla substantia est Subjectum in Propositione secundi adjacentis Omnis autem Propositio secundi adjacentis dicitur esse *Per Accidens*, si Subjectum non existit per se, sed alteri inhaeret; ut, Albedo est: & omnes omnino in quibus accidens est in tali Propositione. Atque hic modus *Per se* est tertius modus apud Arist. lib. 1. Demonstr. cap. 4. nu. 5. Sed huiusmodi vel nullius omnino, vel valde exigui usus est in Demonstratione. Nec ego attingiffi in hunc modum, nisi multos in illius tertii modi explicatione turpiter errasse videre. Propositio Per se quid.

Reliqui tres modi *Per se* sunt in Propositionibus tertii adjacentis, ubi Praedicatum non continetur in Copula, sed ut distinctum quid a Subjecto exprimitur. In his autem quae huius Generis sunt, Propositio tum dicitur esse *Per se*, quando inter Praedicatum & Subjectum est talis tamque necessarius nexus, ut unum vel sit causa alterius, vel in se ac sua essentia causam alterius contineat: ut, Homo est rationalis. E contra, omnis Propositio ubi talis nexus non est, vocatur Propositio *Per Accidens*, quia per se se unus terminus non est alteri connexus ut causa effectui; ut Homo est doctus. Tertius modus Per se.

In his autem Propositionibus tertii adjacentis, vel causa interna & essentialis coniungitur cum suo effectui, vel causa externa quae non est de essentia effectui. Si causa interna cum effectui coniungatur, tum fit primus Modus dicendi per se. Si externa nempe efficiens per emanationem cum effectui coniungatur, tum fit secundus Modus dicendi per se. Si causa externa vel finalis, nempe vel efficiens per externam actionem cum effectui coniungatur, tum fit quartus Modus dicendi per se. Atque hinc facile est unumquemque modum *Per se* describere.

Propositio est *Per se* primo modo, quando interna causa, (scilicet vel materia vel forma composita) vel ea quae proportionem habet respondens, Genus nempe aut Differentia, vel Definitio quae ex utrisque constat cum effectui coniungitur, & de eo praedicatur. Ut, Homo est animal; Anima est praeditum animae sensitivae; Homo est animal rationale. Eadem etiam ratio est cum Species praedicatur de suis Individuis, nam tota essentia Individui in Specie continetur. Primus modus Per se.

Propositio est *Per se* secundo modo, quando Praedicatum inest Subjecto, & Subjectum vel est causa externa (efficiens pariter per emanationem). Praedicati, (ut hic, rationale est) Secundus modus Per se.

ri.

risibile;) *vel continet in se, inque sua essentia causam efficientem, per emanationem Prædicati* : ut, Hic homo est risibilis, Animal est sensibile: Corpus est quantum. Ita quando-
cunque proprium ullum Accidens prædicatur vel de suo Subjecto, vel de eo quod est cau-
sa illius per emanationem, sunt Propositiones Per se secundo modo. Nam omnia propria
Accidentia insunt in suis Subjectis, & dependent ab ipsis, idque duobus modis, uno ut *in*
materia in qua, alia ut *à causa efficiente à qua fiunt & emanant*; & aliquando quidem
exprimitur solum materia in qua; ut, Hic homo est risibilis, sed in illa materia in qua im-
plicatur, & essentialiter continetur causa efficiens per emanationem; ut in homine conti-
netur rationale. Aliquando è contra exprimitur causa efficiens per emanationem; ut, Hoc ra-
tionale est risibile, sed includitur in ea, & implicatur materia in qua, ut in rationali implica-
tur homo. Utróvis autem modo exprimas has causas, fit Propositio Per se secundo
modo.

His duobus modis Per se Arist. opponit unum modum dicendi *per Accidens*; est quan-
do Prædicatum inest Subjecto, & tamen neque Prædicatum est causa interna aut ef-
fentialis illius Subjecti, neque Accidens proprium fluens ab essentia illius Subjecti.
Talia sunt illa, Homo est doctus, Homo ridet: omnesque omnino Propositiones in qui-
bus Accidens ullum commune de Subjecto aliquo prædicatur. Et satis quidem est hunc
unum modum dicendi Per Accidens, opponere duobus illis modis dicendi Per se, quia
hic unus modus Per Accidens opponitur illis duobus secundum rationem utriusque commu-
nem. Hoc enim utriusque modis per se convenit, ut Prædicatum inest Subjecto, vel ut ejus ef-
fentia vel ut consequens essentiam illius. In omnibus autem quæ sunt Per Accidens, Præ-
dicatum est Accidens commune Subjecti, neque essentialia ipsi, neque consequens illius
essentiam.

Quartus modus
Per se.

Propositio est Per se quarto modo (sic cum Arist. recenseo) quando vel Prædicatum
est causa necessaria sed externa (nempe vel finalis, vel efficiens, non per emanationem
sed per externam actionem) Subjecti, vel Subjectum talis causa necessaria & externa Præ-
dicati, sed neutrum tamen eorum in est in altero, ut in suo Subjecto inhesionis. Ut Eclip-
sis est interpositio corporis opaci inter corpus illuminans, & corpus illuminatum: Hic cau-
sa efficiens & necessaria non per emanationem, sed per externam actionem (nempe interpo-
sitionem opaci) conjungitur cum suo effectu, nempe Eclipsi; & neque Eclipsi inest inter-
positioni tali, neque talis interpositio inest Eclipsi. Eclipsi quidem Subjectum vocatur, & est
in hac Propositione, sed est Subjectum quo ad modum enunciandi, non quoad modum in-
hærendi, idèque hic modus vocatur, modus dicendi Per se, non quia est naturalis & or-
dinata prædicatio unius de altero, sed quia est necessaria concomitantia unius cum altero,
quomocunque Propositio fiat; neque enim refert, utrum causa sit Subjectum, an Prædica-
tum in Propositione.

Ad hunc autem quartum modum Per se spectant Propositiones omnes in quibus causa fi-
nalis necessaria conjungitur cum eo cuius est causa; ut si vis cibum bene concoquere, oportet
ambulare post cenam; vel causa efficiens per externam actionem, ut immodicus potus
digestionem impedit & hydropem gignit. Dico semper efficientem per externam ac-
tionem nam quandocunque causa efficiens per emanationem conjungitur cum suo effectu, fit Propositio
Per se secundo modo, non quarto.

Propositio per Accidens quæ huic quarto modo opponitur est ea in qua aliquid conjun-
gitur cum aliquo effectu, quod non est vel necessaria causa, vel efficiens, vel finalis illius
effecti, sed accidentaliter solum & per Accidens ei conjungitur: ut ambulante Socrate corusca-
vit: neque enim coruscatio fuit causa ambulationis, nec ambulatio coruscationis, sed accidit
ut unum alterum concomitaretur: sic cum effodiens thesaurum invenit; effusio quidem cau-
sa est inventionis thesauri, sed accidentalis, non necessaria, nam aliter semper effodiendo in-
veniretur thesaurus.

Hi sunt 4. modi dicendi Per se ab Arist. declarati, quorum tres illi à nobis postremo tra-
ctati efficiunt secundum gradum Necessitatis. Et is quidem in omni Demonstratione inve-
nitur.

nitur. In omni enim, aliqua Propositiones sunt Per se aliquo horum trium modorum, ut post ostendemus.

Tertius gradus Necessitatis est *Quatenus ipsum*, seu (ut frequenter vocari solet) quando Prædicatum est *Universale*. Cave verò ne hic accipias *Universale*, ut in tractatu de Prædicabilibus. Ibi notat quodvis Prædicabile, seu terminum quemvis simplicem pluribus communem: sic album est *Universale* respectu chartæ, & cignat hic notat, conditionem summæ & arctissimæ conjunctionis Prædicari cum Subje. o, sic ut neutrum ab altero sejungatur, & sic definitur ab Arist. cap. cit. nu. 9.

Propositio
Quatenus ip-
sum, quid.

Universale Prædicatum illud dicitur, quod Subiecto suo ita convenit ut insit *Omni*, *Per se*, & *Quatenus ipsum*. Sensus est, illud quod vocatur *Universale*, sic inest Subiecto, ut vel sit illius propria ac peculiaris essentia, ut *homo est rationalis*; vel à propria ac peculiari essentia fluat & emanet, ut *homo est sensibilis*: utrovis enim horum modorum Prædicatum conveniat, convertitur & reciprocatur cum Subiecto, & nihil convenit alicui *Quatenus ipsum*, nisi quod cum eo Subiecto reciprocatur: ut liquidò docet Aristoteles, cap. illò 4. jam citato nu. 12. Idè enim *Universale* Prædicatum dicitur, quia *Universim in hoc Subiecto est*, neque usquam extra Subiectum illud reperitur.

Hinc jam liquidò consequitur, nullum Genus, nullam etiam Differentiam remotam prædicari de Specie cum hac conditione *Quatenus ipsum*; non enim convertuntur cum tali Specie: liquet etiam nullum *Accidens commune* prædicari de suo Subiecto *Quatenus ipsum*, quia talia Accidentia non conveniunt: *Per se*, multò minùs *Quatenus ipsum*: liquet denique nihil omninò prædicari de ullo cum hac conditione *Quatenus ipsum*, nisi sit vel *Differentia propria* & proxima Speciei, vel *definitio* ejusdem Speciei, vel *accidens illius proprium* quod ab ejus essentia fluat ac emanat. Hæc & hæc sola reciprocantur cum Specie, hæc & hæc sola conveniunt ei *Quatenus ipsum*.

Quæ non con-
veniunt Qua-
tenus ipsum.

At Arist. ca. illo 4. nu. 11. ait *Per se*, & *Quatenus ipsum*, idem esse; quare quicquid *Per se* convenit, convenit etiam *Quatenus ipsum*. Genus igitur omne convenit suis omnibus Speciebus *Quatenus ipsum*, nam convenit eis *Per se* primo modo. Idem objici potest de Differentia omni remotâ. Imò frustra penitur hæc ut nova conditio Necessitatis, si idem sit *Quatenus ipsum*, & *Per se*.

Dub.

Scio quod alii respondent, & quàm se hic torquent; mihi facilis videtur & apertus sensus Arist. Loquitur ille loco citato, de Accidentibus propriis respectu suorum propriorum Subjectorum. In iis, inquit, idem planè est convenire *Per se*, & *Quatenus ipsum*: nam idè homini per se convenire dicitur *sensibile*, quia convenit ei ex propria hominis essentia, nempe rationalis; & eadem planè de causa, convenit homini quatenus est homo, id est, quatenus est rationalis, non ullâ aliâ ratione. In his penitus idem est *Per se*, & *Quatenus ipsum*, Sed quia multa conveniunt Subiectis per se quæ non sunt *Accidentia propria*, idè si *Per se* sumatur, prout ad omnia alia quæ *Per se* sunt, extendit, sic non est idem cum hac conditione *Quatenus ipsum*. Nam omnia essentialia *Per se* conveniunt; nulla autem ex iis conveniunt secundum *Quatenus ipsum*, nisi solùm *Differentia propria* & proxima: non enim verè dicas hominem quatenus est homo esse *sensibilem*, ac *vegetativum*; sic enim nihil præter hominem esset *sensibile* aut *vegetan.*; sed homo est *sensibilis* quatenus est animal, & est *vegetans* quatenus est vivens. Si autem quæras utrum animal conveniat homini *quatenus est homo*, quia certum est quod non convenit homini quatenus est quicquam aliud, quàm homo: Respondeo, animal quidem non convenire homini quatenus est quicquam aliud, sed tamen non convenit ei peculiariter, nec ut propria, sed ut communis illius essentia: idè non convenit ei *quatenus est homo*, sed quatenus est una Species im-
mediatè contenta sub homine. Ex quo fit ut non magis conveniat homini quàm homo, quàm bruto quàm est brutum. Neutri enim quàm sunt talia convenit, sed quàm sunt species contentæ sub uno proximo Genere.

Sol.

Genus non con-
venit Speciei
Quatenus ip-
sum.

Habes nunc tertium gradum Necessitatis, eumque arctissimum & præcipuum, qui alios

præsupponit, sed non contrā. Nam *quicquid convenit Quatenus ipsum, convenit etiam Omni & Per se*: quicquid etiam *Per se convenit, illud convenit Omni*. Sed multa conveniant *Omni*, quæ non *Per se*, & multa conveniunt *Per se*, quæ non *Quatenus ipsum* conveniunt.

Et quidem in omni Demonstratione sunt aliqui gradus necessitatis: in quamplurimis etiam omnes tres gradus in omnibus Demonstrationis Propositionibus inveniuntur. ed de his fufius erit postea agendi locus: nunc satis est tenere, & Conclusionem omnem quæ demonstratur necessariam esse secundum aliquem. Necessitatis gradum, & eandem e. necessariis Præmissis inferri ac demonstrari.

Præmissæ notiores nobis quam Conclusio.

Quarta conditio definitionis antepositæ, erat, quod Præmissæ sint nobis notiores quam Conclusio: & hoc planè in omni Demonstratione verum est: nam Præmissæ in omni Demonstratione faciunt nos cognoscere Conclusionem; at quod facit tale illud est magis tale, ut in hac ipsa causâ ait Arist. quare necesse est, nos magis ac melius cognoscere Præmissas esse veras, certas, & necessarias, quàm scimus Conclusionem, in cuius cognitionem per Præmissas ducimur.

Dub.

At aliquæ Demonstrationes probant effecta per causas. Causæ autem sunt naturæ priora, ideoque notiora effectis: quæ autem naturæ notiora sunt, ea nobis non sunt notiora: diserte enim Arist. ait 1. Dem. cap. 2. num. 16. *Idem non est notius naturæ, & notius nobis*.

Sol.
Cognitio rei duplex, confusa & distincta.

Diligenter hic notanda est illa distinctio, cujus magnus est & frequens usus. Duplex est nostra rerum cognitio: Una Confusa & imperfecta, quâ singularia per accidentia quædam, non per naturam suam cognoscimus, & effecta non per causas, sed per alia adventitia. Altera Distincta & perfecta, quâ singularia per sua universalia, ac naturas; & effecta per suas causas cognoscimus. Jam certum est, nos in confusa & imperfecta rerum cognitione, prius cognoscere singularia quàm universalia, & effecta prius quàm causas, ideoque in hac Confusa & imperfecta rerum cognitione, singularia nobis notiora sunt universalibus & effecta suis causis. Sed quando res plenè, perfectè, ac distinctè cognoscimus, tum universalia & rerum causæ, nobis notiora sunt, & prius cognita, quàm singularia aut effectus. Nemo enim distinctè & perfectè hominem cognoscere potest, antequam distinctè sciat animal, & vivens, & corpus & substantiam; quia cum hæc omnia sunt essentialia homini, perfectè hominis naturam & essentiam non potest quis scire antequam hæc, & omnia alia quæ sunt ei essentialia perfectè cognoscit: sic nec effectum distinctè, plenè & perfectè unquam potest quis cognoscere, antequam propriam & proximam causam illius effectus cognoscit; quia perfecta cognitio effectus, est scire illius veram ac propriam causam. Hoc observato, clara est ad argumentum responsio. Idem, ut ait Arist. non est notius nobis confuse & imperfectè res cognoscentibus, ac natura: sed tali cognitione ea quæ nobis sunt notiora, sunt naturæ suæ minùs cognita. At quando rem ullam singularem, aut ullum effectum plenè, perfectè, ac distinctè cognoscimus, tum idem est nobis notius quod est naturæ notius. Jam quia in omni Demonstratione gignitur in nobis cognitio, ideo omnis Demonstratio procedit ab iis quæ nobis sunt notiora. In omni Demonstratione quidem causæ per effectum, proceditur à cognitione effecti, quod est nobis notius, ad cognitionem causæ, quæ est nobis ignotior: in Demonstratione autem effectus per causam, proceditur ab eo quod est & naturæ suæ notius, & simul etiam nobis notius, perfectè ac distinctè effectum illud cognoscentibus. Hoc si rectè teneas, complures difficultates facile expediet.

Axiomata & Theles actu non ingrediuntur Demonstrationem.

Explicui nunc integram Demonstrationis in Genere definitionem. Quæres fortasse quare Axiomatum, & Thesum omissa sit mentio, præsertim cum hæc inter Demonstrationis Principia, recensent Arist. 1. Dem. cap. 2. nu. 13. Dicam paucis: Ego ea tantum Principia quæ interna sunt, & intrinsecæ, quæque actu & expresse Demonstrationem ingrediuntur, explicui; ea autem sunt solummodo Præmissæ ipsæ, ex quibus Demonstratio fit & constat. Axiomata verò & Theses, Principia sunt etiam Demonstrationum, sed

sed externa & extrinseca, quæ virtute solum & implicite, nunquam actu & expresse Demonstrationem ingrediuntur, sed sunt instar valli & sepimenti, quo Præmissæ ipsæ muniantur. Nam cum te magistro alicui instruendum in aliqua scientiâ tradis, quoties opus est, Præmissas suas doctrinales explicabit ille tibi inductione aliquâ, aut docebit eas inniti Axiomati alicui aut Theſi, eoque velut vallo defendi earum veritatem: probare verò illas per ulla media quæ naturâ suâ notiora sunt, non potest; quia medium notius nullum est aut dari potest. D. his igitur quæ extra Demonstrationem sunt, non erat necesse in definitione Demonstrationis mentionem facere. Sed ne hæc omiſſa queri possis, brevi, quantum ad ea satis erit, expediam.

Axioma est *Propositio seu Principium indemonstrabile, in aliqua Disciplinâ, tam clara & conspicua veritatis, ut eam ignorare vix possit qui Disciplinam illam discere velit.* Tale est hoc in *Metaphysica*: De omni verum est dicere, aut esse, aut non esse; vel esse hoc aut non esse hoc: & illud, impossibile est idem simul esse & non esse. In *Mathematica*, Omne totum esse majus suâ parte. In *Physica*, Deus & Natura nihil frustra faciunt. In *Ethica*, Omnia (quæ appetunt) bonum appetunt, & similia. Lucent nimirum hæc suâ luce, ideoque hoc tam amplo & vere augusto nomine, *Axiomatum, Dignitatum, & Maximarum* meritò vocantur: quia propter suam maximam evidentiam digna sunt, quibus maxime fidem adhibeas. Certè enim bilem mihi ac stomachum semper facit, quòd novitius & nuperus homo Petrus Ramus, qui sùsque deque omnia versat, *Propositiones omnes Axiomata* vocare audeat, lib. 2. ca. 3. & suos sectatores sic eas appellare instituit: apud quos nihil frequentius legas, vel audias quàm *Axiomata contingentia, Axiomata probabilia*, imò *Axiomata falsa, & Axiomata etiam absurda & impossibilia*. Apagè hos idiotismos. Sed mittamus Ratum; vapulat ille sæpe, nec unquam tamen satis, in Peripateticorum scholis. Nos ficum, ficum, ligonem, ligonem, propositionem, propositionem dicamus; *Axiomatis* verò hoc augustum nomen, eis quæ verè *Axiomata* sunt, *Maxima & Dignitates*, uti dignum est, relinquamus.

Axioma quid.

Ram. lib. 2.
Dial. ca. 3.

Theſis est *Propositio seu Principium indemonstrabile in aliqua Disciplinâ, quod licet is qui instituitur ignorat quando ad discendum accedit, tamen magister sine probatione ponit illud, & postulat a suo discipulo, imò verò imperat, ut pro vero, certo ac indubitato accipiat credatque.* Nam discitem oportet primò credere, post verò in progressu scientiæ meritò illud credendum esse videbit ac intelliget.

Theſis quid.

Theſium duæ sunt Species; *Suppositio, quâ rem aliquam esse aut non esse ponimus, & Definitio, quâ quid res sit ponimus.* Nam utrùm res sit, vel non sit, *Definitio* non docet; sed si ve sit, si ve non sit, *quid sit*, & quæ illius rei essentia ac natura sit, quæ per illam vocem notatur indicat: Exempli gratiâ, Accedis ad Naturalem Philosophum, instrui rogas: quia Corpus esse ullum in communi adhuc nescis, & demonstrari non potest, jubet te paulisper ponere hoc pro certo, esse tale corpus. Tum quia quid sit illud Corpus ignoras, definit ille quid per illam vocem notetur: & postulat, ut ei in his fidem habeas. Ecce in utrisque est *Theſis*; in priori, ubi ponitur Corpus esse, est *Suppositio*, in posteriori, ubi ponitur quid sit Corpus, est *Definitio*. Idem in aliis omnibus Scientiis sit. Magistri illarum ponunt (si tu ea ignoras) & quod sint talia subjecta de quibus acturi sunt, & quid sint: tæque, ut in his, eis fidem habeas, jubent. Hic si annuis, libenter ille ulterius instruet te, & erudiet in illa Disciplinâ; sin te ista vel nolle, vel non posse capere respondebis, ille, sicut par est, te non solum ut indoctum, sed verè indocilem dimittet, & cum Alabandensi magistro ad alias artes, ad aratrum opinor aut pascua, ut bubulcum agas, amandabit.

Suppositio.
quid.

Definitio. quid.

Sed de Demonstratione in Genere illiusque Definitione hæc satis multa.

CAP. II.

De Demonstratione à Causa.

Sequuntur nunc Species Demonstrationis. Ex duæ sunt: una est à Causa altera ab Effectu. De priori agamus, primò in Genere: secundò in Specie.

Demonstratio à Causa, quid. Demonstratio à Causa, duæ sunt Definitiones: prior, quæ sumitur tam à fine propter quem fit, quàm ab effectu quem producit, est hæc, quæ traditur ab Arist. 1. Dem. c. 2. nu. 5. Demonstratio à Causa, est Demonstratio, quæ facit nos scire aliquid quare ita fit. Nam Demonstratio à Causa, & in hunc finem fit, ut sciamus quare hoc ita fit, & cum Demonstrationem habes, illa facit te id scire: ut quando Risibile demonstratur inesse homini per Rationale, per illam Demonstrationem scimus non modo quòd homo sit risibile, sed quare sit risibile. Etenim ut ibidem docet Arist. nu. 1. Scire, est rem per causam sic cognoscere. ut sciamus hanc esse veram, propriam, & proximam causam cur tale Accidens alicui Subjecto insit, ita ut aliter esse non possit quia propter hanc causam insit.

Nihil propriè scitur nisi Accidens.

Ex hoc liquido constat, Scientiam propriè dictam esse nullius rei nisi solius Accidentis neque Subjecti cui inest, neque Causæ: nam quid sit Subjectum cognoscitur quidem, non autem propriè scitur, sed habitus ille quo quid illud sit cognoscimus, est Intellectus, (non Scientia) quo solo habitu Principia omnium Scientiarum, & Disciplinarum cognoscuntur. Quod etiam hoc sit causa quare Accidens illud huic Subjecto inest cognoscimus, sed habitu iidem intellectus; propriè autem non scimus, nam tum Causa illius alia prior Causa daretur, & illius alia, & sic in infinitum, quare sequeretur nihil unquam sciri posse. Ambæ igitur Præmissæ cognoscuntur esse certissimæ quòd ita sunt, sed neutra scitur, quia quare ita sunt non scitur. Sola Conclusio, in qua Accidens hoc vel illud, huic aut illo Subjecto inesse demonstratur, ea sola sciri dicitur, quia huius solius causa quare insit scitur.

Alia definitio Demonstratio- nis à Causa.

Altera Definitio sumitur à materiâ, ex qua fit talis Demonstratio: ea hæc est, quæ ex Arist. colligitur, 1. Demost. cap. 2. nu. 6. & seq. Demonstratio à Causa, est Demonstratio, in quâ ex Præmissis non solum veris, certis, ac necessariis, sed etiam causis Conclusionis eisque immediatis, nobis simul ac naturâ notioribus, Accidens quòd Subjecto alicui necessario convenit, demonstratur eidem Subjecto convenire. Hæc definitio ex priori consequitur; nam si Præmissæ debent facere nos scire Conclusionem, debent etiam omnes has antedictas Conditiones habere, cum scire rem aliquam, sit nihil aliud quàm eam ex Præmissis talibus veram esse, certam ac necessariam cognoscere.

Quomodo Præmissæ sint causæ Conclusionis.

Et quidem quòd Præmissæ debent esse veræ, certæ, ac necessariae, hæc habet Demonstratio à Causa à Demonstratione in Communi. Omnis enim Demonstratio quâ est Demonstratio, tales Præmissas habet ac habere debet. Tres autem illæ posteriores Conditiones propriæ sunt Demonstrationis à Causa, & hic mihi explicandæ videntur. Prima est quòd Præmissæ debent esse causæ Conclusionis. Dicuntur autem causæ tam in essendo, quia causant in rem ita esse, quàm etiam in cognoscendo, quia causant nos scire istam Conclusionem; nam quia rationale est causa risibilitatis, & convenit homini ideo risibilitas etiam homini convenit, etiam, quia nos per habitum intellectus certè cognoscimus tam rationale esse causam risibilitatis, quàm rationale convenire homini, ideo certò scimus risibilitatem convenire homini.

Atque hinc observandum est diligenter Axioma indubitatum & verè fundamentum,

cui innituntur omnes omnino Demonstrationes à Causa: *Cuiusque Subjecto convenit Fundamentum proxima Causa alicujus Accidenti, eidem illud ipsum Accidenti convenire necesse est.* In-
dividuo enim atque ins. parabili neu semper conjunguntur, & se mutuo concemitantur *num omnium à*
causa proxima, & effectus ipsius, ita ut cui unum convenit, & alterum convenire necesse *Causa.*
sit.

Secunda Conditio est quòd Arist. dicat Propositiones in Demonstratione à Causa esse *Immediatas seu primas.* Idem enim hæc duæ voces apud Arist. hoc loco sonat: Nam *Quomodo Pra-*
primum, hic, non significat id quod est remotissimum ab effectu, sed planè causam effe-
ctui proximam, quâ positâ jam primò ac immediatè effectus ponitur, nullâ omnino al-
liâ Causâ mediante aut interveniente. Hoc ut intelligas tene diligenter hanc distinctio-
nem: Propositio dicitur *Immediata* duobus modis: Primo modo dicitur immediata *Imme-*
diatione Causæ, quando unus terminus Propositionis est proxima ac immediata causa al-
terius, ita ut nullâ omnino sit causa, quâ mediante Prædicatum insit illi Subjecto: ut hic,
Homo est rationalis, Rationale est risibile. Nulla enim omnino causa est, quâ medi-
ante vel rationale inest homini, vel risibile rationali. Alio modo Propositio est immediata
Immediatione Subjecti, quando unus terminus est immediatum & proximum Subjectum
alterius, sic ut Prædicatum immediatè insit illi Subjecto, nullo alio Subjecto mediante,
licet insit eidem mediante aliquâ causâ. Ut hic, Homo est risibilis, homo est rationalis. Hæc
verò non sunt *immediata*, sed *mediata*, Homo est sensibilis, Socrates est risibilis; quia sen-
sibile inest homini mediante alio priori Subjecto, nempe animali, cui prius inest sensibile;
sic risibile inest Socrati mediante alio Subjecto nempe homine. Idem planè dicendum de
Primo, nam exempla prioris modi sunt Propositiones primæ *primitate causæ*, exemp'a po-
sterioris modi sunt Propositiones primæ *primitate Subjecti*, non autem primitate Cau-
sæ.

Hoc observato, faciè videas quæ Propositiones in ulla Demonstratione sunt immédia-
tæ, & primæ, quæ verò non sunt. Et sanè *Conclusio in ulla Demonstratione à Causa, est*
immediata immediatione Causæ; quia semper Accidenti demonstratum inest in eo sub-
jecto mediante aliquâ causâ: *sæpe verò est immediata immediatione Subjecti*; quia Acci-
dens debet de suo proximo & immediato subjecto demonstrari, si illud inveniri possit.
Major semper est immediata immediatione Causæ, (quam immediationem Arist. præcipue
spectavit.) Utrum vero sit immediata, *immediatione Subjecti*, non multum refert, *Minor*
sæpe est immediata immediatione Causæ & Subjecti, sed non semper: nam aliquando est
immediata solum immediatione Subjecti non Causæ, aliquando non est immediata vel
immediatione Subjecti vel Causæ. Neque an sit immediata vel non, eandem refert. Satis est
ad Demonstrationem si per *immediatam Causam*, Accidenti demonstretur de immediato ip-
sius Subjecto (si inveniri possit) tunc enim Demonstratio verè dicitur ex immediatis con-
stare, quia & Major erit immediata immediatione Causæ, & Conclusio immediata imme-
diatione Subjecti.

Ex hoc vero quod Causa proxima & immediata Accidentis semper accipi debet, qua-
tuor ista consequuntur: Primum est quod *in omni Demonstratione à Causa tria requi-*
runtur. Primo, id quod demonstratur, & hoc semper est Accidenti quod Subjecto
inest aut conv. nit. Secundo, id de quo fit Demonstratio, & illud semper est Subje-
ctum cui Accidenti quod demonstratur inest. Tertio, id per quod fit Demonstratio, & illud
semper est *Causa proxima* atque immediata illius Accidenti, quod illi Subjecto inesse de-
monstratur.

Secundum est, quod *nemo unquam scire quidquam dicens est nisi sciat causam, pro-*
ximam illius, ac sciat etiam hoc & nihil aliud, esse causam proximam illius, sic ut
cuiusque illa Causa conveniat, necessè sit effectum, ob istam causam eidem convenire, &
cuiusque causa illa negetur convenire, necessè sit effectum illud eidem hæc de causa non
convenire. Quare si quis probat aliquid per causam remotam, neque Syllogismus talis sci-
entiam unquam gignet, neque *Demonstratio à Causa* (scilicet solum probatio à causa remota vo-
canda

Nemo scit, nisi
causam proxi-
mam cognoscit.
Probatio per
causam remo-
tam non est De-
monstratio.

candaeſt; Et enim Argumentatio tum ſolùm Demonſtratio dicenda eſt, quando nulla potior eſt & præſtanti- or ratio probandi Concluſionem, quàm illa quæ adhibetur: at probatio per cauſam proximam longè potior & præſtanti- or eſt, quàm per cauſam remotam, quare hæc non eſt verè Demonſtratio appellanda. Pleræque verò tales probationes à cauſa remotâ, *negativa eſſe ſolent*; quomodo ſi probem arborem non reſpirare, quia non eſt animal, cauſam certam quidem dedi, quia nihil niſi animal reſpirat; ſed non cauſam proximam: Quia, ſi non eſſe animal, eſſet proxima cauſa *non reſpirandi*, tum eſſe animal, eſſet cauſa proxima *reſpirandi*; at multa animalia non reſpirant, ut in Piſcibus, Vermibus, & Inſectis apparet. Sed ſi probem arborem non reſpirare, quia non habet pul- mones, Demonſtrationem dedi negativam à cauſa proximâ: quia proxima cauſa reſpirandi ſunt pulmo- nes.

+ *Medium ſem- per eſt Cauſa Majoris ex- tremi.*

Tertium eſt, quòd *Medium in omni Demonſtratione à Cauſa eſt cauſa Majoris extremi, ſeu Accidentis quòd Subjecto in eſſe demonſtratur.* Certant hic inter ſe interpretes. Fatentur omnes medium ſemper eſſe Cauſam, ſed cujus cauſa ſit digladiantur. Aquinas vult eſſe Cauſam tantùm Majoris extremi, Egidius tantùm Minoris, Tomitanus utriusque. Vere illi ac ſtrenuè nugæ agunt, & nodum in ſcirpo quærent. Evenit quidem in quammultis Demonſtrationibus ut medium ſit cauſa utriusque extremi formalis cauſa Minoris, efficiens Majoris. Sed ſemper eſt, & eſſe debet Cauſa Majoris extremi, aliter Demonſtratio à cauſa dici non poſſet. Nam *locus arguendi ſemper accipitur ab eo reſpectu quem medium habet ad Majus extremum*, ut in Topicis diximus; utrum verò medium ſit Cauſa Minoris extremi vel non ſit, id ad Demonſtrationem ne ꝑd facit.

+ *Medium ſem- per eſt Defini- tio Majoris ex- tremi.*

Quartum eſt, quòd *Medium ſicut eſt Cauſa, ita eſt ſemper definitio Majoris extremi, vel Accidentis quòd Subjecto in eſſe demonſtratur.* Hoc diſerte docet Ariſt. lib. 2. De- monſt. cap. 17. nu. 6. ubi ſic ait, *Medium autem eſt definitio primi extremi, & ideo omnes ſcientia per definitionem comparantur*: & lib. cod. cap. 8 nu. 11. *Quære*, inquit, *Cur ſit, nihil aliud eſt quàm quære Quid ſit*; & li. 2. ca. 2. nu. 4. *Idem eſt, Quid eſt, & Quamobrem eſt*, & alibi ſæpe. Miſere ſe in hoc torquere ſolent interpretes. Labyrinthus verè hoc ipliſ e- rat; & eſſet credo adhuc, niſi Zabarella filum ſuum porrexiffet. Rem ſic accipe: Aliter res ſe habet in Subſtantiis, aliter in Accidentibus. Subſtantia, & ea omnia quæ Subjecto ratione in ulla Scientiâ habent, non habent aliam quàm *effentialem definitionem*, quæ conſtat ex Genere & Differentiâ. At Accidentia, ea ſaltem quæ demonſtrantur omnia, præter effentia- lem ſuam definitionem, quæ conſtat ex ſuo Genere & Differentiâ, habent aliam *cauſalem definitionem*, in qua exprimitur cauſa, vel efficiens, vel finalis, quare inſunt aut conveniunt Subjecto: habent etiam tertiam definitionem ex *utriusque bis conſtatam*, quæ eſt virtute in- tegrali Demonſtratio. Vide hoc in Eclipſi: ejus *effentialis definitio* eſt, Privatio luminis in corpore illuminato; ejus *cauſalis definitio* eſt, interpoſitio alicujus opaci Corporis in- ter Corpus illuminans & illuminatum, ita ut umbra opaci comprehendat ſeu operi- at Corpus illuminatum. *Definitio perfectæ* Eclipſis ex utriusque hiſ conſtat, & conti- nèt virtute totam Demonſtrationem, ut in Demonſtratione illa de Eclipſi Lunæ li- quidum eſt. Idem in omnibus aliis Accidentibus quæ de ullo Subjecto demonſtran- tur certum eſt. Hinc nodi omnes ſolvuntur: *In omni Demonſtratione à Cauſa, medium eſt Definitio cauſalis Majoris extremi*: in quàm multis accidit quidem, ut *Medium ſit Definitio, vel pars præcipua definitionis Minoris extremi*, non quidem definitio illius cau- ſalis, ſed effentialis; ut in exemplo de homine & riſibili clarum eſt. Utrum verò medium ſit, vel non ſit definitio Minoris extremi. ad Demonſtrationem nihil omnino in- teret.

+ *Præmiſſæ & naturæ & no- bis notiores Concluſione.*

Tertia Conditio in definitione Demonſtrationis à Cauſa poſita eſt hæc, *quòd Præmiſſæ ſint notiores, & priores non nobis ſolùm ſed naturæ ſuæ.* Nobis notiores eſſe neceſſe eſt, quia aliter non poſſent facere nos cognoscere Concluſionem. Et hoc Præmiſſis De- monſtrationis in Genere, quæ eſt Demonſtratio, convenit, ut antedictum eſt, quia *Quicquid facit tale eſt magis tale.* Naturæ verò, Præmiſſæ in hac Demonſtratione à Cauſa

Causæ sunt notiores & priores Conclusionē, quia omnis Causa prior est naturā, seu notior naturā affectu: Præmissæ autem in hac Demonstratione à Causa sunt, ut antè diximus, Causæ Conclusionis: sunt igitur simul, & naturā suā priores & notiores, & etiam nobis priores, distinctè ac perfectè effectum illud cognoscentibus.

Ac de Demonstratione à Causa in Genere hæc dicta sint,

C A P. I I I.

De prima Specie Demonstrationis à Causa, quæ est à Causa efficiente per emanationem.

Quid generatim omni Demonstrationi à Causa conveniat diximus. Nunc ad illius *Tres Species* Species accedamus: Eas ego *tres esse nec plures, nec pauciores* sentio. Omnis enim Demonstratione Demonstratio à Causa, vel est à Causa efficiente per emanationem, vel à Causa nis à Causa efficiente per externam actionem, vel à Causa finali.

Demonstratio à Causa efficiente per emanationem est, quando Medium est causa efficiens per emanationem, eaque proxima & immediata Majoris termini, id est, illius efficiente per emanationem, qui Subiecto inesse demonstratur. Atque hoc modo demonstrantur omnia omnino Accidentia propria de suis propriis Subiectis, sed non omnia tamen propria ejusdem Subiecti, per idem medium demonstrantur de illo Subiecto.

Observandum enim est sedulo atque accuratè, quòd licet omnia propria accidentia unius Subiecti emanant ab unâ eadem essentiâ subiecti, non tamen emanant omnia immediate ab illa essentiâ, sed certo quodam ordine, sic ut unum proprium accidens sit factum, sed quodam penumerò immediata Causa alterius. In vivente, ab anima vegetativâ immediate fluit vita, à vita fluit potentia primo nutriendi, idèoque recipiendi, dirigendi, atque assimilandi alimentum, & expellendi excrementa: Secundo, potentia augendi donec ad statutam mensuram vivens pertingat: Terziò, generandi sibi simile in specie. Sic in animali, ab anima sensitivâ immediate fluit Sensibile, (quæ est naturalis potentia sentiendi): à potentiâ sentiendi, fluit potentia imaginandi per phantasmata accepta: ab hac potentia judicandi ea quæ sunt jucunda vel molesta sensui: ab hac potentia tam appetendi quæ sunt jucunda, quàm fugiendi quæ sunt molesta: ab hac, amor jucundi objecti, & odium molesti: ab hac rursus, voluptas in fruendo quod jucundum est, & dolor in ferendo quod molestum est. Ab anima rationali immediate fluit potentiâ ratiocinandi: ab hac, primo fluit potentia judicandi verum & falsum in omni re, & ab hac, potentia tam inveniendi, quàm discendi quasvis artes & disciplinas, easdemque aliis docendi. Secundo, potentia judicandi (humano more scilicet, per phantasmata recepta) quæ bona sunt, quæ mala: ab hac, potentia humano more volendi ea quæ bona, & nolendi ea quæ mala judicantur: ab hac, potentia humano more bene agendi, sic ut fias bonus; & malè, sic ut evadas malus; ab hac potentia beatè vivendi ac miserè. Terziò, potentia judicandi quid aptum ac secundum rationem decorum cuique sit, quid item indecorum & ineptum vel dicere vel facere: ab hac, potentia voluptatem capiendi in rebus seriis cum apprehenduntur ut decora, in rebus ludicris, cum apprehenduntur ut rationi indecora, & deridenda: ab hac, potentia ridendi. Etenim ut risus non immediate oritur à ratione, (nam multi ratione utuntur quando non rident) sed ex hoc, quod quis judicat aliquid esse rationi indecorum, & tamen ludicrè, sic ut animus in eo gestire debeat, ac risu.

risu voluptatem exprimere; itidem potentia ridendi, non immediate fluit ab anima rationali vel à potentia ratiocinandi, sed à potentia judicandi aliquid quod ludicre est, esse rationi indecorum, ineptum ac ridendum. Similiter à potentia judicandi quoddam aliquid justè ratione molestum vel jam sit, vel fuerit, vel futurum nobis sit, oritur potentia flendi. Nam ut fletus non oritur à dolore quovis, nec ab apprehensione objecti cujusvis molesti non enim à sensitivo, (cùm dolorem habeat bruta quibus fletus non convenit) sed ab objecto tali, quod ratio apprehendit vel esse, vel fuisse, vel forte molestum valde nobis, idèò per dolorem in animam ac deplorandum; itidem risus, non oritur ab apprehensione objecti cujusvis grati ac jucundi, nec à quavis voluptate non enim à sensitivo; quia nec bruta ridet, quibus tamen voluptas sensitiva inest, nec homines etiam in multis sensuum voluptatibus; sed nec ab omni voluptate animi, nam in rebus seriis, ut in contemplatione animi, in agendo secundum virtutem, in fruitione amicorum, magnum sine dubio capit animus voluptatem) sed risus tum oritur cùm mens apprehendit aliquid objectum non solum ut jucundum, sed ut rationi incongruum, & ut leve etiam ac ludicrum, idèò que tale, ut merito in eo latari animus debeat, & voluptatem quam capit risu exprimere.

Idem in aliis dici posset: fluunt certo ordine diversæ Proprietates ab essentia Materie primæ, Spirituum, Corporis, Elementorum, Corporis Mixti, Lapidum & Mineralium, Plantarum, Arborum, & Herbarum omnium, Bruti, Quadrupedum omnium, itèmq; Piscium, Avium ac Serpentium. Quis in istis aliisve vel omnes Proprietates fluentes ab ullâ formâ, enumerare potest, vel ordinem quo se invicem sequuntur declarare? Opus non dico arduum, sed verè impossibile, ut merito mortales nos magnum nec verbis ullis exprimendam imbecillitatem nostrorum omnium ingeniorum agnoscere hic debeamus, & planè aut cum Heraclito deslere incisciam nostram, aut cum Democrito apud Ciceronem *b* exclamare, *Veritatem & Causas veras in profundo abditas, & penitus absconditas esse.* Specimen ego in his paucis exempla dare volui, quo intelligamus, primò infinitas esse rerum formas ac essentias, quarum vix ulla, aut si forte aliqua, certè quidem minutissima earum pars nobis adhuc cognita est: deinde ut videamus quantum hec fit, quod nos scire putamus. Verè dico, tam exiguum est atque exiguum, si ad immensum illud pelagus, imò infinitum Chaos & mundum rerum quas nescimus confatur; ut nobis omnibus sit cum Socrate cognoscendum, *nihil nos scire, nisi quod nihil scimus*: Et cum Hier. *d* *Nos vermiculi & culices, solum debemus scientiam inscientie profiteri.* Et quanto quis magis doctus, sciens ac sapiens est, eo magis perficiet quam longè, & verè infinitis parangis, abest à perfecta sapientiâ & absolutâ illâ tam infinitarum rerum scientiâ. O spes humanum fallaces? O vanas & inanes cogitationes nostras! Scire nos & sapientiæ thesauros tenere putamus, cum vix umbram ejus habeamus, cùmque eam, non dico intus & in cute, sed ne de vultu quidem ac facie cognoscamus; quique ut Theophrastus apud Laërtium dicere solebat, *Cum incipimus sapere, tunc minimur.* Audi igitur Sapientiæ ipsius verissimam vocem, *Admonitus ex istis esto, fili mi; facienda ac legendi multo libros nullum esse finem: Summa omnium ac Caput hoc est, Deum reverere, & præcepta ejus observa, quia hoc est totum homines: Hoc si scis, satis est si cætera nescis; absque hoc scire omnia nescire est.* Verissime Aug. *li. 5. Confessionum. cap. 4. Infelix: homo qui sciat illa omnia, te autem nescit; Beatus autem qui te scit, etiam si illa nesciat: Qui verò & te & illa novit, non propter illa beator, sed propter te solum beatus est, S. d. ideo unde digressus sum.*

b Lib. 1. Acad. quæst. pag. 22.

c Vide Hier. tom. 3. Epist. ad Paulinum quæst. 1.

d Tom. 3. Epist. ad Evagrium, quæst. 24.

Propria omnia fluunt à forma vel immediate vel mediate.

Ex eis quæ dixi duo hæc cerneere potes; primum est, quod omnia propria accidentia illius subjecti manant ac fluunt ab essentia; naturâ aut formâ illius subjecti, vel immediate, vel mediate, idèòque forma seu essentia illius subjecti, est *Causa efficiens per emanationem* omnium tantum accidentium quæ illi subjecto insunt; sed est causa aliquorum immediata & proxima; aliorum vero mediate ac remota. Secundum est, quod multa propria

propria accidentia fluunt, & emanant immediate, non à formâ aut essentiâ subjecti, sed Unum proprium ab alio accidente proprio, quod prius emanaverat ab illa formâ, ideôque Causa proxima Causa proxima talium accidentium priorum non est forma aut essentiâ subjecti, sed aliquid proprium alicuius accidentis emanans ab illa essentiâ.

Atque ex istis duæ Regulæ consequuntur, per quas omnes Demonstrationes à causa efficiente per emanationem facile intelligi poterint. Prior est hæc, *Omne proprium accidens quod immediate fluit ab essentiâ aut formâ alicujus subjecti, demonstratur de illo subjecto per illam formam aut essentiâ Subjecti.* Vulgare exemplum est, illud de Rationali & Risibili: & quidem, ut exemplum admitti potest quomodo nos sæpe ante admisimus, quia illustratio non exacta veritas quærenda est in exemplis: Sed quoniam (ut mihi quidem videtur) Rationale non est vere essentiâ aut essentialis differentia, sed potius naturalis potentia, ideôque accidens proprium, quod ab essentiâ & differentia hominis (quæ verè est, prædictum esse animâ rationali,) emanat: & quia risibile non fuit immediate, vel ab animali rationali, vel ab illâ potentiâ, ratiocinandi, (etiamsi differentiam esse ponamus) sed ab alio accidente inde fluente, ut antè ostendimus; det mihi veniam Lector, si hic à vulgo dissentiam, & Exemplum illud ad sequentem regulam referam, uti reverà referendum est. Quamquam positis eis, quæ vulgò (licet non verè,) ponuntur, quòd rationale sit vera differentia, & quòd risibile immediate à rationali fluat his inquam positis pro exemplo hujus Regulæ adhiberi potest. Et quod de rationali dixi, idem omnino pari modo de Sensibili, & Vegetativo dicendum sentio; exempla verò hæc subijcio hujus primæ Speciei Demonstrationis.

In quibus forma subjecti est Medium.

Omne prædictum animâ rationali est rationale, seu habet naturalem potentiam ratiocinandi:

Omnis homo est prædictum animâ rationali,

Ergo omnis homo est rationalis seu potentiam habet naturalem ratiocinandi.

Sic hoc aliud:

Omne prædictum animâ sensitivâ potest sentire, vel est sensibile,

Omnis animal est prædictum animâ sensitivâ,

Ergo est sensibile.

Sic hoc:

Quicquid habet formam corporis (quæ Corporietas dicitur,) est extensum in longum, latum, & profundum,

Omnis corpus habet formam Corporis.

Ergo omne Corpus est sic extensum.

Sic & hoc:

Omne materiatum seu habens materiam est mutabile,

Omnis Substantia completa est materiatum seu materiam habet,

Ergo omnis Substantia completa est mutabile.

Similiter de omnibus omnino formis atque essentialibus Differentiis Substantiarum dici potest.

Id verò observa de hæc prima Demonstrationum Classe: quòd si ulla Demonstratio sit certè hæc & nulla alia Demonstratio est *potissima* vocanda: nam quæcunque in ullâ Demonstratione requiri possunt, hic inveniuntur omnia. Propositiones hic omnes veræ sunt, *stratio aliqua* certæ ac necessariæ, & necessariæ, juxta omnem gradum Necessitatis; omnes enim sunt *potissima*. De Omni, omnes Per se; Major & Conclusio Per se secundo modo, Minor Per se primo modo, omnes etiam Quatenus ipsum. Subjectum hic semper est proprium ac immediate.

H h

diam

mediatum Accidentis demonstrati subiectum. Accidens est proprium & proximum accidens illius subiecti. Causa quæ est Medium, est semper immediata ac proxima causa utriusque extremi; Majoris quidem causa efficiens per emanationem, Minoris causa formalis. Propositiones omnes etiam sunt immediatæ Major & Minor immediatione Causæ, Conclusio immediatione Subiecti. Præmissæ denique sunt Causæ Conclusionis, ideoque & priores ipsæ, & notiores tam naturæ, suæ, quam nobis distincte & perfecte conclusionem illam sciuntibus. Ita nihil omnino in Demonstratione ulla desiderari potest, quod in omnibus hujus Classis Demonstrationibus non cumulare præsterur. Quare si ulla, hæc certe potissima nuncupanda est. Sed ego nullam illius potissimæ Demonstrationis mentionem apud Arist. me legisse memini, nec inter eas quæ sunt à Causa potissimam ullam agnoscere.

Proprium omnium Demonst. aliud de Subiecto.

Altera Classis Demonstrationis à Causa efficiente per emanationem hac Regula explicatur: *Omne proprium Accidens alicujus Subiecti, fluens immediate ab alio proprio illius Subiecti, demonstratur de illo Subiecto per illud proprium accidens, quæ est proxima ejus & immediata causa à quâ fuit.* Exemplum hujus ponit Arist. 1. Dem. cap. 10. nu. 5.

Omne globosum, & non translucentum, recipiens lumen aliunde paulatim augetur, & per Cornua:

Luna est globosa, & recipit lumen aliunde, & non est translucida:

Ergo Luna accrescit paulatim.

Simile est hoc,

Omne rationale habet potentiam judicandi quid sit apud, & decorum, quid item inoprum, indecorum, ludere ac ridiculum, vel in factis, gestu, vel dictis; potestque illud si ludere sit & ridiculum, cum voluptate animi apprehendere:

Omnis homo est rationalis, & potest illud si ludere sit & ridiculum, cum voluptate animi apprehendere:

Ergo omnis homo habet potentiam judicandi, &c.

Item;

Quicquid habet potentiam judicandi, & cum voluptate apprehendendi id quod est indecorum, ludere ac ridiculum, potest ex illâ apprehensione, risu suam voluptatem animi exprimere, vel est risibile;

Omnis homo habet istam potentiam;

Ergo omnis homo est risibilis.

Sic hoc,

Quicquid habet phantasiam quâ judicat aliquod objectum sensibile, vel esse sensui suo gratum ac jucundum, vel ingratum ac molestum, illud potest tam objectum jucundum appetere, prosequi, & amare, quam objectum molestum fugere, declinare, ac odisse:

Omne animal habet talem phantasiam,

Ergo omne animal potest objectum jucundum appetere, &c.

Sic hoc,

Omne extensum in longum, latum, ac profundum, est & divisibile in infinitum, in longum, latum ac profundum, & locale in loco circumscriptivo;

Omne Corpus est sic extensum:

Ergo omne Corpus est divisibile in infinitum, & locale in loco circumscriptivo.

Sic & hoc :

Quicquid potest nutrirī, potest alimentum sumere, digerere, assimilare convertere in suam substantiam :

Omne vivens potest nutrirī.

Ergo omne vivens potest alimentum sumere, &c.

Similiter dicendum est de omnibus aliis propriis accidentibus, quorum causa proxima non est forma aut essentia subjecti cui in sunt, sed aliud accidens proprium fluens ab illa essentia. Hæc exempli causâ apposuisse sufficit.

Hic verò observa Demonstrationes omnes hujus secundæ Classis esse per omnia similes illis quæ sunt in primâ Classe, nisi quod in his Minor semper est mediata, *mediatione Causæ* ter hanc & se, licet sit immediata *immediatione Subjecti*, ideoque Minor in his semper est demonstrabilis per aliam priorem causam. Et certè in Demonstratione non requiritur ut Minor sit immediata & indemonstrabilis : satis est si prius demonstrata sit per immediatam Causam ; tunc enim, licet sit actu demonstrabilis, virtute tamen est indemonstrabilis, quia postquam aliqua Propositio demonstrata est, tanti ponderis est ac valoris ad demonstrandum, ac si reverà esset actu immediata & indemonstrabilis. Et hoc in Mathematicis liquido est. Nam cum sint innumerabiles apud eos Demonstrationes, paucæ, quidem primæ, ex simpliciter immediatis constar, ex scilicet in quibus proprium aliquod accidens, (putâ trianguli, quadranguli aut aliorum) demonstratur de suo proprio subjecto per essentiam illius ; reliquæ omnes, quæ multo plures sunt, & propè infinitæ, ex accidente aliquo subjecti antè demonstrato sunt, tantamque vim habent, ac si immediatè essent & penitus indemonstrabiles.

Hæc dicta sint de primâ Specie Demonstrationis à Causâ, quæ est ab efficiente per emanationem. Nam hæc duæ Classes, non faciunt duas diversas Species Demonstrationis, cum in utrisque medium eundem omnino respectum habeat ad Majus extremum : est enim in utrisque Efficiens per emanationem, quare locus arguendi in utrisque idem omnino est.

C A P. IV.

De Demonstratione à Causâ efficiente per externam actionem.

Secunda Species Demonstrationis à Causâ, est à Causâ efficiente per externam actionem, non per emanationem : ut cum demonstramus Lunam eclipsari, quia inter ipsam & Solem terra interponitur. Ea sic definitur :

Demonstratio à Causâ efficiente externâ est, quando Medium est Causa efficiens externa, cujusque proxima & immediata Majoris termini, id est, illius effectus qui Subjecto inesse demonstratur. In omnibus enim Demonstrationibus hujus generis, Accidens tale demonstratur de Subjecto, quod non omnino manat aut fluit ab essentia Subjecti, sed ab extrinsecâ Causâ, quam necessario concomitatur tale Accidens in illo Subjecto. Scio nonnullos in eâ esse sententiâ, quod si veras ac genuinas formas atque essentias rerum cognosceremus, tum istorum etiam accidentium inveniēmus Causam aliquam internam ab essentia Subjecti fluentem ; sed quia essentias rerum ignoramus, ideo cogimur ad externas earum

rum Causas confugere, efficientem nempe externam, aut finalem, & per illas accidentia ista demonstrare. Hoc mihi nullo modo probandum videtur. Nam aliud est querere Causam quare Luna possit eclipsari, aliud quare actu eclipsetur: Certè enim ab essentia Lunæ fuit ut possit Luna eclipsari, & illud proprium est Lunæ: at quare eclipsetur, & suo lumine actu privetur, non est proprium Lunæ, magis quam risus hominis; nec ab essentia Lunæ fuit, sed ab extrinseca Causa & nulla alia, sicut risus in homine quare hujus generis Demonstrationes nunquam possunt ad priores revocari.

Quæ accidentia demonstrantur in hac Specie Demonstrationis.

Exempla hujus generis Demonstrationum sunt quamplurima; *Omnia enim Accidentia quæ certam ullam necessariam & proximam causam externam consequuntur aut concomitantur, quæ de illo Subiecto demonstrantur, hoc solo modo, nec ullo alio demonstrari debent.* Dixi necessariam Causam: nam si non sit necessarius nexus inter causam efficientem externam, & effectum, sic ut causæ illæ posita, ponatur necessarius ille effectus & contra; non est causa talis quæ Demonstrationem ullam unquam efficiat.

Capiamus primò vulgariissimum exemplum de Eclipsi Lunæ, eoque Libentius eo utror, quia in illa formandâ turpiter multi hallucinantur. Sic autem ut ego arbitror formari debet:

Omne corpus illuminatum ab alio, inter quod & corpus illuminans, opacum corpus sic interponitur, ut umbra opaci corporis operiat, & comprehendat corpus illuminatum, eclipsatur seu privatur suo lumine: At Luna est corpus illuminatum (à Sole) & inter Solem ac Lunam, corpus opacum (quæ est Terra) sic interponitur, ut umbra ejus operiat & comprehendat corpus Lunæ; ergo Luna eclipsatur seu privatur suo lumine.

Sic & hæc:

Omne corpus cujus excrementa humoribus conglutinantur ei, per talem humorum propter externum frigus congelationem, sic ut coherere amplius non possint, defluxum, casum, aut amissionem illorum excrementorum patitur: At omnis arbor est corpus, cujus folia, (quæ ipsis excrementa sunt,) & fructus, per humores conglutinantur ei, ergo omnis arbor per talium humorum congelationem, deflexum casum, & amissionem fructuum ac foliorum patitur.

Sic & hoc:

Quicquid commodè facit cibos descendere ad fundum stomachi, ubi concoqui eos oportet, adjuvat digestionem, & ideo salubre est; At moderata ambulatio post cœnam, aut prandium, facit cibos commodè descendere ad fundum stomachi, ubi concoqui debent: ergo moderata ambulatio post cœnam aut prandium adjuvat digestionem, ideoque salubris est.

Infinita hujus generis huc addere possis: ex his formam vides & faciem hujus secundæ Speciei Demonstrationis à Causa.

Qualis sit necessitas in Propositionibus hujus Speciei.

In hac autem secundâ Specie non reperiuntur omnes conditiones quas in priori Specie vidisti, sed omnes tamen quæ ad Demonstrationem illorum accidentium requiruntur aut desiderari debent. Propositiones omnes hic veræ sunt & certæ, etiam & causæ Conclusionis notiores ac priores, tam naturâ suâ quam nobis, distincte illud effectum cognoscunt. Sed necessitas talis Propositionum omnium non est hic qualis erat in priori Specie: Nam Major quidem hic semper est de Omni, & Per se quavis modo: Minor autem & Conclusio, neque est Per se ullo modo, neque De omni simpliciter, id est, omni omnino tempore: tamen sunt eo modo De Omni, qui ad hanc Demonstrationis Speciem sufficit: ita scilicet, ut semper effectus ille ponatur, posita causâ: & causâ semper ponitur, posito effectus: sic Luna eclipsatur, non quidem semper simpliciter, sed semper posita hac causâ: & Terra non simpliciter semper interponitur, sed semper posito hoc effectus: sic arbori non simpliciter semper defluunt folia, sed semper posita congelatione illâ humorum quibus arbori conglutinantur. Ad Demonstrationem quidem primæ Speciei, ubi proprium fluens ab

ab essentia Subjecti demonstratur de illo Subjecto, requiritur conditio illa *De Omni* simpliciter & absolute, quia causa talis accidentis semper inest Subjecto: sed in Demonstrationibus hujus secundæ Speciei (quod idem de tertiâ Specie dicendum est) quia Accidens tale demonstratur, quod non fuit ab essentia Subjecti, sed ab externâ causâ, non requiritur ut vel causa vel effectus semper & omni simpliciter tempore ponatur, sed hoc satis est (ut ex Arist. liquet. 1. Dem. ca. 7. num. 9.) si semper uno eorum posito alterum ponatur: ita Propositiones sunt *De Omni respectu Causæ*, non respectu Temporis aut Subjecti; & causa dici potest *De Omni*, respectu Effectus; non respectu Subjecti aut Temporis.

Quod verò ad immediationem hic attinet, *Major in his semper immediata immediatione Causæ*: Minor nullo modo est immediata, quia in Minori conjungitur semper Causa accidentis cum subjecto accidentis, quorum neutrum alteri inest vel immediatè vel mediatè. Conclusio autem est immediata *immediatione Subjecti*, si accidens primo ac immediato suo subjecto demonstratur: ut Luna est primum ac immediatum subjectum Eclipsis lunaris, licet non simpliciter Eclipsi. Nam Venus & Mercurius propter eandem omnino causam eclipsantur, propter quam Luna. Quare ut ego sentio, ad Demonstrationes hujus secundæ Speciei non requiritur subjectum proprium accidentis demonstrati: sed satis est si de subjecto ullo cui accidens tale necessariò (positâ causâ) inest, demonstretur. Quâ etiam de causâ non requiritur in hac specie demonstrationis ut subjectum sit Species, quod in priori Demonstrationis à causâ Specie semper evenit, & necessariò requiritur. Etenim certum est, de Lunâ Eclipsin demonstrari, & hoc discretè asserit Arist. 1. Dem. ca. 7. nu. 9 & 2. Dem. ca. 8. nu. 8. & ca. 2. nu. 2. & sæpe alibi: & tamen Luna pars est continua sui orbis, non aliquod totum, & ita non magis Species, quàm caput aut manus, quæ non sunt Species, sed partes integrantes Individuorum Speciei. Quia enim non queritur in Demonstratione quidquam aliud, quàm causa proxima, quare accidens hoc vel illud inest huic subjecto, quid refert utrum subjectum sit proprium an commune, utrum pars an totum, utrum Species an Individuum; modo certo appareat hanc esse causam proximam cur insit? Quare etsi tanta non sit omnium Propositionum necessitas aut immediatio in hac Specie, quanta fuit in priore, tamen tanta est, quanta ad hanc Demonstrationem, & ad demonstrandum hoc accidens de suo subjecto necessaria est, imò quanta vel queri ab ullo debet, val dari ab ullo potest.

Dices, Si hoc ita sit, tum faciendum est illas Demonstrationes primæ Speciei, esse potiores his, & has non esse vocandas potissimas Demonstrationes, cum aliæ his potiores sunt, quia plures condiciones Necessitatis in se habent.

Respondeo, quod si Demonstratio illa dicatur *potissima* quæ habet omnes, & illa *potior* quæ habet plures condiciones Necessitatis, tum verè agnoscendum est, esse aliquas his quæ in secundâ Specie ponuntur potiores: Nam quæ fiunt in primâ Classe primæ Speciei, (ubi accidens proprium demonstratur de proprio subjecto per formam subjecti & essentiam, hoc sensu omnium *potissima* sunt; quia nulla omnino Conditio requisita ad Demonstrationem à Causâ in illis deest. Idem illæ quæ sunt in secundâ Classe prioris Speciei, (ubi proprium accidens demonstratur de subjecto proprio per aliud accidens proprium) sunt *potiores*, hoc sensu, illis quæ fiunt in hac secundâ Speciei, aut etiam in tertiâ, licet non sint omnium *potissimæ*. Sed revera hæc non est satis iusta causa, quare vel illæ in primâ Classe dicantur *potissimæ*, vel illæ in secundâ Classe primæ Speciei dicantur *potiores* his quæ sunt in hac secundâ, aut tertiâ Specie. Sed omnes illæ dicendæ sunt *potissimæ quæ generant perfectissimam scientiam quæ de tali accidente haberi possit, cur insit huic subjecto*. Si hoc præstet & generet hanc scientiam, (quod est finis omnis Demonstrationis,) sive præstet per plures, sive pauciores Condiciones Necessitatis, nihil omnino refert, nec quidquam facit ad dignitatem Demonstrationis. Nam quod aliæ habent pauciores Condiciones aliis, non provenit ex eo quod indigniores sunt a iis, sed quia materia ista neque admittit, neque requirit tot gradus aut Condiciones Necessitatis. Illæ vero quæ habent pauciores, tot habent ut prior nulla in illâ materiâ Demonstratio dari possit. Simile habes in clave

Dub.

Sol.

aurea, & ferrea: Si finem ac usum clavis, (qui est aperire ostium) respicias, ferrea æque præstant: est ac aurea: si materiam respicias, aurea multo est præstantior. Idem in Demonstrationibus hujus & in illis prioris Speciei: Ambæ sunt usu pares, quia æqualiter appetunt ipsi scientiæ ostium, sed materia longe impares sunt.

CAP. V.

De Demonstratione à Causa finali.

Demonstratio à Causa finali, quid.

Tertia Species Demonstrationis à Causa, est à Causa Finali. Ea sic definitur: Demonstratio à Causa finali, est Demonstratio in qua Medium est Causa finalis Majoris extremi. Nam Medium hic semper exprimit finalem Causam quæ movet efficientem ad agendum; & Major terminus, est ipsa actio efficientis qui agit propter illum finem. Finis autem non à io sensu causare dicitur, aut esse Causa, quam quia movet efficientem; nec alius est effectus finalis causæ, quam ipsa actio efficientis. Finis autem movet efficientem non Physicè sed Moraliter, suadendo aut excitando, dum finem illum ut bonum atque appetibile intueretur, ad agendum ea quibus illum finem desideratum assequi possit. Exemplum hoc cape, ex Arist. lib. 2. Demonstr. cap. 11. nu. 6. Qui cibos non vult fluitare in stomacho, sed descendere ad fundum ventriculi, ut ibi benè concoquantur, ut sic per bonam concoctionem sanitatem recuperare possit, idem vult post prandium aut cœnam moderate deambulare; Febricitans vult sanitatem recuperare, ideoque vult cibos non fluitare in stomacho sed in fundum ventriculi descendere, ut illic benè concoquantur; ergo Febricitans vult, post prandium & cœnam moderate deambulare. Vides hic finalem Causam deambulationis esse Medium, & actionem ipsam Febricitantis nempe deambulationem) esse Majorem terminum, & per hanc finalem causam, hic demonstrari cur Febricitans deambulet vel agat. Simile de omnibus aliis judicium est.

Necessitas & Immediatio qualis sit in Demonstrationibus tertiæ Speciei.

De his autem Demonstrationibus à Causa finali quatuor sunt observanda. Primum est: Quod non est in his tanta vel Necessitas vel immediatio Propositionum, quanta est in Propositionibus Demonstrationum primæ Speciei, ubi Accidens demonstratur de proximo Subjecto, per causam efficientem per emanationem. Nulla enim hic est Propositio simpliciter nec statim; quia neque simpliciter nec statim est ut vel Febricitans velit sanitatem recuperare, aut cibos benè digerere, vel ut deambulet post cœnam. Tota autem Necessitas hic oritur e fine; nam si Febricitans vult finem, qui est ut cibi benè digerantur, & sanitas recuperetur, necesse est ut velit media ad illum finem, ideoque ut deambulet. Quare Propositiones hic sunt De Omni, non simpliciter, sed posito fine: Major in his non solum est De Omni, sed etiam Per se quarto modo, quia talis est itaque necessarius nexus, inter finem qui est Medium, & actionem efficientis, quæ est Majus extremum, ut unum alteri necessario cohereat, & ex eo consequatur. Sicut ergo dictum est de Demonstrationibus secundæ Speciei, ita de his, hic dicendum est. Licet in his non sit tanta necessitas, quanta in illis quæ sunt in primâ Specie Demonstrationum, est tamen tanta, quanta ad generandum plenam ac perfectam scientiam ejus quod quæretur, sufficit; & quæ major in hac materia, nec dari potest, nec quæ ridebit. Ideo omnes in hac Specie Demonstrationes verè potissimè dicendæ sunt, quia potior aut præstantior Demonstratio illius effectus, qui hic demonstratur, nulla dari potest.

Efficiens & Finis se mutuo demonstrant.

Secundò observandum est, quod sicut Efficiens demonstratur per Finem, ita semper vice versâ Finis demonstratur per Efficientem. Nam sicut demonstramus Febricitantem ideo

ideo deambulare post cenam, (quod est efficiens Causa sanitatis) per finalem causam, quia vult bonam digestionem & sanitatem: ita per efficientem causam, (quæ est deambulatio post cenam) demonstramus finem (quæ est bona digestio, & quæ inde consequitur sanitas). Nam qui moderate deambulat, facit ut sibi descendant in fundum ventriculi, & benè digerantur, & ita sanitas amissa recuperetur. Ratio autem quare Finis & Efficiens se mutuò demonstrent, est ea quam tradit Arist. 2. Phys. cap. 3. ubi ait, *Efficiens & Finis sunt sibi mutuò cause*. Possunt ergò se mutuò demonstrare. Ex quo consequitur tot esse numeros Demonstrationes à causâ efficiente ad probandum finem, quot sunt à fine ad demonstrandum efficientis actionem: & rursus, tot esse Demonstrationes à fine ad probandum efficientis actionem; quot sunt ab efficiente ad demonstrandum finem.

Sed hic dubium occurrit non levis momenti. Videtur enim hoc planè impossibile, ut utrumque alterius causa sit; quia causa semper prior est naturâ suo effectû: quare si efficiens & finis essent sibi mutuò cause, utrumque altero esset naturâ prius; & sic idem esset & prius naturâ, & posterius naturâ respectu ejusdem: Deinde, si utrumque posset alterum à priori demonstrare, tum utrumque esset notius, & suâ naturâ, & nobis, altero: Quia causa semper notior est & naturâ suâ, & nobis distinctè rem scientibus, suo effectû.

Dub.

Respondeo, utrumque horum & prius esse, & notius naturâ altero, sed non eodem modo, aut non in eodem genere prioritatis, & notitiæ secundum naturam. Finis enim (quod sedulo observandum est) dupliciter consideratur: Primo, ut per efficientis actionem jam actu productus est: Secundo, ut intenditur ab efficiente, & ab eo producendus est. Priori modo, non est dicendus finis aut causa movens efficientem, sed effectum efficientis; & quia hoc modo efficiens causa est cur finis producat, ideo efficiens est prior naturâ fine seu effectû. Posteriore modo, prout finis producendus intenditur, finis non est effectum efficientis, sed causa e citans & movens efficientem ad agendum id quo producat. Et hoc modo finis verè prior est naturâ efficiente; quia nisi hinc moveret efficientem, nihil efficere. Ita finis, prout verè finalis causa est, & prout excitat efficientem, est prior naturâ efficiente; prior inquam quoad intentionem; & efficiens hoc modo est naturâ posterior fine, quia posterius est naturâ ut agamus propter finem, quàm ut intendamus illum finem propter quem agimus. Sed finis prout est effectum, & jam actu productum, est posterior naturâ efficiente; posterior inquam quoad executionem: & efficiens hoc modo est naturâ prior fine, nam actio efficientis producit finem; quod autem producit aliud, prius est naturâ eo quod producat. Similiter utrumque notius est altero, tam naturâ quàm nobis. Nam rei natura postulat, ut prius sciamus esse aliquem finem intentum, qui movet efficientem ad agendum, priusquam possumus cognoscere quod efficiens agat propter illum finem. Et natura rei postulat etiam, ut prius sciamus efficientem agere, priusquam scire possumus hunc finem, qui hoc effectum produci ab efficiente. Impossibile verò est ut finis, eodem modo acceptus, sit & prior naturâ & posterior naturâ efficiente, si prius ac posterius naturâ eodem modo capiantur: sed ut utrumque altero prius sit & posterius, sumendo tam finem in diverso sensu, quam prius & posterius naturâ, in diverso sensu, non solum possibile est, sed verum, imò & planè necessarium.

Sol.
Finis duplici-
ter conside-
randus.

Tertio, observandum est, Omnes Demonstrationes à Causa finali, inniti huic Axiomati & Maxime indubitatae fidei, *Qui vult finem, vult media ad finem*. Ratio est, quia ad finem nisi per media illuc ducentia perveniri non potest; quare quicumque verè & efficaciter vult finem ullum assequi; necesse est ut media omnia illuc ducantia velit. Atque hoc est quod verissime Bonav. in lib. 2 sent. distinct. 38. nu. 6. alique Scholastici tradunt, quèd quando quis vult finem sub ratione finis, in eo una est voluntas finis, & eorum quæ ordinantur ad finem, sed finem vult explicite; media implicite; sicut contrà, qui vult media sub ratione mediorum, licet explicite sepe non nisi de mediis cogitet eaque velit, tamen implicite semper in illa ipsa mediorum voluntate vult etiam & finem. Et ridiculum planè esset qui finem se velle assequi diceret sed non velle media ad eum finem; quia dum

Fundamentum
omnium de-
monstrationum
à Fine.

se

se nolle media dicit, sibi ipsi contradicit, dum finem se velle assequi dicit: cum in ipsa volitione finis, implicite dicat se velle media ad finem. Fit quidem sapissime ut optemus, & cupiamus objectum a quo quod finis esse potest, cum tamen media non cupimus: ut si dicam, Utinam jam essem Londini! imò ut impossibilia sic optemus, ut,

O mihi prateritos referat si Jupiter annos!

Quo sensu Arist. 3. Eth. cap. 2. ait voluntatem esse impossibilem: *Yed optio talis, appetitus objecti, aut cupiditas*, aut, ut Aquinas loquitur part. 1. quæst. 19. art. 6. *vellicitas*, potius quam voluntas dici debet: Aut si *voluntatem* appellare libet, tamen volumus illud solum ut objectum appetibile, non ut finem, aut non sub ratione finis. Cum vero finem aut quidquam sub ratione finis volumus, tunc voluntas nostra sic in illud fertur, ut una ac eadem voluntate, sicut ex Bonav. monui, licet implicite, in media quibus finis ille actu obtineri potest, feratur. Hoc igitur pro fundamento in omnibus Demonstrationibus à fine constituitur, quod *Qui vult finem vult media ad finem*.

usus Demonstrationum in Causa finali.

Quarto, observandum est, latissime patere usum Demonstrationum à Causa finali: In omni pene Disciplinâ in omni Arte, in omnibus rebus agendis, conspicuus est & illustris ejus usus. Noli ægre ferre mi adolescens, si exempla compluria & hic, & alibi sæpe in aliis caulis apponam. Facio id in tuum usum atque commodum; certe enim longa experientia jam didici ultimum esse illud Monitum, *Da mihi magistrum in Præceptis patrum, in Exemplis prodigum*.

In Physica.

Cape prima è Physica. In ea Dignitas hæc est & quidem dignitatum Dignitas, quam tradit Arist. lib. 1. de Cælo, cap. 4. *Deus ac Natura nihil frustra faciunt*. 1. nihil, cujus non sit finis aliquis aut usus à Deo intentus. Sic enim ibi *frustra*, accipit Arist. non ut 3. Phys. cap. 6. ubi id *frustra* fieri dicit quod fit in aliquem finem, sed agens eum finem non assequitur. Nec mireris, quod Naturam ob finem semper agere dicam, licet eum finem ipsa nec intendit, nec sciat. Agit enim *Natura* solum ut instrumentum, ut ministra, & pedissequa Sapientissimi Moderatoris Dei. Ille rebus omnibus Naturam, id est, *naturalem vim*, indidit, qua ad finem à Deo præscriptum & propositum agunt singula quantum possunt: ut sagitta nescit scopum quo pergit, pergit tamen vi illi à sagitrante indita, ad scopum quem ille intendit; Ita rebus singulis vim suam naturalem indidit Deus, quando dixit illis, *Crescite & multiplicate*: & *Producat unumquodque semen in specie suâ*: verbum illud non erat, qualia nostra omnia, *Significativum tantum*, sed *Operativum*, efficiens atque operans id quod ille fieri imperavit. Circumspice jam res omnes naturales, nihil in eis frustra fieri, sed omnia sic fieri. propter eum finem in quem facta sunt, videbis. Quare dedit hisce animalibus oculos? ut videre possint: quare pedes? ut progredi: quare venas? ut sanguinem à jecinore in singulas corporis partes ferant. quare nervos? ut sensitivos spiritus, & motivam vim, à cerebro ad alias partes vehant: quare arterias? ut vitales spiritus, & in eis vitam, à corde in omnes partes deferant. Nullum est omnino membrum, nullum os, aut cartilago, nullus articulus, aut particula Corporis, quæ non mirabili artificio ob eum finem quem proposuit opifex ille maximus, sic & quidem aptissime ac sapientissime formatur. Cæcutimus in his plus quam talpæ, & ideo stultissimos Momos agentes carpinus, quod fenestrata corda homines non habeant; quod bobus cornua in capite, non armo sunt, & similia multa; sic nimirum reprehendimus quæ non comprehendimus. Quæ si oculis intueri possemus quam mirabili artificio cælum hoc astris, velut luminibus, ornavit Deus, elementa singula disposuit, mixta omnia composuit, lapides, gemmas, arbores, herbas, animalia omnia, & præ omnibus hominem fabricavit, & unicuique tam multas, tam miras & ineffabiles vires ac virtutes indidit, certe non ad hæc solum magna & mirifica Dei opera obtupescere nos æquum esset, sed cum

Ethnice

Ethnico Galeno, (qui nihil Deo, omnia naturæ tribuebat) ad pedum nostram calcem, imò ad Pulicis aut Culicis contemplationem admirabundi erumpemus in illam ejus vocem, *Compono hic Canticum in laudem Creatoris mei.* Vis adhuc majus quid hic dicam? Ex hinc, mundum hunc universum conditum, & sic conditum demonstrare poteris. Qui voluit divitias infinitæ suæ bonitatis, sapientiæ, potentiæ aliis manifestare, voluit Creaturas, in quibus velut clarissimis characteribus ista omnia inscripta sunt, condere, & hominibus angelisque rationem dare, quæ ista omnia, & in eis Dei potentiam, bonitatem & sapientiam intueri, contemplari, ac æternis encomiis celebrare possent: Deus optimus maximus, pro suo beneplacito illud voluit, ergo etiam & hæc.

Ex hac Philosophiæ parte pullulat *Medicina.* Ars illa omnes à fine Demonstrationes suas ducit. Qui vult *Corpus* noxiis humoribus aut sanguine impuro prægravatum, eisdem exonerare, debet venam aperire, aut elleborum, aliudve purgans remedium adhibere: Medicus illud vult; ergo & hoc. Qui vult *Bilem* pellere, radicem ponticam, vesicariam, a paragum, apium hortense, anisum, & feniculi semen: qui *Melancholiam*, aloen, epithymum, filicium: qui *Febrim*, endiviam, intybum, polygonum, lactucam, oxalim, aut similia adhibere debet: Medicus vult illa, ergo & hæc. Libri omnes Medicorum hujus generis Demonstrationibus referti sunt.

In *Medicina.*

Artes percurrere, ex omnino omnes ex fine demonstrant ea facienda quæ faciunt, & eo omnino quo faciunt modo. Cur domum aliquis ædificat? ut possit commodè habitare. Cur fundamentum supponit? ut stabile sit ædificium. Cur fenestras aperat? ut lumen intro omittatur, Cur parietes & tectum superstruit? ut æstus solis, ut aeris, imbrium, ac ventorum injurias arceat. Navis omnes partes vide, Carinam, transtra, fentinam, tabulata; gubernaculum, malos, vela, antennam, partes singulas à prora ad puppim; sic, neque aliter formandas esse ex fine cujusque demonstrabis. Idem in Fabris omnis generis, Sartoribus, Sutoribus, Lapididis Lanariis, Mangonibus, Vestiaris, cæterisque quæ innumeræ sunt artibus, facile ipse discernas: à corrigia calciamenti, ad coronam regis Capiti impositam, nihil ab ullo Artifice fit, quod non & ex ista materiâ, & ad istam formam fieri debere, ex fine demonstrari possit. *Ars enim omnis Naturam imitatur*, ut verissimè ait Arist. lib. 4. Meteor. cap. 3. quare ut Natura, sic Ars nihil omnino frustra facit, nihil nisi in aliquem eumque commodum finem.

In *Artibus.*

Disciplinas adi, Grammaticam, Logicam, Mathematicam, Ethicam, Physicam, Metaphysicam, & si quæ alia; hæc omnes; (& sine exceptione Disciplinæ omnes) si rectè tradantur aut doceantur, à primis, universalissimis, maxime simplicibus, debere ad ea quæ specialia, magisque composita sunt, progredi, per Demonstrationem à Fine, verissimè ac certissimè demonstrari potest: & demonstrat hoc quidem ipse Arist. lib. 1. Demost. cap. 2. Omnis enim Disciplina Scientiam Conclusionum omnium quæ in ea sunt Doctrinatum generare debet debet itaque doctor ille qui tradit & docet ullam disciplinam, (omnis enim Demonstrator talis est aut esse debet) facere ut discipulus quem instituit sciat Conclusiones omnes istius Disciplinæ, tam perfectè quàm scire possunt: At scientia Conclusionum omnium, omniumque inferiorum in ulla disciplina, pendet ex cognitione Principiorum & universalium, nec unquam perfectè sciuntur, nisi cum ad prima, universalissima, & simplicissima in illa Disciplina pervenitur: A primis igitur, & maxime universalibus, maximeque simplicibus, in omni Disciplina tradendâ incipiendum est. Earum cognitio à nullo priori, omnium verò aliorum Scientia ab illarum cognitione pendet. Hinc Grammaticus docet primò literas, tum Syllabas, tum Voces simplices, postremò earum Syntaxim. Hinc Logicus agit primò de Argumentatione in genere, tum de Argumentatione Demonstrativa & Probabili. Idem in aliis omnibus disciplinis liquidum est.

In *Disciplina.*

Ac Ethicam accede; nullibi magis quàm in ea Demonstrationum à fine usus. Axioma est in Ethica, & quidem omnium primum: *Omnes homines velle bene sibi esse ac beatè.*

In *Ethica.*

Et quidem hoc volunt, ipsâ Naturâ duce, & quia voluntatem, id est, rationalem appetitum habent. Et enim voluntas ex naturâ suâ, & bonum vult, & summum bonum, id est, beatitudinem, nec aliter potest quin ista veile. Quare recte ait Aquin. primâ secundæ, quæst. 10. art. 1. *Voluntas naturaliter tendit in bonum, atque in summum finem*, seu summum bonum. Hoc jam posito, (quod hic supponi debet) ex eo Ethicus Conclusiones omnes suas deducit: Quicumque vult beatus esse, debet secundum virtutem vivere, quia aliter bene vivere non potest, nedum beate; Unusquisque vult beatus esse, debet igitur unusquisque secundum virtutem vivere. Jam quia propositio in ulla Disciplina demonstrata, pro Principio, & ut Principium in demonstrabile deinceps accipi potest, ideò *debere omnem vivere secundum virtutem*, pro Principio deinceps in Ethica accipitur, & tum sic pergit Ethicus: Unusquisque debet secundum virtutem vivere, debet ergo fortiter agere; ideòque rursus, debet & res secundas moderatè ferre, nec iis inflari, & forti animo adversas res cum ingruunt tollerare; debet patriam defendere, debet pro ea pericula omnia subire, & mortem ipsam si opus est oppetere. Iterum, unusquisque debet secundum virtutem vivere; debet ergo unusquisque, iustitiæ omnia officia præstare; debet ergo suum cuique tribuere, obedientiam regibus, obsequium & honorem filialem parentibus, honorem debitum aliis omnibus. Iterum, debet suum cuique tribuere, non debet ergo aut vi eripere aliena, aut furto surripere, aut fraude ullâ aucupari aut occupare. Iterum, debet quisque secundum virtutem vivere, debet ergo quisque verax esse, non igitur vel pernicioso, vel lucroso, vel officioso, vel jocosso mendacio unquam uti; non igitur æquivocatione ulla aut mentali reservatione. Et sic per omnes virtutes Morales, per omnes etiam hominum ordines, licet solum hoc texere Conclusionum Moralium, donec à capite Ethicæ ad ipsam calcem pervenias.

In Oeconomica. Similis in Oeconomica hujus Demonstrationis à fine usus. In ea ut Axioma omnium primum ponitur, *Oeconomus, seu familie dominum, velle sibi & toti sue familie sic prospicere, ut bene omnibus sit ac beatè*; & hoc sanè in hac Scientia ut principium ponitur, licet ex Ethica fortè demonstratur; quia ad Dominum familiæ, ut & ad alios omnes pertinet, si beatus esse velit, ea quæ ad suum officium spectant præstare; illius autem munus est totius familiæ saluti prospicere, ut bene illis sit, ac ut honestam, commodam, & quantum fieri potest, beatam vitam transigant. Hoc igitur Principio posito, reliquæ omnes in Oeconomica Conclusiones inde deduci, ac demonstrari possunt in hunc modum: Quicumque sibi suæque familiæ bene esse vult, curare debet ac prospicere, non solum ut singulis quod æquum & conveniens est suppetat, sed ut singuli quæ ad sua officia spectant, præstent: debet igitur curare ut ipse nihil ulli præcipiat nisi rationi, moderationi, & prudentiæ Oeconomicæ congruum: debet eadem prudentiâ curare, ut cum talia præceperit, alii perficiant; ut uxor amore, & conjugalibus omnibus officiis ipsum prosequatur, & in regenda familiâ, parte maximâ ipsum levet; ut filii parentibus morigeri sint, atque in doctrina ac pietate informentur; ut servi iussa capeant, & alacri animo ipsi obtemperent, hic agrum colendo, occando, ferendo; ille equis, bobus, & gregibus sibi commissis diligenter attendendo, & sic in reliquis. Unusquisque Oeconomus vult primum, debet ergo velle & præstare omnia posteriora.

In Politica. In Politica latissimè omnium patet hujus Demonstrationis usus. In ea, Axioma est omnium primum, omnium notissimum: *Regem aut summum magistratum velle sibi ac toti sue reipub. bene esse ac beatè*. Nam juxta 12. Tabulas, *Salus populi suprema lex est*. Atque hoc, ratione ipsâ, ac naturâ duce liquidum est: Quia cum Rex sit Caput Reip. Capitis autem quâ caput est, officium sit ut toti Corpori quo bene ei esse possit, prospiciat; profectò idem velle & facere debet Rex quilibet in corpore Politico, quod facit Caput in corpore Naturali. Ex hoc autem fine, (qui in Politico Positio indemonstrabilis est) Demonstrationes omnes in hac Scientiâ (eæ planè infinitæ sunt) deducuntur. Quicumque vult sibi, suæque reipublicæ bene esse, eo ipso implicite vult, & actu atque explicitè velle debet, se ipsum juxta regulas prudentiæ civilis, & alios omnes gubernare: Qui id vult, idem

idem velle debet viros Consiliarios (quales Nestor erat) prudentiâ, virtute, gravitate, constantiâ, & ante omnia fide ac pietate præstantes sibi asciscere, quia *plus vident oculi quàm oculus*; &

Nullum Numen abest si sis prudentia:

Debet etiam Leges justas, reipub. salutare, & civibus gratas atque acceptas, sancire: Debet juxta normam suarum Legum moderatè sine crudelitate, tyrannide, omnique injustitiâ populum regere, & subditos omnes in officiis debitis continere: Debet Judices pietate imprimis, tam probitate, constantiâ, integritate, & scientiâ juris claros, constituere; Debet Oratores adhibere quales apud Quintilianum * Caro definit, * *Quin. lib. 12. cap. 1.* qui sunt ante omnia viri boni, tum dicendi periti, qui nervos omnem ingenii huc intendunt, ut suadeant persuadeantque civibus omnibus bene, beatèque vivere, & officia quæ ad ipsos spectant omnia perficere: Debet bonas literas fovere, literatos honorare, mercaturam, agriculturam, omnesque artes reipub. utiles tueri: Debet in omni parte reipub. curare, ut quisque pietatem, fidem, justitiam, omnemque virtutem colat; ut boni præmiis honorentur, mali vero justo ac debito supplicio coerceantur; ut hostes bello & justis armis debellantur, quo cives tranquillitate ac beatâ pace fruantur: Debet denique curare, ut ipse omnesque subditi in suis singulis officiis ita pergant, ut opibus ac virtute simul reipub. florentem ac beatam efficiat atque conservat: At quilibet Princeps vult illud, ergo implicite vult, & explicite debet velle hæc omnia quæ ad eum finem media sunt.

Rhetores in hoc à fine loco, velut in amplissimo campo, spaciuntur; omnes enim *In Rhetorica.* ferè eorum rationes & persuasiones à fine dependent. Quicumque vult veram laudem adipisci, velle debet in omni virtutum genere eminere, debet studium omne in reip. utilitatem conferre. Tu vis illud, ergo velle debes & hæc. Quicumque vult opes & commoda sibi cum honestate comparare, debet artes legitimas sectari, eisdemque sic exercere ut nulli damnum faciat aut injuriam, tu vis prius, ergo velle debes posterius. Quo reipub. dignitati, salutis, & incolumitati prospiciatur, debet ad hoc bellum Asiaticum adversus Mithridatem & Tygranem gerendum dux vel imperator eligi, sapientiâ militari, virtute, auctoritate & felicitate præstans; talis dux est Pompeius, ille igitur ad hoc bellum mittendus. in aliis omnibus Rhetorum orationibus observari facile potest. Ex hoc uno finis fonte omnes emanant.

Postremo loco ad Theologiam ascende; multo maximus ibi hujus loci usus. Qui *In Theologia.* vult homines in barathrum peccatorum lapsos justo pretio redimere, vult infiniti valoris victimâ, idèque morte unigeniti sui filii, (quæ sola infiniti valoris esse potuit) infinitam poenam expiare: Deus optimus maximus voluit illud, ergo voluit & hoc. Qui vult alicui vitam æternam dare, vult & media salutis, fidem, charitatem, poenitentiam, inque his perseverantiam impartiri; Deus vult illud e'ctis omnibus dare, ergo & hæc. Sed adhuc multo latius hic patet iste à fine locus. Nam quæcunque à Deo nobis præcipiuntur, eorum omnium observatio à fine deducitur: Omnia siquidem quæ vel ad *Legem*, vel ad *Evangelium* spectant, ex hoc uno finis fonte derivantur, & ex hac una Maxima pendent omnia, *Quicumque vult finem, velle debet & media.* Finis omnium agendorum est vera Beatitudo, quam omnes naturâ duce expetunt. Quia vero & quænam sit vera beatitudo, & quibus mediis ad eam perveniri possit, nos, miselli homines & talpæ, penitus ignoramus, Deus optimus maximus in sacrosanctis, & ab eo divinitus inspiratis Scripturis, nobis utraque hæc luce clariùs revelavit, & demonstravit. Eo igitur fine quem dixi posito, ita arguit Theologus, Quicumque veram Beatitudinem assequi vult, debet omnia ad eam media & velle & exercere: debet igitur credere in Jesum Christum, debet Deum ante omnia, & propter Deum proximum, sincerè sicut seipsum amare debet bene vivere, & in omnibus præceptis Dei ambulare & perseverare. Tu illud vis, itèmq; ille, cæteri que omnes, ergo debes tu, cæteri que hæc omnia velle atque agere.

Hoc autem semel demonstrato, potes eodem deinceps pro Principio uti. Nam, ut sæpe dixi, *Propositio demonstrativa vim habet Indemonstrabilis & immediati Principii*. Accipiendo autem hoc [*debere unumquemque in omnibus dei præceptis ambulare*] licet hunc in omnem vitæ partem, in omnia omnium officia descendere, & ex hoc ea omnia præstanda esse, de monstrare. Quanta igitur hinc Demonstrationum seges succrescit: Omnes debent præceptis Dei obtemperare, debent ergo Deum colere eo quem ille præcipit modo; atque hinc rursus debent idololatriam omnem fugere atque detestari, neque ulli creaturæ, non reginæ cæli, non collyridi, non imagini crucifixi, latriam exhibere: atque hinc rursus, debent à Babylon exire ne particeps sint idololatriæ, & peccatorum ejus.

Item, Omnes Dei præceptis obedire debent, ergo filii omnes parentibus servi dominis, subditi Principibus obedire debent suis: atque hinc rursus: Ergo qui rebellionem suadent, qui rebelles & regicidas auxilio aut concilio juvant, & præcipue, qui rebellionem & cædes Principum legitimam esse decet, qui parricidas & nefarios homines rebellionis & læsæ majestatis reos, pro Sanctis, & Martyribus venerantur & colunt, execrandi, & ad inferos amandandi sunt.

Infinis plane essem, si ista persequi vellem. Specimen ego hic dedi, quo possis quàm latè longèque vis exspatiari in omni hominum, inque omni officiorum genere. Sed finito me hic. Annon enim molestus tibi sum, mi Lector, dum tam multa, tam varia, inque tam variis Disciplinis exempla ingero? Nec tam. n. hic veniam deprecor: feci enim in tuum solius usum atque commodum partim ut magnum atque multiplicem hujus Demonstrationis à Fine usum liquidò videres; partim etiam, imò præcipue, ut si possem in aliarum Disciplinarum studiis tibi opem ferrem. Certè enim, Disciplinæ aliquæ earum quas attingi, vel non satis à multis intellectæ sunt, vel non satis rectè constitutæ; in ipsa enim earum fabrica, non leviter peccari sentio. Sed satis multa de hac à fine Demonstratione dicta sunt, adeoque de omni Demonstratione à causa. Cujus, ut jam vidisti, tres sunt, & non plures Species: Prima est à causa efficiente per emanationem, cujus sunt duæ ut dixi classes; Secunda, à causa efficiente per externam actionem: Tertia est, à causa finali.

C A P. VI.

Quod neque Formalis, neque Materialis Causa sit unquam Medium in Demonstratione à Causa.

*An Formalis
Causa, aut
Materialis
possit esse Me-
dium in De-
monstratione.*

Dubitari non injuriâ potest, utrum à formali & materiali causâ Demonstrationes fiant, & an non illæ causæ, medium sint aliquando in Demonstrationibus à causa?

Respondeo, Nunquam esse, in quantum sunt Forma & Materia. De Forma res certissima est & perspicua cuivis. Nam Forma quidem subjecti sæpenumero est medium Demonstrationis, nempe in eis omnibus quæ sunt primæ classis, in prima Specie. Sed Forma illic non est medium quatenus est Forma, sed quatenus est efficiens per emanationem: Medium enim ut Medium respicit majus extremum; quod semper est accidens illud quod se Subjecto demonstratur: & ut antè monui ex eo respectu quem habet medium ad majus extremum, inde semper tam Demonstratio quàm omnis Argumentatio duci dicitur. Quid

Quid verò aliud est forma respectu accidentis per eam demonstrati, nisi efficiens per emanationem? quare certum est Demonstrationem omnem in qua Forma Subjecti est medium, esse Demonstrationem à Causa efficiente per emanationem, non autem à Forma.

Idem planè dicendum est de Materia; ea enim vocatur Materia respectu subjecti cuius est pars materialis ipsum constituens, nunquam respectu accidentis; nam ex materia non fit accidens, sed solum subjectum; Nunquam igitur Materia quatenus Materia, est causa illa quæ est medium in Demonstratione à Causa, quia respectu accidentis demonstrati, quod semper est majus extremum nunquam est materia. Expissimè fateor, evenit, ut in materia contineatur id quod est efficiens causa accidentis, seu majoris termini, & tum accidens dicitur *producere ex necessitate materie*: at in illiusmodi omnibus, Demonstratio revera dicitur à Causa efficiente inclusio in materia; non autem ab ipsa materia, quatenus est materia. Exempli gratia, Quidnam efficit ut Sepia emittat atramentum quod se occultat ab inimico pisce, & ita quasi in umbra effugere? Certè ipsa Sepiæ materia, id est, constitutio corporis illius. Nam dedit ei natura hoc atrum excrementum, & abundantiam ejus, sic ut possit quoties vult emitte. Vis igitur illa & potentia primò generandi, tum expellendi excrementum tale, est causa efficiens quæ facit ut Sepia emittat atramentum: quod autem tunc emittit, ubi periculum ipsi imminet, non alia causa dari potest quam finalis, nempe ut hac arte subterfugiat, & se servet ab hoste. Quod si nunquam hic finis ei proponatur, tamen quia oneri ipsi esset tale excrementum, emitteret illud vi sua quam dixi expulsiva. Cur animalibus multis accrescunt cornua in capitibus? Ex necessitate materie rectè dicas hoc evenire; non quia materia sit effectrix causa, (nam actiones omnes compositorum proveniunt à forma non à materia) sed quia in materia & temperamento corporis illorum animalium, est abundantia magna terrei excrementi, quod necessàriò ejiciendum est, Ideò vis illa expulsiva excrementorum quæ inest eis animalibus, egerit & expellit commodissime illud per cornua: & quamvis etiam natura in finem aliquem cornua dirigit, ut eis se tueri ista animalia possint, (quod Boves facere videmus) tamen etiam si nullus esset talis finis, necessitas materie & temperaturæ corporum in illis animalibus talis est, ut sic cornua expellantur: id quod in cervis cernere licet, in quibus etsi cornua non sint ad tutelam data, sed oneri potius ac impedimento, tamen quia plurimum est in eis terrei excrementi, non potuit illud commodius expelli, quam per cornua. In his omnibusque aliis (nam vere infinita exempla afferri possent) nunquam Materia (quæ Materia) est causa accidentis demonstrati: ideòque nunquam est medium in ulla Demonstratione: sed quia in materia seu corpore illo, cuius accidens demonstratur, talis est temperatura & constitutio, ut accidens tale inde oriatur, ideò *accidens illud à quo efficitur*, vere efficiens causa est illius accidentis; & ejusmodi accidentia dicuntur ex necessitate materie fieri, aut per materiam demonstrari, cum revera causa propria ac proxima, per quam demonstrantur, nulla alia sit, nisi *Accidens aliquod in illa materia vel corpore*. Hoc clarius perspicias si advertas quo pacto istiusmodi Demonstrationes formari debent. Cape hoc unum exemplum:

Omne animal in quo vis est naturalis tam generandi multum terrei excrementi, quam expellendi illud, quòdque commodius quam per cornua expelli non potest, ideòque sic expellitur, cornutum est, vel cornua habet.

At Cervi, Boves, & similia sunt animalia, in quibus est vis naturalis tam generandi talis excrementi, quam illud expellendi, quòdque commodius non potest expelli quam per cornua; ideòque sic expellitur:

Ergò Cervi, Boves, aliaque animalia cornuta sunt, vel cornua habent.

Vides hic *Subiectum* de quo fit Demonstratio esse Cervos, Boves & similia animalia: Nam si adequatum subiectum unum sciretur, illud sumendum esset: Sed quia illud ignoratur, hæc illius loco ponere cogimur. Vides etiam *Accidens* quod demonstratur de hoc Subiecto esse *Cornua habere*, vel *cornutum esse*. Vides denique *causam* huius *Accidentis* esse non aliam, quam ipsam expulsionem illius excrementi. Nam etsi materia cornuum sit ipsum terreum excrementum, tamen cur illud excrementum in cornua crescat, causa non est ipsum excrementum, sed facultas & potentia expulsiua illorum animalium, imò ipsa ejectio & expulsio excrementi illius, in eum ipsum quo fit modum. Atque ita hæc, omnesque similes Demonstrationes, verissime spectant ad secundam Speciem Demonstrationis à Causa: ubi accidens demonstratur per *Causam efficientem externam*. Nam sicut à potentia illa naturali sic expellendi excrementum tale, demonstratur talia animalia posse cornua habere; ita quod actu habent cornua, non venit vel à forma illorum animalium, vel à potentia naturali, quæ in illis à forma fluit, sed *ab ipsa actuali expulsionem illius excrementi*.

Dub.

At videtur Arist. plane contrarium docere de numero Causarum, quæ sunt media in Demonstratione à Causa. Nam lib. 2. Dem. ca. 11. nu. 1. expresse, numerat quatuor Causarum Genera, *Formam, Materiam, Efficientem, & Finem*; & tum addit hæc verba, *Omnes hæc per medium demonstrantur*: id est, omnes sunt media in Demonstratione à Causa.

Sol.

Respondeo, Si vel hic, vel in aliis apud Aristor. locis, in cortice verborum hæreas, sæpissime errabis: perpende verò omnia quæ eo cap. ac supra, Arist. tradit, & verissimum perspicias esse id, quod prius de numero Demonstrationem à Causa declaravi. Certe enim neque plures causas posse esse medium in Demonstratione, quam *Finalem & Efficientem*, tam per *emanationem*, quam per *externam actionem*, res ipsa clamat; neque plures, aut alias Causas medium esse posse unquam sensit Arist. Declarat quidem Arist. loco citato quo modo & quo sensu dicere possumus unamquamque Causam ex illis quatuor esse medium in Demonstratione. Hoc, inquit. si quis vult dicere, debet hoc solo sensu dicere, & nullo alio, quod *Forma sit medium quatenus est efficiens per emanationem accidentis alicujus quod illi Subiecto inest*: & quod *Materia sit medium quatenus continet in se, vel formam, vel accidens aliquod quod est efficiens accidentis illius quod de Subiecto demonstratur*: efficiens, dico, vel per *emanationem*, vel per *externam actionem*. Quod verò *Forma quatenus est Forma*, vel *Materia quatenus est Materia*, sit unquam medium in ulla Demonstratione, neque usquam dixit, neque unquam sensit Arist.

Dub.

An unus rei possint esse plures Demonstrationes.

Quæri ulterius possit - An non plures sint ejusdem rei Demonstrationes? vel An unum idemque accidens per plures Causas demonstrari possit? Rationem dubitandi præbent illa verba Arist. 2. Dem. ca. 11. nu. 8. ubi ait, *Quadam fieri tum propter finem, tum ex necessitate materia*, ut si quærat quare laterna emittit lumen, responderi potest, vel per finalem causam, ne offendamus eundo, vel per efficientem, Quia laternæ materia est transparentis.

Sol.

Respondeo, nunquam fieri posse, ut idem accidens per causas duas demonstraretur: Nam *unius rei, una est tantum causa simpliciter proxima, adequata & principalis, quæque satisfaciunt questionibus propter quid*: quod si contingat (ut evenit sæpissime) ut plures, causæ sint alicujus effectus, nullo tamen earum, nisi una tantum, satisfaciunt questionibus propter quid: reliquæ omnes sunt minus principales, secundariæ; tales quæ nec faciunt Demonstrationem ejus quod quæritur, nec gignant illius sententiam. Est fateor in quibusdam difficile indicare quæ sit principalis aut præcipua causa; utrum Efficiens an Finis: ut in Sepia, si quærat cur atramentum emittat, possis & per Efficientem & per Finem respondere; sic & de omnibus opinor animalium ac plantarum partibus; (nam & efficiens est aliquod proximum, quod a efficiat; & tamen non efficeret nisi in aliquem usum ac finem.) Sed advertendum est sedulo ac cautè quid sit id quod quærat; nam ex questione, aut modo quærendi, judicandum est de causa. Si quærat quis, quid facit Sepiam emittere atramentum;

mentum; querit de Efficiente, ea est vis expulſiva Sepis. Sin queratur, cur tum emit-
tit cum tam alius piscis perſequitur, non de Efficiente querit, ſed de Fine: ideo tum re-
ſpondendum per cauſam finalem, Ut ſe abſcondat & effugiat. Si queras, cur laterna ſeu
vitrum lumen tranſmittit, quaestio eſt de Efficiente cauſa, & per eam eſt reſpondendum,
Quia eſt materiae transparentis & tranſlucidae. Sed ſi queras, cur emittit lumen homine
ambulante; queritur tum de Fine; & per Finale cauſam reſpondendum eſt, Ne in tene-
bris homo offendat. Itidem ſi queras, cur boves emittant cornua, de Efficiente queri-
tur, & dicendum quod id ſit, Quia bos habet multum terreni excrementi quod ſic com-
modiſſime expellitur: ſin queras, cur in hanc formam ea emittat, cur acuminata, cur
in fronte, non à tergo; quaestio de Fine eſt, & per finale cauſam reſpondendum eſt;
Ut ſit melius ſe cornubus velut armis tueri poſſint. Ita ſere ſemper evenit, ut reverà du-
plex quaestio ſit in his quæ tam efficientem habet quàm finale. Quando igitur ſemel per-
ſpicue cognoſcitur, quid ſit quod queritur, non poteſt plenè ſatiſfieri illi quaestioni niſi per
unam tantum cauſam.

Sed de Demonſtratione à Cauſa, illiusque tribus Speciebus
hæc ſatis multa.

CAP. VII.

De Demonſtratione ab Effectu.

Sequitur altera Species Demonſtrationis, quæ vocatur ab Effectu. Quia verò hanc (maxi-
mè ex parte) per Demonſtrationem à Cauſa intelligere poteris, ideo brevius de ea aga-
mus. Ea ſic definitur:

Demonſtratio ab Effectu, eſt Demonſtratio, in qua ex neceſſario effectui alicujus cauſe, Demonſtratio
quam ineſſe aut convenire alicui ſubjecto declaramus, proximam ac immediatam illius ef- ab Effectu
fectus cauſam eidem ſubjecto ineſſe aut convenire concluditur: Ut ſi ex eo, quia vides Lu- quid.
nam privari ſuo lumine, colligas, ſine dubio, aliquid eſſe opacum corpus ſic inter ipſam &
Solem, à quo lumen ſuum mutuatur, interponi, ut umbra opaci illius corporis pertingat ad
Lunam eamque comprehendat & operiat. Effectum hic interpoſitionis illius vides, nempe pri-
vationem luminis in Luna, ex eo interpoſitionem aliquam fieri, certiſſimè concludis; & quia,
præter terram, nullum opacum corpus dari aut fingi poteſt quod interponatur, concludis i-
terum terram interponi, atque ita ab effectui quem vides, manu ducis ad Cauſam illius.
Effectus quàm antè nesciebas.

Obſerva autem, quòd Subjectum de quo ſit Demonſtratio ab Effectu, idem planè eſt In quo conce-
cum eo quod fuit in Demonſtratione à priori. Cauſa etiam immediata in hac eadem; niant, & in
& Effectus etiam illius cauſe planè idem. Differunt verò hæ Demonſtrationes in duobus: quo discrepent
Primo, in Collocatione Cauſe, ex qua conſequitur Converſio ſimplex majoris Propoſitio- Demonſtratio
nis: nam in Demonſtratione à Cauſa, Effectus ſemper eſt major terminus, & Cauſa medi- ab Effectu, &
um: at in Demonſtratione ab Effectu, Cauſa eſt ſemper Major terminus, & Effectus Me- à Cauſa.
dium; & quia Medium, ſeu effectus convenit tam Majori termino (quæ eſt cauſa) quàm
Minori termino (quæ eſt Subjectum illius effectus) ideo cauſam etiam ipſam illi ſub- Fundamentum
ſto convenire demonſtramus. Quare indubitatum Axioma, cui velut Fundamento Demonſtratio-
omnes Demonſtrationes ab Effectu inniuntur, eſt hoc: Cuicumque ſubjecto convenit a- num omnium
liquis Effectus, eidem convenit etiam Cauſa proxima & immediata illius Effectus, ab Effectu.
quia

quia talis Causa individuo nexu conjungitur cum suo Effectu
 Et hinc rursus videas, quare hæc Demonstratio dicatur ab Effectu. Nam ut
 ante dixi & sæpe dicendum est, *Quam rationem aut respectum medium habet ad
 majus extremum, ex eo loco semper ducitur Argumentum.* Quoniam igitur hic Me-
 dium est Effectus majoris extremi, ideo hæc omnes Demonstrationes ab Effectu verissime
 vocantur.

Demonstratio Quia autem Effectus est posterior naturâ suâ Causâ, ideo omnes Demonstrationes ab
ab effectu voca- Effectu, vocantur *Demonstrationes à Posteriori*; sicut illæ omnes quæ sunt à Causa, vo-
tur à posteriori. cantur *Demonstrationes à Priori*; & quia Causam immediatam convenire subjecto hic de-
 monstratur, quare autem causa illa subjecto conveniat, non demonstratur, nec verò demon-
 strari potest, (quia semper est propositio immediata immediatione Causæ;) ideo omnes De-
 monstrationes ab effectu vocantur *Demonstrationes ὅτι*, id est, *Quod res ita sit*; sicut om-
 nes quæ sunt à causa, vulgò vocantur *Demonstrationes διότι*, id est, *Propter quid*, quia
 demonstrant Effectum convenire illi subjecto, per causam illius effectus immediatam, ac
 proximam.

2

Sol.

1

Dub.

Si objicias, Demonstrationem omnem esse *Syllogismum scientialem*, seu *talem qui facit
 scire*: ut expresse ait Arist. 1. Dem. ca. 2. nu. 5. Demonstrationem autem ab Effectu non fa-
 cere scire, quia *scire est rem per causam cognoscere*; ut eodem cap. nu. 1. asseritur. Ideo
 Demonstrationem ab effectu non esse vecandam Demonstrationem. Solutio facilis est,
Scire enim dupliciter dicitur, ut ait Arist. 1. Dem. ca. 10. nu. 1. *Scire Quod sit*, & *Prop-
 ter quid sit*: Demonstratio à Causa facit scire & *Quod sit*, & *Propter quid sit*: ideo ea
 potissima, & præstantissima vocatur, & sæpe κατ' ἐξοχὴν Demonstratio; sicut etiam sci-
 re propriè, præcipuè, atque κατ' ἐξοχὴν is dicitur, qui scit & *Quod sit*, & *Cur sit*; De-
 monstratio autem ab Effectu, licet non facit scire *propter quid*, ideoque non gignit scienti-
 am *proprie dictam*, quæ est scientia tam *quod sit*, quam *cur sit*; tamen facit scire *quod
 sit* (& plus de causa sciri non potest quàm quod conveniat subjecto) & ideo est Demonstra-
 tio; *quod sit*, seu ὅτι licet non sit Demonstratio *quia sit*, aut διότι.

Prima Species Demonstrationis ab Effectu duæ sunt Species: Prior est, *In qua per Effectum Cause ef-
 ficientis per emanationem, quod inest subjecto proprio & immediato illius Effectus, Cau-
 sam ipsam proximam efficientem per emanationem illi subjecto inesse demonstratur.* Capi-
 amus vulgare exemplum, de quo quid sit sentiendum antè diximus.

Omne risibile est rationale,
 Omnis homo est risibilis,
 Ergo omnis homo est rationalis.

+ *Secunda Speci-* Altera Species est, *Quando ab Effectu Causa efficientis per externam actionem, qui sub-
 jecto convenit, demonstrans illam causam efficientem per externam actionem eidem sub-
 jecto convenire*: Ut hic,
onis ab Effectu.

Cuicunque corpori folia & fructus per humores eidem agglutinati desluunt, eidem
 convenit ut humores congelentur:
 At omni arbori folia & fructus desluunt,
 Ergo omni arbori convenit ut humores congelentur.

Necessitas in Atque hæc Demonstratio, uti etiam & prior, eandem planè habet Propositionum
Propositionibus necessitatem, & immediationem quam habet Demonstratio à Causâ; Differunt so-
Demonstratio lum per *Conversionem Majoris*, & *Transpositionem Minoris ac Conclusionis*, ut
is ab Effectu. antè dictum est.

Dub.

Sed quare non additur hic tertia Species, quæ respondeat Demonstrationi à causa finali?
 Ratio

Ratio manifesta est. Quia, cum causa efficiens, & finalis, ut antè docuimus, sint sibi mutuo causæ, sive probes efficientem per finem, sive finem per efficientem, utroque modo fit Demonstratio à causa: neutra verò est Demonstratio tantum ab effectu: quare non potuit ulla Demonstratio ab effectu huic respondere, quin eadem esset etiam à causa: & nomen dignius ei tribuendum esse jure videbatur.

Usus harum Demonstrationum ab Effectu, longè maximus est, & planè necessarius. Is est, ut per Effecta ducamur ad cognitionem Causarum. Nam omnis nostra cognitio, præsertim in illis scientiis quas i; si invenimus, incipit ab Effectis. Effecta nos sæpe sensu aut inductione magis facili ac sensibili cognoscimus subjectis convenire, ut expressè ait Arist. 1. Dem. cap. 10. nu. 2. Hoc cognito, inde Causas illorum effectum eisdem subjectis convenire concludimus. Accipe unum alterumve exemplum: Primum ex Arist. loco nuper allato: stellas aliquas scintillare, & quasi scintillas emittere videmus, & sensu discernimus; planetas id non facere itidem videmus, quætinus scintillationis hujus causam proximam; eam dum investigamus, animadvertimus inductione frequenti, ea corpora luminosa quæ propius à nobis absunt non scintillare, quæ verò longius distant scintillare. Ex hoc igitur Effectu, sensu cognito, demonstramus planetas propinquiores nobis esse, quia non scintillant; stellas verò fixas longius multò distare à nostro visu, quia scintillant: sic igitur concludimus.

Corpus luminosum quod scintillat longius remotum est,

Stellæ fixæ sunt corpora luminosa quæ scintillant,

Ergo stellæ fixæ longius à nobis remotæ sunt.

Hæc jam per effectum cognito, regredimur rursus à Causa ad effectum, & à priori, atque ex hac immediatæ causæ scintillationis, (quæ est longa distantia à visu) demonstramus, scintillationem stellis fixis & non planetis convenire. Utrum autem scintillatio ista accidens astrorum sit, an (ut mihi videtur) nostrum, & in nobis, quia visus noster vacillat ad inspectionem eorum quæ longissimè distant, & quorum species propter nimiam distantiam, non tam fortiter sensus ferire possunt (quomodo etiam idem usu venit illis, quorum visus humoribus noxiis impeditur, quibusque gemitis se ostendere Thebæ solent, Opticos consule.

Idem in eclipsi, idem in visibilitate, aliisque omnibus declarari posset. Sed omittis aliis, ego hic illud unicum exemplum de *inventione materie primæ* attexam. In illius notitiam, nos per aliqua effecta pervenisse, certum est. Per quæ verò? Omnes, ni fallor, Interpretes Arist. antiqui simul, ac moderni, ex generatione rerum & corruptione, materiam primam primò nobis innotuisse opinantur; & per hoc effectum demonstrari eam à posteriori putant. Mihi aliter omnino videtur, imò plus quam videtur. Nam certum est, materiam primam neque esse immediatam & adequatam causam, neque proximum ac proprium subjectum generationis & corruptionis. Etenim *Corpus in commune*, itémque omnes *caelestes orbes*, materiam primam habent; in his tamen nunquam erat, aut erit vel generatio vel corruptio. Si autem hæc esset vera Demonstratio à posteriori, & ab effectu. Hoc est generabile & corruptibile, ergo est materiarum; certè inde liceret regredi à priori concludere, Hoc est materiarum, ergo est generabile & corruptibile. Hoc quia non consequitur, ut in *corpore in commune* ac *cælo* liquidum est, certè ab hoc effectu generationis & corruptionis, materiam demonstrari impossibile est. Proxima autem causa generationis & corruptionis, sunt activæ illæ & passivæ qualitates, quæ corrumpentes dicuntur, quia rerum omnia quæ corrumpuntur corruptiones efficiunt; & proprium atque proximum subjectum generationis, est *Corpus ipsum in commune* prout habet in se formam caducam, corruptibilem aut ab ea separabilem; nam illud Corpus, mutationem utramque in se recipit; *Corruptionem*, cum amittit formam corrupti, *Generationem* cum acquirit formam geniti: Et ideo suscipit in se tam generationem quam corruptionem, quia habet in se perpetuò corrumpentes.

rumpentes qualitates, quæ inter se bello ἀπὸ τοῦ πο, in quo nullum unquam fœdus aut induciæ sunt, confligunt, donec uni corpori interitum attulerint, alteri ut succedat viam paraverint.

Quomodo igitur inquires, pervenimus in cognitionem materiæ primæ? Dicam quod vere sentio: Ab Effectu aliquo cognitam esse non est dubium; sed à quo Effectu? Attende; Certum illud est quod habet Aquinas, part. 1. quæst. 65. art. 1. & sæpe alibi. *Quando-
cunque in diversis invenitur aliquod unum, oportet quòd illa diversa illud unum ab ali-
qua una causa recipiant.* Hoc quod vere Axioma dici potest, inductione clarum est: Omnibus hominibus inest risibilitas, inest ergò omnibus aliquid quod est illis omnibus communibus causa & radix risibilitas: Brutis & hominibus inest sensus; inest ergò unum aliquid, quod est communiter utrisque radix sensus. Plantis & animalibus inest nutritio, utrisque igitur inest communis aliqua nutritionis causa: Mixtis, & elementis calor inest, utrisque ergò una aliqua inest caloris causa. Percurre omnia, non te unquam faller hoc Axioma. Vide nunc mihi cœlum, simul & omnia sublunaria corpora, vides in omnibus *mutationem* inesse ac *motum*, vides omnia *loco definitur*, *tempore mensurari*, *accidentibus subsistere*. Ne dubites igitur, inesse illis omnibus unam aliquam & eandem radicem ac causam, quare hæc communiter omnibus insint.

Ascende verò adhuc paulò altius; Spiritus contemplant, animas, hominum, & Angelos, tam bonos quam malos. Illi omnes, hæc quæ dixi, cum omnibus corporibus communia habent, *mutantur, moventur, loco definitur, tempore mensurantur, accidentibus subsistent*, æquæ ac corpora. Quare pro certo concludere potes, quod & spiritibus, & corporibus inest una aliqua communis causa, una radix unde hæc utrisque proveniant.

Quæ vero illa Causa? Accidens certè esse non potest. Nam Accidens nullum accidentia producere potest, nisi vi ac virtute substantiæ alicujus, cujus est instrumentum. Ut rectè docet Aquin. part. 1. quæst. 45. art. 8. ad secundum, & quæst. 115. art. 1. ad quintum, & sæpe alibi. Quare, si propter accidens ullum hisce omnibus commune hæc illis omnibus inessent, oporteret necessario aliquam substantiam, cujus vi ac virtute illud accidens ageret, omnibus inesse. Tandem igitur ad aliquam substantiam, quæ spiritibus simul omnibus, & omnibusque corporibus inest, ac communis est, pervenire necesse. Substantia illa, vel simplicis est essentiæ, vel compositæ: Ut sit compositæ essentiæ planè est impossibile; nam composita essentia nulla est aut fingi potest supra Spiritum & Corpus. Nulla igitur substantia composita, vel essentiæ compositæ, est utrisque communis; nulla igitur talis eorum quæ dixi Causa esse potest. Restat ergò substantiam esse aliquam simplicem & essentiæ simplicis, quæ cum sit Spiritibus simul ac Corporibus communis, eorum quæ dixi omnium communis causa esse debet. Substantia talis simplex, nulla est nisi vel forma, vel materia. A forma ulla illis communi, hæc provenire impossibile est. Nam nec Spiritibus forma inest; neque est ulla communis differentia essentialis formæ correspondens, quæ utrisque convenit. Nam differentia primæ essentialis substantiam dividunt in Corpus & Spiritum; quarum una Spiritui propria est, altera Corpori. Cum igitur nulla sit forma, aut essentialis differentia utrisque communis, sine dubio nulla forma eorum quæ dixi, causa utrisque esse potest. Restat igitur ut sit materia; & quia nulla materia, prior materiæ primæ vel est, vel fingi aut concipi potest, certissime concludere, atque ex hac Demonstratione à posteriori aut ab effectu scire debes; *U materiam primam Spiritui simul ac Corpori inesse, & eandem eam ipsam esse unam illam radicem, & unam causam, quare tam Spiritui quam Corpori ea omnia quæ dixi conveniunt; nempe Mutatio, Motus, Locus definitivus, & quod accidentibus subsistent.* Neque sanè unquam potuissimus scire materiam primam cœlo & sublunariis corporibus fuisse communem, nisi in utrisque vidissemus, & cognovissemus esse quosdam communes effectus, qui ab una communi utrisque causa proveniunt: similiter, nunquam potuissimus cognoscere hanc materiam primam spiritui inesse, nisi cognovissemus spiritibus simul & corporibus inesse quosdam communes effectus, qui ab una causa, ac radice utrisque communi proveniunt: à nulla verò aliâ causa posse provenire, nisi à materia prima, certo cognoscimus.

Atque

Atque hinc alterius certo scimus, & demonstramus à posteriori, hanc materiam nec inesse Deo, nec inesse posset; quia neque *Motus*, neque *Mutatio*, illi inest, neque is vel *Loco definiti*, vel *Tempore mensuari* potest. Quare cum materia nulla neque illa quidem simplicissima, (quæ primâ vocatur,) illi inest, sicut jam à posteriori demonstravimus; regrediendo demonstramus (idque à priori,) neque vel formam ei ullam inesse posse, quia forma nisi in materia esse non potest: neque accidens ei ullum inesse posse, quia materia prima est proxima & immediata causa substanci accidentibus. Ex quo rursus demonstramus, nihil omnino reale, seu nullum Ens esse Deo & creaturis ullis commune: Nam omnia Entia quæ creaturis conveniunt, sunt vel Substantia finita, vel Accidens, quorum neutrum Deo convenit aut convenire potest. Atque hinc rursus demonstramus, Deum esse omni modo simplicem, imò simplicissimæ naturæ: quia neque habet, neque habere potest ullam compositionem, vel ex partibus essentialibus, cum primum essenziale prædicatum sit materia prima, seu substantia; vel ex subjecto & accidente, quia accidens ei nullum inesse potest; ideoque nec subjectum ille esse potest; vel ex partibus integralibus, quia tales quantitativæ sunt, & accidentia insequuntur; accidentia autem ulla ei inesse possum. Hæc & complura alia, ex ista quam posui Demonstratione à posteriori, de materia prima non solum perspicue consequuntur, sed verissimè ac certissimè, partim à priori, partim à posteriori demonstrantur.

Merito hic dubitari potest de ista quam posui Demonstratione de materia prima. Nam in omni Demonstratione à posteriori, (ut ex definitione liquet) per effectum, quod subjecto inest, debet demonstrari Causam illius effectus eidem subjecto inesse: at in ista quam posui Demonstratione, Causa istorum accidentium aut effectuum, non demonstratur inesse materiæ, sed solum materiæ, id est, ipsum subjectum esse demonstratur. Cum tamen subjectum Demonstrationis omnis esse præsupponitur in omni scientiâ, non demonstratur: Respondeo, Subjectum quidem esse supponitur in omni scientiâ, non quia non possit à posteriori probari, sed quia is qui ad scientiam aliquam discendam accedit, non potest facile probationem illam percipere: ideo jubetur discipulus credere, & accipere id ut certum, licet postea, in progressu scientiæ, videbit & intelliget, tam quod probari possit à posteriori, quam quo modo id fiat. Hoc planè evenit in materia prima, cum à posteriori esse talem materiam probatur. Ad alterum quod objicitur respondeo, Causam istorum accidentium & effectuum, putà *mutabilitatis, mobilitatis, & reliquorum*, verè ac certo demonstrari in dicta Demonstratione de materia prima; non expresse quidem & explicitè, sed virtute & implicite. Nam materia prima, cum sit essentiæ simplicis, non habet (sicut homo, animal, & alia composita) aliquid realiter à se distinctum, quod vel sit causa istorum accidentium, vel causa cur sint in ipsa; sed ipsa sua simplex essentiâ, id est, ea ipsa est & causa proxima unde ista accidentia fluunt, & causa proxima cur ipsi insint. Ex quo fit ut qui ex mutatione, motu, & reliquis accidentibus, probat materiâ primâ inesse Spiritui ac Corpori, is, virtute & implicite, probat illa ipsa accidentia inesse in materiâ, & inesse ipsi per simplicem suam essentiâ. Nam cum quis ita concludit, Spiritui & Corpori inest mutatio ac motus, ergo inest eis materia prima: idem est verè & virtute, ac si diceret in hunc modum: Cuicumque insunt accidentia propria, quæ proximè & immediatè fluunt à simplici essentiâ materiæ primæ, illi inest materia ipsa prima (quæ est proximum & immediatum subjectum illorum accidentium) seu simplex essentiâ materiæ primæ, à qua illa accidentia fluunt; At Corpori & Spiritui communiter insunt illa accidentia propria, quæ fluunt à simplici materiæ primæ essentiâ; ergo Spiritui & Corpori inest tum materia prima, (quæ est proprium ac proximum subjectum istorum accidentium) tum simplex essentiâ materiæ primæ, à qua illa accidentia fluunt. Scio hic, pro subjecto istorum accidentium, poni *Spiritum, & Corpus*, quæ sunt mediata subjecta, non proxima; sed facilioris intelligentiæ causâ, posui illa loco materiæ primæ, quæ est proprium ac immediatum subjectum istorum accidentium: quia cum materia, & illius simplex essentiâ non sint realiter distincta, idem est esse dicere materiam, & dicere simplicem essentiâ materiæ. In idem igitur recidit sive materiam primam

Dub.

Sol.

dicas, five Corpus ac Spiritum; si hæc duo loco materiæ, id est, immediati subiecti poni advertas. Itid. m. idem planè est, dicere materiam esse, & dicere simplicem essentiam materiæ esse, itémque dicere Corpori & spiritui inesse materiam, ac dicere eis inesse essentiam simplicem materiæ: ita fit ut cum de Corpore & Spiritu demonstratur accidentia ista, per materiam, idem virtute est, ac si de ipsa materiâ demonstratur illa accidentia, per simplicem essentiam materiæ. Quod si clarius adhuc, & expressius videre cupis vim hujus Demonstrationis, accipe *substantiam completam* pro subiecto illorum accidentium (quam re idem sit cum materiâ, sed docendi causa sic accipiamus) & accipe *materiatum* pro essentia simplici substantiæ completæ: & tum sic contese Demonstrationem à posteriori, Omne mutabile, mobile, locabile, tempore mensurabile, & capax accidentium, est materiaturum; Omnis substantia completa est mutabile, mobile, locabile, tempore mensurabile & capax accidentium. Ergo omnis substantia completa est materiaturum. *Hic subiecto proprio ac immediato* horum accidentium (quod est ipsa materia prima) probatur *materiatum* esse, i. simplicem essentiam materiæ (quæ est *Causa proxima & immediata illorum accidentium*) inesse, quia eidem subiecto ipsa illa accidentia (quæ sunt illius causæ effecta, insunt quæ verissima est & clarissima Demonstratio à posteriori: unde si regredi vis & demonstrare à priori, hæc accidentia alicui inesse, ita debes arguere: Omne materiaturum est mutabile, mobile, locabile, tempore mensurabile, & capax Accidentium: Omnis substantia completa, (tam Spiritus quam Corpus) est materiaturum, Ergo omnis substantia completa, (tam Spiritus quam Corpus) est mutabile, mobile, locabile, tempore mensurabile, & capax accidentium. Quæ est verissima Demonstratio à causa, seu à priori. Atque hinc ulterius per Demonstrationem negativam, à posteriori, demonstrates Deum non esse materiaturum; Quicquid non est mutabile, mobile, locabile, tempore mensurabile, illud non est materiaturum; Deus non est mutabilis, mobilis, locabilis, nec tempore mensurabilis: Ergo Deus non est materiaturum. Atque hinc rursus à priori poteris demonstrare, per Demonstrationem negativam, Deum non esse capacem ullius accidentis; Quicquid non est materiaturum, seu quod non habet materiam, non est capax ullius accidentis (nam materia prima, seu illius simplex essentia, est vera, proxima & immediata causa cuiuslibet capax sit accidentium): at Deus non est materiaturum, vel non habet materiam, ergo Deus non est capax ullius accidentis: Hæc est vera & unica ratio; quâ ad certam notitiam materiæ primæ perveniri potest; & quâ sola ratione materia prima inventa primo fuit, & cognita; quæ ego hic fufius tractare volebam, tum ut rei tam obscuræ (in qua tam multi lapsi sunt) lucem affererem, tum ut his tam illustribus Demonstrationibus, singularem Demonstrationum in omni Scientia usum adulescentibus indicarem. Nam hæc omnes quas proposui de materia prima Demonstrationes, five à priori illæ sint, five à posteriori, ad Metaphysicam spectant, ad eamque illius partem in qua subiectum est *substantia completa*: illæ verò quas de Deo negativæ Demonstrationes proposui, ad Metaphysicæ partem illam spectant, in quâ subiectum est *Deus*; sed non antè possunt formari hæc negativæ de illo Demonstrationes, quam priores affirmativæ de materia prima planè perspectas habeamus.

An regressus
in Demonstrationem
ab illicitus sit.

Quæres an regressu illo quem diximus uti liceat, & an necessarius sit. Nam Arist. Circularem Demonstrationem rejicit, lib. 1. Dem. cap. 3. videtur autem circularis esse quando ex effectu causam, & rursus ex causa effectum demonstramus. Præterea, si admittatur hic regressus, effectus erit & notior nobis suâ causâ, & etiam causa notior nobis suo effectui, quod non videtur possibile. Postremo in progressu ab effectu ad causam, vel cognoscimus causam illam esse causam illius effectus, vel non cognoscimus; si cognoscimus, frustra regredimur; si non cognoscimus, tum effectus non dabit nos ad notitiam causæ & tum inutilis erat, nec generavit eam cognitionem, quam Demonstratio generare solet ac debet.

Respondeo, Aristotelem non rejicere omnem Circularem Demonstrationem, sed eam solum quam veteres venditare solebant. Dicebant autem illi utrumque processum esse Demonstrationem à priori, & à notioribus naturâ. Hoc merito ut absurdum, & ridiculum, &

impossibile rejicit Arist. In regressu autem unus processus est ab effectu ad causam, ideoque ab eo quod naturâ suâ posterius est atque ignotius : Alter vero processus, est à causa ad effectum, ideoque ab eo quod est prius atque notius naturâ suâ. Quare, ne videamur circum illum admittere quem rejicit Aristoteles, noluimus hanc probandi rationem vocare *Circularem Demonstrationem*, sed, ut ab illo circulari distingueretur, *Regressum in demonstrando* appellare maluimus.

Ad alterum, fatendum est idem posse rectè dici & notius nobis, & ignotius alio, sed diverso sensu. Effectum scimus ante causam, sed *confuse*, non autem *distinctè*; & ista confusa cognitio effectus, ducit nos ad cognitionem causæ. Priusquam autem distinctè cognoscimus effectum, oportet nos distinctè cognoscere hanc esse proximam & immediatam illius effectus causam. Quando autem id cognoscimus de causa, tum facile possumus distinctè cognoscere effectum per illam causam; in primò igitur processu qui est ab effectu ad causam, confuse solum adhuc, & imperfectè cognoscimus tam causam esse hujus effecti causam, quàm effectum esse hujus causæ effectum: sed postea per accuratum & diligens examen mentis, discernimus hanc esse proximam causam hujus effectus: & tum ex ea causa, in secundo processu (qui regressus dicitur) demonstramus & effectum illud tali subjecto inesse, & quare insit scimus. Inter primum ergo processum, qui confusam solum generat notitiam causæ, *intervenit diligens examen mentis*, per quod distinctè cognoscimus causam esse hujus effectus causam, & ex eâ, effectum subjecto huic inesse demonstramus. Ita neque penitus ignoramus causam, cum facimus primum processum; (nam tum ad notitiam causæ nunquam duceremur per effectum:) nec planè tamen & perfectè cognoscimus, (nam distinctam adhuc non habemus scientiam quod hæc sit proxima illius causa:) sed postquam per examen (quandòque longius, quandòque breve ac subitum) percipimus causam hanc esse proximam illius effectus causam, tum in secundo processu, statim regredimur ad demonstrandum effectum, quem jam scimus propter hanc causam subjecto inesse.

Hæc sunt, quæ de Demonstratione non tam explicanda mihi, quàm significanda susceperam. Si quis verò plenam, solidam, ac perfectam eorum omnium quæ ad Demonstrationem spectant, notitiam habere desiderat, eum ego ad doctissimum Jac. Zabarellam iterum remitto: à quo hæc, aliæque omnia quæ in hac causa scire cupit, hauriri, nec tamen unquam exhauriri possunt. Certè enim in hac parte Logicæ ille Palmam meruit,

Palmam ergò ille habeat secum, servetque sepulchro.

Finis Libri quarti.

1. The first step in the process of the investigation is the identification of the problem. This is done by the investigator who is responsible for the study. The investigator must first identify the problem that is being investigated. This is done by the investigator who is responsible for the study. The investigator must first identify the problem that is being investigated.

[illegible]

1. The first of these is the fact that the system is not a simple one, but a complex one, involving many different factors and many different people. The second is that the system is not a static one, but a dynamic one, which is constantly changing and evolving. The third is that the system is not a closed one, but an open one, which is constantly interacting with the outside world. The fourth is that the system is not a linear one, but a non-linear one, which is characterized by feedback loops and other non-linear relationships. The fifth is that the system is not a deterministic one, but a probabilistic one, which is characterized by uncertainty and risk. The sixth is that the system is not a single one, but a multiple one, which is characterized by many different perspectives and many different interests. The seventh is that the system is not a simple one, but a complex one, which is characterized by many different factors and many different people. The eighth is that the system is not a static one, but a dynamic one, which is constantly changing and evolving. The ninth is that the system is not a closed one, but an open one, which is constantly interacting with the outside world. The tenth is that the system is not a linear one, but a non-linear one, which is characterized by feedback loops and other non-linear relationships. The eleventh is that the system is not a deterministic one, but a probabilistic one, which is characterized by uncertainty and risk. The twelfth is that the system is not a single one, but a multiple one, which is characterized by many different perspectives and many different interests.

Stamp 1001 10/13

LIB. 3

LIB. V.

DE

SYLLOGISMO
PROBABILI.

CAP. I.

De Syllogismo Probabili in Genere, & quid
sit Probabile.

Dictum est de prima Specie Argumentationis, quæ est *Demonstratio*. Sequitur nunc secunda Species, quæ est *Probabilis Argumentatio*; de qua agendum, primo; in Genere: secundo, in Specie. Ea in Genere sic definitur: *Argumentatio Probabilis est Argumentatio ducta ab aliquo loco probabiliter arguendi, in qua ex Præmissis probabilibus, Conclusio inferitur, vel ad inveniendum quod verum est, vel ad suadendum quod bonum est.* In qua Definitione tria exprimuntur, quæ sunt diligenter observandæ. Primum est, *Quis sit hujus Argumentationis finis*: Secundum, *Qualis sit illius materia*: Tertium, *unde ducatur hac Argumentatio*. Finis est duplex; unus est *Differere*, id est, disputando verum invenire, vel tentare an alius eum invenire possit: alter est *Suadere aut Dissuadere*, id est, aliquid faciendum esse. Ac per hos utroque fines differt à *Demonstratione*, cujus finis n. c. est differere nec suadere, sed tantum docere. Quare juxta hos duos fines, dux sunt Disciplinæ quæ ambæ probabiliter Argumentatione utuntur, *Dialectica* nimirum & *Rhetorica*. Utræque probabiliter arguit, uterque eadem formâ syllogizandi & arguendi utitur, uterque ex eisdem locis arguendi argumenta petit. Sed *Dialectica* objectum est verum, & cognitio veri; *Rhetorica* finis est Bonum, seu res agenda vel non agenda. Quare si quis se *Dialecticum* dici vult, oportet ut is probabiliter arguat ut vel verum ipse inveniatur, vel ut teneat an alius illud invenire possit. Sin *Rhetor* audire vult, tum oportet eum probabiliter arguere, ut suadeat alicui hoc vel illud facere aut non facere. Acque hinc utramque Disciplinam facile est definire. *Dialectica est Species vel pars Logicæ generalis, quæ docet probabiliter arguere in hunc finem, ut differendo verum invenitur.* *Rhetorica est pars Logicæ generalis, quæ docet probabiliter arguere in hunc finem, ut suadeat aut dissuadeat aliquid esse faciendum.* Utrique Disciplinæ hoc commune est, quod doceat probabiliter arguere: finem verò diversum uterque sibi proponit. Quoniam ergo eisdem omnino formâ probabiliter arguendi uterque utitur, nos hic quod utrique commune est tractabimus, unicuique liberum relinquentes, an *Dialecticus* esse velit, & uti hac formâ probabiliter arguendi ad verum inveniendum; an *Rhetor*. & uti eadem formâ probabiliter arguendi ad suadendum aut dissuadendum. Subjectum igitur hujus nostræ tractationis non est vel *Dialecticus Syllogismus*, vel *Rhetoricus*; sed is qui utrique communis est, quique communi nomine *Syllogismus vel Argumentatio Probabilis* dici debet.

Secundum

Argumentatio
Probabilis,
quid.Finis Proba-
bilis Argu-
mentationis.Dialectica &
Rhetorica dif-
ferentia.Dialectica
quid.
Rhetorica
quid.Subjectum hu-
jus tractatus.

Præmissa & Conclusio Probabiles. Secundum in dictâ Definitione observandum, est, quod tam *Præmissa quam Conclusio Probabiles sint*. Nam in hac etiam differt Demonstratio seu Demonstrativa argumentatio à Probabili, qua in illa tam Conclusio quam Præmissæ necessariae sunt; In Probabili autem argumentatione, sicut Conclusio ut probabilis inferitur, ita Præmissæ ut probabiles afferuntur: neutrum horum, neque Conclusio, neque Præmissæ necessariae sunt; aut si ex se necessariae sint (ut sepius sanè sunt) tamen ab eo qui probabiliter arguit accipiuntur: ut *probabiles solum*, non ut necessariae: ille enim, si neges, paratus est eas quantumvis necessariae sint, alio probabili Syllogismo confirmare.

Probabile quid sit.

Probabile definit Arist. 1. Top. c. 1. nu. 7. *Esse id quod verum esse videtur, vel omnibus, vel plerisque, vel sapientibus, atque his vel omnibus, vel plerisque, vel sapientissimis.* Quia autem definitio hac testamento aliarum nititur, & quia difficile est cognoscere, quid vel plerique, vel sapientissimi sentiant in ulla causa, quid verò omnes sentiant planè impossibile est scire; ideo omittâ istâ Arist. definitionem, quid sit *Probabile* ex ipsa Probabilitatis in se considerata naturâ explicabimus. *Probabile illud est, ad quod probandum, i. approbandum eique assentiendum, argumentis inducitur aliquis.* Nam verbum hoc, *Probo*, primariò significat idem quod *approbo*, ut apud Cic. ad Attic. *Meum factum probari abs re gaudeo*: secundariò autem *argumentum aliquam confirmare*, id est, efficere ut probetur ab alio. Quare *Probabile* id vocandum est quod tale est, ut argumentorum vi efficiaris aut inducaris probare seu approbare. Pari sensu *Probabilis argumentatio ea dicitur, per quam quis facit aut facere conatur, ut Conclusionem probet eique assentiariis.* Sic & propositio probabilis dicitur, quod argumenta afferri possunt quæ inducant auditorem eandem probare, eique assentiri. Ex quo fit ut non solum verum, sed & falsum etiam si verisimile sit, *Probabile* dici possit. Ut Cic. lib. 1. de Invent. ait *Probabile id esse, quod habet in se quandam similitudinem, sive id falsum est, sive verum.* Et in Parad. *Nihil est tam incredibile quod non dicendo fiat probabile*, id est, tale ut videri tibi possit probandum esse.

Falsum nunquam solide probari potest.

Observa tamen quod *Falsum nunquam solide aut efficaciter ullâ firmâ argumentatione probari aut confirmari potest.* Nam si posset, tum recta ratio indicaret, & verè indiceret falsum esse verum, & idem simul esse ac non esse: quod est impossibile. Sed quia veritas sæpe in occulto latet, & nos fugit, fit argumentationum vi, (in quibus sæpe specie veritatis decipimur,) ut ea nos pro veris, quæ verè falsa sunt, approbemus. Quod quotiescunque fit, certè aut Syllogismus in forma peccat, aut sine dubio nos Præmissas, aut earum alteram, quæ falsa fuit, pro verâ admittimus; atque ita in errorem, qui in Conclusionem continetur, lapsi sumus. Nam si Syllogismus rectè contextus sit, impossibile est ex veris Præmissis, quicquam nisi verum unquam inferre aut concludere. Cum igitur audis hanc vel illam rationem *probabilem esse* aut dici, ne idcirco eam despicias, quasi vel Præmissæ non sint in ea veræ, vel Conclusio ita probata non sit vera, sed solum verisimilis aut incerta: nam (quod te hic semel monitum volo) argumentationes omnes probabiles, si veræ argumentationes sint & non fallaces, & si rectè à locis arguendi ducantur, verum semper concludunt, idque ex Præmissis veris, talibusque ut necessariò concedendum sit Conclusionem inde consequentem & veram & certam esse. Sed *probabiles* dicuntur respectu intensionis ejus qui ei utitur, quia is illas Præmissas sive veræ sint, sive falsæ, probare paratus est, & ratione alia efficere, ut tu eas probes, eisque assentiariis. Quod si tu unquam ullâ ratione in errorem adductus sis, scias pro certo vel argumentationem talem non fuisse rectè formatam, vel non rectè ab illo arguendi loco ductam, vel in eâ Præmissam unam aut ambas falsas, ideòque non probandas fuisse; quas, quia tu (rerum ignarus, nec satis ad singula expendenda promptus,) specie veri deceptus, ut veras accidis, hinc fit ut tuo vitio in errorem incidas, quia probasti id, eique assensum præbuiisti, quod reverà probandum non fuit, sed penitus pernegandum, licet speciem veri habere videbatur.

Hinc

Hinc etiam Dubium quoddam solvitur, non indignum observatione. In disputando semper opponens unam contradictionis partem accipit, Respondens alteram: harum una semper vera est, altera falsa, at falsi in tueri imò vel solum asserere nulli licet, quia præceptum generale omnibus est, *Loquimini veritatem*. Videtur igitur non licere in ulla Causa cuiquam disputare, quia alteri sine dubio falsum asserendum est & tenendum. Atque hoc facere nonnullorum, qui periti satis juris erant, animis scrupulum iniecit scio, qui hoc ipsum mihi olim, cum in illo nobis Lincolnienſi hospicio concionatoſis officio fungeret, preposuerunt; utque hunc scrupulum eorum animis eximerem postularent. Hinc autem penitus tollitur: Nam si veritas *confpicua sit*, non alia mens est, aut esse debet Opponentis, aut in contrariam partem arguentis, quam ita dicere. *Hac verisimilitudine quam nunc propono, videtur veritas ista quam tu tueris infringi*; aut, *Sic arguunt illi qui contrarium asserunt*, aut aliquid simile. Et sanè nulli dubium est, quin clarissima veritas, verissimi in aliquâ argumentatione oppugnari possit. Eam verisimilitudinem dum disputatione instituta utrique discutiunt, fit ut veritas magis eluceſcat, & ut id in quo verisimilis illa quæ allata fuit ratio, claudicabat, utrique fiat manifestum. Quando autem de *veritate non constat* (quod & in aliis Disciplinis, & in Jurisperitorum disceptationibus sæpiſſimè uti venire solet) tum quia utramvis partem tueretur, probabilitati innitur, & ex utra parte veritas fiet discutiunt. Utrique igitur hic subintelligunt hoc vel quid simile, *Ex hac probabilitate videtur causa nostra esse, nobisque adjudicanda*. Ita fit ut neuter unquam falsum asserat, nè tum quidem cum id quod falsum est, specie probabilitatis se intueri vel dicat, vel ut subintellectum inter differendum pœnit. Si verò quis, *certo cognitam*, & perspectam sibi veritatem oppugnet, vel si uterque disputantium *secus hoc, quod semper subintelligendum in disceptando dicimus*, in arenam descendat, & eorum unius seriò, confidenter, & ex animo contradictionis unam partem asserat; & pari confidentiâ adversarius alteram tueatur; nulli dubium esse potest, quin eorum alter, (seriò id quod falsum est asserendo) mentiat, idèque graviter delinquat. Nam nec seriò nec simulatè unquam cuiquam est contra veritatem asserendum. Sint Theologi, imò Oratores omnes, & Juris-consulti, qualem fuisse Biantem refert Diog. Lært. a *Orator summus & rehemens, sed in bonam causam dicendi vix omnem exercuit*. Ne-
fas esse sibi sciant omnes, vel Dialecticam artem, vel Oratoriam in *Augutam malitiam*,
ut vocat Lactantius, b *vertere*: quod quoties faciunt, gravissimam illam Augustini cen-
suras incurrunt: *Felix c cor acutum ad virtutem, infelix contra veritatem*. Discant
omnes ab Apostolo: *Non possumus, facere quidquam contra veritatem, sed pro veritate*.
Hec autem in his senescentis mundi pravissimis ac corruptissimis hominum ingeniis, vix
sperandum, nisi juxta Areopagitarum legem, d *disceptantes omnes juramento prius adi-*
gantur se non calumniaturos. Probabilitate & similitudine veri, quod sæpe latet, cer-
rent: sic certare licet in re dubia, ut veritas inveniat, in re conspicua, ut veritas magis
manifestetur, & triumphet: Sed sub ista specie probabiliter arguendi, veritatem per
ul-
lam fraudem, & quasi per cuniculos evertere velle, hominis nequam est, & ingenii pes-
simo genio acti; qui licet aliquandiu reſortet lauream, & cum ea mercedem suæ fraudis,
tandem tamen experietur quam verè dictum sit, *Non profunt thesauri iniquitatis*: & *La-*
bia mendacia abominatio februa.

a In vita Biantis.

b Lib. 1. cap. 1.

c Lib. 14. cont. Faust. cap. 9.

d Demonstr. contra Aristocr.

C A P. II.

De Locis Arguendi, & quomodo sciatur à quo Loco Argumentum ullum ducatur.

Locus arguen-
di communis
Demonstratio-
ni Dialecticæ
& Rhetoricæ.

Tertium quod in Definitione Argumentationis probabilis declaratur, est, quod ducitur ab aliquo Loco probabiliter arguendi. Duci quidem à Loco arguendi, non est proprium Argumentationis probabilis, sed & Demonstrationi, & Dialecticæ, & Rhetoricæ æque convenit. Omnis enim Argumentatio quæ in ulli certâ materiâ contextitur, ducitur, ac duci debet ab aliquo arguendi Loco, aliter nihil quidquam arguere posset. Sed duci à Loco probabiliter arguendi, hoc verè proprium est Argumentationis probabilis; & in hoc à Demonstratione differt, quia Demonstrator utitur solummodo quatuor Locis eisque necessariis. Semper enim arguit vel à Causa efficiente per emanationem vel à Causa efficiente per externam actionem, vel à Causa finali, vel ab Effectu. Præter hos autem (ex quibus quoque probabiliter arguere licet sunt multo plures Loci arguendi probabiliter; ut à Genere, à Specie, ab Adjuncto, ab Oppositis, & similia.

Quia autem Locorum frequens admodum deinceps mentio nobis facienda est, ideò de Locis his tria sunt ante omnia sedulò observanda: Primum est, *Quid sit Locus arguendi*. Secundum, *Quomodo sciatur à quo Loco Argumentatio ulla ducitur*. Tertium, *Quomodo sciatur an Argumentatio ab illo Loco ducta sit firma & valida, an infirma & invalida*.

Locus quid sit, Locum sedem argumenti vocat Cicero lib. 1. suorum Topic. Theophrastus *Domicilium*, Boëtius *Thesaurum* nominat, quia in eo Argumenta, vel ut thesauri & opes ingeniorum, quasi in domicilio quodam aut Gazophylacio reponuntur, ex eoque quotiè opus est, depromuntur. Arist. lib. 2. Rhetoricæ cap. 26. vocat *Elementum*: sed & hoc ipsum *Locus* nomen ab Aristotele usurpatum est, tum eodem illo capite, tum lib. 8. Topicæ, ca. 1. nu. 1. ubi expressè *Locos* nuncupat; & iterum lib. 6. Topicæ, cap. 4. nu. 3, 4, 5. & sæpissime alibi. Quin & libros illos ipsos ubi de *Locus arguendi* agit, ἀπὸ τῶν τόπων, Topicorum, id est, *Locorum Libros* appellavit. Pessimè omnium, imò ineptissime Per. Ramus, *Locos* hos arguendi *Categoriarum* nomine nuper indigitavit: apud quem, & ejusque sequaces b *Categoriam* Causæ, *Categoriam* Effectus, *Categoriam* Adjuncti, *Categoriam* Dissimiliorum, & similes *Categorias* frequenter legas. Sed cui fini credis sic appellavit? Certè non in alium ullum, nisi ut abolitis decem illis antiquis Aristotelicis. & nunquam satis laudatis *Categoriis*, & cum eis universâ Logicâ & bonis omnibus artibus oblitteratis, ambitiosus homo, vestigia aliqua Logicæ in *Categoriâ* Causæ, *Categoriâ* Effectus, aliisque novis suis *Categoriis* retinere videretur. Nos *Categorias* illas novas, & verè stramentitias, vel pueris ipsis deridendas relinquentes, cum Cicerone, imò cum Arist. Logicorum omnium principe, *Locos arguendi*, vocemus. Sic verò definiri potest: *Locus arguendi, est locus tam unde argumentationes ducuntur, quam ubi Axiomata varia quibus argumentationes inniti solent; & 180. Cate-* collocantur. Et mihi sanè vel maxime Loci ideò dicti videntur, quia sunt *Maximarum & Regularum sedes, ac receptacula*; quam vis & ipsarum Argumentationum quæ inde ducuntur respectu, *Locos arguendi* dictos etiam esse, & merito fateamur. Sed quacunque de causa *Loci* nominentur, *Locos*, ut ex Aristotele, Cicerone, aliisque ostendi, vocandos esse, ne dubites.

Hinc

Hinc duo observa; primum peccari à multis frequentiquidem sed crasso errore, qui dicere solent Locum Topicum; & Argumentum ducitur à Loco Topico, aut similiter: quod nihil est aliud, quam cum Barro dicere locum localem. Argumentum quidem, aut Syllogismus sive Demonstrativus is sit, sive Dialecticus, sive Rhetoricus, Topicus rectè dici potest; Locus verò Topicus, nisi per Coccismum dici non potest. Et aliis quidem ego hic ignosco: Petro Ramo, qui omnium, quos unquam legi, Momum agit insolentissimum, venia dari nullo modo debet. Quis à Topico doctore audire ferat Locus Topicus? Tu audies, & loges, apud eum lib. Animad. 12, in initio, Loci deinceps Topici conturbantur. Et quidem isti Momus debemus omnes hunc idiotismum, ejus ille (ut ego opinor) aliis author. Sed non incommode hic accedit, juxta vetus verbum, Similes habent labra laeucas.

Secundo observa, quantà imperitià multi Syllogismum Topicum pro eodem cum Dialectico censeant, quasi nullus esset Syllogismus Topicus nisi Dialecticus, Fœdus sane est hic error, & radicatus omnino extirpandus. Certe enim Argumentatio omnis, quæ in ulla materiâ, vel necessariâ, vel probabili contextitur, ab aliquo arguendi Loco ducitur, ideoque Topicus Syllogismus vere est, ac dici debet. Demonstrator à Causa arguit, vel ab Effectu; ideoque Syllogismo Topico, id est ab illis Locis ducto semper utitur. Idem Rhetoricus omnis Syllogismus; vel à Causa, vel ab effectû, vel à Subjecto, vel ab Adjuncto, vel ab alio Loco semper ducitur: quare Rhetoricam Syllogismum omnem Topicum esse necesse est. Sic & Dialecticus omnis Syllogismus Topicus est. Solum Argumentatio seu Syllogismus prout ad nullam materiam restringitur, (quo modo tractatur in libris Priorum, ubi de ea in Genere agitur) à nullo Loco ducitur, ideoque Topicus dici nec potest, nec debet. Reliqui omnes Syllogismi, Topici vere sunt; ideo Syllogismus Topicus qui est Genus eorum omnium, communis est tam Syllogismo Demonstrativo, quam Probabili, sive Dialecticus is sit, sive Rhetoricus, Ut nimis crassum inscitia sit Syllogismum Topicum cum Dialectico confundere, aut eundem cum eo putare. Discrimen inter hos solum est in fine & scopo arguendi ab ullo Loco. Demonstrator arguit à suis Locis (illi non alii sunt nisi à Causa & Effectu solum ut doceat.) Dialecticus ab omni Loco arguit, solum ut verum inveniat: Rhetor ab omni Loco item arguit solum ut suadeat aut dissuadeat. Ita Loci quibus utitur Demonstrator, quatenus ille utitur, sunt Loci doctrinales. Loci quibus Dialecticus & Rhetor utitur (ii, omnes sunt) quatenus illi ab eis arguunt, sunt Probabiles, sed quatenus à Dialectico usurpantur, adhibentur solum ad verum inveniendum, quatenus à Rhetore, adhibentur solum ad bonum suadendum.

Cum jam omnem Syllogismum in ulla materiâ contextum ab aliquo arguendi Loco duci certum sit, duo alia adhuc supersunt: Prius, quomodo quis sciat unde, aut à quo Loco argumentum ullum petitur: Posterius, quomodo sciat an argumentum ullum rectè ab illo Loco ducatur, sic ut forma sit & valida ab eo loco collecta Conclusio. Et in his quidem insudare debet, qui quis Logicam specialem, rectè docere vult. Nam primò, Locos eum omnes diversos designare oportet, unde petuntur argumenta, & indicare quo tempore, quo certo & infallibili indicio sciamus argumentum quod proponitur, ab hoc Loco & nullo alio, duci. Deinde quia firmitas arguendi ab illo Loco dependet à certis quibusdam, & indubitatis regulis, secundus labor esse debet, Regulas seu Axiomata, & Maximas, vel omnes, vel præcipuas saltem tradere, quibus inniti, aut in quibus fundari debent argumenta à tali loco firmiter ducta aut ducenda. Hæc duo qui præfatus est vere Logicam specialem, Demonstrativam dico, Dialecticam, & Rhetoricam; docuisse docendus est. Horum verò alterutrum, si quis aut neglexerit, aut omiserit, is certe quidvis potius quam Logicam docuisse censendus est. Reliqua enim omnia sine hisce, ad Logicam neque quidem valent. Quare non possum satis unquam mirari, quid nonnullis doctis viis in mentem venerit, qui Pet. Ramum pro magistro Dialecticæ non habere solum sed venerantem. Certe enim in priori suo libro, quem illi tam opere admirantur, nec Dialecticam ille, nec Logicam omnino tradit tractatve. Ut Diogenes in media Atheniensium turba,

hominem quærebat, sic tu lampade accensa, imò in ipso meridiano sole, *Logicam in illo Logice libro quæras, nec invenias tamen.* Locos fateor aliquot arguendi (quos *Inventionis Locos* vocant) nominavit, eisdemque quomodo, cunque (certè non accuratè sed nec rectè quidem) descripsit. Sed quo pacto scias à quo *Loco* hoc aut illud argumentum ducatur, nusquam notavit, sed nec conatur quidem explicare. *Axiomata* verò & *Regulas* per quas cognoscas firmumne sit & validum Argumentum à tali *Loco* ductum, has inquam, ne extremis quidem digitis attingit; neque (ut ego certè sentio) quomodo iterum horum fieret modo intellexit, tam levi ille literaturâ tinctus erat, & in *Logicis* verè talpa. In his verò duobus si *Dialecticam* docere voluisset, labor omnis ei impendendus erat: Nam in his ipsi *nervi Logice artis* positi sunt. Idem igitur ipsi hic usu venit, quod alicui qui professus se artem ædificandi traditurum, quid fundamentum, quid tectum, quid fenestra, quid lignum, laris, & cementum sit, pingui & satis crassa *Minervâ* docet: sed ubi lapides, ligna aut cementum locanda sint, quomodo ad extruendum ædificium aptanda, aut quomodo fundamentum jaci, tectum superstrui, fenestra aptari debeat, de his ne verbum unum facit. Quisquamne tali Magistro peritus artifex unquam evadat? aut istis præceptis domum extruet? Idem planè facit novus hic *Dialecticæ Architectus*, quid *Causa* sit, quid *Effectum*, quid *Subjectum*, & *Adjunctum*, suo more, id est, valde imperitè, indicat: sed quomodo scias vel reipsum vel aliud à *Causa* arguere, ab *Effectu*, aut ullo alio *Loco*, quomodo etiam scias utrum vel tu ipse, vel alius solidè ac firmè à *Loco* *Causæ* aut *Effectus* arguar horum neutrum neque docet te uspiam, neque vel leviter significat; ut hic iterum *Lipstianum* monitum juvenibus inculcandum sit: *Nunquam eris ille magnus cui Ramus magnus.*

Sed fortassis hæc ille omisit quia facilia sunt & cuivis obvia, sic ut à quovis, sine ullo monitore aut magistro cognosci possint. Non est ita. Neutrum horum obvium aut facile. Utrumque arduum valde est & obscurum. Nam certè *Regulas* seu *Axiomata* de quovis arguendi *Loco* tradere, difficultatis est maximè faciliè intelliget, quicumque eas vel invenire experietur, vel ab aliis inventas examinare. Verè enim opus & laboris summi, & periculose plenum a'æ, ac suppositum cineri doloso. Indicare autem certum aliquod & infallibile *medium* seu indicium quo sciamus ex quo *Loco* quodvis argumentum ducatur, tam arduum est, ut à nemine quod sciam hætenus declaratum sit; & ego me fateor post longam ac seriam hujus rei meditationem, mihi ipsi vix satisfacere posse. Tentabo tamen utraq.

Secundum igitur quod de *Locis* proposui, est, *indicare quomodo sciamus à quo Loco argumentum ducatur.* Hoc in *Syllogismis* *Categoricis* aliisque etiam qui ad *Categoricos* reducuntur, ex hac quam *Auream* dixerim seu *fundamentalem* in arguendo *Regulam* intellexerit.

Regula, quâ sciamus: unde Argumentum aliquod ducatur

Locus omnis arguendi, ab eo respectu quem Medium habet ad Majorem terminum, dijudicandus est. Quare si quid *Medium* sit respectu *Majoris* termini, quemque respectu ad eum habeat, cognoscas, ab eo *Loco* duci illud argumentum quories *Syllogismus* perfectus est, dicendum est. Sin *Enthymema* texatur, ad *Syllogismum* perfectum reduci oportet, & tum eadem regula semper tenebit. Quare si *Medium* sit *Causa* *Majoris* extremi, est argumentum à *Loco Causæ*; si sit *Effectum*, est à *Loco Effecti*; sin *Adjunctum*, ejus aut *Subjectum* sit, à *Loco Adjuncti*, aut *Subjecti* duci argumentum dicitur. Iteridem in reliquis: unde hoc argumentum, *Socrates est risibilis, ergo est homo*, est ab *Adjuncto*: & hoc, *Socrates est homo, ergo est animal*, est à *Specie ad Genus*. Arque hæc ut opinor regula in *Syllogismis* *Categoricis* nunquam te fallat. In *Hypotheticis* autem *Syllogismis* qui ad *Categoricos* reduci non possunt, alia regula quærenda est, ut *Locum* talis argumenti cognoscas. Eam ego, si operæ pretium esse judicarem, investigare conarer sed in re tantillâ nolui immorari.

Quomodo sciamus an argumentum firmum sit vel infirmum ab ullo modo ductum.

Tertium quod proposui de *Loco* declarandum est, *Quomodo sciamus Argumentum ab ullo Loco ductum esse firmum ac validum.* Hoc verò non aliter quam ex *Regulis* arguendi

ab eo Loco discerni potest. Nam omne Argumentum à quocunque Loco ducitur, innitit debet Axiomati aut infallibili regule; cui si non innitatur, & ex ea vim habeat, infirmum est. Quare hoc, animal est bipes, homo est animal ergo est bipes, etsi verè sit argumentum à Subiecto, quia animal quod est Medium, est Subiectum Majoris extremi, quod est bipes: tamen non valet, quia nullum est Axioma cui innititur hæc ratio. Accipit enim pro Axiomate hoc quod Axioma non est: Cuiusque Subiectum convenit, eidem omnia illius Subiecti accidentia conveniunt. Hoc autem falsum est: Sed Axioma cui innitit debere est hoc, Cuiusque Subiectum aliquod convenit, eidem insunt omnia accidentia que illi Subiecto necessario conveniunt: Jam bibes accidens quidem est animalis, sed non necessarium, quippe sine eo Subiectum illud esse potest.

Is ergo qui Logicam specialem, vel Demonstrativam vel Probabiliter arguentem, Dialecticam nampe, vel Rhetoricam rectè docere cupit, debet omnia, aut certe præcipua Axiomata quibus ulla argumenta ab ullo Loco ducta innituntur, ad illum Locum referre, ut intelligat is qui discit, ab eo Loco firmiter argui posse, si argumentum ab eo Loco ductum ulli istorum Axiomatum innitatur, sin secus, invalidum esse. Quare non potest satis graviter à quoquam reprehendi Rod. Agricola non inscitia solum, sed (quæ imperitiæ semper comes est) confidentia, qui in Epi'og. lib. 1. de Invent. pa. 131. non erubescit asserere Maximas hæc sive Regulas arguendi in nullum usum tradi, ideoque nec ab iis traditas, nec tradi debere ab ullo qui Dialecticam docere vult. Certè enim tantus est tamque necessarius Axiomatum istorum usus, ut sine his modum rectè arguendi vel Demonstrativè, vel Probabiliter, id est, vel Dialecticè vel Rhetoricè, nemo possit docere unquam aut discere. Quare Arist. princeps Logicorum omnium, nullum Locum arguendi proponit, cujus non multa, sæpe quamplurima Axiomata exprimit; & ferè totus in hoc est. Ab eo discere decuit Rodolphum, quis sit & quantus, quamque necessarius in hac Logica parte Axiomatum usus. In hoc enim vel totus esse, vel præcipuè versari debet is, qui Logicam rectè docere vult. Sed profectò solenne est ambrosiosis hominibus, quo ignaviam suam atque imperitiam prætextu aliquo ornare possint, quique res maximi momenti nec intelligunt, nec ut intelligant inniti volunt, easdem ut inutiles, parumque necessarias rejicere; ne si necessarias esse fateantur, suam ipsi inscitiam & oscitantiam ludibrio omnium exponant.

Mihi hanc probabili'iter arguendi artem tractanti, non alium omnino in finem quam ut prosum aliis, & eorum studiis opem, si quam possem, feram, religio est, & nefas ea silentio præterire, quæ in ea arte tradi debeant, etiam si meam incitiam quod ea tradere non possum libens agnoscam. Et agnosco sane ex animo atque ingenue profiteor, impar me esse huic oneri, nec in hac negotiorum quibus quotidie opprimor multitudine, vel orium habere, ut Axiomata ista investigem; vel si otio abundarem possem tamen omnia, forte nec plurima aut necessaria, eo quo decet ordine colligere atque colligare. Erâtque mihi sane in animo cum sæpe in cum cogitarem, quanta & scientia, & industria, etiam & otio opus ei esset, qui rem hanc aggredi vellet, & accurate (ut par esset) tractare, ab hac parte Logicæ penitus abstinuisse; easque notas quas triginta fere ab hinc annis juvenis in Academia meo usui collegerem, h' artis & tunc oblitterandas relinquere. Quod hoc non fecerim, quodque quidquam hæc in parte à me nunc habes Lector, debebis in omne Oxoniensi cuidam amico mihi charissimo, qui ut easdem cum reliquis in lucem prodire pateret flagitavit, & amicitia jure prope imperavit; certe in publicum studiosorum adjumentum (quod illi solum, ut & mihi finis) impetravit. Illius ego assiduâ sollicitatione victus, quod in hac Logica parte, tot ab hinc annis, in meum privatum usum collegeram, idemque nec dum satis limatum, non sine magno graviori censuræ metu, publicum nunc feci. Sed bene est, Tyronibus ista scribimus non veteranis, vere enim cum illo apud Ciceronem dico, Persum non curo legere. Sin, me invito, legere

h Lib. 22.
cont. Faust.
cap. 13.
i Apol. 2. ad-
ver. Ruffin,

velit, Persii, fruantur si quid gratum sit. Sed quid autem ipsorum palato non sapiat, dent veniam; sciunt illi, se quoque minus accuratè agere, nec ad Limam omnia polire, quando cum tyronibus eis balbutiendum est. Quod si adhuc rigidi ac severi esse volunt, ego illis cum Augustino libere dico, Nos ista ut posuimus, melius fortasse exponant meliores: & utinam certe exponant. Cum Hieronymo item dicam, In Tabernaculo Dei, (nam & illi extruendo, nescis nescius, ego hic quoque operam do, & cementum paro) offert unusquisque quod potest, alii aurum, argentum, & lapides pretiosos; alii byssum & purpuram, & coccum offerunt, & hyacinthum; nobiscum bene agitur, si obtulerimus pelles & caprarum pilos. Qualecunque verò sit, sicut dextrâ oblatum est, ita dextrâ acceptum iri confido, Ac de Probabili Argumento in Genere hæc dicta sint. Nunc ad illius Species progrediamur.

C A P. III.

De numero Locorum à quibus Argumentum Probabile ducitur.

Species Syllogismi probabilis, à Locis arguendi sumuntur.
Arist. divisio Locorum.

Species Probabilis Argumentationis, non aliunde sumenda sunt quàm ab ipsis Locis arguendi: quot enim diversi Loci sunt, à quibus argumenta probabilia duci possunt, tot sunt etiam Syllogismi Probabilis Species. Locos autem illos omnes ad quatuor Classes revocat Arist. 1. Topic. c. 4. nu. 2. ad Genus, Definitionem, Proprium, & Accidens. Qui Loci cum generales sint, in alios magis speciales ab eo subdividuntur. Atque utinam certe istam Arist. distributionem, sequentes omnes Logici sequi voluissent, atque amplecti: profecto & ipsi Dialecticam ac Rhetoricam, (id est, artem totam probabiliter arguendi) facilius imbibere, & eandem aliis multò commodius tradere potuissent. Sed factum jam est nescio quo fato, aut novitatis studio, (certè non sine maximo docentium ac discipulorum incommodo) ut relicta illâ antiquâ, optimâ, atque optimo magistro calcatrâ semitâ, Locos alios quos Inventionis Locos malo omine nominarunt: invenerunt. Eos Philosophantium vulgus ita libenter atque avidè complexi, ut antiquis, atque Aristotelicis jam penè ubique oblitteratis, novi illi novæ inventionis Loci in usum apud omnes jam ita recepti sint, ut nisi cum Evandri matre loqui velimus, cedendum plane hic nobis sit vulgo, & cum eis non tam loquendum, quàm balbutiendum de Locis, si ab aliis intelligi volumus.

At quinam illi tandem Loci? Argumenta, inquiunt, alia sunt Insita, alia Adfita. Insectorum alia prima, alia à primis orta. Primorum alia Simplicia, alia Comparata. Simplicium alia Consentanea, alia Dissentanea. Consentaneorum, alia absoluta, alia quodam modo consentiunt. Ac ut à Ramo natos scias, in tot ramos, ramulos, & ramusculos dissectant hunc Locorum truncum, & ita superstitiosi sunt in suis Dichotomiis, ut dum umbram istam scientiæ sectentur, verum ac solidum scientiæ corpus amittant penitus, aut certe suis minutis & quiescentibus divisionum sic offuscant, ut facilius multò differere discas, quàm quid per illa vocum incantamenta, à quibus te differere docent, intelligas. Ut olim dictum & vere apud Aul. Gel. lib. 4. ca. 9. Religientem esse oportet, religiosum nefas; sic de hac quàm illi venditant, & in qua sibi blandiuntur divisionum scientiâ, mihi vere videor dicturus, Dividentem oportet esse dividiosum nefas: liceat enim mihi hoc nomine

nomine immodicam illam Divisionum copiam, quæ res quas tractant, onerant, significare, uti simili inclinamento *vinosi, mulicrosi, nummofi*, notantur, utque *religiosi* illic appellari, quia nimia & superstitiosa religione se alligant.

Sinite me, *Lectores*, præterire ista quæ nulli profectò usui, nisi torquendis ingeniis & perdendis bonis horis inventa sunt, & excogitata; quæque dediscere præstat, quàm vel docere vel discere. Qui, omissis illis fucis, vel potius tricis, *Locos ipsos* nudâ ac apertâ facie, quinam illi sint, & quis sit legitimus ac firmus ex eis arguendi modus, tibi solidè monstrabit, meâ fide, is te in Logicis instructissimum dabit; neque tali magistro, satis dignas gratias poteris unquam referre. Sed nimirum *Locos* omnes arguendi rectè designare, opus arduum est valde, & supra quam quisquam existimet molestum. Hoc me præstiturum, tantùm adest ut polliceri audeam, ut me posse planè diffidam. Noli igitur hoc à me vel expectare, vel expectare. Qui mihi in mentem occurrebant, quique maximo usui esse ad arguendum in omni causa, omnique disciplinâ videbantur, non invitus indicabo; & in singulis quoad possum, sic viam, uti spero, tibi monstrabo firmiter arguendi, ut his lectis, deinceps poteris tuopte Marte, & sine meo, aut ullius cortice nartare.

Locis ad quos omnia argumenta referri possunt (ut mihi quidem videtur) sunt numero tredecim. Primus est, à *Causa Efficiente*. Secundus, à *Causa Finali*. Tertius, à *Causa Materiali*, ad quem spectant argumenta omnia à *Genere ad Speciem*, itémque à *Specie ad Individuum* ducta. Quartus à *Causa Formali*, & ad hanc spectant omnia argumenta à *Definitione seu descriptione*, itémque à *Differentia ducta*. Quintus ab *Effectu*, & huc spectant argumenta omnia à *Descripto ad Definitionem*, à *Specie ad Genus*, ab *Individuo ad Speciem ducta*. Sextus à *Subiecto*. Septimus, ab *Adjuncto seu Accidente*. Octavus, à *Dissentaneis*. Nonus, à *Comparatis paribus*. Decimus à *Comparatis imparibus*, tam Majoribus quam Minoribus. Undecimus, à *Distributione*. Duodecimus, à *Signo*. Decimus tertius, à *Testimonio*.

Numerus Locorum.

Hos tredecim, esse præcipuos arguendi *Locos* non dubito: Omnes quidem esse non audeo dicere. Quis hoc præstare possit? vel quis se omnes ita plene ac perfectè tradidisse audeat asseverare, aut nullum omnino argumentum in ulla Arte, Scientiâ aut Disciplinâ inveniri possit, quod non ad aliquem illorum quos ipse enumerat *Locum* rectè ac propriè referri possit, atque adeò debeat? Moneo te tamen *Lector*, ne in augendo *Locorum* numero præceps sis. Perpende sedulò ac seriò, annon argumentum de quo hæsitas, ad horum quos memoravi aliquem referri possit. Adhibe verò semper *Regulam illam fundamentalem* arguendi, quam prius posui, de Medii respectu ad Majorem: sit illa tibi velut *Lydius lapis*, ad quem examines accuratè cui *Loco* quodque argumentum referri debeat. Nisi illam ante oculos semper habeas, vagari te, & huc illuc in *Locis* planè incognitis errare necesse est.

Loco cuique sua debentur *Axiomata seu Regula*. Eorum aliquot, eaque ipsa quæ mihi videntur præcipuè unicuique *Loco* adjungemus; nam non argumentorum solum, sed *Axiomata quoque Locorum*, ut dixi, hi *Locis* sunt: quia in illis *Locis Axiomata illuc spectantia*, velut in apto *Domicilio* aut *Gazophylacio*, reconduntur.

Duo verò sunt quæ te hic ante omnia admonitum volo. Prius hoc est, *De industria à Regula Præmissa omissum esse Locum unum arguendi seu Regulam*, quam verè Bellarminianam vocare dèntia, seu possis, quia Bellarmino uni propria est & peculiaris. Is lib. 1. de Purg. ca. 4. §. Respondeo, *Bellarminiana*, non exundare vult Purgatorium ex illis verbis Christi, Math. 12. 32. *peccatum in Sp. Sanctum non remittitur in hoc seculo, neque in futuro*, id est, Christo ipso interprete, Mat. 3. 29. *non remittitur in æternum*, seu nunquam remittetur. Sed Christi explicatio non placet Bellarmino: ille hinc concludere vult *quedam peccata in hac vita non remissa, remitti in futuro*: ideoque Purgatorium aliquod esse, quia in inferno nulla remittuntur. Nugæ! Poterat specie aliqua probabilitatis concludere, *Quadam peccata in futuro seculo remitti*.

mitti: & sanè, quæcunque hic in privato & particulari iudicio remissa sunt, eadem in futuro, publicè ac palam remittentur: Sed concludere peccata à qua hic non remissa, illic remitti, tam est ineptum & inconsequens, ac si quis ex hoc, quòd *ff. sias neque ante obitum, neque post obitum oculis suis vidit excidium Hierosolymum*, concludet aliquos post obitum oculis suis vidisse illud excidium.

Quid hic Bellarminus? videbat scilicet rationem suam invàlidam planè esse: sed ut valida videri possit hominibus imperitis, sic ait, (& observa fraude n. Pontificii hominis) *Respondeo, non sequi secundum Regulam Dialecticorum id quod inferimus ex verbis Domini, sed tamen sequitur secundum Regulam prudentiæ.* Vah! an ulla ratio aut Argumentatio juxta *Prudentiæ Regulam* valida, quæ juxta *Dialecticæ Regulas* invalida? Ubi vero istam *Prudentiæ Regulam* inveniamus? Nam tibi hoc prudenter conclusum videtur; mihi ità imprudenter, ut nihil stolidius dici poruerit. Adeamus utrique *Dialecticorum Regulas.* Illic solum *Aurea arguendi Regula*: Tu verò illa, (aliquæque omnes similes) nil nisi *Lesbia Regula* est, aut haberi debet. Si juxta *Dialecticæ Regulas* ratio ulla non sequitur, sine dubio secundum nullam sequitur nisi secundum *Stultitiæ Regulam*. Malè actum, quòd (Helvidio Bellarminus à consiliis non fuit & à Regulis. Nam, secundum istam *Prudentiæ Regulam* sequeretur optime: *B. Virgo non novit virum donec peperit primogenitum suum*: ergo postquam cum peperit, virum novit. Certè si & hinc Purgatorium exculpi posset, rationem Helvidii secundum *Prudentiæ Regulam* sequi, vel Jovem lapidem jurasset Bellarminus. *Dialecticæ Regulas* nos tradimus; istas *Prudentiæ*, vel versùs, *Stultitiæ Regulas*, quæ cum *Dialectica* pugnant, Helvidio relinquimus & Bellarmino.

Argumenta in quibus Axiomata ponuntur in quo Loco arguendi sunt.

X

Alterum quod te monendum censeo est hoc, *Argumenta illa omnia quæ à Regulis arguendi, vel Axiomatibus duci putantur, & in quibus ipsa Axiomata exprimuntur, seu explicite ponuntur, nunquam duci ab eo Loco ad quem Axiomata illa spectant, aut in quo reponuntur.* Nam Argumenta omnia duci ab aliquo Loco dicuntur, juxta rationem & respectum quem Medium habet ad Majorem terminum ex lege nostra fundamentali. Nunquam autem fit ut Axioma ullum sit Medium ullius argumenti, neque aliter argumentum ullum nisi virtute solum ingrediatur; Quod satis apertè in Demonstrationibus omnibus cernere licet. Nunquam enim in illis Axiomata ulla Media sunt, sed solum Fundamenta & Bases quibus Demonstrationes nituntur, & in quibus fundantur. Quod idem in omni probabili Argumentatione usu venit: Par enim in hoc est Demonstrativæ & Probabilis Argumentationis ratio. Et cum ego id in Demonstrationibus omnibus verum certum, ac indubitatum esse animadvertissem, inde certò intellexi etiam in probabili omni argumento idem fieri, ut Argumentatio nulla probabilis, *Axioma unquam habeat pro Medio.* Illa verò Argumenta in quibus Axiomata ista exprimuntur, ad *Locum Subjecti* pertinere sentio, uti postea in Logico à *Subjeto* fusius declarabitur. Hec interea monendum mihi necessario fuit, & tibi sumiter tenendum est.

Tredécim Species Argumentationis Probabilis.

Facile nunc videas extredécim diversis arguendi Locis, *tredécim diversas triri Argumenti probabilis Species*: de quibus nos eo quem proposuimus ordine deinceps ordi stq, agemus,

CAP. IV.

De Argumentatione à Causa: deque primo Loco arguendi, qui est à Causa Efficiente.

Locus Cause omnium dignissimus est, quare primum locum meritò habere debet: De ea verò in Genere pauca observanda sunt, antequam ad Species ejus descendamus.

Causa est quod quomodocunque rem ullam causas, vel movendo efficientem ut faciat illud; vel efficiendo illud, vel constituendo: Idque vel ut Materia ex qua, vel ut Forma per quam res constituitur. Ex quo quatuor esse Causarum Genera liquet; duo sunt extra essentiam effecti, *Efficiens* & *Finis*: duo de essentia, *Materia* & *Forma*.

Causa quid.
Quatuor Causarum genera.

De Causa in Genere hæc Axiomata observanda sunt, *Omnis Causa est natura prior suo effectui*; Hec diserte docet Arist. 1. Dem. cap. 2. nu. 9. & In Categ. cap. de Priori: Et ratio hujus evidens est, quia Effectum semper dependet à suis causis, vel ut producant ipsum, (quomodo *Efficiens*) vel ut moveat efficientem ad producendum, (quomodo *Finis*) vel ut constituent illud essentialiter (quomodo *Materia*, & *Forma*.) At quod rem ullam causas ullo aliquo horum modorum, illud esse prius natura necesse est.

De Causa in Genere.
Causa omnis prior Effectui.

2. *Omnis Causa est natura sua notior Effectui*: sequitur ex priori; Nam notitia posterioris dependet à notitia prioris, non contrà. Quare quod natura sua prius est, id natura sua notius eriam esse debet.

Causa notior Effectui.

3. *Omnis Causa notior est nobis suo Effectui, quando nos perfecte atque distincte Effectum cognoscimus*: quia tum cognoscimus Effectum per Causam; prius igitur oportet ipsam Causam cognoscimus. In *Confusa* quidem & imperfecta Effectus cognitione, possumus prius cognoscere Effectum quam Causam: ut rationem, & risum priusquam animam rationalem: Sed in *Distincta* cognitione contrarium plane semper fit.

4. *In nullo genere Cause, progressus in infinitum esse potest*. Nam sic nunquam aliquod Effectum produci posset: quia ante illius productionem deberet præcessisse Causas numero & actu infinitas: at infinitæ Causæ nunquam actu pertransiri possent. Nam si unquam transeundo, ad finem pervenitur, finitæ erunt, & finitus earum numerus. In omni ergo Effectui, & ad unam aliquam finem propter quem est, & ad primum aliquod efficiens à quo est, & ad aliquam primam ac simplicem essentiam per quam est, necesse est pervenire. Sed quoniam nullum argumentum à Causa duci potest, quin ab aliqua Cause Specie ducatur, vel *Efficiente*, vel *Finali*, vel *Materiali*, vel *Formali*; ideo de Speciebus Cause diligentius agendum est. Primus autem Locus est à Causa Efficiente.

Argumentum ducitur à Causa Efficiente, quandoque Medium est causa efficiens Majoris extremi: ut homo est rationalis, ergo est risibilis.

Argumentum à Causa Efficiente quid

Axiomata seu Regula hujus Loci sunt ista:

In Efficientibus omnibus ad aliquod primum Efficiens deveniendum est. Liquet ex quarta Reg. de Causa in Genere, quia aliter in infinitum procederetur: quod impossibile est. Demonstratum est. Primum verò Efficiens neque est, neque esse potest aliud quam Deus Opt. Max. ut in Metaphysica probavimus; Ab eo omnia quæ sunt, facta sunt; Ipse verò, quia primum est, à nullo aut esse aut fieri potest.

Regula de Causa Efficiente.
Reg. 1.

Atque ex hac Regulâ certissime probatur mundum ab æterno non fuisse, sed ad primum aliquem hominem necessatio perveniendum esse: quia si Socrates genitus à priore, ille à

priori, & sic in infinitum. nunquam potuisset quisquam generari cum generationes numero infinitas actu pertransiri impossibile sit.

Reg. 2.

Uniuscujusque rei (præter Ens primum) est aliqua Causa Efficiens. Liquet ex prima: nam omnia præter primam causam, effecta sunt. Habent igitur aliquam Efficientem Causam, quia nihil se ipsum efficere potest. Quod enim efficit, actu est; quod efficitur, illud à non esse ad esse perducitur: quare si quid se efficeret, & esset simul, & non esset: nam quia efficit, ideo actu est; & quia efficitur, ideo actu non est, sed à non esse ad esse perducitur. Ex quo certissime constat, Deum qui primum Efficiens est, ab æterno fuisse, & à se ac per se ab æterno fuisse. Si enim aut non fuisset ab æterno, aut non à se, tum ab alio perduceretur à non esse ad esse: quia verò prius ipso Efficiens nullum aut esse, aut fingi potest, (cum ipse primum omnium sit) ideo & à se ipso esse, & ab æterno à se ipso esse certum est.

Reg. 3.

Positâ Efficiente necessariâ, (tali scilicet, ut Effectus inde necessariò sequatur, sive sit Efficiens per emanationem, sive per externam actionem.) Effectum illius poni necesse est. Ut, Hoc habet animam rationalem, ergo est rationale; Hoc est rationale, ergo potest scientias omnes, & artes discere, itémque docere. Terra interponitur inter Solem & Lunam, sic ut illius umbra operiat Corpus Lunæ, ergo Luna eclipsatur. Ac de hoc Genere arguendi satis multa diximus in libro nostro de Demonst. Cap. 3. & 4. Ubi ostendimus Argumentationes omnes ductas à Causa Efficiente immediatâ ac proximâ ullius Effectus, esse verè Demonstrationes. Eum Locum tu consule.

Reg. 4.

Cuiusque Causa Efficiens necessaria ullius Effectus negatur, aut non convenit, eidem illum effectum negari, & non convenire necesse est. Et quidem si proxima causa effectus adhibeatur; omnis talis argumentatio Demonstratio negativa verè est. Nullum brutum habet animam rationalem, ergo non potest ratiocinari. Nullum opacum corpus potest interponi inter Solem & Stellæ fixas, ergo nullæ Stellæ fixæ eclipsari possunt.

Reg. 5.

Causâ Efficiente voluntariâ positâ, non necesse est effectum poni. Quati ineptè colligunt, *Mundum ab æterno fuisse, quia Deus Æternus est*; quoniam ille liberrimum agens est, nec agit nisi quid, & quando, & quomodo voluit: Et si cum Archæis quæras, Quid igitur ab æterno fecit, si non mundum administravit? longè stultissimum est. An tu homuncio, vermiculus, & instar nihili, illi à consiliis esse vis? Quæris quid egerit? Beatissimam omnino vitam egit; & seipso fruendo, bonis, quæ vel jam sunt, vel esse dicere possunt, omnibus perfruitus est. Si hoc non satis, Inferos eum ab æterno curiosi scrutatoribus parasse scias. Verissimè enim Aug. lib. 12. de civ. Dei cap. 17. *Ad omne opus novum, non novum sed sempiternum adhibuit consilium.*

Reg. 6.

Quicquid est Causa Cause, est Causa Causæ. Ut Deus est efficiens Causa Adami, ergo omnium hominum qui ab Adamo procreati sunt. Sed illius est Causa proxima & immediata, reliquorum aliquantulum remota & immediata. Hoc autem tenet solum in Causis necessariò aut naturaliter agentibus, non in eis quæ agunt voluntariò & liberè. Quare non sequitur, Deus est causa Adami, ille verò causa sui peccati, ergo Deus est causa peccati; quia Adam & ipsius voluntas non est causa peccati necessaria, sed libera & voluntaria.

Reg. 7.

Causâ Efficiens solitaria, sine ullis instrumentis opus suum efficit. Sic mens contemplatur sine externis adminiculis. Quare stultissimè Velleius Epicureus disputat apud Cic. lib. 1. de Natur. deor. Mundum à Deo non esse factum, quia instrumenta nulla erant. *Quæ molitio? quæ serra? quæ qui vestes? quæ machine? qui ministri tanti operis?* Nulla, Vellei, nulla: nec erant sanè opus, ubi architectus causa solitaria, sine ullâ adjuvante aut ministrante causâ; voluntate sua, verbo suo fecit mundum Deus: Verbum autem ejus *Operatum est, Dixit, & facta sunt*: non (ut sunt nostra omnia) *Significativa solum, sed ad operandum quod volumus & dicimus inefficacia.*

Quorum

Quorum Efficiencia sunt bona, etiam ipsa sunt bona. Tradit hoc expressè Arist. 2. Topic. cap. 9. n. 3. Atque hinc sequitur, Creaturas omnes seu Entia esse bona: quia Deus (qui solus est omnium creaturarum efficiens) est bonus; ex quo rursus, sequitur, Peccatum esse non ens quia si ens esset, à Deo esset; ideoque malum non esset. Habet ergo peccatum causam, non Efficientem, sed deficientem; nec tam Effectus quàm Defectus dici debet, sicut in meo, ad Metaphysicam introductione declaravi.

Usus hujus Loci, quantum sit, & quàm late pateat, partim ostendi in tractatione *De demonstratione à Causa Efficiente*: partim hic explicandum censui. Spectant huc primum ea omnia argumenta, quæ ad officia pertinent, cur nimirum vel honor aliis tribuendus sit, vel à nobis pro officio in eos nostro tribui debeat. Nam sicut quare honor alicui debetur, Causa est ipsa personæ dignitas, & excellentia; ita quare nos cum honorem tribuere aliis debeamus, Causa in nobis est, illud nimirum debitum, quo illis propter suam excellentiam obligamur. Infinita Dei Majestas, Bonitas, Beneficentia, cum sit principium ac fons omnis boni, à quo omnia suum esse habent, causa est efficiens à qua hoc emanat, ut sit colendus *Latria*. Est enim *Latria cultus illi debitus, qui principium est omnium bonorum*. Ab excellentia Angelorum & beatarum animarum hoc emanat, ut honor eis tribuantur tanquam Deo charissimis, & quos ille suo beatissimo consortio dignatur. Honorandi autem sic sunt ut eos amemus, & laudemus, imitemur illorum obedientiam, pietatem & virtutes omnes. Dignitas & excellentia Regia, Causa est ex qua hoc emanat, ut regibus tanquam Dei ministris à Deo primis, & solo Deo minoribus, (ut verè ait Tertullianus lib. ad Scapul. cap. 2.) obediamus, omni obsequio inserviamus; nec eos re, voce, aut vel cogitatione solâ lædamus, eisque detrahamus: sic à Parentum (à quibus vitam & vitales spiritus hausimus, & corpora derivavimus) excellentia hoc emanat, ut eos amore, reverentiâ, omnique obsequio filiali prosequamur. Sic ab eminentiâ Domini supra Servum hoc emanat, ut eis justè, fideliter & libenter serviamus. Idem in reliquis ostendi posset, sed hæc exempli causa proposuisse sufficit. Sic autem formanda sunt ista argumenta: Cui infinita Majestas inest, ei *Latria* tribuenda est; Deo tri-uni infinita Majestas inest, ergo Deus tri-unus *Latria* colendus. Cui majestas regia & Imperatoria inest, is omni officio Imperatori debito colendus est: Serenissimo Jacobo Britannæ regi Imperatoria majestas inest; Ergo. Et ita in aliis. In omnibus, Causa Efficiens per emanationem est *Medium*, & effectus inde fluens, est *Major terminus*. Igitur, juxta fundamentalem nostram Regulam, hæc & similia omnia argumenta ab Efficiente ducuntur.

Idem omnino dicendum de officiis quæ illis à nobis debentur. Qui bona omnia, adeoque ipsum esse ab aliquo habet, is debet cum *Latria* colere: Angeli omnes, ac homines à Deo, ut fonte honorum omnium, bona omnia, ipsi quoque suum esse habent: Omnes igitur Deum *Latria* colere tenentur. Qui alicui ut subditus obligatur, is debet eum omni obsequio & honore regi debito prosequi; Subjectus quilibet suo Principi ut subditus obligatur, ergo subjectus quilibet debet suum regem omni debito honore colere. Vides in his etiam omnibusque similibus *medium* esse efficientem Causam per emanationem *Majoris termini*. Nam ex hoc ipso fluit, quod debeas alicui hæc officia, quia ipsa subjectione ad ea obligaris.

In negativis argumentis par omnino est ratio. Cui non inest infinita majestas, quique non est fons & origo omnis boni, ei non debetur *Latria* aut religiosus cultus: Nulli Angelo, nullis Sanctis, nulli imagini vel Dei vel Creaturæ, inest infinita majestas; nulli ergo omnium, sed soli Deo tribuenda est *Latria* aut cultus religiosus. Huic, putà Perikino Werbecko, non inest dignitas & majestas regia: quare si illi honorem aut cultum regi debitum exhibeas, reus es læsæ majestatis. Hic non est pater, illa non est conjux; si ergo hunc filialibus, istam conjugalibus officiis prosequaris, impiè facis. De reliquis par est judicium. In his similibusque omnibus, *Medium* semper est Causa efficiens *Majoris termini*, Causa nempe quare à nobis hic honor vel officium eis debeat vel

Reg. 8.

Usus Loci hujus à Causa Efficiente.

Primo, Argumenta quibus probamus Honorem alicui deberi, huc spectant.

Latria Deo debetur. Angelis honor debetur. Regibus.

Parentibus.

Dominis.

Argumenta quibus Officia aliis exhibenda à nobis probantur, huc spectant.

Argumenta Negativa à Causa Efficiente.

non debeatur. Persona quidem cui talis honor vel officium exhibetur est *Subiectum*: Sed ipsa personæ dignitas, vel nostra obligatio (quæ est causa exhibendi talem cultum) in omnibus hujus generis argumentis *Medium* semper est.

Argumenta quibus præmi-um alicui deberi probatur, huc spectant.
In Rebus.
 Secundo, ad hunc locum ab *Efficiente*, spectant omnia argumenta quibus præmium aut poenam, laudent aut vituperium alicui sive rei sive personæ deberi probemus. Nam ex dignitate aut meritis alicujus hoc oritur & promanat, quod sit laude aut præmio dignus, ideoque honorandus. Contrà, ex vilitate aut demeritis alicujus oritur & promanat quod sit vituperio, poena ac supplicii dignus, eisque afficiendus. Quare hæc à nonnullis Causæ Efficientes *Meritoria* vocantur. Atque hinc quidem tam in Rebus quàm in Personis argumenta ducuntur. In *Rebus* sic: Quicquid præstantiam & excellentiam in se habet, est laudabile. Omnis virtus in se præstantiam & excellentiam habet: Ergo omnis virtus est laudabilis: Verè enim ex ipsa naturâ virtutis, quæ præstans & excellens quoddam bonum est, emanat illud; adjunctum virtutis, quod sit laudabile. Contrà in *Vitiis*: Quicquid vilitatem, indignitatem & dehonestamentum in se habet, illud vituperio dignum est: Vitium omne vilitatem & dehonestamentum in se habet; Quare vitium omne vituperio dignum. Hinc Virgil. valde significanter expressit, quanto vituperio dignus sit Busris, scilicet vilissimus ille ac crudelissimus Ægyptiorum Tyrannus, qui hospites omnes mactare & immolare solebat, cum Georg. 3. dixit, *Quisve illaudati nescit Bursidis aras? Illaudatum dixit*, cui nihil inerat laude dignum, nisi ipsa vilitas & ignobilitas.

Laus Personarum quibus Adjunctis.

Laus Personarum ab Effectis.

Sed in *Personis* latissime patet hic campus: Personarum dignitas & excellentia aliquando ab *Adjunctis* quæ ei insunt, aliquando ab *Effectis* ipsius & rebus gestis oritur. Ab *Adjunctis* in hunc modum, Qui ingenio, doctrina, virtute, pollet; qui Scientiâ Metaphysicæ, Physicæ, Medicinæ, Jurisprudentiæ, Logicæ, aut similiarum Disciplinarum præditus est, meritò laudandus est, & encomiis celebrandus: Aristoteles & ingenio & doctrinâ multiplici clarus est, jure igitur ab omnibus celebrandus. Ab *Effectis* sic, Quicunque res preclaras gerunt, qui vel prudentiâ suâ repub. fulciunt, vel fortitudine defendunt; vel suas affectiones iræ, odii, libidinum frenant, qui justitiam colunt; vel magnifica opera reipub. fructuosa perficiunt; qui Logicam, Philosophiam, Mathematicam, Geographiam, Chronographiam, aliâve Disciplinas, maximèque omnium sacram Theologiam suis scriptis illustrent, ii meritò ab omnibus celebrandi sunt: Nestor prudentiâ, Aristides justitiâ, Sci. io temperantiâ, Constantinus & Justinianus magnificentissimis operibus repub. ornavit; Aristoteles Philosophiam, Augustinus, aliique doctissimi viri Theologiam suis scriptis illustrarunt. Hi igitur omnes meritò laudandi.

Civitatum, Collegiorum, & similium conditores.

Disciplinarum Inventores.
De Aristotele.

Huc spectant ii qui *Civitates* & *Respub. condiderunt*, & homines ferarum more palantes, ab agresti vitâ ad civilem traduxerunt: qui Academias, Collegia, Bibliothecas, Scholas (quæ verè seminaria sunt bonarum omnium Disciplinarum) vel fundarunt, vel patrimoniis ditaverunt; qui Xenodochia, Prochorophia, Orphanotrophia, & hujus generis alia extruxerunt; Sed Authores & inventores vel Artium, vel Scientiarum, vel aliorum, quibus universo humano generi summa utilitas allata est, in primis hic ab omnibus & ante omnes celebrandi sunt. Nec verò mihi aut animus est aut orium vel de *Agricultura*, *Architectura*, aliârumve artium; vel *Philosophia*, *Medicina*, *Geometria*, *Astronomia*, *Musica*, vel de *Grammatica*, *Rhetorica*, *Poetica*, cæterarumve Disciplinarum Inventoribus hic agere. Investigent hos simul & celebrent ii, qui earum Artium ac Disciplinarum studiosi sunt, aut à Polydoro Virgilio, si fidem ei dare velint, & audeant (ego certe non audeo) ista mutuentur ex octo ipsius de rerum inventoribus libris. Sinite me tamen ex tam immenso cumulo eorum quæ hic referenda sunt, paucis aliquot exempli causa & paucis designare. Quis unquam ingenium, industriam, judicium atque doctrinam *Aristoteles* satis dignis encomiis celebrare potest? Ejus scripta in omni parte Philosophiæ, tanto in honore ac pretio apud doctos omnes (Ramus, & Rami similes Zeilos, morus ego si morer) semper & meritò fuerunt, ut eum omnes posteris pro magistro venerentur, & illius vel dicta solum, etiam nullâ adhibita ratione, pro oraculis & habita & habenda sunt, &

& (pauculis quibusdam exceptis) *αὐτὸς ἴππ*, pro firmissimo argumento jure accipitur. Logicam verò, & hanc quam tradimus arguendi artem, ille & invenit, & ita excoluit, absolvitque, ut in his * mille annorum spacio, nihil in his vel addi à quoquam possit, vel demi. Quare ipsum multò verius quadrat id, quod ille de suo magistro Platone dixisse fertur.

* *Arist. unus
anno ante
Christ. 382.*

Nulla ferens talem secula futura virum.

Inventori Logicæ, addam proximo loco *Inventorem Literarum*, quarum maximus sanè usus est in omni virâ; cum illis, historiæ omnes rerum gestarum consignatæ, disciplinæ omnes, ipsa etiam sacratissima Scriptura tradita sit, & æternitati commodata. Evandrum Arcadem à Græcis in Latium attulisse ait Cor. Tacitus lib. 11. Annal. pag. 224. Cadmum eas à Phœnicibus acceptas, Græcis; Mercurium Ægyptiis tradidisse narrat Plinius, lib. 7. cap. 56. Ægyptii verò se *Inventores Literarum* fuisse prohibent. Sed Hæbræos antiquius multo *Literas* & scripturam habuisse certum est. Et quidem ad Moysen Euseb. lib. 10. de Præpar. Evang. & apud eum Eupolemus: ad Abrahamum vero Philo-Judæus earum originem refert. Et quamvis nullum omnino extet scriptum quod sit Moisaicis libris antiquius, & in illis ipsis nullum, priusquam duæ illæ lapideæ tabulæ à Deo ipso (ut liquet Exod. 32. 16. & cap. 34. 1.) in monte Sinâ conscriptæ; tamen cum dubium non sit, legem eo modo à Deo promulgatam fuisse, ut ab omnibus & legi & intelligi posset, (quorsum enim Scripturæ si *Literæ* nescivissent) non est dubitandum quin ante Moysen tempora *Literæ* ac scripturæ in usu fuerint apud Hæbræos. Antiquissimum omnium scriptum cujus mentio ulla aut memoria extat, illud est, cujus meminit Josephus lib. 1. Antiq. cap. 3. Ibi *Literas* ac scriptionem in usu fuisse ante Diluvium clarè testatur: Ait enim *Setibi posterorū sideralem scientiam ac celestium rerum cognitionem excogitasse. Ne autem inventa sua ex hominum notitiâ dilaberentur, scientes Adamum universalem rerum interitum præcecinisse, cum incendio, Diluvio alterum, excitatis duabus columnis, utrique sua inventa inscripserunt, ut si lateritium Diluvio deleri contingeret, lapidea superstes hominibus discendi capiam faceret, & qua inscripta continebat, spectanda exhiberet. Aitque lapideam illam ab ipsis dedicatum esse, quæ nostris temporibus extat in Syria.* Sic Josephus. Quicunque vero *Literas* invenit, meruit certe ut illius nomen cum primis, æternitati & literis mandaretur. Quis vero primus libros congregavit, & Bibliothecam instituit, narrat tibi Serabo, lib. 13. pag. 581. ita inquit, *Aristoteles primus omnium quos sciunt, libros congregavit, & Ægypti reges Bibliotheca ordinem docuit.*

*De Inventore
Literarum.*

Ac ne effata esse hominum ingenia in his senescentis mundi seculis queramus, ecce postremis his seculis inventa sunt, nonnulla à viris ingenio atque judicio præstantissimis, tantâ laude atque admiratione digna, ut nec Apollinis, nec Minervæ, nec Mercurii, nec cuiusvis è præcis inventa, cum his vel utilitate vel dignitate ullâ ex parte conferenda sint. Ex hoc numero est *usus Magnetis, & nauticæ acûs, & taxa, atque pixidis.* Magnetis vim inesse ut acum ipso taxam, ad polum Arcticum dirigat, ignotum omnino præcis hominibus. Quare illi nec tam facile, nec tam feliciter Oceanum fulcare, vel regiones pelago disjunctas adire noverant. Fatigavi me diu, ut quis hunc tam mirabilem Magnetis usum mundo aperuit, designare possem, & illius memoriam literis commendare. Intellexi tandem frustra à me susceptum laborem illum omnem. Insudavit in hoc eodem investigando. Jos. Acosta, qui *Vasorum quendam de Gama*, (* vixit is ann. 1498.) id à Mauris se accepisse, & pixidis beneficio Oceanum transisse ait, lib. 1. de Hist. Indor. cap. 17. Sed à quibus hoc Mauri didicerunt Acosta invenire non poterat. Polydorus etiam Virgilius, lib. 3. de Invent. rerum, cap. 18. inter *nova inventa non laude, sed admiratione dignissima recenset hoc de magnete, & pixide nauticâ.* Quis vero eam reperit non esse compertum, pro comperto tradit.

*De usu Magne-
tis & nauticæ
acûs.*

* *Aut Magin.
in sua Africa
deser. fo. 183.*

Seculo hoc debemus superiori, authorem ipsum pro merito celebrare non possumus.

*Te Invenire
Bombardarū.*

Huic adjungo *Bombardarum* sive *Scloporum inventum*; quibus, vel ad defendendum, vel ad offendendum, nulla arma aut instrumenta æque commoda, quinque millibus ac trecentis annis unquam excogitata fuerunt. Quid ad hæc enses, sagittæ, jacula, balistæ, manubalistæ, scorpiones, aut cætera bellica instrumenta? verè instar nihili. Ista omnia in pretio esse desiere, postquam *Bombardarum* usus semel cognitus. Machinæ omnium impetuosissimæ, saxivomæ, ferrivomæ, ignivomæ, quibus nullum corporis robur, nulla animi magnitudo, nullus bellicus actus, nullæ faxæ arces resistant, ita frangunt, conterunt, dejiciunt, & in nihilum redigunt omnia, ut homines, instar Jovis, non armis sed fulminibus pugnare videantur. Ridere hic libet Polydorum Virgilium, qui lib. 3. cap. 18. *inventum hoc non solum execratione dignum censet, sed addit etiam, se hoc non ab humano ingenio, sed ab ipso malo Dæmone excogitatum, & hominibus ad ipsorum perniciem monstratum credere.* Nimis credulus es Polydore; & revocas mihi in mentem lepidum jocum: Cum aliquando, ut solet, apud amicum meum familiarem, doctum hominem atque argutum, jocis ac facetiis animos laxare vellemus, recitavit ille duos versiculos, quos non nisi à dæmone componi potuisse lepidè aiebat. Accessit pontificem Rom. cui Roma in amore ac delitiis, dæmon, abrepturus eum secum (quo tu conjicias) renitentem licet, & dæmonem corripere atque prehendere tentantem. Cui sic dæmon, poëtam agens,

*Signa te signa, temerè me tangis & angis;
Roma tibi subito motibus ibit amor.*

*Vel. Pater.
lib. 2. par. 52.*

Versus hos quia literis retrorsum lectis, iidem sunt qui & antrosum, dæmoniacos esse, & humanum ingenium superare non sine magno lepore contendebar. Idem facit hic Polydorus. Inventum *Bombardarum*, quia exitiosum & execrabile putat, ideo dæmoniacum non humanum esse credit. Quasi verò non & homines, ipsique etiam monachi, exitialia multa & execrabilia invenerint; multi certe sunt, qualis C. Curio, *ingeniosissimè nequam.* Sed ego hunc Polydoro scrupulum eximam: Non est execrabile sed verè admirabile, summèque laudabile hoc ipsum Monachi inventum. Hujus clarum indicium ex usu ac fine. Regula certa est, & indubitatæ fidei, *Unumquodque instrumentum eo præstantius esse, quo facilius ad usum ac finem quem intendimus ducit.* Finis armorum omnium, & bellicorum instrumentorum, est nos ipsos patriamque justo bello defendere, & hostes qui injustum bellum aut injuriam nobis inferunt, offendere, ac quàm ocyssimè perdere: Hic finis, hic verè usus omnium armorum, ipsius etiam belli, sive defensivum sit sive offensivum. Ad hunc utrumque finem nihil ab orbe condito inventum, quod sit *Bombardis & Sclopis* conferendum. Si vel privatus quis, vel princeps ullus, aut respub. ad injuriam cuius inferendam, ad nequitiam, injustitiam, vel aliorum regna & opes per fas neque occupanda, vel *Bombardis* utatur, vel ullis omnino armis, *abusus iste armorum est, non usus*: propter abusum verò res ipsæ quæ ultissimæ sunt tolli non debent, nisi & vites omnes radicitus evellendæ sint, quia multi ad luxum & ebrietatem; & arma omnia abjicienda, quia illis ad scelera, & homicidia, sicarii abutantur. Sed & ex ipso abusu, quantus sit usus facillimè agnoscitur. Est enim & hæc etiam Regula verissima, *Eorum usus esse præstantissimus, quorum abusus est perniciosissimus.* Quare cum *Bombardarum & Scloporum* abusus sit perniciosissimus, vel ex eo *Bombardas* ipsas & *Sclopos*; eorumque usum præstantissimum esse potuisset facile colligere Polydorus. Quod verò addit idem Polydorus, ideo ne nomen quidem re-pertoris mortiferæ hujus machinæ cognitum esse, ne à cunctis mortalibus malè audiret; & diris decoreretur, vanissimus planè in eo est Et Nomen & Patria illius æter-nitatis.

altati commendata sunt, ut a'ios taceam, apud Sebast. Munsterum lib. 3. Cosmograph. pag. 489. Fuit is *Bartholdus Swarts* seu *Niger*, ut à nonnullis vocatur, natione Germanus, professione monachus, & Chymista: quia cum vim pulveris sulphurei, ex scintilla ignis (quæ fortè è filice excussa in eum inciderat,) percepisset, machinam mox ferream fabricavit, pulverem Bombardicum apravit, & globulos injectos eiecit. Factum hoc circa an. CHRISTI, 1340, nam ann. 1354. in Danico mari ut Munsterus, & ante illud, anno nimirum 1342. in Algazira Maurorum urbe in usu fuerunt, ut ex Mariano testatur Seth. Calvis. ad eum annum.

Typographiam tertio loco adjiciamus: Inventum planè divinum, nec laude solum sed admiratione dignum: ad historias rerum omnium gestarum, ad illustria doctorum hominum scripta omnesque disciplinas. & inter omnes ad tot tamque innumera de sacrâ Theologia monumenta conservanda & æternitati commendanda, tam utile, imò planè necessarium, ut nisi Deus optimus maximus opportuno hoc remedio ecclesiæ suæ tunc prospexisset, actum omnino fuisset de bonis literis, periissent omnes disciplinæ & libri (qui sunt monumenta temporum, & testimonia veritati perhibent,) cum ipsis testibus ac autoribus æternâ nocte, & plusquam Cimmeriis tenebris obrutæ jam essent ac sepultæ. Nunc vero divino hoc *Typographiæ* beneficio, volitant illa ubique per orbem, versantur & reruntur in manibus omnium; hinc enim sit ut uno anno unus opifex, plura scripta, idque characteribus longè magis commodis. in universum orbem emittat, quàm integro annorum centenariò, centum librarii aut scribæ, etsi manu promptissimi, evulgare possent. Pulcherrimi hujus inventi author & inventor fuit *Johannes Gutenbergius* aurifex Argentinenfis, vir equestri dignitate, & ingenio, ut res ipsa demonstrat, admirabili & felicissimo; qui artem illam itaneis typis imprimendi, magnis suis sumptibus, sed maximo ecclesiæ & rerumpub. omnium commodo, Moguntiz (ea Germanæ civitas est) excogitavit & publicavit ann. 1440. Ut ex Jac. Wimphelingio in Epit. rerum German. cap. 65. Seb. Munstero, lib. 3. pag. 488. & Seth. Calvis. ad annum prædictum, aliisque liquet.

De Inventore
Typographiæ.

* Joh. Faustius
vocat Christ.
Massæus in sup
Chro. ad ann.
1440. sed non
rectè.

Sed hic iterum Aristotelis ingenium planè admirabile non possum silentio præterire. Ab aliis rerum inventoribus fundamenta solum jacta sunt, & rudia quædam inchoamenta, quibus alii adjuti, res ab illis inventas ad perfectionem & umbilicum perduxerunt. Bombardæ primo rudes, & ad has nostri ævi ludicræ. Itidem & *Typographiæ* nec tam accurata primò ut nunc est, nec tam commoda. Dies in his, aliisque similibus, diem docuit, & a'iorum inventis sequentes addiderunt, eaque suis ingeniis quasi limâ polièrunt. Nam ut vulgo verèquè dicitur, *Facile est inventis addere*. Solus Aristoteles *Logicæ totam artem & invenit, & perfecit*; nihil in hac arguendi ratione tot acutissimorum hominum ingenia, bis mille annorum spacio addere, demere, corrigere unquam valuerunt. Illius sensum expiscari, explicare & explanare, omnis eis labor fuit, & in hoc se artis *Logicæ* æmulus, & ipsum vericem tenere, idque merito senserunt.

Aristoteles
laudatus.

Extremum quod hic propono est Christophori Columbi Genuensis ingenium, nullis satis dignis encomiis unquam celebrandum. Habeant Ptolomeus alique Geographi suas & certè meritas laudes, nemo invidet. Sed si ad Columbum conferantur, quantillum id est quod ab eis præstitum? Norum illi orbem, descripserunt: Tanais; Taprabona, Nilus, Columnæ Hercules meta illis sunt; ultra nec sciunt nec sapiunt. At in Columbum illud *Plus ultra*, verissimè congruit. Orbem ille per multa millia annorum ignotum, in hoc ipso orbe quæsitum, invenit, & orbi novum orbem (antiquo æqualem) demonstravit ac dedit, anno 1492. Quam vellem Henrici 7 (cujus ille opem primo impetravit) auspiciis tam nobile opus inceptum fuisset & perfectum: sed aliis ille honos fatalis erat; fruantur. Cæterum hic non possum quin singularem Philosophiæ & Mathematicarum disciplinarum studium omnibus commendem. His enim studiis, ad rem tantam tamque admirabilem suscipiendam excitatus & adjutus est Christophorus Columbus. Considerabat primo globum terræ in latitudine completi gradus 360. Europam vero, Asiam & Africam, id est

De novi orbis
Inventore.

totum.

torum tum orbem cognitum, non integros 160. gradus, id est vix dimidium completi, quare non dubitabat in altero orbis dimidio, terram aliquam habitabilem extare: nec enim fieri posse ut tantum globi terrestris spacium, aqua aut Oceanus occuparet. Huic plus quam probabili conjecturâ, altera eaque certior accessit è Philosophia. Fuit Columbus vir doctus valde, in cæteris Philosophiæ partibus, & præcipue in ea quæ ventos, maria, ac maritimas regiones considerat. Longo ille usu, & diligentissimâ observatione, atque experientiâ discernere didicerat, qui venit ab arida, qui ab aquis, emitti aut flare soleant. Lustrabat insulas & maritimas multas urbes, ac regiones. Cumque in extremis ad Occidentem cogniti orbis partibus, diu multumque commoratus esset, judicabat homo sagax, & ingenio simul ac sensibus accuratissimis clarè discernebat, ventos illos qui assidue ab Occasu & oceano Occidentali flare solebant, ejus generis esse atque conditionis, ut aridam ultro oceanum illum Atlanticum indicarent & propemodum demonstrarent. Quare cum diu, seriò, ac diligentissimè ventorum illorum vim atque qualitates animo perpendisset, coepit magnâ confidentiâ, & sibi, atque aliis, ipsisque adeo regibus, atque inter alios primum Henrico 7. Angliæ, post Ferdinando, & Elizabethæ Castiliæ Principibus, hoc ipsum polliceri, opem ab ipsis, navigia, nautas, & commearum impensius implorans. Factum tandem exprimeadum, & quidem felicissimo successu.

Cic. pro Archia
poch.

Vos ego hinc uno verbo, adolescentes hortor, ut Philosophiæ, Geographiæ, aliisque optimis Disciplinis sedulo ac strenuè operam detis, nec placidam membris det cura quietem. Notum vobis Themistoclis responsum, *Milisiadis trophæa cum à somno excitabant, & noctes inquietas exigere cogebant.* Sit vobis Columbi gloria stimulus, atque fax ad ista studia. Nam & adhuc Salamis aliqua & Marathon vobis restat. Non enim dubito, quin benè magna Continentis pars ad Austrum, & Antarcticum polum adhuc orbi ignota sit. Clarè ex globis ac tabulis Geographicis conspicere potestis. Ex hac parte Equatoris magna Europæ, maxima Asiæ pars sita est. Terraque versus polum nostrum habitata Groinlandiam usque & novam Zemblam, id est, ad octogesimum ab Equatore gradum, extenditur; versus Austrum verò ultra Equatorem, quam exigua Continentis pars adhuc cognita? & ultra Frerum Magellanicum, id est, ultra gradum 54. ferè nihil. Quis verò dubitet, æquè commodam habitationem esse ad gradum octogesimum versus Antarcticum, atque est ad eundem gradum versus nostrum polum? aut quis credat Oceanum, totum illud spatium æquale propemodum dimidio Continentis adhuc cogniti occupare? Hic Salamis tibi & altera Marathon, modo te Themistoclem præstes, Volebam etiam hic attingere nobilissimum Francisci Draci nostratis coepum, qui primus omnium mortalium ab orbe condito, integrum globum terræ circumnavigavit, anno ab hinc quadragesimo. Sed diutius me in his moratum sentio. Id unicum nunc observo: Argumenta omnia quibus laudandos tales tamque præclaros rerum Inventores concludimus, à Causa efficiente duci,

Qui hæc aut illa fecerit invenerit, ille maximis laudibus celebrandus est: Aristoteles, Alexander, Columbus, Dracus hæc fecerunt: Ergo merito laudandi.

Argumenta
quibus vitu-
perandos ali-
quos aut puni-
dos probamus,
ad hunc Lo-
cum.

Ex eo quod hæc ab illis vel gesta, vel inventa sunt, velut ex Causâ, (quæ est Medium) emanat, quod laude & encomiis celebrandi sunt, quod est Terminus major. Idem de vituperio, pœna, ac suppliciis sentiendum est. Nam ut ex dignitate aut præstantiâ alicujus vel Rei, vel Personæ, honorem eis ac laudem: ita ex indignitate & vilitate, ex demeritis aut malefactis alicujus, vituperium, pœnam, ac supplicium ei deberi probatur ex hoc loco Causæ efficientis.

In

In Rebus sic,

Quod vile est, & indignitatem ac turpitudinem in se habet, illud est vituperio dignum:

Avaritia, Intemperantia, Injustitia, omne vitium, vilitatem, indignitatem ac turpitudinem in se habet,

Ista igitur omnia merito vituperanda.

In personis sic,

Qui tyrannidem exercent, qui luxu, desidia, & intemperantia disfluunt, qui patriam produnt, aut illius exitium moliantur, & infamiam notandi, & suppliciis maximis afficiendi sunt.

Nero & Caligula, cives bonos omnes tyrannide opprimebant; Sardanapalus & Helioabalus luxus & intemperantiae mancipia fuerunt; Sinon nefando scelere patriam prodidit; Garnettus, Oldcornus, (in Sanctorum, imò in martyrum jam numerum apud Romanenses relati, ut videre licet apud Eudem. Johan. Cidon. in Apolog. suâ pro Garnet. pag. 169.) ut patriam funditus everterent, & in cineres verterent, omnes nervos intendebant:

Hi igitur similesque omnes nullis satis dignis suppliciis unquam affici poterunt.

Iste hostis publicè denunciatus est, quare vel vi vel stratagematè perdendus.

———— Dolus an virtus quis in hoste requirat?

Hac ratione apud poetam Æneid. 1. Juno suadet Æolo ut Æneam ac Trojanorum classem evertat:

*Gens inimica mihi Tyrronum navigat aquor,
Illum in Italiam portans, videtque penates:
Incute vim ventis, submersâsque obrue puppes,
Aut age diversas, aut deice corpora ponto.*

Hec eodem arguendi loco fac. Scriptura, Romam perdendam esse demonstrat. Apoc. 18. Babylon quæ est mater Idolatriæ, fornicationum, & omnium scelerum officina ac sentina, amicta bysso, purpurâ, cecco, deaurata auro & margaritis, conflagrabit igne; instar lapidis molinaris projicietur in abyssum, & venient super eam plagæ, luctus & cruciatus: Roma septicollis quæ adhuc superest, ea Babylon est, ut certissime & verissime demonstrat Franc. Ribera Jesuita, in cap. 14. Apoc. Romam igitur (verba sunt Riberæ loc. cit. in 44.) non tantum propter priora peccata conflagraturam esse magno incendio, sed etiam propter illa, quæ extremis illis temporibus commissura est, ex hujus Apocalypsis verbis adeo perspicue cognoscimus, ut ne stultissimus quidem negare possit.

Huc etiam referri debent omnes perniciosarum artium Inventores; quales sunt Astrologia divinatoria, quæ à Chaldæis si non orta, culta tamen est vehementius; Necromantia cum mortuos consulunt, ut Saul olim Samuëlis umbram, id est, ipsum Dæmonem: Pyromantia, cum ex ignis fulguris, aut fulminis inspectione res prædicunt, ut Tanaquil apud Livium, Aeromantia cum ex avium volatu aut cantu, ex vento, grandine, aut procellis divinare solent, & eventa prædicere. Chiromantia, cum linearum in manu inspectione futura prænunciant, similesq; artes non vanæ solum sed nefariæ, superstitiosæ, Deo exosæ, ut liquet Deut. 18. 10. Ne invenitor in te utens divinationibus, aut planetarius aut conjector, aut prestigior, aut utens incantatione, aut inquirens pythoneum, aut ariolus, aut necromantes,

N n

mantes,

mantes, nam abominatio est febre, & quisquis facit ista, De quibus Lactan. lib. 2. ca. 17. Daemonum inventa sunt Astrologia, Aruspicina, & ipsa quæ dicuntur Oracula, Necromantia, & Ars Magica.

Momi vituperio digni.

Huc demum accensendi sunt Zoili omnes ac Momi, qui cum ipsi otio ac ingenio indulgeant, & nihil quidquam ad communem utilitatem vel afferant, vel inveniant, alios tamen præstantes viros, quorum ingeniis, studiis atque inexhaustis laboribus plurimum debemus, invido dente rodere amant, & eorum ingeniis atque doctrinæ detrudere. Quo in genere, Petr. Ramum nemo satis unquam culpæ poterit, qui magno fastu ac supercilio, Aristoteli (cui ille indignas qui corrigiam solvat) sic pueriliter ubique insultat, ac si in Logica præter Ramum talpæ omnes essent. Legat qui vult: Rami Animadversionum libros: pudet referre, quam pueriliter ubique illic nugatur, quasi non Logicam docere voluisset, sed scommata; Omitto alia. Miror si quicquam inveniri poterit, qui non eum diris omnibus devoteat, quod Aristotelem (cujus unius ingenio Syllogismos, hancque totam arguendi artem debemus (nescisse formam Syllogizandi perfricta fronte vociferetur. Audi illius verba lib. 12. pa. 36. *verum hoc est quod dico, Aristotelem ignorasse Syllogismi formam.* Vah! Illene hoc ignoravit? cui soli quod Syllogismorum ultimam formam habeamus (nisi ingratus quis sit) acceptum ferre deber. Cujus tam exactum in ulla Logica parte iudicium, ut merito hic de illius Organo dicendum sit:

*Non illud Pallas, non illud carpere livor
Possit.*

Ex hoc fursure illi conflati erant, qui Christophori Columbi inventum, ipse etiam præsentem, in cætu ac convivio solenni, non solum extenuare, sed prope vilipendere coeperunt; rem facilem fuisse, ac nullius operæ dictitantes, novum illum orbem orbi demonstrare; sed eorum fastum & insolentiam, facere arguit homo ingeniosus: Juberet Columbum ovum sibi & quadram afferri, quærir deinde ab eis, an quis ovum illud vertice suo quadræ insidere faciat? tentant id singuli, sed frustra; tum confuso leviter per Columbum ovi vertice, vident omnes nec sine rubore & quam facile sit rem inventam invenire, & quam futile ac insipuum sit aliorum ingeniis detrudere. In his, omnibusque similibus argumentis, *Medium* semper est *Causa Majoris extremi*; nam ipsa certe ignobilitas, indignitas, improbitas, flagitia, scelera, livor ac invidia quæ hujusmodi hominibus insunt, causa est, cur meritisimo reprehendendi, vituperandi, poenis ac supplicio devovendi sint, talia igitur argumenta omnia à Causa efficiente ducuntur.

Terius, Argumenta ab Honestate, Utile & Fucundo huc spectant.

Ad hunc Locum à Causa efficiente spectant etiam omnia illa Argumenta ab *Honestate, Utilitate, aut Fucunditate* ducta. Itemque ab *inhonesto, Inutili, & Injucundo*. Nam cum *Bonum* quia *Bonum*, & quia *Bonum*, appetibile est ac desiderabile, ipsa certe *Bonitas* quæ ulli rei inest, est efficiens causa per Emanationem, quæ facit aliquid esse desiderabile aut appetendum. Quia autem bonitate non similiter nec æqualiter participant id quod est *Honestum*, & id quod est *Utile ac Fucundum*, ideo non similiter ab istis omnibus argumenta ducuntur. Quomodo verò ab ullo horum arguendum sit, hisce duabus regulis explicari potest.

Quomodo ab Honesto arguendum sit.

Honestum omne cum per se & propter se bonum sit, ideo per se & propter se desiderabile est & agendum; quare ab eo absolute, sine ulla exceptione argui potest. *Honestum* autem illud dicitur quod virtuti morali consentaneum est: Exempli gratiâ, Fortiter, temperanter, liberaliter agere est *honestum*, ergo hæc facienda sunt.

Quomodo ab Utile aut Fucundo arguendum sit.

In *Utilibus* autem ac *Fucundis* longè dispar est ratio. Nam qui ista utraq; & cum honestate ac justitia, & sine eis quæri possunt atque apperi, ideo non licet ab eis absolute simpliciter, aut sine limitatione concludere. *Vitiosissimum* enim, imò *pernitiosissimum* est hoc

hoc arguendi genus, Hoc est utile aut jucundum, ergo est faciendum. Certè enim ad omnem injustitiam, furta, rapinas, homicidia, stupra, adulteria, ad omnia scelera, latam viam sic aperias, & habenas laxes, si hujusmodi argumentis ut firmis applaudas: Sed quia nec utile nec jucundum quando ab honestate ac virtute segregantur verè bona sunt, ideo si rectè ab his arguere unquam vis, oportet semper adjungere hanc cautionem & limitationem, quòd ab honestate, justitià ac virtute non discrepent; tunc enim tantum bona sunt, alias mala: non sunt autem vel agenda, vel appetenda nisi quia bona sunt, & quia bona sunt. Regulai- gitor secunda sit hæc: *Ab Utili aut Jucundo quando ab honestate, justitià & virtute non dissentiant, firmum argumentum ducitur, alias semper infirmum*; at Agriculturam Mercaturam, aliasque artes sic exercere, ut nulli injuriam facias, ut vitam cum honestate traducere possis est utile; ergo illæ artes sic tibi exercendæ sunt: quòd si à virtute ac honestate discrepat id quod tibi *Utile* videtur, verè *Inutile* est & noxium; nam Veritas ipsa dixit, *Non prosunt thesauri iniquitatis*. Prov. 10. 2. itidem jucundum omne, si ab honestate dissentiat, verè acerbum & injucundum est, nam eadem Veritas dixit, Jer. 2. 19. *Vide malum esse & quidem amarum, quod derelinquis Jeboram*.

Ab *Inhonesto, Inutili, & Injucundo* contrario modo arguendum est, sed ab hoc eodem Efficientis loco. Nam ut ab *Honesto* hoc fluit, ut appetendum sit & faciendum, ita ab *Inhonesto* hoc manat, ut sit fugiendum, & non faciendum; & quia inhonestum (quod aut vitium est aut vicio semper conjunctum) verè malum est, & per se etiam malum, ideo simpliciter atque absolute ab eo argui potest, quod sit semper fugiendum, nec ullo unquam tempore faciendum. Illud verò quod *Inutile* est, aut *Injucundum*, non est, quia tale, verè malum, nec per se malum, ideoque nec per se aut simpliciter fugiendum; sed tum solum ista mala sunt, quando recta ratio non ferenda aut sustinenda judicat. Nam si ea quæ inutilia sunt & molesta, suscipienda judicat recta ratio, ipsa Inutilia verè Utilia tum sunt; & molestissima quæque, talia, ut vir fortis, ad ea exclamet, *Quam suave est hoc, quam nihil curo?* Demonstrat hoc M. Reguli exemplum memorabile; Quid inutilius quàm amicos, patriam, opes, & fortunas omnes differere? quid molestius quàm acerbissimos crudelissimorum hostium cruciatus, ipsamque adeo mortem subire? sustinere tamen maluit hæc omnia, & sustinuit forti animo M. Regulus, potius quàm fidem hosti dariam fallere, aut sacrosanctum juramentum violare voluit. Sic itaque in his argui debet, Hoc inhonestum est, & per se malum, ergo nullo casu, & nunquam faciendum: Hoc Inutile est & Injucundum, & recta ratio non docet hoc casu ferendum esse aut faciendum, ergo hoc casu fugiendum est, & non faciendum, aut non ferendum.

Ad hunc postremò Locum ab Efficienti spectant argumenta illa omnia quæ in comparatione posita sunt, in quibus unum alio dignius, præstantius aut optabilius esse probatur. Nam ut in utrisque est aliqua dignitas & bonitas, quæ est efficiens causa quare præstantiam ullam habeant, aut sit oprabile; ita ubi major est dignitas & bonitas; ibi est causa efficiens majoris præstantiæ. Tractavit hunc Locum à Comparatione & fuse & eleganter Arist. lib. 3. Topic. Ex eo nos pauca observabimus, ex quibus unum alio præstantius esse judicari potest. Reliqua ab eo petenda relinquemus.

Ante omnia verò diligenter observandum est quod Arist. pulchrè tradit, 3. Top. cap. 2. nu. 21. aliud esse alio præstantius duplici sensu; vel absolute ac simpliciter, vel secundum quid, id est, aliquo solum respectu, aut in aliqua conditione præstantiæ: Prius Arist. vocat *Εἰς ἄν ἂν* seu *melius*, quia simpliciter melius ac præstantius est; hoc posterius vocat *αἰσχροτέρον* seu *magis eligibile*, quia positis his conditionibus, & in hoc casu magis eligendum est: ut Philosophari, simpliciter melius est, quàm labore victum querere; sed ei qui indiget rebus ad victum & vestitum necessariis, eligibilius est laborem subire quàm philosophari. Hoc igitur casu melius est, non autem simpliciter. Jam nonnullis regulis probatur aliud esse alio simpliciter præstantius. Quamplurima verò argumenta probent solum unum alio præstantius secundum quid, aut in aliqua conditione dignitatis,

Quomodo ab
Inhonesto, In-
utili, aut Inju-
cundo argu-
endum sit.

Quarto Argu-
menta quibus
unum alio præ-
stantius esse
probatur, ad
hunc Locum
spectant.

Aliud alio
præstantius
dupliciter.

aut alicui, aut in aliquo e su oprabilius, cum simpliciter non sit præstantius. Quare in multis argumentis à Comparatione non potest solidè concludi hec esse absolutè & simpliciter præstantius alio, sed solum esse in hoc, aut quoad hanc conditionem præstantius. Quod si simpliciter esse hoc illo præstantius probare velis, *expremenda semper est, aut saltem subintelligenda hac clausula, quid in cæteris conditionibus quæ dignitatem argunt, hæc duo quæ comparantur paria sunt, & in hac, quam affert, unum alterum excedit.* Hac enim conditione, *cæteris parius*, aut quod in *cæteris omnibus paria sunt* vel expressâ, vel subintellectâ, certò poteris concludere, unum esse alio simpliciter præstantius. Quod si hanc clausulam non addas, probas solum hoc cui hæc conditio dignitatis convenit, esse præstantius alio *secundum quid*, aut huic, aut quoad hoc, non autem simpliciter præstantius. Exemplo uno rem faciam manifestam: Conjugium est simpliciter præstantius cœlibatu: quia nec sine conjugio legitime potest propagari humanum genus, nec possunt, quamprimum sine eo honestè ac piè vivere; ideo de eo simpliciter dixit Deus, *Non est bonum homini esse solus*, id est Conjuge destitutum, Gen. 2. 18. At respectu Persecutionis, quæ sæpe imminet, respectu multiplicium curarum, quibus nonnunquam implicantur conjugati, quo uxori & liberis commodè prospiciant, à quibus cœlibes liberi sunt ac immunes, quoad hæc, & respectu horum, (quæ intuens S. Basilii in præm. Const. monasticarum, dixit, *Nuptiæ pedicæ sunt*) cœlibatus *κατά τι* præstantior est, & sic ab Apost. 1. Cor. 7. 26. & 33. Jam si cætera in conjugio & cœlibatu paria essent, verè posset concludi cœlibatum simpliciter esse præstantiorem; at cætera longè imparia sunt, non solum respectu propagationis humani generis, sed respectu eorum ipsorum officiorum quæ Deo debemus? ut *sanctè & purâ mente Deum colamus*, ut *vas suum unusquisque possideat in sanctificatione & honore, non in ardore concupiscentiæ.* Igitur illis, quibus donum continentiae non est cœlii datum (qui sanè per pauci sunt) simpliciter melius est *nuptiarum* id est, Dei ipsius) *pedicis*, quam *libidinis*, id est, diaboli *compedibus* implicari: quia in illis licet non tam libere, tamen honestè, piè ac sanctè Deo servire licet; in his quibus nos ipsi obstrinximus liberrime quidem inservimus, verum non Deo sed Diabolo, eique soli militiam istam vovemus: ideoque simpliciter, omni hominum Ordini conjugium præstantius est & oprabilius, quam in cœlibatu (quem vovere facile potes, piè præstare non potes) garris & vinculis, ferro omni deterioribus, alligari. Nam *honorabile est inter omnes* (id est, in omni hominum Ordine) *Conjugium*: *Scortatores autem & adulteros judicabit Deus.* Ex hoc unico exemplo intelligis, quàm necessario clausula illa quam dixi [*cæteris paribus*] addi debet in quamplurimis argumentis à comparatione ductis. Tu ubi opus erit eam adde. Nos aliquot Propositiones adjungemus, quibus uti licet, & pro Majori Propositione accipere, in multis argumentis ubi unum alio præstantius esse probatur. *Regulas enim & Axiomata* non dixerim: quia hæ Propositiones, actu sæpe ingrediuntur Argumenta illa, quibus præstantia unius præ alio concluditur. Et in omnibus Subjunctum (quod vere Medium est) est causa efficiens majoris præstantiæ in hoc quàm in illo, quod est Major terminus. Axioma autem cui omnia illa Argumenta à Comparatione ducta innituntur est hoc unum, Cui inest Causa majoris præstantiæ, illud est alio præstantius.

Axioma cui hæc Argumenta innituntur. Prima Prop. ab eo quod est per se.

Propositiones sunt hæ: Prima, *Quod per se ac à se est tale, præstantius est eo quod per aliud est tale.* Idem est fere cum eo quod ait Arist. lib. 3. Top. cap. 5. nu. 3. *Quod est naturâ tale, magis est tale eo quod non est naturâ tale.* & cap. 1. nu. 10. *Quod naturâ est bonum, melius est eo quod non est naturâ bonum.* Hinc sic concludere recte potes; Deus per se est Ens, alia omnia per ipsum & ab ipso entitatem habent: Deus igitur est Ens omnium præstantissimum. Iterum, Deus naturâ suâ bonus est, potens, sapiens, justus; magis igitur Deus talis, quàm ulla creatura: quia in creaturis hæc omnia accidentia, in Deo sunt ipsius natura ac essentia. *Perfectissimè* igitur, *originaliter & eminenter* sunt ista omnia in Deo, in aliis imperfectè solum, *derivativè & inherenter.* Sic Christus, Math. 6. arguit: *Salomon cum universa gloria non erat amicus ut unum ex liliis.* Nam illorum pulchritudo

tudo naturâ est & naturalis, Salomonis adventitia, extrinseca, & exuenda, etiam si Conchyliorum omnium purpurâ, gemmis, ipsisque liliis amictus fuisset.

Secunda, *Quod propter, e est optabile, melius est eo quod propter aliud est optabile.* Tra- *Secunda Prop.*
dit hoc Arist. 3. Top. cap. 1. nu. 6. Hinc probet quod bene valere optabilius est omni phar- *Ab eo quod est*
maco, & porione Medicorum, quia ista solum optamus ut bene valeamus; & huc spectat il- *optabile pro-*
lud cap. 1. nu. 14. *Finis est optabilior eis quæ sunt ad finem.* Nam media experimus solum *pter se.*
propter finem, magis igitur finem quam media experimus.

Tertia, *Quod per se est bonum, optabilius est eo quod est per accidens.* Tra- *Tertia prop. Ab*
dit hoc Arist. 3. Top. cap. 1. nu. 8. Hinc probatur virtutem esse divitiis præstantiorem, *er quod est per*
virtus enim per se bona est, divitiæ non nisi per accidens, quia si quis bene eis utatur, bonæ; *se bonum.*
sin male, malæ sunt.

Quarta, *Quod ab Opifice præstantiori fit, præstantius est opus:* Ut mundus fit à Deo *Quarta Prop.*
Op, Max. Domicilia omnia nostra ab hominibus, qui ad eum instar nihili sunt. Mundus *Ab Efficiente*
igitur longè his omnibus præstantior. Aristoteles in scientia Logicæ instructissimus, & *præstantiori-*
admirabili planè ingenio præditus Organum Logicum; Petr. Ramus minutæ intelligen-
tiæ homo, libellum istum de Logica composuit; iste igitur libellus ad Organum si con-
feratur, instar nihili est, nec eodem die cum Organo nominandus. Sed hic adverte non
renere hanc regulam *nisi cum efficiens quàm bene potest opus suum efficiat:* non enim sequi-
tur, Hic est illo longè doctior aut peritior pædagogus, ergo hic melius te in Logica, aut
Grammatica instruet: Fieri enim potest ut is qui melius potest instituere, vel non velit
quàm bene potest, vel non tam diligenter te instituere. Quando autem utrumque efficiens
agit quàm bene potest, tum ex præstantia opificis aut efficientis, rectè concludas effectum
esse præstantius.

Atque huc spectant argumenta à Parentum à quibus editi, aut Patriæ in quâ *Argumenta à*
nati sumus, Nobilitate. Nam ut Parentes sunt *Cause procreantes*, ita Patria est *Parentibus,*
Causa conservans. Qui ex nobili prosapia, aut nobili patriâ ortus est, præstantior *aut Patria,*
est illo qui obscuris parentibus, aut minus nobili vel familiâ vel patriâ oriundus. Hinc *ducta.*
Ajaci, se à Jove tertium jactanti, iustissime Ulysses se præponendum declarat, Me-
tam. lib. 13.

— *Nostri (inquit) quæque sanguinis author*
Jupiter est, totidemque gradus distamus ab illo.

Et numeratis tribus suis parentibus, addit,

— *Neque in his quisquam damnatus & exul*

(sicut Pelæus & Telamon Ajacis pater & avus fuerant) Et cum Ajax solâ paternâ nobilitate
gloriaretur, Ulysses addit,

Est quoque per matrem, Cillenius (Mercurius) addita nobis
Altera nobilitas; Deus est in utroque parente.

Verum hic necessariò addenda est usitata illa limitatio [*Ceteris paribus.*] Nam si cete-
ra *imparia* sint, nihil hinc conficitur. Quare non valet, Catilina nobili genere natus
est, Cicero ex publicano patre, ergo Catilina Cicerone præstantior est; nam iste vi-
tiis ac flagitiis & se & familiam suam ignobilem fecit, ei que dedecus, ruinam & extremam
farum attulit: Cicero virtute suâ ac eloquentiâ, familiam suam antè obscuram illustrem
fecit. Huc spectat præclarum illud Themistocles responsum apud Cic. lib. de Senect.
Cum Seriphus quidam (villa Seriphus erat ignobilis ac obscura) Themistoceli dixisset, *Non*
cum suâ sed patriæ gloriâ splendorem assequuntur: respondit Themistocles, *Non hercle;*
Nam

Nam nec ego si Scripius essem, ignobilis; nec si tu Atheniensis, clarus unquam fuisses. Huc spectat illa Propositio quam tradit Arist. 3. Top. cap. 3. nu. 19. *Quod producat effectum præstantiora, id præstantius est & laudabilius.* Habes illustre exemplum ex Plinio lib. 35. cap. 10. Certabant olim de palma nobilissimi duo pictores Zeuxes & Parasius: Cum ille detulisset uvas pictas tanto successu ut in scenam aves advolarent, Parasius linteum pictum attulit, ita veritate representatâ, ut Zeuxes, alitum judicio tumens, flagitaret remoto linteo ostendi picturam Intellecto errore concessit Parasio palmam, ingenuo pudore, quoniam ipse volucres fefellisset, Parasius autem se artificem. Hinc etiam Homero inter Græcos, & ex Latinis Virgilio palmam inter Poëtas omnes tribuendas probes, quia illorum poemata tantum inter omnes eminent,

Quantum lenta solent inter Viburna Cupressi.

Quamquam ego nec Pindaro, nec Horatio, nec Nasoni laudem ullam invideo, aut detractam volo; sed nec cuiquam omnino qui specimen ullum acuminis sui aut ingenii, etiam si in re leviculâ edat: quare & sæpe & libere acumen illius (Crosius opinor fuit) laudare soleo qui versum illum pentametrum excogitavit, cui si verba simul ac sensum spectes, parem vix unquam aut uspiam credo reperies:

Tu in me ita es, in te ut ego sum: Ac te hic tam ibi amo, ac tu ibi me hic.

Habeant singuli meritas laudes, cedant tamen omnes non ægre illis quos nominavi, Homero ac Virgilio; de quibus verissimè canas.

Lumen inest, & flumen inest, & Numen in illis.

Quinta Prop.
à Fine præstantiori.

Quinta, *Quod ad finem præstantiorem ordinatur & ducit, præstantius est.* Habet hoc Arist. cap. 1. nu. 18. *Cujus finis est melior, ipsum quoque est melius:* Ut Theologia ad æternam salutem & felicitatem ordinatur, ad eamque ducit, Medicina ad corporis solum sanitatem, Theologia igitur est hac longè præstantior,

Sexta Prop.
A Materia præstantiori.

Sexta, *Quod ex præstantiori materia fit, præstantius est.* Hoc argumento usus est Augustus ut Romam multo à se meliorem factam esse declararet. *Inveni, inquit, Lateritiam, reliqui Marmoream.*

Septima Prop.
à Forma præstantiori.

Septima, *Quod habet præstantiorem formam, præstantius est.* Homo habet animam rationalem, quâ intelligere, velle, bene agere, Deum laudare potest: nullam aliud Corpus, nè cælum quidem, tam nobilem formam habet; homo igitur omni corpore, ipso etiam cælo præstantior est.

Octava Prop.
A Subiecto præstantiori.

Octava, *Quod habet præstantius subiectum (cæteris paribus) est præstantius.* Tradit hoc Arist. 3. Top. cap. 1. nu. 11. ut, scientia animæ, robur corpori inest, illa igitur hoc præstantior.

Nona Prop.
A Consequenti præstantiori.

Nona, *Cui majus bonum, aut minus malum est consequens, illud melius est.* Tradit hoc Arist. 3. Top. cap. 2. nu. 1. ut, multa plura damna consequuntur si domi, & in tuo regno hostem e cipias, quàm si foris bellum cum eo geras; præstat ergò in alieno regno quàm in tuo cum hoste configere. Sic Popularem statum & Aristocraciam seditione, magis consequuntur, quàm Regnum; ergò cum Homero canendum, Iliad. 2.

*Οὐκ ἀγαθὸν πολυκοιτεῖν, εἰς καὶ ἐγὼ ἔστω,
Εἰς βασιλεὺς.*

Decima,

Decima, *Cujus Conjugatum est præstantius, illud ipsum præstantius est.* Tradit hoc Arist. 3. Top. cap. 3. nu. 5. ut, Prudentia civilis præstantior est fortitudine, ergo prudentia reipub. sustentare præstantius est, quam fortitudine hostem præstantiori pellere.

Cedant arma Toga, concedat laurea Lingua.

Undecima, *Cujus Contrarium aut Privatio est magis malum aut magis fugiendum, illud est majus bonum, magisque appetendum.* Tradit hoc Arist. 3. Top. cap. 2. nu. 8. Prop. A Contrario aut Privatione, ut, vitium est deterius & magis fugiendum ignorantia; ergo melius est esse virum bonum, quam doctum aut peritum. Miseria deterior est & magis fugienda quavis egestate aut dolore corporis, ergo beatitudo omnibus opibus & omni voluptati corporis anteponenda est. Atque hinc probatur minus malum esse *miserum esse*, quam omnino *non esse*. Nam *privatio ipsius esse* (quæ est omnino non esse) pejus est quam *privatio beatitudinis*, quæ est miserum esse. Nam illi ipsi qui miserimi sunt, aliquo bono participant, eo ipso quod sunt, (hoc ipsum enim *Esse* bonum est, quod autem omnino non est, nullius boni capax est. Quare quod de Juda sceleratissimo proditore dictum est, Math. 26. 24. *Bonum fuisset homini illi si natus non esset*, dictum est ex opinione Judæ & reproborum, qui cum infinitam miseriam sibi sustinendam videbunt, quam nullo alio modo nisi *non essendo* effugere poterunt, ipsi corrupto suo judicio, optabunt potius se non esse, aut nunquam fuisse, quam infinitam istam miseriam remi. Quod si sanâ mente ac judicio rem perpendere possent, viderent reipsi multo pejus esse, non esse, quam *miserum esse*; quia non esse plus longè distat à summo bono quam *esse miserum*. Imò in ipsa suâ miseriâ deberent laudare justiciam Dei, & æquo animo ferre iustum illud supplicium, quod sibi ipsis suâ solum culpâ contraxerunt, ac dicere ut ille, Mic. 7. 9. *Indignationem Domini sciam, quia peccavi in eum.*

Duodecima, ab Adjunctis eorum quæ comparantur, præstantia unius præ alio probatur. *Duodecima Prop. Ab Adjuncto præstantiori.* Nam *Cujus adjuncta sunt præstantiora, illud est præstantius.* Hinc Gnatho apud Terentium a se alteri præfert, *Conveni hodie mei loci atque ordinis hominem, sentum video, juncto præstantiori.* *squalidum, egrum, pannis annisque oblitum. Ego illum contempni præ me: Viden, a Eunuch. At. 2. scen. 2. A Numero. Adjunctorum* qui color, nitor, vestitus, quæ habitudo corporis? Ab Adjunctis autem multipliciter argui solet.

Aliquando ab ipsorum numero aut multitudine. *Cui plura bona insunt, illud anteponendum est ei quod pauciora habet.* Tradit hoc Arist. 3. Top. cap. 2. nu. 2. hinc ita arguas, Hoc est & utile & jucundum, ergo est præstantius eo quod est solum modò jucundum. Refer huc illud Arist. 3. Top. cap. 2. nu. 3. *Eadem cum voluptate magis eligenda sunt quam sine voluptate*: Et cap. 3. nu. 17. *quod tam ad honestatem, quam ad utilitatem & voluptatem utile est, melius est eo quod ad unum horum solum est utile*; unde Horat. in art. poet.

Omne tædit punctum qui miscuit utile dulci.

Hinc itaque sic arguas, Hic locus & salubris est, & ad opes comparandas æquè commodus; ergo optabilior est, isto, ubi vel opes, sed non sanitatem, vel sanitatem sed non opes comparare possis, aut conservare. Iterum, Felicitas habet in se cumulum bonorum omnium, nempe bona Animi, Corporis & Fortunæ: Felicitas ergo est virtute omni præstantior, optabilior, magisque eligenda, cum ad virtutem tantus bonorum cumulus non requiratur. Hoc eodem arguendi genere Serenissimæ Reginx Elizabethæ encomium olim elegantius versu celebratum est, in hunc modum.

Fine

*Funo, Minerva, Venus, nemrosa in montibus Ida,
Discrimen formæ cum subiere sue,
Inter tres Divas, si tu Dea quarta fuisses.
Vicisses reliquas. O Dea quartæ, Deas.
Quam Funo jejuna fores? quam pallida Pallas?
Quam Dea vana Venus? quam læta sola fores?
Funo jactas opes: longè prudentior illa
Sed Pallas; prudens, non opulenta tamen.
Sit formosa Venus, Regni virtutis egena est.
Omnia sunt Tua: Tu Funo, Minerva, Venus.*

Ab Adjunctis
Diuturnitatis.

Aliquando à singulis Adjunctis arguere licet: A Diuturnitate sic, *Quod est diuturnius* [cæteris paribus] *est præstantius*. Habet hoc Arist. Top. 3. cap. 1. nu. 3. Hinc Apostolus ait, *Charitatem esse majorem Fide, ac Spe*, 1. Cor. 13. quia illa in futura vita non modo manet, sed perficitur; hæc autem ambo (quia res futuras respiciunt) cum futura illa præsentia sunt, abolentur.

Ab Adjuncto
Similitudinis.

A Similitudine sic, *Quod præstantiori similis est, ipsum est præstantius*. Habet hoc Arist. 3. Top. cap. 1. nu. 12. ut Ajax similior est Achilli, Ulysses Nestori; at Nestor, i. vir prudens, est præstantior Achille, i. viro forti, ergo Ulysses Ajace præstantior.

Ab Adjuncto
Difficultatis.

A Difficultate sic, *Quod est difficilius est præstantius*: ut esse Philosophum, quam Grammaticum; nam illud longè difficilius: & *difficilia quæ pulchra*; eaque *chariora nobis sunt, quæ non facile acquiruntur*, ut docet Arist. 3. Top. cap. 2. nu. 14. Hinc illud in Eunuchis, *Ex Æthiopia est usque hæc*: At Eunuchus ille è proxima vicinia. Hinc Heliogabalus cum in maritimis regionibus esset, carnibus; cum in mediterraneis, & longissime à mari versaretur, solis piscibus vesci solebat; tantâque superfluitate, ut murenarum lactibus & luporum rusticos pasceret: ut testatur Lamprid. in vita Heliog. ordent nimirum quæ possunt semper haberi.

Ab Adjuncto
Necessitatis.

A Necessitate sic, *Quæ sunt ex abundanti & non necessaria, meliora sunt eis quæ sunt necessaria*. Tradit hoc Arist. 3. Top. cap. 2. nu. 21. Sed intellige hoc, ubi *quod non necessarium est præsupponit id quod est necessarium*: Ut melius est homini bene ac beato vivere, quam vivere; & tamen hoc homini necessarium est, non illud. Secus est ubi *necessarium non includitur in non necessario*; tunc enim quod necessarium est præstantius est, ut cibum ac vestitum habere sine auro & opibus, melius est quam sine his Midæ aut Cræsi opibus frui. Tota igitur vis argumenti ab hoc loco ducti, pendet ex *multitudine bonorum* nam ad *benè ac beatè esse*, requiritur etiam *esse*, & ad *esse simpliciter non requiritur beatè esse*: plura autem bona paucioribus præeligenda, ut antedictum est.

Ab Adjuncto
Proprietatis.

A Proprietate sic, *Bonum proprium ac privatum melius est communi*. Tradit id Arist. 3. Top. cap. 2. nu. 15. Intellige hoc, ubi *usus & utilitas ex communitate vel tollitur, vel impeditur, vel minuitur*: ut habere domum aut agrum privatum, melius est quam publicum: nam communitas in his multum imminuit utrumque & fructum qui inde percipi posset. Quare merito Platonis repub. (in qua & possessiones & faminas, & liberos, & omnia communia esse volebat) repudiat non Arist. solum lib. 2. Polit. cap. 3. & 4. sed La-

* *Matrimonia*
quæque (inquit
Plato) commu-
nia esse debe-
rent. Laet.

stantius * lib. 3. Instit. cap. 21. & 27. aliisque. Sed cur Platoni succenseamus! cum hanc Pontificum relata atque canonizata videamus? Causa 12. quæst. 1. cap. dilectissimis: verba digna sunt quæ observentur: *Communis* (inquit ille Clemens) *usus omnium quæ sunt in hoc mundo, omnibus hominibus esse debuit. Sed per iniquitatem alius hoc suum* * esse

* esse dixit, & aliud illud, & sic inter mortales facta divisio est. Denique Græcorum * Unde glossa quidam sapientissimus, hæc ita sciens esse, ait, Communia debere esse amicorum omnia. In approbat hoc omnibus autem sunt sine dubio & Coniuges: & sic non potest dividi aer, neque splendor solis, ita nec reliqua quæ communiter in hoc mundo omnibus data sunt ad habendum, iustissime dividenda debent, sed habenda omnia communia sunt. Sic Clemens loco citato. Male faciunt homines etiam à Binio, qui in suâ Concil. editione verba illa [In omnibus autem sunt sine dubio & in hoc mundo, Coniuges] ex Epist. quintâ Clementis expunxit penitus & delevit. Cur faceret? cum non sit de medio solum in antiquis Juris Canonici exemplaribus, sed in novissimâ etiam illâ, & ad Pontificum sublata essent linam correctâ Gregorii 13. editione, exprimerentur; cum etiam Clementis ille discrete ap- hæc duo ver- probat Platonis de rerum omnium Communitate sententiam; Platonem autem, inter omnia, hæc duo ver- & uxorum communitatem docuisse, tam perspicuum est ut lippis atque tonforibus notum Tuum. Glos. sit. Cum denique Clemens ille in aliis libris, dogmata non minus permixta tradat: Quæ e ibid. illud est lib. 3. Apost. Constat. cap. 2. ubi digamiam sceleratam esse, quartas vero nu- ptias manifestam fornicationem dicat: & lib. & cap. 32. (verba ejus ex Posssevini Appara- tu * referam, sensus in Clemente idem) ancillam soli domino osequentem recipi jubet. * In verbo Clemens I. Romanus. Clemens, quasi domini cum ancilla concubitus non sit fornicatio. Verè Nicholaitas ista decent, non Clementem, non Rom. Pontificem. Sed mittamus ipsum; verissime Aristoteles loco citato docet, nec ullum Conjugum, aut liberorum, nec aliarum possessionum aut bonorum communitatem esse, aut esse debere, quàm ut $\chi\eta\mu\iota$ propria, $\chi\eta\mu\iota$ solum, quan- do usus postulat, communia, id est, ut quoad possessionem, nostra sint; permissione verò nostrâ, quoad usum, aliorum. In huiusmodi enim bona propria publicis sunt longè præstantiora.

A Communitate sic: Bonum quo communis est eo melius. Habet hoc Arist. 3. Top. c. 2. Ab Adjunctis nu. 19. Quod intelligendum de bonis, quorum communicatio neque tollit, neque impedit, aut diminuit eorum fructum. Hinc probatur; tempus, bene administrare præstantius esse quàm familiam ullam privatam. Hinc etiam probatur, Scire aliquid sic ut tua scientia plu- rimis prodesse possis, longè præstantius esse quàm eandem occultatam & subter modum po- sitam f. pelire. Quare magnopere improbandum est illud quorundam doctorum hominum (qui sibi solis scire & sapere amant,) dictum, quod se à non nemine audisse, retulit mihi vir doctus valde ac familiaris M. Fr. Masonus.

Ipse nolo fucos pascere melle meo.

At illos verè tu fucos facis: qui, si conficiendi mellis artem aperire illis voluisses, ap- essent, & favis suis ecclesiæ non minus quàm tu ipse commodassent. Neque verò mel il- lud, in quo tibi tantopere plaudis, quantum quantum sit, mel tuum est: non magis certè tuum quàm Solis est illa lux; qui, si lucem illam, suam diceret, ideòque eam nobis (tu facis) invideret, quantæ & quam spissæ ubique tenebræ? quantam tibi ab illo Sole inju- riam factam esse clamitares? Si non te id movet quod vel Naturâ dūce deceat te M. Cicero lib. 1. offic. Lumen de lumine, & Erranti communiter monstrare viam: Et aliquid semper ad communem utilitatem afferendum: quia non nobis solum nati sumus, sed eâ lege, ut a' iis, & si fieri possit, omnibus proficimus: discere tamen illud Bernardi, Ser. 46. in Cant. Sunt qui scire volunt, ut sciant; & est turpis curiositas: Sunt qui scire volunt, ut sciantur; & est turpis vanitas: Sunt qui scire volunt, ut scientiam vendant; & est turpis quæstus: Sunt qui scire volunt, ut ædificent; & est prudentia. Abi nunc & sis sciens audites tamen apud omnes imprudens, & invidus. Mihi hoc in votis semper sit: ut meum hoc, sive Talentum sit, sive Teruntius, quo me dignatus est Dominus, cum ratio reddenda sit, possim ex eo, quinque talenta ei afferre, ut ab eo tandem audire possim, Eugè serve bone: in exiguo fu- isti fidelis, super multa constituam te.

Similia multa ex Adjunctis argumenta duci possunt, ex quibus unum alio præstantius esse probatur. Ea tu ex Aristotele lib. 3. Top. pete. Id unum hic moneo; Quod licet hæc Adjuncta sunt eorum quæ inter se comparantur, tamen sicut ipsa hæc Adjuncta sunt Ef- ficientes causæ præstantiæ illius rei cui insunt, aut attribuuntur; ita præstantiora Ad- juncta

juncta sunt majoris præstantiæ efficientes etiam causæ; ideoque illa ipsa argumenta quæ ab Adjunctis his probant: unum altero esse præstantius, verè esse argumenta ab Efficiente causâ ducta; cum in illis omnibus *Causa efficiens majoris præstantiæ, Medium sit, & major præstantia* (quæ illius causæ verè effectam est) *sit majus extremum*. Quod idem de reliquis omnibus argumentis antè allatis, vel à Materia, vel à Forma, vel à Fine, vel à Subjecto, vel à Consequentibus, vel à productione effecti præstantioris, vel ab aliis quæ proposuimus ducuntur, dici debet. Etsi enim ista sint Materia, Forma, Finis, Subjectum, vel Consequentia respectu earum rerum quæ comparantur, tamen respectu *majoris præstantiæ*, quæ semper est *Majus extremum*, omnia sunt *efficientes causæ*; ideoque omnia istiusmodi argumenta, à *Causa efficiente* verè dicuntur, juxta fundamentalem illam à nobis antepositam Regulam. Nec dubito etiam quin multa ex his argumentis, verè *Demonstrationes sint*, & possint inter *Demonstrationes* recenseri: sed ego malui huc ad probabilia argumenta referre, quia frequenter in probabili differendi Genere usurpantur. Liberum verò cuicunque relinquo, an velit hæc Demonstrationes, an probabiles Argumentationes vocare. Hoc ex fine arguendi rectissime dijudicet, quia si hæc ut necessaria media & ad docendum adhibeat, Demonstrationes: sin ut probabilia media, & ad verum inveniendum, aut ad bonum suadendum adhibeat, inter Probabiles Argumentationes numerantur. Atque hæc de Argumentis à Causa efficiente ductis (cujus loci usus quàm latissime, ut nunc vides, pater) dicta sint.

CAP. V.

De secundo Loco arguendi, qui est à Causa Finali, & de Argumentatione ab ea ducta.

Argumentum à Causa Finali, quid.

Secundus Locus arguendi est à *Causa Finali*. Ducitur autem *Argumentum à Causa Finali*, quoties *Medium est Causa finalis, quæ movet efficientem ad agendum; & ipsa actio efficientis ad producendum effectum illud quod intendit, est Major terminus*: ut hic, Qui vult amari languidâ regnet manu, Quilibet princeps vult amari, ergo quilibet princeps debet tyrannidem odisse, & æquo ac justo moderamine reipub. administrare. De hoc arguendi genere abundè in lib. nostro de Demonstratione, cap. 5. egimus. Nam quæ ab hac Causâ Finali, (uti etiam quæ ab efficiente) verè ducuntur argumenta, & in quibus propria ac proxima finalis causa movens efficientem, adhibetur; ea verè Demonstrationes sunt. Quâ de re quia nolo hic eadem repetere, videat Lector quæ illi à nobis fusiùs tractata sunt.

De Causâ Finali hæc Axiomata observa:

Regula de Causa Finali.

Reg. 1.

Reg. 2.

Qui vult Finem, vult etiam Media ad Finem. Quo uno Axiomate innuntur omnia argumenta à Causâ Finali ducta. Exempla omnis generis dedi in lib. de Demonstratione, ex Metaphysicâ, Physicâ, Ethicâ, Oeconomicâ, Politicâ, Logicâ, Rhetoricâ, Grammaticâ, denique ex ipsâ Theologiâ Tu ibi (si libet) relege.

In Finibus necesse est ad aliquem ultimum, & summum finem pervenire. Liquet ex quartâ Regulâ, de Causa in genere. Quia aliter in Causis finalibus daretur processus in infinitum: quod esse impossibile illic declaravimus. Quia autem finis omnibus bonum est, (nam aliter non posset appeti,) sequitur, ultimum, seu summum finem, esse summum bonum: & quia summum bonum nihil est, aut esse potest, nisi quod satiare & implere appetitum potest, finitum autem nullum appetitum satiare potest, quia quovis finito adepto, adhuc aliud

aliud bonum restat, quod appetatur, æternitas nempe ipsa, & æterna fructio bonorum; ideo certum est, nulum finitum posse esse Summum bonum: est igitur Summum bonum infinitum; Infinitum autem nihil omnino est aut esse potest præter Deum Optimum. Ille igitur solus est & ultimus finis propter quem aliis omnia agenda sunt, & Summum bonum quod appetere omnes debent: Ille principium & efficiens à quo sunt omnia; Ille idem Finis propter quem sunt omnia; Ille solus & Alpha & Omega. Et hoc agnoscit Arist. lib. 9. Ethic. cap. 4. *Deus, inquit, habet summum bonum; & est id quod est ipse.*

Finis omnis medius propter ultimum, ultimus autem propter se tantum expetitur. Quare vis bellum gerere? ut hostes debelles: quare hoc vis? ut pace fruaris: quare pace frui vis? ut tranquillo animo vitam exigas in virtutis ac pietatis officiis colendis: quare verò bene agere aut pie vivere vis? ut beatus sis. Beatus autem esse nemo velle potest propter aliud, quia ultra hujus adeptionem, nihil est quod desiderare quis possit, nihil propter quod finem ultimum desiderare potest; quia si propter ullum alium finem appetatur, jam non erit ultimus. Hic igitur ultimus finis, & summum bonum naturaliter ab omnibus expetitur. Nam voluntas, suam naturam fertur & in bonum & in summum bonum, ut in lib. de Demonstr. ostendi. Sicut igitur voluntas velle nihil potest nisi bonum, ita non potest non velle ultimum finem & summum bonum. Sed quia voluntas semper sequitur judicium ultimum rationis, uti alibi decimus, & ratio jam corrupta ac depravata, suo ultimo judicio sæpe judicat & id esse bonum quod reverà malum est, (licet apparenter sit bonum) & illud esse summum bonum, quod reverà non est summum; hinc fit, ut multi & velint ea quæ sunt verè mala, licet velint ea sub ratione & specie boni; & velint id ut summum bonum, quod verè non est summum, licet ipsis ita esse videatur: ideoque volunt omnes ultimum finem & beatitudinem; sed quia omnes non rectè judicant, ideo non volunt id quod revera est ultimus finis, & vera beatitudo; vel ut Augustini verbis utar: *Et omnes beatè velle vivere, verum est; & non omnes sic velle vivere quomodo solum beatè vivitur, verum est.*

Reg. 3.

Qui respuit, negligit, aut non vult media necessaria ad ullum finem, idem respuit, negligit, aut non vult illum finem. Ratio perspicua est, quia sine illis necessariis mediis ad finem perveniri nullo modo potest. His ergo spretis aut rejectis, eo ipso reverà & impliciter spernitur & rejicitur finis. Non vis aut negligis pie & rectè vivere; negligis igitur, & revera, ac impliciter non vis servari ac verè beatus esse: licet Stentoris voce clamites velle te beatum esse, factis tamen negas quod verbis profiteris: quid verò verba audiam, cum facta videam? de voluntate ac mente cujusque magis credendum est oculis quam auribus. Non vis, aut negligis bonis literis operam dare? ideo si te Philosophum aut doctum esse ve'le dicas: noli etiam agrum tuum ferere, & vide ipse, an non amens sis, si fruges inde metere expectes.

Lib. 13. de Trin. cap. 4.

Reg. 4.

Finis indebitus actionem bonam corrumpit. Orat, jejūnat, elemosynas effudit ut ab hominibus laudetur, & audiat pius ac literalis; Bonum certe fecit, sed non bene, quia non in debitum finem. *Amat verum Deus Adverbia magis quam Nomina; Bene agere magis quam Bonum.*

Reg. 5.

Finis semper optabilior est Mediis; Ratio est, quia media quæ eus sunt media, expetuntur & amantur gratia finis; quare finis ipse magis expetitur & amatur. Nam *quicquid facit tale, est magis tale:* Desideras pharmaca propter sanitatem, ergo magis sanitatem desideras, quam pharmaca: hoc est quod Arist. ait. 2. Physic. cap. 3. *Finis optimum esse solet:* & lib. de Som. & Vig. *Finis habet rationem optimi,* nempe respectu mediorum ad eum finem. Hinc est quod si finem sine illis mediis allequi possimus, vana verè sunt, & superflua media quæ adhibemus omnia. Ex hoc Cyneas, orator optimus, Pyrrho (Romanis bellum inferenti) ne id faciat suavis, in hunc modum, * Cum Romanos superaveris, quid tum ages? Italia tum subjuganda, ait Pyrrhus. Quid Italiâ subjugata? Sicilia. Quid post Siciliam? Carthage & Africe. Quid post Africam? Græcia omnis & Macedonia. Quid

Reg. 6.

* Plut. in vita Pyrrhi.

vero post hæc omnia? Ad hoc Pyrrhus, *Tum*, inquit, *tranquillè vivemus, & hilariter*. Ad hoc Cyneas, *Quare verò non jam hoc ipsum agis?* quorsum id quod jam habes, tanto labore, sudore, & sanguine quaeritur?

Reg. 7.

Cessante fine cessat efficientis actio; quia ratio agendi sumitur à fine: ubi ergò vel finis nullus est, vel ubi finem quem desideramus adepti sumus, nulla ratio est amplius agendi; nulla itaque rationalis actio. Hoc tamen de fine adæquato intelligendum est; nam cum plures sint alicujus actionis fines; cessante uno, non necesse est efficientis actionem cessare: quare non sequitur, Nihil ex hoc lucri comparari potest: ergò hoc non est suscipiendum: quia non lucri solum causâ actiones suscipiuntur, sed honoris & virtutis amore, ut aliis benefacere possimus. Ipsa autem virtus, & honesta actio, sibi ipsi premium est, etiam ubi lucri nullum vel expetitur, vel expectatur.

Hæc de Argumentis à Causa Finalis ductis.

C A P. V I.

De tertio Loco Arguendi qui est à Causa Materiali, Itemque à Genere ad Speciem, & à Specie ad Individua.

Locus tertius est à *Materiali causa*, & quia Genus vel est re idem cum Materia (quomodo semper est in Substantiis) vel responderet proportionè Materiæ, quomodo semper in Accidentibus; ideo ad hunc locum spectant argumenta omnia à *Genere ad suas Species ducta*: & quia eadem omnino est ratio arguendi à *Specie ad sua Individua*, quæ est à *Genere ad suas Species*, ideo argumento omnia à *Specie ad Individua*, ad hunc etiam eundem locum pertinent.

Argumentum à
Causa Materiali
vel à
Genere, quid.
Regula de
Materia.
Reg. 1.

Quandocumque igitur Medium est Majoris termini vel materialis causæ, sive proxima, sive remota; vel Genus proximum, aut remotum, vel Species relata ad sua Individua, argumenta omnia istiusmodi rectè dicuntur duci à Loco Materialis causæ. De materia primò dicamus.

Regulæ de Materia sunt hæc: Prima, *Necesse est in materialibus causis pervenire ad aliquam Materiam primam*: Quia nisi detur aliqua Materia prima, progrediendum esset in infinitum. At illud esse impossibile in omni causarum Genere ante probavimus, in quarta de Causa in Genere. Atque hinc probatur, mundum hunc universum, in initio ex nihilo conditum à Deo, atque creatum fuisse. Nam omnia præter Deum à Deo facta fuisse, (id est, à non esse ad esse producta) ante probatum est, reg. secunda de Causa efficiente ca. 4. Ipsam igitur primam Materiam, quamcunque animo concipias, (etiamsi esset à Socrate centesima, millesima, imo millies millesima) hanc inquam, quia prima est, & ex alia materia priori non fit, ex nihilo creatam esse certum est. Quod si objicias illud Arist. lib. 1. Phys. cap. 1. *Ex nihilo nihil fit*: Responsio facilis est & vera: Certe enim de eis loquitur quæ fiunt per modum generationis, & sic ex nihilo nihil fit. At per mundum creationis ex nihilo aliquid fieri nusquam negat Arist. & hoc modo mundum universum à Deo ex nihilo factum esse certum est.

Reg. 2.

Cuicunque negatur Materia alicujus rei sive proxima, sive remota, eidem illud cuius est Materia negari necesse est: ut, Spiritus carnem & ossa non habet, ergò non est corpus, quæ e
ego

ego sum. Nullum est elementum in Matrimonio cui verbum accedit, ergo Matrimonium non est proprie dictum Sacramentum. In propositione illa quæ mentalis vocatur, nullæ sunt voces, seu externa signa conceptum, nulla igitur talis est propositio. Idem de Mixta propositione dicendum, quia in ea parte quæ mente reservatur nullæ voces sunt; illa igitur pars, propositionis pars esse non potest.

Materia proprie in solis Substantiis est. Ratio, est, quia *Materia est & Substantia*, Reg. 3. lib. 2. de Anima, cap. 1. & pars essentialis Substantiæ: at Substantia nulla potest esse pars essentialis accidentis: nullum igitur accidens proprie materiam habet. Materiam quidem in qua omnia accidentia habent, quia in sunt omnia in subiecto, & subiectum est eis Materia in quâ: Materiam etiam circa quam habent multa accidentia; ut visus pro objecto habet colorem, auditus sonum, & unaquæque virtus moralis objectum aliquod habet. At Materiam ex qua sunt nulla omnino accidentia habent, & recte hoc asseruit Aquinas, prima secundæ, q. 55. art. 4. Recte ergo sequitur, Hoc habet materiam, ergo non est accidens, sed substantia.

Regulæ de Argumentis à Genere ad Speciem, vel à Specie ad Individua sunt istæ:

Regula de Genere ad Speciem.

Cuiusque negatur Genus, eidem Speciem, & cuiusque negatur Species, Individuum negari necesse est; nam Genus est de essentia Speciei, & Species Individui; at cui essentia ullius rei non convenit, illud non convenire certum est: ut, Hoc non est animal; ergo non est vel Homo, vel Brutum. Reg. 1.

Cuiusque a tribuitur Genus, eidem aliquam illius Speciem attribui necesse est. Nam Genus extra Species omnes esse non potest, seu ut ait Arist. 2. Metaph. cap. 3. *Genus esse absque suis Speciebus impossibile est.* Quod verum est, & intelligendum de Genere existente in Individuo completo in Specie: ut, Hoc est elementum; ergo vel est Ignis, vel Aer, vel Aqua, vel Terra. Dixi Individuum completum in Specie: nam in quibusdam Individuis quæ non sunt in Specie adhuc completa, Genus esse potest etsi nulla Species eidem infit: Id quod in embryone in utero animalis nondum plene formatum perspicuum est; vivit embryo talis anima vegetans, & ideo est vivens, sed nec dum est vel animal vel planta, sed in potentia tamen; & quoad prævias dispositiones est animal. Procedente tempore accedit anima sensitiva, & tum est animal; nec tamen vel homo vel brutum. Tertiò infunditur anima rationalis; & tum est homo, & Individuum completum in Specie. De tali igitur Individuo dum adhuc non est in Specie completum, prædicatur Genus, quia primò vivens, tum animal, & tamen neque ulla viventis Species de illo prædicatur antequam accedit anima sensitiva, neque ulla animalis Species de illo prædicatur antequam accedit anima rationalis. Etenim has tres animas non simul, sed successive & tempore aliquo interjecto advenire corporis, tum experientia notum est, tum etiam Arist. diserte id asserit lib. 2. de gen. animal. cap. 3. Augustinus etiam lib. Quæst. in Exod. quæst. 80. in eadem mente fuit: ibi legitur textum illum Exod. 21. ver. 22. (longe aliter quam vel in Hebræo, vel in vulgata Latina, vel in nostris versionibus habetur) in hunc modum: Si ligabunt viri duo, & percusserit quis mulierem in utero habentem, & exierit infans ejus nondum formatus, &c. Si autem formatum fuerit, dabit animam pro anima: In quæ verba Augustinus observat, puerperium nondum formatum ad homicidium non pertinere juxta Dei legem, ideoque nec hominem deputari. Quia licet sit informiter (ut ille loquitur) animatum, id est præditum anima vegetativa, tamen non adhuc habet sensum, ideoque nec sensitivam animam, & multo minus rationalem. Is igitur has animas successive, & prout embryo magis magisque in utero perficitur & formatur, advenire sensit. De talibus autem Individuis nondum in Specie completis, Genus prædicari potest, licet nulla ipsius Species prædicetur.

Genus

Reg. 3.

Genus de nulla Differentia dici potest, quia tum Differentia verè esset Species Generis, non autem Differentia; & hoc expresse tradit Arist. lib. 6. Top. cap. 6. nu. 12. Ex quo certissime concluditur, *Ens nullius Genus esse posse*: quia quæcunque Differentia Entis sumatur, de ea Ens dicitur: quo idem de *Ente Finis*, de *Accidente*, de *Substantia*, ut sumitur pro eo quod non inhaeret alicui, & aliis multis dici potest; ut alibi à nobis saepe est observatum.

CAP. VII.

De quarto Loco arguendi à Forma & Differentia, itemque à Definitione, Descriptione, & Notatione nominis.

Argumentum à
Forma, quid.Regula de
Forma.

Reg. 1.

Quartus Locus arguendi est à *Forma*, & ea quæ *Forma* respondet *Differentia*; ad quem locum spectant etiam argumenta à *Definitione* aut *Descriptione*, itemque à *Notatione Nominis*. Nam eadem est omnino ratio arguendi ab istis omnibus, quæ est à *Forma*. Argumentum autem tum ducitur à *Forma*, à *Differentia*, à *Definitione*, *Descriptione* aut *Notatione*, quando *Medius terminus est vel Forma, vel Differentia, vel Definitio, vel Descriptio, vel Notatio Majoris extremi*. Axiomata de his sunt ista.

Cuiusque convenit vel Forma proxima, vel Differentia proxima, vel Definitio, vel Descriptio ullius rei, eidem convenit illud ipsum cuius ea est vel Forma, vel Differentia, vel Definitio, vel Descriptio: ratio est, quia *Forma dat Nomen & Esse*; vel ut Arist. loquitur lib. 2. Phys. c. 3. (unde vulgare hoc dictum haustum est) *Forma est ratio quidditatis*: imò *ipsa Ratio*, 1. Phys. cap. 7. Ipsa enim *Forma*, (& reliqua omnia quæ addidi, *Differentia* nempe, *Definitio*, *Descriptio*) ita propria sunt, & ei soli cuius sunt, conveniunt, ut cuiusque ullum eorum convenit; rem istam cuius sunt, eidem convenire necesse sit: ut Hoc habet Corporietatem, ergo est Corpus: Hoc est vivens sensibile, ergo est animal: Hoc est universale quod prædicatur de Differentibus Specie in quid, ergo est Genus: *Homo* est vox declinabilis, significativa sine ulla temporis aut personæ differentia, ergo est Nomen apud Grammaticos: Hoc est Signum extremum sacrum à Deo institutum, cum certa verborum forma ad gratiam justificantem conferendam ei qui cum fide sincera signum recipit, ergo hoc est Sacramentum.

Reg. 2.

Cuiusque non convenit Forma ullius rei aut Differentia, aut Definitio, aut Descriptio, eidem res illa non convenit nec tribuenda est. Angelus non est rationalis per phantasmatam recepta à sensibus, ergo non est homo.

Reg. 3.

Cuiusque Forma, aut Differentia proxima, aut Definitio aut Descriptio ullius rei convenit, eidem propria omnia accidentia, seu omnes proprietates insequentes illam Formam aut Differentiam convenire necesse est. Nam cum *Forma*, vel *Differentia* sint causæ per emanationem omnium talium accidentium, nec esse est cui ipsa conveniunt, eidem omnia inde necessario fluentia convenire: Hoc habet animam sensitivam, ergo habet & sensum, & appetitum; & amorem, & odium, & similia.

Reg. 4.

Quibuscunque diversa Formæ, Differentiæ, Definitiones aut Descriptiones conveniunt, illa non solum realiter, atque essentialiter distinguuntur inter se, sed diversas etiam proprietates seu diversa accidentia propria habent; Ratio est; quia cum *Forma* seu *Differentia* sit essentia rei, & fons unde accidentia propria fluunt, necesse est ut diversitas formarum, faciat res non solum diversas & realiter distinctas, sed etiam proprietatibus omnibus quæ illas insequitur realiter differre; unde certò sequitur, Relatum omne secundum esse habet

habet diversam Differentiam & Definitionem à Qualitate; ergo nihil quod est Relatum secundum esse, potest re idem esse cum Qualitate, ideoque nihil quod est Qualitas, e' in Prædicamento Qualitatis, potest esse Relatum secundum esse, aut in Prædicamento Relationis.

Tria ulterius hic observanda sunt: Primum hoc est, *quod non sine causa Argumenta à Cur Notatio Notationis Nominis ducta, huc referantur*: Quid enim est Notatio, nisi rei notatæ decri- *Nominis huc* prio? quare si vera alicui rei nominis notatio tribuatur, erit illa vera illius rei descriptio; *referatur.* & ejus vel essentiam, vel proprietates (quibus essentiae loco utimur) explicabit. Quare non est necesse alium locum arguendi à *notatione nominis* statuere, cum ad hunc ipsum commodissime referri & possit & debeat. Liber tamen duas regulas de *Notatione Nominis* hic adnotare, quo facilius quando validum inde argumentum ducatur intelligi possit.

Cui vera & genuina ullius nominis Notatio convenit, eidem etiam & res quæ per illud nomen recte ac vere notatur, convenire debet. Nam vera Notatio ut ante dixi est vera descriptio Rei, & quare res illa sic appelletur aut appellanda sit, vere indicat. Quin & Nomen ipsum teste Isidoro lib. 1. Orig. cap. 6. dicitur quasi Notamen, quia rem notat, id est notam facit; nisi enim nomen scias, cognitio rerum perit. Talia sunt ea omnia Nomina, quæ vel Deus, vel Adamus in Hebræo Idioma: e, vel alii viri sapientes, in aliis linguis, rebus imposuerunt. Deus hominem (id est genus totum humanum) vocavit Adam, quia ex terra conditus est, inspiratâ nimirum corpori ex terra formato animâ rationali: Quare recte concludas, Hic ex limo seu terra sit conditus est, ergo vere est Adam, & Adam appellandus. Sic Adamus mulierem (id est femineum omne genus humanum) ex illius casta formatam vocavit Hebraice *Isha* ab *Ish*, quomodo tutelatine recte & significanter dicas vitam, quia à viro desumpta fuit. Et certe hoc ipsum viræ nomen, hoc eodem sensu olim in usu fuit. Fœminas antiqui viras appellabant, ait Pomp. Festus in voce *Querquetulæ*; multo certe rectius viram diceris, quam cum veteri vulgato interprete viraginem, quæ vox non sexum notat, sed fortitudinem, cum mulier virum agit, & virilia facit, qualis Aglauros Metanior. 2.

— bello metueda virago.

Cui vera & germana Notatio nominis non convenit, eidem nec Nomen illud recte tribuendum est, nec res illo nomine vere notata convenit: ut hic non vera & sincera profiteretur Christianus, ergo vere non est Christianus. Eidem Ecclesia quæ Babylone est, non proficetur eam fidem quæ vere Catholica est; non eam quam ecclesia Catholica Apostolorum tempore; non eam quam 600. post Apostolos annis ecclesia vora: eavit; sed nec eam omni ex parte, quam in Constantinensi Concilio, (id est ducentis ab hinc annis) ecclesia tenuit (nam in eo Pont. si em Concilio subesse, quod nunc juxta Lateranense Concilium habetis esse decreverunt, Sess. 4.) ergo Babylonica illa non recte Catholica ecclesia appellatur, aut appellari debet. Rectissime vero juxta priorem regulam, ita arguas, Illi qui se pro Catholicis venditant, fidem suam omnem Papæ superstruunt. Papa illis pro fidei fundamento est; nota Gregorii Valentiani (a) vox: *Propinere & explicare quæ credenda sunt, ad Papam spectat, in quo summa fidei Catholicæ ita posita est, ut nemo Catholicus esse possit qui illam non amplectatur, nemo hereticus qui eam non neget.* Rectissimo igitur ac verissimo nomine, ut Cassander * notat, Papæ vocantur, quia Pontificem Romæ quem Papam dicimus (verba cito Geor. Cassandri) tantum non Deum faciunt, neque plus, neque minus quam Papa præcipit, credunt, aut credere tenentur. Sed de hoc fusius egi in tractatu mgo piii.

Secundum quod observandum dixi, est, hoc, quod multa argumenta quæ à Relatis, ab Adversis, itemque à Conjugatis vulgo duci dicuntur, rectè ac re ipsa ad hunc Locum à Descriptione aut Descriptione spectant; Ut, Hic habet si jura, ergo ad pater: Hoc est adversum

Regula de Notatione.

Reg. 1.

Reg. 2.

Sub Leone 10. sess. 11.

(1) In 2â, 2æ. disp. 1 q. 1. punct. 1 p. 30. Cassand. lib. de offic. viri piii.

Argumenta nulla quæ à Relatis, aut Conjugatis putantur duci ad hunc locum spectant.

sum albo, ergo est nigrum: Aristides iuste facit, ergo est iustus; & similia omnia. Nam reverà in his, similiūque omnibus, Medium est Definitio nominalis, seu Descriptio Majoris extremi. Quidenim est pater, nisi habens filium? quid nigrum, nisi quod est albo adversum? quid iustus, nisi qui iuste agit? Exprime jam has majores propositiones: Quicunque habet si ium est pater, Quicquid est adversum albo est nigrum, Quicunque agit iuste est iustus, & tum liquidum est Medium esse descriptionem aut nominalem definitionem Majoris extremi. Quare juxta Regulam nostram Fundamentalem, Argumenta hæc & similia omnia à Loco Definitionis seu Descriptionis verè ducuntur. Quod si à Relatis, Contrariis, aut Conjugatis ducerentur, Medium esset Relatum, Contrarium, aut Conjugatum Majoris termini. Quamvis autem filius sit Correlatum patris, & album Adversum nigro, & iuste Conjugatum iusti: tamen habere filium non est Relatum patris, sed Descriptio; & esse Adversum albo non est Contrarium nigro, sed illius Descriptio; & iuste facere non est Conjugatum iusti, sed ejus Descriptio. Quare etsi hæc & similia vulgo vocentur argumenta à Relatis, Adversis, & Conjugatis, & dicere ea à Definitione aut Descriptione duci, paradoxon forte videatur, vulgi tamen error in hoc omnino corrigendus est: & illa omnia ad hunc Definitionis seu Descriptionis Locum verè referenda sunt.

Usus hujus loci
quantus sit.

Tertium quod proposui est ostendere, *maximum esse, & maxime necessarium hujus loci usum in omnibus Disciplinis*. Nisi enim rerum essentias veras, & genuinas tum differentias, tum definitiones seu descriptiones habeamus, nihil rectè ac solidè vel doceri unquam, vel disci potest. Nam si quis in ulla Scientia falsas rerum differentias, definitiones, aut descriptiones pro veris accipiat, & amplectatur, ruit illæ præcepta in Barathrum errorum, à quibus extricari ipsum impossibile est. Hoc, uno aut altero exemplo faciam manifestum; utrumque autem tale est, ut ab iis qui Catholicos se vocari volunt, talia vel dicta esse vel defensata, vel in Oecumenicis suis Conciliis definita, valde doleam; utinam & ipsos peniteret tam fædos & periculosos errore, vel anse hæc disjunctis, vel adhuc defensare.

Exemplum
prius.

(a) In decr.
Eug.

Prius exemplum est hoc: Inter alia quæ in Sacramenti definitione poni volunt, unum hoc est ut *minister Sacramenti habeat Intentionem faciendi quod facit Ecclesia*; Definit hoc Conc. Florentinum in Decreto Eugénii. 4. sect. Quinto, ubi (recensitis septem illis quæ singula *Sacramenta vere & proprie dicta* esse, tum illud ipsum (a) Concilium, tum post illud Conc. Trid. sess. 7. can. definit: 1. Baptismo nempe, Confirmatione, Eucharistia, Poenitentia, Extrema Unctione, Ordine, atque Matrimonio) ita statuitur: Hæc omnia Sacramenta tribus perficiuntur: videlicet Rebus tanquam Materia, Verbis tanquam Forma, & persona Minister conferentis Sacramentum cum intentione faciendi quod facit Ecclesia; quorum si aliquid desit non perficitur Sacramentum. Et idem sensit Conc. Trid. Sess. 7. Can. 11. ubi dixerit in ministris dum Sacramenta conficiunt, & conferunt, non requiri intentionem faciendi quod facit Ecclesia, Anathema sit: Requirit illud autem hoc Concilium, eodem plane modo quo requiri statuerat prius Conc. Florentinum, sic nempe ut si desit Intentio, nullum conficiatur Sacramentum. Eadem planè mens est Romanensium ad unum omnium: Sententia Catholicorum (inquit Bellar. lib. 1 de Sacr. in gen. cap. 27. b) est requiri intentionem faciendi quod facit Ecclesia; & ibid. sect. Ultimo. Norandum in hac tota doctrina, mirificè convenire Doctores Catholicos, uno Catharino e. cepto.

(b) Sect. Quam-
tum ad secun-
dum.

Vide nunc quæ, quantaque ex ista Intentionis Necessitate incommoda sequantur. Sicut si non adsit ista in Ministro Intentio, nullum Sacramentum conficitur, ita si quis non certo sciat adesse Ministro istam intentionem, Sacramentum ullum confici nunquam certus est, aut esse potest. At nemo omnium mortalium, qui ullum Sacramentum recipiunt, certo scit Ministrum intendere, aut intendisse, vel actualiter, vel habitualiter, vel virtualiter, facere id quod facit Ecclesia. Solus enim Deus *καρδιογράφος* rerum & cognitionum: ille solus scrutator: illi soli mens & intentio mentis prævia. Conjicere quidem

quidem alii possunt, suspicari, & bene sperare de ministri intentione; id est, conjecuraliter putare aut opinari possunt, certò autem aut indubitato scire nemo potest, nemo, inquam omnium præter unum ministrum: *Quis enim novit Spiritum* (id est, Cor & Mentem) *hominis, nisi Spiritus hominis qui est in eo?* 1 Cor. 2. 11. Nullus igitur in Romana Ecclesia vel seipsum, vel ullos alios certò scit esse baptizatos; nullus sit quis in illa Ecclesia vel Diaconus, vel Presbyter, vel Episcopus sit: nullus unquam scit, aut scire potest panem in Missa Transubstantiatum esse, & mutatum in Corpus Domini: nec unquam se à peccatis absolutum, nec vel se vel quenquam inter eos Conjugatum esse.

Illi ipsi qui inter eos athletæ sunt, hæc quæ dico omnia ex ista Intentione Ministri, quam necessario requirunt, certissimè sequi & vident & agnoscunt. De Baptismo audi Dominicum Sotum, (c) *Quod nullus vel infans, vel adultus habet fidem se esse baptizatum, fumio:em quam quæ est moralis, evidentissimum est; quia illis non certissimè constat baptizantis intentio.* De Ordinis Sacramento audi Bellarminum, (d) *Si, inquit, in Episcopis consideretur potestas Ordinis & Jurisdictionis, non habemus certitudinem nisi moralem, quæ ut ipse (e) docet infallibilis non est quod illi sunt veri Episcopi & ratio est quia id pendet ab intentione ordinantis: de Sacerdotibus inferioribus, & Diaconis par omnino est ratio.* De Pœnitentia audi Andream Vegam (f) *Manifestum est nemini posse constare quod receperit Sacramentum Pœnitentiæ: Nam perspicuum est tantum nos posse probabiliter nosse sacerdotem intendisse absolvet, & intentionem ministri necessariam esse ad absolutionem, semper tota Ecclesia tenet.*

De reliquis Sacramentis idem ostendi posset. Sed quid opus? de omnibus agnoscit Bellarminus, (g) *Nemo potest esse certus certitudine fidei* (id est infallibili certitudine cui falsum subesse non potest) *se percipere verum Sacramentum, cum Sacramentum sine intentione ministri non conficiatur, & intentionem alterius nemo videre potest.* Idem docet Andr. Vega: (h) *Nemini potest per fidem constare, se recepisse vel minimum sacramentum, Estque hoc ita certum ex fide ad clarum, ac nos vivere. Nemini siquidem potest constare, aliquando concurrere quæ semper necessaria sunt ad ministrationem cujusque Sacramenti.* Nulla quippe est via citra revelationem, quâ nosse possumus intentionem ministrantis vel evidenter, vel certo ex fide: sic ille. Cernis nunc luce clariùs ex ista Sacramenti definitione quam ponunt, nemini inter ipsos constare unquam; aut verò constare posse (sine speciali revelatione) ullum ab eis Sacramentum unquam vel perceptum esse vel confectum.

At fortasse nihil periculi est si non constet. Nihil periculi? Nihil certè nisi periculum lethale atque exitiosum. Nescis te vel alios baptizatos esse? nescis igitur vel te vel alios in Ecclesiam intrasse, aut esse membra Ecclesiæ. (Nam baptismo hæc sunt, ut docet Conc. Florentinum (i). Et quia extra Ecclesiam nemo servatur, ut docet Conc. Lateranense (k), querenda tibi Ecclesia alibi est, quia apud eos eam esse scire nunquam poteris. Nescis qui apud illos Episcopi sunt aut Sacerdotes? Nescis igitur cui debeas ut Proposito obtemperare, quem ut pastorem sequi: nescis ulla apud eos Concilia generalia esse, aut fuisse unquam: nescis utrum ullus ex iis omnibus qui Florentino, Lateranensi, & Tridentino Consiliis interfuerant, fuerat vel Episcopus, vel simplex Sacerdos; utrum non omnes fuerint Laici, & præter Laicos illic nemo. Nescis an Eugenius quartus qui Florentinum, an Leo decimus qui Lateranense, an Pius quartus qui Tridentinum confirmavit Concilium, fuerit Pontifex, & in Episcopatu Romano successerit Petro, & claves Petri gestarit: imò an fuerint vel omnino Sacerdotes, an mere Laici homines, nullo Ordinum Characterè insigniti. Et quia Ecclesiæ totius fides Petri illi innititur quæ Petro succedit, cum nescis hos & horum successores Pontifices fuisse, & Petri successores, nescis utrum fides tua Petri innitatur an arenæ; nescis an Petra nunc iterum ulla sit cui inniti possis. Nescis igitur te quidquam verè credere, idcirco certò scis te non verè credere: nam ubi fides, ibi indubitata firmitas; ubi dubitatio

de ipso fidei Fundamento & Petra, ibi fides omnino nulla. Nescis te aut ullum inter eos Sacramentum Matrimonii suscepisse: nescis igitur an in mortali peccato vitam transigas, nescis an liberi tui legitimi sint: an legitime hæreditatem adire possint. Et quia nescias & quis sacerdos sit, & an unquam Sacramentum absolutionis vel conficiatur, vel tibi conferatur, ne'cis ad quem confugias, ut à tor mortalibus peccatis quibus quotidie miser implicaris, liberari possis ac absolvi. Nescis Sacerdotem Sacramentum Eucharistiæ confecisse, aut panem transubstantiatum esse; nescis igitur an id panis adhuc verè sit quod *Latriâ*, id est, cultu Deo soli debito colis: nescis an tu ipse & alii omnes qui istam *Latriam* exhibent Idololatriæ sitis: imò scire potes tales esse; quia cultum Deo soli debitum dare illi quod an Deus sit ignoras, Idololatria est; cum id colis ut Deum, quem Deum esse nec scis, nec sciri potes.

Videsne nunc quantæ hic salæbriæ sunt? quàm vacillent & fluctuent apud eos omnia? quàm tenui filo suspensa sint? An in ipsa credis antiquâ Academiâ major hæsitantia, dubitatio & incertitudo, quàm nunc Babylone? Sed cui fini credis tot, tamque inextricabiles dubitationum scrupulos ingerunt mentibus hominum? Negant (ut scis) hominem certum esse debere se esse in gratiâ, aut iustificatum, aut servandum. Audi verba Bellar. lib. 1. de Sacr. in gen. cap. 28. *Non debes (obserua non debet) homo in hoc mundo quæ- rere certitudinem infallibilem de sua salute vel iustificatione.* Quidni verò debere negent? frustra enim est id quærere, cum salus omnis iustificatio, & gratia à Sacramentis; Sacramenta autem omnia ab *Intentione Ministri* pendeant. De Ministri autem intentione certus esse nisi *καρδιογράφος* esse vis, nunquam potes. Ita in hac *Ministri intentione*, fulcrum ve'ut in profundo abyssu abdunt, quo sustententur illud de incertitudine Gratiæ dogma, quod Tridentinis patribus instar *He'enz* est. Sed non sunt in isto omnia. Vide obsecro, an non in rem Sacerdotum sit & commodum. Quis non veneretur Pontificum pedes? imò Sacerdotum omnium, quantumvis viles illi sint & despiciari. Si illi stomachum forte facias, aut bilem moveas, non intendet facere quod faciet Ecclesia, cum filii tibi baptizandi sunt; ita filios tuos in Gehennam præcipitabit, & delicta majorum immeritus luer infans. Cum tu ipse absolvendus à peccatis ad eum accedis, non intendit facere quod facit Ecclesia, & quia *sine sacerdotali absolutione (1) nulla remissio*, sine remissione nulla spes salutis, sed certum exitium; ecce nunc tu homo infelix, quia sacerdoti non eras satis morigerus & obsequens, lues æternum tam grande facinus: is de catenis adamantinis non Caucaaso sed Tartaro alligabit; Potestatem ille habet te solvendi simul & ligandi: & si non *non vult intendere*, ligabit. Cave igitur ne Crabones tales irrites; projice te finit, tuaque omnia ad pedes illorum: facito illos tibi amicos ex mammona, & aperient tibi æterna habitacula: quos si inimicos forte habes, ferro & compagibus arctis claudentur cœli portæ: Tuque centum vincus ahenis post tergum nodis, fumes horridus ore cruento. Et quoniam sacerdos in Sacramento Matrimonii minister est, ut Episcopus Canus (m) acerrimè contendit, urque (si Cano fides) testantur non solum Thom. Aquinas, Guil. Parisiensis, Petrus Paludanus, Clemens, Calixtus, Cyriacus, Nicholaus Hormisda, Evaristus, Ambrosius, & Isidorus, sed & Concilia aliquor, Carthaginense, Constantinense, Lugdunense, Lateranense, & Florentinum? intelligis, opinor, quantum tibi hinc à toro & thalamo conjugii meritò metuendum sit, si Sacerdos non intendat: & nisi tu illud nutum sis & morem geras, ultrò ille & dedita operâ intendit aliud facere, quàm quod facit Ecclesia. Sed & adhuc periculum tibi aliud ab ista Intentione. Cum ad Missam consecraturus hostiam accedit sacrificus, quid si intentio illud desit; quid si ille aut tibi aut populo insensus, intendat non consecrare? sed & re & qui adsunt universos sic Ludificare, ut panem jam (quâ intentio deerat) non transubstantiatum colatis pro Deo: atque ita idololatrias sternue agatis? Fecerat tu scilicet; aut alius è plebe ei non levem injuriam; non feret ille tam indignum facinus; nec vos sanè impunè feretis. Mors tua, & vita in manu illius; si illum honorificè habuisses, intendisset, transubstantiasset, & vitam tibi porrexisset; quia

ma e

(1) Nemo in cœ-
lum ingredi po-
test, nisi sacerdo-
rum ministerio
aperiatur. Bell.
lib. 3. de Pœnit.
cap. 2. sect.
Quare cum.
(m) Lib. 8. Loco
Theolog. cap. 8.

male abs te habitus est, noluit intendere, ideoque non transubstantiavit, ut tu & reliqui (qui latrāam quoties ipse vult triticæ collyridi exhibeatis) sentiaris quā vere dictum sit, *Idololatriæ & omnibus mendacibus portio assignata est in stagno, ubi ardet ignis & sulphur.*

Exemplum alterum est hoc: Offerri in Missā verum & proprium Sacrificium decrevit *Exemplum scilicet* Concil. Tridentinum (n): Sacrificium illud esse Christum Jesum, tum ipsum illud *Concundum*. ciliū, (o) tum Catechismus Tridentinus, (p) tum Bellar. (q) alique declarant. Ant hoc (n) Sess. 22. ita sit ex definitione veri & proprii dicti Sacrificii judicandum est. Eam tradit Bellar. *can. 1. lib. 1. de Missa cap. 2. Sect. Hi.* Una definitionis pars est hæc, quod res quæ offertur in (o) *lib. d. cap. 1. Sacrificium transmutetur.* Quid verò per *Transmutari* significetur, explicat Bellar. his (p) *Par. 2. cap. 4 nu. 60.* *um requiritur id quod offertur Deo in Sacrificium, planè destruat, id est, ita mutetur, (q) Lib. 1. de ut desinat esse id quod ante erat: & paulò post, Sacrificium est summa potestatio subje-* *Missā ca. 5. Sect. 4* *tionis nostræ ad Deum, & summes cultus externus qui exhiberi possit. Summa autem E contrario.* *protestatio requirit, ut non solum usus rei Deo offeratur, sed ipsa etiam substantia, & adeò ut non solum usus, sed substantia consumatur.* Et cap. eod. sect. Sed omnia: *Sacrificium præter oblationem, requirit mutationem, & mutationem rei quæ offertur: Qua-* *lis vera illa consumptio esse debeat, indicat sect. Secundò probatur: Omnia, inquit, omni-* *no quæ in scriptura dicuntur sacrificia, necessariò destruenda erat: si viventia per oc-* *cisionem: si inanimata solida, ut familia, sal & abus, per combustionem: si liquida ut* *sanguis, vinum & aqua, per effusionem.* Jam cum hoc sit in essentia & definitione Sa- *cramenti propriè dicti, satis, ut opinor, liquido hinc confirmatur argumento à Definitione* *ducto, quod Christus in Missā verè ac propriè non sacrificetur.* Quia tum oporteret Chri- *stum sic transmutari ut consumatur, ut occidatur (quia is est sacrificium vivens) utque ita* *penitus destruat, ut desinat esse id quod erat.* Hoc quia in missa non fit, ideo sacrificium *verum ac propriè dictum in Missā esse non potest.* Sed malim ego rationem hanc Bel- *larmini ipsius verbis exprimere.* Is lib. eodem cap. 27. Alii volunt & seq. triplici ratione *refutat sententiam eorum qui putant missifici hujus sacrificii essentiam in Consecratione* *consistere: ejus tertia ratio est hæc, totidem verbis.* Denique, *vel in Missā sit ve-* *ra & realis Christi matatio & occisio, vel non sit: Si non sit, non est verum & re-* *ale Sacrificium Missā; sacrificium enim verum & reale, veram & realem occisionem* *exigit; quando in occisione ponitur essentia sacrificii.* Si autem sit; ergò verum erit *dicere, à Sacerdotibus Christianis verè, & realiter Christum occidi; at hoc Sacri-* *legium, non sacrificium esse videtur.* Sic ille. Rogo nunc amatores & cultores Mis- *sæ, velint vel agnoscere in Missā non esse verum ac proprium sacrificium, si Chri-* *stus verè ac realiter non occidatur: vel, si sic reipsa occiditur, velint tum sacrificiosæ* *Deicidas & sacrilegos averfari.* Scio, me Theologum non legent, Legant vel Logicum: *legant vel hoc unicum ex tota Logica Caput.* Sed de Argumentis à Causa formali hæc *fatis multa.*

CAP. VIII.

De quinto Loco arguendi qui est ab Effectu itemque à Specie ad Genus, ab Individuis ad Speciem; & à Definito, Descripto, aut Notatione declarato, ac Definitionem, Descriptionem aut Notationem.

Argumentum
ab Effectu
quid.

Quintus Locus arguendi est ab Effectu. Argumentum autem ab Effectu ducitur quia documque Medium est Effectus, & Major terminus est Causa, vel Efficiens, vel Materialis vel Finalis. Nam (ut in lib. de Demonstr. cap. ult. ostendi) à finali causa ad illius effectum qui semper est actio efficientis) nullum argumentum duci potest quod non est à Causa: & quia dignius nomen ei tribuendum est, ideo non ab Effectu sed à Causa duci dicendum est. Tot autem argumenta ab Effectu ad Causam ducuntur, quor à Causa quavis ad Effecta duci possunt. Nam sicut à Causa probatur Effectum alicui convenire, itidem ab Effectu Causam probatur alicui convenire. Quare cum argumenta à Causa ad Effectum (cujuscunque generis Cause sint) antea declarata sint, ex eo quomodo argumenta ab Effectu duci debeant facilius intelligi potest: ut non sit necesse in singulis immorari, vel exempla dare. Axiomata igitur hujus loci pauca proposuisse satis erit: reliqua ex Causis judicari possunt.

Reg. 1.

Omne Effectum posterius est naturā Causā omni cujus est Effectum. Liqueat ex Reg. 1. de Causa in Genere. Naturā quidem semper, aliquando etiam sed non semper Tempore posterior est suā Causā. Nam risibile est simul Tempore tum rationali, & omnia omnino propria cum illis causis Efficientibus à quibus emanant.

Reg. 2.

Omne Effectum est ignobilius suā Efficiente. Nam Efficiens omne cum efficit actum est, & in actum producit. Effectum autem omne cum sit, tum primum producit, nec ante est actu, sed solum potenti; & Efficiens est agens, Effectum quasi quoddam patiens: Actus autem est præstantior potentiā, ut ait Arist. 9. Metaph. cap. 10. Et agens, quā agens, est præstantius patiente, ut ex Arist. docet & vere Aquin. part. 1. quæst. 79. art. 2.

Reg. 3.

Cuicunque effectus necessarius ullus efficientis Cause inest aut convenit, eidem causam illam efficientem inesse & convenire necesse est: & contra, Cui talis Effectus non convenit, neque Causa efficiens illius Effectus convenit. Ut Homo est risibilis, ergo est rationalis. Luna eclipsatur, ergo aliquod Corpus opacum interponitur inter ipsam & Solem.

Reg. 4.

Posito Effectu in actu non necesse est Causam illam efficientem illius in actu jam poni, sed vel jam esse, vel aliquando fuisse Causam illius efficientem, certissime sequitur. Quare non valet, Edificium jam est actu, ergo Edificator est jam actu sed bene sequitur, Ergo fuit in actu aliquando Edificator. Etsi autem efficientem Causam producentem illud effectum, actu poni non sit necesse; tamen quandiu Effectum est, necesse est post efficientem Causam conservantem illud Effectum in actu. Nam ut sine Producente Causa non poterat effectum unquam produci, ita neque sine Conservante causa existere, aut conservari potest.

Reg. 5.

Cuicunque Effectus aliquis materialis ullius causa, inest, aut convenit, eidem materialem causam illius Effectus inesse aut convenire necesse est: Sed non contra recte dicere potest.

potes. Cui Effectus non inest, materialis Causa illius Effectus non inest: Quare rectè sequitur, Hoc est Corpus, ergo est materiaturum; sed non è contra sequitur Hoc non est Corpus, ergo non est materiaturum: nam etiam Spiritus materiati sunt, non tamen Corpora.

Cuicumque Effectus alicujus formatis Cause proxima inest aut convenit, eidem Causam illam formalem proximam inesse aut convenire necesse est, & contra; Cui talis effectus non inest, neque Causa illius Effectus inest. Hoc est vivens, ergo habet animam vegetantem; Hoc non est Corpus, ergo non habet Corporeitatem. Reg. 6.

Spectant primò ad hunc locum argumenta omnia à Specie ad Genus, & ab Individuis Argumenta à ad Speciem. Quia cum Genus omne sit vel verè, vel proportionaliter Materia respectu Specierum itemque Species respectu Individuorum, certe Species erit, quasi Effectum in Genere, Causa materialis, respectu Generis, & similiter Individua respectu Specierum. Reg. 1.

Cuicumque inest aut convenit Species, eidem inest aut convenit ipsius Genus: Ut, Hoc est homo, ergo est anima; Hoc est habitus, ergo est qualitas. Reg. 2.

Quodcumque accidens reale inest aut convenit individuo, idem gratia Individui & secundario convenit & inest Speciei. Idem *Quodcumque accidens inest Speciei, illud gratia illius & secundario inest Generi.* Ut Socrates est doctus, ergo homo est doctus; homo est bipes, ergo animal est. Insunt quidem ista accidentia; sed nec necessario nec universaliter insunt vel Speciei, vel Generi.

Spectant huc secundo Argumenta omnia à Specie ad suam Differentiam: quia cum Differentia sit instar formæ, Speciem esse effectum illius necesse est. Regulæ de ea sunt duæ. Reg. 1.

Cuicumque Species inest aut convenit, eidem Differentia omnis tam proxima quàm remotior illius Speciei inest & convenit: Ut, Hoc est homo, ergo est rationale, & sensibile, & vegetativum, & corporeum. Reg. 2.

Cuicumque Species non inest, aut non convenit, eidem proxima illius Differentia non inest. Hoc non est animal, ergo non est sensibile: Angelus non est Corpus, ergo non est Corporeus.

Huc tertio spectant argumenta omnia à Definito ad Definitionem seu Descriptionem. De hac Regulæ sunt istæ. Reg. 1.

Cuicumque Definitum convenit, eidem Definitio illius aut Descriptio convenit: Ut, Hoc est animal; ergo est vivens sensibile: Hoc est Individuum, ergo est Ens quod de uno tantum, & idque identicè prædicatur. Reg. 2.

Cuicumque non convenit Definitum, eidem Definitio aut Descriptio non convenit: Ut, Hoc non est Spiritus, ergo non est Substantia incorporea: Hoc non est Genus, ergo non prædicatur de Differentibus. Specie in quid.

Postremo, huc spectant argumenta à Re notata ad notationem Nominis: Nam quia Notatio, seu verum Etymon ullius, verè Descriptio est, ut ante monui, ideo à Nomine ipso, sicut à Descripto, ad Notationem illius Nominis, sicut ad rei descriptionem arguendum est. De hac Regulæ duæ sunt. Reg. 1.

Cuicumque Nomen ullum verè ac propriè tribuitur, eidem Notatio vera & genuina illius Nominis convenit: Ut Deus rectissime ac verissime nominatur *Deus*, igitur is est verissime ens quod ex se, & per se est, à quo omnia esse habent, quodque ab æterno fuit, in æternum erit, & æternum immutabiliter est: hæc enim est genuina vocis illius *Deus* Notatio; nam constat ex Præterito *Haik*, quod est *fuit*: ex Participio *Hoich*, quod est *Ens*: & ex Futuro *Eibieh*, quod est *erit*; unde Apoc. 1. 4. Etymon illius vocis explicatur in hunc modum, *ὁ ὢν, καὶ ὁ ὢν, καὶ ὁ ἔσων*, qui est, qui erat, & qui erit. Sic quia Christus vocatur verissime *Jesus*, ergo verissime & *Χριστός* ille Salvator est, qui saluum facit populum suum à peccatis. Sic Baptista, Angelo jubente, vocatur *Joannes*, ergo verè gratiosus apud Deum erat, & ex Dei gratia parentibus donatus. Sic Abram, Deo jubente,

bente, vocatur *Abraham*, ergo vere ille futurus erat pater multarum gentium, etiam si tum prolem nullam habuerat.

Si Nomen alicui rei imponatur, vel falso (ut sæpe) vel (ut plerumque) casu non consilio ; aut consilio quidem, sed non ab eo qui dare aut prestare potest id quod notatus eo Nomine ; aut si vera & genuina Notatio illius nominis non adhibeatur, tum argumenta à Nomine ad Notationem ducta invalida sunt. Unde non sequitur Hic vocatur Catholicus, ergo Catholicam fidem profitemur. Nam quàm multi falso, sibi Catholicorum nomen vendicant, eoque nomine sæpe illi appellantur, qui fidem Catholicam nervis omnibus oppugnant. Cujus rei illustrissimum exemplum habemus in Conciliabulo Nestorianorum habito Ephesi in diversorio, eodem tempore quo sacrum Ephesinum Concilium in templo habitum erat. Illi se, & se solos pro Orthodoxis & Catholicis venditabant, & passim in suis ad Imperatores atq[ue] literis, sic gloriabantur ; Orthodoxos autem omnes illi, Arianos, Eunomianos, Cyrillianos, hæreticos plus millies, dictitabant. Sicut nunc etiam Orthodoxi à novis Nestorianis, Lutherani, Calviniani, hæretici vocantur. Ineptum sic concludere vel Nestorianos esse Orthodoxos, quia sic vocantur ; vel Cyrillum, cum aliis Orthodoxis hæreticos censere, quia isto nomine à Nestorianis vocabantur. Sed nos alibi in Tractatu de Concilio generali, de hoc fufè egimus.

(o) Hic à Celestino quinto canonizatus fuit. Mart. Polon. in Celest. 5.
(p) Plat. in vita Bonif. 8. Paul. Langinus ad ann. 1294. Ge-nebrar. in Celest. 5. aliisque.
(q) Plat. loc. cit.
(r) Job. Marius lib. de Schis. & Conc. ca. 12.
(s) Plat. Paul. Lang. Job. Marius loc. cit. & Werner. ad an. 1224. aliique.

Cape aliud exemplum : Is qui Celestinum quintum, virum sanctum (o) & inter vivos ab ipsis relatum, è sede Pontificiâ per fraudem ejicit, (p) in carcerem conjecit, qui subornatores claudendum in cubiculum ipsius misit, ut voce per fistulam editâ quasi coelitus demissâ, noctu misello Celestino persuadeant, ut Pontificatum dimitteret si salvus esse vellet : Is qui pro suo in Gibellinos odio, Porchetto (q) Archiepiscopo Genuensi, die cinerum ad pedes illius provoluto, cineres non in verticem, ut solet, sed in oculos injecit, inquit, *Gibellinus es & cum Gibellinis in cineres reverteris* : Is qui accinctus (r) gladio dixit, *se esse, nec alium quenquam Casarem, Augustum, Imperatorem, ac dominum mundi*. Is qui à Philippo Gallie rege Anagnæ captus, Romam (s) captivus abductus, in carcerem conjectus, ibique misere tandem contabuit ; Is inquam ante pontificatum Benedictus, cum pontificatum iniit Bonifacius actavus nominatus est. An tu hinc Notationes horum Nominum huic convenire arguas ? Noli vel opinari. Nomina ista falso ipsi tributa. Meledictus verius & Maleficus vocandus erat, quod vel Epitaphium istud quo ornati meruit tibi indicabit (t) *Intravit ut Vulpes, regnavit ut Leo, moriens est ut Canis*.

Hujus generis argumenta sunt & ista, Hoc est Officium, ergo officit. Nam non sequitur à Nomine ad Notationem argumentum : Non enim ab Officio, quod nunc nocere aut incommodare, Officium dicitur, sed ab Efficio, pro quo antiquitus Verbum Officio in usu erat. Hinc Ambr. lib. 1. Offic. ca. 8. *Officium ab Efficiendo dictum putamus, quasi Efficium : sed propter decorem sermonis, unâ mutatâ literâ Officium nuncupatur*. Jam si verum Erymon capias, rectè arguas, Hoc officium meum est, Ergo est id quod Efficere atque agere debeo. Idem quia Oppidum illud in Italia *Beneventum* vocatur, non rectè inde arguas, ideò felicem ac prosperum ad illud accessum esse : Nam ut testatur Procopius lib. 1. de bello Goth. *Venti ac turbines ita illic saviunt, ut non possis iter illuc facere si te sum non periculo : ea est enim, inquit, venti violentia, ut vel equitem cum equo simul abreptum, sublimem ferat, disique per aërem circumactum interimat. unde & Maleventum olim dictum : sed boni ominis causâ, ut ait Plin. lib. 3. cap. 11. auspiciatius illi nomen inditum est*. Idem ex nomine alio auspiciato, *Caput bonæ spei*, non rectè arguas, caput illud gratum nautis atque commodum esse. Nam propter ventorem semper fere ibi sæventium rugitum, *Leonem Oceani* vocitare solent : & quia Oceanus mire illic procellosus, navigantes nisi coacti ibi non appellant. Similia exempla occurrunt. Ex his intelligis, si vel nomen falso alicui rei imponatur, vel si falsum erymon illius adhibeas, non valere argumentum vel à Nomine ad Notationem, vel à Notatione ad Nomen

* Ant. Magin. sua Geogra. Tab. 22. p. 183.

Sin

Sin verè Nomen aliquod ulli tribuatur, *versatilius Nominis Notatio* eadem semper congruet.

Atque hæc de Argumentis ab Effectu, eisque quæ ad hunc locum spectant, & referenda sunt.

C A P. IX.

De sexto Loco arguendi quæ est à Subjecto.

Sextus Locus arguendi est à Subjecto. Subjectum voco, Cui quidquam ut Accidens, aut Adjunctum vel Proprium, vel Commune inest aut convenit. Quare Species omnes respectu suorum propriorum Subjecta hic sunt: sicut eorum Proprietates sunt ipsorum Adjuncta propria. Ducitur Argumentum à Subjecto, quandocunque Medium est Subjectum, & Majus extremum est illius Adjunctum. Subjectum quid.

Argumentum à Subjecto quid.

De eo regulæ hæc sunt.

Cuicunque Subjectum convenit, eidem omnia Adjuncta necessaria illius Subjecti, sive propria sint, sive communia (modo inseparabiliter illi insint) convenire necesse est: ut, Reg. 1.
Hic est homo, ergo est risibilis, flebilis, disciplinabilis; capax virtutis & vitii, felicitatis ac miseriæ. Dixi *inseparabilia*, nam subjectum convenire alicui potest cui tamen accidentia quæ separabilia sunt, non insunt: Quare non sequitur, Hic est homo, ergo est doctrinâ, aut memoriâ præditus: Hæc enim separari possunt. Cujus rei duo exempla memoratu digna occurrunt: Prius est Messalæ Corvini, qui cum esset orator summus, morbo tamen lic extincta penitus illi memoria fuit, ut & nominis sui oblitus planè sit, & ubi loci esset; ut testatur Plin. lib. 7. ca. 24. Alterum est Georgii Trapezuntii, qui Romæ multis annis Gymnasiæ præfuit, Rhetoricam & Philosophiam summa cum laude docuit: Is in senectute non modo omnium literarum oblitus est, sed & nominis sui memoriam amisit, ut Genebr. ad an. 1431. & Seth. Calvis. ad an. 1486. (quo Trapezuntius obiit) testantur. Fragilia hæc bona: Tu adolescens Deum, cujus dona sunt, implora, ut eis & constanter frui possis & frui ad ipsius honorem, aliorumque commodum. Cave his unquam intumescas; nemens conficia tibi illud suggerat, cujus Augustinum valde poenituit, Confess. lib. 4. cap. 16. Scis tu Domine Deus, quia & celeritas intelligendi & discendi acumen, donum tuum est: sed non inde tibi sacrificabam.

Cui Subjectum ullum non convenit, neque ulla illius Subjecti accidentia, vel propria, vel communia, si inseparabilia sint, conveniunt: ut Spiritus non est Corpus, ergo non est quantus, nec extensus, nec divisibilis. Reg. 2.

Ad hunc locum Subjecti pertinent Argumenta omnia quæ ab Axiomatibus duci vulgò dicuntur, seu in quibus Axiomata ulla exprimuntur. Scio hoc non novum solum ac peregrinum, sed & planè Paradoxon videri. Sed si res æquâ lance expendatur, utcunque à vulgi opinione dissentaneum videbitur, non dubito quin & rationi & veritati consentiat. Nam Axiomata omnia & Regulæ quæ de ulla re traduntur, nihil aliud sunt quàm quædam Proprietates, & Adjuncta illarum rerum; ut in hoc, Omne Totum est majus suâ parte; esse majus suâ parte est Affectio & Proprietas Totius: & quia proprium illud huic Subjecto inesse liquidum ex se est, & cuivis obvium, ideo Axioma merito dicitur talis propositio. Reg. 3.

Sic

Sic in hoc Axiomate, *Cuicumque convenit Definitio, convenit Definitum*; resolve hoc primum (ut resolvendum est) sic: *Omnis Definitio est ens tale ut cui ipsa convenit, etiam Definitum conveniat*. Jam vides clarè, hoc Prædicatum Ens tale ut cui ipsa convenit, conveniat Definitum, esse Adjunctum & Proprietatem Definitionis, quæ est Subjectum illius Adjuncti. Sic in hoc Axiomate: *Cuicumque convenit Causa, eidem convenit & Effectus ille qui necessario tali Cause connectitur*. Causa hic Subjectum est, de quo hæc proprietas, quod cui illa convenit, necessarius illius Effectus etiam conveniat, prædicatur. Sic in hoc Axiomate: *De omni Ente verum est dicere vel esse hoc, vel non esse hoc*. Subjectum hic est Ens, cujus hæc proprietas est, quod verum sit de eo dicere quod vel sit hoc, vel non sit. Similis est in omnibus Axiomatibus ratio. In omnibus Subjectum Propositionis (si rectè resolvatur) est Subjectum, & Prædicatum Propositionis est Adjunctum necessarium, vel Proprietas illius Subjecti. Et quoniam clarè liquet Proprietates istas, illis Subjectis convenire, ideo Axiomata, id est, Propositiones perspicuæ veritatis ac fide dignissimæ vocantur.

Hoc jam declarato (de quo non est cur omnino dubites) confectum & demonstratum est, argumenta omnia in quibus Axiomata exprimentur, duci à Subjectis: Nam Axioma semper ponitur pro Majori propositione in tali Syllogismo: Medium autem est ipsum Subjectum, de quo tale Axioma traditur, & Major terminus est Adjunctum illius Subjecti, quare juxta fundamentalem nostram regulam, Syllogismi omnes tales ducuntur à Subjecto. Exemplo uno alteròve res erit manifesta: *Omnis Definitio est tale, ut cuicumque ipsa convenit, conveniat & Definitum*: at hoc, animal rationale, est Definitio (puta hominis) ergò hoc, animal rationale est tale, ut cuicumque ipsa convenit, conveniat & Definitum (puta homo.) Vides hic clarè, Medium (nempe per Definitionem) esse Subjectum respectu Majoris extremi, & Majus extremum (quod est Ens tale, ut cuicumque ipsa convenit, conveniat & Definitum) esse Adjunctum illius Medii. Similiter & hic: *Omnis Causa est tale, ut cui ipsa convenit, Effectus necessarius illius conveniat, at rationale est Causa (nempe risibilitatis) ergò rationale est tale, ut cui ipsum convenit, conveniat & Effectus illius necessarius (nempe risibilitas.)* Vides hic iterum Medium esse Subjectum respectu Majoris extremi, Majus Extremum esse Adjunctum respectu illius Medii. Quare ne dubitas, quin hæc & similia omnia argumenta in quibus axiomata ulla expressè ponuntur, sint argumenta ducta à Subjecto, & ad hunc locum à Subjecto proprie spectant.

Ipsa quidem Axiomata in aliis Locis ponuntur, & poni debent, etenim Loci hi sunt Axiomatum, ut dixi, loci, non solum Argumentorum: sed in quocunque Loco aut in quacunque classe ponuntur, quatenus sunt fulcra, & bases aliarum rationum: certe quatenus ipsa actu ingrediuntur ullam rationem, & propositionem in ea faciunt, eatenus ad hunc solum arguendi locum referenda sunt quia tum non ut Axiomata & fulcra aliarum rationum sumuntur, sed ut partes hujus ipsius Argumentationis, quæ unde ducatur ex lege fundamentali dijudicandum est.

Usus arguendi à Subjecto.

Exemplum de Magnetis.

(b) Lib. 3. ca. 14.

Usus multiplex est hujus Loci: Nam hinc probari solent rebus his aut illis Proprietates seu Adjuncta talia competere, quia Subjecta istorum accidentium his aut illis conveniunt. Ex omnibus utar tribus tantum exemplis, cu similia infinita atterere facile poteris: Primum in Lapidibus, Hoc est *Magnes*, ergò vim habet attrahendi ad se ferrum. Et quidem hinc fit, ut annuli quàm plurimi eo tacti, etiam sine implicatis circulis, et inscussis sibi ad hæreant, seque complectantur, quasi concatenati essent, aut catena quædam annulorum, quod se videri testatur Aug. lib. 1. de Civit. 1. ca. 4. Hinc olim in Templo quodam Ethnicorum (Arlinoes, ut ex Plinio (b) conjicio) factum est, ut Magnetibus tam in pavimento, quàm in Camera templi justâ proportionem positis, Idolum ferreum in medio inter utrosque laides, sic ut nihil ipsum fulcire aut sustentare videretur, penderet: Quâ unâ fraude magnam Idolo gloriam compararunt versutissimi nebulones, ut refert idem August. lib. eod. cap. 6. & Plin. lib. 34. cap. 14. Quâ eadem fraude Mahometis, Impostoris notissimi Cada-

Cadaver, ferrèo sepulchro inclusum, quasi miraculo quodam, sed fallaci & mendaci, hodieq; visitur suspendi in templo Mecha (ea Arabiæ civitas est, & Mahomeris patria) ut præter alios refert Munst. Cosmo. lib. 5. pag. 1039. Eadem fraude apud Treverin olim Mercurii Idolum suspensum refert Cornel. Agrip. li. 2. de occul. philosoph. Sed & illa etiam Magnetis mira vis, quam tradit, Plin. lib. 37. cap. 4. & Aug. li. cit. ca. 4. & pro vero confirmat Jul. Scal. exerc. 112. Sic cum eo dissidet Adamas, ut juxta magnetem positus, ferrum non patiatu abstrahi, aut si Magnes apprehenderit & traxerit, auferat, & Magnetem remittere faciat. Sed ex omnibus nihil est admirabilius, vel in ullo alio lapide, vel in ipso Magnete, quàm quod ferrum aut acum, boreali Magnetis puncto tactam, facit ad Polum Arcticum, Australi vero Magnetis puncto, ad Austrum facit vergere, ubicunque locorum quis sit. Mirabilis certe virtus, Aristoteli, Plinio, ac prius omnibus incognita: quâ unâ jam perfectâ & cognita, Navigatio per, & circiter universum orbem, non facilius modo, sed felix ac frustra facta est. Unde vero hæc Magneti vis, disputant Philosophi: alii ad montem quendam Magneticum, quem inter Americæ & Asiæ Septentrionalem in freto Anian situm, & 17. gradibus à polo Arctico distantem statuunt, causam hujus referunt: alii ad puncta aut partes duas cœli in sphaera cœlesti immobili sitas, referunt: una earum juxta Polum Arcticum est, altera juxta Australem Polum: ab istam altera vim Magnetis istam tribui putant, ut ea pars Magnetis quæ Boream in solo natali Magnetis respicit, ad Polum Arcticum vergat: ad altera ut pars australis, ad australem. Hæc enim est Magnetis mira conditio, ut quem situm habuerit in solo natali, eundem perpetuo extet ametque, & nisi impidiatur fervare contendat: quam eandem vim ferro & acui eorum tæxæ tribuit. Ego in rem arduâ ac mirabili nihil audeo definire, sed nec ferè conjicere. Legant, qui de re hac desiderant, Anselmum Boëtium de Boodt, lib. 2. de Gemmis & Lapid. cap. 350. & 251. ubi hæc fusiùs & diligentius expenduntur, sed non satis tamen expediuntur. Tanta est autem illius vis, ut non immerito à magnis viribus nomen habeat Magnetis, quare etiam Hercules à multis appellatur: etsi à Magnete quodam illius Inventore sic appellatum putet Plinius: à Magnesia vero regione nomen ejus deducat Lucretius: à ferro autem quod domat, & sibi obsequens facit, Sideritis merito vocatur.

Similiter ab hoc Subjecti loco, ad Adjuncta aliorum Lapidum arguere potes: ut ab Adamante ad illius vim, quæ talis est, teste Plinio lib. 37. cap. 4. ut sit inenarrabili duritiâ, & indomita vi, ferri ignisque contemptrix. unde Adamas, id est, indomitus vocatur: & tamen lapis hic, quem nec ferrum, nec mallei aut incudes frangere, nec ignis vincere potest, hircino sanguine recenti rumpitur, teste eodem Plinio.

Secundo, in Herbis sic arguas. Hæc est Tussilago, ergo fumus illius per tubulum in pulmones haustus, mirifice pulmonibus utilis ac salutaris est. Quod ipsum in viro mihi charissimo, pietate ac prudentia insigni, felici experimento compertum est. Diu ille ac periculocissime de pulmonum pthisi laborabat: Medicorum complurium ope atque operâ diu sed frustra usus erat: Cum jam desperata planè illi salutis spes omnis videbatur, uno hoc Tussilaginis fumo sanitatem ac valetudinem, Dei beneficio, recuperavit, & jam decimum sextum ex quo vitæ valedixerat annum agit, & ut agat diu atque feliciter ardentem votis opro. Ex hoc factum, ut hæc tussilaginis vis jam omnibus innotescat, & in usum quasi postliminio redierit. Nam eam in hunc fere usum commodam esse, & olim ex parte cognitam, ut ex Plinio liquet, lib. 26. cap. 6. Tussilaginis, inquit, arida fumus per arundinem haustus, & derivatus, veterem sanare dicitur tussim.

Tertio in Piscibus sic arguas. Hic est Echenis, Remora alio nomine vocatur, ergo navem morari potest. De eo sic Plin. lib. 32. ca. 1. Quid violentius mari rentisque turbinibus, Remora, & procellis? addantur his remorum impulsus, & velorum, & marini æstus inenarrabilis vis: tamen omnia hæc, pariterque eodem impellentia, unus ac parvus admodum pisciculus Echenis, in se tener: vires tantas compescit, & cogit stare navigia, quod non vincula ulla, non anchoræ,

* Aut. Magin.
Cosmog. Tab.
33. pa. 272. &
274.

Exemplum in
Adamante.

Exemplum in
Tussilagine.

anchora, pondere irrevocabili jacta, valent. Infranat impetu quoque donat mundi rabiem, nullo suo labore, non retinendo, sed tantum adbarendo. Hæc Plinius: qui non immerito hoc immensum occulta potentia documenta vocat. Potes nunc in aliis vel Lapidum, vel Plantarum, vel Animalium generibus, infinita similia argumenta contexere: mihi pauculis his præire, ac viam monstrare satis erat.

CAP. X.

De septimo arguendi Loco, qui est ab Adjuncto, seu Accidente.

*Adjunctum seu
accidens quid.*

Septimus Locus arguendi est ab Adjuncto, Accidens verò seu Adjunctum hic vocamus, quicquid ulli Subjecto accidit, aut adjungitur, sive sit Accidens proprium, sive commune illius Subjecti. Nam ut Accidens vocatur quia accidit, ita & Adjunctum dicitur, quia adjungitur subjecto; neutrum itaque est de essentia subjecti.

*Argumentum
ab Adjuncto,
quid.*

Argumentum ab Adjuncto, seu Accidente ducitur, quodcumque Medium est Adjunctum seu Accidens majoris Extremi: ut homo est sensibilis, ergo est animal.

Regulæ de hoc loco sunt hæc.

Omne Accidens seu Adjunctum quodcumque sit, si ipsum existat aut sit, probat Subjectum illud cuius est Accidens vel Adjunctum, existere atque esse. Ratio est, quia Accidentis esse est inesse in Subjecto: ut alibi tum ratione, tum ex Aquinate probavimus. Quare si accidens sit, & Subjectum illius esse necesse est: quia aliter accidens existeret sine Subjecto, atque ita accidens non esset accidens: & sic contradictoria de eodem verè dicerentur. Rectè ergo hinc sequitur: Quod est miserum illud est, mortui sunt miseri: ergo mortui sunt. Hæc ratio verè ducitur ab Adjuncto, quia miserum esse, quod est Medium, est Adjunctum Majoris termini, quod est ens: Verè ergo sequitur, Si miseria inest mortuis, quod Subjectum illius miseriæ inest mortuis, ideoque quod mortui sint: id est sint entia. Hinc vulgatum illud dictum oritur: Ab Est tertii Adjacentis, ad Est tertii Adjacentis valet ratio. Quod in positivis & realibus prædicatis nunquam fallit; in privativis & negativis non valet: unde hoc non sequitur, Chimæra est non ens aut fictio, ergo est. Hinc etiam probatur figmentum id esse; quod nonnulli garriunt de quamplurimis, colore nempe, odore, sapore, quantitate, & similibus sine Subjecto ullo existentibus. Nugæ verò & germanæ gerræ. Nec sana fides hoc dicit, & recta ratio contradicit: Recta autem ratio nunquam fidei contraria est, aut esse potest.

Cuicumque convenit Accidens ullum aut Adjunctum proprium, vel tale quod ab illa Subjecto est inseparabile, eidem Subjectum talis Accidentis aut Adjuncti sine dubio convenit. Ut, hoc est risibile, ergo est homo. Hoc est per se longum, latum, & profundum, ergo est Corpus. Hoc est laudabile, ergo est virtus, vel virtute præditum: Nam etsi præstantia quæ alicui inest, sit causa, quare sit laudabile, tamen ipsa virtus, vel id quod habet virtutem, est Subjectum cui inest aut convenit esse laudabile. Idem de vitio & vituperabili dicendum.

Quod

Quod si ab accidente separabili sic arguas, non valet ratio: ut, Hoc est bipes, & im-
plume, ergo est homo. Diogenes forte tibi (ut olim (a) Platonis) gallum in Gymnasium in vita Dioge-
afferat & dicat, *Ecce hominem Platonis*. Hinc fit, ut illud lepidum ac notum omnibus (b) *apud A.*
Bianctis Dilemma non valeat. Non esse ducendam uxorem aiebat, quia si ducas pul-
chram, habebis *noivw*, si deformem, habebis *noivw*. Neutrum sequitur: nam & multæ Cellium. lib. 34
sunt venustate præstantes, quæ cum Penelope conferantur, cujus castitas & pudicitia viro cap. 11.
ipsum per viginti annos absente, nullis precibus, nullis pollicitationibus, nec minis etiam
expugnari potuit: multæ etiam quæ licet venustate non antecellant, propter virtutum ta-
men ornamenta gratissimæ sunt. Quare neutrius illa Adjuncta necessaria; ab utrisque
separabilia sunt. Ex quo fit ut retorqueri soleat, sed non satis rectè, ut notat Aul. Gell. id
Bianctis Dilemma: Si ducas pulchram, non habebis *noivw*, si deformem, non habebis
noivw. Sed & vitium in eo Argumento aliud, idemque ad hunc Adjuncti locum spectans.
Nam supponitur feminarum omnium alterum horum Adjunctum esse, ut sit vel pulchra, vel
deformis. Est verò inter ista duo, media forma; illa nimirum quam Ennius Scaram dixit,
quæ non inicit uxoriam formam vocari potest: quæ & à nimia pulchritudinis periculo pu-
dicitiam incolumen faciat, & à deformitatis odio maritum liberet. Eo Adjuncti, vitio la-
borat simile dilemma, cujus meminit Arist. lib. 2. Rhet. ad Theod. ca. 23. verabat quidem
filium suum Causas agere, *Nam si injusta*, inquit, *suades, Lii; si justa, homines te odio*
habebunt. Non sequitur: nam Contingens est, ut homines justa odio habeant quare &
hoc etiam dilemma sic retorquere fuit, sed non satis commodè: Causæ sanè agendæ sunt, quia
si injusta suadeam homines; si justa, Dii me amabunt Regula nostra de Adjunctis necessariis
& inseparabilibus traditur, non de aliis.

*Cuiusque Accidens ullum proprium, vel commune quod à subjecto illo separari non po-
test, non inest aut convenit, eidem subjectum talis Accidentis non inest aut convenit*; unde
rectè sequitur, Hoc non est per se quantum, ergo non est Corpus. Contrà fit in Accidente se-
parabili, tale enim accidens non convenire potest alicui, cui tamen subjectum talis acci-
dentis inest Quare hæc non sequuntur, Hic non est doctus, ergo non est homo: Non est bi-
pes, ergo non est animal.

Usum hujus loci qualis ac quantus sit, ex loco à Subjecto sciri potest. Nam sicut ex eo *Usum Loc. ab*
quod Subjectum alicui inest, aut non inest, firmiter probas accidentia omnia quæ necessario *Adjuncto.*
insunt tali subjecto, eidem convenire aut non convenire: itidem ex hoc quod Adjuncta vel *c. Lib. 10. de*
accidentia alicujus rei necessaria ac inseparabili- insunt, vel non insunt, firmiter probare *Subtil. p. 326.*
potes Subjectum illud eidem vel convenire, vel non convenire: ut, Hec non potest micari (g) *Neand. par.*
navigium, ergo non est Echinus seu Remora. Lapis hic attrahit ad se ferrum, & acum *1. Phys. p. 347.*
boreali ejus parte tactam, ad polum Arcticum vergere facit, ergo est Magnes, Itidem ab (h) *Anf. Bcët.*
Adjunctis suis alia cognoscas: Onagrum ex velocitate; quæ tanta est, si Cardano (c) fides, *de Boodt. lib.*
nr, ducenta millia passuum 24. horarum spatio superet. Monocerotem, quod unicum ei *2. de Gem. &*
Cornu in mediâ fronte emineat. Cornu id præstantissimum g) atque præsentissimum est *Lap. cap. 244.*
adversus venena & insanabiles morbos remedium. Quod verò à multis (b) dicitur, *i. Lib. 2. de*
an tale ullum animal Unicorne in rerum naturâ sit, & an istas virtutes habeat, mirum bist. anim. ca. 1.
est doctum ullum posse de hac re vel hæsitare. Animalia esse Unicornia testantur ex pris- (k) *Lib. 8. c. 21.*
cis Aristoteles (i), Plinius (k), Ælianus (l), ex recentioribus Cardanus (m), Jul. Scaliger (l) *Lib. 4. de*
(n), Munsterus (o), Pierus (p), Neander (q) alique; etiam Verismanno viro optimo *Animad. ca. 52.*
(verba sunt Scaligeri) qui se duos Unicornes vidisse dicit, habenda fides. Quodque rem (m) *Lib. &*
extra omne dubium ponit, sacræ literæ multoties Unicornis meminerunt: ut, *Psal. 22. 22. cap. cit.*
Psal. 29. 6. Isa. 34. 7. Quibus in locis (ut alios præteream) Septuaginta *μονοκέρα* (n) *Exercit.*
& Hieronymus, vetus & vulgata editio, & Tiemel, ac Junius Latine reddunt Unicornem: 205.
& vocem Hebræam *Reem*, Unicornem significare, sicque à robore & exaltatione sui cornu (o) *Lib.*
dictum esse, Lexicographi consentiunt. Denique quinque species Unicornium esse, ex Pli- (p) *Lib. 2. in*
nio, Aristotel, Æliano, Garcia, aliisque declarat Anselmus Bcëtius, lib. 2. de Lapid. & Rhinoceros.
Gentilis, (q) *Loc. cit.*

Gemmis, cap. 244. Hæ sunt, *Bos Indicus*, *Rhinoceros*, *Monoceros*, (sic propriè vocatum) *Afinus Indicus*, & *Orix*. Inter has quinque duæ sunt præter alias notandæ. Prior est Unicornus ille quem Ælianus lib. 16. de Animal. ca. 20. *Cartazonon vocat*, qui pedum celeritate & robore corporis admodum præstat, & instar Elephantis pedibus est inarticulatis. Sed hujus cornu virtutes nullas commemorat Ælianus: non omnissurus vim illam mirram adversus venena, si inesse ei cognovisset. Hunc esse Unicornem illum in scripturis rores celebratum, & à robore *Rcem* dictum, non dubito. Altera est Afinus Indicus, de quo Ælian. lib. 4. de Anim. cap. 52. ait, esse eum equi magnitudine, corpore albo, capite purpureo, cornuque in fronte genere sesquicubiti longitudine, cujus superior pars punicea, inferior alba, media plane nigra. Ex hoc cornu ait ille) potentiores apud Indos bibere solent, creduntque ex eo bilentem ab insanabilibus morbis tutum fieri, neque posse convulsi. onibus, corripì, neque saevo morbo affici, neque ullis venenis laedi. Asinum hunc Indicum verè Unicornem illum esse, cujus cornu tantopere celebrantur, quoque à multis annis inrer Gemmarios, & Principes nihil præstantius vel ad cognoscenda, vel ad præcavendo, vel ad superanda omnia venenorum genera habeatur, & tenet & probat Ansel Boëtius loco citato, cui ego ut diligentissimo horum indagatori subscribo. Qui ulterius etiam addit, alia multa venditari non sine magna fraude & errore, & haberi loco istius cornu; ut Monocerotis (sic propriè dicti) cujus tamen nullæ tales vires sunt, ut Cervorum cornua, quæ quia certa experientia non exiguas adversus venena vires habent, loco istius præstantissimi cornu sæpe substituiuntur: ut Ebar, lignum Juglandis, & nonnunquam Fraxini, aliorumque, de quibus ille ait, *Habeo ego domi plures quam viginti differentias, cum tamen omnes mihi pro cornu Monocerotis data fuerint.* Sed de Unicornis ejusque adjunctis satis multa. Unicorni, si vis, adde *Urum*, qui à vulgari Tauro nihil differt nisi magnitudine & viribus, quibus illum superat. Cornua illi vastissima, quæ etiam Julii Cæsaris ætate errant ad usum paterarum, & nunc etiam in Samogithia & Mazovia: (regiones illæ Poloniae & Prusiae vicinæ) rarioris apud nos usus; ideo ut spectatu digna, nec sin magno honore alicubi asservari norunt, qui Collegium Reginense sole æstivo invisunt.

*Scalig. Exerc.
206. nu. 3.

(r) Lib. 2. de
Gem. & La-
pid. cap. 193.

(s) Exerc. 184.
nu. 5.

(t) Exerc. 111.

Attexamus hic adjuncta lapidis Bezoar. Nullum (ut ait Ansel. Boëtius) est hoc lapide, ad venena aliisque difficiles morbos præstantius medicamentum, si ve extrinsecus adbibetur, si ve intrinsecus. Ad omnium animalium venenatorum ictus & morsus valet, si vulneri imponatur. Carbunculis pestilentibus si inspergatur, venenum omne exugere creditur. Cordis affectibus & palpitationibus, paroxysmo, melancholicis humoribus, lepre seu Elephantiasi, & Epilepsie mirè auxiliatur, Nerè Panacea instar habetur. Quare præstantissima quæque medicamenta atque Antidota, Bezoardica, seu ut Scaliger (s) ait, Bezoardi, id est, vitam conservantia per *Antonomasiam* vocantur, De generatione illius, lis non levis. Jul. Scaliger (t) confidenter assertit, esse *Cervi lacrymam*, quæ post senesimum annum in Cervo ad oculi cantum accrescit, & ossibus illius concrevit, in tantum duritiem ut cornu superet. Hocque & sibi compertum esse, & se legato cuidam à Turcia ostendisse commemorat. Ridet hanc Scaligeri sententiam Ansel. Boëtius loco citato, ipseque lapidem Bezoar doctorum omnium testimonio in ventriculo animalis ejusdem nasci confirmat, si ve ex Ægypto, Persia, India, China, Cathaio, aliisque vicinis regionibus, si ve ex America & Pervia adferatur. Animal illud quia Capræ & Cervi simul simile est, *Capricervus* vocatur; à Persis verò *Pazan* aut *Pazar*, unde & lapis ipse Bezar nominatur, vel à Chaldeo nomine *Beluzar* sic dictum autumat; quia dominus est veneni, *Bel* enim ipse Dominum, & *Zaar* venenum notat; sicque merito vocatur, quia venena omnia domat ac superat. Idem Boëtius non solù ab Arabibus medicis ante 500. annos repertum esse Rhasis testimonio probat, sed & modum quomodo in ventriculo Capricervi gignitur accuratè describit; etiam & unde tanta sit ei vis adversus venena indicat. Generatur enim lapis iste in dicto Capricerve, ex succo viscoso & terrestri, herbarum ejusmodi quæ aromaticæ sunt & valde salubres; ex quo fit ut si animalia illa vel solo gramine, vel herbis insipidis vescantur, lapis qui in eis nascitur nullius pene facultatis sit: Id quod *Indis* optime notum. Nam animalium

malium in planis locis degentium lapides floccifaciunt; in montanis verò & locis adom-
ticis vescentium lapides maximo pretio habent. Initio autem cum nascitur lapis hic in mar-
supio quodam ventriculi, exiguus est; sed paulatim accidente indies crusta, eademque ex-
iccata, concocta, atque indurata, excrescit lapis in majorem molem, adeoque augetur ali-
quando ut ovi anserini magnitudinem exæquet. Qui plura hoc lapide Bezoar desi-
derat, legat præter Neandrum, & alios; sæpe nunc jam nominatum Ansel. Boë-
tium.

Chameleontis hoc adjunctum Plinius narrat lib. 8 cap. 33. Quod solus animalium nec
cibo nec potu alitur, nec alio quàm aëris alimento: coloris ei natura mirabilior; mutat e-
nim subinde & oculis & caudâ, & toto corpore: redditque semper quemcunque proximâ
attingit præter rubrum candidumque. Quod idem Solin. cap. 53. testatur; unde natum pro-
verbium, Chameleonte mutabilior. Utque ille aëre, sic alia quædam animalia aliis simplicibus
elementis ali feruntur; unde illi versus (u);

Quatuor ex puris vitam ducunt elementis,
Chameleon, Talpa, & maris Hælec, & Salamandra.

(u) Apud Ne-
and. lib. cit.
p. 355.

Piscium huc Adjuncta adde, Eorum Genera sunt, teste Plinio*, centum septuaginta
sex; inter omnes nullus Tritone mirabilior. Homo is est marinus, quem Virgil. (y) sic
describit,

*Lib. 3. 11.
(y) Lib. 10.
Æneid.

Frons hominem præfert, in piscem (a) desinit alvus.

Et Lib. 3. Æneid.

Prima hominis facies, & pulchro pectore virgo
Pube tenus; postrema immani corpore piscis.

(a) Genus est
piscis longi
sed angusti
corporis.
(b) Hollinsh. in
vita Fukan.

Verè Philistæorum Dagon, de quo 1. Sam. 5. 4 Tritonem hujusmodi se Romæ in
spectaculis vidisse narrat Pausanias, alibi etiam visum testatur Plin. lib. 9. cap. 5. & Eu-
genio 4. pontifice marinum hominem captum in Illyrico refert Baptista Fulgosus. Hujus
etiam generis Tritonem membris scilicet omnia homini similem, captum in Angliâ regnante Jo-
hanne, atque aliquot diebus asservatum, tum dimissum in mare iterumque reversum, ac duo-
bus integris mensibus in ædibus D. Barth. Glanvilli custoditum, testantur Chronica (b) no-
stra. Attrexerem aliqua de Canum, Equorum, præcipue verò Elephantum Adjunctis; sed de
his singulis abunde satis tractavit Just. Lipsius, de Elephantis Epist. Centur. 1. De Canibus
epist. 44 Centur. 1. ad Belgas: de Equis Epist. 56. Centur. 3. ad Belgas: ex eo quantum vis
depromere poteris.

Ex istis nunc intelligis quomodo ab Adjunctis arguas, vel ad probandum aliquid esse
tale subjectum: si Adjunctum illius subjecti ei insit; vel non esse tale subjectum, si Ad-
juncta ejus ei non conveniant. Quod si ab Adjuncto aliquo subjectum ullum vel lau-
dare vis vel vituperare (quod genus arguendi frequentissimum est) talia omnia argumenta
ad Locum à Causa Efficiente, ut ante monui, spectant, non ad hunc ab Adjunctis: Quia
Adjuncta præstantia & laudabilia sunt Cause Efficientes cur subjecta quibus insunt lau-
dabilia sunt; sicut è contra Adjuncta noxia, pestifera, aut vitiosa, Cause sunt Efficientes
cur subjecta quibus insunt sunt vituperio, odio & detestatione digna. Nituntur autem o-
mnia talia argumenta huic Regulæ, quod in hoc Adjuncti loco repono: Cuicumque subjecto
Adjuncta bona, præstantia aut laudabilia insunt, illud est laudabile: & contra, Cuicumque
subjecto Adjuncta mala, ignobilia, aut vituperanda insunt, illa meritò vituperanda sunt.
Et si comparatione inter duo aut plura facias, rû Regula cui talia argumenta inniuntur est

Reg. 4.

136.

hæc, Cui præstantiora Adjuncta insunt, illud est præstantius: & contra, Cui viliora, ac perjora Adjuncta insunt, illud ignobilius est & deterius. Exempla horum omnium dedi supra in cap. de Causa Efficiente.

Nec de hoc ab Adjuncto Loco Plura monere necesse est.

CAP. XI.

De Loco arguendi à Dissentaneis.

Dissentaneæ
quæ & quotoplicia.

Omnis Locus arguendi est à Dissentaneis. Dissentanea autem, ut in lib. de Prædic. ca. 20. diximus, sunt quæ quocunque modo à se invicem dissentiant Eorum alia sunt Diverfa, quæ naturâ & essentiâ differunt, sed possunt eidem subjecto convenire Alia sunt Opposita, quæ non essentiâ solum differunt sed subjecto, sic ut nunquam eidem subjecto simul inesse possunt Horum alia sunt Disparata, quæ ita opponuntur, ut non maxime inter se distent; alia Contraria, quæ sic opponuntur, ut maxime à se distent: horum alia contrariantur in Dividendo tantum, non Inhærendo; alia contrariantur & in Dividendo, & Inhærendo. Et horum quatuor sunt Genera, Contraria nempe Relatè, Adversè, Privativè, & Contradictoriè; de quibus omnibus fufius loco citato egimus. Hic igitur modum & rationem arguendi ab illis declaremus.

Argumentum
à Dissentaneo
quid.

Argumentum ducitur à Dissentaneis, Quodcumque Medium est Dissentaneum respectu Majoris termini. Et quomodocunque Medium dissentit à Majori termino, ab eo speciali Dissentaneorum Genere Argumentum ducitur. Si Medium sit Diverfum respectu Majoris, est argumentum à Diverfis; Si Disparatum sit, à Disparatis; Si Contrarium est, à Contrariis; Si Contrarium Relatè, est à Relatis; Si Contrarium Adversè, ab Adversis; Si Contrarium Privativè, à Privantibus; Si Contrarium Contradictoriis à Contradictoriis. Regulæ de his illæ sunt:

Reg. I. de Dissentaneis in Genere.

De Dissentaneis in Genere Regula generalis est hæc unica: Omnia Dissentanea naturâ atque essentiâ inter se differunt, sic ut quod unum est juxta suam naturam, alterum non sit illud, & nihil aliud. Ratio est evidens, quia si omnino in essentiâ convenirent, non essent Dissentanea, sed unum idemque: nihil enim dissentaneum à seipso. Hinc in Diverfis, Hoc est accidens, ergo non est substantia: in Disparatis, Hoc est album, ergo non est viride: in Relatis, Hic est pater hujus, ergo non est illius filius: in Adversis, Hoc est virtus, ergo non vitium: in Privantibus, Hoc est vita, ergo non est mors: in Contradictoriis, Hoc est animal, ergo non est non animal. Hæc & similia omnia huic uni regulæ communi omnibus Dissentaneis innituntur. Dixi autem non esse idem omnino, juxta essentiâ: Quia fieri potest ut unum Dissentaneorum secundum essentiâ dicatur de altero, quod in subordinatis omnibus Prædicatis clarum est. Idemque fit ut unum sit alterum, & habeat totam essentiâ alterius. Ut homo est animal & habet totam essentiâ animalis: sed tamen homo & animal non sunt eadem omnino quoad essentiâ; quia nec hominis essentiâ, est animalis essentiâ, nec essentiâ animalis, est integrâ & totâ essentiâ hominis. Quod idem in Accidentibus, prout in Concreto sumuntur dicendum est. Vere enim dicas, Quantum est quale, sed quantum quatenus est quantum, non est quale, idem quod quale quoad essentiâ.

A Diver-


A *Diversis* nulla est quam invenire possum peculiaris arguendi ratio: sed quæ ab eis ducuntur omnes, communem Dissentaneorum formam, quam priori Regulâ indicavi, sequuntur.

De Oppositis in Genere Regula generalis est hæc uua: Si unum Oppositorum de aliquo dicatur, alterum de eo negari debet: ut in *Disparatis*, Hoc est album, ergo non est viride: In *Adversis*, Euclio est avarus, ergo non profusus: In *Privantibus*, Hoc videtur, ergo non est cæcum: In *Relatis*, Hic est pater, ergo non est filius illius, Fit quidem fecissimè ut quis sit & pater & filius respectu diversorum, sed nunquam fieri potest ut sit pater & filius respectu ejusdem. Quod intelligendum est de patre & filio naturali. Nam si legalem patrem, & legalem filium intelligas, (Spellingis hoc tibi ænigma fortè videbitur) idem legitimo matrimonio ejusdem esse potest & pater & filius, imò quod adhuc magis mirere, Ideam sibi ipsi & pater legalis & filius esse potest. An hic Oedipo tibi opus censet? Torque te paulisper, & postea ex typo subjecto hoc tam clarum esse conspicias, ut vel Davus quivis solvere possit.

Reg. 2.
De Oppositis
in Genere

D ————— pater Legalis —————
A ————— mater Naturalis ————— B

sic A & C sunt vicissim una alteri & noverca & nurus,



sic B & D sibi invicem sunt & patres Legales, & filii Legales,

C ————— mater Naturalis ————— D
B ————— pater Legalis —————

Clarum hinc est, B. & filium esse legalem D. & D. vicissim filium legalem B. idem B. esse legalem patrem D. & vicissim D. esse legalem patrem B. & quia B. est pater legalis eorum omnium quibus D. ipse filius est pater; D. autem pater est legalis B. ideo etiam B. est legalis pater sibi ipsi: Similiter de D. dicendum. Iterum hinc sequitur & B. esse filium legalem sibi ipsi, & etiam eodem modo D. esse filium legalem sibi ipsi. Pari modo de matribus illis duabus arguendum: Nam ex Typo liquet. & A. quia nupsit D. esse nurum C. & vicissim C. quia nupsit B. esse nurum A. quare & A. est & noverca & nurus C. & itidem C. est & noverca & nurus A. Præterea, quia A. est noverca omnibus quibus C. filia ipsius noverca est, C. autem est noverca A. ideo etiam A. est noverca sibi ipsi; quod idem pari modo de C. dicendum est. Et quia A. est nurus omnibus quibus C. ipse filia legalis nurus est, C. autem est nurus A. ideo

est nurus. A. ideo A. etiam erit nurus sibi ipsi; quod itidem de C. dici potest. Ita fit ut idem sit & pater legalis respectu ejusdem, & etiam filius; sed diverso modo: & idem sit & respectu sui ipsius & pater, & filius legalis, sed diverso modo, & respectu diversarum relationum quæ ipsis insunt. Sed torsi te jam satis diu. De patre & filio naturali (de quibus solum locutus sum) certum est, quod nunquam idem respectu ejusdem & pater esse potest & filius.

A Disparatis peculiaris ratio arguendi ut opinor nulla est, sed illa sequuntur regulas generales Dissentaneorum & Oppositorum. Quod idem de Contrariis in Genere & de Contrariis in dividendo tantum dici potest.

Reg. 3.
De Relatis.

De Relatis hæc Regula est, *Relata invicem se possunt & perimunt*. Non est aliquid sensibile, ergo non aliquid quod potest sentire. Quadratura circuli (id est invenire & demonstrare quadratum esse circulo æqualem) est possibilis, ergo potest inveniri & demonstrari. Ac multi quidem id aggressi sunt: Bryso, quem refutat Arist. lib. 1. Demonstrat. cap. 7. nu. 16 & Antiphon cuius Arist. meminit lib. 1. Phys. cap. 2. & Hippocrates (Geometer ille præstantissimus, sed in aliis rebus stupidus & planè stultus, ut testatur Arist. lib. 7. Ethic. ad Eudæm.) & recenti memoria Joseph Scaliger, vir in Mathematicis acutus; sed nemo adhuc demonstrationem hujus invenit, tamen quia scibile est, etiam ab aliquo sciri potest.

Reg. 4.
De Contrariis
Adversis.

De Contrariis adversis (quæ vulgò Contraria sine ulla additione vocantur) Regula est una: *Contrariorum est contraria ratio, aut contraria Consecutio*: nempe quoad Proprietates; & propria effecta quæ ab istis contrariis proveniunt. Tradit hanc regulam Arist. lib. 2. Rhetor. ad Theod. cap. 23. & exempla hæc subjecit, Intemperantia est mala, ergo Temperantia est bona. Si bellum horum malorum causa est, per pacem hæc emendabimus. Si non eis qui invitati obfuerint par sit frasci, certe nec iis qui invitati profuerint gratia est habenda. Si multa, etsi hominibus credibilia sunt, sint falsa; sequitur multa etiam quæ hominibus incredibilia sunt, vera esse. Hæc Arist. Ex hac regula sequitur, Frigus congregat heterogenea, ergo Calor eadem disgregat: Albedo disgregat visum, ergo Nigredo congregat: Virtus est laudabilis, ergo Vitium est vituperabile: Sanus habet justam & debitam temperiem Corporis, ergo Ager habet indebitam temperiem Corporis. Dixi autem consequentiam valere quoad Proprietates & propria effecta, ab illis contrariis provenientia, quod sedulo & diligenter observandum est. Nam in hoc vis tota hujus Regulæ posita est, ut si quis effectus, proprius, aut proprietas insequatur unum Contrariorum, contrarius effectus proprius, aut contraria proprietas insequatur alterum Contrariorum. Etenim nisi Proprietates aut Effectus proprii eorum quæ contraria sunt accipiantur, sed ea quæ sunt utriusque Contrario communia, tum Regula nunquam valebit. Unde hoc non sequitur, Prodigalitas est malum, aut vituperabile, ergo Avaritia est virtus, aut bonum, aut laudabile: quia nec malum, nec vituperabile sunt proprietates Prodigalitatis, sed proprietates utriusque Contrariis Communes; tales nempe, quæ vitium, quod est Genus utriusque commune, insequuntur.

Reg. 5.
De Contrariis
Immediatis.

De Adversis Contrariis immediatis, Regula est hæc una: *Si unum talium Contrariorum immediatorum non insit in Subiecto capaci alterum inerit*. Ratio evidens, est quia unum eorum subiecto capaci semper inest: ut, Hoc elementum non est calidum, ergo est frigidum: Hoc animal non est sanum, ergo non est ægrum. Sed in Contrariis mediatis, hoc non valet. Non enim sequitur. Hic pannus non est niger, ergo est albus; potest esse viridis, purpureus, fuscus.

Reg. 6.
De Privantibus

De Privantibus Regula est hæc una: *Cuiusque subiecto habitus inesse potest ac debet, si ille non insit, privatio ejus inest; & contrà, si privatio non inest, habitus inerit*: ut, Aer non est lumenosus, ergo est tenebrosus. Socrates non vivit, ergo mortuus est. Homo non habet visum, ergo est cæcus.

De Contradictoriis Regulae sunt duae; prior est hæc, Contradictorium unum de omni Reg. 7.
ente dicitur: Quicquid enim est aut esse potest, vel est homo vel non homo, lapis vel non De Contradi-
lapis. clorin.

Altera Regula est hæc: Contradictoria ambo de eodem subjecto dici nunquam possunt.
Ratio est quia tum idem & esset, & non esset, & duo contradictoria essent simul vera, quod
est impossibile, ut sæpe ex Arist. docuimus & probavimus. Et hæ duae Regulae de Contra-
dictoriis sunt Axiomata omnium prima, quæ primò ab omnibus cognoscuntur, omnium ve-
rissima, omnium certissima, quia veritas & certitudo omnium aliorum ex illis pender. Atque
hæc Arist. de c. lib. 4. Metaph. cap. 3. & 4.

Usum nunc hujus loci unico exemplo declarabo. Argumentum scis esse tritum, Mala
nostra opera merentur ex condigno mortem & poenam æternam, ergò bene nostra opera
merentur vitam & gloriam æternam: utitur hoc argumento Aquinas in 2. Sentent. Dist. 27.
q. 3. *Sicut se habet culpa, inquit, ad poenam, ita opus virtutis ad premium; sed culpa ex*
condigno meretur poenam æternam, ergò actus virtutis ex condigno meretur vitam æternam.
Itidem Altfiodorensis in Summa aurea lib. 3. Tract. 12. *Quoniam homo malis operibus ex*
condigno meretur mortem æternam, ergò cum bona opera magis sunt bona, quam mala
opera sunt mala, multò fortius bonis operibus meretur homo vitam æternam ex condigno.
Eadem ratione utitur Thomas Stapletonus lib. 10. de Justif. cap. 6. *Agnoscutur iniquitas*
esse mortis æternæ verum & justum meritum, ergò quoties bonis operibus justorum pro-
mittitur vita æterna reddenda ut merces, intelligenda sunt esse veri nominis vita æternæ
merita. Eadem similiter habet Nich. Sanderus lib. 6. de Justif. pag. 680 & pag. 683.
Et reliquos eandem canere Cantilenam agnoscit Gretzerus, *Quid, inquit, (a) probare ni-*
teris ex Aquinate & aliis quod ultro fatemur? quod piam, privatim que docemus? Ar-
gumentum hoc specie innititur Regulae illi supra positæ de Adversis, Contrariorum est con-
traria ratio: Sed revera multis de causis non innititur: neque ex hoc arguendi loco ullam
vim habet.

Usus Loci à
Dissentaneis.

(a) Labyrinth.
Creticobun, in
destru. La-
byr. 1. cap. 5.

Primò, quia non est inter bona nostra, & mala nostra opera perfecta contrarietas: 1. Exceptio de
mala enim opera perfecte mala sunt, & ideo possunt perfecte mereri poenam: at bona ope- Imperfectione.
ra nostra sunt imperfecte bona, ut luce clarius demonstrant verba illa Isaia, cap. 64. ver. 6.
quasi pannus menstruatus est universa justitia nostra. Cavilletur hic Bellarminus quantum
vult, & cum Vertunino, vertat se in omnes formas, non expediet unquam illa verba Uni-
versæ justitiæ nostræ: Sed nec eludet unquam verba illa Bernardi, Serm. 5. de Dedicac.
Eccl. *Si ipse justitia nostra, ad lumen veritatis inspecta, velut pannus menstru-*
te invenitur, injustitiæ quales deinceps reputantur? Si lumen quod in nobis est te-
nebræ sunt, ipse tenebræ quante erunt? Quare cum omnia nostra bona opera imperfec-
te sunt, non poterunt tam perfecte mereri vitam, quam mala nostra opera, quæ perfecte
mala sunt, merentur mortem.

Secundò, putemus bona opera nostra perfecte esse bona; sunt tamen (nemine refragari- 2. Exceptio de
aud nte) admista multis, imò infinitis malis operibus. Clare, & hic iterum Bernardus (b), Admitione.
idque ex sensu, scientia ac conscientia omnium qui sunt aut fuerunt, *Anima nostra est on-*
rata peccatis, irretita illecebris, prurie et concupiscentiis, obnoxia passionibus, impleta il-
lusionibus, prona semper ad malum, in vitium omne proclivis, postremo ignominie & con-
fusionis plena. An ille vitam æternam mereri potest, cujus dispendium singulis momentis,
singulis peccatis perfecte meretur? Ut verè ac propriè vitam meretur, integrè ac per-
fecte Deo obtemperare debuit, non vel latum unguem ab illo vitæ tramite discedere. Sicut
Muscarum mortuarum una perdit integram unguenti pigmentarii piam, ita parum suavitatis,
quantò magis Culleum, imò Chaos istud iniquitatis, meritum omne obliterat vel suavitatis
sini unguenti: ipso Deo prædicente, Ezech. 18. 24. *Si avertit se justus à justitia sua, &*
fecerit iniquitatem, numquid vivet? Omnes justitiæ ejus quas fecerat, non memorabuntur.
in prævaricatione quâ prævaricatus est, & in peccato quod peccavit, morietur. Ita vel unguis
malum opus ad tartarum te deprimere potest: at centena millia bonorum operum quibus una

illa mortua Musica admixta est) in cœlum te levare nequeunt. Ut viveres & vitam promereris, debueras perpetuò & inviolabiliter *hoc facere*: ut moriaris, & mortem merearis, satis est *quacunque die*, quacunque horâ peccaveris. Audi tuum Aquinatem, meritorum maximum patronum:

(c) Prima secund. q. 114. art. 7.

Quilibet, inquit, *cactus charitatis meretur absolute vitam æternam, sed per peccatum sequens ponitur impedimentum precedenti merito, ut non sortiatum effectum.* Impedimentum verò non solum peccatum sequens, sed & præcedens omnes; & obicem certè æternum poneret, nisi misericordiâ amoveatur: ubi autem misericordia, ibi non meritum. Vides nunc secundò disparem rationem in bonis nostris, & malis operibus; mala perfectè æternam mortem merentur, quia in eorum unoquoque est violatio legis: bona (ut sint perfecta) mereri vitam non possunt, quia per admitta mala non est in eis impletio legis. Deberes igitur sic à Contrariis argueere, Mala opera, quæ sunt violatio legis, merentur mortem æternam, ergò bona opera quæ sunt impletio legis sine ulla mali admittance, merentur vitam æternam. Tua verò aut humana opera bona, talia nulla sunt.

3. Exceptio ab ipso Subjecto.

Sed nec si etiam ex bonis operibus meritum æternæ vitæ stabilire posses ex hoc à Contrariis loco. Putemus Adamum non peccasse, sed integrum ad hunc usque diem persistisse, juxta præceptum illud, *Hoc fac*: An tu illum idcirco æternam vitam promeruisse censeret? an Deum in jus vocare posset quod operis sui mercedem quam meruerat denegaret? quod cœlestis paradisi incolam non faceret? Non posset: Ut meritum quis ex operibus prætexat, & meriti stipendium exigit, nihil quidquam ipsum Deo debere oportet; opera, & officia, & indebita, & tanto stipendio digna præstare debet. Jam præmium vitæ æternæ est duratione æternum, & infinitum; at illius, nostræque opera omnia temporalia, & duratione finita: inter finitum autem & infinitum nulla proportio. Deinde, ille, nōsque omnes, (totum dico humanum genus) tanto & tam indissolubili debito Deo obstricti sumus, ut si milles millena secula, ipsi integrè ac sine ulla vel levissima offensa serviamus, etiam & durissima servitute serviamus, solvendo tamen aut satisfaciendo tanto debito impares omnes omnino essemus. Debemus scilicet illi, nos nostræque: quicquid vel facere vel pari in illius obsequium aut honorem possemus, infinitis parafangis minus esset debito nostro: Nam quod faciamus quidquam quod facere possimus, imò quod vel omnino simus, ab eo & habuimus & habemus. Quomodo verò unquam ei satisfacere poteris, qui te ex nihilo, ut sis aliquid, fecit? imò ut sis homo, creaturarum fere omnium præstantissima, Deoque proxima, cum te ille lapidem, truncum, vilem vermiculum, aut coxantem bufonem efficere potuisset, nec tamen tu idcirco ei dicere posses, Quare me sic fecisti? Audires statim, *Annon habet potestatem figulus in lucum, vas quaecunque ipsi placet inde formare? An non licet mihi quod volo facere de meo?* Audi (d) Sanderum qui pessimè quamplurima, hoc unum de Adamo rectè, & laudo: *Qui*, inquit, *ex nihilo conditus, totum quod erat, quodque poterat, ei à quo totum acceperat in æternum debiturus, nec tamen unquam parem gratiam reddiurus fuisset, quomodo in ex eo quod semper sui debiti persolvendi causa Deo reddidisset, Deum interim sibi novæ ac præsertim tantæ gloriæ debitorem facere potuisset?* Certissime non potuit: nec quisquam omnino alius; Christo ipso omnibus dicente (e) *Cum feceritis omnia quæ præcepta sunt vobis, dicite, Servi inutiles sumus; quæ debuimus facere fecimus.* Inutiles vocat, ad quidquam amplius promerendum à Domino; Nam hoc ipsum quod *condidit*, quod *creavit*, instar stipendii, & plus quàm stipendium omnibus est; hoc quia *pre manibus* donavit nobis Deus, stipendium ulterius ab eo neque mereri possumus, neque flagitare debemus. Quicquid ultra hoc, quod jam à primâ creatione accepimus, vel donat Deus, vel daturum se promittit, *Gratia* est, non *Debitum*; *Liberalitas* est, non *Fusistia*; gratis primum promittitur, & sic promissum, *justè* quidem tum, ac ut *debitum* præstatur; sed ut *debitum ex pacto gratiæ*, non *ex operis dignitate*; ut *debitum ex gratuito promisso suo*, non *ex ullo merito nostro*. Quod si vel Adamus, vel quis alius verè mereri quidquam apud Deum posset, fingendum est eum aliundè creari, nihil quidquam Deo debere; & tum ad Deum accedere, ac cum eo stipulari de stipendio, pro eo servitio quod adhuc non debitum præstare veller.

(d) Lib. 6. de Justif. cap. 6. pag. 662.

(e) Luc. 17. 10.

Quo

Quo ramen casu, qui tam delictum, quam obsequium finitum esset, nec illius poena, nec hujus præmium æternum juxta justitiæ normam exigeretur. Solus ex omnibus qui bonè meruit, & æternam vitam meruit, solus, inquam, est Jesus Christus, Deus simul atque Homo: Indebitum ille obsequium subire voluit; non tenebatur vel mori, vel legi obedire, vel nasci, aut naturam nostram suscipere. Officia hæc omnia libera erant, in debita omni modo erant, de suo erant non aliena, quare verè merita erant. Et quoniam is verè Deus erat, natura, bonitate, dignitate ac majestate infinitus ideo merita ipsius obedientiæ, obedientiæ ad mortem, ad mortem etiam crucis, infiniti planè valoris, tum ipsi tum aliis erant, tanti, ut Cleonans 6. pontifex Rom. non vereatur (Extrav. Commu. lib. 5. tit. 9. cap. Unigenitus) suo decretali inferere, *quod vel modica gutta sanguinis ipsius, pro redemptione totius humani generis suffecisset.* Nec verò redemptionem nobis solum ille à peccatis, à mortis ac gehennæ faucibus meruit; sed & gratiam Dei quæ nos Fide, Spe, ac Charitate donati, pie ac sanctè hic vivamus, & gloriam, inmarcescibilem inquam illam gloriæ coronam, quæ æternum cum ipso, in cælesti regno perficemur. Hæc omnia illius sunt, & ejus solius merita. Nos merita nostra nulla alia scimus, quam quæ Bernardus rectissime celebrat, *Meritum meum est Misericordia Domini.* Serm. 6. 1. in Cantic.

Vides hic, tertio modo tuam hanc à Contrariis argutiam varius quàm argumentum claudicare, quia nos tales sumus ut mortem æternam justissime mereri, ac vitam æternam mereri nullo modo possimus: ubi verò subjectum tale accipitur, quod tam verè possit bonis suis operibus æternam vitam mereri, quàm nos mortem æternam verè meremur, tum rectè probes illius opera bona æquè mereri vitam æternam, ac nostra mereri mortem æternam. Talis quia neque est, neque unquam fuit aut esse potest præter Jesum Christum, ideo si rectè à Contrariis arguere vis, ita concludendum est: Mala opera eorum, à quibus solummodo bona debentur, & à finita creatura infinito Creatori debentur, & in æternum debentur, verè ac propriè merentur mortem æternam; ergo Bona opera, & nulla nisi bona, præstita ab eo à quo nulla debentur; cujusque opera, quia ipse infinitus est, verè infiniti valoris ac meriti sunt, verè ac propriè merentur vitam æternam.

Sed arguere à meritis nostrorum operum quæ mala sunt, ad merita nostrorum operum quæ bona sunt, enervat, imò penitus tollit totam vim regulæ supra-positæ, quia illud Nostrum additum malis operibus, facit ea verissime mereri mortem æternam: additum verò bonis operibus, multipliciter impedit ne possint mereri vitam æternam: Primò, quia *imperfectè bona sunt.* Secundò: quia *malis operibus admixta.* Tertiò, quia *sunt debita.* Quartò, quia *non sunt infiniti valoris*: ubi autem præmium infinitum, & meritum ac pretium infiniti valoris esse debet. Sed diutius hic te detinui, ne graveris ramen: Certè enim hoc operæ præteritum erat: argumentum hoc & ubique obvium, & pluribus quàm quis opinetur spinis implicatum; erunt tibi hæc olim usui, &

*Quo semel est imbuta recens servabit odorem
Testa diu.*

Ac de loco arguendi à Dissentaneis, hæc satis multa.

C A P. XII.

De loco non arguendi, qui inest à Comparatis, Paribus, vel Similibus, itemque ab Exemplis.

Comparata
qua.

Sequitur nunc loci arguendi à Comparatis. *Comparata sunt quæ inter sese comparantur*, & quia sæpe evenit ut eorum quæ comparantur unum sit quoad veritatem notius altero, ideo ex eo quod notius est, quodque verum esse asserimus, probatur illud quod est ignotius idem verum esse. *Comparatio autem fit duobus modis*: Primò in *Paria*, quando est *eadem, par, similis*, aut *æqua ratio in utrisque quæ comparantur*, ut par est ratio, quare Socrates sit rationalis, & quare Plato. Secundò inter *Imparia*, vel *Majora*, vel *Minora*, quando *differt ratio inter ea, quæ comparantur*; sic ut vel major sit ratio, vel minor, quare unum inest quàm alterum.

Argumentum
à Comparatis,
quid.

†

De utrisque hoc communiter observandum est, Argumentum tum duci à Comparatis, quando una *par Majoris propositionis comparantur cum alia, vel in paritate rationis, vel in imparitate*. Ipsa aut Comparisonis nota, indicium est argumentum tale ab hoc à Comparatis loco duci: Nam quia hæc omnia argumenta forma sequuntur Syllogismi Hypothesici Conditionalis, in quem etiam resolvi possunt, (Nota enim comparisonis vim habet conditionis in arguendo) ideo in his regula nostra Fundamentalis non tam strictè observatur. Et quoniam Consequentia in his facilis est & conspicua, ideo de istis non aliam regulam arguendi tradi necesse est, quàm quod *ex ipsa nota Comparisonis dijudicari debeant*. Agendum est autem 1. de Comparatis *Paribus*, qui est nonus arguendi locus.

Regula gene-
ralis.

Quod ad Regulas ab hoc loco arguendi à *Pari* spectat, una est generalis, quæ est ista: *De Paribus par est judicium*; vel *Parium par est ratio*.

Quoniam autem Comparatio in *Paritate rationis* fit tribus modis; vel cum *unum duobus*, vel cum *duo uni*, vel cum *duo duobus* inesse dicuntur pari ratione; ideo de hoc loco tres sunt speciales, æque faciles ac perspicue Regulæ.

Reg. 1.

Si par sit ratio cur unum aliquod duobus inest, tum si uni eorum non inest, aut convenit, neque alteri inest aut convenit: sin uni inest, aut convenit, inest utrique: ut par est ratio, quare Homo sit animal, & quare Brutum sit animal: at Homo est animal, ergo pari ratione etiam Brutum. Hoc argumenti genere, quidam Græcus historio argutè refutavit stultitiam Maximini Imperatoris, qui cum esset grandi & robusto valde corpore, ideo se propè immortalem esse. n. c. posse occidi stultè opinabatur: ut narrat Jul. Capitolin. in ejus vita. Histrio in scenam prodiit præsentè Imperatore, & hos versus recitavit:

*Qui ab uno non potest, à multis occiditur;
Elephas grandis est & occiditur,
Leo fortis est & occiditur,
Tigris fortis est & occiditur:
Cave multos, si singulos non times.*

Idem est acsi dixisset, Par est ratio cur Maximinus occidi possit, atque cur Elephas, Leo, & Tigris: at illi occiduntur, ergo ille potest occidi & mori.

Reg. 2.

Si par sit ratio cur duo alicui uni tribuatur aut insint, & unum eorum non insit, neque inest alterum: sin unum insit, utrumque inest: Ut, Par est ratio quare Temperantia sit laudanda & amplectanda, & quare Justitia: at Justitia omnibus colenda est, igitur & Temperantia.

Si

Si par sit ratio quare hoc Prædicatum conveniat huic Subiecto, & cur illud conveniat alteri, tum si hoc huic non convenit, nec illud alteri conveniet: & si hoc convenit huic, & illud alteri conveniet. Ut, Par est ratio quare discipulis Christi liceret spicas vellere urgente necessitate, & quare Dividi ipsiusque militibus licuit panes propositicnis urgente necessitate comedere: at Dividi ipsiusque militibus hoc posterius facere licuit, ergo etiam Christi discipulis licuit prius illud facere.

Ad hunc locum spectant omnia argumenta à Similitudine ducta. In illis enim duo duobus semper conferuntur, quare illa ad tertiam regulam antepositam referrenda sunt: ut, Similis est ratio tempestatum ad navem, ac seditionis ad rempub. at tempestas navi periculosa est, ergo seditio reipub: ut Salamandræ nunquam nisi magnis imbribus proveniunt, serenitate deficiunt, ita multi sunt, qui reipub. statu bello aut seditione turbato ostendunt se qui sint, & quo in rempub. animo; iidem rebus pace compositis, rabeſcunt, moriuntur. Sic illud Virgillii eclog. 5.

*Tale tuum Carmen nobis, divine Poeta,
Quale sopor fessis in gramine.*

Et infinita hujus generis, quæ omnia verissimè argumenta à Pari sunt. Sed in his observandum est verum esse quod vulgo dicitur, *Nullum simile currere quatuor pedibus*; id est, non esse in omnibus simile aut æquale ei quod confertur. Satis est ad vim argumenti si in ea parte, in qua Comparatio fit, similia sint. Sin in eo dissimilia esse doceantur, vis tota argumenti penitus enervatur, ut rectè monet Arist. lib. 2. Rhetor. ad Theod. cap. 25. Quare inepta est ratio illa quæ Bellar. (g) aliique utuntur quia *Rex unus est in apibus*, ideo (g) *Lib. 1. de in universa Ecclesia debet similiter esse unum ducem doctorem, primum, & visibilem Pontificem*. Nam Ecclesia universalis non est in hoc similis uni Alveario, sed singulæ particularibus provinciæ, aut singula regna, similia sunt singulis alveariis: ut ergo diversis Alveariis præſunt diversæ apes, itidem diversis regnis diversi Reges, diversis piæcesibus diversi Episcopi: Sed ut omnes apes per universum orbem, non confluunt ad unum Alveare, nec unam Papalem apem venerantur; itidem nec debent omnia regna unum Temporalem Regem, nec omnes ecclesiæ particulares unum aliquem visibilem Monarcham agnoscere.

Speſtant huc etiam *fabulæ*, & *Apologi*, quæ revera nihil aliud sunt quam similitudines. Tales sunt *Æſopi* notissimæ sed ultissimæ fabulæ. Sic autem arguit *Æſopus* (& verissime in illis omnibus Poëtam agit.) Qui doctrinam aut virtutem divitiis aut voluptati postponit, perinde facit ut gallus gallinaceus, qui granum hordei genum anteposuit: at gallus iste stultissimus fuit, stultus igitur est alter. Poëta solum *Minorem* exprimit, *Majorem* atrextendam, & *Conclusionem* inde inferendam, prudentiæ Lectoris relinquit. Idem in aliis omnibus hujus generis *fabulis* arguendi modus. A pari omnes ducuntur.

Speſtant etiam ad hunc à Pari locum Argumenta omnia in quibus unum Conjugatum à liquid de altero arguit. Ea enim omnia verè à pari ducuntur. Etenim à Conjugato ad Conjugatum aliter non potest argui quam sub Comparatione unius cum altero in paritate rationis. Et semper in Majori propositione expresse vel implicite ponitur, quod par sit inter ista ratio: ut hic, Avaritia est vitium: ego Avarus est vitiosus; appone Majorem, & erit ista, Pars, similis, aut eade n est ratio Avari ad vitiosum, atque est Avaritia ad vitium. Sic & hoc, Corpus est Quantitas, ergo corporeum est quantum. Sic & hoc, Omne quod fit justè, fit bene, ergo omnis qui facit justè, facit bene. Has atque similes omnes rationes à Pari duci certum est. Nituntur enim omnia huic Regulæ, *Par est ratio hujus Conjugati ad suum Conjugatum, atque est illius ad suum*; quæ nihil aliud est, quam *Conclusio deducta ex i la generali de Parius regula, Parium est par ratio*. Scio vulgus Logicorum longe secus sentire, & le cum à Conjugatis constituere ut distinctum locum arguendi ab illis omnibus, & ab hoc iſo quem nunc tractamus à Pari. Sed ego nullum omnino exemplum, post longam ac seriam hujus rei considerationem, invenire potui, in quo aliter à

Conjugatis argumentum formetur : quàm eo quem jam dixi modo. Quare induci non possum ut locum à Conjugatis distinctum arguendi locum faciam, paratus tamen sententiam cum mutare cum certa ratione liquere possit, aut aliter à Conjugatis argui, aut esse argumenta aliqua in quibus unum Conjugatum sit Medium, & alterum sit Majus extremum, ut sit ex habitudine illa Conjugati ad iuum Conjugatum aliud concludatur. Fruantur per me alii suo judicio ; non repugno. Dent itidem illi mihi veniam si rationem ducem sequar, nec me abripi finam (ut multi solent) opinionibus receptis ac vulgaribus, ubi ratio contrarium evidenter persuadet.

Argumenta ab Exemplis hic spectant.

(b) Lib. 3. de Pont. eleg. 2.

Ad hunc eundem locum spectant *argumenta omnia ab Exemplis*. Nam in omnibus illis hoc supponitur, *parem esse rationem* car hoc tibi, aut huic illi liceat & conveniat, atque est cur liceat aut conveniat ei quod pro exemplo adducitur: ut David vir Deo charus non tulit impunè homicidium, & adulterium, sed gravem utriusque sceleris poenam sustinuit: nec tibi igitur putato similia flagitia impunè futura: Recte monet *(b) Ovid.*

Cum feriunt unum, non unum fulmina terrent.

(i) 1 Le. problem. §. 18. nu. 3.

(k) Aenid. lib. 4.

Aeneas ob pietatem in parentes, in patriam, ob virtutem quam in omni vita exercuit, meritò celebratur; & fama super æthera notus est: tu igitur si eandem semitam virtutis calcabis, eodem honore fulgebis, & super astra fereris. Frequens est apud Oratores hoc arguendi genus ab Exemplis. Nam & *per Exempla & fabulas res facilius discitur*, teste Aristotele *(i)*. Et nulla te facilius homines ducuntur, quam aliorum Exemplis. Plerique omnes eo ingenio sumus, ut quod ab aliis fit, id nobis licere arbitremur. Hinc Miles apud Comicum, *Hoc ipse Pyrrhus fecitavit*. Hinc apud Poëam *(k)* Didoni soror ipsius Anna,

*Solane perpetua merens carpere juvena?
Nec dulces natos. Veneris nec pramia noris?*

(l) Claudian.

Ira scilicet res est, Exemplis magis commoveri solent homines quàm vel oratione vel ratione; & aliorum facta nostris patrociniis esse putamus, eoque magis, si quis aut eminentiori loco ac dignitate sit, quem pro exemplo habent (nam in *(l)*),

——— *(Vulgus manant exempla regentum)*

Aut si propinqui nobis ac chari:

(m) Juven. Satyr. 14.

*Si (m) dammosa senem juvat, ludet & heres
Bullatus, parvoque eadem movet armis fritillo.*

(n) Lib. 3. de Legib. pa. 336.

(o) Loc. cit.

Quare magnopere & parentibus, & viris omnibus principibus cavendum est, ne suis vitiis, aut exemplo viam aliis ad nequitiam præeant. Certè enim tales *plus Exemplo quàm peccato nocent*, ut verè Cicero *(n)*: nam vulgus hominum quasi pedibus it, & impingit in abominaciones primatum; nec minus verè de aliis Juvenalis,

——— *(o) Velocius & citius nos,
Corrumpunt vitiorum exempla domestica, magnis
Cum subeant animos auctoribus. Unus & alter,
Forstàn hæc spernant juvenes, quibus arte benigna,
Et meliore luto finxit præcordia Titan*

Sed

Sed reliquos fugienda patrum vestigia ducunt, & monstrata diu veteris trahit orbita culpa.

Quare lubricus valde & infidus est hic ab exemplis arguendi locus. Quo rectius certiusque hic pedem figas, & scias ubi & quomodo aliorum vestigia premenda sunt, quatuor Regulas tibi propono.

Exemplum illius qui errare à recta via non potest, sine omni metu aut hesitantia sequendum est, in iis omnibus quæ ille ut communis cum aliis officia præstitit. Talis autem nemo hominum vel est, vel unquam fuit, eritve, præter Jesum Christum Dominum nostrum: Quicquid ille in iis quæ ad nostra officia spectant fecit, nobis etiam faciendum est. Hinc illud Johan. 13. v. 15. & seq. *Exemplum ego præbui vobis, ut sicut ego feci, ita & vos faciatis.* Sic 1. Pet. 2. 21. *Christus reliquit nobis exemplar ut illius vestigia insequamur, Convitiis affectus, non vicissim convitiabatur: Cum malis afficeretur & injuriis, non minabatur, sed committebat causam suam ei qui iuste judicat.* Reg. 1.

Aliorum omnium etiam sanctissimorum exempla, sunt imitanda cum hac limitatione, quoad & quatenus illorum actiones à norma legis non deficiunt, aut in quantum laudanda & approbanda sunt. Docet hoc Apost. 1. Cor. 11. 1. *Imitatores mei estote, (sed cum hac cautione) sicut ego sum Christi; & recte in hanc sententiam Seneca (p) Optimum in maiorem sequi vestigia, si recte præcesserunt.* Quin & lex Imperatoria (q) idem docet; Nam tam spectandum quid Romæ factum est, quam quid fieri debeat. (p) Sen. in sentent. (q) F. de offic. Præsid. L. Sed licet.

Fæta aliorum, quæ privilegio quoddam illis vel mandata à Deo sunt, vel indulta, idemque in illis laudanda fuerunt, non sunt in imitationem aut exemplum ab aliis trahenda. Privilegium enim est privata lex aut concessio alicui contra jus commune facta. Ur Ifiod. lib. 4. Etymol. cap. 18. & alii testantur. Nam antiqui Privata dixerunt, quæ nos singula, aut propria dicimus; ut ex Lucilio declarat Aul. Gell. lib. 10. cap. 10. Hinc illæ Regulæ (r) juris, Privilegium personale personam sequitur, & extinguitur cum persona: Et, Quod alicui gratiose conceditur, trahi non debet in exemplum. Et, Privilegium (s) uni concessum, non potest ad alium extendi propter identitatem rationis. Hinc est, ut ista non sequantur, Abrahamus filium offerre in sacrificium voluit, & recte in eo fecit, ergo & hoc tibi licet. Licuit Ehudi occidere Eglonem regem, ergo & tibi licet regem cui subiectus es occidere. (r) Sext. Decret. Regul. 7. & 74. (s) Extra. de Privil. cap. 9.

Si factum cujusquam à lege aut recta ratione discrepet, non est ab ullo in exemplum trahendum. Recte Cicero: *Errant qui quod exemplo sit jure fieri putant.* Et quamvis vulgo dicatur, Vivitur exemplis, verè tamen dicitur, Vivendum est legibus. Sinire me hoc unico exemplo illustrare. Exhibuit Angelo ut scitis Johannes Apostolus, religiosum cultum, Apoc. 19. 10. & 22. 8. *Proci di, inquit, ante pedes ejus ut adorarem eum;* (Adoratione nimirum Deo debita, ut recte docent tum August. Quæst. 61. in Genes. & lib. 20. contra Faustum. cap. 21. cum Aquinas secundâ secundâ, quæst. 84. art. 1. alique.) *Sed dixit mihi, Vide ne feceris, Conserve enim tuus sum, Deum adora.* Latriam, ac religiosum Cultum non homini, non Angelo, non ulli creaturæ, sed Deo soli tribuendum esse beatissimus ipse Angelus profiteretur. Risi profecto hic sæpissime Bellarminum, qui lib. de Sanct. beat. cap. 14. sect. Ad quartum, ita hoc argumentum eludere se posse putavit: *Dico, inquit, hoc (quod de Johanne & Angelo scribitur) esse pro nobis.* Nam vel Johannes putavit eum qui sibi apparuit esse Deum, vel Angelum: Si Deum, meritò reprehensus est: Si Angelum esse putavit, (& sic verè putavit; eumque sic putasse sentit Bellar. ibidem lect. Secundo) Si inquit, Angelum esse putavit & tamen adoravit, cur nos reprehendimur qui facimus quod fecit Johannes? Num melius Johanne norunt Calvinista, sintne Angeli adorandi? Bellarminus fanè hominem, & facerem, qui tam bellè ab Exemplo arguit. Vobis igitur licet pari patrocínio Abrahami, & Jacobi mentiri, & æquivocatione fallere? & Augustino (t) memento, nulla exempla mendaciorum imitatione digna in moribus fæctis sanctorum inveniri; opponere Bellarminianum hoc scriptum, An melius Abrahami & Jacobi novit Augustinus

Reg. 4.

(t) Lib. 5. de menda. c. 21.

stinus sitne mentiendum? Si forte Calvinus quis Alexandrum sextum Cæsaris Borgiæ patrem, reprehendat, quod *Lucretia & filia ipsius & Sponsa audiat*, juxta notum illud Epitaphium,

* Ex Pontano
cit Cyp. Va.
Jer. lib. de
Papa. pa. 135.

* Hoc jacet in tumulo Lucretia nomine, sed re
Thais, Alexandri filia, sponsa, nurus;

(a) Lib. 6.
cap. 11.

(b) Ex Mar-
cel citat.

Cyp. Valer.
lib. cit. pa. 130.

(c) Cyp. Val.
pag. 163.

(d) Ibid. par.
150.

(e) Lib. 3. de
calamit. temp.

(f) Stanis.
Orichov. orat.

de Cælibatu
habita in Con-

cilio. pa. 110.

(g) Ibid. p. 108.
& 189.

(h) Dial. de
prædest. & lib.

arbit. in medio.

(i) Causa 31.
Ca. Hac ratione.

(k) Cap. Et si
Clerici extr.

de Judiciis.

(l) Fr. Caster.
Fuchyr. cap. de

Cælibat. pro-

pos. 9.

(m) Vox Card.
Campegii in-

conventu No-

vimberg. ann.
1524. apud

Feb. Sleid. li.
4. comment.

Haber ex Bellarmino quo se tueri potest: Fecit idem Lotus an melius Leco norunt Calvinistæ, sitne incestus perpetrands? Legent fortasse apud aliquem Calvinianum de Johanne 12. quem in ἀνθρώπου à demone percussum narrat Lutiprandus (a): De Innocentio octavo tam felice patre, ut illius suboles Epigrammate (b) hoc decanta sit,

Osso recens pueros genuit, totidemque puellas:
Hunc merito poteret dicere Romæ patrem.

De Julio tertio qui innocentium (c) quendam (juvenculum licet) quò huic Romano Jovi Ganimedes esset, Cardinalitio galero decoravit, De Leone 10. Atheismo præter alia nobilitato, cujus jam morituri detestanda illa ad Card. Bembum vox in ore multorum ferum (d) *quò quantum nobis profuit hæc de Christo fabula!* De cæteris etiam apud Calvinistas fortè legant, vel illud ex Manuano (e):

Sanctus ager scurris, venerabilis ara Cynædis
Servit, honorande divum Ganimedibus ades.

Vel illud ex Orichovio (f): *Quæstus hic est uberrimus, Scorta Romæ quotannis tributa conferunt*: earum g) *confluunt cum anno ab hinc sexto ageret præfectus licitorum urbis, censa sunt meretricum capita quadraginta quinque millia*. Vel illud ex Honorio Augusto dunensi h) *Verte te ad Clerum, videbis in eis bestie tentorium, sacerdotium per immunditiâ polluant. Contemplantur Monachorum Conciliabula, & videbis in eis læstie tabernacula*: plerique illorum gule & ieccebris dediti, quidam in immunditiæ sordibus comput. escunt. Aspice habitacula monialium. Cernes in eis læstia præparatum thalamum; Hæc à tenera aetate impudicitiam discunt, velo se operire festinant, quo magis frenâ luxuriæ luxare queant: omnibus fornicariis pejus prosteruntur. Hæc & similia fortè apud aliquos Calvinistas legas. Ne metue ab his Calvinistarum objectiunculis; neque verò necesse habes in illis tritis & detritis, effugia querere, quod sit (i) aliqua honesta fornicatio, aut, quid adulterium inter minora (k) crimina ab Alexandro tertio censetur: quod peccatum levius (l) sit Sacerdotem fornicari, & concubinam fovere, imò plurimas (q) domi meretrices alere, quam matrimonium contrahere. Obsolete hæc sunt; nec satis cura subterfugia. En tibi, habes hic à Bellarmino, verè Ajacis clipeum, quo hæc, atque omnia nefanda scelera, facillimè tueri poteris. Dices, nunquid aliud faciunt, quam quod olim feci: patriarcha, atque propheta? Num melius Davide norunt Calvinistæ utrum scortatio & adulterium perpetranda sint? Voluit (optior) Bellarminus, Asylum hic improbari condere. Quod homicidium fac. illegium, blasphemiam, fandum aut nefandum flagitium, non sub hoc novi Ajacis clipeo patrocinium inveniat? Habes inter Pontifices Romæ, qui in omni flagitiorum genere insigniter tibi viam præcant. Si Calvinianus qui, fortè obmurmurat, aut malè à te factum esse contendat, Scutum hoc arripe; uno hoc Bellarminiano spiritu, dissilabis integras Calvinistarum legiones, quasi ventus folia aut pannicula testoria. Num tu Calvinista, tu novus morum censor, melius novisti utrum Blasphemie, Sacrilegia, parricidia, & flagitia alia perpetranda sunt, quam sanctissimi Romani Pontifices, quam orbis Judicis? Cæterum unus hic restat scrupulus, quem eximi à Bellarmino opportuisset, Utrum nimirum gravius delinquant

quant Papistæ qui id faciant quod illicitè, vel Angelo Judice, fecit Johannes, an Calvinistæ qui id in eis reprehendunt, quod in Johanne beatus Angelus justissimè reprehendit. Sed satis opinor nunc intelligis, Nullius ne optimorum quidem facta in exemplum trahenda, si à lege exorbitent.

Atque hæc de Loco arguendi à Pari.

C A P. XIII.

De Loco decimo arguendi, qui est à Comparatis Imparibus, nempe vel à Majori ad minus, vel à Minori ad majus.

Sequitur decimus arguendi Locus, qui est à Comparatis Imparibus. Comparatio autem hæc fit duobus modis; vel à Majori ad minus, vel à Minori ad Majus. Argumentum *Majori ad minus quidam*
mentum ducitur à Majori ad minus, quando inter duas partes Majoris propositionis talis est Comparatio, ut major ratio sit quare unum ita sit, ut esse asseritur, quam quare minus quidam alterum. Ex quo fit ut argumenti à Majori ad Minus duæ sint Notæ ac indicia: Prior, quod in eo semper vel expresse vel implicite ponitur hæc aut similis clausula in Majori propositione, *Major est ratio*, aut *Magis est probabile*, aut *Magis est verisimile* hoc esse quam illud. Secunda, quod omnia argumenta à Majori ad minus concludunt negative, cum hac vel simili clausula, *multò minus*. Semper enim quia negatur in eis id esse verum quod est magis verisimile, ideo concluditur negandum, id esse verum, quod non est tam probabile aut verisimile. Hujus autem Loci unica est Regula.

Si e duobus, magis verisimile sit, aut major ratio sit cur hoc sit, aut insit alicui, quam illud; tum si hoc non sit, aut non insit, neque erit aut inerat alterum. Ut major ratio est cur homicidæ, quam regicidæ venia donentur; at homicidæ venia nulla danda est, Ergo multò minus regicidæ. Magis verisimile est Satrapam posse amatorios sumptus suffere quam re; at Satrapas si fiet, amatorios sumptos istos non ferat, Ergo multò minus tu poteris. Ita arguunt fratres Josephi; Magis veri simile est nos pecuniam saccis impositam nobis reservaturos, quam aurum de domo Domini furto suscepturos; at prius non fecimus, sed pecuniam illam reportavimus, Ergo multò minus hoc faceremus.

Similiter Christus Johan. 3. 12. Si terrena dixi vobis, & non creditis, quomodo si dixerero vobis cœlestia credetis? eadem autem omnino est ratio à Majori ad minus, sive unum duobus, sive duo uni, sive duo duobus conferantur, ut non necesse sit multoties eandem Regulam referere.

Argumentum ducitur à Minori ad majus, quodcumque una pars Majoris propositionis, ita alteri comparatur, ut minor sit ratio cur unum verum sit, quam cur alterum. Ex quo fit ut duæ etiam sint hujus argumenti à Minori notæ: Prior, quod semper in majori propositione vel expresse vel implicite ponatur hæc aut similis clausula, *Minor est ratio*, *Minus est probabile* aut *Minus est verisimile*. Secunda, quod omnia argumenta à Minori ad majus, concludunt affirmative cum hac aut simili nota, *Multò magis*, aut à fortiori: nam quia in his id asseritur, inesse aut esse verum quod minus est verisimile, ideo à fortiori concluditur id inesse aut esse verum quod est magis verisimile. Hujus argumenti est unica etiam Regula.

Reg. I.

Si duo inter se comparentur, & minor sit ratio quare hoc insit aut sit verum, quam illud, tum si hoc insit, aut sit verum, multo magis alterum inest, aut verum erit: ut, Minus est verisimile quod dominum persequantur quam servos, at me dominum vestrum persequuti sunt, ergo, à fortiori, vos meos servos persequantur. Iterum, Minus est verisimile Deum prospecturum esse volucris coeli aut liliis agri, quam hominibus electis, sibi que dilectis; at volucris & liliis agri prospicit Deus, multo igitur magis vobis prospiciet. Et, Minus verisimile est Deum daturum unicum suum Filium nobis, quam victum & vestitum, & ea quæ sunt vitæ necessaria: At Filium suum dedit nobis, annon igitur multo magis cætera prout ex usu nobis futura scit, suppediet? Eadem est autem arguendi ratio à Minori ad majus, si e unum duobus, five duo uni, five duo duobus comparentur. Quare non est necesse in singulis regulam antepositam repetere.

CAP. XIV.

De Loco undecimo à Distributione
seu Divisione.Distributio
quid.

Undecimus Locus est à Distributione. Est autem Distributio Totius in suas Partes divisio. Ex quo fit ut sicut tria sunt Totius genera, itemque tria genera Partium, ita est etiam triplex distributio; Prima, Totius universalis, in partes subiectivas: Ut cum animal dividitur in hominem & brutum. Secunda, Totius essentialis in partes integrantes: Ut cum homo dividitur in animal & rationale. Tertia, Totius integralis in partes integrantes: Ut cum homo dividitur in caput, brachia, tibias, pedes, &c. In singulis autem his dupliciter argui potest: vel à Distributo ad membra distribuentia: vel à membris dividendibus ad ipsum Distributum. Quomodo pari modo argui solet à Definitione ad Definitum, & contra à Definito ad Definitionem; de utroque genere (utrumque enim sub hoc Distributionis nomine complectimur) sigillatim agemus: Primò de Distributo, tum de membris distribuentibus.

Argumentum à
Distributo.Argumentum à
membris di-
stribuentibus,
quid.

Argumentum ducitur à Distributo, quandoque Medium est Distributum in quocumque genere Distributionis, & Majus extremum est ipsa Distributio, vel membra in qua fit Distributio. Similiter argumentum ducitur à membris distribuentibus, quando Medium est ipsa Distributio, vel membra distribuentia in quocumque genere Distributionis, & Majus extremum est ipsum Distributum. Hoc in omni genere Distributionis perspicuum ex Regulis fiet.

Regulæ de Toto Universalis, aut Distributo
universalis sunt hæc duæ:

Arg. à Toto
Universalis.
Reg. I.

Cuiusque ullum Totum universale seu Distributum universale convenit, ei aliquod membrum in quod tale Totum distribuitur, convenire debet, si Distributio sit perfecta: ut, Hoc est, animal perfectum in specie, ergo est homo vel brutum. Quod si unquam eveniat ut Distributum conveniat ulli cui nullum membrum Distributionis convenit, certum est talem distributionem mancā ac mutilam tum fuisse: unde non sequitur, Hoc est animal, ergo est, vel homo vel brutum; quia potest esse embryo, informatus jam anima sensitivā, neque tamen adhuc vel anima rationali vel irrationali.

Cuiusque

Cuicumque ullum Totum universale, seu Distributum universale non convenit, eidem Reg. 2.
nullum membrum distribuens illud totum convenire potest: ut, Hoc non est Substantia completa, ergo non est Corpus nec Spiritus.

Regulæ de Partibus subjectivis, seu membris quæ distribuunt Totum universale, sunt Arg. à Partibus Subjectivis.

Cuicumque convenit ullum membrum, seu Pars subjectiva Totius universalis, eidem & Reg. 1.
distributum ipsum, seu Totum universale convenit: ut, Hoc est vel ignis vel aer, ergo est elementum. Sic, Quicquid vel est homo vel brutum est animal, equus vel est homo vel brutum, ergo est animal.

Cuicumque nulla Pars subjectiva, seu membrum in Distributione convenit, eidem neque Reg. 2.
Distributum ipsum convenit, si perfecta sit Distributio. Ut, Quod non est vel quantitas continua vel discreta, illud non est quantitas: Instans aut punctum neque est quantitas continua neque discreta, ergo non est quantitas.

Ad hoc Distributionis genus spectant argumenta ea omnia quæ in Distributione Analogi Distributio in sua analogata ducuntur, vel à diviso Analogo ad membra analogata, vel à membris analogatis ad Analogum divisum. Quia eadem est & par planè ratio arguendi ab eis, ut à speciat. +
Toto universali ac Partibus subjectivis. Tales sunt hæc: Hoc est Universale, ergo est vel Genus, vel Species, vel Differentia, vel Proprium, vel Accidens. Hoc non est vel Substantia prima vel secunda, ergo non est Substantia completa.

Arguendo à Toto essentiali ad Partes essentielles ejus, Regulæ sunt duæ: Prima, Cuicumque convenit Totum aliquod essentiali, eidem omnia membra, seu Partes essentielles in quas illud Totum distribuitur conveniunt: ut, Hoc est homo, ergo est & animal & rationale. Arg. à Toto Essentiali. Reg. 1.

Cuicumque non convenit Distributum essentiali, eidem non conveniunt omnes Partes Reg. 2.
essenciales illius Distributi; aliquæ quidem convenire possunt, sed non omnes. Unde rectè sequitur, Hoc non est vivens, ergo non est mistum & animatum.

Arguendo à Partibus essentialibus, seu membris distribuendis Totum aliquod essentiali, Arg. à Partibus Essentialibus.
ad illud Totum vel Distributum, duæ item sunt Regulæ: Prima, Cuicumque Partes omnes distribuentia ullum Totum essentiali conveniunt, eidem illud Distributum, seu Totum essentiali convenit. Ut, Hoc est substantia & incorporea, ergo est spiritus. Reg. 1.

Cuicumque Partes omnes essentielles, seu membra distribuenda Totum aliquod essentiali non conveniunt, eidem Totum illud seu Distributum convenire non potest: Ut, Hoc non est & corpus & animatum, ergo non est vivens. Reg. 2.

Arguendo à Toto integrali ad Partes integrales, quæ sunt membra distribuenda, duæ sunt Regulæ: Prima, Posito Toto integrali, ponuntur omnes Partes integrales illius. Ut, Integrali. Hic est totus & integer homo; ergo habet & caput, & brachia, & pedes, & alia omnia Reg. 1.
membra.

Sublato Toto integrali, tolluntur omnes Partes integrantes ipsius. Ut, Homo non est, ergo neque est caput, neque manus, neque pes, vel ulla pars humani corporis: desinunt enim esse hominis partes, mortuo homine, & incipiunt esse partes cadaveris. Reg. 2.

Arguendo à Partibus integritatibus ad Totum integrale, duæ sunt item regulæ: Prima, Positis omnibus Partibus integralibus, ponitur Totum integrale. Ut, Hic sunt & fundamentum, & parietes, & tectum, & reliquæ omnes partes ædificii, ergo hic est integrum ædificium. Arg. à Partibus Integralibus. Reg. 1.
Huc spectat argumentum illud Davidicum, Psal. 139. quo probat Deum esse ubique: Si ascendero in caelum illic es, si descendero in infernum; ecco ades; si assu- mam alas auroræ, illic præbendet me dextera tua: Quasi dicat, es in caelo, in inferno; in universa terra & aere, ergo es ubique.

Reg. 2.

Sublatâ vel unâ aliquâ integrali Parte, (multo magis si plures aut omnes tolluntur) tollitur etiam ipsum Totum integrale. Ut, Deest huic manus, aut pes; ergo non est Totus homo. Totus quidem esse potest quoad Essentiam, & ita erit Totum essentiale, sed non est Totus quoad integrare partium, ideoque non est Totum integrale.

Atque hæc de loco à Distributione dicta sunt.

CAP. XV.

De Duodecimo arguendi Loco, qui est à Signo.

Signum quid.

Duodecimus arguendi Locus est à Signo, si rem antecedit, si comiterur, si sequatur. Est autem Signum conspicuum aut apertum aliquod indicium, ex quo res non apparens, esse, vel non esse concluditur. Ut, Nihil hic tumultus, nihil ornatus, nullæ igitur hic hodiæ nuptiæ. Narrat de ventis, ergo est nauta: Enumerat vulnera, ergo miles: Philautus est, & effusus in suis ipsius laudibus, ergo vanus & stolidus: hinc illud Epigrammatistæ,

(a) Mart. lib. 2. Epig. 65,

(a) Bella es, novimus; & puella, verum est:

Et dives, quis enim potest negare?

Sed dum te nimium Fabulla laudas,

Nec dives, neque bella, neque puella es:

Nil nisi stulta es.

Hinc illud Servatoris, Matth. 16. *Quam fuerit Vespera, dicitis, Serenitas futura est; rubet enim cælum: & mane dicitis, Hodie tempestas erit, rutilat enim triste cælum. Sic nil agere cuius te pudere debeat, est Signum integerrimi hominis.* Hinc Livius Drusus apud Paterc. lib. 2. pag. 26 cum ædificanti domum in Palatio, promitteret ei architectus ita se eam ædificaturum, ut libera esset ac immunis à conspectu omnium, sic ut nemo in eam despicere possit; Tu vero, inquit, si quid in te artis est, ita compone domum meam, ut quicquid agam ab omnibus perspici possit. Tractare hastam, parmam, & arma, Signum est viri: quo Signo Ulysses, eam quæ tam cupide parmam tractaret non fuisse sceminam, sed Achillem in muliebri habitu se occultantem conclusit,

Injecitque martum, fortemque ad fortia misit.

Hæc & similia argumenta à Signo ducuntur. Tunc enim ducitur argumentum à Signo quando Medium est signum Majoris extremi: ut, Erubuit, salva res est; quasi dicat, Adulescens Verecundus probus est, Hic est verecundus, ergo probus; Verecundia, quæ est Medium, signum est futuræ probitatis, quæ est Major terminus. Idem in reliquis quæ adduxi exemplis facile conspicias.

Frequens est hoc arguendi genus, tum in vulgari sermone, tum apud Oratores, præsertim in causis judicialibus, ubi ex Signis tam antecedentibus, quam consequentibus, reum aliquem esse cædis aut flagitii perpetrari concludunt. Est verò lubricus valde & infidus hic arguendi à Signis modus; quare ut rectius ex hoc loco arguere possis, Regulas tibi aliquas proponam.

Argu.

Argumenta à Signis antecedentibus ab hominibus inventis, quæ neque cum effectu, neque cum causis illius effectus cuius Signa esse dicuntur, necessario coherent, non solum invalida sunt, sed planè inepta, imò & impia. Talia sunt Astrologorum omnes prædictiones ex firmamentis Planetarum. Si nascatur quis, quando Luna adit Solum Arietem pervagantem, aut Scorpionem, talis erit melancholicus: Si Jupiter cum Saturno in Horoscopo congregiatur, sapiens futurus est: Si Venus cum Jove, elegans, venustus, graciosus; & infinita hujus generis. In quæ omnia verissimè quadrat illa Sapienris vox, *vanitas vanitatis, & omnia vanitas*. Signa ista neque coherent cum effectis, neque cum causis horum effectuum, nec verò ullâ experientiâ istorum eventuum. Signa hæc esse 'cire unquam possunt. Nunquam enim à mundo condito eadem fuit ex omni parte cælestium sphaerarum positio, cum perodus morus noni orbis cælestis, non absolvatur nisi 49000. annorum spacio; ut testatur Clavius in Comment. in cap. 1. Joh. de Sacrob. pa. 55. Quare ex nulla cælestium orbium positione experientia horum unquam colligi potest. Deinde licet in corpora sublunaria, prout humida aut sicca, calida ac frigida sunt, magnam stellis fixis ac planis, & præcipue Soli ac Lunæ vim inesse libenter fateamur, vis tamen illa sæpe à secundis causis ac sublunariis, quæ perpetuò mutantur, multum retunditur ac impeditur, ne effecta producat. Denique, in ea quæ voluntariò fiunt, quæque educatione, usu ac consuetudine plurimum mutantur, nulla est astrorum vis, nec eorum significatis tanquam Prætorii edictis, aut divinis decretis obligantur homines:

—— *Sapiens dominabitur astris.*

Idem omnino sentiendum de Signis illis quæ à volatu aut cantu Avium, ab inspectione Extorum, à Physiognomicis Signis, ac Chyromanticis petuntur. Vanæ omnes ex his, similibusque conjecturæ ac divinationes, Cornix sinistra cecinit, ergo infortunium prædixit. Decem passeris Calchanti visi, decennale igitur erit bellum Trojanum. In Extis fissura est aut ruptura fibræ, ergo damnum aut exitium impendet. In Herculis fano arma sonuerunt, Herculisque simulachrum multo sudore manavit, ergo Leuctrica calamitas Lacedæmonii significatur; quæ, aliæque complura vides apud Cic. lib. 1. de Divin. Idem mensa palmæ lata tibi est & spaciola, ergo eris liberalis; angusta ergo parvus & sordidus; rumer mons Veneris, ergo libidinosus. In Jovis monte duæ rectæ lineæ, omnia igitur tibi ad votum fluent & voluntatem. Ineptiæ, nec quidquam aliud quàm germanæ geræ. Fateor sanè eventum ex his Signis prædictum nonnunquam accidere, sed hoc evenit non vi Signorum, quasi illa ista arguant aut significant, sed summâ fraude ac versutiâ Dæmonum, qui prænuntiata eventa sæpe ipsi efficiunt, aut ut fiant procurant, ut sic abducant cultores istarum vanitatum à vero Dei cultu, & in his vanissimis deliramentis spem suam ac fiduciam locent.

Invehitur acerrimè in hæc August. lib. 2. de doct. Christ. cap. 20, 21, 22, 23. Rejicit ibi hæc omnia, & cum his Noras etiam illas quas Characteres vocant, quibus vel suspensis collo vel alligatis utuntur nonnulli ad morbos depellendos, quæque ille sacrilega remedia, à præcantoribus Mathematicis, aut Divinatoribus accepta alibi vocat. Rejicit inquam hæc omnia, ut inepta, ut supersticiosa, ut dæmoniaca, & vere magnam dementiam, ac miserabilem servitutem vocat: Nam quisque, inquit, liter, cum ad Genethliacum, aut Divinatorem ingressus fuerit, dat ei pecuniam, ut servus inde exeat, aut Martis, aut Veneris, vel potius omnium syderum, imò omnium creaturarum, ac præcipue ipsius Dæmonis: nam Signa ista præsumptione humana instituta, nihil aliud esse dicit, quam quadam cum dæmonibus pacta & conventa.

Eandem stoliditatem Mathematicorum, qui actus nostros constellationibus subdere, nosq; ipsos stellis vendere volunt, refellit iterum ex conceptu duorum geminorum, quibus idem Horoscopus, sed diversissima vitæ ratio ac fortuna lib. Quæst. 83 q. 45. & inter alia, Priscillianistas Hæreseos condemnat, lib. de Hæres. ad Quodv. hæz. 70. quod illi, sicut Astrologi

(c) Suet. in
Aug. cap. 92.

Astrologi solent, fatalibus stellis homines alligare, quodque corpora nostra in Signis caelestibus sic subdi sentirent, ac si in singula membra singula Signa dominantur: constituentes in Capite Arietem, Taurum in Cervice, Geminos in Humero, Cancrum in Pedore, & cetera usque ad Pedum plantas, quas Piscibus tribuunt. De quibus ita subiungit August. Hec, & alia fabulosa, vana, sacrilega, heresis ista contexit. Ex eadem superstitione manavit observatio dierum, mensium, aut annorum, quasi infausi aliqui dies essent & signa infortunii. Hinc factum ut Augustus apud (c) Sueton. Postridie nundinas & omnibus Nonis nihil unquam inchoare vellet. Et quidem apud Gentes pleraque, praecipue apud Romanos, tantum hæc superstitio olim in valuerat (utinam non & hodie apud nonnullos Christianos.) ut fere nulli ex eis nisi consulto astrologo aut aruspice, an dies illa & hora fausta esset, nihil vel leviculum aggredi vellent: quos omnes, & omnia hujus generis deliramenta merito deridet Juvenalis. Satyr. 6.

*Ad primum lapidem vestari si placet, hora
Sumitur ex libro; si prurit frictus ocelli
Angulus, inspecta genesi collyria poscit.
Ægra licet jaceat, capiendo nulla videtur
Aprior hora cibo, nisi quam dederis Petosyris
Astrologus.*

Hanc omnem superstitionem condemnat Apostolus, ad Gal. 4. 10. & ex eo August. in Enchirid. ad Laur. cap. 79. *Magnum, inquit, est peccatum dies observare, & menses, & annos, & tempora.* Lubens hic multo plura attexerem contra istam Mathematicorum non artem (ars enim nulla est, ut verissime Augustinus) sed diabolicam seductionem, quæ multi dementati sunt, nisi prolixior esse vereretur. Moneo omnes, & uno verbo hortor, ut neque lucri, neque famæ, neque sanitatis, aut ullius rei prætextu se à Demonibus sic abducere à vero Deo illiusque cultu patiantur. Imitentur in hoc omnes Christiani Augustinum, lib. 4. Confess. cap. 2. licet tunc non Christianum: Cum juvenis aliquando theatri carminis certamen iniret, accessit ad eum Aruspex, *quæsitque quid ei mercedis dare vellet ut vinceret?* (Sacrificiis scilicet ille suis Dæmonia ut Augustino suffragentur invitare volebat) tum Augustinus fæda illa sacramenta etiam tum detestationi habens, constanti animo respondit, *Nec si corona illa esset immortaliter aurea, vel muscam pro victoria mea finire necari.* Nunquam committamus, ut vel commodi, vel ullius rei gratiâ audiamus illud quod olim Ahafia; *An non est Deus in Israele, ut catis ad consulendum Beelzebub?*

Quod vero dixi de Signis hujusmodi antecedentibus quæ cum effectu, aut illius causa non necessariò coherent, sed ab hominibus Dæmonum arte illulis inventa sunt & instituta, idem omnino de similibus Signis concomitantibus, & consequentibus effectum ullum, dicendum est. Argumenta ab ullo tali Signo ducta, vana, superstitiosa, sacrilega, demoniaca sunt.

A Signis vel antecedentibus, vel concomitantibus, vel consequentibus, quæ necessariam cum effectu quem norant, illiusque causæ coherentiam habent, argumenta firma ad effectus tales, nisi præcaveantur, ducuntur. Incipit quis cibos fastidire, oscitatione, nausæ, pandiculatione, seu distentione vexari; ergo qui sic affectus est, in febrim, nisi sedulo sibi prospiciat, incidet. Hæc enim ingruentis febris præludia sunt & prodromi: ut docet Levin. Lem. lib. 1. de complex. pag. 13. Sic cum oculi, ipsumque corpus auriginosum, id est, luteo ac flavo croceoque colore perfusum, & auro quasi obductum aut tinctum est, signum est talem Ictericum esse, & Ictero, seu ut vocant morbo regio laborare; nam hoc indicium est folliculorum fellis, seu flavæ bilis receptaculum, non posse se ea noxiorum humorum copiâ, quam ab Hepate exhaurit, exonerare; ideo refundit biliosos istos humores in ventriculum aut jecur, unde in universum corpus flava illa bilis cum sanguine diffusa, corpus

pus eo colore inficit: quare etiam morbus ille vocari solet Aurigo; & qui eo laborant Auriginosi, à colore auri; ab aliis Arquatus dicitur, à colore arcus cœlestis; Plinio moribus regius vocatur, lib. 30. cap. 11. quoniam non nisi exquisitissimo victu, mulso, ac mensa penè regali curatur: ut notat Lem. lib. cit. pag. 137. frequentissime verò Icterus dicitur ab Ictero aviculâ flavi coloris, quàm Latine Galgulum vocant, quæ conspecta, morbum eum curat; de quâ sic Plinius citato loco, *Avic Icterus si spectetur, sanari id malum tradunt, & avem mori.* A Signis hujus generis petuntur argumenta omnia Medicorum, quando ex Symptomatis de morbis concludunt: Proprie enim Symptomata sunt neque ipsi morbi, neque morborum causæ, sed quædam morborum indicia ac signa, quæ morbos velut umbra corpus necessariò sequuntur, ut ait Leonar. Fuch. Instit. Medit. lib. 3. sect. 1. cap. 8.

Signa autem istiusmodi quia connexionem necessariam habent vel cum morbis, vel cum morborum causis, ideo ab istis signis ad ea quæ designant, aut prænunciant, rectè argumenta duci possunt. Estque apud Medicos frequentissimum hoc arguendi genus, ad quos te, ut illi exemplis te instruant, dimitto.

Signa dubia contingentia, talia quæ necessariò cum re quam quis infert, non coherant, generare solum possunt conjecturalem assensum, non firmum, non certum, non cum in quo certò quis acquiescere debent. Ut hic est. crine ruber, niger ore, brevis pede, summe luscus: improbum hunc forrè conjicias, cave tamen asseveres. Invidiosè nimis Orator, orat. pro Roscio Comædo, in Faunium Chæream invehitur, *Ipsium caput & supercilia illa penitus abrasa, olere malitiam & clamitare calliditatem videntur: qui idcirco capite & superciliis est rasis, ne pilum ullum viri boni habere dicatur.* Sæpe evenit ut homines sibi consilii perpetrati sceleris pallore, timore, orationis titubantia, sese veluti sorices indicent.

Reg. 31.

— Difficile est crimen non prodere vultu.

Sed non est in his Signis ac conjecturis, satis virium ad condemnandum aliquem ut verè reum criminis. Judex (nisi sciat contrarium) ex allegatis & probatis, non ex conjecturis judicare debet. Conjecturæ autem solum ex hisce Signis nascuntur, non Certitudo. Nam quod Bellarminus (d) assensum ex conjecturis provenientem certitudinem vocat conjecturalem, ludit omnino, &, sophistam agens, verborum fuco decipere tentat. Nam Conjecturalis ista Certitudo, non magis certitudo est, quàm homo mortuus, homo.

Præsumptiones
ad hunc
Loc. spectant.
(e) Gloss. in cap.
Quanto.
De Præsum-
ption. lib. 2.
Decret. Greg.

Ad hanc regulam spectant argumenta illa omnia quæ Præsumptiones à Jurisperitis vocantur. Signa illa sunt, & suspicionem quandoque validam generare possunt, fidem verò facere, aut rem certò concludere non possunt. Quod verò dicitur, *Præsumptiones has, ad junctâ semiplenâ probatione plenam fidem sæpe facere:* Ut putat Conrad. Lagus part. 3. Method. utriusque Juris, cap. 25. Quod etiam dicitur, in Glossa (e), *temerariam præsumptionem rejiciendam esse, probabilem purgationem inducere, violentam verò quandoque sufficere ad condemnationem, & pro probatione accipere:* unde hi versus nati,

*Tu suspensus eris, si causa probalis extat:
Si violenta rues, non te temeraria tanget.*

Non sunt ista ullo modo probanda. Nam, ut ante dixi, utque lex ipsa Imperatoria (f) præcipit, *Judex debet ex allegatis, & probatis judicare,* non ex præsumptionibus, ut-
cunque violentæ sunt & vehementes. Quare rectè Innocentius 3. decrevit, (g) *Non esse propter solam suspicionem quamvis vehementem, aliquem de gravi crimine conde-
mnandum.*

(f) Dig. de of-
ficio Præsidis.
cap. Illicitas.
(g) Cap. Lite-
ras De Præ-
sumpt. lib. 2.
Decret. Greg.

A Signis quæ à Deo instituta sunt, ut essent futuri ullius eventus indicia, certissima & infallibilia argumenta ducuntur ad probandum illa quæ prænunciatur eventus esse. Iris Reg. 4.

signum

(h) Isai. 38. 8.
(i) 2 Reg. 20.
11.

signum est mundum hunc nunquam iterum diluvio periturum, certissime igitur ab Iridis existentia & conspectu, illud concludere licet. Promissit Deus Hesechias non solam sanitatem, sed vitæ prorogationem per annos quindecim. Cum signum horum postularet Hesechias, dedit ei Deus signum hoc quo ista certissime eventura sciret: *h) retrocessit Sol decem gradibus, itemque umbra (i) Solis in Solario Achasi*: singuli autem gradibus semihoras, non autem horas (ut putant quidam) notabant; aliter enim non potuisset Solis umbra & retrocedere 10. gradibus, & aliis decem declinare in solario. inde enim liquet solarium Achasi 24 gradus seu divisiones *ἡμωρῶν* habuisse. Retrocessisse & Solem & umbram conspexit Hesechias: eo signo certissime scivit se quindecim annos victurum, Isaiæ 7. 14. Dedit Deus hoc ut signum omnium suorum promissorum, tam universalium, quæ omnibus, quam particularium quæ singulis facta sunt; *Ecce virgo concipiet & pariet filium, qui est Immanuel*: Virgo concepit & peperit filium, qui est Immanuel, id est; Deus in natura nostra humana: hoc signo certissimi sumus ne unum iora aut apicem eorum omnium, quæ promissit aut prædixit Deus, præteriturum, sed omnia infallibiliter complenda esse.

(k) Plutarc.
in Theseo.

A Signis verò liberè ab hominibus datis ac institutis, Argumenta invalida sunt. Possunt enim homines vel memoriæ lapsu, vel alio errore, vel aliquo casu non præstare ea, quæ Signo aliquo ipsi significare volebant. Cujus rei clarum est in Theseo exemplum: Misit cum Ægeus (k) pater in Cretam, Minotaurum cum aliis ex pacto obijciendum; dedit verò ei pater in mandatis ut si sospes remearet, velum quod nigrum præsenæque fortunæ congruum erat, candido commutaret: Theseus occiso Minotaurum, lætus remeavit, sed paterni moniti, & dati Signi immemor, velo nigro reclusus est. Hoc Signo deceptus pater, filium suum occisum ratus, se in mare (quod ab eo Ægeum dictum est) præcipitem dedit.

Sed de Argumentis à Signo hæc satis multa.

C A P. XVI.

De Decimo tertio Loco arguendi, qui est à Testimonio seu Authoritate.

Superest nunc decimus tertius, & ultimus arguendi Locus. Eum alia à Testimonio vocant: sed, ut ego sentio, rectius multò ab Authoritate vocari debet. Vis enim tota hic arguendi Authoritate illius cujus testimonium adhibemus pendet. *Quanta enim fides testi debetur, tantam vim & pondus habet argumentum.*

An Argumen-
ta ducantur à
Testimonio.

Atque hinc ante omnia observandum est unum, quod aliis scio planè paradoxon, & plus quàm paradoxon videbitur; mihi verò post longam & seriam hujus rei ponderationem pro verissimo habetur: *Argumenta nimirum in quibus Testimonia ad quidquam probandum adhibentur, non esse argumenta à Testimonio, nec duci à Testimonio, ut à loco arguendi.* Hoc ex lege illa quam fundamentalem in arguenda dixi, liquet. Semper enim argumentum duci dicitur ab eo respectu quem Medium habet ad Majus extremum. Contexte jam centum, aut mille argumenta, in quibus ex Testimonio alicujus quidquam esse verum concludas, videbis Testimonium quod affers, nunquam esse Medium, sed semper Minorem terminum: Sic enim aut similiter semper formandæ sunt; Quod Deus testatur, id verissimum est, & fide certissimam amplectendum. Quod Arist. Logicorum omnium peritissimus in Logicis asserit, est pro vero accipiendum: at Arist. asserit in omni Syllogismo Conclusionem

Conclusionem necessario sequi ex Præmissis; ergo hoc pro vero habendum est. Vel sic, Quod vir summa auctoritate, peritus in aliqua scientia, & verax ait, id est verum: sed Arist. qui est vir peritus in Logicis, verax & maximæ auctoritatis, hoc asserit: ergo hoc est verum. Vides in omnibus, Testimonium esse Minorem, nunquam Medium terminum. Neque alium omnino locum habet unquam testimonium in ullo argumento, nisi Minoris termini. Quare juxta Regulam illam fundamentalem, extra dubium est, Testimonium propriè non esse ullum arguendi locum, neque unquam ullum argumentum à Testimonio propriè duci.

Unde igitur, inquires, ducuntur ista & similia argumenta si non à Testimonio? Ego reipsum hic Magistrum statuo ac Judicem. Tu ipse dicas quem respectum Medius terminus in his argumentis habet ad Majorem & notasti certò locum à quo argumentum ducitur. Scio non esse facile ac promptum, ne illum quidem respectum rectè indicare: sed ut ego planè sentio, Medium in omnibus hujus generis argumentis, est causa efficiens majoris termini, & major terminus est Medii effectum. Nam si rem perpendas, ipsa auctoritas, dignitas, & veracitas testis (quæ semper est medium) est causa efficiens credendi, aut amplectendi testimonium ejus ut verum, & fide dignum, quod est semper Majus extremum, & de ipso testimonio concluditur. Quare utcumque paradoxon hoc videatur, ego tamen non dubito asserere, omnia illa argumenta quæ vulgo ac frequentissimo omnium sermone dicuntur à Testimonio, verè à Causa efficiente duci, & propriè ac juxta saniorum Logicorum judicium, ad locum illum arguendi à Causa efficiente spectare. Nolui tamen vel locum hunc à Testimonio expungere, vel ad illum Causæ locum antea referre, duplici de causa. Prima, ne viderer tot doctissimorum hominum judicia parvi pendere, qui & locum hunc arguendi à Testimonio, ut distinctum tradunt, & ad eum talia argumenta retulerunt: Loquendum hic putavi cum vulgo, & hoc sensu vocanda hæc argumenta à Testimonio, non quia à Testimonio ducuntur, sed quia in hisce testimonia exprimuntur. Altera, quia Locus hic à Testimonio, etsi non sit Argumentorum, est tamen Axiomatum verè locus. Nullibi enim commodius Regulæ & Axiomata, quibus argumenta talia nituntur, & ex quibus an validè Testimonia eorum testium quos adhibemus conclusionem inferant, locari possunt, quam in hac Testimoniorum classe. His ergo de causis Locus hunc retinui, & tractandum hic suscepi, etsi ipsa argumenta in quibus testimonia ulla ponuntur, non ab ipso Testimonio (quod nunquam est medium) sed ab Authoritate, dignitate, scientia & veracitate testis, id est, à Causa efficiente duci sentiam. Quia ipsa de causis Argumenta ista omnia potius ab Authoritate quam à Testimonio vocanda monui.

Arque hinc ulterius intelligi potest quo sensu Argumenta hæc quæ à Testimonio duci putantur, *Inartificialia* vocari debeant. Certè enim non simpliciter Inartificialia sunt, cum ab efficiente causa ducantur omnia: cumque magnæ artis, magnique ingenii sit, rectè judicare quanta fides, quamque firmus assensus testibus quibuscumque debeat. Utròque hoc sensu Artificialia merito dicas. Sed quia veritas conclusionis quam inferimus, non pendet in his, (ut in aliis) ab habitudine vel unius termini in questione proposita ad alterum, vel unius eorum ad Medium, sed solum ab auctoritate, dignitate, & veracitate testis, qui id quod in questionem vocatur, vel asserit ita esse, vel negat; ideo Inartificialia vocantur quia non requiritur in his argumentis talis ars, qualis in aliis, ubi ex rebus ipsis, & ex habitudine unius termini ad alium, sine respectu ullius testis, veritas investigatur & invenitur.

His nunc breviter observatis, accedamus ad id quod caput est, & præcipuum in hac causa, quodque maximi plane laboris, artis, atque ingenii est, Regulas nimirum illas indicare ex quibus sciamus, validumne sit an invalidum hoc arguendi genus, quomodocumque voces, sive à Testimonio, sive ab Authoritate. Ego aliquon proponam, & quasi viam sternam, cum est Lector alias nostris addere, quando & quoties opus tibi visum erit.

Argumenta à Testimonio quomodo sint inartificialia.

Reg. 1.

Regula una generalis est hæc: *Quanta auctoritas, dignitas, scientia, probitas & veracitas Testi debetur, tanta fides, tamque firmus assensus illius Testimonio debetur.* In omnibus enim his argumentis non quid dicatur; sed à quo spectandum est: & Testibus, non testimoniis credendum est: ut recte dixit Hadrianus Imperator. Maxima autem est inter testes, fidemque quæ ipsi debetur, diversitas, Agamus primo de Divino Testimonio, tum de Humano.

De divino Testimonio.

Reg. 2.

Quicquid Deus testatur aut revelat, vel tibi soli, & cordi tuo, vel pluribus aut universis, sive immediatè per se, sive mediatè per ullum Angelum, Prophetam aut Apostolum, illud totum non solum verissimum est, sed & ea certitudine fidei, cui falsum subesse nullo modo potest, indubitanter amplectendum. Nam Deus non solum verax est, sed ipsa etiam Veritas, quæ nec falli potest, nec fallere. Ceterum illud hic sedulò observandum est, nunquam ex ullo testimonio Dei quidquam posse à nobis certo concludi; sic ut fide infusa & infallibili ei assentiamur, nisi nobis certissime constet, Deum ipsum esse qui id nobis restetur. Quomodo vero hoc certo sciamus? verbi gratiâ, hæc quæ ex sacris scripturis legimus, vel audimus esse vere verbum Dei? Dicam paucis: Externa Motiva, & Inductiva ad fidem multa sunt; & nullum ex omnibus, vel majus vel efficacius quàm Ecclesiæ Testimonium. Ceterum hic locum habet quod verè ait Bellar. (l) *In eis quæ creduntur ob auctoritatem humanam utcunque celebrem, est solum certitudo fidei humane, sive certitudo moralis; quæ tamen non sit tanta, ut ei nullo modo falsum subesse possit, (Omnis enim homo mendax) tamen tanta est, ut temerarius merito judicetur, qui contra sentiat aut disputet.* Quare externa omnia motiva, etiam ipsius Ecclesiæ vox, & Testimonium quia humanum est, fidem solum humanam, & moralem certitudinem (quæ falli potest) generat.

(l) Bellar. lib. 3. de Justif. ca. 2. sect. 1. Certitudo obscura.

At fides Divina quæ Infusa dicitur, & certitudo illa fidei quæ infallibilis est, infallibili ideoque Dei solius testimonio inniti debet, atque in Deum solum ultimo resolvitur. Quæcunque enim dogmata fidei è scripturis hausta, quisquis fide infusa credit, ea credit, quia Deum ista revelasse certissime credit; Deum vero ista revelasse credit, quia Deum ipsum intus sibi in corde hoc testificantem audit, videtque. Eum vero quem sic testificantem intus audit, Deum vere esse non credit quidem (nam fides est rerum inevidentium), sed ex se, & propter Deum ipsum solum, quem intus videt evidentè scit: Ut colores omnes per lumen, lumen vero ipsum non aliunde, sed per se & ex se solum vides: ita quæcunque dogmata in scripturis revelata, certitudine fidei fidelis animus credit, illa omnia credit propter lumen illud divinum & cœleste, infusum in cor ipsius & mentem; illud vero lumen, lumen esse vere divinum ac cœleste non aliunde novit, quàm ex illo ipso lumine, & per se

(m) Non credere nisi me] Ecclesiæ commoveret auctoritatem. Aug. lib. cont. Epist.

Manich. qua Fundamentum dicitur, ca. 3.

(n) Aug. li. 12. Conf. ca. 11.

(o) Canus li. 2. ca. 8. sect.

Huius vero.

(p) Stap. lib. 8. Princ. cap. 20.

(q) Stap. Tripl. ca. 16. p. 190.

Lumine ipso dicente, Johan. 14. 21. *Qui diligit me, & ego diligam eum, & equivocabimur, conspicuum me illi exhibebo.* Ita fit ut Deo, ipsiusque verbo, non propter hominem ullum credamus, sed propter Deum solum; & fidem omnem non in hominem, sed in Deum solum ultimo resolvamus. Inducimur (m) quidem primo ad fidem, & fide humanam primo credimus, propter vocem & testimonium Ecclesiæ; ut Samaritani primo credebant propter sermonem mulieris: quamprimum vero internus ille magister, qui (ut ait August. (n) *Loquitur voce fortis in aure interiori*) intus auditur, statim dicimus Ecclesiæ, ut Samaritani dicebant mulieri; *Eam non propter tuum sermonem credimus, ipsi enim audivimus & scimus quod hic sit Christus.* Audi hoc ex ipsorum Cano: (o) *Ultima, inquit, fidei resolutio, non fit in Ecclesiæ testimonium.* In quid igitur? Dic, clare. *Fit in causam interiorè efficièntem, hoc est, in Deum intuentem ad credendum; Verbi gratiâ: Huius articulo, Deus est trinus, assentiò per infusam fidem, non quia Johannes hoc dixit, aut quivis alius homo, sed quia Deus revelavit.* Huius autem Deus hoc revelavit, immediatè credo, à Deo, motu per instinctum specialem. Audi etiam Stapletonam, (p) *Ecclesiæ vox non est ultima fidei resolutio, ita ut in eam tanquam in auctoritatem supremam desinat, in eaque sistat mens fidelis.*

Quænam igitur illa suprema auctoritas? Doctrina, (q) inquit, nostra est, supremam causam & ultimam fidei resolutionem non esse Ecclesiæ vocem, sed Spiritum intus collu-

strantem.

stantem, intus docentem, intus persuadentem. Iterum, (r) Ecclesia iudicium inter cau- rStap. lib. 3.
sas externas ad credendum moventes, et maxime moventes, maxime inducens. Ecclesia v- de Auth. Sac.
ro non est (s) formalis ratio cur credamus, sed Deus intus loquens, suoque divina Spiritu s. scrip. cap. 12.
mum nobis veritatem intus testificans. Sic ille, qui idem plus centies inculcat, Clarif. sect. 12.
simè atque optimè omnium Augustinus, Quærit ille de uno textu Scripturæ quod de fia- (f) Cap. eod.
gulis fidei dogmatibus atque articulis quæri potest, quomodo sciat verum id esse quod scri- sect. 11.
psit Moyses, In principio erat verbum: Scripsit, inquit, (t) hoc Moyses, scripsit & abiit. Nam (t) Aug. li. 11.
si hic adesset, tenerem eum & rogarem eum, & per te obsecrarem, ut ista mihi panderet: Confess. ca. 31.
Quod si Hebræa voce loqueretur, nescirem quid diceret: Si autem Latine, scirem qui-
dem quid diceret, sed unde scirem an verum diceret? Quod si & hoc scirem, num &
ab illo scirem? intus utique mihi, intus in domicilio Cogitationis, nec Hebræa, nec Græca,
nec Latina, nec barbara veritas, sine oris & lingue organo, sive strepitu syllabarum dice-
ret, Verum dicis, & ego statim certus, confidenter illi homini tuo dicerem, Verum dicis. Sic
& divinitus planè Augustinus. Sed sisto. Nec in tam altum pelagus immittam hanc cym-
bam. Concludam igitur verbis Stapletoni, (u) & Fides eadem est in reliqua tota Ecclesia, quæ
est in Prophetis, Apostolis, iisq; omnibus qui immediate a Deo edocti sunt. Unam atq; ean-
dem habent formalem sui actus (id est, fidei) rationem. At Apostolorum & Prophetarum
immediate revelata fides, in solum revelatorem Deum ultimò resolvebantur, in eum solum
tanquam supremam & ultimam credendi causam definebat, atque sistebat, ergo & reliquæ to-
tius Ecclesiæ fides idem formale objectum habet.

Esti testimonia omnia Dei certissima sunt, omnia tamen non sunt Regule Catholice fi- Reg. 3.
dei, sed solum publica illius vox in sacris literis revelata, ideoque ab illarum solum te- (p) Bellar. li. 1.
stimonio ad dogmata fidei Catholica probanda arguendum est. Ad Regulam enim Catholi- de verb. Dei,
cæ fidei duo requiruntur. Primo, ut sit certa & infallibilis. Secundo, ut sit nota iis quibus ca. 1. sect. At
est Regula. Si nota non sit, Regula iphis esse non potest: Si certa non sit, Regula o- sacris.
mnino esse non potest. Hinc primò liquet, eam quæ Deus privatim alicui revelat, quæque in- (q) lb. in Præ-
tus in cordibus fidelium loquitur, etsi tam in sequam in iis quibus revelatur, certissima sunt: fas. sect. Por-
tamen fidem solum specialem spectant, & ab iis solum credenda sunt, quibus revelantur, non (r) Aug. lib. 3.
spectant ad fidem catholicam, quæ ab omnibus fide amplectenda est, nec pro fidei catholice cont. Epist.
regula ab omnibus recipienda sunt. Secundo liquet, humanum nullum testimonium aut Parmen. ca. 2.
iudicium posse esse Regulam fidei catholicæ: quia iudicium tale esse notum sit, tamen non est (f) Tert. Apol.
certum & infallibile. Et omnes homines conditione sunt ut & falli ipsi possint, & fallere neq; cap. 47.
infallibiliter eos verum semper judicare, potest ulli certo ac infallibiliter constare. Ut (t) Excitatur
nica igitur & sola fidei Catholice Regulæ est verbum Dei, publicè in sacris literis & Caus. 8. q. 1. ca.
canonicis libris conscriptum. His sacris scripturis, quæ Prophetis, & Apostolis li- Nec suffices
teris continentur, (verba cito Bellarmini) (p) nihil est notius, nihil certius: quare hæc fi- (u) Calv. Insti-
dei (q) catholica sunt sine dubio Regulæ: Et eas quidem Regulam fidei, puta morumq; cant Liberi
diserte vocat Apostolus, Galat. 6. 16 & Phil. 3. 16. Eandem Regulam & statutam vo- nos.
cat Augustinus (r): & Regulam veritatis Tertullianus, (f): & de iis Chrysost. hom. 13. (x) Turrian.
in 2. ad Cor. Hætemus, inquit, omnium exactissimam, Iustinam, & Gnomonem, ac Regu- cont. Sadel-
lam, divinarum legum assertionem. Idem & omnium clarissime declarat Beda super pag. 99.
Matth. (t) Ubi Sacras literas dicit, unicam esse credendi pariter & videndi præscriptam (y) Cælius li. 3.
Regulam. Regulæ aliæ omne, regulæ Lebia sunt, plumbeæ, flexibiles, fallibiles. Sola Loc. Theol. c. 2.
Sacra Scriptura vere est Aurea regula, inflexibilis, infallibilis. Dirigat te hæc Regula, & sect. Nec vero.
tutus à duplici scopulo cursum tenebis, A scæva, velut Scylla, Swinfieldii & Anabaptista- (z) Ecchius in
rum scopulus tibi occurrat. A dextra, velut Charibdis, Romanenium coetus emine, Ench. vit. de
Uterque Regulam vilipendit, & sibi subijcit suoque arbitrio: uterque Spiritu, sed humano, Ecclesia
præter & contra regulam ducitur. Prior spiritu privato, alter publico. Illi (u) literam (a) Hofius li. 3.
occidere dicunt, Spiritu suo interno vivificari & regi volunt. Hi Scripturam vocant gladi- de Auth. sac.
um Delphicum (x) Nasum (y) cerceum, ad sensum, quemvis flexibilem; quæ (z) non nisi scrip. sect.
ecclesiæ (suz) autoritate authentica sit, de qua posse pio (a) sensu dici voluit eam s. Fingamus.

destituatur Ecclesie auctoritate, non plus valere quam *Æsopi fabulas*. Spiritus igitur suo cæterno, & humano quem clémentem audire possunt, id est, Spiritu Papæ, regi volunt ac dirigi. In utroque perniciēs: uterque & æque fidem avertit ac tollit. Tu utrumque declina. In rebus Catholicam fidem moresque concernentibus, si vel spiritus privatus ullius hominis suggerat, vel spiritus publicus illius Ecclesie (id est, Papæ) ingerat quidquam, præter aut contra Auream illam, & ut rectissime ait Beda, *Unicam fidei morumque regulam*, alterum susurrus est, alterum clamor, atrumque maligni spiritus vox est: in utroque naufragium.

(b) *Per Ecclesiam intellige Pontificem.*
Greiz. Defens.
cap. 10. lib. 3.
de verb. Dei,
pag. 1450.
Reg. 4.

Et si simpliciter ab Autoritate nulla, ne divina quidem negativè concludere liceat, tamen in iis quæ ab Autoritate nullæ negativum argumentum à sacris Scripturis summissimè ducitur, sic ut si quid in Scripturis non contineatur, neque expresse, neque implicite, & per bonam consequentiam, illud ut fidei Catholicæ dogma recipiendum nullo modo sit. Ratio est quia ut Scriptura est Regula fidei, ita omnium fidei Catholica Credendorum est absoluta, integra, & perfecta Regula. Omnem salutis doctrinam tam plenè, tam perfectè, addo etiam tam perspicuè, complectitur, ut mandaverit Deus, Deut. 12. 32. *Quod ego præcipio, hoc tantum facito*, (sic habet eorum verus & vulgaris Editio, quæ sola ipsis authentica) nec addas quidquam nec minuas. Et Isa. 8. 20. *Ad Legem & Testimonium, si non dixerint juxta verbum hoc, non est in eis lux*: ne matutina quidem aut crepusculi lux, non scintilla ullalucis. Verissimè August. lib. 2. de doct. Christ. cap. 9. *In iis quæ aperte (nota aperte) in Scriptura posita sunt, illa omnia (audin' omnia) quæ continent fidem, moresque vivendi.* Nec minus clare Chrysost. hom. 3. in 2. ad Thessal. *In Scripturis divinis quæcumque necessaria sunt manifesta sunt.* Ecce, omnia ad fidem necessaria & scribuntur, & clare ac dilucide in sacris literis scribuntur. Quicquid ibi non scribitur, non creditur. De omni dogmate non scripto, verissimè & rectissime arguas, ut olim contra Helvidium Hieronymus, *Ut hæc quæ scripta sunt non negamus, ita ea quæ non sunt scripta tenuimus.* Christum natum de virgine credimus, quia legimus: Mariam nupsisse (id est, cognovisse virum) post partum non credimus, quia non legimus. Arguas verè ac firmiter, ut contra Hermogenem Tertull. cap. 22. *Adoro Scripturæ plenitudinem; doceat Hermogenis officina, Scripturæ esse* (illud quod pro fidei dogmate tradit) *Si non est scriptum, timeat. Væ illud adjicientibus aut detractentibus destinatum.* Quis nunc traditionibus locus? Traditionibus inquam non scriptis. Quo in genere, præter alia, hæc recensent; Prædicationes,

(c) *Pet. Canis.*
in Summa
Doctr. Christ.
lib. de præcep.
Eccles. nu. 5.
pa. 96.

(d) *Bell. 1. 4. de verb. Dei. ca. 2.*
S. Altera.

(e) *Lindan.*
Panopl. 1. 4. ca.
100.

(f) *Pet. Soto. 1.*
cont. Brenium.

(g) *Hil. in Psal.*
132.

(c) & oblationes pro defunctis; Imaginem Christi, & Sanctorum venerationem; unctionem Chrismatis; Sacrificium Missæ, & quæ in ea peraguntur officia: Beatam (d) Mariam fuisse semper virginem: Originale (e) peccatum Baptismo expiari; Eucharistiam esse verum Christi Corpus, seu transubstantiari panem: Petrum (f) fuisse Romæ, & Romanum episcopum: Torum Sacramentum Confirmationis, Ordinis, Matrimonii, Poenitentiae, Unctionis ætremæ, Necessitatem satisfactionis, enumerationem peccatorum faciendam Sacerdoti. Bene certè est, vobisque gratulor quod tradita hæc non scripta agnoscitis. Nihil igitur horum in factis literis habetur, non inquam ibi vel expresse vel implicite. Nam si illic vel explicite vel implicite haberentur, Scripta essent: vos verò hæc *Non scriptas Traditiones*, verbum non scriptum esse dicitis. Idem verò verbum, ut sit & scriptum, & non scriptum planè impossibile est. Nolite deinceps nobis molesti esse in Scripturis ad ista probanda torquendis. Uno hoc verbo expunxistis, & æternum refutastis omnia, quæ pro ullo horum, ex sacris Scripturis tam operose scripsistis, aut unquam conscribere potestis, verba ista non scripta sunt. Et nos sanè, quia non scripta, repudiamus. Normā nobis fidei Scriptura est, eritque. *Quæ in libro Legis non continentur, ea nec nosse debemus*, ut pulchrè ait Hilarius (g): non nosse inquam ut verba Dei: non nosse ut fidei dogmata. In iis quæ ad Catholicam fidem spectant, ultra hanc Regulam non scimus quidquam, non sapimus. *Fides in Regula posita est.* Nihil ultra scire omnia scire est, ut eleganter ait Tertul. lib. de præf. ca. 14.

Dictum.

Dictum satis de Divino, ad Humanum veniamus Testimonium. De omni tali Testi- *De Testimonio*
monio generalis est hæc unica Regula: *Humanum nullum Testimonium certum, indubita-*
tum, & infallibile est, aut tale cui, certitudine fidei, falsum subesse non posse sit assen-
tiendum. Humanum dixi non hominem: Nam Testimonia quorundam hominum, eo- *Reg. 5.*
rum nempe qui Θεοπνεῦστοι erant, (quia Spiritu Dei infallibiliter regebantur) infallibilia
sunt, non enim ipsi ih̄sum loquebantur, sed Spiritus Dei in ipsis: nec à voluntate hu- *h̄ Mat. 10. 20.*
mana, sed à Spiritu sancto locuti sunt homines Dei: Quare Testimonia eorum verè *i 2. Pet. 1. 20.*
divina erant, non humana. Ipsi dictum, ipsi inquam solis, non aliis, non Episcopis, non *21.*
Ecclesiæ, & Spiritus ducet vos in omnem veritatem, Humanum vero Testimonium il- *1. 2. Cor. 13.*
lum est quod ab humano spiritu proficiscitur, cuique fides acquisita, id est, per humanarum
causarum incitamenta, ut loquitur Canus *m̄ Canus 1. 2.*
datur. Tale est hominum omnino omnium *loc. Theol. c. 8.*
(exceptis Prophetis, Apostolis, atque Amanuensibus Dei) Testimonium. Testimoni-
um igitur omne huius generis fallibile est, quia etsi verissimum sæpe id sit quod homi-
nes testantur, tamen omne illud quod testantur verum esse, nobis certò atque infallibi-
liter constare nullo modo potest. Omnis enim homo mendax, fallax; qui & falli potest *n̄ Psal. 116.*
ipse, & alios fallere. Humanum est errare, labi, decipi. Rectè hic Canus o. Nunquam *11.*
ita per fidem acquisitam quemvis hominem existimamus esse veracem, quia formidemus eum
posse vel falli, vel fallere. Atque hinc sequitur, Fidem infusam, qui falsam subesse non po-
test, nunquam inniti humano Testimonio ut ultimo suo fulcro & fundamento, solummo-
dò divino.

Est vero inter humana Testimonia permagna atque latissima differentia: nam sicut ali
aliis: magis periti, probi, atque veraces sunt; ita majori fide, & firmiori assensu eorum
Testimoniis adhærendum est, Agemus de Testimonio primò Ecclesiæ, secundo Con-
ciliorum, tertio Patrum, quarto Episcopi Romani, quinto Scholasticorum, sexto
Philosophorum, septimo Historicorum, tam Ethnicorum quàm Ecclesiasticorum, octavo
Hominum quorumvis è Plebe. Agit de his Mel. Canus, sed in plerisque tam longè à
vero abit, & tam fallaces regulas tradit, ut operæ pretium esset, illius errores non de ege-
re solum, sed refellere. Quod ego hic pro virili fecissem, inque vobis habebam, nisi
metuissem filium hoc Logicorum argumentorum tam longè protrahere; digitum ergò solum
intendam, quod reliquum est, Lectori illiusque ingenio atque industria relinquendum cen-
sui.

Ecclesia quævis particularis errare in fide potest; addo etiam à fide deficere, idèoque *De Ecclesiæ*
ab illius Testimonio infallibile argumentum peti non potest. Erravit & defecit à fide Ec- *Testimonio.*
clesia Judaica, vinum ejus in acerem, aurum in scoriam, multis jam seculis versum est: *Reg. 6.*

Ipsi primarii Sacerdotes quos maxime ab errore immunes fecit Moysis Cathedra, & promissio illa Dei, *Ipsi indicabunt tibi iudicii veritatem*, illi inquam, Christum blasphemasse p p *Mat. 26. 65.*
& reum mortis esse judicarunt. Pudeat vos Hosii vestri, cujus hæc sunt verba q, *Ve-*
ritas iudicii hic iudicata, vera sententia hic pronunciata fuit. Quænam illa? Reus est cont. Brent. *fol 34.*

crilegium, ac blasphemum! Illène reus mortis qui innocens & innoxius vitam dedit? An
& blasphemus etiam? Ea iudicii pars. Errarunt, & à fide defecerunt Ecclesiæ illæ Asia-
ticæ Galatarum, Ephesorum, & alie quæ olim Christiani orbis clarissima lumina & lam-
pades fidei fuerunt: quarum unam Apostolus r. vocat (quod idem in reliquias, aliisque e- *r 1 Tim. 3. 15*
mnies particulares Ecclesias quadrat) *Columinam veritatis*: Officio enim columnæ sunt; sic
esse debent & ipsa tamen & alia, sæpe sunt sententiæ hæresum. Idem de Alexandrina,
Constantinopolitana, Antiochena, & Hierosolymitana (Patriarchalibus illis Ecclesiis) facili-
tè ostendi posset Tu quoque Roma (quæ magistra fidei, Domina ac Regina audire amat,
quæ dicis in corde tuo, Sed eo Regina, errare non possum, mortem & luctum non vide- *1 Bell. lib. 4.*
bo) tu inquam non erroris solum, sed & Apostasiæ rea es: Inebriasti omnes gentes vino de Pont. Rom. *cap. 4.*
scortationis tuæ, Domicilium facta es Dæmoniorum, & Asylum Idololatricæ Ruina, exi- *Apoc. 18. 21,*
tium, & lapis molaris magnus, (non es nescia) imminet tibi & cervicibus tuis: prehen-
dent

- (u) Complures dent te die una plagæ, luctus, mors, & desolatio: visio ad constitutum tempus est, & non imò & ipse minuetur; si cunctabitur, expecta; nam omnino eventura est, & non tardabit. Vis erroris tibi designem & tempora? Edicto suo piissimo anathematizavit hæretica illa tria Capitula (sub quibus omnia Nestorii dogmata latebant) Imp. Justinianus. Insurgit(u) ante an. 546. nu. 38. omnes adversus Imperatorem, ipsiusque sanctissimum dictum Papa Vigilium, verè signifer Nestorianorum. Postquam ille classicum cecinisset, sequuntur hunc ducem non Romana solùm, sed propè tota Occidentalis Ecclesia. Bello sic per Ecclesiam Romanam Justiniano, & fidei catholicæ indicto, Vigilium non literis solùm ac censuris, sed etiam Synodo, & Decreto (x) definitivo, cui ipse cum aliis subscripsit, defendunt acriter tria illa capitula, & defendenda definiunt: & pro ipsorum defensione, exilium eorum nonnulli (inter quos si Baronio (y) fides Vigilium) patiuntur. Videntur tuum lapsum in omnes Nestorianorum hæreses? Sed à me, scio, erroris argui non feres. Audi igitur tuum Thomam Waldensem, (insignem illum hæresium Wicklesi expugnatorem qui, explicans quæ illa sit Ecclesia *cujus fides indefectibilis est*, disertè asserit, *Non esse ullam specialem Ecclesiam: non Africanaam ut voluit Conatus, non etiam particularem illam Romanam.* lib. 2. doctrinal. fid. Artic. 2. cap. 16.
- (z) Posse. Ap. Ecclesia universalis, prout sumitur pro toto cætu fidelium hujus aut illius sæculi à morte Apostolorum, errare potest; ideoque illius Testimonium non est infallibilis fidei; quamvis etiam totam illam Ecclesiam nunquam errasse fateamur, quamvis insuper eandem totam simul infallibilem esse concederemus, nihil tamen inde concludi posset, vel pro dijudicandis controversiis ullis fidei, vel discernenda veritate. Errare totam posse liquet, quia singuli in ea falli possunt & fallere; Vigilium æquè ac Cyprianus; Sylvester & Leo, æquè ac Irenæus ac Papias. Singuli homines sunt, & quia singuli errare possunt, possunt igitur & universi. Sed ponamus omnes simul nunquam errare, nunquam simul errare posse; potest tamen dimidia, potest major illius pars errare; & cui te parti tum ad jungas? vel quomodo singulorum qui per orbem sparsi sunt (myriades myriadum sunt) judicia exquiras? ut possis, tamen omnes Authoritatem judicandi Controversias fidei non habent; non enim Laici ulli quorum longè maxima pars. Rectè Canus (a), *Veritas in controversiis fidei non est querenda à populo tum quia id operis esset infiniti omnium fidelium sententias rogare, tum quia (ut commodissime heri possit) non decet tamen omnium sigillatim inquirere & expectare judicium. Ineptissimum esset (b) ut imperitum vulgus, delirus senex, garrula anus, sutor indoctus consulari: quare ridicula futura esset talis inquisitio; sic enim per Ecclesiæ authoritatem nulla penitus controversia finiretur.* Sic ille. Idem plane docet Stapletonus. Ecclesia, inquit d (ut pro toto corpore fidelium accipitur) habet assentientiam Spiritus, & stabilitatem fidei; sed Ecclesia sic accepta de rebus controversis non judicat. Ratio est, quia nec omnes consuli & adiri possunt, nec omnium est de fide pronunciare: quia Laici & privati homines nullam habent de rebus fidei judicandi potestatem. Quare ad Ecclesiæ sic acceptæ judicium appellare, aut ab ejus Testimonio argumentum petere, res est inepta nimis & ridicula.
- * Ecclesia Catholica (seu ut Waldensis (e) vocat Symbolica, quia illa est cujus in Symbolo mentio) per totum mundum sparsa, & à Baptismo Christi, per Apostolos & eorum successores ad hæc tempora devoluta, veram fidem continet, & Testimonium fidei veritati perhibet (huc usque verba Waldensis.) ideo ab hujus Ecclesiæ Testimonio quod infallibile est, firmissimè in rebus fidei arguere potes. Ratio est, quia in hujus Symbolicæ Ecclesiæ Testimonio semper includitur Apostolorum Testimonium, quod est infallibile. Reliquorum autem consensus, humanam solùm fidem addit. Itidem Ecclesiam accepit (f) Driedo, lib. 1. de Eccl. dog. cap. 1. & ut Canus fatetur, eodem sensu sumpsisse videntur Irenæus, lib. 3. cap. 3. & Tertull. lib. 4. contra Marc. & August. lib. 33, cont. Faust. & lib. 2. de doctr. Christi, cap. 8. & Epist. 63. Atque hinc merito Stapletonum rideas. Explicans ille articulum illum Symboli, *Credo sanctam Catholicam Ecclesiam*, ait (g) hunc esse illius sensum, *Credenda esse ea quæ docet Ecclesiæ: vel, Credo illa omnia quæ Deus per Ecclesiam me docet;*

docet; id est, Credo Ecclesiam vera docere. Quia verò videbat Stapletonus, Grammaticam non posse hunc sensum ferre, si enim ea Symboli mens fuisset, dici debuisset: *Credo Ecclesie*, non *Credo Ecclesiam*) ideo vertit se ad nobile subterfugium, *Sensum hunc esse Theologicum quidem, licet non sit Grammaticus*. Apage Stapleton! an Theologia cum Grammatica pugnat? Imò conspirant ubique, & optime. Sed ut Bellarminus, cum juxta Logicæ regulas solidè arguere non posset, confugit ad regulam Prudentiæ, itidem plane Stapletonus, cum videret se à vero genuino, & grammaticali Symboli sensu aberrare. Theologicum sensum qui Grammaticæ repugnat excogitavit: Scilicet in res se habet. Nupera ipsorum Theologia antiquis Logicæ, & Grammaticæ simul regulis repugnat; nova illis Logica, nova Grammatica cudenda erat, ut nova ipsorum Theologia vel sensum habet vel rationem. Age verò, putemus cum quem tu, invitis Grammaticis omnibus, vix, Symboli sensum esse. Ne sic quidem hilum proficis. Crede Ecclesiam Catholicam non modo veram & veracem, sed & infallibilem esse. Ea tamen Ecclesia Symbolica est, ut docet Waldensis, Deriedo, etiam Irenæus, Terrull. & Aug. non Ecclesia hujus præsentis, aut ulius alterius post Apostolos ævi, ut tu (h), cuique (i) maximo errore accipere soletis, sed est totus fidelium cœtus à Baptismo Christi ad hæc tempora, Ecclesiam vero hanc veracem & infallibilem esse quis negat?

* *Ecclesiæ præsentis auctoritas, judicium, & testimonium quodcumque & quantumcumque sit, ad Orthodoxam solum Ecclesiam referendum est, & ad eam spectat.* Sæpe evenit ut Ecclesia universalis in duas partes scissa & schismate dilacerata sit. Pars altera sana est, integra & orthodoxa; altera corrupta, hæretica, idololatrica, aut Antichristiana. Hoc quoties evenit, (& evenit certè sæpissime) Schismatica partis, hæreticæ & idololatricæ, etsi multo maxima pars sit, (ut sæpe est) judicium & testimonium in causis fidei nullius omnino ponderis, auctoritatis, aut valoris est, aut apud Christianos æstimari debet. Ista enim pars, arbitrio suo ducitur, non ratione; factionem sequuntur, non Regulam fidei; Imò ipsi factio sunt in Ecclesia. *Factionem enim facit non numerus sed causa*: cum pertinaces homines sive multi sint sive pauci, semitâ veritatis relictâ, pro libito statuunt, & quid ipsi credere volunt, & quid ab aliis credi volunt, & ab eis qui contra sentiunt, quique veritatem & regulam unice amplectuntur, Schismate in Ecclesia facto se segregant. Illa pars Ecclesiæ quæ sana & orthodoxa est, etsi pusilla sit, & angustis unius solum provinciæ finibus comprehensa, Catholica Ecclesia verè est & dici debet: ut rectè docet Driedo, & post eum Bellarminus (k). Huic catholicæ Ecclesiæ quantumcumque pusilla sit & angusta, fides tanta habenda est, quanta Ecclesiæ præsentis illius ævi debetur. Quantacumque sit multitudo prioris partis Ecclesiæ, quæ corrupta & hæretica est, nullius ponderis & auctoritatis est istorum judicium ac testimonium. Multitudine sæpe vincunt, non veritate; multitudo vero fides non est metienda, sed Regula: Decem tribus vitulos coluerunt, dux solum Jehovah: ac in duabus his sana Ecclesia; decem illæ (quæ numero vincebant) factio solum erant, schismatici erant. Cum in terris agebat Servator, Sacerdotes, Scribæ ac Pharisei (in quorum sententiam vulgus Judæorum pedibus ibat) fidem, & Christum ipsum oppugnabant; qui fidem amplectebantur, & Christum, erant pauci, nec numero, nec dignitate, ac splendore cum prioribus conferendi: In hac ramen Ecclesiæ scissura, pauci hi sana erant Ecclesiæ pars, infinitus verò aliorum numerus nil nisi factio in Ecclesia, nil nisi Schismatica Ecclesiæ pars. Sub Constantio Imperatore nomine unitatis (l) & fidei, infidelitas est scripta, & Mediolanensi & Ariminensi Conciliis decreta; Ariani ubique tum triumphabant, urbes, oppida, Ecclesias omnes occupabant, opplebant. *Ovisque nomen pene abolitum, & Nicene fidei damnatio conclamata erat: Ingenuit totus orbis, & se Ariarium esse miratus est.* Athanasius, Hosius, Liberius, & paucissimi quidem alii, inopes, exules, urbi & orbi exosi, pro fide stabant, nec perstabant omnes tamen. Arianos tum sequi, erat unitatem sequi, communionem Ecclesiæ sequi; à partibus Athanasii stare, nil erat aliud quàm à totius mundi communionem sciendi. Et tamen paucissimi hi sana erant tum Ecclesiæ pars, reliqui omnes (totus fere tum mundus) factio erant, & nihil aliud nisi schismatica, hæretica, Eccle-

(h) Stap. lib. 9.
Princ. ca. 12.

(i) Can. 1. 2. c. 7.
§ Illud Gretz.
Defens. ca. 10.
lib. 3. de verb.
Dei, & alibi.
* Reg. 9.

(k) Bell. 1. de
Notis Eccl. ca.
7. sect. Tertio.

(l) Hieron. ad
ver. Lucifer.

siæ

m Theod. l. 2.
cap. 16.

n Bell. lib. de
Notis Eccl.
cap. 7.

o Apo. 13. 16.
Bell. li. 3. de
Pontif. cap. 7.

q Gasp. Sciop.
præfat. ad Im-
per in summa
cap. 147.

r Idem in
Eccles. ca. 38.

s Isai. 28. 16.

t Bell. Præ-
fat. in lib. de
Pont. Rom.
sect. Quæ.

u Gregor. 7.
sic dixisse te-
statur Job. A-
vent. lib. 5.

Reg. 10.

fiæ pars; Major quidem longè, sed & longè deterior. Quid hic faceres? si ab Ecclesia (quam tu numero, dignitate ac splendore metiris) suffragia petiisses, si multitudini, si præfentis Ecclesiæ testimonio tum fidem habuisses, eversa & submersa fuit tum Christi navicula. Pulchra est Liberii pontificis Rom. vox & di-ceptatio pro fide adversus Imperatorem, mortem ei & exitium minitantem: *Quota (m) pars orbis es tu Liberi, ut tu solus homini scelerato (Athanasium vult) assentiarius, & orbis terrarum ac totius mundi pacem dissolvas?* Cui sic Liberius, *Non diminuitur solitudine mea verbum fidei: nam & olim tres solium inventi fuerunt qui edito Nebuchodonoseri resisterent.* Ipsi illi qui multitudinem Notam esse Ecclesiæ clamitant, non sunt nescii, futurum tempore Antichristi, ut multò maxima pars eum veneretur: *Faciet ille (o) ut omnes, parvi & magni, divites & pauperes, liberi & servi accipiant Cbs: a dærem ejus vel (palam) in fronte, vel (occulte) in dextra. Interdicit ille divinum omnem cultum, cessabunt publicæ religionis ceremoniæ & sacrificia.* Præ ista multitudine quid sunt pauci illi, in solitudine, in Cryptis se abdentes & latitantes? & tamen ille pusillus grex erit sana tum Ecclesiæ pars, Antichristi verò turba & turba, nil aliud quàm prævalens & prædominans in Ecclesia factio. Si tum fides ex numero & multitudine æstimeretur, actum plane erit de fide: major pars vincet meliorem. Hora hæc, hora est Antichristi, & fuit ab anno à nato Christo plus quàm septingentesimo Ecclesiam (Romanum intelligit) tum mandram asinorum (q) tum etiam vitulum (r) esse dicet, ac docet Sciopius: *Vitulus iste (Antichristum dico) natus circo annum 605, cum Episcopi Universalis nomen obtinuit Rom. Pontifex. Adoleverat vitulus post annum 700. & cepit cornua gestare; suum robur ac vim, quanta esset, voluit primò omnium experiri in secundo Niceno Concilio; postquam tam robusta vidit, ut Episcopos quosvis ferire non solum, sed ad libitum quo veller pellere, ac depellere: Voluit deinceps cum Regibus, Imperatoribus, ac mundi Monarchis certamen inire. Et quia Vitulus jam in Taurum excreverat, ferox ac ferociens in Hildebrando bestia, prostermit sub pedibus, & conterit Imperatores, sceptris eis & diademata adimit, cervicibus eorum inculcat, eosque pro libito proculcat instar luti. Factus jam mundi dominus, nihil supererat, nisi ut in thronum Altissimi ascenderet; factum & id quoque: Vitulus in Taurum, Taurus in Luciferum, imò in Deum versus esse factum hoc cum in Concilio Lateranensi sub Leone decimo se supra omnia Concilia evexit. Illius post id vox pro voce Dei, illius decreta pro decretis Fidei habita sunt. Tum ille vere Petra & Ecclesiæ & Fidei: verè tum fundamentum, & lapis angularis; lapis ille de quo Isaias, (s) *Ecce pono in Sion lapidem, lapidem probatum, angularem, pretiosum, in fundamento fundatum.* Ecce vobis, inquit Bellarminus (t) (Papam digito demonstrans, *Ecce vobis lapidem in fundamentis Sion.* Ita vitulus iste Romanus primò imperium in Episcopos, tum in Imperatores, postremò in Christum ipsum sibi arrogavit, & sedis in templo Dei tanquam Deus, præ se ferens se esse Deum, dicensque, Deus (u) sum, errare non possum. Etates nunc vides Antichristi: *Nascentis* in Bonifacio circa ann. 606. *Juveniliter exultantis* & lascivientis in secundo Niceno Concilio ann. 787. *Regnantis* in Hildebrando & successoribus post ann. 1075. *Triumphantis* in Leone decimo ann. 1517. Ultima periodus *Senescentis* est: nam non diu post marcescere coepit, & velut tabe confici & consumi spiritu oris Domini: abolebitur verò illustri adventu Christi. Quæ obsecro istis seculis, g'iscente hoc Schismate, fides habenda Ecclesiæ isti, factioni illi, inquam Antichristi prædominanti tum in Ecclesia, & dominantis in fidem? Quantam fidem Ecclesiæ habes tota orthodoxe debetur: schismatica in Ecclesia factio nihil planè est æstima-
manda.*

In rebus non ad fidem sed ad disciplinam Ecclesiæ spectantibus, Ecclesiæ universalis toti Ecclesiæ, Ecclesiis particularibus Ecclesiæ particularis Testimonium firmissimum est, & pro regula discipline sequendum. Ratio est, quia in his scriptura silet, nec particulariter quidquam sequendam præscribit. Quoniam igitur omnia in Ecclesia ordine ac decenter fieri oportet, eorum vero quæ ordinem & decorum spectant nemo Judex est præter Ecclesiam, igitur in his sequenda semper est Ecclesiæ autoritas; Principium nimirum

&

& Episcoporum, quibus suam Ecclesiam regendam commisit Deus. Recte ita in his adia-
phoris arguere potes & debes, Ecclesia hec vel illud observandum præscribit, ergo hec vel
illud est mihi observandum; & nisi observem, scandalum do. Nec verò (quod insolentia
quadam & fastu faciunt nonnulli) carpendæ sunt Ecclesiæ consuetudines, quasi pravæ
sint, quasi parum utiles, quasi in meliores mutari possunt. Mutatio omnis, præsertim in
Ecclesia, periculosa est; *Ipsa quippe mutatio consuetudinis, etiam quæ adjuvat utilitate,
novitate perturbat*: ut rectissime Augustinus (x). Nec minus in Ecclesia quam Repub-
lica observandum id quod Arist. præcepisse ait Contrad. Lagus, (y) *Non cogendi homi-
nes ut id dextrâ faciant, quod sinistrâ recte facere didicerunt*. Et licet in his magna nu-
sæpe sit observationum diversitas in diversis Ecclesiis, ut vestis variegatæ diversus est color; y *In Method.*
nihil tamen id puritudo interinæ efficit, quamdiu unitas fidei in diversitate rituum con-
servetur. Vetus est & verum dictum, *Dissonantia (z) jejunii non dissolvit consonantiam* part. 1. ca. 5.
fidei. Rectissime Aug. Epist. 86. ad Calulanum: *In his de quibus nihil certi statuitur Conc. Aug.*
Scripura, Mos populi Dei, vel Instituta majorum pro lege tenenda sunt. Et lib. 1. ad Confess. p. 386.
Inquis. Januarii, cap. 2. Disciplina nulla est in his melior, aut gravi, prudentique Chri-
stiano dignior, quam ut eo modo agat (in rebus his adia-phoris) quo agere videris Eccle-
siam ad quamcunque forte deveneris. Audi Oraculum Ambrosii, cum (a) esset aliquando
in civitate Mediolanensi, Monica Augustini mater, sollicitudinem magnam gerebat, u-
trum secundum morem suæ, i. Hipporen-sis civitatis esset Sabbatho ei jejunandum, an
Ecclesiæ Mediolanensis more prændendum: Augustinus (qui Mediolani tum erat,) ut ma-
trem suam ea sollicitudine liberaret, Ambrosium illius civitatis tum Episcopum adit, quid
sit faciendum consulit; cui sic Ambrosius: *Quid hic possum docere amplius, quam quod*
ipse facio. Quando hic Mediolani sum, non jejuno sabbatho; quando Romæ sum
(ibi jejunium sabbatho pro more observatur) tum jejuno sabbatho; & ad quamcunque
Ecclesiam veneris, inquit, ejus morem servate, si pati scandalum non tu'is aut
facere. Hoc consilium Monica tum sequuta, & Augustinus illud pro Oraculo habuit.
Idem & tu, si sapias, habe. Vera enim & verè aurea est illa Augustini vox: *Contra Ra-*
tionem nemo sobrius, contra Scripturas nemo Christianus, contra Ecclesiam nemo pacifi-
cus senserit.

a Aug. Epist.
86. in finem

Ab Ecclesia ad Concilia, id est, ab universali Ecclesia ad representativam progredi-
amur; ab horum Testimoniis quomodo arguendum sit, videamus. *Inter omnia humana*
Testimonia, summum, certissimum, & fide dignissimum est Concilii Generalis &
legitimi Testimonium. Generalia Concilia sunt, ad quæ Episcopi omnes Christiani or-
bis evocantur, & evocati liberum accessum habent. Nam nisi omnes vocentur, partes so-
lùm aliquas Ecclesiæ, non ipsam totam Ecclesiam representant, nec judicium eorum judi-
cium totius Ecclesiæ, sed partis solùm illius erit: Quare cum Arriani Concilium suum An-
tiochenum, in quo damnatus est Athanasius, pro Generali Concilio venditabant, merito
ac jure optimo respondit ipsis Julius, non debere illud Concilium generale æstimari, quia
* *ipsum suosque Occidentales Episcopos non evocavit, ne convocant quidem ad Conci-*
lium. Oportuit verò (verba sunt ipsius Julii (c)) *secundum Canonem, & non isto mo-*
do judicium fieri, Oportuit scribere nobis omnibus (non soli Papæ, sed omnibus Episco-
pis) ut ita ab omnibus quod justum esset decerneretur. Concilia tum legitima sunt,
quando Episcopi & legitima auctoritate evocantur, & legitimo ac synodali ordine proce-
dunt in judicando: Legitima vocatio ad Imperatores solùm spectat, ad unum si unus est
Christiano præsit; ad plures, si præsunt plures. Legitimus ac Synodalis ordo requirit
ante omnia, ut præsideat in Concilio Imperator, aut reges illi qui illud convocant: & sic
præsideant ut Synodalem omnem ordinem & ipsi servant, & ab omnibus servari faciant.
Synodalis ille ordo quem eos procurare oportet, in duobus præcipue consistit: Prius ut sit
libera causæ discussio, libera etiam ejusdem per suffragia Episcoporum decisio, idque ex
verbo Dei. Utrorūque habes illustre exemplum in Concilio Niceno primo. Sic & plane

De Testimonio
Conciliorum. 1
Reg. 11.
Conc. General.

* Socr. lib. 2. c.
13.
c. Epist. Julii
apud Atha-
nas. Apol. 2.
Conc. Legiti-
mum.

Thcod. lib. 1.
hist. cap. 7.

g Añ. Ephes.
con. 10. 2. c. 22.
h Conc. Chalced.
Añ. 12. p. 119.

i Bell. lib. 1.
di Conc. c. 21.
sect. Quinta.
l Concil. gen.
5. Coll. 6. pa.
863.

m Añ. Conc.
Ephes. 10. 1.
cap. 32.
n Conc. Chalced.
Añ. 1. p. 7.
o Sic frequen-
ter à Cypria-
no vocantur.
Sic ab Aug.
tract. 46. in
Job. & Pasto-
ralis bon. r.
vocatur à
Prosp. lib. de
ingratis. Et
Greg. curam
pastoralem re-
gimen vocat.
quis vero regit
nisi cui virga
pastoralis
quam Hier.
Apostolicā vo-
cat epist. ad
Ripar Contra
Vigilant.

divinitus Constantinus Imperator Concilium alloquitur, (f) *Evangelici, & Apostolici libri, & antiquorum, Prophetarum oracula, cæquæ evidenter seu planè instrunt, quæ de Deo sapere debemus, deposita igitur discordiâ, sumamus ex dictis divini Spiritus explicationes questionum.* Quare tam in Concilio Ephesino, (g) quàm in Calcedonensi, (h) ante omnium oculos venerandum Evangelium in throno, qui medium Locum in Concilio obtinebat, propositum est; quod idem in aliis Conciliis observatum fuisse non est dubium. Alterum ad Synodalem ordinem spectans est, ut id pro Decreto Concilii habeatur, & consignetur; in quod major pars Episcoporum qui Concilio interfunt, consentiunt. Hoc præterquam quod Ratio ipsa deceat, (quia aliter in tanta multitudine iudicium nunquam ferri posset, præterquam quod Bellarminus (i) idem agnoscat, Concilium Oecumenicum quintum, disertè hoc declarat; ubi sancta Synodus ita ait (l) *Constituendum hoc est, quod in Conciliis non unius vel alterius interloquutionem attendere oportet, sed hæc quæ communiter ab omnibus vel amplioribus definiuntur.* Quandocunque Episcopi omnes ad ullum Concilium legitimâ autoritate congregantur, & legitimâ autoritate sic gubernantur, vel legitimo ordine causa & discutiatur, & definiatur, *generale tum sit & legitimum Concilium.* Si aliquando Episcopi in cœtum aliquem cœant, vel non omnino vocati, vel vocati quidem, sed alia quàm Imperatoria autoritate, non Concilium illud est, sed seditiosa turba, tumultus, Conventiculum, Conciliabulum. Si Episcopi vocati, & congregati sint iustâ & legitimâ, id est Imperiali autoritate, sed ordinem Synodalem non observent, sed vel vi, vel fraude res agant, Concilium tale conjuratio & conspiratio verè ac propriè vocari debet. Et quidem Concilia nulla Generalia ante annum à Christo nato millesimum, vel congregata sunt aliâ quàm Imperatorum autoritate, vel alios qui ordini præfiderent quàm Imperatores habuerunt. Nullius Episcopi, ne Romani quidem factus, eo adhuc innumerat, ut vel vocare Episcopos ad Concilia Generalia, vel vocatis præfidere auderet: Quæ utrâque ex Actis Conciliorum tam liquida sunt, ut si quis ea legat, cæcum esse oporteat si hæc non videat, protervum aut impudentem si negat. Dixi jam Testimonio Conciliorum talium summam inter omnia humana fidem ac auctoritatem debere; & verè dixi, quia Concilium tale est *summum planè in terris iudex.* singuli Episcopi singulas dioceses representant: Nec enim vel Laici, vel Presbyteri potestatem aut auctoritatem habent decidendi Controversias fidei, ideoque neque suffragia in his Conciliis. Nota illa Theodosii Imperat. vox, (m) *Nefas est cum qui non sit Episcopus Ecclesiasticis tractatibus immisceri:* sic nempe, ut definire ac decidere velit causas fidei. Nota & illa in Chalced. Concilio sæpius iterata vox, (n) *Synodus Episcoporum est non Clericorum; superflus mitte foras.* Episcopi vocantur Præpositi, Gubernatores, Pastores (o) *Ecclesiarum*, quia Pastoralis Dioecesium cura ipsi incumbit, cuius partem illi (quod & Apostoli fecerunt) in Presbyteros inferiores transfundunt. In Episcoporum, igitur omnium voce (quia illi Pastores sunt dioecesium omnium,) Dioecesium omnium vox auditur. Episcopi sententia totius dioeceseos sententiam exprimit. Quare cum sententia Concilii Generalis sit nihil aliud quam *consensus omnium Episcoporum*, certè in ea consensus est totius Ecclesiæ. Nec refert si aliqui Episcopi aut non interfunt Concilio, aut cum interfunt dissident. Nam adesse omnes libere possunt, & debent etiam per se, vel per suos delegatos: si absint, causam illam suffragiis præsentium, decidendam sua sponte & tacito consensu relinquunt, ita in præsentium consensu implicatur consensus absentium: si diffideant, tamen ratione ipsâ duce, in hoc ante omnia omnes consentiunt, *Sententiam majoris partis pro sententia Synodi habendam esse;* aliter enim frustra cogerentur Synodi: nihil unquam in tanta multitudine decidi; nihil iudicari posset, si dissensus unius aut paucorum iudicium Synodi frustrari posset. Quare in consensu majoris partis, implicatur consensus minoris, etiam tum, cum ipsi actu & expressè dissentiant. Quare cum omnes Episcopi, tum absentes quam præsentis, in sententiam majoris partis, vel actu & expressè, vel virtute & implicite consentiant, certè in sententia

Con-

Concilii Generalis & legitimi, consensus est totius planè Ecclesiæ; ideo eorum iudicium totius Ecclesiæ, & orbis iudicium jure vocari potest; & sic vocatur à sancto Concilio Ephesino. Nam etiam si certò scirent Episcopos multos & abfuisse à Concilio, & dissensisse à sua, quæ Nestorium condemnaverant, sententia, tamen generalis illa & sanctissima Synodus (a) iudicium suum expressè vocat *sensum & consensum totius orbis*. Omnes enim vel *explicitè*, vel eo quem dixi modo *implicitè* consenserunt. Iudicio autem totius Ecclesiæ, totius orbis, majus nullum in terris vel expeti potest, vel expectari debet. Neque verò aliter, quam ut *supremus in terris Judex*, habitum fuit ab universâ Ecclesia Concilium generale, per annos 1500. usque ad tempus Leonis decimi. Leo verò iste cum sua factione in quadam cætu (ut Paris Universitas (b) ait, Lateranensem tamen autem volant) nescimus qualiter, non tamen in nomine Domini congregato, antiquam & Catholicam fidem abrogans, exivit pontificem supra omnia Concilia Generalia, & Papam supremum iudicem constituit. Fidem dico Catholicam, quia sic Constantiense (c) simul & Basiliense (d) Concilium definit. Utrumque decreto suo declarat Concilium esse supra Papam, & Papam teneri Concilio obedire, tam in eis quæ ad fidem pertinent, quam quæ ad reformationem Ecclesiæ, in capite & membris. Basiliense insuper definit, tum quod Decretum (e) illud est veritas fidei Catholicæ, tum quod quicumque ei pertinaciter repugnat est censendus hæreticus. Imo addit veritatem istam Catholicam, tam unanimi consensu ab Ecclesia Catholica, singulis ætatibus, ab Apostolis ad id usque tempus defensitaram esse, ut differre dicat, (& auditu sanè dignissimum est) Nunquam (f) aliquis peritorum dubitavit (audi, ne dubitavit quidem) summum Pontificem in his quæ fidem concernunt, iudicio Conciliorum universalium esse subiectum. Indignum omnino facinus, Leonem, & ceterum illum Lateranensem (quem Synodum vocat) docere id ausos fuisse, quod fidei Catholicæ tam liquidò repugner, ut per annos 1439. (eo anno decretum illud Basiliense editum) nemo doctus, nemo peritus, vel de eo dubitavit, sed sine omni dubitatione pro hæretico sensit. Et tamen hi sunt qui Antiquitatem, Ecclesiam, & Concilia crepant.

Testimonium Concilii generalis legitimi infallibile quidem non est, tantæ tamen auctoritatis, ut ejus sententiæ, nisi certâ ac evidenti ratione contrarium tibi constet, assensiri debeas; & nisi assensiaris, pertinax & contumax, censeri, & contumaciæ ac pertinaciæ gravissimam censuram, id est, Anathema, & exclusionem ab Ecclesia subire debeas. Testimonia horum fallibilia sunt, quia sunt humana, nec immediate ac infallibiliter à Sp. sancto reguntur Episcopi in Conciliis congregati; Assentiendum autem est eis, dixi, nisi certâ ac evidenti ratione tibi constet quòd errent; alias enim opinionem tuam, & iudicium tuum privatum, iudicio summi in terris Judicis anteponis. Addo etiam, Si tibi certò constet tale Concilium errasse, subeunda tamen est Concilii censura, & sic subeunda ut ad superiorem nullum in terris Judicem provocare possis. Quia tale Concilium supremus planè est in terris Judex. Si errer, & iniquo anathemate te feriatur, erravit, tum clavis Ecclesiæ, & per errorem te ligavit, ab Ecclesia exclusit, vel potius se ligasse te & exclusisse putavit. Sed errante clave Christus non ligat, non excludit: Ferenda igitur sententia supremi Judicis, donec vel ipse, vel alius ipsius successor cui est æqua autoritas, eadem te solvat & liberet. Ut Cardinales aliquot iniquâ Papæ sententiâ offensi, à (g) Pontifice malè informato, ad eundem vel alium melius informandum appellabant; itidem nec aliter, à principe in Civilibus à Concilio in Ecclesiasticis causis provocandum, à Philippo dormiente, ad Philippum vigilem, à Concilio Generali malè informato, ad Concilium idem aliudve Generale melius informandum. Appellatio alia ad humanum iudicem nulla.

Fallibile solum dixi, nam actu errasse tale Concilium nolui dicere. Quid verò & de hoc, an actu errarint, sentiam, non gravabor significare. Sex fuisse Generalia legitima Concilia nemini est dubium. Ea sunt Nicenum, habitum contra Arium, ann. 325. Conc. Genera-

a *Act. Conc. Ephes. to. 2. cap. 17.*

b *In Appellatione Univers. Paris.*

c *Conc. Later. sub. Leon. 10. scilicet 11.*

d *Conc. Constant. Sess. 4.*

e *Conc. Basil. Sess. 29.*

f *Conc. Basil. in Decreto quinque conclus. ps. 96.*

g *Ibid.*

Reg. 12

g *Bin. in vita Greg. 12.*

h Sardicense
universale vo-
cat Sulp. Se-
ver. l. 2. sacr.
hist. Socr. lib. 2.
ca. 16. Justin.
in Edict. con-
tra Tria Capit.
S declarat
idem epist. ip-
sius Concil. a-
pud Athanas.
Apol. 2. Ale-
xand. sub Men-
na Generale
fuisse agnosce-
re. l. 2. de
Pontif. c. 13.
S. Secundum.

Reg. 136.

* Conc. Gene-
ralia illegiti-
ma.
i Vox Constan-
tini in conc.
Mediol. apud
Athanas. epist.
ad solitar. vi-
tam agent. pa-
228.
k Athan. ibid.
230
l ibid. pa. 232.
m Sulp. Se-
ver. lib. 2. Sa-
cra. hist.

Constantinopolitanum primum, Contra Macedonium, ann. 381. Ephesinum contra Ne-
storium, ann. 431. Chalcedonense contra Eutychetem, an. 451. Constantinopolitanum
secundum, sub Justiniano, & tempore Vigilii, contra trium Cipitulum defensores, an.
553. Constantinopolitanum tertium sub Constantino Pogonato contra Monothelitas, an.
680. His sex duo alia addenda, Sardicense, an. 347. & Constantinopolitanum sub Men-
na, an. 536. quæ utraque Generalia (h), utraque legitima, sed idcirco in numero
Conciliorum non recensentur, quia in eorum neutro controversia ulla nova de fide definita
est; sed quæ antea in alijs Concilijs fuerant definita, in his firmata & corroborata fuere.
Concilia igitur erant, non ut alia Declarativa fidei, sed solum Corroborativa, Sardicense
quidem Concilij Niceni, illud sub Menna Chalcedonensis. Præter hæc non facile con-
cesserim Concilia ulla Generalia ac legitima unquam extitisse. Aut si ex reliquis ulla h c
nomine ac honore digna sint, non dubitaverim palmam hanc debere duobus solum,
Francofurdensi contra cultum imaginum, an. 794. & Constantinopolitano sub Basilio
Imperatore, an. 879. tempore Johannis illius qui Adriano secundo successit, (quem Pla-
tina nonum, Baronius & Binius non sine magna fraude octavum vocant) in quo Concilio
Photius est restitutus, & Synodus illa prior Constantinopolitana sub Hadriano 2. habita,
an. 870. (in quo Photius condemnatus erat) penitus abrogatur. Duo hæc postrema
cum aliqua formidine, octo verò prima sine ulla dubitatione, & præter hæc nulla omnino
in numero Generalium legitimorum Conciliorum habenda sentio. Jam ex Concilijs se-
ptem illis primis, quæ ante annum à CHRISTO nato 600. habita sunt, nullum omnino
vel in Decretis fidei, vel in Canonibus errasse libenter & constanter assevero. Nec il-
lud etiam quod vulgo sextum vocatur, habitum sub Constantino Pogonato, illud inquam
non erravit, si Canones illos 102. excipias, qui tempore Justiniani Rhinotmeri editi sunt,
quique vulgo Trullani Canones; Baronio ac Binio, Canones Concilij Quinti sexti vo-
cantur. In illis errores varii, sed an illi sunt Concilij sexti Canones, dubium: Ego
multis ac validis rationibus verè fuisse sexti illius Concilij Canones confirmare ac prope de-
monstrare possum. De duobus ultimis, Francofurdensi & Constantinopolitano sub Jo-
hanne, in quo Photius restitutus est, quia Acta eorum integra non extant, nihil habeo quod
dicam. Hac ego de causa, Concilia Generalia legitima fallibilia dixi, errasse actu non
audebam dicere.

Concilia Generalia illegitima auctoritas vel nulla omnino est, vel nibili faciendæ;
ideoque ab ejus Testimonio in causis fidei nulla omnino firma argumenta duci unquam pos-
sunt. Nam si Concilia talia illegitima sint per defectum legitimæ vocationis, nulla au-
thoritate legitima coeunt Episcopi, ideoque nullam omnino auctoritatem quidquam statu-
endi, definiendi, aut judicandi habent. Sin cum Episcopi legitime vocati atque coacti
sint, illegitima sint Concilia propter defectum ordinis Synodalis, tum quia nil sunt aliud
quàm Conspiraciones contra veritatem, ideo nullius omnino sunt ponderis ea quæ in illis
injunctæ & factiosè decernuntur. Quæres quænam ista sunt Generalia illegitima * Con-
cilia: ut malo cognito vitari possit. Dicam paucis. Ante annum à Christo nato mil-
lesimum quatuor omnium confessione numerantur: Primum est Mediolanense, an. 355.
In eo gladius atque ensis pro argumentis erant, ne lex alia quàm arbitrium Tyranni:
Quod (i) ego volo pro Canone sit, aut igitur subscribe, aut exules estote. Secundum
est Sirmienense, an. 357. in quo Hosius sexagesimum (k) & plus eo annum in Episcopatu
agens, Episcoporum pater, princeps, & antesignanus in Synodis, lumen, columen,
& columna Ecclesiæ, ille inquam Hosius exilio (l) fatigatus, afflictus, attritusque malis,
coactus vi & tyrannica potestate, contumeliis, minis, impar verberibus, subscripsit,
(quod non sine luctu loquor) in Arianam perfidiam cessit ad tempus, sed non consensit.
Tertium est Ariminense, anno 359. Illic per vim & metum extorta confessio, etiam &
fraus addita. Nam ut Nicenam fidem suam dicerent, ubi (m) Homousion erat scriptum,
illi Homousion scriptum esse mentiuntur; levi quidem in literis, sed in fide maxima
jactuara;

jactura; nam sic similitudinem stabiliunt, veritatem adiungunt. Quartum est Ephesium secundum, anno 449. merito Latrocinium vocatum. *Violenta* (n) *ibi facta est vi per n. A. Concil. Dioscorum*, pur. ex charta invito subscribere compulsi sunt; *Flavianus* (o) *multis injuriis Ephes. relata affectus, plagis cæsus, demum occisus est: ubi* (p) *fustes ac gladii, qualis Synodus?* Et in Conc. hæc quidem sunt omnia quæ Concilia Generalia seu Oecumenica vocari debent. Antio- *Chald. Act. 1.* chenum quidem illud in quo depositus est Athanasius pro Generali habebant Ariani, sed pag. 7. non fuisse Generale demonstravit Papa Julius, (h) *quia omnes Episcopi non erant qd id o Liberat. vocati.* Nonnulli Constantinopolitanum, habitum anno 754. sub Constantino Ichono- in Breviar. macho pro confringendis imaginibus; alii Nicenum secundum, habitum anno 787. pro cap. 12. cultu Imaginum pro Oecumenicis censent; utrique errant. Neutrum horum Generale p. Cont. Chas. fuit, utrumque per Concilium Francofurtense penitus abrogatum; sic enim inquit, (i) *ccd. loc. citat Neutra Synodus septima est post Nicenum, sed prior secunda, altera* (nempe Nicena se- h Supra. cunda) *post Ariminense tertia computari debet.* Testatur idem & clarissime Athelmus i Lib. Carol. (g): *Carolus, inquit, Concilium Episcoporum (Francofurtum) convocavit. Affuerunt 1. in Prefat. in ea Synodo Legati Rom. pontificis Theophylactus ac Stephanus, vicem tenentes Adria- pag. 96. ni Papæ. In hoc Concilio hæresis Felicianæ condemnata est: Synodus etiam qua ante gin Annal. paucos annos Constantinopoli* (h) *sub Irene & Constantino congregata, & ab ipsis non so- Franc. Pipini; lum septima, verum etiam universalis erat appellata, ut nec septima nec universalis Caroli & haberetur, dicereturque, sed quasi supervacua omnino ab omnibus abdicata est. Sic A- Ludov anno thelmus, qui eodem seculo vivit. Aliqui Constantinopolitanum illud contra Photium 794. habitum; anno 870, sub Adriano pontifice; pro Generali censent. Non rectè. Nam h Paul. Dia- hoc Concilium penitus abrogatum est per Concilium illud Generale ac legitimum tempore con. lib. 23. Johannis* *habitu anno 879. cujus quartus Canon* (i) *verba sunt Turriani* (i) *superiores docet. consi- Synodus adversus Photium tum Romæ tum Constantinopoli habitas, Nicalai & Adri- lium illud ani. temporibus explodit & rejicit, imò ut de Synodorum numero soltantur jubet. Et Constantino- Baronijs qui acta integra hujus Concilii (sicut etiam Turrianus) vidit, sic ait* (k) *Se- poli inchoa- quata sunt hæc subscriptiones omnium, imprimis verò Legatorum Apostolicæ Sedis, cum tum fuisse, sed delestatione omnium Synodorum contra Photium collectarum. Ita non illegitima modo postea Næ- fuit, sed planè detestabilis illa Synodus sub Hadriano. Sed nec Græcis pro Generali ha- am translaturum. bitum esse testatur Marcus Ephesiorum Episcopus (Græcorum omnium nomine) in Con- i Turrian. 1. cilio Florentino, ubi agens de illa sub Hadriano habita Synodo, ita ait* (l) *Concilium il- de 6, 7, & 8. lud inter Generalia commemorandum non est, quando quidem non modo non susceptum, Synodo in finta verum etiam antiquatum fuisse constat. Sic ante annum à Christo nato millesimum, Ge- neralia Concilia in universum non nisi quatuordecim fuerunt; quarum decem legitime e- rant, quatuor illegitima, & illegitima (quod meminisse oportet solum per defectum Syn- odalis ordinis, non propter illegitimam vel Vocationem vel Præsidensiam.*

k Bar. anno 879. nu. 70. 1 Conc. Florent. sess. 6. pag. 422.

Post annum millesimum numerantur à nonnullis Concilia Generalia numero tredecim; m *Quantz. Lateranense primum, ann. 1119. Ubi de* (m) *investituris agere volebant, sed nihil a- Saxon lib. 5. ctum. Lateranense secundum, ann. 1139. contra Leonem* (n) *Antipapam. Lateranense* *ca. 40. tertium; ann. 1180. contra Catharos* (o), & Waldenses. Lateranense quartum sub d. Abb. Uspersg. 1. Innocentio tertio, ann. 1215. in quo (p) Transubstantiario definita est Lugdunense ann. 1139. primum, ann. 1245. in quo (q) sententia depositionis contra Fridericum Imperat. ab In- o Bin. not. in nocentio quarto fulminata est. Lugdunense secundum, 1274. contra Græcos, negantes id. Conc. processionem Spiritus sancti à Filio. Viennense, ann. 1311. in quo Templarii, Begu- p A. B. Conc. ardi, & Friccelli condemnantur. Pisannum, ann. 1409 in quo depositis Gregorio 12. illius ca. 1. & Benedicto 13. Alexander 5. electus est. Constantiense, ann. 1414. contra Johannis q Act. Conc. Hus & Wick'eti doctrinam. Basiliense, ann. 1431. ubi Constantiensis Synodi decretum illius apud quod Concilium sit supra Papam, roboratur. Florentinum, ann. 1438. ubi pro fidei do- Bin. 1487. gmatibus

r In Decret.
Eugenii.
f Sess. 11.
Conc. Later.
quinti.

t Bell. lib. 2.
de Conc. Auth.

cap. 17. De-
nique. u Sess. 4.

gmatis definitur r esse septem sacramenta. Lateranense quintum sub Leone 10. ann. 1517. in quo decretum s est, *Papam esse supra omnia Concilia*, & Contrarium t decretum editum in *Constantinensi* & *Basilienfi Concilio reprobatur*. Tridentinum inchoatum ann. 1545. absolutum vero ann. 1563. in quo decretum est Traditiones n non scriptas esse verbum Dei. Libros Macabæorum & reliquos qui Apocryphi; vocantur esse Canonicos, Veterem & vulgatam editionem esse authenticam, Solam x fidem non justificare, bona y opera verè mereri vitam æternam, & similia, contra Lutheri (ut vocant) doctrinam, quam illi tum extinctum ibant.

x Sess. 6. cap. 9. y Sess. 6. cap. 16.

a Bell. lib. 1.
de Conc. ca. 5.
f Sess. Confirm.
b Ibid. sess.
Ex his.
c Bin. Notis
in ea Concil.
d Bin. Not.
in ea Concil.

Tredecim hæc vocantur à nonnullis Concilia Generalia, etiam & legitima. De Pisano, Constantiensi, & Basilienfi nolo hic quidquam dicere. De reliquis decem verè dico & constanter, nec Generalia fuerunt, nec legitima Concilia. Non Generalia: Occidentalia ab ipsis vocantur. *Ab Orientalibus* vix cognita, certè, Bellarmino a ipso teste, pro Generalibus non agnita. Graci, inquit b *prima septem tantum recipiunt*, ut sint Generalia; omni modo illegitima fuerunt. Omnia Pontificis (ut vos c non dicere sed plenè buccis gloriari soletis) nulla omnino Imperatoris authoritate convocata. In multis etiam Imperatores præsidebant, quos coactim potestate continere omnes in officio atq; ordine oportuisset. Præsidebat d in omnibus Pontifex, non Episcopali præsentia, (illam nemo ei invidet,) sed plus quàm Imperatoriâ: ille alios in ordinem cogendi potestatem sibi arrogavit, qui maxime omnium in ordinem cogendus erat; qui ad omnem hæresin, rebellionem ac nequitiam signifer omnibus erat, & Antesignanus. Quæ ibi Synodus, ubi ad illius nuntium dicuntur, decernuntur omnia? ubi, *Quod ego volo pro Canone sit*? Non adhibuit virgas, fustes, & gladios. Certè: nec opus erat. Ita Reges omnes proculcaverat, ita Episcopis omnibus dominabatur, ut contra ipsum mutire, aut bisecere, nemo auderet. Juramento etiam sibi sic Episcopos obstrinxerat, ut nullæ compedes, nulla vincula ei conferenda sint; non fustes, non gladii sic cogeant in obsequium, ut ille alios tyrannicâ quam tum usurpabat authoritate, & juramenti vinculo. Quare ab istorum Conciliorum authoritate non rectius arguas, quam ab Arminienfis aut Mediolanensis Concilii authoritate. Nullum ab eis firmum aut sanum argumentum duci unquam potest. Quæ vos decreta vocatis istorum Conciliorum, quia libera non sunt, *illegitima decreta* sunt, nec Conciliorum, sed *Conventiculorum* (quibus nulla decretum ullum faciendi authoritas inerat) placita.

Reg. 14.
e Conc. Chalc.
Añ. 4. pa. 90.
f Conc. Chalc.
Añ. 15. can. 2.
g Ibid. Añ. 16.
h Leo Epist.
53. & 54.
i Inter cetera
nobis manda-
vit, Sc. Ait
Legatus Leo-
nis, in Sonc.
Chal. Añ. 16.
pag. 136.

Concilia nulla, neque ulla decreta Conciliorum vel ideo Approbata aut approbanda sunt, quia Papa illa approbavit aut confirmavit; vel ideo reprobanda quia Papa illa reprobavit: Sed ideo & approbata sunt, quia consensu majoris partis Episcoporum legitime coeuntium, & legitime decernentium, approbantur; & reprobata, quia vel illegitime congregantur Episcopi, vel illegitime decernunt. Ratio est, quia in Conciliis id semper habendum est pro decreto, sententia, & judicio Synodi, in quod major pars Episcoporum consensit, non obstante unius aut paucorum (quicumque demum illi sint,) dissensu aut pervicacia. Liqueat hoc ex Conc. Chalcedonensi, cum in eo e decem Episcopi Ægyptii dissentirent à reliquis, *heretici audierunt*, & parum abfuit quin pro *hereticis damnati* essent. Habe aliud & illustre admodum ex eodem Concilio exemplum. Reliqui in Synodo consenserant in id decretum f pro dignitate Sedis Constantinopolitane, ut ea post Romam proxima esset, prior verò tam Alexandrinâ quàm Antiochenâ sede Dissentiunt g hic & contradicunt, non acriter solum sed pertinaciter Legati Leonis, atque eorum *contradictio gestis illius Synodi* (in æternum eorum ipsius quæ Leonis dedecus) *inhæret*. Quin & Leo ipse dissensit h ab eo decreto, & vehementer ei contradixit, suumque dissensum per Legatos i Synodo aperte significavit, & tamen gloriosissimorum Judicum (qui

(quæ Imperatoris vice præfidebant) iudicio, (cui tota Synodus (k) consensit,) id quod à re- k *Tota Syno-*
liquis definitum erat, (contradicente licet Leone Papa & suis legatis) *pro decreto totius Sy-*
nodi habendum esse decernitur, semperque habitum est. Habe alterum exemplum: Con- *das approba-*
demnavit (l) Tria Capitula (in illis virum omne Nestorianorum latebat) Concilium Ge- *vis, ibid. pa.*
nerale quintum, habitum sub Justiniano, ann. 553. Vigilius Papa aderat tum Constanti- *137. Hec in Actis*
nopoli ubi Synodus habita, aderant cum ipso occidentales plures Episcopi. Vigilius ipsi- *Conc. quinquies*
usque consortes, quia Capitula illa defendebant & defendenda censebant, interesse Conci- *bates.*
lio & rogati renuunt, Orthodoxæ Synodi sententiæ non contradicunt solum, sed eandem
respuunt, & Apostolico decreto reprobant. Non obstante tamen illa Vigilius Papæ & al-
iorum pertinacia & reprobatione, & Concilium illud tum fuit, semperque (& iustissime)
habitum est sanctum, legitimum & Oecumenicum Concilium; & illius decretum quo
tria Capitula condemnantur, ut approbat, legitimum, ac Oecumenicum Concilii Decretum
tum fuit, semperque ab universa Ecclesia habitum est. Atque hic merito ab omnibus de-
ridendus est, qui toties Lutheranos ridere solet, Melc. Canus: Nego, inquit, (m) cum m *Can. lib. 5.*
de fide in Conciliis agitur, sequi plurimorum iudicium oportere. Non hic, ut in huma- *Loc. Theol.*
nis iudiciis, ex numeris suffragiorum sententiam metimur. Unde igitur tu meritis? Non cap. 5. sect.
numero hec, inquit (n) iudicantur sed pondere; pondus autem Conciliis dat summi Verum.
Pontificis gravitas & auctoritas; quæ, si adsit, centum partes satis sunt; sin desit, n *ibid. sect.*
nulli satis sunt, sint quamlibet plurimi. Sic ille, Qui nihil hic a iud agit, quam ut vis *Non itaque*
& usus omnis Conciliorum penitus tollatur. Nulli enim usui sunt, si quod Pontifex cum
paucis suis affeclis suggerat, maiorem vim in Concilio habeat quam consensus 300. aut
1000. Episcoporum, doctrinâ, pietate etiam, & quoad potestatem definiendi, ipsi nullo
modo inferiorum. Sed nimirum ita res est, Pontifex Rom. vaccis illis macilentis, quas
Pharao vidit, simillimus est: ut illæ vaccas pingues & pulchras, ita iste Episcoporum alio-
rum omnium auctoritatem devoravit; nec sic tamen satiari vult: Reges, regna omnia,
universam mundum absorbere sitit. Age verò, quia sic lubet, satia te mundo quem sem-
per sitisti. Sed cave tamen ab illis apud Jobum (o) verbis: Panis iste in utero vertetur
in fel aspidum; divitias quas devoravit, evomet, & de ventre illius extrahet illas o *Cap. 20. 158*
Deus.

Concilia nulla Provincialia, ne legitima quidem, sunt infallibilia; sed tantæ aucto- *Reg. 151*
ritatis, ut qui subiecti eis sunt, sub censura, quam infligunt eis assentiri teneantur; alii
terò non aliter eis quam patrum aliorum testimoniis assentiri tenentur. Errasse quam-
plurima huius generis Concilia, liquet ex Africanis illis frequentibus Synodis (p) tempore p *Apud Cypr.*
Cypriani habitis, in quibus rebaptizandos eos esse qui ab hæreticis baptizati fuerant de- *lib. 1. epist. 2.*
creverunt. Liqueat ex Concilio (q) alio Africano tempore Justiniani habito, in quo Papa & lib. 2. epist.
Vigilius (jam tum Catholicus, & trium Capitulum Condemnator) excommunicatur & 1. & lib. 2.
Synodali ter à Catholica communione recluditur. Liqueat ex Concilio Romano cujus men- *p. 1. epist. ad*
tio est in Cap. Ego Berengarius De Conf. dist. 2. in quo, ex sententia Synodi proficitur *Quirinum.*
Berengarius, panem & vinum post consecrationem, non solum Sacramentum, sed etiam q *Cujus me-*
verum corpus & sanguinem Domini Jesu Christi esse; & sensualiter, non solum in sa- *mini Victor.*
cramento, sed in veritate, manibus sacerdotum trahi, frangi, & fidelium dentibus at- *Tunuent. an. 10*
teri. Quibus in verbis tam multi tamque crassi errores continentur, ut non immerito post Consul.
Glossa notet, nisi sanè intelligas Berengarii verba, in majorem incidis hæresin quam ipse Basilius
habuit. Similes Synodi quæ plurimæ afferri possunt. Et planè ridiculus est Melc. Ca-
nus, qui ex omnibus (quæ innumeræ sunt Provinciales) Synodis vix (r) quinque carum aut *1 Can. lib. 5.*
sex à recta via declinasse asseverat: Rectius multo sexcentas dixisset. *cap. 4. sect.*

Ad Patres progrediamur. Ubi imprimis Melc. Cani aliquot Regulæ rejiciendæ & me- *1 Canut lib. 7.*
rito deridendæ. occurrunt. Dicitis, (s) In expositione sacrarum literarum, communem c. 3. sect. 5.
omnium sanctorum veterum intelligentiam esse certissimum in Theologia argumentum Idem t *Doctr. Princ.*
ait Stapletonus, (t) Iudicium Sanctorum Patrum valet, quando omnes idem loquuntur. *lib. 7. cap. 5.*
Cer-

Certissime huc delirabant Canus & Stapletonus: Quis intelligentiam omnium sanctorum veterum? quis sanctos Patres omnes vel citare, vel invenire, vel exquirere unquam queat? Ut omnes scias, an unquam omnes conspirare (nemine omnium dissentiente) credis? Quod si vel unus tibi desit ex tot millibus myriadum, si vel unus ex omnibus dissentiat, & vana tum est Cani & Stapletoni Logica, & incerta hæc illorum Theologia. Age verò, quia Patres omnes conspirare impossibile est, ut quis unquam sciat, videamus an ex unius aut duorum testimoniis firmum argumentum peti possit. Non potest. Est enim hæc altera Cani Regula: *Unius aut duorum sanctorum autoritas etiam in his quæ ad doctrinam fidei pertinent, argumentum firmum subministrare non potest.* Atque hoc, inquit (x), demonstrat ratio illa manifesta cui nulla prorsus via occurri potest; quia sanctorum quisque (his dumtaxat exceptis qui libros Canonicos ediderunt) spiritu humano loquutus est, & aliquando vel in eo erravit quod ad fidem spectant; sic ille.

Alia Cani Regula.
x Can. lib. 7.
cap. 3. sect. 2.

Alia Cani Regula.
* Ibid. sect.
Tertia.

y Aug. Quæst.
7. in Exod.

z In principio.

a Canus loc.
cit. sect. quin-
ta. b Cajet præfat. Com. in lib. Moys.

Reg. 16.

c Aqu. part. 1.
q. 1. art. 8.
d Gloss. in cap.
Noli meis,
dist. 9.
e Bat. 5.
f Lib. 7. cap. 3.
sect. secunda.
g Aug. in præ-
fat. lib. 5. de
Trinit.

Ex his jam dilucidè, exque ipso Cano declaratis, facilius erit judicare quomodo à Patrum testimoniis arguendum sit. Regula prima sit hæc: *Neque à testimonio omnium Patrum argumentum ullum, neque à testimonio unius Patris, neque ex consensu plurium aut majoris partis, firmum argumentum quod indubitam fidem faciat, duci ullo modo potest.* Liquet hoc non ex Cano tantum, sed & Aquinato; *Sacra*, inquit, (c) *doctrina auctoritatibus sacra scriptura utitur propriè ex necessitate arguendo. Autoritati us aliorum doctorum Ecclesia utitur, arguendi quidem ex propriis, sed probabiliter.* Sive ergo ab unius, sive à plurimum Patrum testimonio arguas, firmam & indubitam fidem inde nunquam facias. Vide hic quam ridiculum id sit quod Glossa (d) Gratiani asserere non erubuit, *Hodie jubentur sanctorum Patrum scripta teneri usque ad ultimum iota.* Nec multum ab hac glossæ infania abest Campianus (e), cum sic gloriatur: *Nos tenemus Patrum antiquorum volumina integra:* Et tamen nemo omnium est, teste Cano (f), *qui non erravit in eis quæ ad fidem spectant:* Vos igitur tenetis, imò mandatur vobis ut teneatis errores in fide, & hæreses pro authentica veritate. Sed maledictam istam glossam textus ipse refellit: sic enim dicitur Augustinus, *Noli (g) meis literis quasi Canonicis scri-*

pturis

ptur deſcroire : & iterum q In omnibus meis literis non ſolum pium leſtorem , ſed li- h Ibidem.
berum correſtorem deſidero. Vide iterum quam fallax illa ſit Stapletoni Regula, Sanctorum i Stapl. lib. 7.
i Patrum authoritas tunc valet , quando vel omnes idem loquuntur , vel magna pars. cap. 12.
que ſit veritati teſtimonium perhibet. Quod de omnium conſenſu ait, fatuum eſt, ac ut
ante doctui, deridendum. Conſenſum multorum Patrum & rejecit Canus, & rejecit ſcio.
Stapletonus; An non magna Sanctorum pars in Chiliaſtarum hæreſi? Papias k, Ire- k Hier. de
næus, Apo' inarius, Tertullianus, Viſtorinus, Laſtantiuſ, Nepoſ l, Juſtinus Martyr, & ſcript. Eccleſ.
ut ait Hieronymus, multi in Eccleſiaſticorum virorum, & Martyres iſta di erunt. Q. in Papi.
pinor, quia magna Patrum pars in hac ſententia, Stapletonum in Chiliaſtarum caſtris in- l Idem in Ne-
venies, aut ſuæ regulæ renuntiabit. Sed quam vere Leſbia hæc apud illos Regula ſit, po.
quam nihili conſenſum Patrum faciant, quoties in rem iſtis ſit, luce clarius eſt ex eo cujus m Hier in cap.
Canus meminit exemplo. " Sancti, inquit, n omnes (obſerva omnes) qui in ejus men- 19. Jerem.
tionem incidere, uno ore aſſeverarunt Beatam Virginem in peccato originali conceptam, n Can lib. 7. 1
" Ambroſius, Auguſtinus, Chryſoſtomus, Euſebius, Emiſſenus, Remigius, Maximus, cap. 1 ſect.
" Beda, Anſelmus, Erardus, Bernardus, Sanct. Bernardinus, Div. Bonaventura, Div. Sancti.
" Thomas, Div. Vincentius, Div. Antonius, Damascenus, Hugo; Hi, inquit, Omnes
" illud aſſerunt, & nemo Sanctorum contravenit. Quid igitur? an firmum argumen-
tum ex hoc tanto numero, ex hoc tanto conſenſu Patrum, Patrum (ut Canus ait) omnium
duci poteſt? Non certè; contra unanimem hunc omnium Sanctorum conſenſum, " Bea-
" tam Virginem in peccato non fuiſſe conceptam, piè, inquit Canus, in o Eccleſia de- o Ibid.
" fenditur; & piè ac rectè exiſtimari poteſt, eam ab omni omnino peccato fuiſſe immune n,
ait Bellar. p & eam ſine originali peccato 'conceptam fuiſſe, ita definit Conc. Baſil. ſeſſ. p Bell. lib.
36. ut " doctrinam fidei Catholice conſonam, ab omnibus tenendam, ſic ut nulli de ex- 4. de Amiff.
" tero liceat contrarium prædicare & docere: addit etiam Perer. q Feſuſta, hoc eſſe grat. cap. 15.
" certum & indubitatum in Eccleſia Catholica. Beariff. Virginem omnis peccati etiam le- q Perer. Com.
" viſſimi ac minimi per omnem vitam fuiſſe expertem. Sed parum vobis ſit Patrum hic in cap. 3. ad
omnium conſenſum reſpuere, an & id parum, Sacris literis etiam aperte contradicere? In Rom. diſput. 6.
eis, omnes r excepto Chriſto) in Adamo peccâſſe, & mortem in omnes tranſiſſe, di- r Rom. 5. 12.
ſerte aſſeritur. Tamen apud vos pium eſt & docere & dicere, B. Virginem immunem eſſe
ab omni peccato originali, atque actuali, mortem in eam non tranſiſſe. Sed de Patribus
agamus. Quia jam nec à ſingulorum Patrum teſtimonio, nec à complurium conſenſu in-
dubitatum argumentum duci poſſe oſtendimus, quæres ſcio quomodo ab eis arguendum ſit?
Scio quàm acriter hic dimicent Sebrandus, & ejus Antagoniſta, ſed longè illi impar Gret-
zerus. Debacchatur iſte in Sebrandum, nec tamen modum indicat quo arguendum ſit:
Sinoluit emendare, debuiffet commendare; mihi ita videtur.

A teſtimonio aut judicio antiquorum Patrum non eſt temerè diſſentiendum, id eſt, non Reg. 17.
niſi vel propter evidentem rationem, vel propter gravioſiorem aut æqualem authoritatem.
Duplex hic cautio: Primum dixi Antiquorum, nam à junioribus Patribus, qui ſactioni in
Eccleſia adhæ'erint, etiam ſine tali ratione diſſentire licet. Ratio enim generalis in prom-
ptu eſt, illi ſactione ducebantur non ratione. Illi in cauſis multis quæ jam in contro-
verſiam vocantur, partes iſi fuere & adverſarii. Non magis igitur nos movere debet, quid
Patres in 2. Nicæna Synodo, & qui iſi adhæ'erint, dicant in quæſtione de veneratione
Imaginem, quam illos mover authoritas Concilii Conſtantinopolitani ſub Conſtantino I-
conomacho. Quia igitur ſciſſura in Eccleſia, circa ann. 640. facta eſt, & quia ſchiſ-
mate facto Papa illi parti quæ verè ſactio erat ſe ſigniferum dedit, ex eoque tempore ſactio-
nem iſtam fovit, ideo à Patribus illis (Epifcopi omnes Patres ſunt) qui ab eo anno Papa
adhæ'erint, nullum niſi invalidum imò ineptum argumentum duci poteſt. Antiquos Pa-
tres qui ante hoc ſchiſma in Eccleſia floruerunt, quique à partium ſtudiis ac ſactione pon-
tificis liberi ac immunes erant, eos veneramus, adeos provocamus. Nora, & in ore omni-
um volitat doctiſſimi noſtri & ſanctiſſimi Juelli, s ad crucem Sancti Pauli provocatio
X x ann.

s Conc. in illa
verba, Ego ac-
cepi à Domi-
ni, & a
I Cor. 12

ann. 1560. ad certamen in hoc Patrum antiquorum campo. Obiit, & abiit ad sanctos Patres, sanctus hic pater, curus Israelis, & auriga ejus. Sed Elisas aliquot post se reliquit nec deerunt unquam in castris Domini exercituum multi fortissimi Davidis perfimiles, qui Patrum ante 600. post Christum annos consensum à nobis stare demonstraturi sunt, nec unquam contra quamvis Philistium (utrunque gloriabundi sunt,) pugnam istam detrectabunt.

Dixi secundo, nec esse sine justa ratione vel autoritate dissentiendum; ponderanda est enim Patrum doctrina, integritas, diligentia, examinandæ rationes, & cedendum ubi ratione nos vincunt; ubi nos illos, repudiandi sunt. Docet hoc Augustinus (1) ("Alios, inquit, (præter sacram Scripturam) ita lego, ut quanta libet sanctitate, & doctrina præpolleant, non ideo verum puto, quia ita censerunt, sed quia mihi per auctores Canonicos, vel probabili ratione persuadere potuerunt: Et alibi* ait, Episcoporum literas per sermonem (id est, rationem) sapientiores, & per aliorum Episcoporum graviores auctoritatem emendari. Et lib. 2. cont. Cresc. cap. 32. "Literas Cypriani ex Canonicis confidero & quod in eis divinarum scripturarum auctoritate congruit, cum laude ejus accipio; quod autem non congruit, cum pace ejus respuo. Similia habet de Nepote Diomysius & Corinthiis, "In multis Nepotem laudo & hominem admodum veneror: At veritas amica est, & præ cunctis honoranda; si quid rectè dicitur, laudandum est: & approbandum; quæ verò non rectè scripta sunt, inquirenda sunt & refellenda. Quod illa de Cypriano & Nepote, idem de omnibus aliis Patribus dicendum est. Etiam Bellarminus* huic nostræ Regulæ consonat: "Doctor, inquit, non proponit sententiam suam ut necessariò sequendam, sed solum quatenus ratio suadet. Augustinus & ceteri Patres in suis commentariisungebantur officio doctorum. Quare si Patrum sententiam ratio sequendam non docet, etiam cum bona Patrum venia, etiam Bellarmino iudice, repudiari potest. Si absque justa ratione à Patribus diffencias, temerarius es. Si verò quis tantum Patribus tribuat, ut eorum scripta, sicut olim Cypriani scripta Donatistæ pro fundamentis fidei habeant, huic certè omnia Patrum dicta ad ultimum iota amplectenda sunt, ut rectissimè docet Augusti lib. 2. cont. Cresc. cap. 32. "Vos, inquit, qui scripta Cypriani, tanquam firmamenta Canonice auctoritatis, nobis opponitis quicquid de Cypriano contra vos proferre poterimus, necesse est credatis. Tali, ipso Augustino iudice, semper ita formandum est argumentum ductum à Patribus, uti ex Bellarmino (qui videri voluit ratione firmamentum fidei in Patribus ponere) formavit Sebrandus: Quicquid Cyprianus, Irenæus, Tertullianus aut Augustinus dicit, hoc est verum. Si Patrum testimonia ut fidei vestræ firmamenta nobis opponitis, sic arguite, sic desipite: si ut Doctorum sententias, eatenus solum sequendas, quatenus ratio suadet proponitis, nolite stomachari si, ratione rectà suadente dissentiamus: vestram verò ipsi proterviam & perversitatem agnoscite, qui ullà justà ratione subducti, non alia quàm quæ olim Donatistarum* erat, Quod volumus sanctum est: contra clarissima scripturæ testimonia, contra unanimem omnium (sic Canus fatetur) Patrum consensum, Beatam Virginem ab omni peccato, originali atque actuali immunem docetis. Vos tamen isti estis qui juramento (a) vos obstringitis, non accepturos nec interpretaturos sacram scripturam, nisi juxta unanimem consensum Patrum.

"Ut à Patrum auctoritate rectius arguas, diligenter videndum est, ut neque falsæ & adulterina scripta sub nomine antiquorum Patrum obtrudantur, neque genuina eorum scripta mutilentur, aut corrumvantur. Nam à scriptis spuris argumentum nullum nisi mendax & fallax duci potest. Talia sunt quæ sub Clementis, Anacleti, Fabiani & aliorum complurium Pontificum Rom. nominibus venditantur. Verè nil aliud sunt quàm impostorum deliria, qui ut Rom. pontificis dignitatem & auctoritatem evehere possint, exurâ omni modestiâ, ac pudore, & ingenio suo & otio abutebantur. Habe ex mille, exemplum unum. Una (b) ex illis epistolis Missa est à Clemente tum Papa ad Jacobum fratrem Domini & Episcopum Hierosolymorum: In ea mandat Clementi, tum moriens Petrus, ut post ipsius obitum:

* Epist. 19.

* Lib. 2. de Baptis. c. 3.

† Apud Euseb. lib. 7. hist. cap. 23.

* Lib. 3. de verb. Dei, ca. 20. sect. Responspondeo, aliud.

† Aug. lib. 2. cont. ep. Parmen. cap. 13. a Bulla Pii 4. super forma Juramenti professionis fidei.

Reg. 18.

b Epist. Clementis 1.

obitum, quæ ille à Petru audiverat, Jacobo significaret; additque Jacobum admodum
gausurum cum intellexerit Clementem tam doctum ac dignum virum Petro successisse.

O stupidum Impostorem! Petrus obiit c. ann. 13. Neronis, Jacobus verò ille, cui tot
miranda per Clementis literas significari vult Petrus, cuique ut Episcopo Hierosolymitano
Clemens ea scripsit, septimo à Neronis anno obiit, eumque obiisse sciebat (e) Petrus;
& tamen Impudens iste Impostor, non erubuit introducere Petrum mittentem nuncios, &
Clementem literas ad eum Episcopum Hierosolymitanum, quem quinquennio & plus eo
ante obiisse noverant. Et quod hoc longe impudentiâ superat, Turrianus Jesuita, ut stu-
piderat hanc rueri posset, multas esse & iustas rationes ait, f. cur ad mortuos literæ mis-
tantur; fecisseque id Theodosium Imperator, qui ad Chrysostomum (quem certò sciebat
defunctum ac sepultum fuisse) literas misit & tradi curavit. Sed Jesuita mendacium menda-
cio ruetur: nec stultitiam Impostoris ullo modo excusat, sed suam prodit. Et tamen hæc
similesque Pontificum illorum epistolæ, commentitiz, stramentitiz, & quas verissime di-
cas ab homine plumbei cordis, & ferrei frontis confictas, hæc inquam quia in rem peniti-
cis faciunt, ut sanctissime & viri Apostolicis dignissima vocantur. g. Etiam Glossa
h in Gratianum non veretur in Rubrica asserere, inter Canonicas scripturas decretales
epistolas connumerari, ut probent Invocationem Sanctorum, citatur i liber Aug. de spi-
ritu, & anima, cap. 59. Et quidem in Missali nullo clariùs quàm illic invocantur Sancti,
Orate pro me ad Dominum ut educat me de isto carcere. At interim Augustini liber iste
non est, ut agnoscunt Lovanienses k, & Bellarminus l: spurium esse, & à Cister-
ciensi quodam monacha confictum, testatur Aquinas m. Non debuerunt Colonienses
ranta ostentatione hoc testimonium proferre, Audiamus n. inexpugnabile illud Catbo-
licæ fidei propugnaculum D. Augustinum. Pleni sunt Pontificorum libri talibus confictis,
& ementitis authoribus, quos sub Cypriani, Athanasii, Ambrosii, Augustini, Hierony-
mi, & aliorum antiquorum nominibus venditant, cum verè nil sint aliud quàm Parvæ Pa-
trum, verè Gibeonitæ, homines nuperi & novitii, quos illi per antiquis vestibus & laceris
calceamentis ut faciliùs imponant, induerunt.

c Bar. an. 69.
nu. 1.
d Euseb. in
Chron. in. cum
annum.
e Turrian. de-
fens. Can. A-
post. & Epist.
pontif. lib. 2.
c. 13. in prin-
cipio.
f. idem.
g. A Turriano
loc cit.
h Dist. 19.
cap. in Cano-
nicis.
i In Censura
Colon. Dial. 6.
p. 205.
k Lovan. Cen-
sur. in tom. 3.
Aug.
l Bell. lib. de
Eccl. script.
in August.

tom. 3. in Aquin. Quest. disp. q. de Anima art. 12. n. Cens. Colloc. citat.

Etiam & altera fraus cavenda, ne quid è genuinis Patrum scriptis eradatur, expungatur,
vel corrumpatur. In recentiorum scriptis frequens hoc esse & prope solenne demonstrant
illorum Indices expurgatorii. Quam multa ex Erasmo, Stapulensi, Fero, Jansenio,
Contr. Lago, Fabrico, aliisque expuncta? Ex uno Anton. de Rosel, unoque in loco, tres
integras & amplas paginas o in folio delendas mandarat. Quid ni faciant? mirifice Pa-
træ auctoritatem quæ ibi habentur infringunt. Quam multa ex indicibus Patrum expun-
genda censuerunt? ex Indice Chrysostomi p hæc, Fides sola à iustificato requiritur. delendum totum
Coxam Imaginibus procumbere quanta stupiditas! Intercessoribus non opus est apud Deum; caput. 70. d.
sed pro nobis per nos accedendum. Iustificatio ex sola fide sine operibus. At à sanctis pa 296. ad
Patribus, opinor, abstinent, ex eorum scriptis nihil ista sacrilega manus deleat & audet, ni-
hil expungere, nihil corrumpere. Imò & in hos involant. Ex: at apud Authorem operis expurg. ed. an.
Imper. in Matth. Homil. 49. aureus planè tractatus, de sacrarum literarum dignitate. 1599. pag. 87.
Nunc, inquit, nullo modo cognoscitur, quæ sit veræ Ecclesiæ, nisi tantummodo per scri-
pturas. Locus prolixus est, sed lectu dignissimus. Integrum hunc locum, duas pagellas
complementem, expungi curarunt ex editione Paris. anno 1558. In tertia edit. Bibl. lat. st.
Patrum, ex præscripto Indicis expurgatori emendata, deleta sunt ex Optato sex integre pa-
ginæ, è fine libri septimi. In lib. de unitate Ecclesiæ, quam fædè corruperunt Cypriani
verba, contra antiquorum & optimorum codicum fidem, inferentes illa verba, Petro pri-
matus datur. In genuina editione Ignatii (illius scripta ipsis genuina habentur) in epist.
ad Smirn. legitur, Honorare oportet & Regem, nec enim Rege quisquam est præstantior.

o Ex part. 1.
Ant. de Rosel.
de Monarch.
caput. 70. d.
pa 296. ad
300. Index
1599. pag. 87.
p. Ind. ex-
purg. p. 24. & 5.

Vide Concil.
Charibag. 6.
S. Conc. A-
fric. cap. 101.

* Reg. 19.

r Can. lib. 7.
cap. 3. sect.

At Gelass.
s Can. lib. 7.

c. 3. sect. Se-
cunda.

t Ibid. sect.
Ecclesiastici.

u Siap. doct.
princ. lib. 7.

cap. 5.

x Sixt. Senen.
præfat. in lib.

5. suæ Bibli-
oth.

y Ibid.

z Fevar. com.
in lib. 2. ca. 39.

Irenæi.

a Sixt. Sen.
loco cit.

b Peter. com.
in cap. 3. ad

Rom. disp. 6.
pag. 226.

c Sixt. Sen.
lib. 6. Annot.

119.

d Bell. lib. 4.
de Rom. pont.

cap. 8.

e Idem lib. 1.
de Christ. c. 9.

f Bar. an. 248.

g Bell. lib. 4. de verb. Dei, cap. 11.

h Idem lib. de Beat. sanct. cap. 5; in fine.

i Ibidem. k Hostius
lib. 4. cont. Brent. pag. 212.

l Th. Wald. Sacrament. Tit. 17. cap. 157.

m Bar. ann. 369. nu. 24.

n Bell. lib. 1. de purg. lib. 4.

o Sixt. Sen. lib. 5. Annot. 77.

p Ibid. q Mald. in cap. 6. Johan. r Peter. in
cap. 3. ad Rom. disp. 6.

s Bar. in Appar. nu. 52.

aut quisquam similis ei in omnibus rebus creatus. In edit. Lat. Paris. an. 1561, itemque Græca, 1562. sic mutarunt hæc verba: *Honorare regem oportet, neque enim Deo potior est quisquam, aut compar in omnibus rebus.* Antiquum nimirum hic obtinent: nec faciunt aliud quam quod ipsi Rom. pontifices olim fecerunt. Ut suam authoritatem stabilire possent, corrumperant Nicænos (q) Canones Zosimus & Bonifacius, fraus ipsorum ab Africanis Patribus clarissime tum detecta: nec ullo nitro elui unquam potest illius facti labes. Si à Patrum testimonio rectè arguere velis, cavendum ne spurios pro genuinis, corruptos pro integris proferas.

* Non falso solum, sed iniquè & improbè accusant alios, quod sint (r) ubique Patrum contemptores & adversarii, cum illi ipsi antiquos Patres, si quando eis occurrat aliquod quod palato ipsorum non sapiat, non liberè solum, sed sepe non sine fastu respuant. Antiquos Patres nos amplectimur, & ita accipimus, ut nec sine justa & evidenti ratione ab uno pluribusve, nec ab unanimi ipsorum consensu unquam in causis fidei dissentiamus: utrum illi magis eos colant ac venerentur ex ipsorum scriptis judicate. "Sanctorum (s) quisque erravit vel in eo quod ad fidem spectat. Reliqui (t) scriptores sancti (præter auctores Canonicos) deficiunt quandoque, ac monitum parium: In dictis u) aliquorum Patrum incommotis & erroribus, commodè eos exponere convenit. In libris (x) sanctorum doctorum, quos authenticè legit Ecclesia, nonnunquam inveniuntur quædam prava & hæretica. Dionysius (y) Corinthius dum Sabellium opugnare nititur, nimio contentions studio in contrarium vitium fertur. Irenæus (z) impetu ipso refellendi Gnosticos, in partem contrariam delatus est. Chrysostomus (a) impetu disputandi cum Manichæis, sæpenumero naturæ nostræ vires plus æquo attollit. Ego (b) de Origine susque deque fero. Origines (c) hunc errorem hausit à Schola Clementis Alexandrini præceptoris sui. Non (d) est omnino fides habenda Tertulliano hac in parte. Tertulliani (e) & Eusebii in dogmatibus parva est authoritas. Cyprianus (f) plus satis exandescit, nec ab ipsis convitiis abstinere, nihil in ea epistola temperantiùs agit. Non (g) mirum si Cyprianus more errantium tunc ratiocinetur. Lactantius (h) in plurimos errores lapsus est, cum esset magis librorum Ciceronis quam Scripturam peritus. Victorinus (i) Martyr fuit, sed eruditio ei defuit. Epiphanius (k) sibi non constat. Epiphanius (l) zelo captus erat, sed non secundum scientiam. Hilarius (m) rævius non carer. Ambrosius (n) ita exponit, sed non puto hanc expositionem esse veram. Ambrosii (o) sententiam (quæ fuit, etiam Justin Martyris, p Methodii, Clementis Alexand. Eusebii, & Lactantii) Philastrius inter hæreses recenset. Caveat q Lector si Chrysostomum in hunc locum legat, ne in Pelagianorum hæresin incidat. Admoneo r hic Lectorem, sententiam B. Chrysostomi nec probabilem esse nec probam: Ille verba illa Psalmi, *Non est qui faciat bonum, non est ad usque ad unum*, nimio plus quam par est, extendens, pertinere ea putavit ad B. Virginem: Dico eum in hac sententia veritatis & pietatis terminos excessisse. Non s facile admittamus quod Philo, Clemeas, Nazianzenus, Origines, & Ambrosius dicunt. Quod t August. ait de Petra, lapsus humanus est. Augustinus u ex ignorantia linguæ Hebrææ deceptus est. Hieronymus x memoria lapsus est. Gregorius y velut in scena aliam personam agit. Non z est in hoc standum sententiæ Damasceni. Theophylactus a tempore schismatis vixit, ergo ejus authoritatem non recipimus. Mich. Medina b affirmat Hieronymum idem omnino cum n. 37. 38.

g Bell. lib. 4. de verb. Dei, cap. 11. h Idem lib. de Beat. sanct. cap. 5; in fine. i Ibidem. k Hostius lib. 4. cont. Brent. pag. 212. l Th. Wald. Sacrament. Tit. 17. cap. 157. m Bar. ann. 369. nu. 24. n Bell. lib. 1. de purg. lib. 4. o Sixt. Sen. lib. 5. Annot. 77. p Ibid. q Mald. in cap. 6. Johan. r Peter. in cap. 3. ad Rom. disp. 6. s Bar. in Appar. nu. 52. t Siap. lib. 6. princ. doct. cap. 3. u Bell. lib. 1. de Pontif. cap. 10. x Idem lib. 2. de Monac. cap. 9. y Bar. ann. 593. num. 18. z Aqu. quæst. disp. 4. 10. de process. spir.

a Bell. l. 2. de Christ. cap. 27. b Idem lib. 1. de Cler. cap. 15.

"Asianis

"Arianis sensisse, neque solum Hieronymum in ea hæresi fuisse, sed Ambrosium, Augusti-
 num, Sedulium, Primasium, Chrysostomum, Theodoretum, Oecumenium, & Theophy-
 lacum. Tertullianus(c), Irenæus, Origines, Chrysostomus, Theodoretus, Oecumeni-
 "Theophilactus, Ambrosius, Clemens Rom, D. Bernardus, (*quibus accedunt d de Auctor.*
 "Justinus Martyr, Lactantius, Victorinus, Prudentius, Augustinus, Arethas, Euthymius) *c Stapl. lib. 1.*
 "omnes censerunt iustorum animas ante diem iudicii Dei visione non frui: at contrarium *sacr. Script.*
 "est dogma fidei, in Concilio Florentino definitum; & sententia Bernardi damnata est: *cap. 2. sect. 5.*
 "non inficio. Plerique e Patribus visum est: Angelos esse Corporeos: *Senserunt f*
 "ita Philo, Origines, Lactantius, Athanasius, Methodius, Hilarius, Basilus, Damascenus, *lib. ann. 345.*
 "Cassianus, ipsa etiam Nicæna Synodus secunda: ego contrarium sententiam potiore exi- *e Perer. com.*
 stimo, ait Sixtus Sen. Nec credo esse corporeos, ait Pererius. "Angelos g multis ante *in Gon. lib. 1.*
 "hunc mundum seculis c: eos fuisse sentiunt Græci scriptores, & de Latinis quicunque *disput. 106.*
 "fuerunt ante Augustinum: illi sunt Origines, Basilus, Greg. Nazianzenus, Severianus, *pag. 241.*
 "Damascenus, Hilarius, Ambrosius, Hieronymus, Isidorus, & Cassianus: at hanc sen- *f Sixt. Sen.*
 "tentiam Concil. Lateranense sub Innocentio 3. damnavit: ait Sixtus Senensis b. A- *lib. 5. Ann. 8.*
 gmen hoc claudet Baronius, nam piger ista ulterius persequi. "Hoc, inquit, Ab augu- *g Perer. loco*
 stino, Ambrosio & compluribus summæ auctoritatis doctoribus, communi velut quadam *cit. pa. 245.*
 "consensione affirmatum scimus: sed pro veritate elucidanda adversus quoscunque obniti *h Sixt. Sen.*
 "adstringimur. Quoties quidquam in rem Pontificis, aut Pontificiorum causam facit, *lib. 5. Ann. 5.*
 eluci dari ab eis veritatem (nova phrasi, sed illis solemn) ne dubites: tum verò adversus *i Bar. in Ap-*
 quoscunque obniti planè obstringuntur. Equum nunc postulamus, liceat & nobis hac eadem *parat. nu. 69.*
 libertate; liceat cum iusta ratio suadet, cogitque, à Patre uno, à consensu plurium Pa-
 trum dissentire.

Hanc veniam petimusque, damusque vicissim.

Sic enim, neque aliter à Patribus arguere didicimus: Quod Pa res asserunt; nisi iusta ratio refragetur, pro vero accipiendum est; Hoc Augustinus, Chrysostomus, aut alii asserunt, ergo, nisi iusta ratio contrarium suadeat, pro vero accipimus, & accipiendum docemus.

A Patribus ad Papam Rom (quem Patrem patrum haberi volunt) progrediamur. Et De Testimoniis hic quidem res illis ad Triarios rediit. Ecclesia, Patres, Concilia, vel maxime Oecumenica, Paparum ac legitima, errare poterunt, si ipsa fidei petra in fide titubet, & ruat: Illius testimonium quanti valeat videamus.

A testimonio & iudicio definitivo Rom. Pontificis nullum in causis fidei firmum & validum argumentum duci potest. Ratio est, quia in tali iudicio ille non solum errare in fide potest, & errorem sententiæ definitivæ confirmare, sed & actu, seu de facto si erravit, ut hæresin coconfirmaverit. Liberium subscripsisse uni ex tribus fidei formulis in Concilio Sirmienti editis, testantur ipsius literæ k, & agnoscunt Baronius d. 10. Binius, m. Primam formulam hanc fuisse contendunt illi. Errant. Illam cui Liberius subscripsit impiam confessionem fuisse, & alia multa certissime demonstrant, & rectè agnoscit Binius n. Primam autem formulam, verè Orthodoxam esse & res ipsa docet, & testatur Hilarius o qui eam explicat, & agnoscit Baronius p. Duæ reliquæ hæreticæ, utramvis elige. Cui-
 cunque ex duabus illis subscripserit, confirmavit, definit, & dogmatizavit hæresin; eam-
 rum Papa existens. Hæc obiter. Nam singula hæc fusiù à me in alio hac ipsa de
 re insituto Tractatu declarata sunt. Alter error est Cœlestini tertii. Tu eum non meis,
 sed Alphonsi. Castrensis verbis accipies; Omnis, inquit; q homo errare potest in fide;
 etiam si Papa sit. Nam Cœlestinam Papam errasse circa matrimonium res est omnibus
 manifesta: Docuit nimirum Matrimonium ita solvi per hæresin, ut liceat ei novum con-
 jugium

Reg. 10.

k Epist. 7. Li-
berii apud

Bin. pag. 465.

l Bar. an. 3567.

nu. 46. & seq.

m Bin. notis

in Conc. Sir-

mient.

n Cujus impiæ

professionis

subscripsit.

Bin. loc. cit.

pag. 474.

o Hillar. lib de Synod. p Bar. loc. citat. q Alph. a. Cast. lib. 1. advers. hæres. cap. 4.

jugium

1 Conc. Trid.
Sess. 24. can. 5.

s. Lib. 6. cap. 8.
scilicet. Huic.

1. A. 13. p. 71.
u Pa 73.

2 Guil. Occam.
in Compendio
errorum Johannis
22.

3 Serm. in
fest. Pasche 10.

4 pag. 491.
v. Bell. lib. 1.

de beat. sancti.
cap. 1. §. 2.

2 Lib. 4. de
Pontif. c. 14.

scilicet. Respondeo
imprimis.

b. Lib. 1. de
beat. sancti. c. 2.

scilicet. 2.
c. Lib. 4. de
Pontif. c. 14.

scilicet. 4.
d. Adrian. in

4. Sent. de
Sacram. Con-

fr. in fine.

jugium ire, cujus prior conjux in hæresin lapsus sit. Quod hæreticum esse liquet ex Concil. Trident. (r) ubi hoc dicentibus Anathema denunciatur. At forè solum opinatus est hoc Cælestinus, non ex Cathedra definitivè. Audi iterum Alphonsum; "Hic Cælestini error talis non fuit, ut illum errâsse dicamus velut privatam personam, & non ut Patrem: quoniam hujusmodi Cælestini Definitio habebatur in antiquis Decretalibus in Cap. Laudabile. Tit. de conversi. infid. quam ego ipse vidi & legi. Sic Alphonsus. Sed cautum jam ne alii legant hæreticam istam Papæ Definitionem. Honorium Monothelitarum hæresin amplexum, eaque de causa anathematizatum agnoscit & demonstrat Canus (s). Dogmaticè verò eum istam hæresin docuisse testantur ipsius literæ in Concil. Gen. 6. Ait (t) enim se in eundem docuisse id quod ad dogma Ecclesiasticum pertinet, ad instructandam notitiam ambigentium, & amputandas inextricabiles quaestionum ambages. Quare & ista Honorii epistola, cum aliis Cyri & Sergii (u) combusta est, quæ omnia Actione 14. vocantur *Opuscula dogmatica*. De erroribus Johannis 22 audi Occamum (x), "Tres inquit, Johannes *Destitutiones* scripsit, quas *Constitutiones* appellavit. Has ille erroribus, hæresibus, mendaciis, & sophismatibus fermentans, in fidem & bonos mores damnabiliter iniecit: & in præjudicium Christi & Christianitatis, contra veritatem Catholicam intrepidè scripsit, docuit, & affirmavit. Et recensitis ex prima ejus constitutione erroribus quatuordecim, ex secunda septem aliis, ex tertia aliis octodecim, quos omnes definitivè à Johanne promulgatos fuisse testatur: addit Johannem istum, "quam tam Constitutionem edidisse, in qua priores errores & hæreses replicans & confirmans, & se pertinacissimum hæreticum ostendens, plures alias hæreses patentiores, & detestabiliores prioribus adinvenit, quos in ipsa Constitutione definiendo scripsit & docuit, ac sub bulla sua mundo tradidit tanquam Catholicas veritates. Et recensitis ex illa quarta Constitutione triginta duobus erroribus & hæresibus, ista subjicit: "Quinimo, alias hæreses cuiuslibet fidei horrendas in sermonibus suis publicè docuit, & pertinaciter defensavit. Unde ann. 1331. in sermone, in festo omnium Sanctorum habito, publicè dixit, tenuit, docuit, & affirmavit, quod Animæ in coelo beatæ, non vident visione faciali, nec intuentur divinam essentiam, nec ante diem judicii generalis sunt visuræ: "Quam hæresin in diversis aliis sermonibus suis approbando recitavit, & pertinaciter affirmavit, pro quâ etiam hæresi fulcienda unum magnum opus composuit, quod ego vidi & legi. Hæc ille, qui hujus rei viros fide dignos, testes citat. Audi idem ex Gersone (y). "Hinc, inquit, apparet falsitas doctrinæ Papæ Johannis 22. de divisione beata, quæ damnata fuit cum tono buccinarum coram Rege Philippo, per Theologos Parisienses. Audi idem ex Bellarmino, qui hoc & hæresin (z) esse agnoscit, & in Conciliis Florentino & Tridentino damnatum dec'arat. Johannes, inquit (a) reversus sensit animas non visuras Deum nisi post resurrectionem. Sed Bellarmini testimonio non tantum tribuo, præsertim cum ibidem (vereor ne reclamante ipsius conscientia) dicat (b), Johannem hunc non accusari à Gersone & aliis, ullius erroris, præterquam istius de visione Dei. Atqui, ab Occamo (quod opinor non ignoravit Bellarminus) septuaginta alii Johannis errores & hæreses præter istum recensentur. Parum hoc sit Bellar. illud asserere: At asseverare Johannem hunc in errorem nullum incidisse, sic disertis verbis asserit (c) Bellar. superat, opinor, istam impudentiam; cum ille ipse & Johannem fateatur sensitisse animas non visuras, cum ante resurrectionem, & hoc ipsum non errorem solum esse sed hæresin agnoscat. Audi igitur testem Bellarmino longe digniorem, Adrianum nempe Papam: "Novissimè (d) fertur de Johanne 22. quod publice docuit, dec'aravit, & ab omnibus teneri mandavit, quod animæ purgatæ ante finale judicium non habent stolam quæ est clara & facialis visio Dei; & Universitatem Parisiensem ad hoc induxisse dicitur, quod nemo in ea poterat gradum in Theologia adipisci, nisi primò hunc errorem jurasset se defensurum, & perpetuò ei adhæsurum. Sic ille; qui hinc affirmat certum esse Pontificem Roman. errare posse in fide, quoniam alii in aliis rebus erraverunt, in hac Johannes iste. Habe aliud exemplum: Vigilius Papa pro

pro defensione trium Capitulorum (in quibus virus omne Nestorianarum hæresium latebat) edidit *Decretum*, seu *Constitutum Apostolicum* (e), in quo ita concludit, "Statuimus & e *Constitutum* decernimus nulli ad ordines, & dignitates Ecclesiasticas pertinenti, licere quidquam illud extat a-
" contrarium his quæ præsentī asserimus vel statuimus Constituto de sæpe dictis capitulis *pub. Bar. ann.*
" aut conscribere, aut proferre, aut componere, aut docere; aut aliquam post præsentem 535. ann. 50.
" Definitionem movere ulterius quæstionem. Si quis verò de iisdem tribus Capitulis con- *ad 210.*
" tra hæc quæ asseruimus, nomine cuiusquam ad ordines & dignitates Ecclesiasticas perti-
" nentis factum, dictum, atque conscriptum est vel fuerit, hoc modis omnibus ex autho-
" ritate sedis Apostolicæ refutamus. Quæ tota de causâ, volumen integrum, quod lucem
opinor nunquam conspiciet, à me conscriptum esse nōrunt non pauci. Sed sisto. Certe
enim malè metuo ne ob ista in hæreseos apud eos suspensionem incidam, eoque magis si vera
nobis narrant Canus (f) & Bellar. (g) de Concilio nescio quo Complutensi, circa an. 1480. f. *Can. lib. 6.*
habito, in quo Petrus quidam Oxoniensis, (Oxonienſis ait Bellar.) *hæresis nomine condem-*
natus est, eo quod asseruit Ecclesiam urbis Romæ errare posse. Bene verò est. Dignissi- *cap. 7. sect.*
mus ille Joh. Gerson, & Papa Adrianus in eadem mecum sententiâ, quos opinor hære- *Nicolaus.*
seos vix condemnabunt. *g. Lib. 4. de*
Pont. cap. 4.

Ad Scholasticos Theologos jam accedamus. Hoc autem nomine non alii significantur
quàm qui post annum 1140. suis quæstionum & disputationum spinis quas illi *Argutias*
purabant, Theologiam omnem sic perturbârunt, ut omnia fere ad antiquorum Academi-
corum incertitudinem revocârint: quique, ut ait Erasim. (h) *Totam Theologiam à capite* h. Erasim. in
usque ad calcem retexuerunt, & ex divina *Sophisticam fecerunt, aut Aristotelicam.* Hos vita Hier
ferè omnes à tribus Petri, oriundos dixeris: Petro Gratiano, Petro Lombardo, & Petro *præfixa ipsius*
Comestore; quorum primus *Decretorum*, & *Canonistarum*; secundus *Sententiarum*, & *openibus.*
Scholasticorum; tertius *Historia Ecclesiasticæ*, & *Legendariorum* magister dici potest. De
quibus fertur (i), tres istos omnes germanos fratres ex adulterio natos fuisse; quorum
mater, cum in extremis peccatum suum confiteretur Sacerdoti, illèque ut poenitentiam de eo
ageret, admoneret; respondit in hunc modum, *Pater, scio quod adulterium peccatum*
magnum est: sed considerans quantum bonum sequutum est, cum illi filii mei sint luminis
magnum in Ecclesia, non vultis poenitere. Scio Antonium, Baronium, Bellarminum, &
quosdam alios, eos pro fratribus non putare: non contendo de hac re, etsi cur hoc verum
non sit, rationem nullam firmam adducunt. Hoc in confesso est, eos omnes eodem seculo,
& circa ann. 1140. vixisse, quo tempore hæreses multæ & Zizania in Ecclesia succraverunt.
In multis Magister Scholasticorum à discipulis suis non tenetur, in (k) articulis 26. reji- k Bell. de
citur. Etiam & ipse *Hæreseos* (l) *accusatus est, apud Alexandrum tertium, quod docuisset* Scrip. eccl. in
Christum ut hominem non esse aliquid: quæ sententia jubente Alexandro 3. in Concilio *Lombardo.*
Parisiensi damnata fuit. Magister item *Decretorum*, *Apocryphis msscriptis & ementitis* l Mas Paris.
librum suum ubique commaculavit, sæpe erravit, minus erat Theologus sciens; Denique *in Henr. 2. sect.*
Magister Historiæ, multis (n) *apocryphis narrationibus historiam Ecclesiasticam corripit,* *Relatum. pa.*
& aliis quomodo pro Historiis fabulas mendacissimas quas *Legendas* vocant, orbi propina- 184.
rent, viam monstravit; Ita tres illi Magistri, (fratres saltem in nequitia & fraude) turbâ- m Possev in
runt omnem Theologiam, unus argutiis inutilibus, & spinosis quæstiunculis; alter scri- *Appar. in*
ptis apocryphis, & falsis Patrum sententiis; tertius mendaciis & fabulis. Ex his orti Scho- *Gratian.*
lastici, qui post in sectas divisi Thomistarum & Scotistarum, sæpe iacer se tam acriter de *n Possev Pet.*
lana Caprina dimicantium, ac si in ea positæ essent fortunæ Græcorum. In hoc ferè omnes *Comost.*
conspirant. unus hic erat omnibus labor, Pontifici (cujus ille satellites) placere, & recepta
in Pontificum factione dogmata, (vera an falsa essent, sùsque deque erat) manibus pedibùsque
propugnare: ni faciant aut facere se simulent, (Occamus tibi exemplo est) hæretici audi-
ent. Notum quid ex his, (q. doctiores dicere, soliti, *Sic dicerem in scholis, sed tamen,* o Paralip. ad
(maneat inter nos) *diversum sentio. Sic dicimus in scholis, sed tamen, (maneat inter* *abbat. Oespera*
nos) non potest probari ex sacris literis. Styli deinde apud hos, quantæ barbaries? quàm p. 448.
jejuna.

p Ibid. p. 455.

jejuna & incompta oratio; quæ illis tamen sic in deliciis, ut lepidè sed non sine causa ab Erasmo p dictum sit, vel Græcè scire, aut expolitè loqui, hæresin inter hos haberi. Nec tamen hæc à me dici putes, quia Scholasticorum scripta aut negligam ipse, aut ab aliis legi nolim. Certè enim ut homines ingeniosos & argutos in disputando laudo & amplector, nec sine magna voluptate simul ac fructu eorum scripta sæpe revolvō. sed quia multæ in illis fæces, multæ salebræ, lectori caurum, & judicio firmatum esse cupio, ne, specie veritatis deceptus, pro auro finum, virus pro veritate (si levi sit ac instabili ingenio) imprudens imbibat. Sed quàm firmiter ab iis arguendum sit videamus.

Can. Regula.
q Can. lib. 8.
cap. 4. sect. 3.
Et lib. 12. c. 7.
sect. 8.

Iterum hic ridiculus est Canus; cum de his hanc regulam tradit: *Concordem q & constantem omnium Theologorum Scholasticorum de fide aut moribus sententiam firmam esse, & pro veritate catholica amplectendam.* Hui concordem omnium? Quis omnium sententiam unquam exquirat? unquam inveniat? quis vel omnes novit, non dico de scriptis, sed vel de nomine? Ut omnes ad manum habeas, an unquam omnes conspirare putas? Non sic Cadmea soboles, ut inter se dimicat gens hæc clypeata virorum, Marte suoque cadunt per mutua vulnera. Sæpe etiam disputativè tantum loquuntur, nec rem definiunt. Tua ipsius verba audi, r *Lege Magistrum D. Thomam, Scotum, Bonaventuram, Richard. Palud. Durandum, ceterosque scholasticos; & nisi statim eorum pendentes ac vacillantes animis deprehenderit, tum verà me aut stultum aut temerarium judicato.* Quare mitte concordem illorum omnium sententiam; de illorum opinionibus cum aliquot ex eis conspirant, videamus. *A Theologorum, Scholasticorum, etiam multorum consensu, nullum firmum argumentum peti potest, nec plus valet eorum Testimonium ad faciendam fidem; quàm vel ratio, vel gravior aliqua auctoritas comprobabit.* Hoc unico exemplo manifestum fiet: Matrimonium omne inter Christianos, sive celebretur a ministro ecclesiastico sacris & solemnibus verbis, sive absque tali ministro, sacramentum est, &, ut ait Bellar. *a est communis consensus Scholasticorum* e ita sentit Hugo, Thomas, Dominicus à Soto, b Pet. Paludanus, Theologi c omnes, & omnis schola d Theologorum. Etiam Canus ipse fate ur (ut ait Bellar. e) *hanc esse communem opinionem Scholasticorum.* An in hoc fidei dogmate, etiam in f Concilio ipsorum definito, cedit Canus communi huic Scholasticorum sententiæ? Non cedit. *Matrimonium sine ministro ecclesiastico contra-*

a Bell. lib. de
Sacramento
Matrim. c. 7.
sect. 2.
o Ibid. cap. 8.
sect. respon-
deo, Petrus.
c Ibid. cap. 6.
sect. Et quam-
vis.

Hum non esse sacramentum acerrimè tuetur g, etiam tuetur ut veritatem non certam modo, sed planè evidentem. Sed præstat ipsius verba audire: *Hic, inquit b, si Thomistæ omnes cum Scotistis existant, si cum antiquis juniores contra me pugna e volent, ego tamen superior sim necesse est. Est quædam ita perspicua veritas, ut eam infirmare nulla res possit.* Ecce Thomistæ omnes, & Scotistæ, Scholasticorum omnia consensus, Canum de sua sententia dimovere non potest. Nec Cano solum hæc libertas. Cæteri omnes quoties e usu ipsis esse vident, Scholasticos pro libitu respuunt. D. i Thomas ait, *Christi animam per realem præsentiam descendisse solum ad limbum Patrum, at refellit hoc k*

d Ibid. cap. 8.
sect. Si de.
e Ibid. cap. 7.
sect. 5. Thom.
f Florentino
& Tridentino
ut ait Bell. ib.
cap. 7. sect.
Concilium.
g Canus lib.
8. cap. 5. sect.
Ostendam.
h Ibidem.

Bellarminus. Sentit l Durand. non totum panem transubstantiari, sed manere illius materiam: sententia hæc Lavandi hæretica est, ait Bell. m Scotus n ait Transubstantiationem non fuisse sibi dei digna ante Concil. Lateranense Hoc non est approbandum, inquit o Bellarminus, Sanct. Thomas existimat p non posse unum corpus esse in duobus locis localiter. Illius opinio, e iam & ratio non est solida, inquit Bell. q & sexcenta similia. An illis solis respuendi Scholasticos jus fasque est? Sed quanti facie ida sit Scholarum autoritas unico exemplo indicabo. Aquinas ait imagines quasdam colendas esse cultu Latria, & ipsos (Ecclesiam nempe Rom.) eas hoc cultu venerari testatur: verba ejus hæc sunt, part. 3. quæst. 25. art. 3. *Imagini Christi eadem reverentia exhibetur quæ ipsi Christo: Cum ergo Christus adoretur adoratione Latria, consequens est quod ejus Imago sit a-*

i Bell. lib. 4.
c. 13. sect. 3.
n Ibid. cap. 23. sect. 1.
o Ibidem. p Ibid. cap. 3. sect.
Quidam tamen. q Ibidem
adoratione

de Christi anima, cap. 16. k Ibidem. l Ibidem lib. 3. de Euchar. cap. 11. sect. Huc. m Ibid. c. 13. sect. 3. n Ibid. cap. 23. sect. 1. o Ibidem. p Ibid. cap. 3. sect. Quidam tamen. q Ibidem adoratione

adoratione *Latriæ* adoranda, & art. 4. loquendo de ipsa cruce in qua Christus crucifixus est, illa utroque modo (tam propter contractum quam propter representationem) adoratur eadem adoratione cum Christo, scilicet adoratione *Latriæ*. Si verò loquamur de effigie crucis, in quacunque alia materia, (puta lapidis, ligni, argenti vel auri) sic veneramur crucem, tantum ut Imaginem Christi, quam veneramur adoratione *Latriæ*. En tibi Crucem & Imaginem omnem Christi & adorari ait (à Romana Ecclesia, -cujus ille primarius athleta) cultu *Latriæ*; & ita etiam adorandam esse definit. Nec verò excusari hoc ullo modo potest, si dicant *Latriam* cruci aut imagini Christi exhiberi non propter se, sed propter Deum. *Latriam* verò esse cultum Deo proprium, quando exhibetur alicui propter se, non quando exhibetur propter aliud, aut propter prototypum; siculneum hoc verè folium est; nec nuditatem illorum tegit, sed prodit vel maxime. Verissimè in hanc rem scripsit Belliar. (r) *Est de essentia veræ Latriæ, exhiberi propter se. Latria enim dicitur summus cultus qui debetur vero Deo ut primo principio omnium rerum. Implicat autem contradictionem, exhiberi summum cultum primo principio, & exhibere propter aliud.* Et tum addit (quod utinam perpendant) *vel Imagini* (puta crucifixi, aut crucis) *exhibetur cultus Latriæ propter se. & hæc est vera Idololatria; vel non exhibetur propter se, & tum ille non est cultus veræ Latriæ.* Cultum esse veræ *Latriæ* quem exhibent Cruci & Imaginibus Crucis, ac Christi, testatur & demonstrat Angelicus eorum doctor: quia eandem ipsam adorationem his omnibus exhiberi & exhibendam esse testatur, quæ Christo exhibetur. Quare ex Beilarmini verbis certissimè sequitur, cultum eum quem his exhibet eorum Ecclesia, quemque exhibendum esse docet Aquinas, esse veram Idololatriam. An talibus magistris fides adhibenda? Et tamen hic ille Divus Thomas est, de quo in Breviario (s) Romano eoque correcto dicitur, quod cum Neopoli ad Imaginem Crucifixi vehementius oraret, hanc vocem audivit, *Bene de me scripsisti Thomas.* Decuisset Divum Thomam sic statuarum loquacitatem increpassè, ut olim Bernardus, cum eum similiter B. virginis statua salutasset, *silere eam modestè monuit*, inquit, *Turpe est mulieri loqui in Ecclesia.*

Lib. 2. de Imag. Sanct. ca. 24. scilicet. Licet.

In Festo Thomæ & Mar- tii 7.

Scholasticis Canonistas adjungo, & quod de illis, idem & multò magis de Canonistis De Testimonio dicendum est, *Eorum in Causis fidei Testimonia nullius ponderis sunt, nullius momenti.* Canonistarum Gnothones illi sunt Paparum; gnauiter, imò impudenter Papæ assentari & norunt, & a- Reg. 20. mant. Hi illi sunt, qui non vereantur tantum suo Papæ dare quantum summo sacerdoti unus ex Rabinis tribuebat, (t) *Ab eo quod ille dixerit non discedendum, ne si sinistram & Rab. Ske- quidem dextram dixerit, & dextram sinistram.* Quis ferat audire illud (quod sine blasphemia dici non potest) Papam vecari Deum? Canonistæ tamen sunt qui in Glossa, c. cap. 17. Deut. Cum inter; extra. Johan. 22; ira dicunt, *Credere Dominum Deum nostrum, conditorum dicti Decretalis, & istius, non potuisse sic statuere sicut statuit, hæreticum est.* Quis & illud ferat, (u) *Ecclesiam* (eo nomine Papam ille (x) significat) *non modo Casari & u Verb Ro- Regibus anteponi ac præferri, sed omnibus sub cælo & supra cælum existentibus.* Quis dulph. Cypers. illud Gratiani (Canonistarum patris) quod vel Possévinus (y) ipse sine asterisco præterire com. vd. Cap. non potuit, ferat? *Epistolas Decretales pontificum numerandas esse inter scripturas canonicas.* Oportebat in nicas. De his verissimè ait Polid. Virgil. (z) *Non secus detorqueant sacras literas quo princ. pag. 3. volunt, quam sutores sordidas solent Denticus extendere pelles.* In eodem rectissimè nu. 7. quadrat quod de Episcopis illius seculi aiebat Æneas Silvius, (a) *Etiam vera dicere contra x Idem lib. Papam, est contra juramentum Episcoporum,* ut Scholasticis, ita his, in causis fidei nulla cod. p. 128. fides habenda.

nu. 42.

y Appar. in

verbo Gratianus. z Polid. lib. 4. de Invent. rerum cap. 9. a Cujus verba citantur in Paral. ad Alb. Osperg. pa. 418.

De omnibus verò humanis testimoniis de quibus huc usque egimus, unum hæc obser- vandum est, quod † “ Licet ab eis firmum & validum argumentum ex se duci non possit

Y y

tamen

“tamen adversus eos qui vel testes illos omnes, vel eorum ullum ut fide dignum recipiunt, “valide ac firmiter arguere licet à talibus testimoniis. Sunt enim talia, *Argumenta* (ut vocant) *ad hominem*, in se quidem invalida, sed adversus eum qui tales testes pro fide dignis habet, valida sunt. Sic quia Pontificii judicium *Ecclesie*, *Conciliorum generalium* omnium quæ pro approbatis habent, & *Pontificum decreta omnia* in causis fidei pro infallibilibus habent, ideo ab ullo eorum ut infallibili testimonio adversus eos arguere licet. Iidem quia non *Patrum* solum, sed & *Scholasticorum* consensum, in dogmate fidei pro certo recipiunt, ideo ex eorum etiam consensu, in fidei dogmate, tam firmiter adversus eos arguas, atque ex ipsis Pontificum decretis. Denique quia *Canonistas* in pretio habent, & ut fide dignos admittunt, ab ipse Canonistarum testimoniis, argumenta adversus eos petas licet. Equum est ut quos ipse testes ut fide dignos probas, & citas, eorum testimonia ipse non respicias: ut ex Augustino *b* ante monuimus qui Cypriani omnia scripta contra *Donatistas* ipsum ut testem fide dignum citantibus valere asserit.

b Lib. 2. conc.
Cresc. cap. 32.

A Scholasticis ad Philosophos progrediamur, ubi iterum solennis illa apud Canum Regula deridenda occurrit; Philosophorum, inquit, (c) *omnium una eademque consensio certam fidem facit Philosophici dogmatis*. Oranium Consensus? Cane, miranda canis, sed non credenda. Anaxagoras (d) *nivem nigram, solem, e) lapidem ardentem* esse dicebat. Z. no (f) *motum omnem localem pernegavit*. Arcefilas & tota vetus Academia (g) *nihil omnino sciri, nihil percipi posse contendebat*: nec hæc quidem ipsa *utrum sciamus aliquid, an non sciamus; utrum sit aliquid an omnino nihil sit*, ne hæc inquam cognosci posse ille putabant. Nunquam Cane, unquam Philosophorum omnium consensum invenies; *hanc Academicorum sententiam*, ut ait Orator (h) *reliquorum Philosophorum nemo probat*. Nimis prodigus, in tuis *universalibus*, in *Omnibus*; mitte si me amas, *Omnes*: unius aut plurium ex ipsis, auctoritas, quanti valeat, dispiciamus.

c Aug. lib.

18. de Civit.

Dei, cap. 41.

f Arist. lib. 6. Phys. cap. 9.

g Cic. loco cit.

h ibid. pa. 38.

i Plin. lib. 7.

cap. 32.

m Extat in

Erag. Poeta-

rum, p. 277.

n Pub. Syr.

ibid. pa. 279.

Reg. 23.

o Cic. loco cit.

p Cic. loco cit.

q Cic. loco cit.

r Cic. loco cit.

s Cic. loco cit.

t Cic. loco cit.

u Cic. loco cit.

v Cic. loco cit.

w Cic. loco cit.

x Cic. loco cit.

y Cic. loco cit.

z Cic. loco cit.

aa Cic. loco cit.

ab Cic. loco cit.

ac Cic. loco cit.

ad Cic. loco cit.

ae Cic. loco cit.

af Cic. loco cit.

ag Cic. loco cit.

ah Cic. loco cit.

ai Cic. loco cit.

aj Cic. loco cit.

ak Cic. loco cit.

In rebus Philosophicis, nec unius nec plurium Philosophorum auctoritas certam fidem facere potest. Homines sunt, errare possunt. Et quis omnium non erravit? non turpiter à veritate deflexit? Pythagoræ metaphysicis & numeris; Platonis Ideæ & uxorum communitas; Anaximandri infinita *i*) principia & innumerabiles mundi, lippis ac consoribus nota. Et hi omnes longa agmina post se ducebant. Quare ab eis, certum & indubitatum argumentum duci non potest. Quod verò Aristotelem citet (*k*) Canus, quasi ille ex Philosophorum consensu, indubitatum argumentum peti posse dicat, cum 6. Eth. cap. 11. ait, *Oportere nos seniorum, & prudentium, ac eorum qui experti sunt sententiis, opinionibusque, non minus quam demonstrationibus mentem adhibere*, longè hallucinatur in eo Canus. Non loquitur Arist. de opinionibus seniorum in rebus *speculativis*, ubi quid verum sit investigatur, sed solum de *consiliis, monitis*, & ut sic dicam *parabolis* seu *proverbiis*, quibus in rebus agendis senes ac prudentes viri, propter longam ipsorum experientiam juniores dirigere solent. Eorum consilia & præcepta in rebus agendis, non secus sequenda quam in rebus speculandis Demonstrationes. Tu, quia juvenis es, nec rerum adhuc expertus, nescis quam verum sit illud (*l*) Chilonis, *Comitem aris alieni, atque litis, esse miseriam*; nec quam illud Publii (*m*) Syri, *Ab aliq. expectes, alteri quod feceris*: aut illud ejusdem, (*n*) *Habet suum venenum blanda oratio*. Linque scholas, è Musæo veni in astu, vel in vicis ipsos; Oracula esse hæc, Euclidis Demonstrationibus, certiora invenies. Non aliud sensit Arist. non id quod Canus, consensum antiquorum est certum veritatis indicium.

“A testimonio unius docti & gravis Philosophi, multoque magis à consensu plurium ejusmodi, non est temerè nec absque ratione aut graviore aliorum auctoritate dissentien- dum. Cur enim sine oratione dissentias? An tu *Capito* esse vis, ut *stet pro ratione voluntas*?

Iuntas Nobis non licet esse tam omnivolis. Sed qui illi graves Philosophi? P. atonem, Theophrastum, Chrysippum, Pythagoram, multos alios nominare possem; sed ego inter omnes & præ omnibus *Aristotelem* solum ce.ebro, de quo honoris causa sequentem regulam tibi trado.

“Tanta est tam celebris apud omnes doctos Aristotelis auctoritas, tanto ille tanque fe- Reg. 24.
“fici fuit in veris inveniendis & ingenio & iudicio, ut is in nulla omnino Logicæ parte,
“in Philosophiæ verò disciplinis, Metaphysicam dico, Physicam & Ethicam, non nisi
“in paucis aliquot deferendus sit. Ille enim est qui hanc Logicæ artem & invenit, cum
de ratiocinando nihil dictum esset, ut ipse testatur, lib. 2. Elench. in fine, & sic excoluit
ut perfecterit. Ille est quem fuisse *summum Philosophum*, & *Philosophorum principem*,
omnium pene gentium, ut rectè ait Canus (o) & *multorum seculorum consensus testatur*: o Can. lib. 10.
qui ideo per Antonomasiam *Philosophus* dicitur. Sicut meridiano sole lucernæ lumen, & cap. 5. sect.
stellæ omnes obumbrantur, ita postquam *Sol hic Philosophia* splendore suo scholas, Aca- Cum octo.
demias, & orbem collustrare cœpit, reliqui omnes Philosophi, quasi minores, & minu-
tiores stellæ, sic obscuratæ sunt, ut vix videri possint. *Solus Arist.* ut ait (p) Canus, p Ibid.
abundè satis est ut sit homo in omnibus Philosophiæ partibus eruditus. Ab hujus testi-
monio ita in rebus Philosophicis (paucis quibuldam exceptis) rectissime arguas, *ipse dixit*,
ergo nisi admodum temerarius sis, pro vero agnosce. e. de be. Certè enim sine optima ra-
tione vix quidquam ille in his dicit, quam etsi non semper exprimit, (quod sc. istimè facit)
subesse tamen ne dubites. Rationi igitur credis, cum Aristoteli credis; quam si tu non
capis intellectu, cape tamen assensu & fide: *Discentem enim* (ut ipse q) ait *credere oportet*. q Arist. lib. 1.
Ad *discendum*, ut rectissime monet August. (r) dicimur *Auctoritate & Ratione*. de opr. Sopb.
Auctoritas tempore, re autem Ratio prior est: & *occulta discere incipientibus*, non a- cap. 2.
perit nisi auctoritas januam. Eam primo hic sectare, postquam verò doctus fueris, vide- r Aug. lib. 2.
bis te non Aristoteli, sed Rationi ipsi fidem habuisse. Sed tamen nec Aristoteles ipse, in de Ordine, c. 9.
omnibus sequendus. Nemo est tam oculus, qui non aliquando excuit: nec desunt ali- s Arist. lib. 8.
qui, vel in pulcherrimis corporibus, navi. Erravit in paucis aliquot, quæ cavere te oport- Phys. ca. 1. &
ret potius quam carpere. Hujus generis sunt *mundi (s) aternitas*, & quæ ex ea conse- sepissime aliis
quantur omnia; *numerus (t) ac ordo cælestium orbium*; Neque ullum ille supra orbem in locis
stelliferam quem primum mobile vocat, neque infra Solis orbem alium (u) quam Lunæ, r Idem lib. 2.
putavit. Tale & illud, *quod nihil (x) mutilum aut orbatum naturâ, ne liberos quidem de Cæl. ca. 12,*
educandos censuit, & aliqua similia. Scio ipsum reprehendi tum à Galeno, quod cor, u Ut ex cap.
non cerebrum, statuat præcipuum membrum; tum ab aliis, quod *Galaxiam*, meteoron proxime citato
sentiat. Sed in utrôque rectè sensitse Aristotelem facile, qui rem seriò perpendit. intelli- Aristotelem
get. Quod verò Providentiam Dei negasse asseritur, non à Laërtio solum, Justo Lipsio, sensisse ait
& Cano, sed à Clemente Alexandriano & Epiphanio; in eo insignem fieri tanto Philosopho *Clav. com. in*
injuriam, in libello meo *De Providentia* non solum abundè, sed, ut planè arbitror, in- cap. 1. Job. de
fragabiter demonstravi. Huic ego te ut magistro omnium dignissimè instruendum jam Sacrob. p. 64.
trado, & linquo. Id unum moneo, *Idem ferè quod de Aristotele in Logicæ ac Philosophiæ quod idem*
stud. i. diximus, aliis etiam summis viris qui in ulla disciplin. Magistri meritò haberi colligit ex lib.
tur tribuendum esse; Euclidi in Geometria, Ptolomæo in Astronomia, Hippocrati & Ga- 1. Meteor. c. 4.
leno in Medicina, Ciceroni in Rhetorica, atque ita in reliquis, una hæc in omnibus Re- x Arist. lib. 7.
gu'a tenenda est, *Credendum esse peniti in sua arte*: credendum inquam, nisi evidens Polit. cap. 16.
ratio contrarium doceat. Omnis enim humana auctoritas terræ ac e. Idem Rationi cedere
debet.

Accedamus nunc ad *Historicos* sive illi Ecclesiastici sint, sive Ethnici. Hæc uerò Hi- De Testimonio
storiarum nomine comprehendendi debent narrationes illæ omnes, vel in Patrum scriptis, vel *Historiarum*
in Actis Conciliorum, vel in libris Philosophorum, quibus res ge.æ, memoriæ tradun-
tur. Cum vel Episcopus, vel Philosophus, vel quivis alius res ulla gestas conscribit,
facit non ut Episcopus, aut Philosophus, sed ut Historicus, sicut cum Historicus aliquando

intexit, quid facere nos aut fugere oportet, in eo Philosophum agit aut Theologum, non Historicum. Atque hic denovo (sed certe meæ æt.) Canus cum sua trita & protrita *universitate* occurrit. *Sic omnes*, inquit (y) *graves & probati Historici concurrant, argumentum firmum inde peti potest.* Hui, quando unquam vel eorum omnium sententias invenies? Consensum vero non ante Calendas Græcas. Sed hoc tibi solemne delirium. Nobis aliæ regulæ quærendæ & sequendæ sunt.

Reg. 25.

z Apud Vopis.
in vita Aëre-
lian. in princ.
a Loc. cit.

“A testimonio nullius Historici, (sacris solis exceptis, de quibus nunc non ago) argumentum indubitæ & infallibilis fidei duci potest, sed solum tale quod fidem Humanam faciat: quæ etsi certa omnino & infallibilis non sit, est tamen tanta ac talis, ut testimonia Historicorum gravium & fide dignorum respuere, sit maximæ temeritatis & impudentiæ. Aliqui res gestas *scribunt incuriose*, ut dicebat Pollio (z), alii odio alicuius alicuiusve perturbationibus occæcati, veritatem em corrumpunt, aut dissimulant; ut Vopiscus (a) non vereatur asserere, *neminem esse Historicum, qui non aliquid mentius sit*; ille igitur Historiam aggressus est, *securus se mendaciorum comites habiturum.* Etsi verò mendax omnis homo, tamen viris ac Historicis gravibus, nisi constet eos in hoc falli, merito fides moralis & humana habenda est. Romam à Romulo conditam, Athenas studiis literarum floruisse, Xerxem cum Græcis bellum gessisse, Guilielmum Conquestorem regnum Angliæ tenuisse, & similia infinita, non aliunde scire aut probare potes, quàm ex Historicis. Quod si de his quæ nominavi dubites, non temerarius solum, sed vecors audire debes. Quod si hominibus *humanam fidem* habere non vis, aut naviga ad Anticyras, aut in Utopiam abi.

Reg. 26

“Historicis illis qui res conscripserunt quibus vel ipsi interfuerint, vel quæ ipsorum ætate gestæ sunt, major est habenda fides, quam iis qui narrant centum, ducentis, aut mille. “antequam ipsi nascerentur annis gestas. Unde enim post tam longum temporis interval- lum quid verè gestum fuit, hi scire poterunt, nisi ex scriptis aliorum, aut (quod sæpissimè fallit) ex fama & traditione non scripta. Qui res suæ ætatis scribunt, vident per eumque aut ex constanti relatione tum viventium, & videntium, tibi referunt. Alii audita solum commemorant, exque vulgi fama, quæ est.

b Virgil.

c Aeneid. lib. 4.

c Plaut. in

Truc. Act. 2.

Reg. 27.

Tam fidei, (b) praviusque tenax quam nunciæ veri.

Plurimè est, (c) oculatus testis unus, quam auriti decem.

A Testimoniis gravium Historicorum (sive Ecclesiastici sint, sive Ethnici,) sine clara ac evidenti ratione non est dissentiendum. Quare enim absque ratione dissentias? Quod si rationem claram cur fides eis in hoc vel illo habenda non sit, afferre potes, non solum legitime dissentire licet, sed nisi dissentias imprudens omnino es. Quinam verò illi graves & fide digni Historici? Equidem si quis hoc accuratè indicare veller, is apud me maximam iniret gratiam: credo & apud doctos omnes, quibus, ut ego sentio, vix quidquam utilius aut gratius tradi posset, in tanta non multitudine, sed immensitate omnis generis scriptorum. Quo juniorum studiis adjumentum aliquod feram, quid mihi hic videtur paucis indicabo. Primum locum hic vendicant *Acta Conciliorum*, Generalium præcipuè, tum Provincialium, quibus respondeat Acta illa Civilia quæ in publicis rerum pub. Comitibus, (qualia apud nos Parliamenta vocantur) consignantur. Quæ publico consensu in tanto tamque celebri confesso, pro rebus gestis, literis & posteris commendantur, quis nisi vecors in dubium an ea gesta sint, vocare velit? Exempla duo dabo: Tria Capitula in quibus Nestorianorum omnes hæreses, & eorundem Capitulorum defensores ut hæreticos in Quinto Concilio Generali condemnatos esse, totum Concilium (d), voce sua simul & subscriptione testantur.

d Cont. Gen. 5.

Collat. 8.

stantur. Vigilium tum Papam, non defendisse solum, sed *Apostolica sua auctoritate* definitivisse tria illa Capitula defendenda esse, testatur ipsius Constitutum (e), testatur illa Synodus in qua illi Constituto & ipse & tota Synodus subscripsit (f). Quis nunc dubitandi locus, quin Vigilium à quinto Generali Concilio ut hæreticus, imò ut is qui Apostolica auctoritate hæreses definitivè ac defendit, condemnatus sit? Exemplum alterum est de Honorio: Eum non fuisse hæreticum, nec de hæresi condemnatum, Pighius (g), Bellarminus (h), & Baronius (i), alique in Pontificis verba jurati, contendunt. Unde constabit, nisi ex Historicis fide dignis? Quid Historici testentur de hac re, audite verbis Cani (k), quæ testibus quos ille citat, verè consonant. Defendat, inquit, *Liberium Pighius, excuset Marcellinum, Anastasium liberet. At Honorium quomodo ab errore vindicabit? quem hæreticum fuisse tradit Psellus Theodorus cum Synodo Hierosolymitana, 10^a septima Synodus, Adrianus Romanus Pontifex, & exemploratum est in sexta Synodo Generali, ubi Agatho Honorium anathematizat: sic Canus.* Potestne majus, cercius, aut illustrius testimonium non dico proferri, sed vel desiderari? Et tamen quæ sunt pervicaciæ contra tot, tantòsque testes eum hæreticum fuisse, non erubescunt negare. Sed & hæresin istam Monothelitarum dogmatizasse, & dogmatizasse suâ auctoritate confirmasse, ex Actis sexti Synodi liquet, ut ante monui.

Conciliorum Testimoniis proxima puto *Episcoporum*. Quæ illi de rebus gestis, vel à se, vel ab aliis suæ ætatis testantur: eis (nisi de contrario constet) fidem dare, dignum & æquum est. Eusebius qui Constantino familiaris fuit, & oculatus testis eorum, quæ de Constantino narravit, esse potuit, testatur (l) *Constantinum paulo ante obitum in Fordane baptizatum esse.* Acta Sylvestri Anonyma, Apocrypha, putida, mendaciis oppleta, 100. post Constantinum annis conficta, contrarium affirmant. Utri creditis? Et tamen his nullius fidei Actis Sylvestri, fidem habet (m). Baronius. An non similes habent labra lactucas? Gregorius Nazianzenus de se ipse testatur, se natum ex patre jam tum Episcopo, aut saltem presbytero. Sic enim patrem suum se alloquutum ait, (n) *Nondum tot anni sunt tui, quot in sacris mihi sunt peracti victimis.* An non ipsi Gregorio de se testanti, fides potius habenda, quàm Baronio? Stomachatur ille admodum in hac causa, & Gregorii patrem neque presbyterum fuisse neque Episcopum *sed adhuc Ethnicum* (o) *cum Gregorius ei natus erat*, contendit. Sed cavillatur planè Baronius, & strophis (ut solet) decipere tentat: sic enim arguit, Pater Gregorii baptizatus est eodem quo Concilium Nicenum est habitum anno, nempe 325. Verum est. Gregorius erat annorum 30. quando erat Athenis: & hoc quoque verum; (*sed non quæmprimum Athenas venit.*) Nunc perge. Athenis erat, cum Julianus se illuc contulit; & hoc quoque verum (*sed & Athenis mansit aliquot post adventum Juliani annis.*) Jam quia Julianus Athenis venit, Coeff. Constantio 7. & Gallo. 3. an. nempe, 354 (quod verum est) ideo Gregorium natum concludit 30. antè annis, nempe ann. 324. qui est annus, antequam pater ipsius baptizatus erat. Videte fraudem & strophas; probat quæ clara sunt; Illud unum quod probatione indigebat, & in quo vis tota rationis ponitur, omittit penitus, neque de eo vel verbum unum facit. Id verò est, *Gregorium fuisse 30. annorum quando Julianus Athenas venit.* Erat quidem 30. annorum priusquam ipse Athenis discessit, sed eo quo venit illuc Julianus anno, erat (quantum ego perspicere possum,) non nisi annorum 26. Ita natus erat ann. 227. biennio sci icet, postquam ipse pater in Episcopatu sedisset. Nam ille Leontio in Episcopatu, eo ipso quo est baptizatus anno, & Paulo post susceptum baptisma, successit, ut agnoscit Baronius (p).

Post Episcopos proximo Loco *Historici*, tum *Ecclesiastici*, tum *Ethnici* fide dignissimi sunt. Hos omnes tibi nominare nec possum nec vacat: paucos designabo, Eusebium, Hieronimi Chronicon, Orosium, Socratem, Marcellinum Comitem, Victorem Tununensem, Zozomenum, Bedam, Paulum Diaconum, Photium in Bibliotheca, Zonaram, quibus adde Procopium. Et recentioribus Sigebertum habet, Lituprandum, Zonaram,

c Quod existat apud Bar. an. 553. nu. 50. & seq.
f Bar. eodem an. nu. 209.
g Pigh. lib. 4.
h Bell lib. 4.
i Baron. ann. 613. & 680.
k Can. lib. 6. cap. 8. sect. Huic.

l Euseb. l. 4. de vit. Const. cap. 61, 62.
m Baron. ann. 324. nu. 41. & seq.
n Greg. Naz. in carn. de vita sua.
o Bar. ann. 371. nu. 102. 103.

p Bar. ann. 325. nu. 32.

p Lib. 11. cap.
6. sect. Lex
vera secunda,
pag. 636.

q Lib. de E-
mend. temp.
lib. 5. pag. 215.

Et alibi passim. r In Consue. librorum ab Anno editorum.

Lambertum Scaffnaburgensem, Abbatem Urspergensensem, Matth. Parisiensem, Platinum & Sigonium, quibus adde Phil. Comineum, & Guicciardinum. Hi optimæ notæ ac c'assis, non quia nulli in his errores aut lapsus (sunt enim in singulis multi, sed quia majori quam alii fide, res gestas commemorant. Cave verò ne vel Pontificali (quod Damasi nomen præ se fert,) vel Anastasio, vel Baronio, qui Jacobum Voraginem mendacis æquat, fraude longissimè superat, fidem adhibeas, aut ulli ex illa factione pontificia Historico. Vera illi dissimulant, & falsa supponunt, & ut paucis dicam; vel falsa narrant, vel vera ut fallant. Neminem velim his habere fidem nisi qui affinis censeretur veli illi sacerdoti, de quo Canus ait, (p) *Vidit nostra ætas sacerdotem cui persuasissimum erat nihil omnino esse falsum quod semel typis excusum esset.* Inter Ethnicos Historicos, nullus mihi Plutarcho charior, cui in primis Thucydidem adjungo, tum Polybium, Herodianum, T. Livium, L. Florum, Cor. Tacitum, Salustium, Q. Curtium, Ca. Cæsarem, Suetonium, Vel. Paterculum, Amm. Marcellinum. Cave verò à Boroso, Matalsthene, Portio Catone, Philone, & cæteris mendacissimis impostoribus, quos in sua opinor officina confectos, commendavit orbi homo inficitia atque impudentia singulari Annus Viterbiensis Imposturam luculenter detexit Jos. Scaliger (q), & Gaspar Varerius (r).

Reg. 28.

s Digest. de
Officio Præ-
sidis cap.
Illicitas.
t Aquin. 2. 2.
quæst. 64.
art. 6.

u Isa. Wake. in
lib. qui inscri-
bitur, Rex
Platonius.
pag. 113.

Ultimo jam Loco ad *Testimonia hominum quorumvis è plebe accedo.* De quibus nihil aliud dicam, quam quod in reliquis Testimoniis intelligendum est. *Probitas, integritas, auctoritas testis spectanda, & quantæ istæ sunt in ullo, tanta ei fides debetur.* Levis est ingenii cuiusvis fidem dare; viris verò probatis, & integræ famæ nisi justa causa subest, qui fidem non habet, nimis meticulousus est. Cæterum in judiciis ferendis cautum, ut etiam juramenti sacrosancto vinculo, se vera testari obligarent. Et meritò, quia testium fidem iudex sequi debet: nisi illi veraces, quantæ injuriæ & incommoda insequuntur, quis non videt? Quoties igitur contrarium Judici non constat, & ratio, & æquitas, & leges (s) ipsæ postulant ut juxta allegata & probata iudicium ferat, Sed quid si iudex sciat testes, etiam juramento suscepto, falsum testari? eum nempe esse reum homicidii aut alterius criminis, quem innoxium & innocentem esse, de sua certa scientia iudex novit? Aquinarius (t) non est hic assentiendum, Is ita ait, "debere iudicem in hoc casu causam superiori iudici relinquere. Sin illud non potest, tum debere etiam contra scientiam suam & conscientiam, secundum allegata & probata sententiam ferre, & innocentem condemnare. Irane verò? A quisquam contra conscientiam, non modò falsum pronunciare debet, sed & vitam alteri injustè auferre? Absit. Verissimè atque prudentissimè non sine applausu, imò stupore audientium, quid hic iudici agendum sit, docuit Serenissimus rex noster iacobus, cum, ipso præsentè, quæstio illa in celeberrima Academia Oxoniensi inter Jurisconsultos disceptata esset. "iudex, aiebat, u) duplicem personam sustinet, Publicam iudicis, Privatam hominis Christiani. Si quando verò contingat, ut utrumque præstare non possit (quod in casu proposito evenit) debet tum iudex ea de re certiores facere Regem, qui tanquam Angelus Dei iudicium rectum & secundum veritatem ferre debet. Rex vel ipse sententiam ferre, vel alium iudicem hic substituere debet, & iudicem (cui id constat) in resem producere. Sin Rex neque ipse iudicare, neque alium substituere vult; sed hunc ipsum, sententiam ferre, tum iudicem oportet potius munus iudicis d. ponere quam conscientiam iudicare, quia verissimè dictum est, Qui iudicat contra Conscientiam, ædificat ad gehennam. Ita Serenissimus Rex, certe non sine numine. Ita enim nodi omnes, qui plane insolubiles videbantur, restituit, facilè inque solvantur. Nam neque conscientia, ferendo falsa sententiam, lædicitur; neque leges, quæ allegata & probata sequi iudicem præcipiunt, violantur: Veritatem

ritatem simul & Judicium cantabimus tibi Domine. Sed hæc satis multa de hoc à Testi-
monio arguendi Loco. In quo, fateor, prolixior multo fui, quàm in animo mihi aut vo-
tis erat: Ocsurrebant enim tam multa tamque ardua hic tractanda, ut mihi leviter ea per-
transire nefas videretur. Sunt enim ista inftar carissum Testudinis, de quibus rectè præ-
cipitur, (x) *Testudinis carnes aut comedendas esse, aut non comedendas.*

z Athen. lib. 8.

Finis Libri quinti.

APPEN;



A P P E N D I X
D E

SYLLOGISMO SOPHISTICO.

*De Syllogismo
Sophistico.*

Diximus de *Syllogismo*, ejusque duabus *Speciebus*, *Demonstrativo* & *Probabili*, An verò *Sophisticum* omnino intactum relinquemus? Quidni? Non est *Species*, sed *vitium Syllogismi*. Imò verò non est omnino *Syllogismus*, quia semper peccat in *Forma* veri *Syllogismi*. Qui igitur rectè *Syllogismum* formare novit, is vitium quodcunque in *Syllogismo Sophistico* perspicit. Est enim *Rectum index sui* & *obliqui*. Sed quia *Arist.* *Sophistarum* technas figillarim deregendas censuit, nos ejus vestigiis insistentes, pauca etiam de *Syllogismo Sophistico* adjiciemus.

*Syllogismus
Sophisticus
quid.*

Elenchus quid.

“*Syllogismus fallax seu sophisticus*, est quando quis videtur alterius dictum justè reprehendere & solidè refutare cum revera non rectè reprehendat nec omnino refutet.

“*Reprehensio justa & solida confutatio* (quæ *Elenchus* dicitur) est quando quis verè, solidè & syllogistice probat contradictorium ejus quod ab adversario assertum. Docet hæc *Arist.* Lib. 1. *Elench.* cap. 1. nu. 4. Quare pro certo tenendum est, eum qui veritatem, vel id quod verum est asserit ac tuetur, nunquam justè, solidè ac syllogistice reprehendi posse aut refutari. Veritas, ut lux solis, strophis ac fallaciis *sophistarum*, quasi nebulis, offuscarì & obtenebrari potest. Vinci ac refelli nunquam potest. Tu prospice, ut vera dicas, ut veritas tibi pro clypeo sit, ego te invictum, invincibilem dabo. *Murus abeneus est hoc, vera loqui.* Quicquid verè, justè & syllogistice reprehenditur, ac refellitur, illud falsum est, & quia falsum, refelli & debet & potest.

Elenchus Sophisticus quid.

“*Reprehensio & Refutatio apparens, fallax seu sophistica* (quæ *Elenchus sophisticus* dicitur) est quando quis videtur solum *Contradictorium* probare ejus quod adversarius asserit, sed revera non probat. Talis est omnis *Argumentatio*, quæ quisquam contra veritatem ullam differit; videtur talis probare quod falsum est, sed videtur solum, non probat; sed nec probari ullis artis aut ingenii machinis unquam potest. Nam *Argumentatio* omnis quæ falsum concluditur, vel peccat in *Materia*, & tum *Præmissarum* vel una utraque neganda est; vel peccat in *Forma*, & tum *Parologismus* est, non *Syllogismus*. Quare *Elenchus* verus ad *Demonstratorem* & *Dialecticum* solum spectat; *Elenchus* apparens, *Sophistarum* proprius est. Quibus verò technis fallere soleant *sophistæ* paucis expediam.

*Fallaciæ in
Dictione sex.*

In *Syllogismo Sophistico* fallaciæ & dolus laret vel in *Dictione*, vel extra *Dictionem*, ut docet *Arist.* Lib. 1. *Elench.* c. 4. In *Dictione*, fallaciæ sunt sex, nempe fallaciæ, *Equivocationis*, *Amphiboliæ*,

Amphibolia, Compositionis, Divisionis, Accentus, & à Figura Dictionis: de quibus omnibus agit Arist. lib. cit. cap. 4. quæ hoc versu continentur:

Æquivocans, Amphi. Componit, Dividit, Acc. Fig.

Fallacia Æquivocationis est, cum quis utitur vocabulo ullo ambiguo, & sumit in duplici sensu, cum videri vult sumere in uno tantum. Ut *Populus* crescit ex terra, multitudo hominum est *Populus*, ergo multitudo hominum crescit ex terra; *Populus* in Majori arborem, in Minori homines notat. Hac fraude Ariani olim usi, *Nicena* (dicebant) fides, seu quæ *Nicææ* decreta fuit, amplectenda est; hæc nostra est *Nicena* & *Nicææ* decreta, ergo amplectenda; Scilicet Ariani (a) aliquot Episcopi tempore Armeniensis Concilii *Nicæam* contenderant; ibi Synodum habent, & Ariminensem fidem *Nicææ* confirmant, & sic fides eorum *Nicæa* verè fides erat, Conventiculi scilicet illius *Niceni*, sed non illa quæ à 318. Patribus, in Oecumenico Concilio declarata erat. Hæc Fallaciâ decepit Papam *Silvestrum* secundum (Æquivocationum pater & artifex) dæmon. *Sciscitabatur* (b ille *Diabolum* (fre- quens enim erat inter eos colloquium) *quandiu in Pontificatu viæurus erat?* Responsum habuit, *quandiu non celebraret in Hierusalem.* *Gavissus valde est Papa.* Nam *Hierosolymam* non omnino proficisci decretum erat. Cum quarto pontificatus anno, *Roma ad Ecclesiam S. Crucis, quæ Hierusalem vocatur, celebraret*, & dæmonis æquivocationem, & fatalem diem sibi adesse miser tum intellexit.

Fall. Æquivocationis.

a Socr. lib. 2. cap. 29.

b Plat. in vita Sylvestri 2. & Mart. Pont. ann. 1007.

Fallacia Amphibolia, est quando oratione ambigua, ut non ambigua quis utitur. Nam ut *Æquivocatio* vocis unius, ita *Amphibolia* est orationis ambiguitas; ut, Quod quis videt, illud videt, at homo videt lapidem, ergo lapis videt. Hujus generis sunt ista,

Asio te Acidis Romanos vincere posse.
Cræsus Halin penetrans magnam pervertet opum vim.
Exiguum vidi leporem jugulasse moloſsum.

Fallacia Compositionis est, cum quis ab iis conjunctis arguat, quæ separatim vera sunt, non conjuncta. Ut, Duo & tria sunt par & impar, quinque sunt duo & tria, ergo quinque sunt par & impar. Major est vera, si duo & tria separatim sumantur, falsa si conjunctim: sic à bene divisis arguitur ad malè conjuncta.

Fallacia Divisionis est, quando à bene conjunctis ad malè divisa arguitur: ut, quinque non sunt par & impar, duo & tria sunt quinque: ergo duo & tria non sunt par & impar.

Fallacia Accentus est, cum ex varietate Accentuum diversus sensus dictionis & orationis oritur, unus verus & commodus, alter falsus & incommodus: ut omne malum est fugiendum, pomum est, malum: ergo fugiendum.

Fall. Figura Dictionis.

Fallacia Figura Dictionis est, cum ex diversa pronuntiatione aut punctuatione orationis, diversus sensus oritur: Et nisi rectè pronuncietur aut punctuetur, fallere facile potest. Sic deceptus fertur *Placentiæ dux Albertus*, cum *Oraculum* ei dixisset, *Domine sis securus, inimici tui intrabunt urbem, & subicientur domui tuæ.* Legi potest vel, *Domine sis securus, vel domine sis securus.* Et iterum, *subicientur*, vel *subjicientur*, id est ignem domui tuæ. Tale illud fuit mandatum de *Edvardo* 2. tum in carcerem conjecto; quærebat (c) à proceribus illius custos, an occidendus esset, vel non? responderunt illi: *Edvardum* *Hollinſh.* in occidere nolito timere bonum est: si punctum addatur post nolito, prohibitio est ne occidat: *Edv.* 2. si post timere, mandatum est ut occidat.

Fallaciæ extra Dictionem septem recenset tractatque Arist. lib. 1. cap. 5. Ab Accidenti, Fallaciæ extra ab Ignorantia Elenchi, à secundum quid ad simpliciter, à Petitione principii, à Non Dictionem causa ut causa, à Fallaciâ Consequentis, & à pluribus Interrogationibus; ut una; quæ septem hoc versu comprehenduntur.

Acci. Quid, Ignorans, Petir, infert, Causa, rogarque.

Fallac. Acci-
dentis.

Fallacia Accidentis est, quando ab eo quod subiecto convenit solum per accidens, ita arguimus, ac se subiecto per se conveniat, aut contra: ut homo est species, Socrates est homo: ergo Socrates est species; Esse speciem accidit homini, quod autem per se homini convenit, illud Socrati, omnique homini convenit. Sed & aliud hic vitium; nam propositio hic nulla est universalis; quare nullus Syllogismus. Sic quod juvat est optandum; vulnerari ab hoste juvat (ut liquet in Jafone, de quo dictum est,

Una eademque manus, vulnus opemque tulit,)

Ergo vulnerari ab hoste est expetendum. Certè quod ex se & per se juvat, optandum est; vulnus inimici ex accidenti & fortuito juvabat, aperuit forè vomerem, cum ex se necem ei inferre hostis volebat. Talia sunt & ista sophismata: Eloquentes homines multa mala fuadent, multa bona dissuadent; ergo Eloquentia tollenda. Vinum multos inebriat; ergo est tollendum: Nec eloquentia, nec vino ex se ista conveniunt, sed per accidens, per abusum nempe eorum. Usus autem rei propter nequissimorum hominum abusum tollendus non est. Ex Evangelio lites, inimicitia, discordia, bella oriuntur; ergo Evangelium deferendum. Absit. Vitio hominum ista mala consequuntur. Evangelium ex se pacem omnem offert & affert; pacem cum Deo, cum hominibus, cum nostris ipsorum conscientia. Spectat ad hanc Fallaciam & illud vulgare Sophisma. Quod emisti comedisti, crudam carnem emisti: ergo crudam comedisti. Certè quod emit, illud quoad substantiam edit, sed non edit eisdem accidentibus imbutum quibus erat cum emit: non edit Aliud, sed edit illud Alteratum. Et similia multa: latissime enim patet hic locus, & frequentissimo Sophistis usui esse solet.

Fall. à dicto
secundum
quid.

Fall. à Dicto secundum quid ad simpliciter est, quando ex eo quod secundum quid in aliquo verum est, concludimus simpliciter verum esse, aut contra ex eo quod simpliciter verum est, concludimus secundum quid verum esse: Ut non ens (puta Chimæra) est opinabile, ergo Non ens est. Non sequitur, quia ab esse opinabile, eu ab esse secundum quid, vel secundum phantasiam & opinionem, non sequitur ad esse simpliciter, seu ad esse secundum realem existentiam. Æthiops est niger corpore, albus dentibus; ergo idem est & albus & niger: Non sequitur, quod idem homo, seu totum ita sit, sed quod idem secundum partem aliquam sit albus, secundum aliam niger: & id verum est. Quod differt ab homine non est homo, Socrates differt ab homine, puta à Platone; ergo non est homo. Verum est, quod differt simpliciter & secundum totam essentiam ab homine, non est homo: At Socrates non differt sic ab homine, sed solum secundum quid, prout homo restringitur per individuales proprietates ad Platonem. Hujus generis est hoc sophisma, Qui dicit se esse animal (puta simpliciter, & sine adjectione aut implicatione irrationalis) dicit verum; at qui dicit te esse equum, dicit te esse animal, (verum, non animal simpliciter, sed animal irrationale: ergo qui dicit te esse equum dicit verum: Non sequitur, quia in Majori animal simpliciter sumitur, in Minori, secundum quid & limitatum.

Fall. ab Ignorantia
Elenchi.

Fallacia ab Ignorantia Elenchi est, quando quis vel disputat ex falsis, vel ex veris quidem, sed non disputat ad idem, aut non secundum idem, aut non eodem tempore; quo casu si quis putet adversarium contradictorum solide conclusisse, decipitur. Dicit, Nihil simpliciter dupliciter esse. Sophista sic contra disputat, Duo sunt dupliciter ad unum, & simpliciter ad quatuor: ergo idem est & simpliciter & dupliciter. Ecce Sophisma est, tu negabis idem eodem respectu esse dupliciter & simpliciter, ille probat diverso respectu esse, ita non contradicit.

Fall. à Petitione
Principii.

Fallacia à Petitione principii est, cum aliquid probatur per id quod est æque, vel magis ignotum, atque id quod probandum fuit: ut Aristoteles est filius Platonis, quia Plato est

est pater Aristotelis : hic a' iis verbis solum asseritur id quod concluditur, sed nihil asseritur quo utrumvis eorum manifestum fiat. Probatio autem omnis e. notioribus debet procedere. Tale est, si quis probet Papam esse infallibilem, quia Papæ credere oportet, credere inquam id quod ille dicit verum esse. Nam æquè ignotum est, *credendum esse Papæ*, atque *Papam esse infallibilem*. Et tamen miserrimo huic Principio, imò petitioni Principii, inniuntur omnia planè argumenta quæ à nonnullis ad quidquam probandū in ulla fidei causa afferuntur : in hoc resolvuntur, in hoc sistunt. Quare credis panem transsubstantiari ? quia Scriptura docet ; quare credis istam esse scripturam ? aut istum esse scripturæ sensum ? quia Ecclesia (id est, ipsis interpretibus (b) *Papæ*) ita docet & iudicat : quare credis Ecclesiæ, id est, Papæ iudicium verum esse ; quia Ecclesia, id est, Papa dicit ejus iudicium verum esse. Hec, *Credo Ecclesiam* (id est, *Papam*) *vera docere, est* (c) *transcendens fidem*. *digna ex quo & hic, & alii omnes articuli deducuntur.* Papa est & Alpha fidei & Omega ; Credo alia omnia, quia credo Papæ : credo Papæ, quia credo Papæ. O circulos O gyros !

Fallacia Consequentis est, quando quis putat consequentias converteri quæ non convertuntur. Ut si quis ex hoc, *Nuper pluebat, ergo terra est malida, putet consequi, Terra est quæntis, madida, ergo nuper pluebat*, decipitur : alia de causa terra madescere potest quam pluvia. Si anima sit genita, (id est, orta per Physicam generationem) habet principium : ergo si non sit genita, non habet principium, fallax est Consequentia, à non gigni, ad non incipere, quia potest incipere per creationem, licet non per generationem ; & sic verè incipit omnis anima rationalis. Huc opinor referendæ sunt illæ rationes quæ à *Baculo ad angulum* duci dicuntur : quales illæ Innocentii & Bonifacii, Deus (f. fecit duo magna luminaria, solem & lunam : ergo quanto Sol major est Luna, tanto Papa major est Imperatore. Hic (g) sunt duo gladii : ergo Papa habet potestatem utriusque gladii. Itidem arguit Angelus, est in cælo : ergo Baculus est in angulo. Cæmentum in his nullum, aut gluten ; nulla Consequentia.

Fallacia à non causa est, cum quis id ut causam asserit alicujus rei, quæ revera causa non est. Agnus ex rivulo bibit, ergo turbavit fontem : Nec ferè rectius unquam lupi cum agnis dispuant. Hic mularum vites, multa igitur hic ebrietas ; non sequitur, non vinum, sed virium hominum ebrietas est causa.

Fallacia à pluribus Interrogationibus est, cum Sophista plura querat, quibus te unicum responsum dare vult : unicum verò commodè dari non potest : ut erantne Cæsar, & Cicerus Imperatores Romanorum ? Estne Socrates homo & equus ? si affirmas, ridet Sophista, quia equum dicis esse hominem : Si negas, ridet etiam, quia Socratem negas esse hominem. Sicut igitur duplex est Interrogatio, ita sit duplex Responsio. Socrates est, & equus non est homo.

In his autem fallaciis tria hæc observanda sunt : Primo, non esse has distinctas Species fallacis aut Sophisticæ Argumentationis, sed potius diversos modos arguendi & decipiendi quibus Sophistæ utuntur. Secundo, unum argumentum Sophisticum referri posse diversis respectu ad diversas fallacias. Sic omnes fallaciæ Accidentis, itemque à secundum quid ad simpliciter, possunt referri vel ad fallaciam *Equivocationis*, si unum vocem, vel ad *Ambiguitatem*, si orationem distinguas. Etiam omnes fallaciæ ad *ignorantiam Elenchi* recte cunctur : ut docet Arist. lib. 1. Elench. cap. 6. Nunquam enim verè & solide, sed solum apparenter & fallaciter Elenchum & Reprehensionem adversarii continent : nam vel falsa sunt in Præmissis, vel ex veris fallaciter & Sophisticè solum concludunt ; verus autem Elenchus verum semper syllogistice concludit, & ex veris. Quare cum illud cernis in quo à vero Elencho deficiunt, fugasti fallaciam & solvisti. Tertiò in plerisque si non in omnibus fallaciis, esse quatuor terminos : id quod in omnibus argumentis ubi vel est ambigua vox, vel ambigua oratio, (quorum unum opinor in omni fallaciâ invenitur) perspicuum est. Nec plura addam de hoc Sophistico arguendi genere. Sed quia post longum hæc iter, terram nunc video ad Epilogum festino.

d Per Ecclesi-
am intelli-
mus Pontifi-
cem, Grez.
def. cap. 10.
lib. 5. de ver.
Dei. p. 1470.
sic Rod. Cuper.
p. 128.
c Stapl. lib 8.
Princ. doct. ca.

f Ca. Solita
de Major &
obed. lib. 1.
Dec. 11. 33.
g Ca. Unam
sanctam de
major. & o-
bed. Extra.
lib. 1. tit. 8.
Fall. à non
causa.

Fallacia non
distinguuntur
Specie.
Fallacia mul-
ta esse possunt
in uno Syllo-
gismo.

In fallaciis fere
omnibus sunt
quatuor ter-
mini.

Epilogus, , ubi de Officiis Opponentis &
Respondentis agitur,

*Opponentis
Officia.*

E Pilogi vice atroxam, primò, pauca de *Legibus* tam ab *Opponente* quàm à *Respondente* in disputando observandis
Sunt autem *Officia* quædam *Opponentis*, quædam alia *Respondentis* propria: alia utrisque communia.

Opponentis Officia quatuor sunt: Primò, Diligenter atque accuratè apud se perpendere quid sit oppugnaturus, neque quidquam aliud probare quam quod in controversiam venit, seu quod est Contradictorium ejus quod à *respondente* asseritur. Secundò, Argumentum suum cautè, sed c'arè, & sine hæsitantiâ proponere, idque sine omni pompâ & inanî verborum ornatu. Tertio, Cavere ne *respondens* ad quidquam aliud respondeat, quàm ad id quod ab ipso in argumento adducto proponitur, nempe ad Præmissas rationis allatæ. Quarto, Solutionem à *Respondente* datam vel repetere, si opus sit, vel seriò saltem apud se perpendere; eandemque, si vera sit, libenti animo accipere, & amplecti; sin falsa, sine pervicaciâ refellere.

*Respondentis
Officia.*

*h. Arist. l. 1.
Elench. cap. 4.
num. 5.*

Respondentis Officia tria sunt: Primò, Cavere ante omnia ne *Opponens* quidquam aliud concludat, quàm quod ab ipso negatum fuit, idque (si strictè agendum sit) iisdem ipsis verbis quibus negatum fuit, sine ullâ (h) omnino vel levi (ne in synonymam quidem vocem) mutatione. Secundò, argumentum ab *Opponente* propositum, vel clarè ac distinctè (si opus sit) repetere, vel saltem seriò apud se ponderare ac perpendere, ut sic rectius & directius responsionem suam argumento allato accommodat. Tertio, responsionem suam aptare ad argumentum allatum ab *Opponente*, idque uno horum trium modorum; vel *Concedendo* quæ vera sunt, vel *Negando* quæ falsa sunt, vel *Distinguendo* quæ ambigua sunt. Distinctio autem accommodanda est, vel *toti alicui propositioni* in argumento adducto, vel *alicui termino in ullâ præmissarum*. Ea postquam clarè proposita est, ad quæstionem præfentem sic aptari debet à *Respondente*, ut ostendat quo sensu ipse, & quo sensu *Opponens* vocem aliquam, aut propositionem accipiat, & quomodo in suo sensu verum ipse defendat, in *Opponentis* verò sensu non opugnetur illud quod ipse defendit, Ac Negatio quidem & Distinctio Præmissis solum argumenti allati adhiberi debet, nunquam Conclusioni. Concedere autem licet & oportet, non solum Præmissas, sed & ipsam Conclusionem, si veram eam esse perspiciat. Quod cum facit, tum *Respondens* & seipsam errasse, & rationis ut victum esse ingenue debet profiteri, & suo *Opponenti* idem ipsum occinere, quod olim Luciferanus Hieronymo (i) *Vicinus uterque nostrum, palmam tu refer mihi ego erroris.*

*3 Hieron. adv.
Lucif. in fine.
Officia Com-
munia utrisq:.*

Officia utrisque *Communibus* duo sunt: Prius, ut in omni disputatione *Respondens* nam, *Opponens* alteram partem *Contradictionis* accipiat: sic enim fiet ut neque ambo verum, neque ambo falsum unquam dicant, sed unus verum propugnet, alter verum oppugnet: à quâ verò parte stet veritas, ratione & argumentis disceptant. Alterum Officium est, ut in totâ Concertatione ab ipso capite ad calcem modestia utrinque adhibeatur, sic ut licet sales & lepores nonnunquam, sed parcius, usurpentur; contumelia tamen omnis, omnis acerbitas, rixæ omnes & convicia longe exulent, utque omnia pacato ac tranquillo animo utrinque transigantur, Nihil enim magis obnubilat mentem & ingenii acumen, quàm ardor nimis, & contentio perturbati animi, Verissimè Publius,

Altercando sæpe amittitur veritas.

Hæc paucis monuisse satis hic sit. Reliqua genio & ingenio *Disputantium* relinquenda sunt.

Hæbes

Habes nunc, mi Lector, integrum (ut opinor) *Logicæ corpus*, meo, id est, rudt (fa-
 teor) penicillo delineatum. Qualecunque sit, Deo optimo maximo, cujus singulari be-
 neficio, ope, atque gratiâ, hæc ad umbelicum à me nunc perducta sunt, gratias quantas pos-
 sum maximas ago : eumque supplex rogo, ut qui mihi ardens desiderium aliorum studiis
 opitulandi dedit, & mihi det, & ipsis, ut laboribus nostris, alii reipsâ & efficaci suâ gra-
 tiâ juventur, in sanctissimâ illâ veritatis primùm, tum virtutis viâ. Quodque unum nunc
 superest, Augustini (1) verbis concludam : *Domine Deus, Quacunque dixi de tuo, a-*
gnoscat & tui : Quacunque de meo, & tu ignosce & tui. 1 Lib 15. de
Trin. cap. 28.

FINIS.

INTRODVCTIO IN METAPHYSICAM.

AUTHORE
RI: CRACKANTHORPO,
SS. THEOLOGIÆ DOCTORE,
Et Collegii Reginae Oxon. Socio.

*Metaphysica reliquarum Scientiarum
apex & culmen, iudex
& præsēs.*



OXONIÆ,
Typis HENRICI HALL Acad. Typograph.
Aune Dom. 1676.

ОТЪУДОЯТИ

МАЦИУМАТИ



AD STUDIOSOS

ACADEMIÆ OXONIENSIS

ALUMNOS.

EN vobis, Florentissimi Academici, *Introductionem Metaphysicam*, non minùs solidâ eruditione, quam sano iudicio adortam. Habetis jam tandem *Primæ Philosophiæ*, sublimioris dicam speculationis, an latioris ambitus & usus, totam in brevi quasi tabella complexam imaginem, universam pariter ostensam magnitudinem? In unico *Pyrrhi* regis annulo, cujus, gemma *Achates* erat, novem *Musas* cum insignibus suis singulas ad vivum expressas fuisse, narrat *Solinus*. Certè mea me multum fallit conjectura, ni multas & miras *Metaphysicæ* subtilitates & lautitias in exiguo hoc *Enchiridio* comprehensas esse statim dijudicetis, & ut gemmeum extolatis. Nihil hic tritum aut vulgare, sed pressa ac profunda reperitis omnia. Opus, ni malè omnior, valdè literarum candidatis utile, nec minùs varium, quàm ipsa scientia. Edidì, non nisi multis precibus, ab authore petitâ & obtentâ demum veniâ. Nullas gravissimus hic author, sicut crebra Scholasticorum & Criticorum turba nonnullas compler paginas, ociosis ac inanibus quæstiunculis: *Non enim, ut acutissimè Vives, Movere quæstionem, sed benè profligare, hos de-*

A a a

mum

mum acuti est hominis & docti. Subtiles autem & arduas, at fructuosas omnes, de Deo, de *Angelis*, deque *Anima Rationali* disputationes, *Philosophicè* simul & *Theologicè*, singulari quâdam dexteritate & acumene, in transitu velut, instituit ac terminat; ut non minùs eximium agnoscatis *Philosophum*, quàm summum miremini *Theologum*. Quanto non modo cum decòre, sed uti par est modestiâ, *Philosophiam* hîc videatis edoctam, *Theologiam* agnoscere dominam, sequi ducem, ejusque semper imperio famulari & ancillari, non principi aut dominari? Nec immeritò quidem; *Incomparabiliter enim*, Augustino dicente, *pulchrior est veritas Christianorum, quam Helena Græcorum.* Equidem ut quod maximè vellem paucis expediam, quòd de *Aristotele*, *Philosophorum Coryphæo* verè dixit doctissimus *Vives*, idem ego de authore nostro quem æquè veneror & admiror, dicendum censeo: *Sparsa collegit, congesta digessit, confusa distinxit, obscuris attulit lumen, omnia ita reddidit concinna & apta, ut percipi facile ac teneri queant magno cum fructu eorum, qui artium fructum aliquem sequuntur.* Benè valete clarissimi Academici: Animo interim benevologratoque fruimini magni ingenii & industriæ in rebus Philosophicis *Primitiis.* Dabam Oxon. è Collegio Regina, Decemb. 7. 1619.

Vobis Additiss.

Guliel: Richardson.



LECTORI BENEVOLO.

Postulârunt à me sæpe ac vehementer viri & benevolentia, & bonarum literarum studiis conjunctissimi, ut Annotati-ones illas in Logicam, & varias Philosophie partes, quæ meo nomine circumferuntur, relegerem, ederemque in lucem. Ego illas luce indignas semper judicavi: tamen tam honestæ eorum petitioni deesse omninò nolui. Relegi igitur bene magnam earum partem: sed ut scripta olim Augustinus, stilo censorio, & judi- cialiâ severitate. Delevi multa, addidi non pauca, in quibusdam & stilum verti & sententiam. Nec mireris hoc à me factum. Scripsi illa juvenis, & raptim profectò scripsi, propè ut in buccam venerant. Quantulum putas mihi otii erat, aut esse potuerat, ut ista justâ lance trutinarem, cum præter alia negotia, quibus distrahebar, ad legendum simul & tot paginas scribendum non plus bidui spatio, (sic enim Prælectionum earum ratio postulabat) concedebatur? Neque diffiteor me in quam multis ita ductum ac penè abreptum auctoritate aliorum, ut à receptis ac tritis opinionibus discedere, imò vel easdem in dubium vocare, nefas videretur. Nunc ubi juvenilis ardor omnis deferbuit, cumque,

Nullius addictus jurare in verba Magistri,
ad censendum mea scripta potius quam ad recognoscendum accessi,
non alia me in ullam partem vis flexit nisi rationis:

Quo me cunque rapit vis hæc, ego deferor illuc.

Primam verò operam in eis quæ ad Metaphysicam spectant relegendis collocavi, quòd ea tum naturâ, tum dignitate Disciplinarum omnium prima sit. In reliquis idem, si mihi otium contigerit, Deusque annuerit, præstiturus. Te tunc rogo (Benevole Lector) idque per candorem tuum; ut si quid in prioribus meis notis, hisce quæ nunc, vel deinceps scribo, contrarium occurrat, illud ad hanc limam revoces, & à meipso per hæc posteri curâ emendatum existimes. Hoc si quis vitio vertat, audiat ille non mea, sed Augustini verba; Nemo nisi imprudens, idè quia errores meos reprehendo, reprehendere me audebit. Caveat ille, ne sit ex eorum numero de quibus idem Aug. lib. 1. de Trinit. cap. 1. Videri volunt scire quòd nesciunt, & præsumptiones opinionum suarum audaciùs affirmando, intercludunt sibi intelligentiæ vias; magis eligentes sententiam suam non corrigere perversam, quàm mutare defensam. Sequamur omnes modestiam simul & prudens piùmque monitum ejusdem Antistitis, lib. eodem cap. 3. quo ego hîc ut meo libentissimè utor; Quisquis hæc legit, ubi pariter certus est, pergat mecum; ubi pariter hæsitat, quærat mecum; ubi errorem suum cognoscit, redeat ad me; ubi meum, revocet me. Ita Ingrediamur simul charitatis viam, tendentes ad eum de quo dictum est; Quærite faciem ejus semper.

Ri: Crackanthorpus.

PRÆ-

PRÆFATIO, in qua quid *Metaphysica* sit, & quod illius *Subiectum* declaratur.

DE *Metaphysica* (οὐδ' αὖτ' αἰσχυρὸς sum ; de quā ante omnia quid sit, & quod sit in ea *Subiectum* videndum est.

Metaphysica est scientia humana, principalis, speculativa, in quā traditur eorum omnium cognitio quæ ante aut supra *Physicam* sunt aut cognoscuntur.

Scientia vocatur, sed largo modo accepta, quæ tam illius *Subiecti* quod in ea tractatur, cognitionem tradit, qualis de eo haberi potest aut debet. Nam *Metaphysica* prout omnes suas partes complectitur, scientia proprie dicta (qualis ab *Arist.* 1. *Demonst.* cap. 2. definitur) nec est, nec esse potest, uti postea clarissime liquebit; Atque in hæc quod *Generis* loco ponitur) *Metaphysica* cum omni omnino disciplina seu habitu intellectuivo quo Conclusiones cognoscuntur, convenit.

Humana scientia vocatur, ut distinguatur ab ea *Theologia* & doctrina quæ divinitus nobis in sacrosanctis literis rev. lata est. Quid Athenis cum Hierosolymis? quid Licæo cum porticu Salomonis? Philosophum se vocari vult *Metaphysicus*, non Theologum. Nec alia in hac aut ulla Philosophiæ parte traduntur aut tractantur, quàm quæ humano ingenio aut industria sine speciali Dei revelatione (qualis illa Prophetarum fuit & Apostolorum) acquiri & inveniri possunt. Ad has metas sistit Philosophus, neq; audet aut potest plus ultra.

Principalem scientiam dixi, quia cognitio ista *Metaphysicæ* propter se expetitur, non ut instrumentum tantum ad alias artes. Et in hoc differt ab omni scientiâ instrumentali, quales sunt Grammatica, & Logica.

Speculativa scientia vocatur, quia hic ea tractantur, quorum est speculatio tantum non actio, quæque cognoscenda sunt, non agenda, in quo ab *Ethica* scientiâ distinguitur.

Pro subiecto Metaphysicæ posui ea omnia quorum cognitio prior est & superioris quæ in *Physica*, seu naturali Philosophiâ tractantur. Non enim *Metaphysica* vocatur quasi post *physicam*, à *post* significante *post*, quia post *Physicam* vel inventa sit vel discenda; (uti nonnullis visum est) est enim hæc omnium Disciplinarum prima, sine cujus notitia nihil in ulla scientia solidè scitur vel sciri potest. Sed derivatur à *post* significante *trans* vel *ultra* aut *super* (ut in *μετάφωζ*, *transfatio*, *μετάβασις*, *transseo*, *transgredior*; *μετέωρον* *supra* aut *sursum* elevatum:) & *Metaphysica* vocatur, quasi *trans physica* vel *super naturalis* disciplina, quoniam ea quæ hic tractantur, transcendunt omnia quæ in *Physica* seu naturali Philosophiâ traduntur, eisque omnibus superiora sunt vel predicatione, vel dignitate. Si verò quænam illa sunt scire aveas, paucis expediam. Primum quod in *Metaphysica* tractatur est *Ens in communi*. Secundum est *Ens infinitum* seu *Deus*. Tertium est *Ens finitum in communi*. Quartum est *accidens*. Quintum est *Substantia finita in communi*. Sextum est *Substantia incompleta*. Septimum est *Substantia completa in communi*. Octavum est *Spiritus in communi*. Nonum est *Angelus*. Decimum & ultimum est *Anima rationalis*. Hæc omnia hæcque soli ad *Metaphysicam* ejusque considerationem spectant. Neque audiendus est *Timpl.* qui *lib. 1. Metaph. cap. 1. q. 6.* Corpus ad propriam *Metaphysicæ* tractationem refert, ipseque in suo libro de *Metaphysica*, fusè de eo agit. *Lib. 5. cap. 6.* Imò quod mireris excidisse homini docto *Lib. 1. cap. 2. q. 1.* Corpus expresse numerat inter ea quæ neque in *Physica*, neque in alia ulla scientia præter solam *Metaphysicam* considerari debent, aut possint. Nec solum Corpus huc refert, sed omne omnino intelligibile quodcunque illud sit, ut ipse asserit. *Lib. 1. cap. 1. q. 5. & 6.* scilicet

scilicet: hoc est Scientias alias omnes delere; quid enim ipsis reliquum erit, si omne intelligibile ad *Metaphysicam* pertineat. Sed profecto perspicuum est rem seriùs perpendenti; decem illa solum quæ dixi ad *Metaphysicam* spectare. Atque ut singula istorum decem diversa subjecta sunt, ita decem diversas & distinctas *Metaphysica* partes seu scientias constituunt.

Dub.

At unius Scientiæ unum debet esse Subjectum: Est autem *Metaphysica* una Scientia, ut consentiunt fere omnes, & *Timpl.* unam Specie esse confirmat, *Lib. 1. Cap. 2. quæst. 10.* quare non sunt illius tot diversa Subjecta statuenda, sed unum tantum.

Sol.

Nulibi vel turpius vel periculosius erratur à vulgo Philosophantium quàm in hac re. Censent nimirum *Metaphysicam* (prout in se omnia, quæ in ea tractantur, complectitur) esse unam Scientiam: & tum quodnam sit illius unius Scientiæ unum & adequatum Subjectum inquirunt, & disputant non sine magnâ lite. Aliis est Ens quâ Ens, aliis Ens & comprehendit Ens reale & rationis, aliis, ut *Timplero*, est omne intelligibile; aliis est Deus, aliis substantia, aliis aliud, & quot fere capita, tot sententiæ; Frustra omnino: Audeo dicere eos omnes extra oleas currere, atque errare tota via. Non est (ut illi opinantur) *Metaphysica* (si omnes ejus partes spectes) una scientia, nisi solum una per aggregationem, uti nec *Physica*. Sed ut in *Physica*, una Scientia illius pars tractat corpus in communi, alia cælum, alia corpus corruptibile, alia elementum, alia mixtum corpus, alia metecoron, alia vivens, alia animal, alia hominem, atque ita quod sunt distinctæ partes naturali Philosophiæ, tot sunt illius distinctæ Scientiæ partiales, & distincta Subjecta; ita planè in *Metaphysica*, una illius pars agit de ente in communi, alia de ente infinito, alia de ente finito in communi, & sic in reliquis; & quot sunt illius distinctæ partes, tot sunt illius distinctæ Scientiæ partiales, & tot distincta Subjecta. Tota autem tractatio quæ partes istas omnes, & omnia illa subjecta complectitur non aliter una scientia est vel esse potest, quàm una per aggregationem. Atque ut *Physica* partem illam quæ corpus in communi considerat, rectè dicas *Physicam* communem seu *Physiologiam*; illam quæ cælum, *Ouranologiam*; illam quæ metecora, *Meteoroologiam*; illam quæ animalia, *Zoologiam*; illud quæ hominem, *Anthropologiam*: ita planè illam *Metaphysicam* partem quæ Ens in communi considerat vocare licet *Metaphysicam communem*, illam quæ Deum, *Theologiam*, illam quæ Substantiam, *Osiologiam*, illam quæ spiritum, *Pneumatologiam*, illam quæ animam rationalem, *Pluchologiam*, & ita in reliquis.

His jam de constitutione totius hujus Scientiæ prælibatis, rem ipsam aggrediamur, incipientes ab illa, quam dixi, *Metaphysicam communem*; nam primò de Ente in communi dicendum est, tum de Ente in Specie.

INTRO.

INTRODVCTIO

in METAPHYSICAM.

CAP. I.

De Ente in communi.

Metaphysica communis est scientia vel Disciplina quæ considerat Ens in communi, vel Ens, quod est Ens. Hæc enim Disciplina tradit tum quid sit Ens, tum quæ sint Entis Proprietates, id est, quæ Enti quatenus Ens est conveniunt. Docet hoc aperte Arist. 4. Metaph. Cap. 1. ubi ait, Est quædam Scientia (vult autem hanc quam modo definivi) quæ speculatur Ens prout Ens, est, & quæ ei per se insunt.

Subjectum hujus partis *Metaphysica* est Ens in communi, ideoque respectu hujus partis, *Metaphysica* est omnium Scientiarum communissima, omnium prima, omnium certissima. *Communissima*, quia illius Subjectum est omnium communissimum: Nihil enim est de quo ens non dicitur; & hoc notat Arist. 6. Metaph. Cap. 1. ubi *Metaphysicam* (respectu hujus partis) vocat *Philosophiam universalem*, quia non circa unum aliquod genus entis, ut aliæ omnes Scientiæ, versatur; sed circa ens in communi: ideoque sicut Subjectum hujus scientiæ Subjectis omnium aliarum scientiarum commune est, ita de hac ipsa scientia ait Arist. illa universaliter communis est. *Prima* etiam est, quia in perfecta cujusvis rei cognitione ab universalissimis incipiendum est, ut recte docet Arist. lib. 1. Phys. cap. 1. cum ergo ente in communi nihil sit universalius, certè Scientia quæ ipsum tractat, erit omnium prima, primoque discenda; atque hoc ait. Arist. 6. Metaph. cap. 1. ubi *Metaphysicam* vocat primam Philosophiam. *Certissima* denique est; quia certitudo omnis posteriorum dependet à certa cognitione priorum, quod disertè docet Arist. 1. Metaph. cap. 2. Maximè scibilia (inquit) sunt ipsa prima, propter hæc enim, & ex eis cætera cognoscuntur. De hoc vero Subjecto (quod item in aliis omnibus Scientiarum Subjectis observandum est) duo declaranda sunt: *Quid sit*, & quæ illius Proprietates.

Ens est notio seu conceptus æquivocus omnium communissimus, quo significatur quicquid est existivæ, id est, quicquid vel est essentia, vel habet essentiam. Dicitur autem ab antiquo & obsoleto Verbo, *Es, Es*, à quo *Sum*, quædam Tempora, hocque ipsum Participium *Ens* mutuatur.

Quod Ens æquivocum sit, testatur *Porphyrius*, qui cap. de Specie docet ens non nisi æquivocè prædicari. Docet idem Arist. qui lib. 1. Perib. cap. 3. ipsum ens (ut communiter sumitur) nihil esse, id est, nullam rem aut naturam notare, sed solum vocem æquivocam esse affirmat. Docet hoc ipsa rationis evidentia. Ens enim dicitur tam de Deo, quam de creaturis; utraque enim in hoc conveniunt, quod sint ens, & neutrum eorum non ens dici potest. At nihil omnino de eo & Creaturis univocè & essentialiter prædicari potest, ut rectè probat *Aquin.* lib. 1. con. Gen. cap. 3. 2. & ratio hujus est manifesta. Nam omne univocum & essentialiter prædicatum est prius naturâ eo de quo univocè dicitur. At deo nihil est.

est naturā prius, nec verò fingi potest, cum is sit primum ens, & fons unde alia omnia entia suam entitatem habent.

Dub. Dices, Licet Ens non sit univocum prædicatum respectu Dei & Creaturarum, tamen est univocum Genus respectu Substantiæ creatæ & Accidentis, uti expresse docet *Timpl. lib. 3. Metaph. cap. 1. quæst. 3.*

Sol. Imò, nullius respectu Ens Genus univocum dici potest. Nam nullum Genus de suis Differentiis dici potest, ut diserte docet *Arist. lib. 6. Top. cap. 6. nu. 12. & lib. 3. Metaph. cap. 3.* & ratio idem declarat. Nam si Genus de suis Differentiis diceretur, illæ essent Species ipsius, non Differentiæ; quam ipsam rationem *Arist.* loco proximè citato tradit. At ens de omnibus omnino Differentiis per quas dividi potest, verissimè prædicatur. Nam illæ vel sunt entia, vel non entia, non entia esse non possunt; nihil enim tum essent, idèòque nihil vel dividere possent, vel constituere. Præterea, si Differentiæ divisiivæ entis, & inferiorum constitutivæ essent non entia, tum non ens esset de essentia entis, atque ita ipsum ens essentialiter esset non ens. Jam si entis nullæ sint Differentiæ divisiivæ, certè nec Species ejus ullæ esse possunt; nam omnes Species constituuntur per illas Differentias quæ ipsarum Genus dividunt. Cum igitur certum sit entis non esse vel Differentias, vel Species, certum etiam est, ens neque genus ullius rei esse, neque de ullo ente univocè prædicari posse. Quare nihil aliud erit ens quàm æquivocus conceptus ut ante diximus, qui analogice, idèòque æquivoce, prædicatur de Substantia & Accidente, quod notat *Arist. lib. 7. Metaph. cap. 1.* ubi ait Substantias proprie dici entia, Accidentia verè idèò dici entia, quia entis proprie dicti sunt affectiones. Et ut *Aquin.* ait *part. 1. q. 90. art. 2. Accidens magis dicitur entis, quàm ens.*

Dixi esse conceptum omnium communissimum. Quid enim vel dari vel concipi potest de quo ens non dicitur? Quod adeò verum est, ut ipsi etiam conceptus non entium (putà chimera, vacui, privationis, imò ipsius nihili) entia sunt, cum sint accidentia menti inherencia. Concipiuntur enim ista, & intelliguntur non per se, aut per suas species, quas menti imprimunt; (cum ejus quod nihil est nulla species esse possit) sed per accidens, nempe per species aut notiones aliorum, putà entium, quæ de ipsis simpliciter negantur, isti autem ipsi conceptus (ut alii omnes) accidentia sunt, quæ menti ut suo subiecto inhaerent. Nullus itaque est conceptus Ente communito. Neque hic ullo modo assentiendum est *Timplero*, qui *Lib. 1. Metaph. cap. 3. q. 1. & 6.* collocat alia genera supra ens, quæ scilicet sunt ente latiora & communiora; nempe intelligibile aliquid, & aliquid positivum: & *cap. 2. pag. 34.* id explicans, dividit intelligibile in nihil & aliquid; & aliquid subdividit in aliquid positivum, & aliquid negativum: rursus aliquid positivum subdividit in essentiam & ens. Quis obsecro hæc probet? Rectius multò *Heckerum* qui in compendio suo *Metaphysicæ cap. 1.* ait, *ens est summum Genus*, (tu adde æquivocum) *supra quid nec cogitatio, nec verba hominis ascendere possunt.*

Tertiò dixi *ens comprehendere quicquid vel est essentia, vel habet essentiam.* Quod nisi concedas, certè nec Deus erit ens, cum sit simplicissima essentia, nec verò ullum summum Genus; non enim ista habent essentiam, sed sunt essentia. Quare neque illud placeat quod idem *Timpl.* *lib. 1. cap. 2. q. 3.* tam confidenter asserit, essentiam esse aliquid, non tamen esse ens: & iterum, Non ens (inquit) suo ambitu complectitur tam aliquid quàm nihil: essentia enim & privatio est non ens, neque tamen nihil, sed aliquid. Mihi certè hæc non sapiunt, credo nec aliis. Essentia, inquis, entis est non ens. Erit igitur ens omne quoad essentiam, & essentialiter non ens. Quam vere huc quadrat illud, Næ ille intelligendo facit, ut nihil intelligas: imò essendo facit ut non sis, adeòque nihil sis.

Proprietates entis sunt quinque.

Prima est Existencia. *Omne ens existit, & quicquid existit, est ens.* Existere autem dicitur quicquid est in rerum natura, nec est fictio mera aut figmentum mentis.

Secunda est Duratio. *Omne ens Durationem aliquam habet, & quicquid Durationem habet est ens.* Est autem Duratio permanens rei in sua existencia.

Tertia est Unitas. *Omne ens est unum, & quicquid est unum est ens.* Nam Ens & Unum idem re sunt, & se consequuntur. *Arist. 4. Metaph. cap. 7.* Unum autem dicitur quod est indivisum à se, & divisum ab omni alio. Hinc *Aquin. part. 1. q. 6. art. 1. ad primum*, recte ait quod esse Unum, id est indivisum, competit unicuique rei secundum suam essentiam: & in 4. *sent. dist. 44. q. 2. art. 2. ad. 4.* divisio ab aliis est de consequentibus ad rationem Unius. Atque in hac Proprietate Entis fundantur illa duo prima & omnium communissima Principia seu Axiomata: Primum, *De nullo posse vere dici esse & non esse, aut esse hoc, & non esse hoc.* Nam si possibile esset quicquam simul esse hoc, & non esse hoc, illud non esset Unum. Quod enim Unum est, est hoc, nec quicquam aliud; nam est divisum ab omni alio. Secundum, *De omni re verum est dicere vel esse, vel non esse, id est, vel esse hoc, vel non esse hoc.* Nam si sit indivisum ab hoc, tum est, Unum idemque; cum hoc: Si vero divisum sit ab hoc, tum est aliud ab hoc, ideoque non est hoc. Horum autem Axiomatum cognitio nobis infantibus, aut saltem pueris, sed nescientibus certe & non animadvertentibus ex inductione, percipitur & discitur: Quibus innixi aliarum rerum cognitionem sensim & paulatim ex his deducimus. Quare hæc duo prima & certissima Principia merito vocat *Aristoteles lib. 4. Metaph. cap. 3. & 4.*

Quarta est Veritas. *Omne Ens est verum, & quicquid est verum est Ens.* Est autem Veritas, ut hic sumitur, id quo aliquid vere intelligi, suamque speciem intelligibilem per quam concipiatur, menti imprimere potest.

Quinta est Bonitas. *Omne Ens est bonum, & quicquid est bonum est Ens.* Est autem Bonitas, ut hic sumitur, perfectio naturalis cuiusque rei, juxta suum essendi modum, per quam sit appetibile. Unde *Aquin. pa. 1. q. 5. art. 1. ad primum.* Bonum dicitur rationem perfecti quod est appetibile: & art. 5. ratio Boni secundum quod consistit in perfectione; consistit in modo, specie & ordine. Et quia omne Ens in quantum est Ens habet suum proprium modum, speciem & ordinem, ideo in quantum est Ens, est bonum, ut expresse idem *Aquin. ait q. eadem art. 2.*

Scio Metaphysicos scriptores, & inter hos *Timplerum*, plures multò Entis Proprietates tradere & tractare. Dividunt nimirum Entis Affectiones in Simples & Conjunctas. Simples duas faciunt, Existentiam & Durationem. Conjunctas vocant, quæ per conjunctionem exprimentur. Harum alias volunt esse Absolutas, alias Respektivas. Absolutas & Conjunctas distribuunt in novem classes, in hunc modum: Ens est 1. Perfectum vel Imperfectum. 2. Simplex vel Compositum. 3. Unum vel Multiplex. 4. Finitum vel infinitum. 5. Locabile vel Illocabile. 6. Necessarium vel Contingens. 7. Possibile vel Impossibile. 8. Verum vel Falsum. 9. Bonum vel Malum. Conjunctarum & respektivarum Affectionum septem etiam classes sic numerant: Ens est 1. Principium vel Principatum. 2. Causa vel Causatum. 3. Subjectum vel Adjunctum. 4. Signum vel Signatum. 5. Totum vel Pars. 6. Idem vel Diversum. 7. Prius vel Posterius, vel simul. In tractatione harum conjunctarum Entis Affectionum, expatiantur & dilatant simbrias suarum disputationum. Et tanè quid inveniri potest in ulla omnino discipulina atque scientia, quod nec ad *Metaphysicam* referri potest & debet, si illa pro Affectionibus propriis Entis quæ Ens est admittantur. Nihil profectò est quod non sub aliquo membro harum triginta trium Affectionum contineatur. Ut jam omnes alia scientia penitus abolenda, sola *Metaphysica* colenda sit.

& discenda. Deinde si Finitum vel Infinitum, Possibile vel Impossibile, & similia sunt Affectiones Entis quâ Ens; ceterâ pari jure, rationale vel irrationale, risibile vel non risibile, album vel non album erunt Proprietates Entis quâ Ens. Nos ista omnia propriis relinquentes subjectis, non alias Entis Affectiones vel Proprietates agnoscimus; quàm quæ Enti quatenus est Ens, id est, quæ omni soli quæ Enti, eique non quatenus ad hoc vel illud Ens restringitur, sed quatenus est simpliciter Ens, conveniunt. Tales sunt illæ quinque à nobis commemoratæ. Si quis ejus generis plures invenire poterit, eas per me ut addat licet.

Hæc de Ente in communi, quod est Subjectum primæ partis *Metaphysicæ*, dicta sufficiant. Unum restat quod verbo Lectorem monitum velim. Hanc partem *Metaphysicæ* non scientiam propriè dictam, sed potius Disciplinam esse, & vocandum esse. Nam ad Scientiam propriè dictam, tria hæc requiruntur: 1. Subjectum non solum reale, sed etiam univocum; de quo Affectione demonstratur. 2. Essentia, vel Principia realia illius Subjecti, per quæ Affectiones demonstrantur ut per causas proximas cur illi Subjecto insint. 3. Affectiones reales fluentes ab illa essentia aut Principiis, quæque per illa Principia de Subjecto illo demonstrantur: Hæc tum ex *Arist.* libris de Demon. tum ex *Zab.* in suis Logicis tractatibus, abundè constant. Jam certum est nullum horum trium in hac *Metaphysicæ* parte inveniri. Nam nec Subjectum hujus Disciplinæ (quod est Ens in Communi) est univocum, imò nec realem ullam naturam notat, ut ante ostendimus; nec essentiam aut principia ulla priora habet, cum ipsam sit omnium quæ concipi possunt primum & communissimum: nec ullas reales & propriè dictas Affectiones habet, cum essentiam vel principia nulla habere certum sit: Quare *Metaphysica* respectu hujus partis non modò Scientia propriè dicta non est, sed ut non sit, necesse omnino fuit, cum illud hic Subjectum sit, quod est omnium quæ concipiuntur primum, id est, quod æquivocum est, de quo Scientia propriè dicta esse non potest. Atque hæc de *Metaphysica* in communi, quæ Ens in communi considerat, dicta sunt. Reliquæ omnes quæ sequuntur *Metaphysicæ* partes, nomen *Metaphysicæ* particularis fortiri debent, cum in eis tractentur partes quædam aut species Entis, non, ut in hac, Ens in communi.

CAP. II.

De Ente infinito, seu Deo.

Sequitur nunc Ens in Specie: Est autem Ens vel Infinitum vel Finitum: ac primò de Ente Infinito, quod est *Deus Opt. Max.* dicendum est.

Deus est Ens omnium simpliciter primum; Ens est, & quidem ens *Entium*, id est, omnium optimum, ut docet *Arist.* Lib. 12. *Metaph.* Cap. 7. Nec sanè ulla causa fuit, cur *Recker.* lib. 1. *sive Metaphysica* cap. 3. §. 8. tam rigidus esset, ut Deum Entis nomine privaret, dicereque, Omnis creatura est Ens, & omne Ens est creatura: atque iterum, Deus, cum non sit in ordine Entium, utique nec in ordine causarum illarum quæ sunt Entia. Trepidavit profecto ubi non erat timor. Deus ipse seipsum vocat *ΥΠΕΡ*, id est, *Qui sum Exid.* 3. 14. *ὁ ὡς* id est, *qui est*, *Apoc.* 1. 4. *Fyft.* Mart. Orat. ad Gent. docei idem esse *τὸ ὄν*, *Ens* seu *quid est*, quomodo Deum vocat *Plato*, & *ὁ ὡς*, ille *Ens*, vel ille *qui est*, quomodo seipsum *Deus* vocat. *August.* lib. 7. *Conf.* cap. 4. de Deo ait: Tu solus es quia solus simpliciter

simpliciter es: & lib. 1. de Doctrina Christi. ca. 7. Deus inquit primus & summe est. Quin & Aquin. part. 1. q. 13. art. 11. Variis rationibus probat hoc nomen, *Quis est esse maxime proprium Deo.*

Est etiam omnium Entium simpliciter primum, ut Arist. etiam docet lib. 1. illo 1. 2. cap. 1. 2. ubi Deum vocat substantiam primam. Declarat idem evidens ratio. Videmus enim alia ab aliis effici, illa rursus ab aliis, & hac ab aliis, & sic quia in causis efficientibus progredientium est infinitum, aut ad aliquod primum perveniremus. In infinitum progredi impossibile est, quia tum nihil omnino unquam effici posset, cum infinita sequi pertransiri non possent; priusquam verò quidquam effici posset, opponeret illas infinitas causas actu pertransiri. Deinde, id quod fit ex precedentibus causis est ordine postremum: at in infinitis nullum est primum, quare nec ullum secundum, aut tertium, ideoque nec postremum. Ad primam ergo aliquam efficientem causam pervenire necesse est. Illud autem primum Ens, & prima causa, quæ est causa causarum, & Ens Entium, illud inquam est quod Deum dicimus.

Proprietates seu Attributa Dei ex hoc uno fere omnia emanant, quod ipse sit Ens primum: sunt autem duodecim.

Primum, *Deus à seipso solo est, vel habet suum esse.* Pater ex illa descriptione anteposita. Nam cum Deus sit omnium Entium primum, certe à priori nullo suum esse habere potest, cum prius ipso nihil sit. A posteriori verò quidquam capere suum esse, est omnino impossibile, quia quod dat essentiam, prius est eo quod capit essentiam. A seipso igitur habet ut sit, imò ipse est suum esse. Atque hoc significat Arist. cap. illo 7. citato, ubi de Deo ait, *Per seipsum est.*

Secundum, *Deus omnibus aliis rebus dat suum esse quo sunt, non à seipsis suum esse habere non possunt, cum hoc sit proprium primi Entis: ab alio verò si habeant, unde nisi ab eo qui est primum Ens?* Agnoscit hoc Arist. lib. 1. Metaph. cap. 2. Deus (inquit) causa omnibus esse videtur & principium.

Tertium, *Deus est infinitus omni modo.* Primo, *infinitus Duratione, ideoque æternus.* Asserit hoc Aristoteles, lib. 12. Metaph. cap. 7. Deus (inquit) sempiternus optimusque vivens est. Et iterum vita & ævum continuum & æternum Deo inest. Et iterum Substantiam æternam vocat. Verissime quidem ista omnia: Nam si coepisset esse, oportuit aliquid deduxisse ipsum à non esse ad esse: quod si aliquid hoc fecisset, illud certe Deo prius fuisset: at ipse est Ens omnium primum, ut ante probatum fuit. Secundo, *Est infinitus potentia.* Nam aliter agere ab æterno non potuit. Agit verò, & ab æterno agit, quia ipsius vita operatio est, ut docet Arist. cap. illo 7. citato, lib. 12. & lib. 12. de Caelo, cap. 3. Vita autem ejus æterna est, ut ibidem asserit. Quod verò Arist. ibidem ait eum ab æterno movisse (cælum scilicet) ideoque infinitam illius Potentiam esse conclusit, ratio sanè illa satis valida esset, si motionem cæli æternam eum Arist. quis concedat. Sed opinio illa de æternitate mundi, est insignis Philosophi vulgò & ore omnium rejectus error. Quare eo relicto, rectius hac ratione Potentiam Dei infinitam esse indices, quia res alias omnes à non esse ad esse, ipse perduxit; at inter non esse & esse, est infinita distantia, quare ad superandam infinitam istam distantiam infinita potentia necessaria fuit. Tercio, *Est infinitus Sapiaentia;* nam infinita Potentia sine æquali Sapiaentia omnia statim pessunderet; quare tanta sit ejus Sapiaentia oportet, ad res ordinandum, quanta fuit Potentia ad easdem efficiendum. Quarto, *Est infinitus Bonitate:* nam Potentia & Sapiaentia sine æquali Bonitatem finalitatem vertitur: ipse verò ut sempiternus ita optimus est, ut ex Arist. nuper monuimus, qui Deum optimum vivens appellat. Quinto, *Est infinitus Essentia;* quia nec Duratio, nec Potentia, nec Sapiaentia, nec Bonitas ejus major esse potest quam essentia; cum ergo ista infinita sint, ut modo probatum est, erit sine dubio & Essentia ejus infinita. Sexto, *Est infinitus Loco, sic ut nullius loci finibus contineri possit.* Nam Essentia infinita nullo loco contineri non potest: cum enim finita esset, non infinita. Deinde quomodo locus nullus eam contineat, qui ante omnem locum & sine omni loco fuit, & ab æterno etiam sic fuit &

Excelsior caelo est, ait *Joh. Cap. 12. 12.* ergo est supra & extra omnem locum, & sine loco extra locum existit. Verissimum quidem est Deum ubique esse, id est in omni loco, imò & ubique totum esse, Nam *caelum & terram ille implet*, *Jer. 23. 24.* sed sic est ubique, ut sustineat & contineat omnia, etiam ipsum locum, non sic ut ipse sustineatur aut contineatur ab ullo, aut finibus ullius loci. Rectè *Aug. lib. 6. Conf. cap. 3.* Deum alloquens, *Ubique totus es, & nusquam locorum es*; id est, nullo loco contineris. Quod ipsum *Lib. ad Dardan. cap. 4.* explicans, pulcherrimè & disertè docet, Deum sic esse ubique, non ut sit diffusus per omnem mundum sicut fumus, aut humor, aut aer, aut lux; ita ut in dimidio mundi corpore sit dimidius, & in alio dimidio dimidius, atque ita per totum mundum totus; sed est in solo caelo totus, & in sola terra totus, & nullo contentus loco, in s. ipso est ubique totus. Postremo, *Est infinitus omni omnino Perfectione.* Quis enim illi fines ullos aut terminos statuere, aut imponere potest? Non ipse sibi; nihil enim sese definit. Non aliud quidquam; nam ipse ante omnia fuit, ipse ex omnibus fines suos attribuit: ab ipsis igitur eum fines ullos capere impossibile est. Quare cum fines nullos Perfectionis accipere aut habere potest, certè in omni perfectionis genere infinitus ut sit, necesse est.

Quartum, *Deus est incomprehensibilis ideoque ineffabilis.* Ita ut nec ab homine, nec ulla creatura planè & perfectè explicari aut intelligi possit & cognosci. Sequitur ex tertio; nam *Omne receptum recipitur ad modum recipientis.* Quare cum mens humana, & alia omnia præter Deum finita sunt, certè Deum qui infinitus est, non magis capere & comprehendere possunt, quàm urceolus oceanum, aut palma manus immensitatem caelorum. Parum dixi: nam inter ista (quia sunt infinita) est certe proportio, at inter finitum & infinitum nulla omnino est proportio, ut vere ait *Arist. lib. 1. de Caelo, cap. 7.* Nulla igitur inter Deum & humanam mentem. Imò & omnes creaturas infinitis ille parafangis excedit. *Ecce caeli caelorum non capiunt te. Tu bomuncio, vermiculus, qui ad eum instar nihil, imò (Isa. teste, cap. 40. 17.) minus nihilo es, tu illum capies?* Non potis es. Illud quantulumcunque quod de Deo vel dicere, vel intelligere possumus, si ad eum conferatur vere inficitia est. Rectissime *August. lib. 2. de ordine, cap. 18.* *Nulla est de Deo scientia in animo, nisi scire quod eum nescias;* & *lib. eodem cap. 16.* *Ille melius scitur nesciendo.* Vis ne de Deo dicere quid (sit? nos nec diximus nec dicere possumus) Audi *Aug. lib. contra Adimant. ca. 7.* *Omnes opes linguarum, omni ineffabili sublimitate præcedit.* Visne eum intelligere? Audi iterum, *Aug. lib. 5. de Trinit. cap. 1.* *Quomodo intelletu Deum capiat homo, qui ipsum intelletum suum, quo eum vult capere, nondum capis?* Visne vel cogitare ipsum? Audi tertio, *Aug. lib. 5. cap. eod.* *Semper Deum cogitare debemus, de quo tamen dignè cogitare nunquam possumus.* Ego hic, cum Simónide, die n de die postulo, silebo, nec quid Deus sit vel enitar effari: monitus non tam ab Harpocrate, qui (teste *Varr. lib. 4. de ling. Lat. & Aug. lib. 18. de Civ. Dei, cap. 5.*) Digito ad simulacrum Iſidis labiis impresso significari voluit non posse quid sit Deus voce aut verbis explicari: quàm ab *Augustino, qui lib. contra Adimant. Cap. 11.* rectissime docet, quòd honorificum silentium potius Deo convenit, quàm ulla vox humana.

Quintum, *Deus est omnipotens.* Sequitur ex tertio; nam si quid esset quod ipse non posset, tum potentia ejus esset finita, & ad quædam solum efficienda extenderetur, ideoque finibus certis contineretur. At potentiam ejus esse infinitam ante (etiam ex *Arist.*) probatum est. Memineris verò cum Deum omnia posse dicamus, ea intelligi quæ possibilia sunt, seu quæ possunt fieri: vel omnia quæ si fiant contradictionem non implicant, ut rectè explicat *Aquin. part. 1. q. 25. art. 3.* Etenim non potest duo contradictoria, simul vera facere, aut falsa; nam hoc implicat, idem esse & non esse, aut esse verum & non esse verum. Atque hoc ex *Agathone* (cujus sententiam approbat) monet *Arist. 1. 5. Eth. c. 2.* *Hoc etiam ipse Deus solòque carere videtur, Insectum ut faciat quod factum est atq; peractum.* Nam hoc implicat idem simul factum esse, & non esse factum. Similiter neq; se in corpus aut ullum creaturam mutare potest, nam hæc omnia tollunt infinitatem divinæ essentiae.

essentia; ideoque implicat eum & finitum esse, & non esse finitum, id est, esse Deum, & non esse Deum. Eadem ratione peccare, aut malus esse non possit. Nam malum esse, vel peccare, est deficere à bono quod inesse debet; ut recte monet *Aug. lib. de morib. Manich. cap. 1. & 4.* ac defectus ullus boni in Deum cadere non potest, quia est infinitus Bonitate; infinitus Perfectione, ut ante probavimus. Deinde malum seu peccatum est privatio boni, ut vere dicit *Aug. in Ench. cap. 1.* ut Deus nullo bono privari potest, cum sit infinitus & essentialiter bonus. Quare & hoc implicat contradictionem, nempe Deum infinitum esse Bonitate, & non esse infinitum Bonitate. Addo ulterius, Tantum abest ut Deus malus esse possit, aut peccare, ut neque causa, author, vel efficiens mali aut peccati esse possit, sicut nec lux tenebrarum, nec calor frigoris, nec sonus silentii, nec presentia absentia. Cujus ratio est evidens. Nam peccatum formaliter est ipsa privatio boni, ut ex *Aug.* monuimus. Privatio autem est non ens, cum sit absentia entis, ut clarissime docet *Aug. lib. 1. de Genes. contra Manich. cap. 4.* unde etiam *Franc. Maro* in suis Notis ad librum *Aug. contra Episc. Manich. cap. 29.* tum etiam *Navarr. in suis Ench. praelud. 7. nu. 14.* ex *Augustino* observant peccatum esse non Ens seu nihil, vel, ut *Ma. o* loquitur, *Nihilentem*. Quo etiam illa verba ad *Aug.* torquentur in *lib. 2. sent. distinct. 37. q. 2. art. 1. Sine ipso factum est nihil*: quod ille peccatum interpretatur; indicans scilicet Deum omnia Entia fecisse, illorumque auctorem & effectorem esse, at peccati quod est privatio Entis, ideoque non Ens, effector non est neque causa. Cum igitur malum sit non-Ens, efficientem causam non habet sed deficientem, ut recte monet *Aug. lib. 12. de Civit. Dei, cap. 7.* *Nemo quarat efficientem causam mala voluntatis*, non enim est efficiens, sed deficiens, quia nec illa effectio est sed defectio. Jam cum defectus in Deo nullus esse possit, cum sit infinitus perfectus certum est quod causa vel author peccati esse non possit. Defectus autem ille qui est deficiens causa peccati est hæc, quia voluntas non attendit ad legem divinam, neque respicit regulam rationis dum operatur; & ideo hæc non attendit & respici, quia non est summa bona, sed deficit à perfectione summi boni. Iste defectus in voluntates creaturæ cadere potest, at in voluntatem Dei qui infinitus perfectus est & summe bonus cadere non potest; quare causa illa deficiens peccati in ipso esse non potest. Implicat ergo & hoc contradictionem, ut Deus sit Author vel causa peccati, quia tum esset & infinitus Bonitate, & tamen deficiens in Bonitate. Recte *Plato lib. 2. de rep. Bonorum solus Deus causa est dicendus, malorum autem quamlibet aliam præter Deum causam querere decet*. Hac eadem ratione fit, ut non possit ullam creaturam sine sua essentia efficere, & conservare, ut non efficere ut hoc sit animal & simul sit non vivens; quia cum esse vivens sit de essentia animalis; si hoc simul esset animal & non vivens, tum simul esset vivens & non vivens. Idem non potest efficere ut hoc sit homo & simul sit non rationale, quia hoc implicat eandem contradictionem. Similiter efficere non potest, ut hoc sit Accidens & simul non in sit in Subjeto. Nam cum *Accidentis esse sit inesse*, hæcque sit ejus essentia ut sit in Subjeto, si aliquid simul esset Accidens, & non esset in Subjeto, tum simul esset in subjeto, & non esset in Subjeto. Relinquitur ergo quod cum dicamus Deum posse omnia, hoc de omnibus intelligatur, quæ, si fiat: contradictionem non implerant.

Sextum, *Deus est Omniscius*. Sequitur ex tertio. Nam si ulla ipse nesciret, tum ejus sapientia esset finita, ac infinitam esse probatum est. Scit vero non actiones solum & illa quæ exterius sunt, & in oculos incurrunt, sed & ipsas mentium cogitationes. *Tu solus xarōyovός*. Soli Deo mens pervia & aperta. Recte *Ishales* apud *Diog. Laert. lib. 1.* interrogatus, laterene Deum homo male agens? ne cogitans quidem respondit: Neque presentia solum & præterita ille scit, sed præcise omnia futura, etiam ea quæ maxime contingencia sunt. Quod ut sibi proprium Deus ipse vendicat, *Isa. 4. 23.* Deos gentium, Deos ille stercoreos alloquens, *Indicate quæ eventura sunt, ut cognoscimus vos esse Deos*. Idoneum nimirum divinitatis testimonium veritas prædictionum, ut notat *Test. in Apol. cap. 20.*

Septimum

Septimum Deus vis per infinitam suam sapientiam scit omnia, ita etiam per eandem infinitam sapientiam, Consilio & Providentia cuncta gubernat & ordinat. Is enim est Efficiens Causa omnium. Quicumque autem cum ratione & iudicio aliquid efficit, is propter aliquem finem agit & efficit illud: unde Finis, Principium agendi recte vocatur ab (a) Arist. quia Finis, illiusque desiderium movet, & excitat agens tale ad agendum: Finis autem rerum omnium creaturarum nec est, esse alius quam ipse Deus: quia cum ille ea produxit & effecit, nihil omnino erat præter seipsum, cujus gratia hæc efficeret. Aut si quis Finem alium ipsi propositum sentiat, cum finis habet rationem optimi, ut verè ait (b) Aristot. imò cum sit optimum & præstantissimum, ut idem (c) iterum docet, erit igitur aliquid melius, perfectius & præstantius Deo. At absurdum est (sic loquitur Arist. lib. 2. mag. Moral. cap. 15.) ut se quidquam melius habet Deus. Ipse igitur Finis est, cujus gratia hæc omnia produxit; Propter (d) ipsum facta sunt omnia. Aut si cum Arist. lib. 1. Ethic. ad Nic. cap. 1. loqui vis, Ad Deum, ut finem, omnia referuntur. Quicumque autem facit aliquid propter Finem, utitur eodem, & dirigit ad istum Finem. Omnibus igitur Deus utitur, omnia dirigit ad finem sibi propositum, id est ad se suamque gloriam per ea manifestandam. Gubernare autem omnia & dirigere ad eum finem quem proponit, est nihil aliud quam rerum omnium curam & providentiam habere: est igitur in Deo cura & providentia rerum omnium. Plura hoc de Attributo si quis desideret, consulat tractatam sequentem de Providentia Dei, quem idcirco juxta Authoris institutum, velut Appendicem, huic Introductioni annexendum esse curavimus.

Octavum, Deus est Ens simplicissimum, omni omnino compositione carens. Sequitur ex descriptione anteposita.

Primo, Caret Compositione ex partibus essentialibus: Nam illæ priores sunt suo composito, ac Deo nihil est prius, cum ipse sit primum omnium Entium.

Secundo, caret compositione ex partibus integrantibus: nam quicquid ita componitur est Corpus aut corporeum, ac omni corpore est aliquid prius, nempe Substantia quæ est Genus Corporis. Deo autem nihil est prius.

Tercio, Caret compositione ex partibus subjectivis: Nam quicquid tales partes habet, Genus est, aut Species; ac Deus neque Genus esse potest neque Species, cum ejus natura nulli nisi uni competere potest, ut post ex Augustino ostendemus, essent autem plures Dii si Deus Genus esset aut Species.

Quarto, Caret compositione ex subjecto & accidente, nam in Deo accidentia nulla sunt aut esse possunt: Cujus ratio est hæc, quia si ille accidenti ulli substaret, aut ejus subjectum esse posset, tum esset aliqua essentia communis ipsi & substantiis completis. Utraque enim in hoc essentiali attributo convenirent, quod possunt substare accidentibus. Quod si aliquod esset essentialiter Deo & creaturæ, tum esset aliquod natura prius Deo, ac ipse est primum Ens, ut ante probatum est. Docet hoc idem Aquin. part. 1. q. 3. art. 6. & in quest. di. part. q. 7. art. 4. Absque omni dubitatione (inquit) tenendum est, quod in Deo nullum sit accidens. Docuit hoc ante ipsum Aug. lib. 5. de Trinit. cap. 2. Deo inquit, aliquid accidere non potest. Et cap. 3. nihil accidens in Deo, & quicquid de Deo dicitur, vel intelligitur, non secundum accidens, sed secundum substantiam dicitur. Idem iterum ait, lib. 6. cap. 4. & lib. 15. cap. 5. & sæpissime hoc repetit. Audi illius verba, lib. de fide & Symb. cap. 9. In Dei substantia non est aliquid, quasi aliud ibi sit substantia, aliud quod accidit substantiæ; sed quicquid ibi intelligi potest, substantia est. Etiam ipsæ relationes in Deo accidentia non sunt, ut docet Aquin. part. 1. q. 28. art. 1. Nihil (inquit) est in Deo ut accidens in subjecto, sed quicquid est in Deo est ejus essentia. Ex hoc recte dicitur in scholis quod quicquid de Deo dicitur, Deus est; ut Aug. lib. 5. de Trinit. cap. 8. ait. Non aliud est Deo esse, & magnum esse, sed hoc idem illi est esse, & magnum esse: & lib. 7. Conf. cap. 4. voluntas & potentia Dei Deus ipse est: & clarissime lib. 5. de Trinit. cap. 10. Deus non participatione magnitudinis magnus est, sed seipso magno magnus est, quia ipse est sua magnitudo. Hoc & de Bonitate & Æternitate, & de Omnipotentia Dei dictum sit, omnibusque omnino

- a Lib. 2. Phys. citat. ex lib. 2. Ethic. ad Eudam.
- b Lib. de somno & vigil.
- c Lib. 1. Eth. ad Nicom. ca. 7. & 1. itemque lib. 2. Ethic. ad Eudam.
- d Rom. 11. 36.

omnino prædicatis quæ de Deo possunt pronuciari. Sic ille. Quare Bonitas, Justitia, & similia, quæ in creaturis accidentia sunt, in Deo accidentia non sunt. Sed ut idem Aug. pulchrè asserit *lib. 11. de Trinit. cap. 2. Deum intelligamus sine quali ac bonum, sine quantitate magnum, sine indigentia creatorem, sine situ præsentem, sine habitu omnia continentem, sine motu omnia transcendentem, sine loco ubiq; totum, sine tempore sempiternum, sine ulla sui mutatione mutabilia facientem*. Quæ repetuntur in *lib. 11. de Meditationum*, qui falsò *August. ascribitur l. 1. c. 12. Quin & hoc ipsum vidit Arist. idcoq; Deum esse suam vitam*, ait, *lib. 12. Metaph. cap. 7. & lib. 3. de Anima, cap. 5. ait, intellectum sepeperatum (vult autem Deum) solum esse id quod est, quia videlicet in eo nihil est quod sit ipse, ipsiusq; essentia. Cum igitur Deus omni omnino compositione careat, restat eum esse Ens simplicissimum.*

Nonum, *Deus est impassibilis*, Sequitur ex septimo; nam passio quæ alicui infertur, accidit ei cui infertur: at Deo nihil accidere potest, cum accidens in eo nullum esse possit. Deinde, agens omne est nobilius patiente, ut ex *Arist. & Aug.* rectè monet *Aquin. part. 1. q. 79. art. 2.* & ratio ejus est hæc, quia omne agens in quantum agit, majorem vim & potentiam habet Patienti: Nam si vel major, vel æqualis vis sit alicujus ad resistendum actioni, quam est alterius ad agendum, certè agens tale, cum debilius, sit patiente, nunquam agere in illud posset: at Deo nihil est, aut esse potest nobilius, nihil potentius, cum illius potentia sit infinita: Nihil igitur tantum vim habet ad agendum in ipsum, quantum ille habet ad resistendum illius actioni. Nihil igitur in ipsum agere potest. Quare nec ille quidquam pati potest. Asserit hoc apertè *Arist. lib. 1. de Gen. & Cor. cap. 7. primum (inquit) agens, est passionis expert, & rationem reddit, quia quæ immaterialia sunt, imparibilia agunt. Deus autem immaterialis omnino, cum sit Ens simplicissimum, omni omnino compositione carens. Quod si ex materia constaret, sine dubio ex partibus essentialibus componeretur.*

Decimum, *Deus unus est*, aut si eam *Bern. lib. 5. ad Eug. loqui vis, Deus unus est, & si dici potest, unissimus.* Sequitur ex tertio; nam duo infinita actu esse non possunt, quia quicquid est infinitum, illud omnem perfectionem quæ esse potest, in se habet, vel formaliter vel eminenter. At si essent duo infinita, tum infinita perfectio esset in uno, quæ deesset alteri, idcoque neutrum reverà infinitum esset.

Undecimum, *Deus est immobilis*, nam quicquid localiter movetur, illud tendit vel à toto loco, vel à parte illius loci in quo est, ad alium locum, vel partem loci in quo non est. At Deus cum sit infinitus, est ubique, & in omni loco, imò est totus in toto loco, & totus in qualibet parte loci, ut antè probavimus. Neque igitur recedere potest ab ullo loco in quo est, neque accedere ad ullum locum in quo non est. Est igitur immobilis. Docet hoc apertè *Arist. lib. 1. de Gen. & Cor. cap. 7. Primum movens (inquit) omni motu vacat: & lib. 12. Metaph. cap. 7. concludit Deum esse æternum, immobilemque substantiam: & cap. 8. primum Entium, tum per se, tum per accidens est immobile.*

Duodecimum, *Deus est omni modo immutabilis.* Sequitur ex septimo; nam si ullo modo mutari posset, tum posset recipere aliquid in se quod prius non habuit: Omne autem tale est accidens; at accidens in Deo nullum esse potest. Atq; hinc sequitur, Deum ab æterno omnia præscivisse, nam si quidquam de novo sciret, tum in scientia mutaretur, at est immutabilis.

Hæc (& fortè alia nonnulla his confectanea) sânt illa Dei Attributa, quæ *Metaphysici* ductu æclumine rationis de Deo tradunt, quæq; balbutire veritas solent, quam proloqui. Hæc ego libentius ex *Arist.* observanda putavi, quoniam is apud multos male audit, quasi parum rectè de Deo sensisset. Audeo verò dicere neminem non modò Philosophorum, sed nec omnium Ethnicorum de Deo rectius, veriusq; scripsisse. Quæ verò de Deo à Theologis, & sacerdotibus traduntur, ea omnia missa facio, nec in illorum sacram mellesem nisi potitè venia fac. m. immittam.

Est autem hæc secunda *Metaphysica* pars, quam Theologiam (humanam nempe) appellare licet, cum sit doctrina de Deo, sicque eam expresse vocat *Arist. lib. 11. Metaph. cap. 6.* ubi tria genera speculativarum scientiarum facit, Physicam, Mathematicam, Theologiam; vult autem *Metaphysicam*, quæ non nisi respectu hujus partis Theologia vocanda est. Quod verò illic scientiam vocat, memineris sic vocari largo modo: nam Scientia proprie dicta non est; cum subjectum in propria dicta Scientia debeat esse universale. Deus autem qui est subjectum hujus partis *Metaphysica*, est singularis, & unus, imò unissimus. Et neque Genus, neque Species, ut *Aug.* verè docet *lib. 7. de Trin. cap. 6. & Aquin. p. 1. q. 3. art. 5.* Deinde in Scientia proprie dicta sunt aliqua principia subjecti, & aliqua Accidentia ab illis principiis fluentia, quæ de subjecto demonstrantur. At principia Dei nulla esse possunt, cum sit primum Ens, neque accidentia ulla ei inesse possunt. Quare si proprie loqui volumus, partem hanc *Metaphysica* disciplinam seu doctrinam de Deo dicamus, qualem scilicet humanâ ratione (sine supercœlesti lumine) assequi valeamus.

CAP. III.

De Ente Finito in communi.

Diximus de *Ente infinito* Sequitur *Ens finitum*, quod considerandum primò in communi; secundò in speciali.

Ens finitum est Ens quod certis finibus continetur, tale est omne Ens præter Deum.

Proprietates ejus sunt hæc:

Prima, *Omne Ens finitum habet essentiam finitam.* Nam si essentia ullius rei præter Deum esset infinita, tam essent duo aut plura infinita actu. At hoc esse impossibile supra probatum est, *cap. 2. Attrib. 9.* Unde *Aquin. part. 1. q. 7. art. 2. ait,* Deum non facere posse aliquid infinitum; quia implicat contradictionem, ut factum sit, & sit infinitum; quoniam si factum est, fines accipit suæ essentia; at si infinitum sit, fines essentia nullo habet.

Secunda, *Omne Ens finitum finitur à Deo, & ab eo essentia fines accipit.* Nam finitur vel à se, vel ab alio. A seipso nihil finiri potest, quia quod dat fines alicui prius est, & dignius eo quod capit fines, at nihil seipso vel prius est, vel dignius. Ab alio igitur fines capiat necesse est: at præter Entia finita, nihil est nisi Ens infinitum quod est Deus, quare ab eo fines & terminos suæ essentia unumquodque Ens finitum accipit.

Tertia, *Omne Ens finitum habet potentiam finitam.* Sequitur ex prima; nam potentia nullius rei major esse potest quam illius essentia, quia *Omne receptum recipitur ad modum recipientis.* Quare si essentia rei sit finita, sine dubio potentia quæ recipitur in illa essentia, non potest esse infinita: at cujusq; Entis finiti essentia finita est, ut probavimus: Est igitur & potentia ejus finita. Atque hoc disertè docet *Arist. lib. 12. Metaph. cap. 7.* nihil finitum (inquit, infinitam) potentiam habet.

Quarta, *Omne Ens finitum loco finito comprehenditur, neque in infinitum extenditur.* Sequitur ex prima; nam si extensio infinita illi conveniret, certè etiam essentia ejus esset infinita, at omnis entis finiti essentia est finita, ut probatum est.

Quinta

Quinta, *Omne Ens finitum, est duratione finitum.* Loquor autem de duratione à parte ante; nam à parte post infinitam durationem habere possunt, & habebunt Entia finita. Sequitur ex secunda; nam quia omne Ens finitum habet suum esse ab alio, ideo factum est; fieri autem est deduci à non esse ad esse: aliquando ergo non fuit, quare coepit esse, atque ita ab æterno non fuit. Hoc illud est quod *Arist.* verissime docet *lib. 1. de celo, cap. 10.* Impossibile (inquit) est, ut idem perpetuum sit, & tamen factum sit, quare cum Deus causa sit (effectrix nempe) & principium omnibus, ut *Arist.* ait *lib. 1. Metaph. cap. 2.* hinc sequitur nihil præter Deum æternum esse, sed alia omnia coepisse, cum ante non erant. Potest hoc idem aliter etiam demonstrari, contra eos qui mundum æternum fuisse somniant. *Socrates* generatur à suo patre, ut à causa efficiente & procreante, ille ab avo, hic à proavo, abavo, aravo, & sic deinceps. Quæro hic an ad primum aliquem parentem pervenies, an in infinitum progredieris? Si ad primum ubi sis, pervenis, tum mundus ab æterno non fuit, sed initium habuit, sicut primus ille parens. Si dicas in infinitum progrediendum esse (quod posita mundi æternitate necessario dicendum est) tum sequitur oportuisse ante generationem *Socratis* infinitas causas procreantes actu pertransiri: at infinitas causas actu pertransiri possunt retrogrediendo à *Socrate*, & sursum ascendendo, quam poterunt progrediendo aut descendendo ad *Socratem*: at posita mundi æternitate, parentes *Socratis* antegressos, impossibile est actu unquam pertransiri, cum ad finem eorum nunquam pervenire poteris, quippe finis eorum omnino nullus est, ex ista suppositione. Restat igitur ut concedas aut nullum hominem posse unquam generari (quia ab infinitis causis nullus effectus procedere potest) aut quia certum est, homines generari, ideo ad primum aliquem parentem perveniendum esse. Huc spectant ea quæ *Arist.* habet *2. Metaph. cap. 2.* Si primum nihil est, omnino nulla causa est, & *cap. eodem.* generatio non est infinita sursum versus. Idem sic etiam demonstrari potest: Certum est esse numerum dierum & annorum qui effluxerunt; nam est in eis multitudo unitatum, multitudo autem unitatum numerus est, ut definit *Eucl. lib. 7. def. 2.* Quæro jam de illo numero, finitusne actu sit, an actu infinitus? Si dicas esse actu finitum, das quod volo, mundum non esse æternum, sed sicut tempus coepisse: Nam ad primum diem & annum cum perveneris, ibi initium mundi. Si dicas esse actu infinitum (quod planè dicendum est) tollis ipsam numeri naturam, & contradictionem implicas: Dicere enim hoc esse numerum, & esse actu infinitum, contradictoria sunt, quia omnis numerus numerabilis est, vel numerari potest, ut ait *Arist. lib. 11. Metaph. cap. 9.* Infinitus autem numerus numerari non potest, quia ad finem in numerando non potest perveniri. Et numerus omnis additione unitatum fit major. Ex quo fit ut numerus maximus dari non possit, ut ait *Arist. lib. de lin. infecab.* at infinito numero major dari non possit, nam infinito nihil est majus. Præterea, omnis numerus est par vel impar; nam hoc numero per se, & quatenus numerus est, convenit, ut docet *Arist. lib. 1. Demonstr. cap. 4.* at infinitus numerus nec par est nec impar, ut idem ait *lib. 13. Metaph. cap. 8.* Postremo, omnis numerus ablatione dimidii absumitur, & finitas habet divisiones, ut ait *Arist. lib. de lin. infecab.* at infinitus numerus nunquam absumi potest, quantascunque partes ei demas. Quare cum numerus infinitus nullus esse possit, sequitur mundum non fuisse ab æterno, quia hoc pacto infinitum numerum tum dierum, tum mensium, tum aliorum dare necesse est. Idem ex numero animarum humanarum apertissime probari potest. Nam cum animæ humanæ immortales sint, etiam *Arist.* agnoscit, *lib. 12. Metaph. cap. 3.* certum est numerum omnium quæ unquam fuerunt jam exare actu. Quare posita mundi æternitate sequitur infinitas numero animas jam exare actu. At infinitas (ut jam probatum est) repugnat essentia numeri. Vide alias rationes de hac re apud *Franc. Vales. lib. de sacra Phil. cap. 1.*

Hinc jam abundè liquet *Arist.* qui mundi æternitatem ferè omnibus in libris prædicat, non modò errasse, sed sibi ipsi etiam, suisque principiis, inque quæ ratio ipsa dicere potuit, repugnasse. Humanum nempe est errare, & humani nihil ab eo alienum fuit. Quan-

quam sit non Nemo qui *Aristotel.* hunc suum de mundi æternitate errorum retractasse in lib. suo de mundo autumat, ut *Author Ref. par. 2. p. 48.*

— sed non ego credulus illi.

Sexta, *Omne Ens finitum ex nihilo factum est; puta vel immediate vel mediate.* Sequitur ex quinto; nam omne tale Ens factum est ut probavimus, quare cœpit esse cum ante non erat. Quod si nullum Ens finitum erat ex quo fieret, factum ergo est ex nihilo, nam ex ente infinito fieri non potuit. Aut si dicas aliquid Ens finitum (puta materiam primam) ut existimavit *Plato*, fuisse æternam, idè non factam, illud jam refutatum est, cum omnia præter Deum facta esse ostenderimus. Quæro ergo de prima omnium materia, an ex aliquo priori facta sit, an ex nihilo? Si ex aliquo, tum non est illa prima, ut tu ponis. Sed adhuc quæro de illa priori, an illi ex priori facta sit, an ex nihilo? & sic aut in infinitum procedēs, quod est impossibile, quia ex infinitis præcedentibus causis nihil fieri potest, cum illæ actu pertransiri nunquam possent: si verò ad aliquod pervenies quod ex priori materia non est factum, certum est illud (quia factum est) ex nihilo factum esse. Atque etiam hoc ipsum ratione duce omnino faciendum est. Quare, quod *Arist. lib. 7. Metaph. cap. 7.* & alibi sepe dicit, Omnia, quæ fiunt, ex aliquo fieri; & Ex nihilo nihil fieri: id ita intelligendum est, quod ex nihilo nihil generetur vel fiat per modum generationis nam quicquid generatur, ex præcedente materia generatur. Sed per modum creationis ex nihilo aliquid fieri, imò omnia præter Deum fieri certissimum est. Et licet *Arist.* de creatione nihil dicat, tamen nihil omnino tradit quod ei contradicit; neque ullibi quicquam asserit, quod creationi ex nihilo (quam ipsa ratio etiam docet) repugnet. Imò verò cum animus humanus divinitus infundi sentiat, non dubito eum & animas illas fieri, & ex nihilo fieri (hoc est autem creari) sensisse.

Atque hæc de Ente finito in communi dicta sint; quod est subjectum hujus tertie partis *Metaphysicæ*. Illud postremo monendum est, hanc partem *Metaphysicæ* non esse scientiam propriè dictam. Nam subjectum hujus partis non est verum, reale & univocum Genus aut Species: Nam si esset de suis Differentiis divisivis dici non posset. At illæ (quæcunque singas) sunt entia finita. Entia enim ut sint necesse est, quia aliter essent non entia; finita autem entia sunt, quia nullum Ens præter Deum infinitum est aut esse potest, ut probavimus. Cum igitur Ens finitum Differentias nullas haberet, certè nec Species habere potest; quare univocum Genus & reale non est; at ad scientiam propriè dictam requiritur ut ejus subjectum sit non solum reale sed univocum. Præterea, entis finiti nulla sunt vel realia Principia, ex quibus Proprietates demonstrandæ de eo fluant; vel veræ Proprietates quæ de ipso demonstrantur. Quare hæc etiam pars *Metaphysicæ* Disciplina vocanda est, ut priores dux, non propriè dicta Scientia.

C A P. IV.

De Accidente.

Diximus de Ente Finito in communi, nunc de eo in speciali dicendum. Est autem Ens finitum duplex: Accidentis, & Substantia. Et quidem ratio ordinis postulare videtur ut prius de Substantia, quia dignior est, agamus; sed quoniam pauca sunt quæ de Accidente *Metaphysicæ* tradit, plura quæ de Substantia, & quia in ipsa tractatione Sub-

Substantiarum Accidentia illarum tradi solent & debent, ideo prius absolvendum puravi hunc tractatum de Accidente, ut sine ulla interruptione in tractatione Substantiarum libere progrediamur.

Accidens est Ens finitum inherens in Subiecto, seu quod inest in Subiecto inherens. Inherere autem seu inesse in Subiecto (definiente *Arist. in Antepredic.*) est inesse alicui non ut pars ejus, nec ut possit sine sui interitu separari ab eo cui inest. Descriptio autem illa anteposita (quæ tum ex *Arist. 5. Metaph. cap. 5. & 1. Top. cap. 5.* tum ex *Porphyr. ca. de Accidente* colligitur, ubi uterque per inesse in Subiecto seu inherere accidens definit) complectitur tam accidens proprium quam commune. Nam in hoc utraque conveniunt quod Subiecto inhæreant. Accidens autem proprium id vocatur, quod fluit vel à simplici essentia, vel ab essentialibus principiis Subiecti cui inest. Sic substare Accidentibus, est proprium Accidens, seu Proprietas Substantiæ completæ, risibilitas homini. Accidens commune vocatur quod aliunde oritur, neque fluit ab essentia illius Subiecti cui inest, sic calor inest aquæ, lumen aëri.

Illud hoc notandum, Unamquamque Scientiam debere tradere Accidentia propria Subiecti illius quod in ea tractatur, quia ista ipsa Accidentia sunt quæ de illo Subiecto per essentiam, aut principia essentialia demonstrari debent. Ubi autem tales Proprietates seu Accidentia propria vera & genuina non sunt, (uti non esse in 1, 2, & 3. parte Metaphysicæ diximus) ibi, loco earum, tales Proprietates, quales istis Subiectis conveniunt, ponendæ sunt. Ista autem Accidentia omnia propria nec ad *Metaphysicam*, nec ad *Physicam*, nec ad ullam unam Scientiam pertinent, sed cujusque accidentis proprii tractatio ad illam Scientiam spectat, in quâ Subiectum ejus tractatur.

Accidentia verò communia cum non consequantur essentiam Subiecti, neque ex ea fluant, sed extrinsecus adveniant, & per Accidens, ideo istorum tractatio neque ad *Metaphysicam*, neque ad *Physicam*, neque ad ullam Scientiam pertinet: nam ejus quod per Accidens est, & non necessario, non est Scientia, ut docet *Arist. lib. 6. Metaph. cap. 2.* & idem sensit *lib. 11. Metaph. cap. 7.* ubi sic ait. Quod non sit possibile accidentis scientiam esse manifestum est. Accidentia nempe talis quod contingenter & non necessario suo Subiecto convenit. Quomodo enim potest esse certa Scientia quod insit, cum id ipsum an insit Subiecto, aut ei conveniat, incertum est. Quare si de istis accidentibus communibus vel in *Metaphysica*, vel in *Physica*, vel aliis Scientiis agat *Arist.* certè facilioris doctrinæ causâ, vel ad alia illustranda istorum tractatio pertinet, non autem quia hæc ad Scientiam illam propriè spectant.

Proprietates Accidentis sunt hæc :

Prima, *Accidentis esse est inesse.* Hæc totidem verbis tradit *Aquin. part. 1. q. 28. art. 2.* additque quod *in esse Subiecto, est esse quod competit unicuique Accidenti secundum quod est Accidens.* Sequitur etiam ex descriptione posita, ubi est. n. ia accidentis per inesse in Subiecto explicatur, & significatur accidens non posse existere sine Subiecto. Sequitur idem ex illa definitione inessendi in Subiecto quam ponit *Arist.* Nam quod inest in Subiecto, separari non potest ab eo interim ut maneat. Quare si accidens manet, non separatur à suo Subiecto, sed eidem inhæret: si non inhæret, non manet, sed est non Ens. Idem clarissime confirmatur ex secunda divisione Antepredicamentali, quam ponit *Arist.* Omne Ens vel inest in Subiecto, vel non inest. Certum est enim sub uno horum membrorum omnino Ens comprehendere. Jam si non insit, Substantiam vocat; si verò insit, Accidens. Hæc *Arist.* perspicue mens est nemine refragante. Finge nunc aliquod Accidens existere & non inesse Subiecto, sequitur necessario illud Substantiam esse. Nam si non inest, Substantia est.

Quare quæ Sacrifici toties inculcant non sine nausea, ut suum dogma imò potentum Transubstantiationis tucantur, novitum dico illud, & nuperum dogma, ignotum *Lombardo*,

ut clarè liquet *lib. 4. sent. dist. 11.* quod fatentur *Bellus. lib. 3. de Sacram. Euchar. cap. 23.* vel *Scoto*, suo viro ut ipse ibidem ait doctissimo aut acutissimo Indice, ante Lateranense Concilium sub *Innocent.* tertio, id est, ante annum à Christo millesimum ducentissimum & ultra, dogma fidei non fuit; ea (inquam) omnia quæ blaterant de Accidentibus, posse illa existere, & re ipsa ibi existere sine ullo subiecto, & ad Accidentis essentiam non pertinere (ve ha sunt *Bell. lib. citat. c. 24.*) inhærentiam in subiecto, vanissima verè sunt delirantium Sophistarum somnia. Tam enim repugnat essentia Accidentis existere & non inesse subiecto; quàm essentia Substantia inesse subiecto, aut essentia hominis esse non rationale, aut essentia animalis esse non vivens. Implicat nimirum ista contradietionem, (Nam si dicas, Hoc esse Accidens & tamen non inesse subiecto, idem est ac si dicas, Hoc est in subiecto, & simul non est in subiecto; aut hoc est Accidens, & simul non est Accidens) idèque in eorum numero sunt, de quibus *Bell.* ipse verè agnoscit. *lib. eod. cap. 2.* quod ne omnipotens quidem ea facere potest.

Quod verò *Bell. cap. 24. citat* ait, non solum veteres Patres, & omnes Theologos & Philosophos Christianos, sed multos etiam ex Ethnicis, adeoque ipsum *Arist.* docere, Accidentia posse existere sine subiecto, nã ille in hoc egregiè & splendide Sophistam agit & Impostorem. Non nescit verba *Basilii*, itémque *Aristotelis* torqueri à se contra ipsorum mentem, contrarièque rei veritatem. Audi pro *Aristotele* loquentem *Fonssecam*, tuum, *Com. in 7. Metaph. cap. 2. q. 1. sect. 2.* Philosophi omnes (ante istud dogma de *Eucharistia*) existimabant implicare contradictionem ut Accidens eisteret in rerum naturâ separatum à Subiecto. Tu *Arist.* contra asserentem somnias. Audi etiam *Aug.* clarissimè loquentem *lib. 2. soliloq. cap. 12.* Cui hoc fieri posse videtur, ut id quod in subiecto est, maneat, ipso intereunte subiecto? Monstruosum enim & à veritate alienissimum est, ut id quod non esset, nisi in ipso esset, etiam cum ipsum non fuerit, possit esse. Audin' dogma vestrum illud de non inhærentia accidentis (idèque de ipsa transubstantiatione) ut monstrum, & à veritate alienissimum, à patre, patre dico antiquo & omnium doctissimo, meritò damnari? Audi ex Theologis *Damasce.* qui *lib. de Dialect. cap. 4.* definit Accidens esse id quod per se subsistere nequit, sed in alio habet esse. Ecce, Accidens si in alio non habet esse nequit esse. Audi ex Philosophis *Frac. Zab.* qui *lib. 2. de prima rerum materia, cap. 18* ita ait, Accidens sine subiecto existere nequit. Et iterum in suis *Tab. de secunda divisione Antepredicamentali*, Proprium est omnis Accidentis esse in subiecto inhærentia. Proprium autem est re inseparabile à subiecto, ut idem ait *lib. 1. de prima Mat. cap. 12.* Audi ad extremum *Ful. Scal. e. 10.* Accidentis (inquit) essentia est inhærentia. Essentia (inquit) quam si tu tollis, tollis accidens ipsum; Quid plures (sunt certe innumeri) commemorare? Hi ad Sophistarum vanitatem demonstrandam satis, sunt, veterum etiam plus satis.

Secunda, *Accidens nullum potest migrare ab uno subiecto in aliud.* Sequitur ex definitione inhærendi. Nam quod inhæret alicui, separari ab eo non potest, ita ut sit. Quare cum omne Accidens inhæreat, certè quamprimum separatur in erit & evanescit in non ens. Quare in aliud subiectum migrare non potest.

Tertia, *Nullum Accidens habet materiam ex quâ propriè, sed solum materiam in quâ, quâ est ejus subiectum.* Doce: hoc di certis verbis *Arist. lib. 8. Metaph. cap. 4.* Neque verò (inquit) quicquam eorum quæ non sunt Substantia materiam habent. Ratio idem declarat; Nam materia propriè dicta, Substantia est, ut *Arist.* docet *lib. 7. Metaph. cap. 3. & lib. 8. cap. 1.* & alibi passim. Neque ul ibi, quod sciam, materiam nomen ulli Accidenti tribui. At Substantia non potest esse materia ex quâ Accidens fiat, quia materia est: quâ, est essentialè principium ejus cujus est materia, est enim causa interna illius: at substantia non potest esse de essentia ullius Accidentis. Deinde, materia propriè vocatur illud quod informatur & actu recipit formas, quas in potentia habuerat: at Accidens nullum dici potest informari, sed potius unumquodque informare dicitur; neque recipere formas, sed ipsa recipi dicuntur. Quare nullum Accidens materia propriè vocandum est, sed

sed formæ nomen omnibus dandum, uti ea appellatur *Zab.* & alii interpretes, tam *Aqu.* p. 1. q. 76. art. 4. § 5. & sæpe alias. Dixi *proprie*: Nam habent sane omnia Accidentia quæ Species sunt, materiam ex quâ improprie & analogice sic dictam; quippe omne Genus analogice materia ex quâ dici potest, quia materię assimilatur, ut docet *Porphyr.* cap. 8. num. 15 habet autem omne Accidentis materiam in quâ, quæ est ipsum illud subiectum cui inhaeret. Sicut autem materiam ex quâ solum analogice habent Accidentia, ita & formam proprie dictam nullam habent, cum ipsæ formæ sint: sed analogice differentia cuiusque Accidentis illius forma vocari potest, ut ex *Porphyr.* monuimus. Quare non assentior *Timplero lib. 5. suæ Metaph. cap. 3. q. 10. § 11.* ita dicenti: Sicut Accidentibus quibusdam materia competit proprie, quibusdam improprie & analogice; ita forma quibusdam convenit proprie, quibusdam improprie. Rectius *Aquin. 1. 2. q. 55. art. 3.* Accidentia non habent materiam ex quâ, sed in quâ, scilicet subiectum. Et *Zab. lib. 2. de med. Demon. cap. 6.* Accidentis nullam aliam habet materiam quam subiectum in quo inhaeret, eaque non est materia ex qua constat, sed in quâ est.

Quarta, *Omne accidens posterius est natura suo subiecto cui inhaeret.* Docet id aperte *Arist. lib. 7. Metaph. cap. 1.* & ratio suadet, nam dependet à subiecto tanquam à suo fulcro & fundamento. Deinde, subiectum antequam accipiat ullum accidens, est Ens completum in suo esse; nam *Omne accidens advenit Enti completo*, ut vere ait *Aquin. pag. 1. q. 77. art. 6.* Quare si in sua essentia & natura subiectum sit completum sine omni accidente, certe necesse est ut sit natura prius omni accidente. Quare rectissime *Zab. lib. de constit. Individ. cap. 2.* ex eo probat accidentia nulla posse esse principium Individualis substantiæ, quia substantia prior est natura suis accidentibus, ideoque necesse est ut hæc substantia in sua natura sit antequam accidens ullum habere possit. Nam ut *Porphyr. cap. 10. § 11.* recte docet, Genus prius est, nempe naturâ suis Specibus. Accidentis vero tam proprium quam commune. Specie cui inest, posterius est.

Quinta, *Omne accidens proprium emanat & fluit ab ipsa essentia sui subiecti vel immediate vel mediate.* In hoc enim (ut monuimus) differt ab Accidente communi, quia illud semper extrinsecus advenit, & non ab essentia sui subiecti fluit. Hinc est quod *Zab. com. in lib. 1. Demon. cap. 6. text. 52.* vocat accidens proprium, *accidens essentiale*, non quia sit de essentia subiecti, sed quia consequitur ejus essentiam. Atque hæc ratio est quare Accidentis proprium dicatur necessario convenire suo subiecto: nam quia subiectum sine essentia esse non potest, certe neque sine illis quæ essentiam consequuntur esse potest: imò neque intelligi aut concipi sine illis: quæ de re in Annot. nostris in Præd. plura diximus. Dignissima verò observatione, sunt verba *Zab.* loco illius super citato hæc de re. *Accidentia* (inquit) *propria neque re, neque cogitatione à Subiectis suis separari queunt*: non solum enim existere homo sine risibilitate non potest, sed neque imaginari possumus hominem non esse risibilem; essentiam enim hominis insequitur risibilitas, quare cum hominem cogitamus, rem risibilem cogitemus necesse est. Igitur non possumus sine contradictione imaginari hominem non esse risibilem: possumus quidem considerare hominem non considerando risibilitatem; quod dicitur abstrahere; sed hoc est aliud separationis genus. Hæc ille, & verissime: vult scilicet accidens proprium separari posse intellectu simplici, sicut intelligas aut consideras hominem non cogitando actum de risibilitate, sed non posse separari intellectu composito (ut vocant) ita ut cogites aliquem esse hominem, & tamen non risibilem, aut carentem risibilitate. Nam vere hoc implicat contradictionem; quia cum eis esse hominem, implicite ais esse risibilem, cum risibilitas fluat ab essentia hominis: quare si dicas, aut cogites esse hominem, & non esse risibilem, dicis implicite esse risibilem, & non esse risibilem, aut esse hominem, & non esse hominem.

Hæc ut opinor) aut omnia sunt, aut certè potissima, quæ de Accidente tradere debent Metaphysici. Nam ex istis quæ natura accidentis sit, quæque illius Proprietates intelligi potest. Si ultra procedas ad particularia, putà ad Quantitatis, aut Qualitatis, aut Relationum, aliorumve Prædicamentorum tractationem, non est meo iudicio progredi, sed digredi. Nam etsi obiter, & ad illustrandum id de quo agit, de istis verba facere liceat Metaphysico, tamen ex professo tractare ista quod facit *Timpl. lib. 6. & Keck. in comp. Metaph.* ad ipsum non pertinet. Accidentia enim communia ad nullam scientiam pertinent. Quæ verò propria sunt, illis scientiis relinquenda sunt, ubi subiecta illorum accidentium tractantur.

Illud postremo loco observandum restat de hæc quarta parte Metaphysicæ: Non esse eam (sicut nec superiores) scientiam propriè dictam; nam subiectum hujus partis est Accidens, Accidens verò univocum Genus non est; nam de omnibus suis Differentiis divisivis certum est Accidens prædicari. Cape quas lubet, aut substantiæ erunt (quod est impossibile, quia cum substantia esset de essentia accidentis) aut accidentia. Quare cum nullum Genus univocum de suis Differentiis dici possit, restat Accidens Genus verum non esse, nec univocum esse, sed æquivocum. At in omni propriè dicta scientia subiectum debet esse univocum. Deinde, accidentis cum non sit univocum, neque sunt ulla principia essentialia & univoca, neque ullæ genuinæ proprietates, quæ de isto subiecto demonstrentur, Disci, linam ergò voces licet aut Doctrinam de Accidente.

CAP. V.

De Substantia finita in communi.

Diximus de Accidente. Sequitur altera Species Entis finiti, quæ est substantia finita. Addo autem (*finiam*) quia nomen Substantiæ, si generaliter sumatur, etiam Deo attribui potest: tribuit *Arist. lib. 2. Metaph. cap. 7. & 8.* vocans Deum Substantiam æternam, & Substantiam primam: tribuit *Aug. lib. 5. de Trin. cap. 2.* Est (inquit) Deus sine dubitatione Substantia; tribuunt alii & meritò. Nam cum omne Ens sit vel Substantia, vel Accidens, quia omne, sine ulla exceptione, vel inest in subiecto, vel non inest: certè cum absurdissimum sit putare Deum in accidentium numero censendum esse, restat ut eum Substantiam esse fateamur. Imò si Substantiam definias Ens per se, nulli certè verius id nomen congruit quàm Deo. Est enim ille per se, non solum quia nulli inheret, (quod aliis Substantiis omnibus eum ipso commune est) sed etiam quia sine alterius cujusquam ope est: quo in sensu nulla alia Substantia, neque ullum aliud Ens dici potest Ens per se: quippe neque ulla alia Substantia est sine accidentibus, neque ullum accidens sine Substantia, neque vel Substantia vel accidens sine Deo, in quo movemur & sumus, & sine cuius continuo influxu, ne momento uno essemus. Sed nos in hoc de Substantia tractatu de Deo agere non institimus: 1. quia *Aug. lib. 7. de Trinit. cap. 5.* expressè docet Deum non nisi abusive Substantiam vocari (verè,) quia sive Substantiam à *substantiando* deducas cum *August.* sive (ut rectius videtur) à *substantiando*, utroque modo notat id quoddam est alteri, cuique aliud tanquam suo subiecto inest. Jam Deus nulli accidenti subest, subsistit, aut substat, ut antè ostendimus, & hac ipsa ratione *Aug.* indignum putat dicere, quod Deus subsistit, aut substat. *Lib. illo 7. cap. 4.* & abusive idcirco Substantiam vocari. Deinde nos de Deo egimus in tractatu de Ente infinito, in quo propriè differt & primario tam à Substantiis finitis, quàm ab accidentibus. Addo quod Deo dignior appellatio est Ens quàm Substantia: (utrique *infiniti* vocem adjungas) idque multi de causis. Ens enim de

de Deo proprie dicitur, cum ipsius esse, id est, essentiam denoret. Substantia verò non nisi abusive, ut ex *August.* monuimus, qui etiam *Lib. 5 de Trinit. cap. 2.* Deum melius appellari essentiam dicit, quàm Substantiam; ab eo enim quod est esse, dicta est essentia, & quis magis est quàm ille qui dixit *Ego sum*, *Qui sum*: ita *August.* *voias* verò nomen quod essentiam veriùs, quàm substantiam significat (quànvis *κατ' ἐξοχὴν* substantia *voias* Græcis vocetur, quia substantia magis, propriè ens est quàm accidens, ut *Arist.* clarè asserit *Lib. 7. Metaph. cap. 1.* Sed rectiùs *σαςξία* vocanda esset) *voias* (inquam) nomen Deo rectiùs tribuitur, quia esse ipsi est essentia, uti post *Aug.* declarat rectè *Aquin. part. 1. q. 3. art. 4.* Deinde *Damasceus lib. 1. Orth. fid. cap. 12.* & *Aquin. p. 1. q. 13. art. 11.* disertè docent & probant nomen illud *Qui est* (quod idem omninò est, ac si ens dicas) ex omnibus nominibus maximè propriè Deo convenire, & præter alias secunda illa *Aquinatis* ratio jure observanda est, quia quànò aliqua nomina sunt minus determinata & magis communia, tantò magis propriè de Deo dicuntur. Jam nullum nomen vel fingi potest communius ente, nam hoc in se infinitum essentiae pelagus (ut ait *Damasce.*) comprehendit. Jure igitur mihi videor Deum ut primum Ens non sub hac substantia, sed sub illa appellatione Entis infiniti tractasse. Quare, quoties deinceps de substantia (nisi infinita aut quid simile addatur) verba facimus, Deum eà voce comprehendj nolumus, sed solum substantiam finitam; nam hæc sola sub Ente finito quod est divisum, continetur: & hæc sola propriè substantia vocanda est.

De substantiâ verò agendum primo in communi, secundo in speciali.

Substantia est Ens finitum per se subsistens, id est, *nulli inhærens*. Nam hoc ipsum denotant illæ voces *per se subsistere*. In eo verò quod definitur esse *Ens finitum*, clarè distinguitur à Deo: In eo quod non *inhæret alteri*, distinguitur ab Accidente. Nam ut Accidentis esse est inesse, ita substantia essentia est non inesse in subjecto inhærentia, licet insit in subjecto *predicationis*; ut animal in homine, vivens in animali.

Proprietas Substantia in communi, non alia occurrit, quàm quod *finito modo per se subsistat sine inhærentiâ in alio*: quæ ex ipsa definitione jam posita liquet.

Hæc de Substantiâ in communi dicta sunt, quæ est quinta pars *Metaphysicæ*. Est autem hæc etiam pars Scientia non propriè, sed largo modo dicta: nam Substantia quæ hujus partis subjectum est, non est univocum genus, cum certum sit eam de suis Differentiis divisivis prædicari. Nam illæ non sunt accidentia, nec inhærent in subjecto; quia cum accidens esset de essentia Substantia, sed verè Substantia sunt eo sensu quo Substantia hic definita est, ut quæ comprehendit omne Ens finitum, quod per se existit, alterve non inhæret. Quare cum Substantia verum reale & univocum Genus non sit, certè nec realia illius Principia sunt, nec veræ & reales Proprietates: ubi autem ista desunt, Scientia propriè dicta ibi non est, ut sæpè monuimus. Disciplinam igitur hanc de Substantia voces, non propriè Scientiam.

C A P. VI.

De Substantia incompleta.

Dictum est de Substantia in communi, nunc de ea in speciali dicendum est. Est autem duplex, *Incompleta*, & *Completa*. De *Incompleta* primò agendum est.

Substantia incompleta est substantia quæ accidenti substat, ejusque ultimum subiectum esse non potest. Tales sunt omnes Differentiæ, seu formæ substantiales; ut sensibile, animatum.

In

In eo quod *Substantia* vocatur, differt ab omni accidente; significaturque quod subjecto nulli inherere id enim est Substantia in sua ampla significatione, prout accidenti opponitur. In eo quod non sit *subjectum accidentium*, differt à Substantia completa; nam omnis completa Substantia, eaque sola est subjectum accidentium. Quare & hoc ipsum nomen substantiæ (quod proprie notat id quod subest, substat aut subsistit alteri) non nisi abusive & improprie Substantiæ incompletæ convenit. Sed si de re constet, de verbis non est contendendum.

Dicitur autem *incompleta Substantia*, vel quia non completur ex ullis partibus vel essentialibus, vel subjectivis, vel quia non habet completam rationem Substantiæ, non eam (inquam) quæ proprie notatur per vocem Substantiæ, quæ est (ut ex *Aug lib. 7. de Trin. cap. 4. & 5.* monuimus) substat, aut subjectum esse accidenti.

Sed merito hic occurrit dubium: nam anima rationalis, cum sit forma hominis, est re idem cum differentia illius, aliter duæ essent unius rei essentia, & formales partes, quod est impossibile: Est igitur Substantia incompleta, at animam rationalem substat accidentibus, & eorum subjectum esse certum est, puta scientiæ & ignorantia, specierum etiam intelligibilium & similibus. Quod si animam Substantiam completam esse dicas, difficultas major occurrit, quia tum Genus de sua Differentia dicitur, quod repugnare naturæ differentia demonstratum est *lib. de Prædicab. cap. de Differ. Prop. prima*: & certè eandem Substantiam dicere simul & completam & incompletam videtur absurdum.

Fatendum est animam rationalem non modò separatam à corpore (in quo nulla dubitatio esse potest) sed etiam dum corpori conjungitur esse verè subjectum ultimum accidentium; sed negandum est vel rationale, vel animam rationalem (quæ re & essentia idem sunt) esse incompletam Substantiam. Est enim spiritus, & species completæ Substantiæ, uti postea declarabimus. Neque mirum videri debet si id quod est verè species, quodque ponitur sub una specie, sit forma & pars essentialis alterius, quod subicitur contradiçtione speciei, sicut anima est forma hominis. Nam etsi impossibile sit ut vel unum corpus sit forma alterius corporis, quia in corporalitate pares sunt: vel unus spiritus sit pars aut forma alterius spiritus, quia in spirituali naturâ pares sunt; tamen spiritus sit forma corporis alicujus, non modò possibile est, sed propter naturam hominis quæ media est inter Angelos & Bruta, est omninò necessarium. Etenim cum Angelis communicat in eo quod spiritu, cum Brutis in eo quod corpore constat. Ad id verò quod est totius dubitationis fundamentum, quod nullum genus de formâ aut differentia sua divisivè prædicari potest, idèdque substantia completa quæ genus est univocum, de animâ rationali quæ est forma, & idem cum differentia hominis non dicitur, respondendum est; Nullum Genus de ulla differentia aut forma, quæ tantummodò forma est vel differentia prædicari posse; omnis enim talis est incompleta substantia, & de nullâ incompletâ substantiâ, Genus summum, quod est completa substantia prædicari potest: tum enim sequeretur idem esse & completam & incompletam substantiam & esse subjectum ultimum accidentium, simulque non esse eorum subjectum. Quia verò anima rationalis non est tantummodò forma aut differentia, sed simul etiam est species, verè & directè subjecta summo generi, de eâ, licet sit forma, summum Genus, quod est completa substantia verè dici & prædicari potest, imò etiam debet. Hoc eodem modo explicandæ sunt aliæ complures regulæ, ut quod omnis forma, seu differentia substantialis sit naturæ simplicis, non compositæ: quod nulla differentia sit aut esse potest species; quod nullius differentia sit differentia; quod omnis differentia sit collateraliter in serie Prædicamentali, nulla verò directè; Hæc & aliæ similes regulæ intelligendæ sunt de iis formis & differentiis, quæ tantummodò formæ aut differentia sunt, non etiam species; Tales autem sunt omnes omniò formæ & differentia substantiales præter animam rationalem; Ad hæc si illas aut similes regulas accommodes, fallant.

Proprietates Substantiæ incompletæ sunt hæc.

Præma, *Omnis sola; Substantia incompleta est pars formalis alicujus Substantiæ completæ.* Pater ex antedictis; nam omnis talis substantia est differentia substantialis, (aut forma ei correspondens) omnis autem differentia substantialis constituit aliquam speciem substantiæ completæ; quare non potest esse dubium, quin omnis substantia incompleta sit essentialis pars suæ speciei. Materialis autem pars esse non potest, quia genus respondet materiæ, ut rectè Porphy. cap. 8. monet, quare erit pars formalis.

Secunda, *Omnis sola; Substantia incompleta est fons & causa efficiens vel immediate vel mediate omnium proprietatum quæ conveniunt illi speciei quam constituit.* Pater, quia omnes tales proprietates fluunt ab essentia suorum subjectorum, ut ante cap. 5. dictum est. Nam essentiam subjecti consequuntur. Fluunt igitur vel à genere, vel à differentia. *A genere manare non possunt*, quia tum sicut genus illud est commune omnibus suis speciebus, ita essent etiam proprietates specierum, at tum non essent proprietates specierum, sed Generis: fluunt autem illæ proprietates à Differentia, quia Differentia seu forma non est efficiens earum per Physicam actionem, sed per emanationem, ut natura solis, lucis, aut gluminis.

Tertia, *Omnis solaque Substantia incompleta, ut undè consideratur, seu abstrahitur ab existentia hic & nunc, constituit Speciem substantialem; ut verò consideratur cum existentia hic & nunc, constituit individuum substantiale, estq; verum ac proximum principium individuationis, vel proxima causa quare aliquid est hoc.* Hoc ex eo liquet, quia nullum accidens esse potest tale principium individui substantialis, quippe individuum illud cum sit substantia & subjectum, est naturæ prius quovis accidente quod ipsi inheret. Quare principium individuationis erit essentialis pars individui: vel ergo materia vel forma. Materia esse non potest, cum illa non det actum rei, nec fit actus: erit igitur forma & differentia substantialis. Jam quod una & eadem forma seu Differentia, uno modo considerata constituat Speciem, alio modo individuum, hinc certissime liquet, quia si esset una forma quæ constituit Speciem, putà hominem, & alia distincta forma, quæ constituit individuum, putà *Socratem*, necessario sequeretur in *Socrati*, & quovis homine, duas esse distinctas realiter animas rationales; una quæ fit & constituitur homo, & in quæ convenit essentialiter cum *Platone*; alia quæ fit & constituitur *Socrates*, vel hic homo, per quam essentialiter differat *Platone*. At hoc absurdissimum est, & ut impium dictum in *Conc. generali* 8. *Act. 11. cap. 10.* meritò damnatur, ubi duas animas dicenti in homine esse *Anathema* dicunt. Intelligunt autem duas animas rationales, ut ex actis illius Concilii perspicuum est. Anima igitur rationalis unica est in *Socrate*, quare cum ille sit & homo, & hic homo, liquidò sequitur illà eadem animà uno modo consideratà, putà ut abstrahitur ab existentia hic & nunc, dici & constitui hominem, at alio modo, putà cum existentia hic & nunc consideratà, dici & constitui hunc hominem. Multus est in explicatione hujus questionis *Pet. Fonseca in suis Commem. in lib. 5. Metaph. cap. 6. q. 1. 2.* usque ad sextam, fatigat ille & se & Lectorem, nec tamen nodum solvit, neque rem clarè expedit. Doctissime omnium tractat hanc rem *Fac. Zab. in suo lib. de Const. individui*, quem ut legas diligenter horror & suadeo. Nos hic non plura addemus, quia in tractatione nostrà de Prædicab. cap. de Specie, fusiùs & diligentius rem istam expendimus.

Hæc sunt quæ de Substantia incompletà tradit Metaphysicus, neque ab eo plura expectes. Cur enim facias? Quid sit, & quæ sint illius propria vides, nec de ullo subjecto plura in ulla scientia tractanda sunt. Quare quod *Timpl. lib. 4. suæ Metaph. cap. 31.* ad particulares formas descendit, agens tum de inanimatà formà, tum de animà, & inde adhuc dimittit se ad tractationem animæ vegetantis, sentientis, & rationalis, longè transgreditur metas hujus scientiæ. Satis est Metaphysico quid sit incompleta substantia, & quid illi proprium declarasse, sed particulares incompletæ substantiæ ad illas scientias referendæ sunt, in quibus species illæ, quas constituunt, tractantur.

Longè verò cœdius in eo erratur, quòd essentiam hujus substantiæ incompletæ formam substantialem ille vocat) explicans, definie eam esse spiritum: *Lib. 4. suæ Metaph. cap. 5.* Spiritum (inquam) talem qui est species subiecta substantiæ, & contradiuisa corpori: quique est genus Angeli & formæ. Sic enim *Lib. eod. cap. 4.* ait, substantia creata est vel spiritus, vel corpus: Spiritus est vel Angelus, vel forma substantialis: forma substantialis est vel Natura, id est, forma inanimata, vel anima. Tu cave (Lector) nam multæ hic salebræ, quas nisi vites, certum naufragium. Monuisse mihi satis sit; nam si ut resellam expectes, dico cum Hieronymo, *Recitasse ista, refutasse est.*

Postremo loco monendus es, nec istam sextam partem Metaphysicæ scientiæ propriè dictam esse: Subiectum in ea neque Genus est, neque Species. Nam si esset, omnes Differentiæ substantiales verè Species essent, & composita ita esset Differentiæ Differentia in infinitum. Quod si subiectum hujus scientiæ, nec sit Genus verum, nec Species, certe neque proprietates ullas propriè dictas à suâ essentia, aut principiis essentialibus fluentes habere potest. Neutro itaque respectu scientia propriè vocanda est. Disciplinam de substantia incompleta rectè vocare potes, & debes. De quâ hæc dicta sufficient.

C A P. VII.

De Substantia completa.

Diximus de substantia incompleta: sequitur completa; quæ consideranda est primò in communi, secundo in speciali.

Substantia completa est substantia quæ accidentibus, substat, ut eorum ultimum subiectum. Nam in hoc differt tam à Substantia incompleta, quam à nonnullis accidentibus: etenim quædam accidentia subiecta sunt accidentium, ut quantitas coloris, figura, & similia; sed nullum accidens est ultimum subiectum ullius accidentis, cum etiam ipsum indigeat ulteriori subiecto, vocatur verò subiectum ultimum non ultimum.

Est autem ea, quam posuimus, descriptio substantiæ, non genuina definitio: Nam definitio propriè dicta ex duabus partibus constat materia & forma, seu eis quæ analogicè istis respondent, ut apertè docet *Arist. 8. Metaph. cap. 3.* quare si substantia istas partes substantiales haberet, esset ipsa composita ex partibus essentialibus, & sic prius & superius Genus univocum haberet. At substantia completa, de quâ hic agimus, est primum, & summum Genus univocum. Summa autem Genera simplicia sunt, uti etiam omnes Differentiæ essentialis. Simplicia (inquam) sunt, sed non ut Deus. Ille ita simplex est, ut neque habeat compositionem ex partibus essentialibus, neque ex partibus subiectivis, neque ex substantia & accidente, (ut antè probatum fuit, *cap. 2. art. 7.*) at substantia completa, ut & omnia Genera, partes habent subiectivas, licet non essentialis: & admittunt omnes substantiæ completæ accidentia, sic ut in eis compositio ex subiecto & accidente sit. Quare Deus simpliciter simplex est. Alia ita simplicia vocantur, ut suo modo, & ut eorum natura postulat atque admittit, simplicia vocentur.

Atque ex hoc ulterius consequitur neque substantiam completam quæ est summum Genus, neque ullum omnino summum Genus posse per aliquam genuinam & essentialem Differentiam ab aliis differre & distingui. Nam tales Differentias ista non habent: Differunt seipsis, seu simplicibus suis essentialis. Uti etiam de Differentiis essentialibus dicendum est.

Substantia porro completa, de qua nunc agimus, cum sit ipsum summum Genus in Prædicamento Substantiæ, est planè primum univocum prædicatum, seu verum reale ac univocum Genus quod in Metaphysica scientia tractatur. De qua dignum est observatione quod re, naturâ atque essentia est idem omnino cum materia prima, cuius apud Physicos tam frequens est mentio: idèoque sicut Substantia, ita materia prima re ipsa ac vere, est summum Genus in Prædicamento Substantiæ. Veritatem hanc ex parte vidit agnovitque *Fr. Zab.* qui *Lib. 2. de materia prima cap. 17. §. 18.* probat materiam primam esse summum Genus in Prædicamento Substantiæ: Sed iureo graviter erat, quod materiam hanc primam corpus esse existimat, idèque omnino re & essentia cum corpore, imò cum corpore caduco. Quod ipsum corpus, ipse summum Genus esse putavit utrumque horum longe a veritate abesse postea clarissime liquebit. Materiam verò primam & Substantiam completam quæ est summum Genus, re & essentia unum idèque esse, tribus argumentis eisque firmissimis demonstrari potest.

Primum est, Corpus quâ corpus constat ex duabus partibus essentialibus, nempe materiâ primâ & formâ. Docet hoc clare *Arist.* *lib. 2. de anima cap. 1.* ubi ait tertium Genus substantiæ (vult autem corpus, ut verba sequentia demonstrant) constare ex materia & forma. Agnoscunt idem omnes rectè Philosophantes: qui corpus in communi idèò subiectum statuunt scientiæ Physicæ quia in ea, & ejus principia traduntur, nempe materia & forma; & affectiones ex illis principiis fluentes. Jam unius rei una tantum est essentia, ut non solum ratio ipsa docet, sed *Arist.* quoque *Lib. 6. Top. cap. 4.* hoc ipsum expressè ac verè tradit. Certum autem est Substantiam quæ est summum Genus, esse unam partem essentialem corporis, quare erit aut eadem pars essentialis cum materiâ prima, aut cum formâ; nam plures partes essentia e corpus neque habet, neque habere potest. Eandem esse cum forma impossibile est, nam forma corporis soli corpori convenit, & cum eo convertitur; at substantia convenit non solum Corpori sed Spiritui, & forma Differentiæ respondet, Genus materiæ, ut ex *Porphyr.* didicimus. Quare necesse est ut Substantia quæ Genus corporis est, sit re & essentia eadem omnino cum materiâ prima.

Alterâ ratio ex definitione illa materiæ primæ petitur, quam ponit *Arist.* *1. Phys. cap. 9:* materia est primum uniuscujusque corporis, nempe subiectum ex quo quippiam fit, & in quod ultimò corrumpitur, id est, resolvitur. Jam primum ex quo ullum corpus fit est Substantia, quæ est summum Genus. Nam ante ipsum nullum Ens dari aut inveniri potest ex quo corpus essentialiter fiat; & si resolves mentem vel *Socratem* vel lapidem, aut ullum corpus in sua principia ex quibus essentialiter constat, ultimum in genere causæ materialis ea enim per se notatur, in quo sistendum est, erit Substantia quæ est summum Genus: nam supra aut ante ipsum nullum est reale & essentialè prædicatum ex quo corpus fiat. Sequitur ergo Substantiam quæ est summum Genus, esse idem omnino re & essentia cum materiâ prima, quia hoc utrique convenit, ut corpus omne ex eis primò fiat, & in ea ultimò resolvatur.

Tertiâ ratio sumitur ab essentia Substantiæ quæ est summum Genus. Ea, ut ante diximus, est substantia seu esse subiectum cui accidentia innærent. Hoc autem propriissimè materiæ primæ convenit. Id enim verissimè subiectum est ultimum cui omnes formæ tam substantiales quam accidentales insunt. Unde à *Platone* vocetur réceptaculum; annuente etiam *Arist.* *lib. 4. Phys. cap. 2.* & ab *Aqu.* *part. 1. q. 3. art. 2.* vocatur primum subiectum substantiæ. Quid verò hoc aliud est aut esse potest quam Substantia completa, quæ definitur esse id quod substantia accidentibus. Etiam & ratio hoc evincit. Nam materia prima, quatenus est talis, habet univocalem potentiam recipiendi omnes formas. Ista autem potentia accidens est: substantia ergo materiæ huic accidenti quod eiur subiecto suo proprio innæret. Utraque propositio differt à *Zab.* ponitur & confirmatur, *lib. 1. de mat. prima cap. 11.* Potentia (inquit) ista est accidens, & est essentialis materiæ primæ, non ut essentiam ejus constituens, sed ut essentiam ejus consequens; sicut risibile dicitur essentialè homini. Cum igitur materia prima sit verè & propriè subiectum accidentium, cumque hæc sit ipsa natura & essentia Substantiæ quæ est summum Genus, necessario contendendum est, vel materiam

primam esse idem planè re ac naturâ cum Substantia quæ est summum Genus, vel esse Speciem ipsius, at Speciem Substantiæ eam esse impossibile est; quia cum haberet compositionem ex partibus essentialibus, est autem simplicis naturæ ut omnes fatentur: imò haberet priorem materiam, nempe suum Genus, & cum non esset materia prima: Restat igitur eam esse re & essentiâ illam ipsam Substantiam quæ est summum Genus: Possit hæc alio modo etiam sic urgeri: Certum est materiam primam esse Substantiam, quia non inest in ullo subiecto inhærentiæ; omnis autem Substantia (loquor definitâ) vel est incompleta vel completa. Materiam dicere incompletam nemo jure potest: cum Substantia incompleta non possit esse subiectum accidentis ullius, materia autem est; ut nuper probavimus. Est igitur Substantia completa. Jam omnis Substantia completa vel est ipsum summum Genus, vel Species illius, puta vel spiritus vel corpus; at materia prima neque corpus est, cum corpus constet ex materia priori, ut *Arist.* docet *lib. 2. de Ani. cap. 1* at primâ materiâ prior materiâ nē fingi potest Spiritum vocare absurdissimum est, quia cum ex spiritu constaret omne corpus, nam ex materia prima fit & constat omne corpus. Relinquitur ergo materiam primam neque esse, neque esse posse ullam aliam substantiam completam quam illam ipsam quæ est summum Genus.

Dub.

Sed dubitatio duplex hic occurrit; prior est hæc, Si materia prima & substantia, quæ est summum Genus sint unum & idem, cum sicut Substantia prædicatur de animali & homine, itidem etiam prædicabitur de eisdem materia prima, (Nam quæ re eadem sunt, de eisdem omnino prædicantur) & cum non minus verè dicemus, Homo est materia prima, quàm, Homo est Substantia.

Sol.

Respondéo primum, Si hæc ratio satis virium habeat ad probandum materiam non esse summum Genus, quomodo non refelleret propositionem *Zabarella*, qui hoc asserit? Nam sicut Substantia dicitur de homine; itidem & corpus, & tamen de homine non verè dicitur materia prima, etsi ponatur idem re cum corpore (ut puta *Zab.*) sicut non dicitur, si ponatur idem re cum Substantia, ut nos asserimus. Quare cum *Zabar.* istam objectionem non modo proposuit *lib. 2. de mat. prima cap. 18.* sed rejecerit ut invalidam, nobis eodem jure idem facere licebit. Præterea, Differentiæ essentialiter omnes re & natura eadem sunt cum formis quibus respondent, ut verè *Fonseca com. in lib. 8. Metaph. cap. 3. q. 1. sect. 3.* formæ (inquit) per quas essentiæ rerum constituuntur sunt Differentiæ specificæ, non enim rationale est una natura, & essentia hominis, & anima rationalis alia re distincta essentia ejusdem, quippe unius rei una est tantum essentia & una formalis causa, ut ex *Arist. 6. Top. cap. 4.* monuimus. Neque ut opinor quisquam de hac re vel dubitare potest. Jam rationale de homine verè dicitur, non sic anima rationalis; num verè dicitur, Homo est rationale, non verè, Homo est anima rationalis. Ex quo perspicuum est, ex eis quæ re & natura unum idemque sunt; unum eorum de aliquo dici, nec tamen alterum. Aut si hoc non des, certè quocunque modo istam objectionem solveris de rationali & anima rationali, eodem solvi potest & debet etiam hæc de Substantia & materia prima.

Quid mihi videatur quam brevi potero expediam. Primò, non est dubium in Substantiis æquè esse Abstracta & Concreta atque sunt in accidentibus: deinde Abstractum & Concretum re & naturâ idem esse in confessa est, differre verò in modo significandi. Nam Abstractum notat naturam illam undè & simpliciter sine connotatione suppositi aut subiecti in quo est; Concretum verò eandem planè naturam ac essentiam notat, sed cum connotatione suppositi aut subiecti in quo est. Docet hoc perspicuè *Aquin. p. 1. q. 39. art. 4. & 5.* Idem declarat *Fonseca in com. lib. 5. Metaph. cap. 8. q. 5. sect. 10.* Concretum inquit & Abstractum sola operatione intellectus distinguuntur verum est; & iterum in eund. *lib. cap. 6. q. 6. art. 2.* distinctio (inquit) rationis est quæ sola operatione intellectus fit. Sic homo & humanitas in communi si præcisè sumatur: sic omnes omnino conceptus obiectivi concreti & abstracti Substantiam communium, & quorumcunque accidentium. Hæc ille: cui consonat illud *Bell. lib. 2. de Christ. cap. 3.* homo (inquit) & humanitas sunt una res.

Etsi autem sunt unum se & naturā. Concretum & Abstractum, tamen propter illam distinctionem rationis quam modo exposui, sit ut multa de Concretis dicantur quæ de Abstractis dici non possunt, & ut de multis Concreta dicantur de quibus Abstracta dici non possunt. Homo generat (exemplum est *Bell.* loco citato) non humanitas. Homo ridet, loquitur, ambulat, non humanitas. In divinis (dent veniam Theologi) apertissime hoc liquet: Deum passum, mortuum, dicimus & credimus, sed si Dietatem passam fuisse dicas, incidis in illam *Appollinaris & Theopaschitarum*, scilicet & iustissime damnatum hæresin, quam anathemate dignissimam judicavit *conc. 2. generalem cap. 1.* Vis aliud exemplum? Quod Deus Deum generat dicimus & credimus, sed Dietatem generare Dietatem, vel divinam essentiam generare essentiam dici non potest. Eidem & Deum gentium dicimus non Dietatem; Ut disertè docent & probant tum *Aquin. p. 1 q. 39. art. 5.* tum *Magist. sent. lib. 1. dist. 5.* Et cum *Abbas Joachin* circa annum à Christo 1200. (narrat hæc præter alios *Matth. Paris. in hist. Ang. in Hen. 2. p. 115.*) librum hac de re contra *Petrum Lombardum* scripsisset, asserens divinam essentiam, i. e. Dietatem & generare & generari, tam liber quam sententia ista *Joachimi* ut hæretica damnata est, in *Conc. Li. crav. 4.* ut ex actis liquet *cap. 2. & in Decretal. lib. 1. Tit. 1. cap. 2.* Quod si nonnulli ex patribus aliter nonnunquam loqui videantur, moner *Aquinas* eos ad exprimendam unitatem essentiae vehementius loqui quam proprietates loquutionis patiantur. Quin & vir doctissimus *Hier. Zanch.* ubi essentiam ab essentia communicari contendit, fatetur se in eo improprie loqui, & multus est in mollienda vel potius excusanda improprietate illius phrasios, *lib. 8. de trib. Elo. cap. 1.* Jam ut multa dicuntur de Concretis, quæ de Abstractis non dicuntur, itidem de multis Concreta prædicantur, de quibus Abstracta prædicari non possunt. *Socratem* verè dices esse hominem, animal, vivens, & corpus; at esse humanitatem, animalitatem, vitam, aut corporalitatem non verè dices. Cujus ratio est ista quam dat *Aquin. p. 3 q. 17. art. 1.* quia natura vel essentia prout in Abstracto consideratur, de nullo supposito potest verè prædicari, nisi in D E O, in quo non differt quod est, & quo est. At hinc ille ibidem rectè ait, quod verè dicere possumus, *Christus seu Deus est homo*; sed quod *Deus sit humanitas* vel *humana natura non verè dicas*: quia humana natura (cum sit Abstractum) non est natura prædicari de suo supposito. Sed hinc hic, neque ista vel attigissem, nisi ut luce clariùs demonstrarem, quod licet Abstractum & Concretum sint re & essentia unum idemque, tamen scilicet evenire, ut de aliquibus unum dicatur, de quibus alterum dici non possit.

Jam, si hæc ad propositam objectionem accommodentur, videbis eam enervam esse. Rationale omnesq; Differentiæ substantiales quia sunt Concreta & connotant naturam ut suppositis suis convenientem, de eisdem in recto casu prædicantur. Anima autem rationalis & formæ illis Differentiis respondentes, quia eandem naturam unde & in se sine connotatione subjectorum quibus insunt significant, ideo non in recto sed in obliquo casu de eis prædicantur, sic ut dicimus, Homo constat ex anima rationali. Idem planè dicendum est de homine & humanitate, de animali & animalitate, deque omnibus aliis tam Generibus quam Speciebus substantialibus. Quid hoc, inquit, ad materiam & substantiam quæ est summum Genus? Plurimum sanè, Nam materia prima seu substantialitas est verè Abstractum, Concretum verò quoad rem materiæ est substantia; quoad rem & vocem est materiale, seu habens materiam. Et sicut cuicumque inest substantialitas eidem inest materia prima (ista enim idem omnino sunt) ita de quocunque in recto casu prædicatur Substantia, de eodem in recto casu prædicatur materiale, aut habens materiam. Ipsa autem materia sicut substantia- litas non in recto, sed in obliquo casu de eodem prædicatur, ita ut dicas, Omne materiale seu omnis substantia constat ex materia prima, seu ex substantialitate. In idem verò recidit responsum *Zabarella* ad hanc objectionem. Ea hæc est, Corpus seu materia prima (quæ ipsi idem sonant sumuntur vel per modum partis, non generis, & tum de animali aut homine neutrum prædicatur; vel per modum totius potestativi seu universalis, & sic de animali & homine utrumque prædicatur. Quod idem de materia prima & substantia similiter ac parlare

dicendum est. Sed, nisi fallor, hæc illius responsio & minus plena & magis obscura est, utrovis autem modo (tu quemvis accipe) dubitatio tota solvitur.

Dub.

Altera dubitatio est hæc: Si materia prima sit idem re ac natura cum substantia quæ est summum Genus, tum sicut substantia inest & convenit Angelis, animabus, & omnibus spiritibus & incorporeis substantiis, idem & materiam primam illis omnibus inesse & convenire necesse est; ideoque sicut sunt essentialiter substantiæ, ita erunt essentialiter materiales: quod ab omnibus pro paradoxo habetur, cum Angeli & animæ rationales ubique substantiæ immateriales appellentur.

Sol.

Ad solvendum hoc dubium, si observes hanc distinctionem non poteris errare. Materiae sumitur dupliciter: Primò, vulgariter, sed improprie & abusive pro corporeo, seu pro eo quod quantum est & extensum secundum longum, latum, & profundum; quo sensu corpora solummodo materialia sunt, & materiam habent, (i) corporalitatem. Secundò, sumitur proprie sed non vulgariter pro substantiali, seu pro eo quod naturam habet substantialem, per quam accidentibus substatere potest: atque hoc sensu (qui verus est, & genuinus istius vocis) spiritus omnes Angeli, animæque rationales tam vere materiales sunt, quam ulla corpora, quia materiam, id est, substantialitatem, seu vim substandi accidentibus æque habent. Hoc enim sensu solus Deus immaterialis est, ut *Damasc. lib. 2. Orthod. fidei cap. 3.* dicit *μόνον γὰρ ὄντως ἀύλον τὸ θεῖόν ἐστι*. Sola divinitas immaterialis est: præter Deum omnia alia (de substantiis liquor) materialia; quia naturam habent ejusmodi, ut accidentibus substatere possint.

Neque verò aut novum hoc putandum est aut paradoxon. Tenuit hanc sententiam (quod Angeli sint materiales, vel compositi ex materia prima, & formâ quadam spiritali) ante 300. annos *Avicembro* in libro fontis vitæ, ut testatur *Aquap. 1. q. 30. art. 2.* idque ex eo probat, quia in substantia incorporea, intellectus apprehendit aliquid per quod distinguitur à substantia corpore, & aliquid per quod cum ea convenit, unde concludit illud per quod differt esse quasi formam, & illud in quo convenit quodque subicitur illi formæ esse ejus materiam, ex quo consequitur materiam eandem (quod essentiam) esse spiritalium & corporalium. Hanc illius rationem (sanè validissimam) proponit *Aquinas*, & frustra refellere conatur. Ruit enim in absurdissimam sententiam, quod in rebus spiritalibus non est aliud determinans, & aliud determinatum. Quasi vero substantia quæ est determinata ad hanc Speciem, & Differentiam quæ determinat Genus illud ad spiritum, & distinguit à corpore, non sint aliud & aliud, sed planè unum idemque. Quod licet *Aquinas* ibid. & art. 4. differre asserit, ut Angelos esse immateriales tueri possit arbitrò tamen neminem sanæ mentis velle tam futuli opinioni suffragari. Quid est enim ineptius quam putare (quod ille verbis disertis asserit) Genus & Differentiam non accipi secundum aliud & aliud, sed secundum unum & idem: aut Differentiam non esse aliam naturam à Genere. Sic enim sine dubio duæ Species secundum unum & idem, essentialiter convenirent, & essentialiter etiam differrent. Hanc eandem sententiam pluribus rationibus defendit *Bonav. D. Seraphicus*, cum *Aquinas* solum *Angelicus* audiat, (ordo autem *Scraphicus*, *Angelico* 6. aut 7. gradibus superior est, vel *Aquinate* judice) *Bonav. natura* (inquam) vir tantæ scientiæ illuminatione præditus, ut *Alex. Halensis* de eo dicere solitus sit, *Adamum in eo non peccasse; quasi illius mens nullis ab Adamo traductis tentibus obscurata fuerit*; ut refert *Possiv. in sua Bibl. in Bonav.* Is in secundo *lib. sent. dist. 3. q. 1, 2, 3.* post varias hinc inde rationes allatas, tandem concludit, quod illa positio: est verior quæ dicit quod in Angelis est compositio ex materia & forma. Ulterius ait, quod ii, qui posuerunt eadem materiam per essentiam (audi per essentiam; non per analogiam) in spiritalibus & corporalibus, altius elevati sunt, & melius judicaverunt. Postremo, addit quod materia illa quæ utriusque (sc. Angelis & corporibus) convenit, est una & eadem numero, id est, essentia & natura, ut ipse se explicat. Et *lib. eodem dist. 18. q. 1. nu. 33.* dicit quod anima individuatur à propriis principiis, materia scilicet & forma. Hæc ille. Claruit autem circa annum 1310. Docuit hoc idem *Damasc.* qui loco nuper citato Deum solum

solum immaterialem esse, verissimè pronunciat. Si is solus immaterialis, Angeli igitur & animæ rationales materiales juxta *Damas.* Vixit autem antè annos plus minus octingentos. *Augustinus* longè hic doctior, antiquiorque floruit an. à Christo 400.) *lib. 7. de Gen. ad lit. cap. 6.* ita ait: Si quiddam incommunicabile esset anima; nullo modo ejus quasi materiam quære deberemus. Ecce in eo solo qui est incommunicabilis (talis est solus Deus) materia quærenda non est. Et infra, sic fortasse potuit & anima habere aliquam materiam pro suo genere spiritualem. In quem locum *Fr. Mar.* observat quòd mutabilitas animæ satis indicat eam habere aliquam materiam, additque quod Theologi (vides quàm celebres auctores sunt, & patroni hujus sententiæ) ex eo *Aug.* loco colligunt, animam compositam esse ex spiritali materia & forma, & Angelos eandem compositionem habere. Visne altius ascendamus? *Plato* (& ille divinus dictus,) præter mundi opificem nullas alias immateriales substantias esse sensit: ita *Fons. com. in lib. 12. Met. cap. 8.* Quid si & *Aristotelis* hæc mens? certè ex ipsius verbis hoc evincitur clarissimè. Quæcunque mutantur materiam habent omnia, ita ille *12. Metaph. cap. 2.* Aut jam nega Angelos mutari, & animas (quod si cor & animam habes, non facies) aut fatere hoc ex *Aristotelis* verbis consequi, eos materiam habere: & si Deum solum fateris immutabilem, facere etiam ipsum solum esse immaterialem. Quæ eadem de substantia dici possunt. Nam ut materia, ita substantia est mutabilitatis omnis causa. Idèd enim mutabile aliquid est, quia capax accidentium est, & idèd est capax accidentium, quia est substantia, vimque substantiæ accidentibus habet. Et quia Deus solus substantia talis non est, ut subsistere possit accidentibus, idèd ille solus immutabilis. Reliquæ omnes substantiæ quia subsistere possunt accidentibus, idèd mutabiles sunt. Declarat hoc iterum *Arist. lib. 9. Metaph. cap. 1.* ubi indicat unumquodque quod patitur, idèd pati, quia materiam quæ est patiendi principium, habet. Unde *Zab. lib. 1. de mater. cap. 11.* tractans illa verba *Arist.* ait, eum ponere hoc pro fundamento, quod pati est propter materiam, & quod omne patiens idèd patitur, quia materiam habet. Dic nunc elare, an non Angeli & animæ patiuntur? Nonne alii gaudio & lætitiâ afficiuntur? alii dolore, mœrore, & cruciata torquentur? Quod si patiuntur, certè ex *Aristotelis* mente, vel *Zabarella* judice, materiam habent; quam nisi haberent, pati non possent; ea enim fons est & radix omnis patibilitatis. *Zabarella* consentit *Fons.* qui in *com.* in ista verba, sit ait, Cum materia sit primum principium mutabilitatis, ab ea provenire docet *Arist.* ut omne id in quo ipsa existat, sit passibile & mutabile. Vides igitur ex *Arist.* mente, & Angelos, & animas materiales esse. Quod si alicubi eos immateriales vocet, (vocat autem *Lib. 12. Metaph. cap. 6.* & alibi non rarè) nè putes eum sui oblitum aut sibi ipsi contradicere: non contradicit. Sed cum immateriales vocat, intelligit materiam quæ cum corruptentibus qualitatibus conjuncta est; hac eos vacare certum est, & hoc sensu verè immateriales sunt. Cum verè materiales esse docet, intelligit materiam quæ est communis essentia, & commune genus omnium substantiarum, spirituum simul & corporum, ex quo habent hoc ut subsistent accidentibus; utque mutari possunt & pati, hanc materiam Angelos & animas habere nullibi negat *Aristot.* imò hanc materiam illis inesse non solum docet locis citatis, sed ex eorum mutabilitate clarissimè atque certissimè demonstrat.

Quin & *Aquinas* ipse pertinax hujus sententiæ oppugnator, ea tradit, ex quibus hoc quod volumus perspicue certèque consequatur. Nam *p. 1. q. 103. art. 1. ad 2.* ita, *In omnibus rebus creatis est aliquid stabile, ad minus materia prima, & aliquid ad motum pertinet.* Ecce, in omnibus creatis, ergo in Angelis & animabus nisi illos creatos esse negare velis. Et *q. 50. art. 4.* ait, Ea quæ conveniunt specie, & differunt numero, convenire in formâ, sed distinguui materialiter. Jam duas animas (etiam separatas (specie convenire & differre numero asserit planè, *p. 1. q. 76. art. 2. ad 2.* itidem & duos Angelos specie convenire, & numero differre, vel invitus concedere debet cum ipsi statuit, *p. 1. q. 50. art. 4.* Angelos differre, non naturâ, sed secundum diversos gradus ejusdem naturæ intellectivæ. Erunt igitur omnes materiales si *Thomas* sibi constare velit. Adde huc quòd sententia ista *Aquinatis* quâ asseritur Angelos materiam non habere, inter articulos condemnatos recen-

secutur

setur à *Parificensibus Theologis*, an. 1226. qui excommunicant omnes quid docuerint aut defenderint eandem; & hunc errorem contra fratrem *Thomam* condemnatum esse dissenti exprimunt, ut videret licet in censura ipsorum in fine *Magist. sent. cap. 6. & 7.* Postremo hoc idem ex consequenti & implicite concedunt, etsi verbis negent omnes recte sentientes Philosophi. Agnoscunt enim omnes, quod sine ulla dubitatione agnoscendum est, & omni vocis ac laterum contentione profitendum, *aliquam essentiam communem esse spiritui & corpori*, nam aliter Species contradivisæ ejusdem Generis esse non possent, sicut ab *Aquinatē* & aliis verissime concedunt. Tota autem essentia corporis est vel materia prima, vel forma, altera igitur harum convenit spiritui omni. Certum est autem formam corporis non esse communem spiritui, nam tum spiritus esset verè & essentialiter corpus, ideoque quantus, extensus, & divisibilis, quæ absurda sunt. Relinquitur ergò naturam & essentiam illam quæ spiritui cum corpore communis est, nullam aliam esse aut esse posse, nisi materiam primam. Concludo itaque ex tot tamque perspicuis rationibus simul & autoritatibus, spiritus omnes in sua essentia non minus esse materiales quàm sunt ipsa corpora, si materiale sumatur propriè pro eo quod est substantiale, vimque subitandi accidentibus habeat. Etenim utrumque tam corpus, quàm spiritus hoc habet ab una & eadem utrisque communi essentia, nempe à materia prima, ut possit subistere accidentibus. *Quod verò spiritus spiritualibus accidentibus substat*; habet id à propriè essentia spiritus, sicut corpus habet à suà propriè essentia ut substat accidentibus corporalibus, & animal ab essentia propria animalis, ut substat accidentibus sensitivis: & sic in omnibus aliis.

Sequuntur Proprietates Substantiæ, quæ sunt quatuor.

Prima est *Tempus*. *Omnis substantia habet in se Tempus quo mensuretur, & quicquid habet Tempus in se ut ipsius ultimum subiectum est Substantia.* Est autem Tempus duratio successiva existentie rei. Dixi ut *subiectum ultimum*, quia Substantiæ incompletæ, etiam motus, actiones, & omnia ferè accidentia, tempus habent, & eo mesurantur, sed non sunt ultima illius subiecta; hoc soli & omni Substantiæ completæ convenit. Atque hoc fluit ab ipsa essentia Substantiæ. Nam quia illius essentia ac natura finita est, ideo non potest tota simul existere, sed successionem in sua essentia habere eam necesse est. Verissime *Boëtius lib. 5. de consol. Phil. prof. 6. de finito omni* ita ait, *Illud præsens à præteritis in futura procedit, crastinum nondum apprehendit, hesternum jam perdidit.* Deus autem solus, cum illius natura & essentia sit infinita, totam suam existentiam simul habet, & ab æterno in æternum habet. Ideoque illius duratio successiva non est, sed æterna. Nam *Æternitas* (desinente, & quidem verissime *Boëtio* loco citato) *est interminabilis vita tota simul & perfecta possessio.* Dei vita interminabilis omni modo, perfecta etiam omni modo interminabilem & perfectam ita ille possidet, ut sit tota simul. Nam ei neq; futuri quicquam abest, (verba sunt *Boëtii*) neque præteriti fluxit. *Quod August. lib. 5. de Trinit. cap. 26* ita exprimit; *Apud DEUM neque præterita transierunt, & futura jam facta sunt*: & clarius *Lib. 4. de Trinitat. cap. 1.* ait, *In DEO principaliter & incommutabiliter sunt omnia simul, non solum quæ nunc sunt, sed quæ fuerunt, & quæ futura sunt*: ubi tamen nec fuerunt, nec futura sunt, sed tantummodo sunt, & omnia vita sunt, & omnia unum sunt, vel magis unum est, & una vita est. Ita ille. Quere DEUM, solus æternus, vel veriùs, ipsa æternitas est, ut loquitur idem *August. lib. 5. de Trinit. cap. 16.* Aliorum omnium, quia finita sunt, ideo finita & successiva duratio est, quod Tempus vocatur, & habere istam durationem, seu mensuram sibi ut subiecto ultimo inherentem verè proprium est Substantiæ illius quæ est summum Genus, illi omni soli que convenit.

Dices, Angelos non Tempore, sed *Ævo* mensurari, ut docet *Aquinas pag. 1. q. 10. art. 5.*

Respondeo, distinctionem illam *Ævi* à Tempore subtilem ferre videri, sed neque necessariam, neque veram esse. Durationes tantummodo dux sunt: *Æternitas*, quæ est infinita duratio infiniti Entis, (id est DEI) Et *Tempus*, quæ est finita duratio per prius & posterius

posterius mensurans omnia successiva, & eorum existentiam. Jam cum Angelorum existentia non sit tota simul, sed successiva, profecto & ipsos, & eorum actiones omnes, & merus, non minus Tempus mensurat, quam ul' a alia. Distinguit verò *Aquinas* Ævum ab istis hoc modo, quòd *Eternitas* non habet prius & posterius, neque ea comparitur. Tempus habet & prius & posterius. Ævum quidem non habet prius & posterius, sed tamen ea comparitur: vanè omnino; Nam existentia tam Coeli quam Angelorum, prius habet & posterius. Etenim in ista illud *Boëtii*, Verè quadrat, Crastinum nondum apprehenderunt, & hesternum jam perdididerunt. Quare cum Angelos & Coelum Ævo mensurari dicat *Aquinas*, certè perspicuum est eum deceptum esse, dum Ævum non habere prius & posterius, sed esse totum simul definiat. Quis enim persuadeat durationem totam Angelorum & Celorum simul esse? Si tota simul sit (ut ille ait) certè nec fuisse, nec futuros esse dici potest. Sed profecto in hoc, multique aliis indulgit sibi, suoque ingenio *Aquinas* plus æquò, & illius famà atque nomine abducti alii in errores non paucos.

Dubitatio illa major multò est de Tempore, quòd *Arist. 4. Phys.* illud inter affectiones proprias corporis recenset; quare substantiæ in Genere proprium non est, nec ulli nisi corpori convenit.

Dub.

Respondeo, Tempus seu duratio successiva duplex est, unum *intrinsecum* quod cuique Substantiæ ut subiecto inest, & hoc fluit ab essentia Substantiæ, ut dictum est: alterum *extrinsecum* quod est constans quædam, evidens & perpetua mensura durationum omnium intrinsecarum aut partium saltem ipsarum. Jam nihil est ex omnibus quæ conspiciuntur & sensui apparent, quod diuturnius, evidentiùs, & constantius res qualvis particulares & earum existentiam ac durationem mensurare potest, quàm motus primi cœli, quæ ex diurno motu solis cognoscimus. Ideò motus iste primi mobilis vel duratio potius ipsius, rectissimè pro extrinseca & publica aliarum rerum omnium mensurà accipitur. Ideò hoc Tempus, id est, durationem motus primi mobilis pro affectione corporis vel potius primi cœli rectè ponit *Arist. in 4. Phys.* Nos verò hic Tempus priori sensu sumimus, cum affectionem Substantiæ in Genere illud esse dicimus. Neque verò novum hoc videri cuiquam debet. Recenset hanc sententiam de Tempore intrinseco inter celebres opiniones ante *Anos 300. Bonavent. in lib. 2. sent. dist. 2. q. 1. nu. 4.* ubi ait quosdam sensisse ipsum Nunc (vult opinari durationem successivam) sequi essentiam materiæ primæ, & ideò sicut materia prima est in omnibus (Angelis simul & corporibus) eadem per essentiam, sic & Nunc seu duratio Temporis & Ævi, est idem in omnibus per essentiam. Et hi posuerunt quòd omnis rei quidditas (puta quoad existentiam) mensurà eadem per essentiam mensuratur. Sic ille, licet ipse hanc opinionem non sequatur. Ex recentioribus verò *Temp. lib. 1. sua Metaph. cap. 5. q. 12.* & præcipuè *q. 15.* distinctionem hanc de Tempore extrinseco & intrinseco non solum proponit & approbat, sed pluribus rationibus confirmat; verèque addit multos quia ista distinguere ignorarunt, se in errorum inextricabiles labyrinthos congestis. Hoc etiam spectat illud *Cons. com. in lib. 5. Metaph. cap. 1. q. 1. sect. 1.* ubi ait, revera multa numero Tempora dari in rerum naturà, sed tamen per antonomasiam dici Tempus esse in solo motu primi mobilis, quia ille est celeberrimus maximèque sibi constat.

Sol.

Secunda est *Locus definitivus*. Omnis solaque Substantia completa per se loco definitur, vel est definitivè in loco. Dico per se, quia per accidens Substantiæ incompletæ & accidentia loco definiuntur: nempe gratiæ Substantiarum quibus insunt. Definitivè autem esse in hoc loco, est ita esse in hoc aut illo loco, & simul & eodem tempore in alio non sit; quod convenit omni tam spiritui quàm corpori: fluitque ab ipsa essentia Substantiæ, tam quia finita est, ideò loco definiri ac finiri necesse est; etenim si loco non definiatur, infinita esset.

Tertia est *Mobilitas & Quiescibilitas*. Omnis solaque Substantia completa mobilis est, & quiescibilis per se. Dico per se, nam per accidens accidentia moveri possunt. Dico indefinite mobilis & quiescibilis, non autem mobilis naturaliter aut violentè; nam quòd

Ecc

utrovis

utrovis modo moveri possit id ab ipsa simplici naturâ Substantiæ provenit. Sicut posse moveri Physicè & in loco Physico provenit à naturâ corporis, & posse moveri in loco spiritui proprio provenit à naturâ spiritus; at simpliciter posse moveri localiter vel hoc vel illo modo, idque vel naturaliter vel violenter, provenit à naturâ Substantiæ.

Quarta est *Mutabilitas*. Omnes solaque completa substantia mutabilis est, seu capax mutationis ut illius ultimum subjectum. Sequitur ex tertiâ; nam si sit mobilis, sine dubio est mutabilis, cum omnis motus sit mutatio. Sed consequitur etiam hoc immediate ab ipsa essentia Substantiæ completæ; nam quia est talis ut substat accidentibus, & accidentia adesse possunt & abesse, idè necessariò sequitur eam esse mutabilem. Sequitur etiam ex primâ, nam omnis Substantia Tempore mensuratur, & habet Tempus; in Tempore autem est prius & posterius; quare prior pars Temporis recedit, posterior succedit, idèque omnis Substantia non modò mutabilis est, sed qualibet hora & momento mutatur res; actu diversarum partium suæ durationis. Nam in eo verè *Aquin. part 1 q. 10. art. 5* dicere aliquid habere prius & posterius & non habere innovationem & veterationem implicat contradictionem. Atque hæc quarta Proprietas ea est quam *Arist. cap. de sub.* ait esse maximè proprium Substantiæ, ut cum sui mutatione sit capax contrariorum, id est, oppositorum accidentium sibi invicem succedentium.

Atque hæc de *Substantia completa in Genere*, de ea (inquam) quæ non solum Genus univocum est, sed summum Genus in Prædicamento Substantiæ, quæque est subjectum hujus septimæ partis Metaphysicæ. Hæc verò pars non modò verè & propriè scientia est, sed etiam est prima omnium disciplinarum, quæ propriè scientia vocanda est. Nam et si subjectum hujus partis (quod est Substantia) non habeat principia ulla essentialia, cum sit Genus summum, habet tamen essentiam simplicem, à qua fluunt reales & propriè dictæ affectiones, quæ de eo demonstrantur. Earum aliquot nos proposuimus, si alias invenire quis poterit, eas ut addat per se licet.

CAP. VIII.

De Spiritu.

Diximus de *Substantia completa in genere*, sequuntur nunc Species ipsius, quæ sunt *Spiritus & Corpus*. De Spiritu agendum, 1. in Genere, ubi quid omni Spiritui quæ est Spiritus conveniat declarandum est. 2. in Specie, ubi de illius Speciebus.

Spiritus est Substantia intellectualis incorporea. Genus ipsius est *Substantia Intellectualis & incorporea* sunt Differentia. Nam per hæc conjuncta ab omni alia Substantia distinguitur, quod si quis reperiat unum aliquid essentialia quod possit eum à corpore distinguere, indices, & amplector. Illud verò meminerit, Spiritum, cum sit vera & genuina Species, ex duabus realiter distinctis partibus constitui & componi. Nam, quod ante monui *cap. 7.* nihil dici absurdius in Philosophia potest, quàm quod *Aquin.* confidenter asserit *p. 1. q. 59. art. 2.* quod in rebus immaterialibus (sic falsò spiritus vocat). Genus & Differentia non accipiuntur secundum aliud & aliud, sed secundum unum & idem: & ejusdem *q. art. 4.* quod Differentia est nobilior Genere, sicut determinatum indeterminato, sed non sicut alia & alia natura. Heu! quantus hic errorum cumulus? Si Genus & Differentia una res & una natura verè sint, tum sicut Genus Corporis est commune Spiritui, idem re ipsa & Differentia illius communis erit, & Spiritus erit verè Corpus: Aut si Differentia Spiritus sit quoad naturam & essentiam idem cum Genere, tum sicut Corpori verè & essentialiter

trialiter convenit Genus Spiritus, item verè & essentialiter convenit illius Differentia, & tum Corpus erit verè Spiritus, & quidlibet erit quodlibet si hoc concedatur. Sed hic verè evenit, *Uno absurdo dato sequuntur mille.*

Proprietates Spiritus sunt hæc :

Prima, *Omni solisque Spiritus facultatem seu potentiam naturalem habet intelligendi & ratiocinandi sine ullo phantasmate à sensibus recepto.* Sequitur hoc ex ipsa Spiritus definitione, fluitque ab illius essentia; Nam quia intellectualis est, ideo res intelligere potest & ratiocinari. Quia verò incorporeus est, certe phantasmata nulla à sensibus recipere potest. Et in hoc propriè differt rationale in Spiritu à rationali in Homine, ut à nobis fusiùs declaratum est, in libello nostro de Prædicab. cap. 5. ubi etiam abundè offendimus vim illam ratiocinandi quæ inest Spiritibus non esse solum intuitivam, ut Thom. docet pag. 1. q. 58. art. 3. & 4. sed verè ac propriè discursivam; hic ista reperere nolumus.

Secunda, *Omni solisque Spiritus velle potest, seu habet facultatem & potentiam naturalem volendi; tali nimirum voluntate quæ sequitur intellectum se junctum a phantasmatibus sensitivis.* Sequitur ex prioribus; nam vel e nihil aliud est quam inclinari ad id quod ratio seu intellectus dicat esse bonum, & declinare ab eo quod ratio dicat esse malum. Quævis igitur ratio seu intellectus cujusquam est, talis est & voluntas. Deus per essentiam intelligit, per essentiam igitur & vult. Imò ut intellectus ipse ita & voluntas est ipsamet ejus essentia. Homo intelligit per phantasmata sensitiva, vult igitur ea voluntate quæ intellectum conjunctum cum phantasmatibus consequitur. Spiritus intelligit sine phantasmate omni sensitivo, vult igitur ea voluntate quæ intellectum à phantasmate se junctum insequitur, vultque ea quæ talis intellectus ratio dicat.

Tertia, *Spiritus omnis solisque tali voluntate quam dici libere, seu libero arbitrio vult quicquid vult.* Sequitur ex prima nullius enim voluntas nec Dei, nec spirituum, nec hominum nisi libera sit, voluntas esse dicere potest. Sed hic observandum est libertatem duplicem esse: Una est *libertas à coactione*, quando quod quis agit, non coactè agit; & hæc est prorsus essentialis voluntati quatenus est voluntas. Aliiter enim si coactè quis aliquid facit, *Noluntas est non Voluntas.* Alia est *libertas à necessitate*, quando quod quis libere agit non est necessarium ut id agat. Hæc autem *libertas à necessitate* tribus modis accipi potest: Primò, *quod præscientiam divinam*, seu ut nonnulli vocant *Fatum*, & hoc sensu nullius voluntas est, aut esse potest libera à necessitate. Nihil enim fit aut evenit nisi quod præscit Deus futurum esse: illius autem præscientia falli non potest; quare necessarium est ut id fiat, & impossibile est ut non fiat; & tamen libere fit. Certissimum enim est præscientiam non tollere aut minuire libertatem arbitrii vel in Deo ipso; vel in Angelis, vel in hominibus, quia etsi ille præscit ea (quæ fiunt aut eveniunt futura esse, præscit tamen futura eo modo, quo fiunt aut eveniunt: Libera, libere contingentià contingenter; necessaria, necessariò. Ita unum idemque fit & necessariò respectu præscientiæ, & libere respectu voluntatis, & contingentè respectu secundarum causarum. Secundò, *Quod specificationem boni & mali*, cum quis ita libere quid agit in specie boni, ut possit si velit contrarium facere in specie mali; & hæc dicitur *libertas contrarietatis*. Talis fuit libertas tam in angelis quàm in hominibus in prima ipsorum creatione: nam poterant alterutrum è contrariis vel bonum vel malum eligere, atque agere. Etiam est in hominibus renatis, nam possunt tam velle atque agere bonum ex gratia, quàm velle & agere malum ex se. Libertas autem à necessitate in hoc sensu neque est in Deo, neque in angelis confirmatis in gratia, neque in hominibus animabusque beatis; (non possunt enim hi agere aut velle malum sed tantum bonum, & ita non sunt liberi ad contrarietatem) neque in demonibus obduratis in malitia, neque in animabus hominibusque damnatis, neque in hominibus in statu corrupto & rōdum renatis. Nulli enim horum possunt velle aut agere bonum, sed

tantum malum. Tercio, *Quoad exercitium* huius aut illius particularis, in illa specie boni, vel mali, cum vel ille qui potest tantummodo bona velle & facere, tamen id bonum quod vult & facit, ita liberè agit ut possit si velit non illud in particulari, sed aliud bonum velle & agere, (ut Deus, Angeli boni, & homines beati) vel ille qui potest tantummodo mala velle & facere, tamen id malum quod agit, ita liberè agit, ut possit, si velit, non particulare illud, sed aliud malum agere. (ut dæmones & homines in statu corrupto) & hæc dicitur *libertas contradictionis*: Quia qui sic agit, liber est ad hoc faciendum, vel non faciendum; licet non sit liber ad faciendum hoc vel contrarium. Summa est, *voluntas cuiusque libera est a coactione, & quod exercitium seu contradictionem, sed non omnis est libera quoad specificationem, seu contrarietatem.* Sed requiro me: quodque vel hæc dixerim, à Theologis venia postulanda est.

Quarta, *Omnis solusque Spiritus potest spiritualiter bene agere aut male.* Sequitur ex tertia; Nam qui agit bonum & liberè, is bene; qui malum & liberè, is male agit, & delinquit. Dixi autem posse agere bene aut male. Nam potentia ista agendi à natura ipsorum fluit. Quod verò aliqui ipsorum tantummodo bona velint agantque, ex gratia est, per quam confirmari sunt in bono, sic ut jam non possint (loquor de potentia propinqua) vel e malum; quodque alii tantummodo mala velint & faciant, id non ex natura sua, sed ex ipsorum malitia ac pravitare evenit.

Quinta est loquutio spiritualis, *Omnis solusque Spiritus potest spiritualiter, seu spirituali modo loqui.* Patet ex definitione, quia cum sit incorporea Substantia non potest corporali modo vel intelligere, vel quæ intelligit alteri exprimere. Cum autem o qui nil aliud fit quam conceptus suos alteri manifestare, ad locutionem corporalem duo quasi ostia afferenda sent. Primum est voluntas manifestandi. Secundum est externum aliquod signum vel vocis, vel scripti, vel nutus, vel similitum, quo exprimitur exterius conceptus mentis. Alterutro horum clauo nunquam manifestator conceptus ullius hominis. At in Angelis ubi nullum corporis obstaculum est quod impediat conceptum quem vult alteri manifestari; in illis (inquam) nullum aliud ostium referandum est nisi sola voluntas manifestandi alteri. Quæcumque ergo vult Angelus alteri angelo manifestari, ea parantur vel ut in speculo quorundam voluntas manifestandi adest. Quæ omnia partim ex Aquinate, p. 1. q. 107. sed clarius ex Hier. Zauch, part. 1. lib. 3. de operib. Dei, cap. 19. colligi possunt. Quod autem nonnulli angelos hebraicè loqui existiment, mira est inscitia & audacia talia velle definire. Quorundam idiomate ullo utantur cum vocibus uti non sit necesse, sed sine voce aut ullo externo signo conceptus suos (ex sola voluntate) in ipsorum intellectu latentes, velut in speculo, intruendos proponunt.

Sexta, *Omnis solusque Spiritus est Substantia completa expers magnitudinis.* Patet ex definitione, quia est incorporeus; si autem magnitudinem ullam aut extensionem haberet sibi inhaerentem, esset corpus: atque ex hoc sequitur quod sit immortalis, & incorruptibilis, quia corrumpens qualitas in nullo nisi in corpore, nec in eis quidem omnibus est, aut esse potest.

Septima, *Omnis solusque Spiritus est Substantia indivisibilis in partes quantitativas.* Sequitur ex sexta; nam quia est expers magnitudinis, ideo partes quantitativas nullas habere potest.

Octava, *Omnis solusque Spiritus est Substantia talis, ut ubicunque sit, tota sit, idemque ut totus est in toto, ita totus est in qualibet parte totius in quo est, vel ut locatum, vel ut forma informans.* Sequitur ex septima; nam quia Spiritus nullam partem habet quantitativam, ideo necesse est, ut in quacunque parte sit ullius loci aut corporis, ibi totus sit.

Nonna, *Omnis solusque Spiritus est ita locabilis, ut definitivè tantummodo possit esse in loco, non autem circumscriptivè.* Sequitur ex sexta; nam nihil circumscribi potest, nisi quod est quantum, cum circumscribi sit habere superficiem ambientem æqualem ambicum. Dixi verò non posse aliter quam definitivè esse in loco; quia omnia corpora etiam definitivè

definitivè sunt in loco, sed non sunt tantùm definitivè; aut si aliquod (ut summum coelum non circumscribitur, potest tamen circumscribi, si corpus superius daretur: at Spiritus esse includatur mille corporibus, circumscribi non potest, cum non sit quantus.

Decima, *Esse quilibet et Spiritus definitur uno loco, tamen nihil impedit quin plures Spiritus in eodem loco sint definitivè*. nam corpora ne simul sint impedit magnitudo, quæ locum quem occupat, implet. Cum ergo Spiritus vacent magnitudine, quid ipsos impedire potest? Et legionem Dæmonum fuisse in uno homine notum est.

Undecima, *Omnis solusque Spiritus est mobilis & quiescibilis in loco definitivo tantum, non etiam circumscriptivo*. Sequitur ex nona: Certum enim est Spiritus moveri à loco ad locum, & quandoque cessare à motu. Non possunt autem aliter moveri aut quiescere in loco quàm sunt in loco, sunt autem tantum definitivè; ergo & sic tantum moventur & quiescunt.

Duodecima, *Spiritus omni uti movetur à loco ad locum, ita in tempore continuo movetur, neque in instanti*, ut sentit Vales. lib. de sac. Phil. cap. 41. *neque in tempore discreto*, ut finxit Aquin. p. 1. q. 53. art. 3. *nec enim tempus ullum discretum est, aut esse potest, neque motus ullius locabilis instantaneus*: Hoc sic ostendi potest; Pone Angelum aliquem moveri Londino Romam; certum est quod debeat pertransire media loca ut perveniat ad extrema, quodque non omnino movetur nisi quamdiu, & in quantum est in medio. Nam quamdiu est in termino à quo, quiescit, necdum movetur; & quamprimum est in termino ad quem, quiescit à motu, & jam motus est. Quare aut movetur per media loca inter terminos à quo, & ad quem, aut non omnino movetur. Inter media autem loca quamprimum sunt inter Londinum & Romam. Quare si in instanti movetur ab uno extremo in aliud, necessario consequitur, ut in illo uno eodem instanti sit simul in quaque plurimis locis: at hoc repugnat naturæ Substantiæ omnis completæ, ut cap. 7. declaravimus; talis enim omnis est definitivè in loco, repugnat etiam naturæ spiritus, quæ non solum est definitivè, sed tantummodò definitivè in loco; at quod definitur loco, ista est in hoc, ut simul in nullo alio loco sit.

Atque hæc de Spiritu in genere, quæ est octava pars Metaphysicæ, quam verissimam esse, & propriè diuinam scientiam non dubites; quia & subiectum hic est reale & univocum, & illius subiecti sunt veræ & propriæ affectiones (cum sit Species) quæ per illius vera Principia de subiecto demonstrari possunt.

CAP. IX.

De Angelis.

Sequuntur Species Spiritus, quæ sunt duæ, *Angelus & Anima rationalis*: quas esse diversas rectè ponit Aquin. p. 1. q. 75. art. 7. utrumque autem Spiritum esse tum ipse facit, tum ratio evincit: sunt enim ambæ completæ Substantiæ, neutrum verò corpus, quæ sub Spiritu comprehendi certum est. Primò autem de Angelis agendum est.

Angelus est Spiritus ita sejunctus à corpore, ut ei non possit uniri; sic ut cum corpore aliud tertium compositum constituat. Vocantur autem Angeli à Philosophis Ethnicis aliquando Dii, aliquando Dæmones, aliquando Genii, aliquando Lares & Penates, aliquando Intelligentiæ.

Ex eo autem quod Angelus definitur, & sit essentialiter Spiritus, liquet eos omnes errare, qui Angelos corporeos esse, aut habere sua propria corpora opinentur. Fuit hæc opinio

Platoniorum omnium, qui non solum eos corpora, sed etiam animalia esse putabant. Nam ut *Aug. docet lib. de Civit. Dei. cap. 14. & 18.* animalium tria genera esse dicebant, Deos, Homines, & Demones, quos & locis & naturis distinxerunt. *Diis*, ut prestantissimis, aërum & ætherea corpora, ideoque perturbationum vacua tribuebant. *Hominibus*, ut infimis, terram & terrena corpora, ideoque mortalia, ac perturbationibus agitata dabant. *Demonibus*, ut inter utroque mediis, (nam hos esse internuncios & mediatores inter Deos hominesque censebant, qui ad Deos preferrent preces, hominum, & à Diis ad homines interrata referrent) aëra & aëria corpora assignabant, talia nempe quæ conditione, extremi utriusque ex parte referrent: nam cum Diis dixerunt eos habere immortalitatem communem cum Hominibus, animi perturbationes, gaudium, dolorem, iram, & similia. Ex hac secta, inque hac sententia fuerunt *Plotinus, Iamblichus, Porphyrius, Apuleius*, qui juxta mentem omnium Demones definivit (teste *Aug. lib. cit. cap. 16.*) esse animalia, animo passiva, id est, perturbationibus obnoxia, mente rationali, corpore aëria, tempore æterna. Eundem errorem sequutus est *Tertullianus*, qui *lib. adversus Prax. c. 7.* tam Angelos quam animas corporeas esse docet, & *lib. de Anima, cap. 7.* non tantum corporalitatem eis tribuit sed & singula humani corporis membra, linguam, aures, oculos, etiam & colorem. In eadem hæresi fuit *Concil. Nicen.* secundum; nam ut Angelorum imagines, imaginumque cultum tuerentur, corporeos esse docuerunt. In eo citantur verba *Joh. thessalonicensis* disputantis contra Gentiles, *Act. 5. de Angelis* (inquit) *Archangelis quibus & nostras animas adjungo, ipsa Catholica Ecclesia sic sensit, esse quidem intelligibiles, sed non omnino corporis expertes & invisibiles, ut vos (Gentiles) dicitis, verum æterni corpore præditi, & aërio sive igneo. Quare & in loco existunt, & circumferentiam habent. Solummodo autem Deus incorporeus est.* Hæc ille. Cujus verba approbata esse à Concilio, testatur & agnoscit *Sextus Senensis lib. 5. Biblioth. annot. 8. & Caranza in sua Epit. & ipsa verba Concilii idem declarant, act. 5 pag. 355.* Gravissimè sanè, de iquit illud Concilium (si Concilium vocari debeat) tum quod errorem istum approbet, tum quod eundem Ecclesie Catholice impingat, à quo semper longissimè abfuit, ut facile demonstrari posset, ni vereretur in hoc Theologorum pelagus altius proveli.

Differentia Angeli est, quod sit *abjunctus à corpore*; *abjunctus* (inquam) *non quoad existentiam, sed quoad informationem.* Nam assumentur sæpenumero vera corpora, quibus utuntur ad motum, sermocinationem, & varias actiones corporeas, sed ista assumpta corpora, non sunt corpora Angelorum, nec unà cum Angelo aliud tertium constituunt. Quare *Aquinas p. 1. q. 75. art. 7.* rectè ponit hoc ut essenziale discrimen inter animam rationalem & Angelum: quod anima ex sua naturâ sit unibilis corpori, ut forma Physica verè informans materiam, & cum constituens aliud Physicum compositum; Angelus nunquam sit uniatur, nec sit unibilis, ut forma informans corporis, sed solum ut forma assistens, sicut est natura navis.

Angelus est *infima Species, nec infra se quicquam habet præter Individua.* Scio *Thomam p. 1. q. 50. art. 3.* non modo multa Genera, sed tot etiam Species Angelorum ponere, quot sunt numero Angeli: unumquemque enim ab alio Specie, & multos etiam Genere differre putat. Ego aliis scholasticis, & præcipuè *Bonaventura* in hoc assentior, qui re hinc inde ventilatâ tandem ita concludit, in 2. sent. dist. 9. q. 2. *Videtur magis Theologica & probabilis positio, nisi occurrat manifesta auctoritas in contrarium, quod omnes Angeli sint ejusdem Speciei, sicut & omnes homines.* Præterea, *Aquin. ipse par. 1. q. 50. art. 4.* ait Angelos omnes convenire in eadem naturâ intellectivâ, differre autem solum secundum gradus illius naturæ: at ubi non est distinctio per naturam & essentiam, ibi non potest esse specifica differentia. Deinde, distinctio per gradus, non facit Species diversas in Angelis magis quàm in hominibus; nam certum est animas omnes rationales, ut etiam Angelos, diversos gradus sortiri in istâ intellectivâ naturâ: aut ergo homines omnes Specie differant, aut Angeli non aliter quàm numero.

Quod

Quod si dicas, Dæmones ab Angelis bonis Specie differre & inter ipsos Angelos bonos esse novem ordines, qui omnes Specie differunt :

Respondeo, Angelos bonos & beatos non aliter à Dæmonibus, seu ab Angelis malis & miseris differre, quàm homines bonos à malis, & beatos à miseris : utrique accidentibus non essentiali. Quod verò ad ordines Angelorum spectat, dico Angelos propter ordines ipsorum non magis differre quàm Reges, Duces, Comites, Equites, & Plebei inter se distant. Putemus cum Scholasticis esse in illa Hierarchia tres gradus, & in singulis gradibus tres ordines, sicut *Seraphin, Cherubin, & Throni* sint in summa; *Dominiones, Principatus, & Potestates* in medio; *Virtutes, Archangeli & Angeli* in infimo gradu collocentur. Quid hoc ad essentialem aut specificam Differentiam magis quàm potestas & dignitas Regis, aut Ducis, aut Plebei? sed omnino omnia hæc spissâ caligine obvoluta sunt, ut mihi cum *Aug. in Ench. cap. 58.* de hac totâ Hierarchia profitendum sit, quid inter se, quantumque distent hæc sedes, &c. dicant qui possunt; si tamen quod dicunt probare possunt, ego me ignorare fateor.

Proprietates Angelorum partim obscuræ & ignotæ sunt, partim ex communibus spirituum affectionibus petendæ. Earum loco duo ipsorum adjuncta notabo; *Scientiam & Potentiam.*

Prima, *Angeli inter omnes creaturas maximâ scientiâ præditi sunt.* Hæc verò partim ex ipsorum naturâ & acumine intelligendi, partim ex maximâ diurnâ & diligenti experientiâ atque observatione colligitur.

Secunda, *Quanta quanta sit ipsorum cognitio, duo sunt quæ ex se sine revelatione scire non possunt, cogitationes aliorum (Nam Deus solus est *αποδαιμονος*) & futura contingenta* : nam id etiam Dei solius proprium est. Quare ipse *Isa. 41.* ita de Diis gentium ait, *Prædicant quæ futura sunt, ut sciamus eas esse Deos.* Multa quidem conjecere possunt & solent, quæ ex circumstantiis & signis latentissimè colligunt, certo autem scire futura non possunt : vide *Aug. lib. 9. de Civit. Dei, cap. 22.*

Tertia, *Angeli ex omnibus creaturis potentiâ maximâ præditi sunt.* In aëre dominantur, nimbos, tempestates, pluvias excitant, cient maria & aquas. *Qualibet animalia* (verba sunt *Aug. lib. 12. de Civit. Dei, cap. 18.*) *rapiunt unde libet, constituuntque ubi libet.* Etiam in ipsos sensus & animam incredibilem potentiam habent : sensus immutant, humores & spiritus ita turbant, ut neque sensus, neque mens sua officia prestare possint.

Quarta, *Angeli nulli (quantacunque potentiâ polleant) miracula ullum verum edere aut efficere possunt.* Nam miraculum est illud quod vi nullius naturalis causæ ac agentis, nec ullis viribus naturæ producitur, sed superat omnem naturæ ac creaturæ vim & ordinem, ut rectè docet *Aquin. p. 1. q. 110. art. 4. & q. 105. art. 7.* Quæcunque autem vel boni Angeli ex se, vel Dæmones faciunt, ea ex naturalibus causis proveniunt, suntque vi naturalium agentium, nec superant ordinem naturæ, etsi nos sæpè eum ordinem non capiamus. De Deo enim dicitur, *Mirabilia tu facis solus.*

Quinta, *Angeli nec formare res possunt de novo, nec primum conditas in alias species transformare.* Sequitur ex quarta, nam ut ad creationem de novo, ita ad productionem rei ex iadispota materia requiritur infinita potentia. Scio innumeras transformationes ab Historicis commemorari : *Diomedis Socii* in aves, *Ulyssis* in porcos mutari feruntur; de quibus *Aug. lib. 18. de Civit. Dei, cap. 16. & 17.* *Arcades* transitu stagni in lupos verentur, quædam venificæ hospites in equos & asinos transformantur : teste *Wier. de præst. Dæm. lib. 3. cap. 16.* & has quidem similèsq; Metamorphoses veras & reales fuisse contendit *Bodin. in sua Dæmon.* Sed hæc facere superat vires Dæmonum, quare Dæmones in his vel umbras solum, & simulachra corporum oculis objiciebant, vel phantasias alterabant, sic ut viderentur sibi, aliisque equi, lupi, aut asini esse, qui verè homines erant; vel substituebant vera corpora in loca eorum quæ transformari videbantur. Quo-

rum omnium varia, & non-iniucunda exempla proponerem, nisi brevitati studerem. De omnibus autem illud *Plinii* merito dicendum est, *lib. 8. cap. 22.* homines inquit in lupos verti, rursusque restitui saltum esse confidenter existimare dedemus; & quia nonnulli Græcorum verum esse credebant, exclamat ibidem *Plinius*: Mirum est quo procedat Græca credulitas, nullum tam impudens mendacium est ut teste careat. Ad unum genus harum deceptionum referenda sunt ista omnia quæ de *Simone Mago* narrat *Anast. Nic. lib. quæst. in Script. quæst. 23.* statuas faciebat ambulare, in igne volurabatur nec lædebatur, in aëre volabat; ex lapidibus panes faciebat, serpens fiebat, aut alia bestia, duas habebat facies, vincla ferrea solvebat, fores clausas aperiebat, in conviviis exhibebat gratissima spectra. Nam patinas, pocula, & vasa, ut suâ sponte se moverent ad ministerium, efficiebat. Verissimè simul & gravissimè damnantur omnes qui in his aut similibus veras & reales transformationes fieri opinantur, ab antiquo *Concilio Ancyra*, circa ann. Dom. 308. celebrato, cuius verba citantur *caus. 23. q. 5. cap. Episcopi*: ubi post varias Dæmonum illusiones recitatas, ita concludunt illius Concilii patres: *Quisquis ergo credit posse fieri aliquam creaturam aut in melius, aut in deterius immutari, aut transformari in aliam speciem aut similitudinem, nisi à creatore qui omnia fecit, proculdubio infidelis est, & Pagano deterior.*

Sexta, *Angeli nec boni nec mali homines procreare possunt.* Fuit inter Ethnicos recepta opinio, multos à Diis procreatos esse: hinc *Dido* apud *Pœtam*,

Credo equidem, nec vana fides, genus esse Deorum.

Et *Julianus Apostata* apud *Cyrril. lib. 9.* in initio, illos qui à *Mose* Angeli & filii Dei vocantur, *Gen. 6.* non alios fuisse affeverat quàm ipsos Deos Gentium, à quibus Gigantes nati. Quin & ex antiquis Patribus non pauci senserunt Angelos ipsos bonos mulierum formâ ac amore captos, ex eisdem liberos procreasse. *Fust. Mart. orat. ad gent.* ait Angelos ordinationem suam transgressos mulierum amoribus victos. *Tertull. lib. de habit. mulieb. cap. 2.* angelos ad Virgines exarsisse, & ob earum concupiscentiam de coelo excidisse putat. Etiam in *lib. de Veland. Virgin. cap. 7.* addit Apostolum ideò præcipisse ut mulieres in Ecclesiâ velentur propter Angelos, ne ipsarum forma illecebra illis sit ad libidinem. *Lactant. lib. 2. divin. Instit. cap. 15.* ait Angelos ad tutelam hominum missos, sed mulierum congressibus inquinatos, atque ita ex Angelis Dei, Diaboli satellites factos esse. *Amb. l. de Noë & Arca. c. 4.* ait gigantes, quorum meminit *Moses, Gen. 6.* ex Angelis & mulieribus generatos esse. Denique *Sulp. Sev. in hist. sac.* asserit Angelos, quibus cælum sedes erat, speciosarum virginum formâ captos, matrimoniis sese mortalibus miscuisse. Errorem hunc de Angelis bonis meritò refellit *Cyrril. l. 9. contra Julian. Aug. l. 15. de Civ. Dei, cap. 13. & Chrys. Hom. 22. in Gen.* ubi dementiam vocat ita putare. Quantâ (inquit) dementiâ plenum fuerit dicere, Angelos dejectos ut cum mulieribus rem habeant? Manavit error ille ex vitiosa interpretatione verborum *Mosis, Gen. 6.* nam pro eo quòd ibi dicitur, *Viderunt filii Dei filias hominum & ingressi sunt ad eas*, in multis 70. Interpretum codicibus olim legebatur (uti ex *Aug. & Ambr. liquet*) *Videntes Angeli filias hominum.* Eos verò non Angélos ut illi putabant, sed verè homines fuisse declarant ipsa verba *Mosis*, & demonstrant tum *Cyrril.* tum *Aug.* locis citatis.

De Spiritibus verò immundis, qui vulgò *Incubi* ad *Succubi* nominantur, quòd ipsi hoc præstent, hominésque generent, tam est inter omnes recepta opinio, ut nisi præfatâ veniâ, non videatur ei contradicendum. Certè illa *Fran. Georgii. To. 1. probl. 54. & 74. & To. 6. probl. 300.* tam inutilis est & inepta sententia, ut refutatione omninò indigna sit. Asserit ille, Dæmones non modò corporeos esse, sed vim etiam generandi habere, & semen emittere, exque ipsis non solum procreari Gigantes illos de quibus, *Gen. 6.* sed etiam semen illud Serpentis, quod inimicum fore semini mulieris prædixit Deus, *Gen. 3.* Vah! Quam improbè

improbè & ineptè ista omnia? Sed neque illa de *Damonibus Incubis* opinio verior, cū patronos habet non contemnendi nominis. Tenuit hanc *Aquin.* p. 1. q. 51. art. 3. Eandem & pertinaciter tueretur *Fr. Vales. in lib. de Sac. Philos. cap. 8.* Complures etiam alii idem senserunt. Unde *Bell. lib. 3. de Pont. Rom. cap. 12.* negat esse errorem (qui tamen error foedissimus est, & multarum hæresium fons) Si quis dicat Antichristum ex diabolo & muliere isto modo nasciturum. Cæterum, & hoc etiam de *Incubis* vanum esse ac impossibile, multis & solidis rationibus confirmat *Wier. l. 3. de præstig. Dam. cap. 26, 27.* Ubi seq. & demonstrat illa *B. Virginis* responsio, *Luc. 22. Quomodo fiet istud mihi, quandoquidem virum non cognovi?* Et *Philast.* istam opinionem inter hæreses recenset, *lib. de hæres. cap. 59.* dicens eos qui ita sentiunt violenter torquere historiam sacram, ac Peccatorum mendacia asserere. Quod (inquit) si factum est aliquando, & nunc fieri non erit ambiguum: quod autem non factum est aliquando, nec fieri manifestum est. Ecce, neque unquam factum esse, neque nunc fieri, ut ex *Incubis* illis homines generentur, testatur *Episcopus Briciensis.* Quo etiam spectat decretum illud *Conciliæ Ancyranæ* nuper citatum; ubi stultitia simul & impietas eorum damnatur, qui sese credunt noctu cum *Diana*, & *Herodiade*, & innumera multitudine equitare, ac in longinqua loca abduci. Quorsum, nisi (ut *Wier.* rectè colligit (ut voluptatibus indulgeant, & Diabolo servitia præstent. Scio *August. lib. 15. de Civit. Dei, cap. 23.* hæsitare in hac causâ. Et quia famæ plus æquo tribuit, *Sylvanos* ac *Fannos*, qui *Incubi* vocantur, improbos sæpè extitisse mulieribus, & *Damones* quos *Dusus* Galli vocant, hanc immunditiam exercere non audent inficiari; imò hæc addit, Non hic audeo aliquid temerè definire, utrum aliqui Spiritus elementis æreo corporati sint. Hæc, ut rumores de *Incubis* tueatur, Spiritus naturam & essentiam eis inesse propè inficiatur. Sensit nimirum vir doctissimus, nisi *Damones* corporei sint, non posse eos hæc (quæ de *Incubis* celebri famâ acceperat) præstare. Quare, cum certum sit *Damones* corporeos non esse, etiam ut hæc præstet impossibile est, teste ac iudice *Augustino.* Sed perfectio famæ, vel verius fabulis, ille nimium attribuit; quæ quàm fallaces sint, ac nullâ fide dignæ in hac causâ, demonstrant innumera fraudes & flagitia sub hac. *Deorum ac Daemonum* larvâ occultata. Cape illustre exemplum ex *Josepho lib. 18. Antiq. Judaic. cap. 4.* Erat *Roma*, *Tyberio* imperante, *Paulina* uxor *Saturnini*, mulier & castitate simul, ac probitate morum, & generis nobilitate, & formæ venustate insignis. Deperit hanc *Decius Mundus*, nec ducentis drachmarum millibus expugnare illius pudicitiam valuit. Inventus tandem dolus est, arte *Idenis* libertæ, & ope sacrificorum, ut quia *Paulina* *Isidis* cultui vehementer addicta erat, innotescere ei, *Deum Anubidem* ipsius formâ & amore caprum esse: juberéque ut noctu in templum ad se veniret. Factum est, idque consêto simul & consêntiente marito. *Decius* pretextu *Anubidis* voto potitur. Flagitium non diu latuit, res ad *Tyberium* deferretur. *Idem* inventrix sceleri, & sacerdotes *Isidis* quos illa corrupebat, in crucem omnes acti. *Decius* ipse in exitium egressus, templum *Isidis* dirutum, & ejus statua in *Tyberium* projecta. Similem fraudem in ortu *Romuli parentis Romanorum* fuisse non dubites. *Vestalis virgo* grævida est. Unde?

Regina Sacerdos
Marte gravis geminam partu dedit Ilia prolem,

cum verè adulator *Amulius* (teste *Plutarcho*) illis parons. Scilicet in ipso parente specimen datum est futuram illam urbem scortationum matrem, & à lupâ nutritor, sanguine inebriandos. Vñne aliud exemplum? Habe ex *Ruff. lib. 2. cap. 25.* *Alexandria* sub *Dei Saturni* nomine, inque ipsius templo, per *Tyrannum Saturni Sacerdotem* plurima ac foedissima facinora perpetrata sunt, donec tandem recognita, cæcisque fraudibus, revelatis, pudor ac dedecus omnes *Paganorum* domos pervasit, adulteris matribus, incestis patribus, liberis spuris deprehensis. Neque dubium est quin idem in *Merlino* nostrate, *Alunus* (à quibus

Fauorum ac *Damnum* opera *Hunni* procreati feruntur, aliisque istius generis ostendi possent filii, vel *Tyberius inquisitor*, vel *Josephus Scriptores* habuissimus. Sed nimirum posterioribus hisce seculis, in quibus *Incusi* illi passim obambulabant & improbitates suas quotidie exercebant, ut hæc omnia æternâ nocte ac spississimis tenebris obvoluerentur, sedulo cautum est. Qui verò morum spurcitiam, & inexplicabiles fraterculorum fraudes ac flagitia observat, facile intelliget non sine iustissimâ causâ clarissimum sui temporis poetam *Chaucerum*, in *Maurone Bathon*. fabulâ cecinisse.

Incubus haud alius nunc, nisi *Sacrificus*.

Quod verò *Lutherum* ex *Incubo* ortum, ejusque matrem ex *Diaboli* coitu concepisse scribit *Fontain*, in sua *Gallica historia*, & in celebri concione promulgaverit *Episcopus Pontificius* an. 1565 ut testatur *Wier*, l. 3. cap. 23. tam ineptum est ac futile mendacium, ut neque *Laur. Sur.* us neque *Cocleus* jurari *Lutheri* hostes, quique in mendaciis confarcinandis plus opinor quàm ipse *Stygius Pluto* audent, ne isti inquam hoc vel ut famâ acceptum referre ausi sint, sed contrarium planè clarissimè demonstrant. Sed profectò ita est, cum veritate destituantur, ineptiis atque impudentissimis mendaciis suam causam & corruentis *Babylonis* mæcerias fulciendam videbant. Sisto hic: Et concludo Angelos neque bonus neque malos, quantacunque potentia polleant, homines procreare posse.

Septima, *Esi* magna sit *Angelorum* non solum bonorum, sed & *Damnum* potentia, non possunt tamen *Damones* (ne in iis quidem qui eorum potentia subiecta sum) quicquam perficere nisi permittente omnipotente Deo. Nam potentia & imperio Dei quasi catenâ quâdam ferrea constringuntur, ne vel quandocunque, vel quibuscunque, vel quantum ipsi desiderant, noceant. Ne porcos quidem ipsos ingredi, nisi ipso annuente, & ab ipso veniâ impetratâ valeant. Hoc nisi faciat Deus, tanta est *Demonum* malicia, ut singulis horis, maria ac terras, cælum profundum, & pecora atque homines vertant verrantque per auras. Permittit autem Deus pro suâ infinitâ sapientiâ ac bonitate ut multa faciant occultis sepe, sed semper iustissimis de causis.

Atque hæc de *Angelis*, id est nonâ parte *Metaphysicæ*, cujus subiectum cum vere species sit, verâque affectiones ex suâ naturâ fluentes habeat, non dubium est quin de ea vera ac propriè dicta scientia sit, eaque pars *Metaphysicæ* in quâ hoc est subiectum, vere scientia dicenda est.

C A P. X.

De Anima Rationali.

Sequitur altera species Spiritus quæ est Anima Rationalis. *Anima rationalis est Spiritus seu incorporea substantia, ita sociabilis corpori, ut forma vere materiam informans, & compositum essentialiter constituens.* Si substantia incorporea sit, errant igitur omnes qui animam vel nihil omnino esse, ut *Dicæarchus*; vel numerum ut *Xenocrates*, vel harmoniam ut *Aristoxenus* musicus; vel ignem, vel ærem, vel sanguinem, vel ullum aliud corpus putabant. Quorum opiniones recenset *Cicero* lib. 1. *Tusc. quest.* Et *Arist.* ipse lib. 1. de *Anim.* in talis id genâs de Anima in genere sententiis refutandis, egregiam quoque navavit operam.

Pro-

Proprietates *Anima* genuinas tradere difficile est. Nos earum loco quasdam Affectiones cognitu necessarias de *Anima* proponemus.

Prima, *Anima* scilicet sociabilis ex natura sua corpori, ut non nisi agere ac invito inde se jungatur, eique unius perpetuo amat desiderareque, nec sine unione cum corpore tranquilus aut beatè agat. Sequitur ex definitione *Animæ* quæ est forma apta nata informare corpus.

Secunda. *Anima* quamprimum existit unitur corpori. Nam verissimè dicitur: *Infunditur creando, & creatur infundendo*. Errat Ergò *Plato* qui ab initio *Animas* omnes conditas, & vel in coelis, vel in astris, vel aliis nescio quibus receptaculis servari putabat. Somnium: ut & illud alterum, quod *Animæ* cum prius omnium rerum cognitione prædite essent antequam dilaberentur in corpora, subito novi istius hospitii aut ergastuli ingressu ita attonitæ essent, ut omnium rerum, velut epoto lætheo aliquo poculo obliviscerentur, quas cum postea discerent, tum recordari eas putabat *Plato*. Vana hæc omnia. Non existit *Anima* antequam informabat corpus. Nam format *Deus* spiritum hominis in ipso. *Zach. 12.*

Tertia, *Anima* non producit in corpore nisi cum præparatum sit & formatum, tum *anima vegetativa*, tum *sensitiva*. Docet hoc apertè *Arist.* lib. 2. de *Gen. Anim. cap. 3.* ubi sensitivam animam tempore procedente recipi post vegetantem, & rationalem post sensitivam testatur. Nec enim simul fit homo & animal. Quare miraculum planè fuit, & supra omnem naturæ vim atque ordinem, ut *Iesus Christus*, primo instanti suæ conceptionis, esset perfectus homo corpore, non solum integrè tum formato, sed & anima rationali prædita.

Quarta, *Anima* nec educitur à potentiâ materiae, nec à parentibus traducitur, sed immediatè à Deo, illo ipso instanti quo infunditur, creatur. Non educi à potentiâ materiae hinc probatur, quia tum dependeret à materiâ tam quoad esse, quàm quoad operari: at potest tam esse quàm operari sine materiâ. Non traducitur à parentibus: nec enim à corporibus ipsorum nec ab animis. A corporibus quod traducitur corpus est, anima verò non est corpus. Ab animis si traducatur, vel ergò tota anima parentis traducitur, & tum parens non erit homo: vel pars animæ; at pars animæ nulla est, cum sit indivisibilis. Si dicas animam produci in corpore vi coloris agentis, ut instrumentum animæ rationalis; nego calorem esse omnino instrumentum animæ rationalis, sed solum vegetantis aut sensitivæ, Rectissimè *Cic. l. 1. Tuscul. quæst.* Animarum in terris nulla origo inveniri potest. His enim in naturis nihil inest quod vim memoriæ, mentis, cogitationis habeat. Hæc divina sunt, nec inveniuntur unquam ad hominem venire posse nisi à Deo. Et *Arist. l. 2. de Gen. anim. c. 3.* mens sola extrinsecus accedit, eaque sola divina est.

Quinta, *Anima* rationalis immortalis est, nec corrumpitur aut interit ad interitum hominis. Liquet hac ex quinta Proprietate Spiritus. Quia omnis Spiritus caret qualitatibus corruptentibus. Deinde, appetitus qui naturâ cuiquam inest non est frustra. *Deus* enim naturæ auctor nihil frustra tribuit, ideoque naturalem appetitum nulli frustra inest, ac naturaliter omnes appetunt esse perpetuò. Appetunt enim bonum, & malum declinant; ac esse, bonum est: non esse, malum. Quod si animæ extinguerentur cum corpore, appetitus iste naturalis esset rei impossibilis, ideoque frustraneus. Contentit huic *Arist.* qui l. 2. de *Anim.* ait, videtur hæc animæ genus (de intellectiv. agit) esse diversum, idque solum, ut perpetuum se jungi separarique potest. Et idem docet l. 12. *Metaph. cap. 3.* Quare *Diocæarchi* & *Epicuri* opinio quod animæ hominum sicut brutorum mortales sint & cum corpore intereant, præco digna fuit, non Philosopho. Quos abundè refellit *Cic. l. 2. Tuscul. quæst.*

Sexta, *Anima* separata à corpore non solum vivit, sed intelligit; Nam vivere & intelligere ipsi ex communî naturâ spiritus convenit. Quomodo autem in se ligat? Certè nec ut in corpore per conversionem ad phantasmatum sensitiva, quia tum ea non haberet; nec ut An-

geli per species connatas; nam anima cum producitur vacua est omnibus speciebus ut ab rasa tabula: nec per species ante receptas & in memoriâ servatas; nam tum animæ infantium morientium nihil omnino intelligerent: sed intelligit (ut angeli cum res de novo cognoscunt) per conversionem sui ad objecta intelligibilia sibi oblata. Hinc *Aquin. p. 1 q. 89. art. 8* rectissime colligit, animas separatas, quia omnino segregatæ sunt à conversatione viventium, ea quæ apud nos aguntur, ignorare nisi revelentur. Quis autem particulares nostras actiones & voces illi, res æani certò confirmet? Certò inquam, non conjecturis fallacibus.

Septima, *Anima separata à corpore potest nullum corpus nutu locali movere.* Probat hoc *Aquin. part. 1. q. 117. art. 4.* tum ex *Arist.* ex quo citat illud, quod anima non potest quodcunque corpus movere, sed solummodò proprium, quod informat, tum autem nullum informat, nullum igitur movere potest: tum ratione. Nam anima nullum corpus movet nisi vivificatum; quod liquidò patet ex eo, quia si membrum ullum corporis emortuum, sit puta brachium, aut manus, aut tibia, illud licet reliquo corpore continetur, anima non potest movere, sed movetur solum per continuitatem ad alia membra, quæ ab animâ moventur, anima autem separata non animat aut vivificat ullum corpus. Nullum agitur separata movere potest. Quare quæ de Animarum apparitionibus multa & mira hic agentium in legendis occurrunt, ea omnia vel pro *fabulis*, vel *Demonum illusionibus* habenda sunt.

Octava, *Anima separata non regreditur unquam ad ullum aliud corpus. informandum.* Stultissima fuit *Pythagoreum* opinio, qui cum immortalitatem animarum negare non possent, nec otiosam vitam agere meritò putabant, nec quid agerent invenirent, existimârunt eas ab uno corpore in aliud, & post illud in tertium transmigrare, modò in equum, modò in leonem, aut canem, aut hominem. Hinc ipse de se apud *Ovid. lib. 15. Metamorph.*

*Ipse ego (nam memini,) Trojanis tempore belli
Panthoides Euphorbus eram.*

Hinc illud *Persii, Sat. 6.*

*Cor jubet hoc Enni, postquam desertuit esse
Maonides Quintus, Pavone ex Pythagoreo.*

Scilicet animam eandem ex *Pavone* in *Euphorbum*, ex hoc in *Homerium*, tum in *Pythagoram*, quinto loco in *Ennium* transmigrasse jocatur. Quam quidem *metu-luzorv* nostrâ ætate *Postellus* quidem Jesuetici ordinis amplexus, Animum *Joannis Baptista* in matrem *Joannem* (dignam scilicet comitem) quam non sine maximâ blasphemâ foeminei sexus redemptricem prædicabat, transmigrasse asseruit: de quo vide *Jes. catech. lib. 1. c. 10.* De hoc delirio verissime dixit *Lactantius*, vanum esse & impossibile, *li. 3. c. 19.* Et est sanè. Nam si anima *Pythagore* aut *Pavonem* aut ullum brutum informaret, certè *Pavo* essentialiter homo esset. Si verò *Ennium*, *Euphorbum*, aut ullum alium hominem, tum duo pluresque essent unus idemque homo numero. Quæcunque enim eandem numero formam essentialem habent, ex numero eadem esse necesse est. Error autem iste hinc natus inter Ethnicos, ut colligere licet ex *Lactantio lib. de div. præm. cap. 23.* quod illi ex *Chrysoppii* verbis & *Sybilla* carminibus didicissent, homines post aliquot annorum curricula, ad pristinum statum revocandos. Hinc enim certissime consequitur animas in corpora humana remigraturos esse, & quia illi impossibile putabant eadem numero corpora restituenda, & animis suis iterum unienda (quod sine dubio futurum credimus) finxerunt animas in aliena corpora transmigrare.

Nona, *Anime separate beatam vitam agunt, vel miseram.* Viderunt hoc lumine rationis ipsi Philosophi, *Arist. 1. Eth. cap. 11.* docet mortuos ex conditione, posterorum, nec ex beatis miseros fieri, nec ex miseros beatos. Ita miseros esse vel beatos supponit. Vidit hoc *Plato*, cujus verba citat *Eus. lib. 11. de præp. Evan. cap. 3.* Audi (inquit) sermonem quem ego verissimum arbitror, cum qui justè, sanctèque vixit, postquam mortuus est, in

beatopla.

beatorum insulas profectum, summâ in beatitudine vivere; qui verò injuste ac impie, cum ad supplicia in alium locum, quem Tartarum appellant, deduci. Et multa similia citat ex *Platone lib. 18. cap. 11. & 20.* Vidit hoc *Socrates*, qui moriturus multa de immortalitate animarum diserebat, duasque dicebat esse vias, & duplices cursus animarum è corpore exeuntium. Nam qui se humanis flagitiis inquinassent, iis inter esse seclusum à concilio Deorum; qui autem se integros, castosque servassent, his ad illos, à quibus profecti essent, reditum facilem patere. Quæ, multaque alia in hanc sententiam legas apud *Ciceronem 1. lib. Tuscul. quest.*

Atque hæc de animâ rationali dicta sint. Est autem hæc ultima omnino tractatio in Metaphysica, id est, in eâ disciplinâ in quâ illa traduntur, quæ Physicam seu naturalem Philosophiam transcendunt & antecedunt, vel Dignitate, ut Deus, & Spiritus; vel Cognitione, (quia eorum cognitio in Physicâ præsupponitur) ut Ens, Ens finitum, Accidens, Substantia incompleta, & Substantia completa. Corporis autem tractatio (quæ est altera Substantiæ completæ species Spiritui contradivisa) ad Physicam pertinet, Quodque *Timæus* in sua *Metaph. cap. 4. lib. 6.* de Corporibus agit, etiam de Cælo Empyreo, & nonnullis aliis, in eo longe transgreditur fines & limites hujus Disciplinæ. Corporis enim & omnium specierum ipsius tractatio (quantum humano ingenio atque industriâ de eis cognosci potest, nam cælum Empyreum non aliter quàm ex supernâ revelatione percipitur) ad Physicam proprie spectat, & ad illam, ut suam propriam classem releganda est, & relinquenda. Quæ verò propria Metaphysicæ sunt, ea à nobis omnia jam tradita sum; & quidem eâ brevitate & perspicuitate, ut speremus Juniores non modò hæc ipsa aliquâ ex parte intellecturos, sed per ista longe faciliorem aditum ad omnes alias Scientias habituros. Nam cum hæc sunt aliarum omnium Disciplinarum fundamenta & principia, viam muniunt, & quasi januam patefaciunt ad uberiorem aliarum omnium notitiam.

Hic jam finem huic nostræ ad *Metaphysicam Introductionem* imponemus, sed illis verbis, quæ in omnibus nostris scriptis & tractatibus cujuscunque generis sint eruntve, subintellecta volumus, quæque ab *August. lib. 15. de Trin. cap. ult.* mutuata, libentissimo animo hic semperque usurpamus, *Domine Deus, quacunque dixi de tuo, agnoscant & tui; Siqua de mea, & tu agnosce, & tui.*

F I N I S.

DE
PROVIDENTIA DEI
TRACTATUS.

AUTHORE
RI: CRACKANTHORPO,
SS. THEOLOGIE DOCTORE,
Et Collegii Reginae Oxon. Socio.

Editio quarta priori castigatior.





OXONIAE,
Typis HENRICI HALL Acad. Typographi,
Anno Dom. 1676.

PROVIDENTIA DEI TRACTATUS

ABTHOR
JOHANNES ANTONIUS
THEOLOGICUS DOCTOR
In Christi Religione Doctus

Primo parte priora assignatur



OXONIAE
J. HENRICI HALL Aed. Typograph.
anno Dom. 1676.



REVERENDO VIRO,
MIHI QUE MULTUM COLENDO,
D. DOCT. JUNIO,
ECCLESIAE WINTONTENSIS
Dignissimo Decano.

DEsideravi diu, atque ardentius, extare specimen aliquod & pignus studii atque officii in te mei. *Tractatus* hic, qui aliquandiu in literario meo censu delituit, ultro se offerebat, & *Tuino* auspiciis prodire gestiebat. Exile scio esse, nec vel doctrinâ tuâ, vel gravitate dignum. Sed quod per se leve est, pondus habebit ab animo & amore in te meo. Etiam vel ab ipso Titulo, non ingratum tibi futurum planè confido. Nota sunt & (verè dico, non blandè) celebrata apud omnes, animi tui Candor, Probitas, Integritas, & quæ Caput est virtutum omnium, *Pietas*. Ecquodnam verò est, aut esse potest dulcius pio animo pabulum, quam assidua divina *Providentiæ* meditatio? Ut illa ad Deum, sic ad illam cetera omnia nos rectâ ducunt; rapiuntque. Cælum aspice & mirabilem huius, quod *Universe* dicimus, mundi fabricam; quid est aliud quam velumen (a) grande, in quo characteribus ac typis, amplissimis simul ac splendidissimis, (quos non currentes modo & oculati, sed vel cæcissimi legere, adeoque palpare possunt) in-

a Aug. lib. 32. cont. Faust. c. 20. Et quærenti cuidam ab Antonio Justo quo patitur vitâ insistentare possit, oratus eo solatio quod ex libris capere possit: *Melus*, inquit, & *Philosophus*, liber est *Natura rerum à Deo conditarum*. Soc. hist. Eccles. li. 4. cap. 18

b Psal. 83. 5.

c Adalp. Occ.
in lib. Numismat. in
Ioseph.d Met. lib. 4.
hist. pag. 127.

scripta & insculpta est, non ad umbilicum modo, sed & à tergo, infinita Dei Potentia, Sapientia, *Providentia*? Est & *Ecclesia*, clarius adhuc & luculentius *Providentia Speculum*. Hæc ab omni ævo, ab omni hostium genere, Arte omni ac Marte, denique fandis omnibus ac nefandis modis, non oppugnata solum est, sed & indies ultimo exitio damnata ac devota. Erant olim qui veluti tripudiantes in illius fune re psallerent, *Excindamus* (b) *istos, ne sint gens, ut nominis Israël non sit memoria in terris amplius*. Alteri, insignis Columna (c) velut Trophæum extinctæ Ecclesiæ & fidei Christianæ, posita erat, cum hac inscriptione, *Dioclesiano Cæs. Aug. Superstitione Christi ubique deletâ*. Posterioribus seculis, eadem planè Antichristo mens, idem votum. Malitia verò, Sævitia ac Tyrannis, quæ id moliri voluit, tanta, talisque, ut si ad eam antiquorum omnium Furcas, Cruces, Equuleos, & cætera mortis ac suppliciorum omnium genera conferas; verè ludus ac jocus sint, prout hujus quod dedit rabies. Ex illius satellitibus unus, (d) in ipsâ mensa gloriabatur, tam strenuam se in eradicandis Zizaniis operam navasse, ut in unâ Provincia (nec eâ sanè aniplâ) octodecim hominum millia, spacio sex annorum, Carnificum manibus necandos tradiderit, præter eos qui vel aperto bello, vel per militum odia ac injurias, vel per privatas cades occubuerunt; quorum opinor numerus fuit supra numerum. Ecce tamen, contra tot, tantosque hostium insultus, contrâque ipsas Inferorum portas, Dei solius *Providentia* fulta, secundo hoc & septuagesimo anno supra quinque mille & quingentos, persistat adhuc, Habitatque in omne ævum, immota hæc Ecclesiæ rupes; & per totamque formidabiles flatus fluctusque, quibus indies obruenda, & velut Charybdi absorbenda videretur, non constantem modo sed felicem cursum tenet ad Beatitudinis portum. Liceat adhuc paulò proprius ad nosipsos, nostramque hanc florentissimam felicissimamque Ecclesiam, simul ac Regnum magnæ Britanniæ, oculos conjicere. Circumspice Regiones omnes, omnes undique Ecclesias: vidimus, (utinam non & hodie

hodie videremus) complures attritas bellis, & tantum non ex-
 haustas: Alias, civium suorum sanguine adhuc madentes, ac
 propè purpureas: Alias, seditione ac schismate dilaceratas;
 Alias, in Deorum cultu furore plusquam Bacchico correptas,
 vitam sanè vitâ traducere: Alias, denique (quod miseras ha-
 sce omnes atque infelicitates vel æquat, vel superat:) Anti-
 christi jugo pressas, & tyrannide oppressas vidimus. Britannia
 interim hæc nostra, stupendâ omnino, sed nunquam satis nobis
 celebrandâ *Dei Providentia*, diuturnâ & felici Pace, propè si-
 ne armorum strepitu, certe sine bello; & cum pace, affluentia
 bonorum omnium quæ pacem comitari possunt solentve, cœ-
 litus nobis velut ex Amalthææ cornu suppeditatâ perfruitur.
 Et, quod Apex est omnis felicitatis suavissima, sanctissimâque
 divini Verbi, & sincerissimæ veritatis ambrosia ita non irriga-
 tur solum, sed & satiatur; ut quinto jam & sexagesimo anno,
 unusquisque sub vite sua, & ficu sua, Hymnos & Holocausta
 Deo offerens, quotidie psallat, *Deus, Deus nobis hæc otia fecit.*
Atque erit ille mihi semper Deus. Sed & post Deum, debemus
 hæc omnia *Pietati, Prudentiæ, ac Sapientiæ* Serenissimi nostri
Regis Jacobi, verè hujus sæculi Phœnicis. Illius divino pectori,
 sicut aliarum virtutum catenam atque cumulum, Sapientiæ
 verò quasi fontem quendam aut abyssum; ita almæ hujus &
 beatæ Pacis tam ardens constansque studium indidit Deus,
 ut pacem hanc, quam ipse, ut cœleste munus, à Deo Pacis, qui
 suis dicit, (e) *Pacem meam vobis do*, accepit, eandem cum am- e Job. 14. 247
 plissimo illo pacis fructu, omnibus Ecclesiæ suæque regni par-
 tibus benigna largaque manu non largiatur solum, sed pro-
 fundat. O fortunatos nimium, bona si sua norint, Britannos!
 Nec addam hîc aliud quàm votum; idemque ipsum quod scio
 tibi assiduum: Eum, cujus sub alarum umbra, nobis omnibus
 tranquillam ac beatam vitam agere conceditur, sic *Providentiæ*
 tuæ clypeo protegas, O Deus, ut cum & sibi satis vixerit, &
 patriæ satis, serus tum in cœlum rediens, Ecclesiam hanc,
 Sceptraque Britannica tranquillâ pace florentia, & sincera Re-
 ligione beata, Serenissimo primùm Principi nostro, suo Carolo

*Sueton. in
Vito.*

(quem ut alterum Titum, (f) *Humani generis delicias* colunt omnes:) post eum aliis ipsius longissima serie nepotibus, in omne ævum commendat, propagetque.

Kalend. Martiis,

1622.

Dignitatis tuae studiosiss.

R: CRACKANTHORPUS.

DE



DE PROVIDENTIA DEI

Deus, uti per infinitam suam Sapientiam scit omnia, ita etiam per eandem infinitam Sapientiam, Concilio & Providentiâ cuncta gubernat & ordinat.

QUÆ enim causa vel fingi potest, cur ille qui omnia condidit, eorum curam detrectet? An quia curare non potest? At *infinitus est potentia*, ut ante (c) *Introd. iad. Metaph. cap. 2. Attrib. 3. f. lib.* probavimus: & multo majus est ea quæ non sunt effigere ut sint, quam eis quæ jam sunt provideri. An quia non vult eorum curam gerere? At *infinita est illius bonitas*, ut ante (f) etiam probatum est: si curare noluisse, noluisse utique condere. Jam cum tantâ erga omnes creaturas bonitate usus sit, ut cum non essent, dare eis esse; non potest certe vivos suæ bonitatis occludere illis cum sint. Quare cum infinitam illius & potentiam esse vides, & bonitatem, agnosce ipsum & posse, & velle, adeoque re ipsa curare omnia atque gubernare.

Quod si quis naturaliter, & ex naturalibus causis omnia provenire opinetur, & naturâ, seu naturali ordine ac cursu sic, vel secus evenire, (quo spectat tota illa Cotta discuratio apud Cic. lib. 3. de Natur. Deor.) tantum certe abest, ut hoc Providentiam Dei tollat (sic ut puravit Cotta) ut eandem vel maxime firmet & corroboret. Quid enim est id quod hic sequi Naturam vocas? Si Vim, dicas, cum intellectu omnia agentem & efficientem; non alia hæc Natura est quam ipse Deus, qui hoc sensu Natura vocatur à Seneca, lib. 4. de Benef. cap. 7. Cum Naturam, inquit, dicis, Deo nomen mutas: Quid enim aliud est Natura quam Deus, & divina ratio toti mundo & partibus ejus insita. Sic & frequenter ab Hippocrate & Galeno vocatur Deus, ut liquet ex lib. 9. de usu part. Etiam & Philosophis ille Natura (b) dicitur, quia reus singulis suam cuique indidit Naturam quâ sunt, quæque operantur. Si hanc ergo Naturam vis, & hinc omnia provenire dicis, idem profecto est ac si Providentiâ gubernari diceris; nam hæc natura Naturalis (ut vocant) ad finem quem sibi proponit omnia dirigit, ut modo probatum est. Sicut, ut vulgo loqui solemus, per Naturam intelligas vim illam rebus singulis à Deo inditam, (quam Naturam Serico lib. 2. naturam vocant) cognitionis quidem expertem; sed talem quæ naturales effectus proxime producit; etiam hæc ipsa Natura ad Providentiam Dei se ducit, eandemque demonstrat. Pag. 118. & h. Ea Natura, qua creavit omnes naturas. Aqu. 1. 2. q. 67. art. 1. is Deum vocat nos errabis. Est enim a quo nata sunt omnia Natural. quæ st. cap. 45.

Hæc

Hæc enim & omnia per hanc naturam agentia, agunt propter aliquem finem, licet eundem non cognoscant, ut Arist. lib. 2. Physic. cap. 2. non solum diserte asserit, sed multis rationibus confirmat. Hocque vel ex eo liquet, quia in actionibus Naturæ frequentius illud evenit quod melius est, semperque eveniret nisi impedimentum aliquod agenti secundum Naturam obstaret: vellet enim hæc Natura quod perfectum est semper producere, atque in hunc finem agit quantum potest; unde liquidum est, finem esse semper in actionibus Naturæ, & in agentibus omnibus secundum hanc Naturam. At impossibile omnino est, ut illud quod non cognoscit finem operetur propter illum finem, & perveniat ordinatè ad ipsum nisi moveatur, aut dirigatur, ab aliquo habente cognitionem illius finis. Sicut impossibile est ut sagitta scopum attingat, aut ad eum feratur nisi dirigatur à sagittante qui scopum cognoscit: aut ut navis ad optatum portum unquam perveniat, aut rectè ad eum moveatur, nisi ab aliquo qui portum cognoscit, dirigatur. Quare certum est, hanc ipsam quam dicis Naturam, & omnia per hanc agentia, quia finem propter quem agunt, ipsa nesciunt, ab aliquo qui finem cognoscit, dirigiri eundem finem. Cujus verò cognitione ad fines quæque suos dirigi possunt, nisi Dei? qui ut res omnes, ita rerum omnium fines solus cognoscit. Solus igitur ad eos fines dirigere potest, Illius igitur sapientiæ & providentiæ omnia gubernantur.

Itē nunc Athei,

Procul hinc, procul ite prophani,

qui in Deum linguas acutis, & clarissimum hoc divinæ Providentiæ lumen extinctum itis: Tu imprimis Epicure, qui (ut testatur Theodor. lib. 5. Hæter. fab. tract. de Provid.) Deum esse quidem concedit, sed nihil eorum quæ hic fiunt, aut geruntur sentire, nedum curare

* Idem testatur. asserit. Cujus ipsa verba habes apud Laet. lib. de ira Dei cap. 4. Ex hoc (dicebat) Deus beatatus, est, quia nihil curat, neque habet ipse negotium, neque alicui exhibet: & similia vin. Epicurus citat, lib. eod. cap. 8. Abi tu quoque & tibi rectem para sannio.

negat deos quid

quam curare,

vel sui, vel alie-

m. pag. 237.

i Horat. serm. 5.

l. 1.

Credat, inquis (i. Judæus appella,

(Deum sacrificia, & res humanas curare)

Non ego: namque Deus didici securum agere ævum.

Tu verò quis es? aut à quo ista didicisti? Nimirum, ex harà prodiens discipulus, & ridendus (vel te ipso (k) judice) Epicuri de grege procerus. Hinc illa Didonis, jam amore sui hospitis penitus occæcatæ vox; Æneid. 4.

& Horat. epist. 4. l. 8.

Scilicet is superis labor est, (te tuumque iter dirigere) ea cura

quieta

Sollicitat!

Hinc illud Plinii, Nat. hist. lib. 2. cap. 7. Iridendum est, inquit, si quis puret illud, quicquid est summum, agere curam rerum humanarum. Ex eadem hac scholâ vel harà po- titus, illi, quorum omne ævum ferax semper fuit & erit, qui Dei Providentiæ cum Velleio apud Cic. ridet, & fatidicam Stoicorum animum vocitant, quique Deo sic obgannunt: Non (m) videbit hæc Fabi an est (n) notitia in eo? Obrutissimi & stultissimi! an qui plantavit aurem, non audier? qui finit oculum non ille videbit? qui dat hominibus sci- entiam & intellectum, non ipse cognosket, non intelliget? Imò pervidet illius oculos non flagitia solum vestra, sed & cogitata, eademque omnia diario suo inscripta habet: nec fa- cta solum vestra, dic illi, sed & dicta repender.

l. lib. 1. de nat. Deor. p. 13. in Plal. 94. 7. in Psal. 73. 11.

Agedum

Agedum verò, quia Deum gigantum more suo throno deturbare, eumque planè exolare vobis nunc placet, Cui tandem habenas hujus mundi tradetis; Cui nisi quæ stultitiâ & cæcitate vobis similis est, *Fortuna*? Fortunam scilicet in hoc orbe dominari volunt. Et quidem vetus hæc opinio, à primævis usque ducta temporibus, quam periti ac flagitiosi homines quoquo seculo libentissimè amplexi sunt & deosculari, non aliâ ullâ de causâ, nisi ut Deo jam sopito, atque ad res humanas dormiente aut oscitante, liberius peccatis inserviant, & libidinibus suis fræna laxent: *Nolumus hunc regnare super nos.* Deo sic per Ostracismum ejecto, suffragiis omnium & calculis sufficitur *Fortuna*; diadema illi, paludamentum, & orbis sceptrum traditur càmque ut *Deam* & rerum *Dominam* colunt ac venerantur. Hinc illud Juvenalis, qui Sattr. 10. ridens istorum hominum stulticiam, inquit;

Te facimus Fortunæ Deam, cæloque locamus.

Facimus sane, sed qui? Indicat tibi illius interpres: *Nos qui sine concilio & prudentiâ res gerimus, & geri volumus homines leves, stulti, insipientes.* Hinc illud Oratoris, orat. pro Marcello: *In rebus gerendis maximam partem, quasi suo jure vendicat Fortuna; & quicquid est prosperè gestum, id pene omne ducit suum.* Etiam rerum humanarum *Dominam*, Fortunam ibidem vocat. Hinc illud apud Comicum in (o) Phorm. Q. 0. *At. 5. Fortuna, ô fors fortuna, quantis commoditatibus hero meo onerasti hunc diem!* & illud scen. 6. Plauti in Pseud. *Centum doctum hominum consilia sola hæc devincti Dea Fortuna.* Philosophi etiam quidam, ut ait Laët. lib. 3. Instit. cap. 19. *Ut in re stultâ sapere videantur, Fortuna sexum mutarunt; càmque non deam sicut vulgus, sed Deum esse dixerunt.*

Ædes etiam, Aras, Simulacra accepit hæc Dea. Observat Plat. lib. de Fort. Rom. (& dignum sane est quod observes) Romanos plus *Fortuna* quàm virtuti detulisse. Nam *Virtuti* serò admodum templum ab iis positum, non ante Scipionis Numantini tempora (id est post urbem conditam annis 600,) *Sapientia* verò, inquit, in hunc usque diem templum non habens (floruit autem is sub Trajano, post annum urbis 850.) neque *Temperantia*, neque *Tolerantia*, neque *Magnanimitatis*, neque *Constantia*. At *Fortuna* templa posita pene cum incunabilis Romana urbis, ac tantum non cum primis fundamentis. Primum illi dicavit Ancus Martius. Plura eidem extruxit Servius Tullius, qui regnum suum acceptum *Fortuna* tulit, eamque tam sedulo coluit, ut ad eam per fenestellam in illius domum descendere illi putaretur, teste eodem Plutarcho (p). Post hæc, oppleta penè tota urbs templis & aris *Fortunæ*, *Primigeniæ*, *Obsequentis*, *Privatæ*, *Publicæ*, *Reducis*, *Virilis*, *Mulieris*, loquacis scilicet illius *Fortunæ*, cujus simulacrum (si Valerio (q) fide, semel iterum loquutum est, & cultores suos laudavit. Omittio reliqua *Fortunæ* cognomina, tot enim sunt, ut cum *Capitolinæ*, *Laciali*, *Sponsore*, *Pisfore*, *Statore*, *Jove* contendat. Ipsi etiam *Mala Fortuna* aram in Exquilis positam restatur Plin. lib. 2. cap. 7. Imò ita Romæ culta *Fortuna*, ut quasi aliis suis ac talaribus depositis, & versatili globo adjecto, Romam sic intrâsse, ut illic mansuram, & sedem perpetuum habituram, dicar ibidem Plutar. Tanto etiam in honore hæc Dea, ut ejus simulacrum cum *Copiâ* & *Gubernaculo* fingerent, tanquam hæc & opes tribuat, & rerum omnium humanarum regimen obtineat, ut post Plutar. (r) docet Laët. 3. cap. 3. lib. 29. Nec à vulgo solum hæc *Lea* culta, sed ab ipsis Romanorum Principibus. Paulum Macedonicum liberos suos admonuisse declarat Luc. Flor. lib. 2. cap. 12. ut *Fortunam* cui tantum liceret, colant & revercantur: *Bruti* verò illa vox (licet eam ab *Hercule* accepit) fœdissima est viro & *Herculi* indigna, dignissima bruto. Is jam moriens, sibi que ipsi cruentas manus inferens, refert hæc Dio, lib. 47.) exclamavit, *O infelix virtus, cum Tu nihil aliud quam nomen esse, ego te item expertui cum tu Fortuna servias.* Pudet me verò L. L. Flori, quod lib. 4. cap. 6. turpissimum hoc *Bruti* dictum approbans, ait, *Quando efficacior est Fortuna quàm virtus? & quanta verum est*

est illud quod ille (Brutum intelligit) moriens efflavit? Verum? Imò tu vere mendax es & vanus. Quin & Romani Imperatores Fortunam auream in cubiculo servabant: eandem mirituri successoribus suis (boni omnis causæ) commendabant; quod ab Antonino Pio, & Marco Philosopho factum esse testatur Jul. Cap. in eorum vicis. Urbes quoque illi quasi tutelari deo apud Romanos dicant: Antium, ut liquet ex Horatio, qui Fortunam vocat, Di-
vam quæ regis Antium. Præneste item, ut declarat illud Sil. Ital.

— Sacrisque dicatum
Fortuna Præneste jugis, —

Unde Prænestina de Nasci dicta, lib. 6. Fast. &

— Prænestinæ mania sacra Deæ.

Ac ne quid Numinis Fortuæ deesset, Omnipotentia illi tributa est; & se ab Omnipotentia Fortuâ in illis sedibus locatum prædicat Evander apud Poëtam Æneid 8. Etiam sacra ei ut Omnipotentia per soluta sunt, vota, hymni, solennes preces conceptæ illi ac redditæ. Audi e Lyricum, cœcam istam & fatuam deam supplice voce sic invocantem, Od. 35. lib. 1.

O diæ gratum quæ regis, Antium,
Te pauper ambit sollicita prece,
Te dominam æquoris navita invocat,
Te Dacus asper, Te profugi Scythæ,
Urbesque, gensque, & Latium ferox.

Te regum matres, te purpurei metuunt tyranni; Seres iturum Casarem in ultimis or-
bis Britannis. Et quid singulos commemorem? En tibi apud Plin. l. 2. c. 7. integram phalangem, & numerum supra numerum, eorum qui huic Deæ thus adolent & suffitum, "Toro, inquit, mundo & locis omnibus, omnibusque horis omnium vocibus Fortuna sola invocatur, una nominatur, una agitur, rea, una cogitatur, sola laudatur, sola arguitur, & cum convivii colitur: huic omnia expensa, huic omnia feruntur accepta, & in tota ratione mortalium sola utramque paginam (secundarum rerum simul & adversarum) facit: adeoque obnoxii sumus sortis, ut sers ipsa pro Deo sit, sic ille.

Atque utinam hec malum inter Ethnicos solos inveniretur: Sed & in ipsum Dei populum irrepit. Audi Prophetam Isa. 65. 11. Obliti estis montem sanctum meum, & ponitis Fortunam mensam, & libatis super eam. Sic vocem: Septuaginta: sic & vetus Latina: & vocem Hebræam Gad, (quæ illic usurpatur) Fortunam significare observant docti (1). Lexicographi: sic quoque vertit, & vertendam esse sensu Hieron. comment. in eum locum. In eum aliis doctissimis (m) viris ita vertere place: ponitis turmam illi mensam, & instruitis libamen isti numero: quid ni quæso Fortuna, scilicet, tam longè laræque culta, una sit ex illa turmâ, & ex illa numero: Idolorum, quæ Judæos coluisse queritur Propheta, quæque digito quasi demonstrans, ait Illi turmâ, & Illi numero? Illa tanè Prophetæ verba, Ponitis mensam & libatis super eam, aptissime ad Fortunam referri & accommodari indicant rum Plinius, (qui loco citato Fortunam convivii colit solitam testatur) tum Hieron. qui ait, in cunctis urbibus, maxime in Ægypto & Alexandria veterem fuisse hanc idololatricæ consuetudinem, ut ultimo anni die mensam epulis instructam & poculum mulso mixtum Fortuna ponerent, & inde libarent. Si in cunctis urbibus, vide tu, an non & Hierosolymis læ mensa posita? Certe Hieronymus tam extra dubium ponit. Nam postquam illius idololatricæ Fortuæ cultus improbasset, subjungit hæc verba, Hoc & Israelitæ faciebant omnium simulachrorum portenta venerantes. Denique quam multi inter Chri-

1 Pagnin. For-
fic. in voce
Gad.
m Anglic.
translatio. Tre-
mel. & Fun.
Quod vero A-
rias Montan.
Frem inter-
pretatur, ni-
mis alienū est.

stianos

stianos quibus frequenter in malis inopinati occurrat illa Philestorum vox, *n An manum n i Sam. 6. ejus tetigit nos, an casu accidit?* aut illud Epicureorum, *Ecc. 9. 11. Tempus & Casus 9. omnis accidunt.* Ita scilicet pervasit universum genus humanum, & eorum mentibus infudit hæc opinio.

O curvas hominum mentes, & verè dementes, qui relicto vivente & vidente Deo, eam illam Deam in de'itiis habent! Pulchrè August. lib. 4. de Civit. Dei, cap. 18. *Si Fortuna cultores suos videt, & sic discernit ut proficiat; Fortuna non est: Sin caca sit, (ut est maxime) nihil prodest eam colere, quæ cultores suos nec videt nec discernit.* Adeone stupidos nos esse & verè stipes, ut mundum hunc Casu regi, & Fortuna ludibrio jactari putemus? An Deum ita ferum esse ac ferreum censēs, aut sic obduruissē, ut cum hæc omnia procrearet, & in lucem produxerit, ve'it tam pulchrā sobolem *Caca Domina*, imo novæ enutriendam, custodiendam, & gubernandam re'inquere? Non faciet An tu illum Struthioni avium omnium stolidissimo simi'em putas? *Excludit (o) ova sua, sed mox ex incuriā relinquit ea terrā, prouculcanda pedibus bestia: um.* Cave sentias. Ausculta potius Sapientis mō nito, Eccl. 5. 5. *Ne dixeris coram Angelo illo (ne apud te & cor tuum dixeris) Non est (p) providentia;* aut ut alii q'vunt, *Error est, seu casus quo hæc aguntur, Ne sic dixeris: ne Deus iratus contra sermones tuos, dissipet cuncta opera manuum tuarum: cūque illis ipsum te.*

o Feb. 39. 17.
Ec.

p Sic habet
vetus & vul-
gata Latina.

q Anglic.
transl. & re-
ta. ac fud.
r Com. in cap.
1. Ezech.

s Infidelem &
versatilem
Rotam vocat
Plut lib. de
Fort Rom. de
eadem. Titul.
lib 1. Versatur
celeri Fors le-
vis orbe Rotæ.
Et vulgissi-
mum est, For-
tunam Rotæ
insistentem
pingere, ut ob-
servant præter
alios Pier. lib.
39. in Circulo
& Alciat.
Embl. 98.
Pag. 505.

Lege & relege visionem illam apud Ezech. cap. 1. & 10. *pieturam* ut rectè Hieron. r vocat *divina Providentia*, quam ego sapissimè, néque unquam satis mirari soleo. Habes illic *thronum* excelsum, splendidum, igneum, inque *co. sedentem* *Ucum*, & velut è seculā defuper omnia aspicientem simul ac gubernantem. Habes etiam quatuor *Angelos*; (Cherubim vocantur, cap. 10.) sub formā quatuor animalium, & singulis quaterni vultus, & quaternæ alæ: quo significatur eos quaquaversum, & in quatuor orbis plagas respicere, ac Dei jussu celeriter ac alacriter capescere. Nec enim ad suum libitum vel eunt unquam animalia ista, vel redeunt. sed quocunque spiritus Dei agebat, aut amandabat, ibant, nec divertebant eundo: Eunt, redeunt instar fulguris, agunt, desistunt: sed hæc omnia, non nisi ad nutum magni illius Induperatoris. Habes postremò vivum specimen inferioris hujus & sublunaris orbis, magnam scilicet & mirificam *Rotam*, & in eā rotas alias non dissimiles. *Rotam* illam mihi vide, aspice, inspicere, circumspice; perlustra & perpende omnia serio atque diligenter. Non alia certe est, quam illa ipsa *Fortuna* (ut vulgus vocat) (s) *Rota*: quæ in altum evehere dicitur mox deprimendos, & vago ac volubili cursu versare hic singula ac rotare: ut *Sesostrem monuit regum unus ex quatuor, qui ei currum trahabant* referente Paulo Diac. (t) lib. 17. Sed vide sedulo, an cæca illa *Rota* sit, aut in ullam partem cæco impetu feratur? Non ita est: sed rotæ illæ omnes *circumquaq; plena oculis* sunt, plenæ illo qui totus ubique est, & totus ubique oculus est, néque circumagitur rotarum ulla, nec verò movetur in ullam partem, nisi quò spiritus Dei, qui animalibus simul et rotis inest ac præest, ducit, trahitve. *Euntibus ad nutum Dei animalibus, cuncta rota, sistens illis sistunt rota; cum se attollunt animalia, attolluntur simul rotae.* Ita animalia rotas, Deus vero ipse et rotas, et animalia quocunque, quodocunque, et quomodocunque vult, movet et flectit, gubernans omnia in omne ævum. Heu, quā languida, quā elumbia et planè plumbea sunt Poëtarum omnium figmenta, si ad hanc lucidam et verè *auream picturam* conferantur? Tu adolescens, amplectere atque intimo tuæ mentis sinu reconde picturam hanc, quod si facis (et te facturum confido) de *Fortuna* non erit quod quisquam te ulterius instruat, sed nec vel moneat. Abibunt illa omnia figmenta in fumum, et ante hunc so'em in *Nihilum* evanescent.

Verè dixi et signatè in *Nihilum*. Præit hinc mihi Lactantius lib. 3. divin. Inst. cap. 29. *Fortuna* inquit, *per se nihil est nec sic habenda est, tanquam sit in aliquo sensu:* Et iterum, *Scimus, inquit, nihil esse Fortunam.* Præit Imperator maximus et pietissimus Constantinus, qui Orat. ad cœtum sanct. cap. 6. iurabat eos qui res ullas casu ac fortuito evenire dicunt; additque, "Hoc Casus ac fortunæ nomen nihil habet essentia, quod vel in-

H h h

"celligentia.

u Laet. loco
citato.

2 Orat. prop.
Alaice.

y Lib. 8.

z Lib. 2. de
Nat. Deor.
pag. 60.
a Tract. de
Provident.

b In voce
Numenius.

“religentiâ, vel sensu percipi potest; sed solum est inanis quidam nominis commentitii
“strepitus, quo aures undique circumsonant. Præit Boetius, qui lib. 5. de Cons. Philos.
prof. i. ait, “Si quis eventum tenterario motu, nullâque causarum connexionem productum,
“Casum esse definjat, Nihil omnino Casum esse confirmo, & inanem vcc. m. prorsus esse de-
“cerno. Unde verò hoc in re *Fortuna* nomen? Indicat hoc tibi Lactantius; & dignum
quod observes: “Præus, inquit, (a) & subdolos ille spiritus insidiatur universis, & eos
“qui Deum nesciunt, errore impedit, stultitiâ obruit, tenebris circumfundit, ne possint ad
“divini nominis pervenire notitiam: illius perversi spiritus vim cum sentirent homines, no-
“menque ignorarent, *Fortuna* vocabulum sibi inane finxerant. En tibi juxta Lactantii
mentem, *Fortuna* (prout *Providentia* opponitur) non aliud rei, sâ est quàm *Dæmon*, & cul-
tus istius *Dæa*, verè cultus *Dæmoniorum*. Merito ibidem deridet Lactantius Ciceronis i-
lud lib. 2. de offic. “Magnam esse *Fortunæ* vim in utramque partem, vel secundas ad res,
“vel adversas, quis nescit? Nam & cum prospero ejus statu utimur, ad exitus provehimur
“opertos & cum reflavit, affligimur. Cui sic Lactantius: “Quis, inquis, ne cit? Ego
“verò nescio; debeat me si potest quæ sit illa vis, qui status iste aut reflatus *Fortunæ*?
“Turpe est hominem ingeniosum dicere id, quod si neges, probare non possit. Præit de-
nique hic ipse Aristoteles, qui lib. 2. Phys. c. 5. diserte ait, *Fortunam esse causam ut acci-*
dens, absolutè autem nihil. Consensunt hiæc omnes sanæ mentis Philosophi, & quicum-
que Deum verè agnoscunt. Nam si Deus sit sapiens utique est: Si sapiens, sine dubio sa-
pienter omnia, atque optimè disponit. Non ergo aliquid *Fortunæ* temeritati relinquit. *Non*
potest enim (ut rectè ait Orator (x)) *temeritas cum sapientiâ commisceri, nec ad consiliis*
Casus admittitur.

Quoniam igitur cum excitate *Fortunæ*, *Providentia Dei*, quæ suavitè atque optimè do-
minia disponit, consistere nullo modo potest, vide nunc quàm multi, quàmque citi viri pro
Providentiâ dimicent. Et quia cum Ethnicis mihi hæc res est, cumque illis, quæ utâ omni-
re, igne, in Ethnicos & Atheos degenerarunt, ego potissimum Ethnicos in hanc pugnam
evocabo: ex illis aciem instruam, ad impugnandum simul & repugnandum. Atque ut Ro-
mani, teste Livio (y) *in tres ordines exercitus suos distribuerant, Hastatos, Principes,*
& Triarios, itidem & nobis, tria hic militum agmina; sed pro *hastatis*, primam nobis pu-
gnam inibunt *Togati & Philosophi*, quorum quàm forte sit & d. nsum agmen nunc vide.

Inter anæsignanos, primus mihi Plato, quem *Philosophorum Deum* vocat (z) Cicero.
Deum ille non modò universorum curam gerere docuit, (ut præter Laert. Theod. testatur
lib. 5. hæc. (a) fab.) sed & lib. 5. de leg. firmam esse & immutabilem *Providentiâ* san-
ctiorem asserit. Quàm clara etiam illius verba apud Just. Marr. Orat. ad Genil. & An-
thenag. Orat. pro Christianis, *Magnus* (inquit ille) *Dux in celo Jupiter volucrum regis*
curram, exornans, ordinans, & curans omnia. Quæ verba de illo ipso curru cuius memi-
nit Ezechiel Platonem intellexisse, ex eoque accepisse, asserit Justinus. Plura adfert è
Platonis libris Theod. lib. 6. de Curam, Græc. assec. aitque *Platonem manifestissime osten-*
dere Deum rebus omnibus præsentem gubernacula orbis totius manibus tenere. Nec mi-
rum Platonem hæc & alia de Deo tam aperte docuisse, cum tam multa ex ipsis *Mosais li-*
bris & Prophetis hausisset, (quod etiam Theod. loco citato observat) ut *Moses altissimus*
vocaretur, teste Illust. (b) lib. de vitis Philosophorum.

Ex ejus scholâ Plotinus, qui *Omnia Dei Providentiâ sic gubernari docuit, ut eam ad ima-*
quaque pertingere, ad stercus ipsos & plantarum folia comprobaret: cui testatur Au-
gust. lib. 10. de Civit. Dei. cap. 14. quin & Plotinum, cum hæc, cum multa alia quæ citat, &
sacrarum literarum adytis compilasse ait Theod. lib. illo 6 nuper citato.

Chrysippus, Socratem sequens, “destinatur in querulos homines, quia Deum qui
“mundum administrat non permittunt sua sine reprehensione moderari: Idemque in his
“quæ sunt ac eveniunt, volebat unquam dici, Quis novit an sic, vel sic melius fieret aut e-
“venisset? sed sic semper dicendum esse censuit, Omnino melius id esse quod sit, quoniam
“aliter dispensatio melior, quàm divina præstiberetur: sic Chrysippus apud Cypri. lib. 5.

cont. Julian. vir doctrinâ tantâ, & in Dialecticâ tum insignis, ut plerique dicerent, si apud Deos Dialecticâ usus esset, non saturum aliam quam Chrysipum: ut testatur Laert. in ejus vitâ.

Seneca lib. de Divinâ Provid. cap. 7. Scio, inquit, omnia certâ & in eternam diâ lege decurrere. Sed quâ lege? quam scripsit, inquit, omnium conditor ac rector Deus. Idem lib. 2. Nar. quæst. cap. 45. Deum vocat Custodem rectoremque universi: ex quo suspensa sunt omnia, ex quo sunt omnes causa causarum: & iterum ibidem; Tu, inquit, Deum providentiam dicere rectè dices: Ille enim est cujus Concilio huic mundo provi-

detur, ut inconcussus eat. Adjungo his Poëtiū, Senatorem simul & Philosophum, arque in eādem cum Chrysip- po & Senecâ Stoicorum secta. Is jam exil, & exutus bonis omnibus per summam Theodo- rici Gothorum regis injuriam, se simul & alios assiduâ hac divinâ simul & philosophicâ, divinæ providentiæ mediatione consolari voluit, Quia utcumque hic turbari omnia viden- tur, & susque deque ferri, tamen ut ille ait lib. 4. metro. 6.

Sedat interea
Conditus altus,
Perumque regens
Flectit habenas,
Rex & dominus,
Fons & origo,
Lex, & sapientia
Arbiter equi.

Nec solum regit Deus, sed ut prof. 6. ejusdem lib. ait, ad bonum dirigit omnia ac dispo- nit: & usque adeo dicit Omnia, ut ei quoque mala bona sint, quia malis competentur, utendo, boni elicit effectum: ex quo fit, inquit, ut quævis mala in terris abundare cre- dantur, tamen si disponentem providentiam species, nihil usquam aliâ esse perpendas, Sic ille, & quidem verissimè. Nam ut docet Aug. Ench. ad Laur. cap. 11. " Omnipotens Deus, cum sit summè bonus, nullo modo sinit aliquid mali esse, nisi adde esset om- nipotens & bonus, ut benè faceret etiam de malo.

Hauerunt hi tres doctrinam istam de Providentiâ à Zenone Stoicorum omnium pa- rente, viro tantâ sapientiâ, ut eum Athenienses coronâ aurâ, & imagine æreâ honora- rent, urbisque suæ ac moenium claves apud ipsum deponerent, ut refert Laert. in ejus vita. Is Deum unum esse, eūque & mentem, & Fatum, & Jovem appellari, illiusque Providentiâ & mundum, & quæ sunt in mundo omnia administrari docuit, ut testatur idem Laertius.

Lucilius verò apud Cic. lib. 2. de nar. deor. phalangem integram argumentorum addu- cit in hanc causam, quam ita copiose tractat & ornare, ut non tam verborum flumine, quam rationum vi, lumine, ad pondere contradicentes obstruatur. Ex una parte exornat, ex pulchritudine & amantate, ex usu denique eorum quæ in mundo sunt omnium, tam for- titer ille & viriliter Providentiam adstruit; ut non differere tibi eam, subicere & manu te ad Providentiam Dei ducere videatur. Inter alia, duas adfert ad hanc rem aptis- simas comparationes: Si navigium (u) procul videas, per varios sinus & anfractus petra- rum, inter medios marium fluctus, & adversarium sepe ventorum flatum, suum cursum recta ad u- portum & constanter tueri; non poteris certe dubitare, etiam rectorem nullum vides, quin id arte, consilio, & ratione moveatur. Idem de hoc mundo sentiendum: cum tot, id est, tantosq; motus, & tantas vicissitudines tam mirabilem retum videas, quæ tamen omnes tatis ordinibus ad suum quæque portum inimitabili cursu & constantia feruntur. Est rectorem hujus magni navigii non vides, scito tamen debes magni illius & sapientissimi navigii consilio ac providentiâ tot tantosque motus gubernari, & ad portum dirigî. Iterum Sade-

¶ Ibid. p. 55.

monum (x) aliquam magnifice extructam ingressus fueris, eandemque legis genialibus simul & discubitoris, aut aëis, & asperibus versicoloribus, vasis Corinthiis, emblematis vermicularis, statuis ac imaginibus quæ Zeuxidis illas & Appellis superent, omni denique supellestilis genere ubique instructam & ornata inveniatis; an tu à muribus, aut mustelis, quas hic illic repentes aut discurrentes conspicias, vel ædificari illam domum, vel sic instrui censeas? Suspice nunc cælum tectum huius mundi; stellis ac sideribus cælaturum; intruere tro'es aquarum & montium, & totum hunc quem calcas terræ globum, herbis floribusque vestitum, auro, ære, gemmis & lapidibus gravidum, sylvis & arboribus velut capillis decorum: vide, inquam, an tu aut quisquam mortalium hanc tam amplam & augustam domum vel construere, vel tot tantisque opibus insinuere & ornare magis possis, quam mus aliquis aut mustela domicilium tuum, aut regiam Priami. Ille, ille inquam est, qui in excelsis sedens nostris oculis cerni non potest, qui & condidit hanc domum & instruxit, cujusque divinâ providentiâ & consilio hæc omnia & constituta sunt, & gubernantur. Maeste, Lucili, nec immerito ex tot tamque perspicuis Providentiæ documentis dicas, *Quid* (y) potest esse tam apertum, tamque perspicuum, quam esse aliquid nomen præstantissimæ mentis quæ hæc reguntur? Numenque; illud & dominatorem rerum vocat, & cum Ennio, præsentem ac præponentem Deum: additque Hoc, qui dubitat, haud sanè intelligo cur non idem Sol sit, an nullus sit, dubitari possit. Sic Licilius.

¶ Ibid. p. 50, 51.

Vidit agnovitque hanc eandem de Providentiâ Dei veritatem Porphyrius, licet is olim fuerit infensissimus Christianæ religionis hostis, ejusque adeo exosum & execrabile nom. n., ut in edictis Imperatorum profligatissimi quique hæretici, Porphyriani dicerentur; ut liquet ex dicto Constantini Magni apud Socr. lib. 1. cap. 6. & lege 66. de hæret. Cod. Theod. "Is postquam Deum ad utilitatem universi, & plenam ejus consonantiam ac decorum, tempora captare dixisset: hæc addit, "Quin & curator est omnium, & servator, & medicus. Quæ illius clarissima verba citantur à Cyrillo l. 5. contra (z) Julian.

¶ Sol. 42.

Quid verò, an hic Aristotelem, Philosophorum omnium principem si entio prætermittimus? Equidem ille mihi ante hos omnes, & sexcentos similes memorandus est. Sed ita fit, ut qui Coryphæus est, *ὁς δὲ πρῶτος* ante omnes, it, ille mihi agmen hoc Philosophorum nunc claudat. Hæc tavi diu fateor de illius in hæc causâ sententiâ ac mente: Idque ut nunc sentio in causâ fuit, cur in *Introduktionem* meâ ad *Metaphysicam*, neque cum scriberem eam, neque cum recognoscerem, ulla de hoc *Providentiâ* *Attributo* mentio à me facta. Erat mihi scilicet in animo, non alia Dei Attributa ille ponere, nisi quæ ex Aristotele haurire possem ac depromere. Et quia de *Providentiâ* utrum Aristoteles satis clare eam docuisset incertus fui, subduxi illinc (ut opinor) manum, neque vel verbo id attingere volui, quod ex Aristotele me probaturum esse tunc diffidebam. Hoc nisi in causâ fuit, nequeo satis mirari, aut conicere, quomodo hoc tam Lucidum *Providentiæ* *Attributum*, tam cognitum dignum, & planè necessarium, mihi verò ipsi tam sæpe ante oculos positum, & millicies decantatum, imò & manibus palpatum elabi posset aut effugare.

à Traët. de Provid. in princ.
b Pag. 50.
c Pag. 251.

Dubium verò me in hac re fecit Theodoretus atque aliorum auctoritas. Nam. Theod. lib. 5. hæret. fabul. (a) ita ait, *Aristotelis quoque providentiâ reprehendimus. Is enim Lunam limitem divinæ providentiæ constituit.* Similia habet Clem. Alexand. adhort. ad (b) gentes: ubi ait, *Aristotelem sensisse Deum esse animam mundi, ejusque providentiâ Lunâ definitivisse.* Athenagoras item Orat. pro Christ. (c) *Aristoteles, inquit, partes mundi inferiores nullâ providentiâ regi dixit.* Epiphanius verò sic, & clarius in suo compendio fid. Cathol. post hæres. 80. *Aristoteles, inquit, ea quæ supra Lunam sunt, divinâ Providentiâ regi, quæ verò infra Lunam sunt, extra Providentiâ esse, & latrone quidam temerariâ ferre dicebat.* Idem asserit Hesych. Milesius cognomento Illustris lib. de vitis Philof. (d) sed is & ætate (vixit post natum Christum annos 506.) & dignitate eis quos nominavi longè inferior: *Aristoteles, inquit, Deum incorporeum cum Platone asseruit, cujus providentiâ ad cælestia usque extendi putavit, terrestria verò consensu & conjunctione natura*

¶ In vita Arist.

tura

ura cum celestibus rapi agitarique. Omitto alios, & inter eos Just. Lipsium, qui hoc idem ut opinor sensit, cum *Aristotelem nec planè satù nec planè providentiam asserere* ait, lib. 1. de Const. cap. 18. Atque hì quidem omnes (ut ego certè judico) hauerant hoc à Diogene Laertio, qui in vità Aristotelis (e) *banc ipsam de Providentiâ opinionem illi attribuit*, & quidem eisdem ferè verbis quibus Hesychius.

e Pag. 272.

Nutare me hìc diu fecit (nec injuriâ sanè) tor tamque doctorum hominum autoritas, quibus ego tantùm tribuebam, ut sine ulteriori ullâ disquisitione, credendum illis & cendum censuerim. Nunc verò, postquam rem omnem mutuariùs ac diligentius expendi, jure mihi ac verè dicturus videor, priores omnes à Laertio deceptos esse, ipsum verò Laertium tantum tamque insignem Aristoteli fecisse injuriam, ut ei solvendo aut faciendo impar omnino sit.

Testis mihi primus ipse Clemens, qui *Deum, ab Aristotele, Animam mundi habitum esse* & *vocatam* asserit, loco citato: quo eodem modo & ante Aristotelem Thales, (f), ac (g) Plato, & post Aristotelem Seneca (h) aliique complures *Deum* appellant: verissimè quidem omnes, si deextrè capias. Nam ille verè *Animamundo* est, non *informans*. quidem, sed qualis est Nauta navi *assistens*. Dicant verò vel qui in Aristotelem iniquissimi sunt, an caput solum humanum (quod sensibus ac luminibus velut astris ornatum, instar cœli, est in hoc Microcosmo) an inquam, solum caput Anima regat & curet? an ei soli prospicit? an non & brachia dirigit, & manus, & tibias, & pedes, & imos pedum digitos, imò & ipsas vilissimas corporis partes? Idem igitur omnino ex Aristotelis mente facit in magno hoc mundo; *magna illa mundi Mens*: neque solum cœleste istud caput, sed supra, infera, summas, medias, imas, & omnino omnes partes curat ac suâ providentiâ gubernat hæc mundi Anima.

f ut testatur Athen. loc. cit. pag. 245.
g Cyril. l. 2. cont. Julian. pag. 12.
h Senec. lib. 8. Epist. 66. in fine.

Testis alter Lucilius Balbus apud Cic. lib. 2. de (i) Nat. deor. Argumentum illic adfert pro *Dei Providentiâ* ex Aristotele, quò & ipse Aristoteles (ut ait ille) usus. Petitum id est ex consideratione pulchritudinis ordinisq; hujus mundi, non cœli solum (quod oportuisset si providentiam Lunâ definivisset Aristoteles) sed terræ etiam, & marium, & nubium & ventorum, quæ omnia infra Lunam. Atque hinc ab Aristotele præclare hoc conclusum indicat, & esse *Deum*, & *hæc tanta opera illius esse*; ipseque Lucilius hinc concludit, (k) *Dei Providentiâ & mundum, & omnes mundi partes, & initia constitutas, & omni tempore administrari.*

i Pag. 83, 84.

k Pag. 76.

At ne deesse putes quos Epiphanius & Theodoretus opponamus, adhibeo duos alios testès, Lactantium & Photium Patriarcham. Ille lib. de ira Dei, cap. 10. postquam Socratem, Platonem, Pythagoram, Zenonem, & Aristotelem nominasset, subjungit hæc verba, *Est igitur Providentia, ut senserunt ii homines quos nominavi, cujus vi ac potestate omnia quæ videmus & facta sunt & reguntur.* Ecce sensitisse hoc Aristotelem testatur Lactantius, quem eloquentiæ Tullianæ fluvium meritò vocat (l) Hieronymus.

Photius, non solum errorem istum quem falsò Aristoteli impingunt, sed & erroris fontem (ut mihi quidem videtur) indicat: quare illius verba diligentius sunt expendenda. Is in suâ Bibliothecâ cap. 249. *eandem fuisse Pythagoræ, Platonis & Aristotelis mentem in hac causa* declarat, & eandem planè his omnibus sententiam attribuit. Jam Pythagoram rectissime de *Providentia Dei* sensitisse, (omnia nimirum quæ usquam sunt per eam gubernari,) testatur Lactant. lib. de ira Dei cap. 10. Platonis etiam sententia quàm hic vera, sit quàmque divina, ex iis quæ paulò antè diximus abunde liquet, & plura eaque clarissima pro divinâ Providentiâ testimonia ex Platonis libris citat Photius, cap. 251. ubi iterum Aristotelis cum Platone consensum testatur: quomodo igitur de Aristotelis sensu (qui cum his consentit, teste Photio) dubitare possumus? sed Photius disertè & apertè quænam fuit omnium in hac re sententia explicat. Enumeratis enim cœlorum orbibus, "Has, inquit, omnes partes providentiâ, firmâque ordinatione & divinâ quadam necessitate gubernari dicunt. Quæ verò infra Lunam sunt, quatuor causis attribuunt, "Deo, fato, nostro consilio, & fortunæ, Et exemplum subjiciens, de tribus reliquis, (nam

l Epist. ad Paul. rom. 1.

Fatum illic idem quod Natura) *Navem*, inquit, *conscendere est in nostrâ potestate*, sicque consilio nostro regitur: *Procellam serena calo oriri fortuna est*, quia istud nobis inopinatum: *Navem vero mersam, præter spem conservari, divinâ sit Providentiâ*. Ita Photius, qui Aristotelem cum Platone & Pythagorâ sic docuisse testatur.

Dic nunc, an vel Aristoteles, vel illi providentiam Lunæ finibus terminârunt? An non eam mare, & procellam respicere docent? An non in hoc naufragio conservationem navis, & qui in eo vehuntur omnium, divinæ Providentiæ liquidò ascribunt? Sic nimirum illi senserunt, Deum suâ Providentiâ non minus sublunaria regere, quàm cœlestia: sed alio hæc, illa alio modo regere: Cœlestia *inmediatè* (ut sic dicam) gubernat suo nuru, sic ut in illis nihil omnino consilio nostro, nihil fortunæ relinquit; imò nec ipsi naturæ, si naturam capias pro vi illâ (qualis inferiorum omnium est), quâ frequentur ac ut plurimum, sed non semper eodem modo res eveniunt. In illo multiplici ac mirabili cœlestium orbium motu & ordine nihil consilium humanum, nihil fortuna, nihil natura, (eo quem dixi sensu) sibi vendicat: totum illud quantumcunque est, quod certè est maximum, totum inquam Deo, illiq; soli debetur. Secus in sublunariis. Regit hæc quoque suâ Providentiâ Deus, sed sæpissimè non sine mediis quibusdam & mutabilibus causis, quæ velut ancillæ Providentiæ interveniunt. In plurimis *Natura* quod suum est præstat; sed ita præstat tamen pedissequa Providentiæ divinæ, quæ est naturæ author. *Fortuito* etiam eveniunt multa, quæ quia nobis sunt inopinata, fortuita dicimus, & sic Photio teste dixerunt Plato & Aristoteles; sed & hæc omnia prævisa Deo, & certissimo ordine disposita. *Concilio & arbitrio humani* sunt hic alia, sed sic ut ista divinæ Providentiæ subsint atque ancillentur. In hisce tribus sublunarium eventuum generibus Aristoteles (quod Philosophum decuit) *secundarias* quidem has, & Deo ministrantes, sed tamen *proximas ac proprias* rerum causas memorat, *Consilium* in eis quæ cum ratione geruntur; *Naturam* ubi causa rei certa est, & definita; ubi ea incerta & inopinata, *Fortunam*: *Supremam* verò illam, & ut sic dicam, *Imperantem* causam, cui hæc omnes subsunt & subserviunt, quia remotissima est, et his omnibus communis, non omisit quidem Arist. aut ignoravit, sed ut præcognitam, et virtute istis omnibus inclusam accepit. Quoties verò naufragium imminet, aut grandius aliquid discrimen, quod

y Plato aperte
in Epist. ad E-
rastum & Co-
risum, videtur
nescio quo mo-
do, Patrem &
Filium offende-
re ex scripturis
Hebraicis. Clem.
Alex. pag. 666.
z Porphyrius
exponens sen-
tentiam Plato-
nis, dicit usque
ad tres subsi-
stantias divi-
nam substanti-
am progredi.
Cyril. lib. 1. fol.
9. Similia ha-
bet ex Hermo-
te, & Orpheo,
fol. 89.

Natura, multoque magis *Fortuna* vires superat, quodque *Consilium* humanum in stuporem vertit, quia hic est dignus vindice nodus, nec alio vindice quam Deo; amat hic Deus, et solet, velut manum suæ Providentiæ nobis è cœlo porrigere: ideo hoc Providentiæ Aristoteles ascribit; non quia illa in solo hoc, sed quia hic *κατὰ θεον* cernitur et eminet.

Hanc verè fuisse Aristotelis mentem testatur (ut vides) Photius: et quamvis Photius nullus monuisset, quemvis tamen (modò doctus sit et æquus) facile assensurum non dubito. Nec illud te jam turbet, quod à tam multis magnisque viris diversa, imò diversa planè sententia Aristoteli tribuitur. Non hoc novum est, nec in hac solâ causâ. Nam eodem ipso cap. de Hebraicis. Clem. clarat Photius (quod ego hic obiter observatione dignum censui) *Aristotelem & Platonem uno consensu docuisse animos immortales esse: quævis* (inquit Photius,) *alii altam Aristotelis mentem non intelligentes, mortales esse animos eum docuisse existimant.* Idem omnino et hic factum; nam certè Laërtius qui reliquis in errorem dux, *ἐκ τῆς αἰδοῦς & τοῦ*, ut elegantur ait Photius, *altum hic & profundum Aristotelis sensum non penetravit.*

Postremus mihi testis, et omni exceptione major est ipse Aristoteles. Is lib. 7. Polit. cap. 9. Deos honorandos & colendos statuit: et l. 1. Topic. c. 11. docet, *eum qui Deos colendos negat, non verbis, sed verberibus refellendum: neque argumentis, sed flagris castigandum.* Deos, inquit, dicit; non Deum. Certè, Sed id, vel pro capta vulgi ac more, vel (fas mihi ita opinari) ad sensum longè sublimiorem, et à doctissimis inter Ethnicos receptum, qui cum tres divinas substantias per nebulam tantum, et obscurè viderent: quandòque unum quandòque plures, illos dixerunt esse Deos: quod de Platone (y) testatur aperte Clem. Alex. lib. 5. Strom. et de Tri megisto, Orpheo, et Platone (z) docet Cyril. lib. 1. contr. Julian. Sin mavis eum ex vulgi mente loquutum, certè tamen cum colendos Deos ait, Deum Opt. Max. maximè omnium intellexit. Nam et si in Deorum nomine et cultu errori vulgi cedit et indulget,

indulget, ipsum tamen non nisi unum Deum agnovisse, tam clarum est, quam meridie so-
lem lucere. Nam Deum & Primum (a) vocat, & alio: *omnium* (b) *causam*, & (c) *in-*
finitum, tum lib. 8. Phys. tum lib. 1. & 12. Metaph. Si *primus* sit, certe & unicus; nam
primum non nisi unicum esse potest, cum alia omnia præter ipsum, secundo, tertiove loco
numeranda sint. Si *alia omnia ab ipso*, ipse ergo unicus, quia ipse solus à nullo. Si item
infinitus, etiam sic & unicus; nam ut ipse docet, lib. 1. de Cael. cap. 7. *Infinita plura*
esse non possunt. Verè igitur de Platone simul & Aristotele canit Prud. Apotheos. 3.
cap. 6. & lib. 12. Metaph. cap. 7. *vocat Deum Primam substantiam: & Principium ac Primum en-*
tium vocat, ibid. cap. 8. b *Deus tum causa omnibus esse videtur, tum principium quoddam*. lib. 1. Me-
taph. cap. 2. c *Nam primum movens (ut ille ait) aeterno motu, infinitoque movet*, lib. 8. Phys.
cap. 10. *in fine*. At *Finitum infinito in tempore movere non potest*: ut ait cap. eodem: & iterum.
lib. 12. Metaph. cap. 7.

— Concludunt Numen in unum.

Sed quis Aristoteli melior interpres quam ipse? Ipse verò lib. 10. Ethic. ad Nic. cap. 2.
& postquam multa de Diis honorifica commemorasset, ad extremum se explicans, *Deo uni-*
us illa accommodat, & concludit, quare Dei operatio præcellens beatitudine, est contempla-
tiva: quasi antea, per *Enallagen Numeri*, Deus pro Deum dixisset. Hunc jam unicum
& summum Deum uti virtute præditum non dicat (d) Aristoteles, quia id minus est quam d. Dei virtus
Deo dignam, cum ille virtute omni præstantior sit, ut ille rectè ait; Ita etiam non vult nulla: præ-
tium laudandum dicere, ut virum virtute præditum laudare solemus; sed ut præstantiorem flantior enim
rebus omnibus laudabilius, honorandum censet, lib. 1. Eth. ad Nic. cap. 12. honorandum omni virtute
verò non alio certè quam divino cultu. Quare colendum hunc Deum etiam supra omnes Deus. lib. 2.
deos, sine dubio sensit Aristoteles. Frustra autem colendum censuisset, nisi eum nos, & quæ mag. moral. 6.
hic infra Lunam sunt, videre ac curare; frustra rogandum, nisi nobis providere, frustra 5. & lib. 10.
terram, maique interpellandum, nisi eum & pericula arceis, & bonis nos afficere persuasif-
simum habuisset Ethic. ad Ni-
com. c. 8.

Præter quam clarè docet Arist. & Potentiam Dei & Bonitatem infinitam esse? de
Potentiâ habes non verba solum ejus, sed & rationem, lib. 8. phys. cap. Ibid. cap. 6. 10. *Deum*
ab æterno, & infinito motu cælum movisse asserit: at impossibile est, inquit, cap. eodem
10. *Ut quidquam quod finitum est infinito motu moveat*. Dei igitur actio (quantò magis
potentia?) est infinita. Ipse igitur infinitus. Quod idem clariùs docet lib. 1. de Cael.
cap. 7. ubi sic ait, *Id cuius vires infinita sunt, infinitum est & ipsum*, & 12. Metaph. c. 7.
ubi itidem ait, *Nihil finitum infinitam Potentiam habet*. Sunt igitur vires Dei infinitæ, cum
infinita sit illius actio. De Bonitate (quam Deo inesse Aristoteles clarissimè docet, cum
eum optimum vivens appelleret lib. 12. Meta. h. cap. 7. par est omnino ratio. Nam si Po-
tentia finita inesse Infinito non potest, itidem nec finita Bonitas. Quomodo enim utrum-
vis inesseret? Non parti illius; nam quod infinitum est, idem est & indivisibile, ideòque par-
tes nullas habet. Quare & Deum, quia infinitus est, indivisibilem rectè ponit Arist. lib. 8.
phys. cap. 10. & 12. Metaph. cap. 7. Toti verò Infinito finitam Potentiam aut Bonitatem
inesse impossibile est; quia finitum infinitum implere non potest, cum finitum ad infinitum
nulla sit proportio, ut ille rectè ait lib. 1. de Caelo, cap. 6. Atque hinc etiam est quod fi-
nitum pondus posse ei quod est Infinitum inesse diserte negat, cap. eodem 6. Quod si non
finitum pondus, certè neque finita Potentia, neque finita Bonitas, neque finitum quidquam
inesse Infinito potest. Par est enim omnium ratio. Quare cum Deus ipse juxta Aristote-
lem infinitus sit, itidem est & illius Potentia & Bonitas. Quam verò absolum est, eum
qui hæc doceat, voluisse Dei Providentiam Lunæ finibus terminare, aut ullis omnino limi-
tibus arcere? Nam si inferiora hæc & sublunaria non curat, vel impotens est, ut non
possit; vel improbus, qui cum sine molelliâ possit, nolit ista curare. Cum igitur ut cælam na-
tæ & demonstrantem Aristotelem audeamus, & infinitam esse Dei Potentiâ, ut facillimè ac
nullo

nullo negotio possit, & infinitam etiam esse illius Bonitatem, ut libentissimè curare hæc velit, possimulne purare eum voluisse Providentiam Dei. Lunâ finire? cur non potius faciamur quod ex his planè consecutaneum est, sensisse eum, infinitâ Dei Sapientiâ, Bonitate, ac Providentiâ, universum hoc, & omnes illius partes regi atque gubernari.

Mittamus consequentias, quæ nonnullis argutæ videbuntur. Audite expressa Aristotelis verba, & valde sanè luculenta, pro *Dei Providentiâ*. An non clarum tibi illud videtur, lib. 2. *Mag. Moral. cap. 8.* ubi ait, *Deum talem esse dominum, ut bona malaque meritis distribuat?* Non illud item clarum, lib. 7. *Eth. ad Eudæm. cap. 14.* “Deus (inquit) est in universo, & vicissim cuncta in illo: moventur enim omnia ab inexistente nobis numine? An non hæc liquidò demonstrant ipsius mentem hanc fuisse, Deum non videre solum & curare res humanas & actiones, sed justâ lance eandem trutinare, expendere & respondere, & providentiâ suâ singulos singulorum gressus gubernare. Quid verò & tibi illud videtur, lib. 3. *Phys. cap. 4.* ubi recensens opiniones antiquorum de Infinito, ait, “Eos omnes docuisse, Infinitum esse principium rerum, idque ingenitum atque æternum, etiam coninere ipsum omnia & gubernare dicunt? Quod si tu hanc veterum fuisse sententiam putes, non Aristotelis, cedò vel unum locum in omnibus Philosophi scriptis, ubi ipse hoc vel verbo refellit. Imò verò lib. 8. *Phys. cap. 6. & 10.* apertè probat, Infinitum verè esse principium, idque æternum: etiam illo ipso cap. 4. *Phys. cujus memini*, palam sese veteribus hic assentiri indicat, cum ait, *Veteres posuisse hoc Principium cum ratione*: & ipse rationem ibidem subiungit. Illud verò quod habet Arist. lib. 12. *Metaph. cap. 10.* clarum esse, & invictum pro *Dei Providentiâ* testimonium, scio non ibis inficias. Docet illic *Mundum hunc universum, velut exercitum unum esse*, in quo duplex ordo: Omnes enim hujus exercitus partes, & ad sese invicem ordinem habent, & ad bonum ducis ordinantur simul omnes. *Nam unum* (inquit) *omnia coordinata sunt*, (vult autem Deum) nec cœlestia solum intelligit, sed & *natantia, & reptilia, & ipsas plantas* ibi nominat. Ita sublunaria hæc ordinari atque gubernari ab uno principe, & ad bonum illius principis, clarè asserit; quin & eos, qui hæc à multis ducibus regi putant, malè ista gubernari vel'e ait; *Multorum enim principatus*, inquit, *non est bonum*. Digna verò sunt observatione quæ habet Aquinas in quæst. disp. quæst. de Providentiâ art. 3. ubi tractans hunc ipsum Arist. locum, ita ait: “Quidam dixerunt solum incorruptibilia gubernari à Deo; hæc autem corruptibilia posuerunt vel omnino absque gubernatore esse, vel à contrario principio gubernari. Quam opinione Aristoteles lib. 12. *Metaph. reprobatur*, per similitudinem exercitus; & concludit quòd necesse est ponere in universo unum dominatum. Sic Aquinas; disertis (ut vides) verbis asserens, atque demonstrans, eam ipsam opinionem ab Aristotele refelli ac refutari, quam Aristoteli falsò acscripsit Laetius, & post Laetium alii.

Sed & adhuc clariora vide ex Aristotelis libro de Mundo. “Vetus, inquit, fama est, & quidem hereditaria mortalium omnium, universa à Deo & per Deum nobis esse constituta, neque ulla natura per se sufficit orata salute quam ille fert: aut (ut vertit Apuleius) *orbata Dei auxilio*. Quid verò aliud hoc tibi sonat, quàm quod ex Arato, poetâ Echnico, docet Apost. (e) “In ipso vivimus, movemur, & sumus? Iterum, “Deus, inquit, sine dubio parens est & conservator omnium quæ in mundo conficiuntur: non quod labores sustinet, quales Animal, quod labore fatiscit & deficit, sed quòd s'viribus sit indefessis; *vel ut vertit Apul.* “quod infatigabili quadam providentiâ cuncta gubernat. Iterum, Deus, “inquit, summam & principem adeptus est sedem,

— *Residetque* (ut poeta ait) *in vertice cæli.*

(Videras tu iridem ex Ezech. folium ejus excelsum esse, & supra firmamentum) “corpus verò i li proximum, ejus virtute magis fruitur; deinde id quod conequitur, eademq; dispositionis ratio in omnibus usque ad nostra loca servatur. Vide, “In omnibus, & ad nostra loca; sic ut divinum numen ad omnia transeat, & pro ratione propinquitatis ad illud, vel longinquitatis, majorem aut minorem capiant utilitatem. Paulò post ait, “Deum summo in loco constitutum esse, (vel ut vertit Apul. majestatem suam retinere sedentem

“in

in alio loco) sed virtutem ejus in universum orbem diffundi. Iterum, Deum universi procuratorem habere, & omnia ab una vi dirigi asserit: Eundem Deum celi ac terra moderatorem vocat, quod sic vertit Apul. "Mundi Universitas regitur, dum specularatur ad omnia rector ejus, & immutabiliter incumbit. Præterea Deum vocat "præsidem fulgurum, tonitruum, sereni sudique celi, ætheris, fulminum, imbrium, fructuum, urbium, militiæ, "authorem salutis, libertatis, ac rerum omnium. Eundem ait Zena, id est, Vivificum dictum, quia per ipsum vivimus: *Æsan*, id est, *æi* *son*, quod eodem sit, & sempiterno statu: *Saturnum*, quia ex seculo sine carente in seculum regit: *Necessitatem*, & *Fatum*, quia immortale & ineluctabili ordine, quem nulla vis vincat aut rumpat, connectit omnia: "Parcasque ait in Deo sua pensa nere, & filia omnia ducere, ex quo sit ut eorum filium recte & ordine ducatur. Hæc inquit omnia, nihil aliud sunt nisi Deus, ut apud Platonem est divinitus scriptura. Audi ad extremum aureum illud & Deo dignum elogium: "Quod est, inquit, in navi gubernator, in curru auriga, in civitate dux, in exercitu imperator, hoc idem est in mundo Deus. Poterâne quisquam *Dei Providentiam* clariùs eloqui, aut prædicare? An tu quidquam uberius à Philosopho, penè dixi à Theologo, expectes aut desideres? Quam nervosa verò hæc? quam illustria? quam Aristotele digna? Illud imprimis de *Auriga*, quo Deum significat (ut Plato, & ante utroq; Prophetas Currum inferioris hujus orbis, Currum inquam illum & *Fortuna* quam dixi *Rotam*, consilio suo ac nutu dirigere. Nec minùs clarum illud de Imperatore, scilicet ille *Deus exercituum* & est, & vocatur, cui militantes merent creaturæ omnes, qui singulis suam stationem, & sua cuique munia assignat, Ac si verum id sit, quod a nonnullis de Mithradate, & Philippo Macedone fertur, tantum eos suorum exercituum notitiam ac curam habuisse, ut "ille nominatim milites omnes suas ad gregarios usque compelleret; Hic non militibus solum, sed & laxis, & calonibus qui ei ad impedimenta, imò jumentis ipsisque asinis pabulum procuraret: nefas certe est, de hoc optimo maximo Imperatore dubitare, quin ille & omnes celi stellas & omnes aeris aviculas, & omnes terræ vermiculos, & omnes marium omnium arenulas de facie sciat, et nominatim compelleret; nec coelestia solum ac sublimia curet, sed hominibus, jumentis, et bestiolis omnibus prospiciat; neque solum pabula eis, sed quæcunque singulis ex usu esse videt procuraret.

Non sum nescius (ut alios taceam) à Lud. Vive in sua de Aristotelicis libris censurâ, vocari in dubium, an libellus hic de Mundo verè Aristotelis sit. Conjecturâ, quæ contrâ afferuntur, non magni certè momenti. Neque enim, ut ille opinatur, *comptior est & floridior stilus, quam Aristotelis esse solet*: et à lativitiâ omni (quam objicit) tantum abest, ut nullibi Aristoteles gravitatem magis spiraret, et modestiam, Nec majorum virum conjectura illa, quod à Laertio nulla hujus libri inter Aristotelis scripta sit mentio. Nam meminit certè Laertius, et post eum alii, Epistolarum quatuor Aristotelis ad Alexandrum. Hunc verò libellum de Mundo, *Epistolam ad Alexandrum* vocari, testis Stobæus, qui sic eam ipse indigitat: quidam igitur hæc ex illis quatuor una? *At habet, inquit, liber iste dictionem & præfationem, quod in germanis Aristotelis operibus non est invenire*. Imò est invenire. Præfatur enim in libris Metaphysicorum; et dicavit Rhetorica sua Theodecto, et Ethica alia quidem filio suo Nicomacho, alia verò Eudæmo; etiam et alium de Rhetoricâ librum Alexandro dicavit, et præfationis vice Epistolam (quæ etiam nunc extrat) unâ misit ad Alexandrum, in quâ et summis ipsum laudibus ornât, et ad illius libri lectionem hortatur. Quod idem factum ab Aristotele in quamvis aliis libris (et si Epistolæ illæ perierunt) omnino non est dubitandum: præcipue verò in illis de Historiâ Animalium, quos ut conscriberet, Alexander non solum auctor ei fuit, sed magnificentia suâ planè regiâ, ut alacriter id ac diligenter præstare posset invitavit: missis f. ad Aristotelem, eisque donatis octaginta talentis, id est, si ad nummos nostros revoces quindecim mille libris. Atque ut neutrum horum usquam a libi fecisset Aristoteles, quàm leve hoc est suppositum libelli indicium? Quis enim vel illi, vel scriptori ulli præscribat, quando libris suis præfandum sit quando illi aliis dicandi? An non in arbitrio tuo hoc esse vis, cum tu quid scribis? An non et Aristotelis

fP. Melanc.
in vit. Arist.
& Lud. Vi-
res loco citato.
gTalentum At-
ticum (quod
Hebraei talenti
dimidium est)
valet ex no-
stro nummo
187. lilras, 10.
solidos. Edw.
Brewwood. l. de.
pond. & præ-
tius nūn mer.
cap. 4.

etiam arbitrio id linquendum erat? Quod si libellum hunc verè Epistolam ad Alexandrum fuisse (quod Srobæus te modò monuit) memineris, non poteris mirari aut inscriptum illi ac dicatum esse, aut tam multa de laudibus tanti Principis eidem intexa. At illud saltem suadeat, "quia tam plenis buccis in hoc libello laudatur divinus Plato, quod Aristotelem (qui Platonem tam infensus, ubique esse solet, quemque in Platonem recalcitrasse fabulatur Laertius) fecisse nolunt credere. Imò hoc eos turpius errare indicat. Nam etsi in paucis aliquot amicis ab eo dissentit, nec sine quadam reverentiâ, certè tamen Platoni non erat infensus (b) Aristoteles, nec illius gloriæ unquam invidis. Imò tantopere ipsum & amavit & coluit, ut ad quadragesimum usque ætatis suæ annum, (id est plus quam viginti annos) audierit ipsum, eique adhaerit; sciens non posse nisi multorum annorum curriculo exhaustiri doctrinam tanti magistri. Quin & ob illius reverentiam atque honorem, non modò viro Platone scholam aperire ipse noluit, sed & illi mortuo, aram posuit, amplissimis magistris sui laudibus inscriptam; ut, inter alia, unus iste versiculus satis indicat,

Nulla ferent talem secula futura virum.

Nulla ferent talem secula futura virum. *ousque audacia proceperunt, ut & scripta suorum præceptorum depravarent, quo magis viros inter se pugnautes exhiberent. Photius in sua Biblioth. c. 251. p. 1382.*

Ut videre licet apud Hier. Gemusum, & Phil. Melanct. Aristotelicæ vitæ descriptores. Quod verò Iust. Lipsius libellum hunc ab aliâ esse, eaque meliore magisque celesti aura opinatur quàm Aristoteli afflavit, fessellit certè Criticum istud *xerñeov* neque vel genium Aristotelis vel ingenium admiratione, imò *horrore dignum* (sic cum Augustino (i), loquar) aris atrendit.

1 Aug. 1. 9. confess. cap. 6.

Sed fruuntur illi suis conjecturis. Li. eat mihi Themistio assentiri viro sagaci, & in Aristotelicis scriptis tam versato, ut eo non de vultu solum aut stilo, sed intus atque in cure nosset: quemque ob summam in Philosophiâ scientiam, *Prætura dignitate & insignibus decoratus Constantius Imperator*, ut ex ipsius lege liquet. Cod. & Theod. Neque huic soli, sed Philopono, & plerisque Græcis interpretibus assentiri liceat, quos una cum Themistio, libellum hunc ut Aristotelis prolem agnovisse testatur ipse Vives. Liceat antiquiori adhuc, & his omnibus præstantiori, Justino Martyri simul & Philosopho, assentiri, qui Orat. ad (i) Gent. *Aristotelem esse huius libri auctorem* testatur, ex eoque verba quædam Homeri ab Aristotele citata (quæ verè in hoc extant) commemorat. Ac ut alios inferioris notæ prætorum, adijungo his Bessarionem Cardinalem, Comitum Mirandulanum, Dominum Plessensem (m), & doctissimum Hier. (m) Zanchium, quibus idem est de hoc libello. iudicium cum Justino, Themistio, Philopono, reliquisque Græcis interpretibus; ut de primis agnoscat ipse Vives loco citato, & de postremis liquet in ipsorum libris. Præ istis, si contrâ appendas Criticum seu Philologum unum alterumve, quàm leves illi, quàm nullius ponderis videbuntur? Quare meritò jam conclusurus videor, Aristotelem, cujus tot tamque illustria testimonia jam accepimus, insignem esse & supra omnes Philosophos hos divinæ Providentiæ non testem modò, sed præconem.

1 Leg. 12. de Prætor.

2 Loco citat.

3 Pa. 45, 46.

m Lib. de veter. Relig. c. 3. n De oper. Dei 1. 1. part. 1. c. 3. q. 2.

Secundum nunc sequitur agmen: ingens planè; constatum enim ex omni gente, exque omni hominum genere, conditione, atque ordine; qui omnes pro hac summi Imperatoris dignitate & Providentiâ magis quàm pro aris & focis dimicant. Meritò. Nam ad hoc & nati sumus, & sumus, ipsaque naturâ duce quo primùm hanc lucem die aspeximus, ad hanc militiam sacramento adstricti omnes. Nec quisquam, nisi planè excors sit, pugnam hanc unquam detrectet, Ego ex tam numeroso exercitu, novus hinc consul, delectum faciam, & ut Principum hoc agmen sit, & tot qui catervatim se & confertim ingerunt Principes, solum neminabo; nec hos tamen omnes, sed nec ex millibus unum.

Ante omnes, & meritò, maximus quem adhuc orbis vidit Monarcha, Alexander ille Magnus. Scripsit is librum de Providentiâ, in quo, ut est apud Cyrill. lib. 2. cont. Ju'ian, ita inquit, *Quod 1 eius eorum quæ hic sunt curam nolit gerere, à Dei naturâ alienum est; invidi enim hoc fuerit. Quod rursus non possit, Deo prorsus indignum est. Quia ergo utrumque*

trumque horum alienum est à Deo, relinquitur Deum & posse, & velle Providentiam eorum quæ hic sum gerere. Regia planè vox: Et vel hinc agnoscas cujus ille discipulus. Agnosce itidem vel ex discipulo, quâ illûm, & quàm divinâ doctrinâ Aristoteles imbutum orbi dedit & instructum.

Sequitur hunc Ethnicorum pontificum princeps Hermis: quem tanto in honore Egyptii habuerunt, ut in Deorum numerum referent. Et verè sequitur hunc Magnum, licet ipse terminus maximus cognominetur, maximus scilicet Philosophus, Sacerdos & Rex Is in Asclepio quem in manibus habemus, ita ait cap. 2. *Omnium quæ in mundo sunt ipse gubernator est, qui est omnium effector Deus.* Aut si de hoc Asclepio ambigas, habes eadem, ferè apud Cyril. lib. 2. contr. (o) Julian ex genio (ne dubites) Trimegisti Asclepio; Una, inquit, est Deo gloria facere omnia, & hoc est opus Dei. Plurimum verò & impiè in Deum peccant, qui tribuunt ei vel Desipientiam, vel Impotentiam. Sic ille: qui Deum & fecisse & curare omnia liquido, ut vides, docet. Nam si fecisse eum neges, Impotentia; si non curare dicas Desipientia & ignavia DEUM incusas, idq; Hermete iudice proterviter nimis ac impiè.

Offert se verò hic & alter Rex, Policrates, Samiorum; cui inter Græcorum reges nullus, ut ait Herodotus, comparandus. Res ei omnes adeo feliciter succedebant, ut in omni vitâ adversi nihil sentiret. Amasis Egypti Rex, amicitia illi ac fœdere junctus, fortunam tam benignam & blandientem, quasi intelicis exitus prænunciam, valde sibi displicere Policrati significat: Suadet ut quod plurimi æstimer abjiciat, ut ex eo damno dolorem aliquem sentiret ac moerorem: Factum est. Erat ei gemma signatoria: maragdus, pretii quantivis: hanc ille, ut rem sibi charissimam auro inclusam gestabat. Navem conscendit quinquaginta remorum: provehitur in medium pelagus: Gemmam inspectantibus omnibus projicit in mare: Tristis moerensque renavigabat: Ecce quinto sextove post die, piscator, quidam grandem & solo Rege dignum piscem capio: Ad Regem (gratiam apud eum initurus) adducit, Regi ostendit, donat: Dum ministri piscem rescindunt, in ejus alvo Policratis gemmam offendunt: citi ac lætabundi ad Regem perferunt. Quis hic obsecro, non bonæ Fortune litandum putaret? Aliter Policrates: Rem gestam in libellum retulit, & missis ad Amis. n. literis, divinitus id sibi evenisse prædicat. Omitto quæ post sequuta sunt: quomodo Amis, ne amici sui casum quem mutuebat, lugeret, amicitia; atque hospitii fœdus cum eo solvit: quomodo (quod prædixit Amis) terra & rege indigna mors, morsque triplex, non diu post insequuta est. Nam & cruci suffixum, & imbre sic lotum quasi mersus esset, & ardore solis sic tostum, ac si igne perisset, memorant. Hæc tibi unum nunc adnoto, non Fortune, sed Divino numini ejusque Providentia, eventum hunc (quo vix credo fortuitum magis illud dixeris) à Policrate tributum esse: quæ cuncta fusiùs legas apud (p) Herodotum lib. 3.

Ex Historicis, duos habet: sed qui inter principes etiam sunt, & verè palmares. Dio Cassius prior est, vir & doctrinâ, & prudentiâ, & nobilitate insignis: Nam & viro Consulari natus, & ipse bis Consulatum gessit; & Prætor Africæ, Dalmatiz, ac Pannoniz præfectus est. Narrat is (q) Brutum & Cassium (quod memoratu certè dignum) iisdem ipsi quibus Cæsarem interfecerant gladiis periisse: miserum item reliquorum qui in imperatorem conjuraverant exitum (r) declarat, quorum nemo sicca morte obiit, ut docet (s) Suetonius: Brutum illum hic dico, qui jam moriens, Fortune tantum tribuerat, ut antè monui, cujusque fœdissimam vocem laudavit L. Florus Audite nunc Dionis de hac re judicium, lib. 48. Ita, inquit, & Justitia postulabat, & Deus voluit eos interire, qui virum ad id virtutis progressum, ac insuper benefactorem suum (Cæsarem vult) occidissent. Ecce Justitiæ, atque Providentiæ divinæ i. lud & rectissimè, tribuit gravissimus simul ac prudentissimus Historicus, quod cæcitati Fortune tribuendum censuit Brutus, & post Brutum Florus.

Plutarchus alter est, vir & nobili prosapi. natus, & Trajano apprime charus à quo & Consul factus est; & nulli (ut ego opitor, in Historiis secundus. Is in libello suo verè aureo, quem Consolationem ad Apollonium post filii illius obitum inscripsit, "Exclamatio n. illas, "Non oportuit eum adhuc adolescentem abire, inanes esse, & à magnâ sapientia proficisci" declarat. Non enim, inquit eâ lege in hanc vitam venimus, ut et nos leges præscribamus;

quem colunt
Phenecata Cic. l.
3 de nat. Deor.
pag. 130.
o Fol. 14.

P Pag. 174.
175, & 206.

q Lib. 48. in
prim.

r Lib. 47. in
fine.

s Suet. in Jul.
Cæs. cap. 88.

sed ut eis obtemperemus, quæ decreta sunt ab universi gubernatore Deo, & constituta à
fato & providentiâ. Et paulo post, obijcienti sic Apollonio, "Oportuit me illius patrem
ab i. s. funerari fateor, inquit, ita naturam nostram ferre, sed alia ratio est Providen-
tiæ omni gub. rantis: atque ex hoc esse dicit, quod ille, licet juvenis, ante nos ex hac
mortalivita ad æternitatem egressus sit, tanquam à convivio abiens, priusquam in erro-
rem aliquem ex temulentia incidere. Simi iam quam multa in illius scriptis, artem, &
ferè passim omnia.

Inter Medicos, audi eorum principem Galenum, licet Ethnicus is fuerit, & religionis no-
stræ derisor. Is dum singulas humani corporis partes, venas, nervos, & arterias speculatur,
earumque structuram simul & usum seriò; expendit, & scientiam Dei, Bonitatem, & admi-
rabilem Providentiam ob stupefcens, lib. 3. de usu part. sic erumpit in ejus laudes; "Com-
pono hic prof. etò Canticum in laudem Creatoris nostri, quia invenisse, inquit, quo pacto
hec omnia ornarentur, summæ Sapientia; f. cisse verò omnia quæ voluit, Potentia; ac
Virtutis invictæ est.

Etiâ ipsæ scæminæ, quæ Amazonas omnes longè superant, ultro se in hoc certamen in-
gunt: Sibyllas dico decem, quas singulas recenset Lact. lib. 1. Inst. divin. cap. 6. *Deum
ille & unicum esse, omniscientem atque omnipotentem prædicant*, teste Just. Martyr. qui
earum verba recitat. Eundem Deum rerum quæ hic eveniunt curam habere, easque omnes
suâ Providentiâ ita gubernare docet, ut & *ventus u. compescat, & morbos & languore
depellat, & vitam conservet*. Imò quæ miris ab illis prædicta Jesu Christi filii Dei, Ser-
vatoris nomen, disertè exprimunt in suis Acrostichis, quod recitat Constant. Magnus in Orat.
ad cæt. sanct. cap. 18. & August. lib. 18. de Civit. Dei. cap. 23. de quæ eo prædicunt, quod &
"quinque panibus & duobus pisciculis quinq. hominum millia in deserto satiaret; quod a
"pis & colaphis cederetur, coronâ & spinea indueretur, felle & aceto potaretur, im-
"mundarum faucium salivâ derurparetur; quod velam à Temeli scinderetur, & medio
"die per tres horas tenebris terra operiretur; quod tertiâ post die à mortuis resurgeret,
"quod denuo ad judicium cum tuâ sonitu veniet. Judicium mortalium & omnium
"quos & pulvere f. & tenebris mortis excitabit. quod supremo illo die Sol obscurabitur, &
"Luna ac Srellæ non dabunt lumen suum quod celi, & terra, & maria conflagrabit; quod
"non facta solum mortalium omnium, sed & diâ, imò & arcanas mentium cogitationes
"in apricum Deus profert; quod bonos inexplibili gaudio, impios uerò igne tartareo &
"supplicis infernalibus afficiet. Hæc si quisquam clarissima esse divinæ Providentiæ indicia
non sentiat, stipes ille ut sit necesse est, sin sentiat, stupore potius & admiratione quàm voce
Providentiæ Dei & Sapientia prædicet; cum videat hæc tam multa, tam miranda ab
hominibus Ethnicis, idque sexcentis g. aut mille. h. annis antequam evenirent, prædicta
fuisse. Nec dubites eventurâ, quæ adhuc expectantur, cum videas evenisse quæ tam longo
antè tempore prænunciatur. Una etiam ex his, cum esse Baby'one nata, & Beroſi Chal-
dei i nobilis illius antiqui Historici filia, sese tamen Erythræam nominatum i i prædixit,
ut declarat k Lactantius. Et licet Erythræ civitas si prope insulam Choïs (at liquet ex
I. P. olonæo) longissimè à Babylonæ dissita, ita tamen reipsâ evenit. Nam & sic vulgò jam
vocatur & olim Apollodorus, ipse Erythræus, hanc suam fuisse civem dixit, eandemque
Gratis Ilium petentibus excidium Trojanæ urbis prædixisse affirmat, uti docet m Lactantius,
Atq; hæc sane quæ citavi omnia habentur, partim apud Just. Mart. & Augustinum, partim
apud Lactantium, et Constantinum Magnum. Quæ si quis Sibyllarum nomine, ab eis qui post
Christum vixerunt, conficta fuisse suspicetur eundem ex Varrone. Cicero, aliisque, qui
genuinos Sibyllarum libros ipse viderunt, & ut maximi pretii thesaurum custodierunt, quique
antequam hæc evenirent, obierunt, refellit tum Lactant. lib. 4. cap. 15. tum Const. Mag-
nus in illâ sæpius citatâ oratione ad cætum sancto. cap. 19. Nec est cur dubites hæc à
19.) Priscus regnari cepit, ann. 63. ante Christum natum, Helv. in Chron. h. Sibyllæ Erythræa vixit ante
Trojanum bellum. Lactant. loc. cit. Troja eversa an. 1180. ante Christum natum Helv. in Chron. i Just.
Mart. Orat. ad Gent. pag. 77. k Lact. l. 1. cap. 6. l Ptol. tab. de Asia m Lact. l. 1. cap. 6.

Sibyllæ

Orat. ad Gen-
tes pag. 57.
u Sibyl. apud
Lactant. l. 4.
cap. 15.
x Apud La-
ctant. cap. cit
y Lib. eod. c. 18.
z Ibidem
a Lib. eod. c. 19.
b Ibidem.
c Lib. 7. cap. 10.
d cap. 23.
e Sibyl. i A-
crost. apud Con-
stant. & August.
f Apud La-
ctant. l. 7. ca. 20.
23. & 24.
g Libyl. in A-
crost.
h Ibidem.
i Ibid. & apud
Lact. l. 7. ca. 23.
j Sibylla Cur-
ma a vivit tem-
pore Tarquinti
Prisci Lact. l.
1. c. 6. (Super-
bum pro Prisco
ponit Geld. l. 1. c.
19.) Priscus regnari cepit, ann. 63. ante Christum natum, Helv. in Chron. h. Sibyllæ Erythræa vixit ante
Trojanum bellum. Lactant. loc. cit. Troja eversa an. 1180. ante Christum natum Helv. in Chron. i Just.
Mart. Orat. ad Gent. pag. 77. k Lact. l. 1. cap. 6. l Ptol. tab. de Asia m Lact. l. 1. cap. 6.

Sibyllis, licet Ethnicis hominibus, & dici potuisse & prædici. Nam quod impio isti Mago Balaamo contigisse scimus, ut is non sua, sed quæ suggessit illi Deus verba, eaque sola proloqueretur; idem Sibyllis (quas *Magas fuisse sentit* (n) *August.* usu venisse testatur Justinus Martyr Orat. ad Gent. "Nam (o) quoties hæc aut similia prædixerunt, eas (ut *Balaamum*) divino instinctu afflatas, agitatas, & attonitas, fuisse; avascente vero instinctu illo, non varicinandimodo vim, sed & dictorum memoriam illis evanuisse dicit.

En vero, ne quis segniter se in hoc bello gerat, adest & eminet in mediâ turmâ, cum suâ quam olim pater illius Apollo ei dono donaverat lyrà, ipse Orpheus;

— *Quis non præstantior alter,*

Ære cedere viros, Martemque accendere cantu.

Deum ille Rectorem Mundi discretè vocat; eumque non solum bona mortalibus, sed & bella & luctum, & adversa immittere ait; cujus ipsa verba habes apud Justinum Mart. Orat. ad f. Gentes, & fusiùs apud Clemen. l. 3. Strom. f. & Cyrill. l. 1. contra (r) Julian.

Venio nunc ad Poëtas, quorum licet densum hic agmen, ego tamen eorum principes solum citato, *Homerum & Maronem*. De *Jove* agunt. Certè. Sed non de *Cietensi* illo Saturni filio; non de *Jove Arcadio*, si io *Ætheris*, cujus meminit Cic. lib. 3. de Natu. Deor. (i) non de illo eorum, quos trecentos Varro commemorat, teste Tertul. (s) verè enim *Joves* isti omnes *Vesjoves* sunt quia (u) juvare nec sciunt: n. e. queunt. Sed *Jovm* illum velunt quem Plato magnum *Jovem* dixit: & ideo magnum sicut Achen. orat. pro Christ. (x) ait ut discernere celestem *Jovem* à terreno, ingenitum à genito: Illum quem Homerus *Ipsum Deum* vocat *Ipsissimum verum significans Deum*, ut di. èntis verbis ait Just. Marr. orat. (y) ad agentes: & Cyril. lib. 1. cont. (z) Jul. illum quem Augustinus indicat lib. 5. de Civit. Dei. c. 8. *Jovem*, inquit, quem summum Deum esse putarunt, *Fatum* vocant. Illum quem Arist. *Zhva* dictum ait, quia in ipso vivimus: Illum quem Aratus f. Poëta, cum de Jove dixit,

A Jove principium: &c.

Jovis omnia plena, &c.

Illius genus sumus. Quo *Jovis* nomine non alium quàm verum Deum significatum esse, testis est exceptione major Apostolus Act. 17. 28. 29. Hunc illi unicum & verum Deum *Jovis* nomine intellexerunt, & ut scitè ait Tert. lib. ac f. cap. 4. In *Jovis* nomine Deo nostro testimonium reddiderunt. Nam ut ait Minut. *Fœ* ix in dialogo qui inscribitur Octavius, cum cum *Jovis* nomine appellant, in nomine falluntur, sed de re & unâ summâ potestate consentiunt. Quamquam & hoc ipsum *Jovis* nomen, (si res seriò spectetur) non ut vulgus (a) putaret solet, à *Juvando* ductum esse, sed ab Hebræo *Jab*, vel *Febora*.

Neque hoc ego solus senserim, sed unâ mecum (b) Forsterus, (c) Avenarius, & Marinus, viri in Hebræis valde periti. Nec abs re, ut opinor, senserunt. Nam vocem Hebræam *Febora*, *Jab* legi posse docet Hier. Com. in Psal. 8. Deum verò Græcis *Jov* vocatum esse Diodorus Siculus testatur, qui sic Moysi Deum nominari dicit. Jam vox *Jov*, vel *Jabo*, Latinis ita eac regulariter in *Jovis* aut *Jabois* vertenda esset: sed duarum f. l. a. barum in unam contractionem frequentem apud Latinos esse, præsertim ubi origo vocis Hebræa demonstrat *Jehoshua* in *Jyskua*, *Jahacobi* in *Jacobi*, *Jhucæ* in *Juda* contractione. Eodem sanè modo pro *Jovis*, aut *Jabois*, Latini contractè dicunt *Jovis*, nisi Euphonix & auribus inservientes consonantem v. inserere, sæpe illi e. casu esse: sic ab *αἰὼν* *Ætrum* ab *ἀόρη* *Æternus*, à *ἄλως*, *lato* dicunt; pari omnino jure hic pro *Jovis* & *Jovem*, *Jov* à *Febora* mutatus & *Jovem* dixerunt. Et quidem hanc vocem *Jovis* antiquitus rectum ealum fuisse declarat Varro lib. 7. de ling. Latin. (e) Nunc inquit, in consuetudine est dicere pro *Jovis*, in quo lexico in *Jupiter*, & pro *bovis*, *bos*; cujus Nominativi vestigium etiam adhuc cernere est, cum voce *Harab*. *Jupiter* *Disjovis* vocetur & *Jovis* pater, (unde per contractionem vox ipsa *Jupiter*) uti apud Aul. Gellium. lib. 5. c. 12. & alios videre licet. Sed redeo Poëtas,

n Aug. 8. 211.
de Civit. Lei.
cap. 6.

o Pag. 78.

† Pag. 56

† Pag. 675 &c.
se. 19.

r Fol. 6.

f Pag. 129.

t In Apol. c. 14.

u Eum qui cu-

randi potesta-

tem non haberet

Vesjovem appel-

larunt, Gel. l. 5.

cap. 12.

x Pag. 246.

y Pag. 57.

z Fol. 7.

† Arati verba

extant apud

Clem Alex. l. 5.

Strom. pag. 663.

a Onomas.

Prop. nom. à

Contrad. Ges-

ner. solle. l. 1.

in voce Jupi-

ter: aliq.

b In suo lexico

Heb. in voce Fe-

kova.

c Gent. Jovem

à Febora mutus

au sunt Aven.

d In sua Arca

Noë.

Vide imprimis quid de hoc magno Jove canat Maro Æneid. 1.

*O qui res hominumque Deumque
Æterni regis imperiis, & fulmine te res.*

Idem ut nostri Ilium ab Argivis eversum, & in cineres versum memorat. Tu fortassis Helenam, aut Paridem istarum calidum auctores cogites: audi divini Poëtæ judicium Æneid. 2. Ilium sic alloquentis,

*Non tibi Tyndaridis facies in visa Lacerna,
Culpatisve Paris, verum inclementia divum
Has everit opes, ferus omnia Jupiter Argos
Transulit.*

f Sigon. l. 3. de
occident Imper.
an 453.
g If. 10. 5. Jer.
51. 20.

An verò aliter Ille suorum fratrum individua ac perfidia in Ægyptum venundatus? non vos sed Deus me in Ægyptum misit. Sci icet privatae omnes ac publicae clades, si ad originem primam trahas & fontem ab eo; & verissime ab Euripide dictæ sunt *Δηλαπί*, immissa ac coelitus à Deo nobis investæ. Nec aliter Atti'a homo spurcissimus & pernicies orbis, flagellum f Dei dictus est, quam olim Assyriorum tyrannus, *virga Dei g & malleus* nominatur. Deus etenim est, qui per hos dissipat gentes, & destruit regna. Et quamvis eorum neuter hoc sibi proposuit neque in animo suo cogitavit (se Dei flagellum esse) sed prædari ac depopulari gentes non paucas; tamen nisi populum per istos suo brachio castigeret Deus, non occidere, quid dixi occidere? non summo digito attingere, nec vel attollere in quemquam suam manum magis possent aut ipsi, aut innumerabiles eorum exercitus, quem cadere quemquam potest in animis hæc virga aut bacillus.

h Psal. 75. 8.
i Ivid.
k Jer. 25. 28.

Poëtam alterum habe Homerum: qui verè hic si usquam *Homerus*: lege & perpende, quæ ille de Jove narrat Iliad ultimo — *Δοιοὶ γὰρ τε πιδει* — &c. Duo scilicet magna hinc adstari *J. vi dolia*: è dextrâ sanitatem, divitias & omnia vitæ commoda; ex altera morbos, ærumnas, ac adversa omnia ab Jove coelitus dimitti, & pro suo arbitrio misceri, ac velut longa spathâ mortalibus effundi. An tu figmentum hoc figmentum putas? Non est. *Miscet h enim certè Deus & dispensat poculum cuique suum.* Poculum illud quaecunque sit, velut à benigno patre sibi porrectum, accipiant libenti animo & hauriunt quibuscunque ille charus est, & quicunque il i. Alii fremunt quidem ac tumultuantur, & vel de manu Dei excutere il um calicem, vel disicere in pulverem, & dispergere, manibus pedibusque laborant & luctantur: frustra. Nam vel inviti ebibent, & quidem *feces* i ejus, *Nam si k remanent accipere poculum è manu tuâ bibendum, dices illis, Sic ait l eius exercituum, Omnino bibituri estis.* Quid deinde videtur tibi il a precatio, mihi fateor sæpius usurpata, quam ex Homero citat in Alcibiade Plato,

l O Rex Jupiter,
da bonis que
bona sunt, si
rogemus illa, si-
ve non rogemus:
Quæ vero mala
sunt depelle, e-
tiam si illa vel
maxime flagi-
tamus.

l Ζεῦ ἑσπέρει τὰ μὲν ἐλθα καὶ εὐχομένοις καὶ ἀνέγκτισ
ἀμμι δὲ καὶ τὸ δεῖναι καὶ εὐχομένοις ἀπαλεῖσον;

An hoc Ethnici tibi vetum videtur? An tu magis sanctè aut sapienter quidquam postules, quam ut bona tibi Deus largiatur, rogatus, non rogatus: quæ verè mala tibi futura sunt ac noxia, ea etsi ardentè flagites, avertat ac propulset? Dic nunc ingenuè, potèstne his illustriora divinæ Providentiæ documēta desiderare. Pudeat certè Atheos hujus ævi, qui tam arguti videri volunt in suis, quos vane nimis et ve'ut per cuniculos texunt contra Deum ejusque Providentiā, dissertationibus; cum eandem tam liquidò tamque constanter ipsi Ethnici non proficiantur modò, sed propugnent; videant vero ne olim et isti exurgunt contra eos.

Adduco jam legionem tertiam et ultimam, sed duram, ferream; quamque (ut olim Rómāni unam ex suis) verè *fu'minationem* dixeris. Scio factum istorum hominum et quam pecu-

petulanti sine ab indomito ingenio. Obgannient enim adhuc Deo, & quæ pro illius Providentiâ adducta sunt, aut verò adduci à quoquam possunt, pro ludibrio habebunt cuncta, & in cachinnos verteat. Caveant verò, si tanto fulgore veritatis vinci nolint, ne fulgure tandem & fulminibus adigat vel invitos Deus, ut eandem, licet serò nimis, agnoscant & profiteantur. Habent præ oculis exempla, & illustria certè, & non pauca, quibus moniti sapere discant. Inter primos *Julianum*, quo tertius magisque Deo simul & hominibus exosum animal orbis vix vidit. Ludus ei ac jocus fuit, non solum *Galilæos* (sic per contumeliam Christianos vocabat) trucidare ac mactare; sed & Deum ipsum, & sacrosancta Dei eloquia rodere, & pro ludibrio habere. Quod non solum execrandi illius libri plus satis indicant, sed & illud dignum Atheo responsum, cuius meminit Sozom. lib. 3. cap. 17. Nam cum Apollinari libellum aureum, (quo veritatem divinam graviter & discerere contra Gentiles, defenderat) legisset; ille deridens ista omnia, Episcopis illius ævi scripsit in hunc modum: ἀνέγνω, (1) ἔγνω, κατέγνω ad quæ illi modeste simul & sapienter recriperunt, 1 Legi, intellexi, condempnavi. Ἀνέγνω, ἀλλ' ἔγνω, εἰ δ' ἔγνω, ἔκ ἀν κατέγνω quæ pari venustate ac elegantia vix Latine reddas. Vide nunc an tot in Deum scommata impune tulit? annon de celo ille tactus sit? Vix biennium in imperio compleverat (nam triennium illi falso tribuit (n) Socrates cum in Persas bellum gerens, hastâ in eo prælio percussus, & leihuli vulnere sauciatus est. Sed à quo? Certè à nemine hostium; ut recte probat apud Sozomenum (o) Libanius. An ab aliquo Christianorum, ut calumniatur Libanius? At illis alia mens, alia disciplina fuit: *Christianus nullius hostis est, nedum Imperatoris* ut præclare ait (p) Tertullianus. Et norant illi, contra Reges scutum, non gladium, sumendum esse. A quo igitur? Indicabit tibi Calistus, homo ipse Ethnicus & satellites Juliani, qui illum à demone transiitum fuisse testatur apud (q) Sozomenum: sed à quocunque ictus, certe vindictam Dei Apostatam insequentem efficit; & quidem pede non claudo, uno ore docent Greg. Nazianzenus, Theodoretus, Socrates, Sozomenus, alique. Neque hoc Julianum ipsum perlaruit, sed vel invitum agnoscere coactus est. Nam, qui Galilæorum (r) sanguinem diis sacris voverat, si victor rediret; idem suo ipsius sanguine manum jam implens, eumque in ærem (quasi herbam Deo dâ et) projiciens, exclamavit, Vicisti Galilæe. Ita simul & victriciam confessus est, & blasphemiam evomuit, ut ait (s) Theodoretus. Neque victus ille hoc uno modo: Nam, neque Corpus illud infamè sepulturâ condidit in Deum, sed ut ait (t) Greg. Nazianzen. æstu vehementi abreptum atque absorptum à terrâ, præludium fuit futuri supplicii: & infelicem Apostatam animam ad Tartareas Phlegetonis penas deturbavit, ut ait idem (u) Gregorius:

*Hunc Pater omnipotens dissipat fulmine ad umbras,
Pallentes umbras Erebi, noctemque profundam.*

Monitor illis aliorum, Galerius Imperator, quem Maximinum ubique vocat Eusebius. Infolens ille contemptum divini Numinis contempit. Mitto reliqua flagitia, hoc unum tibi ex (x) Eusebio memoro: Brant acta quædam insulsa & plena blasphemiarum, de Pilato & Christo conficta. Acta ista per omne imperium divulgari, & publice in contemptum Dei ad omnibus legi, ipsi etiam pueris per ludimagistros tradi; & memoriâ teneri mandavit Galerius: Factum ita est; & in summam Dei contumeliam, æneis tabulis ea insculpta ridebantur ab Ethnicis ubique omnibus, inque scholis personabant. An hæc credis impune à vide hic quoque iustitiam Dei & providentiam, atque obstupescere. Sicut ille Dei nomen patere voluerat apud omnes; & cultores Dei bestiis objecerat, oculos eis eruerat, & omni cruciarum genere miserrime vacaverat; idem & ipse bestiis pabulum factus est, & vermibus inguina illi miserum in modum depascentibus exesus; oculi etiam exierunt, & cæcæ dimiserunt: corpusque totum apostemate, tumoribus, ulceribus purulentis & fistulosis, ac putredine ita fractum est & debilitatum, ut non modò foedum ac horrendum, sed etiam viden-

1 Legi, intellexi, condempnavi.
m Legisti, sed non intellexisti: nam si intellexisset, nunquam condemnasset.
n Soc. l. 3. c. 18.
o Lib. 6. c. 1.
p Lib. ad Scap. cap. 2.
q Lib. 2. c. 18.
r Hier. in Chron. 366. Orf.
s l. 7. c. 30.
t Lib. 3. hist. c. 25.
u Orat. 18. quæ est de laud. Alaban.
v Orat. 2. in Julian.

x Euseb. l. 9. hist. c. 5. & 7.

“videntibus exhiberet, sed tam lechiferum factorem exhiberet, ut ne medici quidem eum
 “ferre possent, quos ille idcirco crude iter interire mit. Atque hæc omnia vindice numine ecce-
 y Euseb. l. 8. litus ipsi contigisse, non solum Eusebius y declarat; sed & Galerius ipse, serò licet,
 hist. c. 17. § 1. agnovit; cum palinodiam ad extremum canens, se contra verum Deum frustra pugnasse, id-
 1. de vit. Const. que jam experientia comperisse professus est, ut testatur idem & Eusebius.
 c. 50, 51, § 52. Exemplum aliud habent in Valeriano Imperatore, qui sicut Galerius, execrandus etiam
 2 lib. 1. de fuit divini numinis contemptor, & cultorum Dei carnifex. Illi datum est os (ut ait Diony-
 vit. Const. c. 52. sius a Alexandrinus) magna loquens & blasphemans. Sed & ille irâ Dei tanquam fulmine
 a Apud Euseb. dejectus est, ut diuerte loquitur Constantinus Magnus b in epistola ad regem Persarum.
 lib. 7. cap. 9. Et ut clarius in eo, velut in speculo, Providentiam Dei conspicias; pari omnino passu in-
 b Apud Euseb. secuta est eum vindicta numinis. Proculcaverat ille, idque indignis modis cultores Dei: Ip-
 lib. 4. de vit. se itidem barbari hominis & superbi Tyranni pedibus conculcatus est. Nam Sapores Per-
 Const. c. 11. sarum Rex (a quo erat in bello captus) quoties equum conscenderet, Valeriani incurvati
 c Lib. 7. cap. 22. dorso ac ceruice pro suppedaneo subsellio usus est, ut testatur c Orosius. Ille cultores
 d Const. in Dei, ipsumque Deum derisui habuit, & pro ludibrio. Ipse itidem purpurâ ac (d) diade-
 Orat. ad cæ- matic induitus, Saporis ad pedes, & scutelli vice inferiens, ludibrio apud omnes fuit,
 sum sanct. c. 24. & in ore omni populo, & in hac infamâ ac ignominiosâ servitute consensit, ut idem te-
 e Lib. 7. hist. statur Orosius. Ille cultores Dei quasi lanius mactavit, evisceravit, & in frustra dissecuit,
 cap. 9. ut declarat e Eusebius. Ipse itidem carnificis altorius ac Ianii manus sensit, cum jussu Sa-
 f Const. in poris excoatus est, & sale conditus: Sempiternum (ut pulchre ait Constat. f Ma-
 Orat. in cætu gnus) & infortunii sui & Justitiae divina Trophæum. Verissima opinor in eo nunc agno-
 sanct. cap. 24. sces Senecæ verba, Quod fecit patitur, Autorem scelus repetit, suoque premittitur exemplo
 g Oros. loc. cit. nocens. At ejus exemplo g sapere didicit illius filius Galienus: discant utinam &
 alii.

Innumeri ex hoc Regum ordine adduci possent. Nam ut personæ ipsorum, ita & ex-
 empla, eminent. Ideoque à pluribus observata sunt, & literis tradita. Et amat profecto
 Deus ex his quos maxime suspicere solemus & debemus, aliis omnibus documenta dare: &
 singulorum statuis monitum illud insculpi vult, quod suæ in cripsit Sethon Aegyptiorum Rex,
 2 Pag. 142. teste Herodoto lib. 2. (a) In me quis intuens pius esto: nimirum vel pietate meâ, vel (si
 b Lib. 1. c. 8. ego impius) supplicio moriendus. Sed sunt tamen & in aliis complura, quæ illos monere
 de miraculis. possunt & debent, exempla.

b In voce Da- Daphidæ post Val. b Max. meminit Illustr. l. de Vir. Phil. c Homo is fuit totus ex
 phidæ. disertiis & convitiis compositus: nullum non lacescebat, non Attalo regi repercit, cui ob
 id valde invisus. Sed ne à diis quidem inguam temperavit: Pythiam aliquando adiit;
 ibi Apollini, & quia majorem ille Deum non agnovit, in Apolline Deo ipsi, illudere voluit.
 Sciscitantur homo petulans an e quum esset reperturus, Responsum accepit, brevi reperturum.
 Ille ridens abiit, responsum omnibus vulgavit: multis sannis & convitiis Deum proscin-
 dens, quia equum ille neque habuerat, neque amiserat. Accidit brevi post, ut Attalus
 (quem ille toties provocaverat) eum nactus sit. Rex præcipitem de rupe dari jussit. Lo-
 ci autem nomen, unde ille deurbatus, erat Equus. Ita & equum quem meruit, repe-
 rit; & serò nimis didicit, neque Reges, neque multò minus Numen, probris ac convitiis
 impune lacescitur.

En verò Coryphæum ipsum & magistrum nostrorum omnium Atheorum, vere senti-
 nam & cloacam vitiorum, Scurrarum dico & Apostatam Samosatensem Lucianum; qui pri-
 mis eis hanc scholam circa Trajani tempora aperuit; quisque tam effreni insolentia De-
 um ac divina omnia supponebat; ut in Atheorum cognomen, illius nomen jam abie-
 rit, & ab eo Luciani, aut Lucianiste, merito nuncupentur. Pro nugis iste ac a-
 nuum fabulis habebat sacra eloquia: Prophetas, & Apostolos, præstigiatores, & imposto-
 res: Christum ipsum de palo suspensum sophistam, rabido ore & blasphemâ voce
 spurcissimus nebulo nominabat. Videat illius sectatores, qualis & quam belli hominis disci-
 puli sint. Videant etiam quam feliciter hæc suo magistro cesserunt. Paucis illud indicat
 Volæ-

Volaterranus, qui cum divinâ ultione à canibus dilaniatum narrat. Sed referam ego id, Suida veris: "Lucianus inquit, Samosatenus, cognomento bla phemus, maledicus, atque inauspicatus, ac potius impius, divina oracula pro ridiculis iudicat. Initio concinnator fuit Antiochiæ, quæ res cum ei male celsisset, se ad scriendum contulit. Discerptus à canibus interiit, cum rabiem suam contra veritatem exercuisset, sique furoris sui & in hac vitâ iustas pœnas dedit; & in futurâ, æterni ignis cum Satanâ hereditatem cerneret. Sic de eo Suid. Hujus si exitum perhorrescunt, discant mature execrandam illius doctrinam simul & mores detestari.

Dignum verè hic memoriâ & il'ud est apud Josephum l. 12. Antiq. c. 2. Erat Demetrius Thalerius vir doctus valde, & regiarum bibliothecarum præfectus, qui in eis se tum habere circiter ducenta missia, sed brevi quingenta millia librorum habiturum, regi (d) dixit: d Cap. citat. in initio. Quæsit ab eo Ptolomæus Philadelphus (apud quem ille in magno honore) qui factum sit, ut tam admirandarum legum & rerum quæ in sacris literis traduntur, nec Historicus ullus nec Poëta mentionem fecerit? Respondit (e) Demetrius "neminem ausum ea attingere, quæ e Ibid. in fine. constaret divina esse & omni veneratione dignissima: etiam punitos esse quosdam à celesti Numine, qui illa temerè attrectassent. Theopompum enim volentem quædam suis scriptis inferere, mente motum fuisse: Theodectæ item Poetæ, cum in quadam tragediâ vellet aliquid è sacris libris admiscere, oculos glaucomate suffusos caligasse: sique affectus mansisse, de nec exorato ab utroque Deo, & ille mentem, & hic visum recepisset. Sic Demetrius.

Ultimam verò vel hinc cavere discant Theodectæ nostri & Roscii, qui, abjecto omni pudore simul ac metu, Alchymistas pessimos agentes, aurum in scoriam & sacra ac divina in ludos vertunt & jocos; nec usquam tam facerj sibi videntur ac lepidi, quam cum Deum ejusque eloquia maxime atque argutissime subsannant. Bene certè est, quod non Athenis & apud Areopagitas causa illis agenda sit. Illi Protagoram "in exilium ejiciendum ejusque libros omnes publicè cremandos statuerunt, non aliâ de causa, quam quod librum ita oriret, de Diis, sint necne, nequeo statuere, ut testatur (f) Laërtius. Idem Stilponem, quia Minervam Deum esse negasset, & rem in jocum vertisset, quia Dii inquit mares ta Lib. 9. in vita Protogoræ. sunt, at Pallas fœmina, solum vertere coegerunt, teste eodem (g) Laërtio. Quid facerent g In vita Protogoris nostris & Stalponibus, qui etsi verum Deum agnoscant & profiteantur, eundem Stilponem, tamen derisui ac ludibrio omnium exponunt, ejusque eloquia, nonnulli illotismantibus vel tangenda, in theatro orbis pedibus conculcant, proteruntque? At pulchrum est, plausu excipi, & audire, Qui habet salem, qui in Te est. An & illud etiam non pulchrum, quod verissimum olim experientur; Non relinquet impunem, qui assumpserit nomen suum in vanum? quanto minus si in profanum? si in convicium et ludibrium? An et illud quodque non pulchrum, quod derisoribus et sannionibus dicit ipse; Ego quoque vos ridebo & subsannabo, cùm advenerit quod exparescitis: cùm irrucrit in vos angustia, & calamitas vestra tanquam turbo adventaverit? An quia silet ad hæc Deus, et quasi surdum agit, latere hæc eum putes? aut non curare? aut illorum oblivisci? Ne ccgira. Conniver ille paulisper, non dormitat: Diem pœnæ diffundit tibi aut ampliari, non tollit; nec dimittit supplicium, sed differt. Non est ille humano aut tro ingenio. Si tibi aliqua centi melia fiat, seives tu statim, et es vindictæ properus: 1, ligior, liga manus, caput elnutito, infelici artore suspendito. Aliter Deo visum: Lento ille ad vindictam gradu, tardo et plumbeo pede procedit; sed audi, tarditatem (b) supplicij gravitate pensabit. Nec tamen ille tardus est, sed h Valer. Max. lib. 1. cap. 1. tu præproperus, et festinus nimis. Nec enim faller qui dixit, Opportuno (i) tempore talia lib. 1. cap. 1. cillabunt pedes eorum: Scilicet aliis hanc curam ille demandavit: et quid Areopagitarum i Deut 32. 35. statuam, adhuc expectat. Sin et illi conniveant, causam ipse suam ager et non prædictam dicant, prædicat ipse illis omnibus; Oculi (k) mei videbunt eos, & conculcabitur ut lustrum platearum. Quod si hæc ipsorum palato non sapiant, habent tamen ex suis k M. c. 7. 10. prophetam unum, qui ista moneat, Euripidem: Produerat in scenam Bellerophenem Diis

diis insultantem; *An esse credis quospiam in celo deos? Non sunt profecto; & multa similia* 1 his, aut deteriora. Cum tot in Deos convitia jactari audirent Athenienses, ex-
 1 Citantur ex candescunt valde; Poëtam sibilis excipiunt, ac tantum non explodunt. Prodiit ad eos fe-
 Euripidis Bel- lerophonte a- dandum Poëta ipse, exorat ut paulisper pacatis animis esse velint, donec fabulæ exitum, in-
 pud Juss. Mart. que eo Bellerophontis exitum viderent. Silent, expectant; & quem initio diis convitiar-
 1 de Monarch. tem ferre non poterant, vident, non sine plausu & lætitiâ in extremo actu diis hominibusque
 Dei pag. 211. inrisum, *diris m velut ætri percitum, per sylvas & solitudines, loca invia & avia pa-*
 m Hac Bel- lantem, ejaculantem, cor suum edentem, & digna tanto scelere supplicia luentem. Prima
 lerophonti e- scilicet adhuc vobis agitur scena. Uno alterove actu, lepores, joci, faciet; & ut Comœli-
 venisse docet am scias, risu & cachinnis diffuunt omnes. Silete paulisper, & extremum non inviti expe-
 Homerus ctare actum qui tum inchoandus, cum *Excunt*, cū nque non larvas solum & cothurnos,
 Iliad. 6. & sed & foccos ponunt. Atta illic, Tartarea, & Tragica omnia: horrore, ejularu, luctu &
 Arist. lib. probl. lamentis, nec iis certè fictis oplenda.
 sect. 30. q. 1.

Discite justitiam moniti, & non temere Numeri.

Depugnarum jam cum Theomachis, quos si non profigaros (qui fiat) certè victos esse, scio non negabis. Et finis quidem pugne esset, nisi manum mihi hic injiceret Hieronymus, vir mihi amicus valde, quemque ut Patrem colo. Sed in hac causâ amico, fratri, ipsi etiam Patri dicendum est, *Non cognosco te*. Quid ille & quàm malè de Potentiâ, Scientiâ & Providentiâ Dei senserit, indicabunt tibi ipsius verba, Comment. in cap. 1. *Habac.* *Sicut, inquit, in hominibus, etiam per singulos, Dei currit Providentia, sic in cæteris animalibus* generalē quidem dispositionem ac ordinem cursūque rerum intelligere possumus: verbi gratiâ; quomodo nascatur piscium multitudo, & vivat in aquis: quomodo reptilia & quadrupedia oriantur in terrâ, & quibus alantur cibus. Cæterum absurdum est, ad hoc Dei deducere majestatem, ut sciat per momenta singula quot nascentur culices; quotve moriantur; quæ cimicum & pulicum, & muscarum sit in terrâ multitudo; quanti pisces in aquis natent, & qui de minoribus majorum prædæ cedere debeant. Non sumus tam fatui adulatores Dei, ut dum potentiam ejus ad ima detrahimus, in nosiplos injuriosi simus; eandem rationabilium & irrationabilium providentiam esse dicentes. Sic Hieronymus; qui, ut opinor, didicerat hæc à *Plinio*: nam is lib. 2. cap. 7. *Deum pollui censet tam multiplici ministerio.*

Da veniam Hieronymus. Pugnant pro parentibus liberi, pro dominis servi, pro regibus satellites: multò utique sanctius est & justius, ut qui à Deo conditi sumus, pro Deo pugnemus; qui parentibus propinquior est, dominis præstantior, & regibus omnibus augustior, cum sit Rex regum, & Dominus dominantium. Fatuos verè dixisses & impios, ac tantum non Atheos, si vel levissimarum & vilissimarum rerum non generalem solum, (quam tu das) sed particularem in Deo scientiam, curam, ac providentiam denegemus. An tibi fatui videntur in quibus legis? *Quis n præparat corvis escam suam, quando pulli eorum clamant ad Deum? Qui o dat jumentis escam, & pullis corvorum invocantibus eum: Qui operit celum nubibus & parat terræ pluviam: & producit fœnum in montibus; qui dat nivem sicut lanam, pruina quasi cineres dispergit; qui mittit gelu tanquam frusta, & verbo liquefacit ea. Ignis, p & grando, nix, & glacies, faciunt verbum ejus. An & ille tibi fatuus qui dixit, Disposuisti q omnia in mensurâ, numero, & pondere? Si singulis quæ usquam sunt, suum numerum dedit, suum pondus & mensuram, singulorum & notitiam & curam eum habere, fatuus certè sit oportet qui inficiatur. An & illud tibi fatuum, Non r est Deus præter te, cui cura est de omnibus? & illud adhuc clarius, Parvum f & magnum ipse fecit, & equaliter illi cura est de omnibus? Audin', de omnibus, & equaliter illi cura est de omnibus? Par videlicet notitia & cura omnium, (nam singularem habet singulorum) sed non pari amore ac beneyolentiâ, nec æqualibus beneficiis omnia pro-*

n Job. 39. 3.
o Psal. 147.
8, 9. &c.
p Psal. 148. 8.
q Sapient. 11.
21.

r Sap. 12. 13.
f Sap. 6. 7.

prosequitur. Ut Pater-familias æquè vernis prospicit atque filiis, & curat ut cuique quod æquum est suppetat; nec tamen hærediis suis aut prædiis vernas dicat, sed filios: Sic Deus, licet non æquali amore omnia complectatur, neque ullis nisi filiis hæredia sua donet; æqualiter tamen omnibus, quod cuique aptum est prospicit, & singulorum curam habet. Singulis ille imperat, singula illi parent; dicit uni vade, & vadit: aleri Veni, & venit, & singulis fac hoc, & facit. An illa tibi exciderant de *Ceto*, de cucurbita, de vermiculo, de *Euro*? de quibus singulis clarè dicitur & disertè, *preparavit id Deus*. An & illa in Ægypto nota omnibus & decantata, de *grandine*, de *locustis*, de *ranis*, de *colluvie muscarum*, de *pediculis*? *Pediculos* dixi, vilissima animalia, in quibus tamen sic emicuit potentia & providentia Dei, ut ipsi Magi & incantatores Ethnici se hic victos faterentur, & exclamarent, *u Dignus L ei est hic*. Age, ut ista te fugisse putemus, quis tamen Hieronymo ignoscat, si hæc ei vel incognita fuerint vel exciderint? *Etiā r capilli omnes vestri numerati sunt; neque vel capillus unus, vel passerulus decidit in terram, absque ejus nutu ac voluntate*. Aspice y & volatilia cæli, quæ ille alit; aspice lilia & gramina terræ, quæ ille circum efficit. De quibus audi elegantes Prudentii & versus, dignos sanè qui non scriptis, sed animis omnium inscul'pantur:

*Nonne vides, ut nulla avium cras cogitet unquam?
Et se pascendam domino non anxia credat?
Confidunt volucres victum non defore viles,
Passeribusque subest modico venalibus asse
Indubitata fides, dominum curare potentem
Ne pereant: In cura Dei facies quoque Christi
An dubites, ne te tuus unquam deserat author?
Ne trepitate animi, vita dator est dator escæ.*

u *Exod. 8. 19.*
x *Matth. 10.*
29, 30.
y *Matth. 6. 26.*
z *Prud in Psyc-
chom. de avar. 3
largu.*

Quantò rectius Hieronymo Augustinus, lib. 5. de Civit. Dei. cap. 11. "Deus inquit non solum cælum & terram, nec solum Angelum & hominem, sed nec exigui & contemptibiles animantis viscera, nec avis penulam, nec herbæ flosculum, nec arboris folium, sine suarum partium convenientiâ, & quadam veluti pace dereliquit. Et lib. 5. de Gen. ad lit. cap. 21. non modò totam hanc inferioris mundi partem, verum etiam *vilissimas ejus & abjectissimas particulas divinâ providentiâ regi confirmat*. Pudeat verò Hieronymum, virum tantum, non tam recte de Providentiâ Dei sapuisse, ac Josephum hominem minime Christianum. Is a postquam commemorasset templum Hierosolomiticum ab Herode extructum, tantâ etiam magnificentiâ ab ipsis fundamentis ædificatum, ut structura e lapidibus firmissimis *longitudine viginti quinque, altitudine octo, latitudine duodecim cubitorum* constaret; narrat celebri famâ omnibus innotuisse, *toto illo quo templum struebatur tempore (decennium id fere fuit) nunquam interdum, ne interrumpetur ædificatio, pluisse*; & hoc, inquit, si quis divinam Providentiam respiciat, non ali- simile vero est. Sed quid ego Augustinum aut Josephum hic oppono? Ipse Galenus, homo Ethnicus plane, & Mosaicæ simul ac Christianæ doctrinæ contemptor, Hieronymo hic aurem vellit, ipsumque de Dei providentiâ rectius instruit. Nam non solo homine, sed & in *vilissimis ac minutissimis animalculis*, Dei sapientiam, artem, & officium admirandum prædicat. lib. 17. de usu part. *Quantò minus aliquod animal fuerit, tanto majorem (inquit ille, & vere) extabit tibi admirationem*; quin & in pulice (cujus meminit Hier.) in ipso inquam pulice, imò in *structurâ cruris pulicis opificium l ei & sapientiam mirificè extollit*. Ac ut alios omitam, extant Theodoretî Sermones decem de Providentiâ: legite eos & volvite diligenter; sunt enim ad hanc rem apertissimi lectuq; dignissimi. Circumducit ille te per omnes mundi plagas, partèsq; cælum, ad eam partem, terram, per omnes plantarum, volucrum, piscium, reptilium, hominisque particulas & in singulis tam

z *Lib 15. Hieron
tiq. cap. 14.*

multa tam conspicua *Providentia* documenta recen'tet, ut eam tibi digito demonstret, & veluti manu palpandum proponat. Vtne ut verbo dicam? Sic omnino e'es habent: Ut Phidias nobilis ille statuarius, cum Athenis simulacrum Minervæ dicavit, in medio clipeo (teste Aristotele b) *suam ipsius faciem effinxit*, eandemq; tam miro & abstruso artificio *statuae inclusit, ut si quis illius faciem eradere aut tollere voluisset, universam simul statuam ejusq; habitum necessario labefacturus esset*: Ita Conditor & Opifex hujus mundi Deus, & toti fabricæ, & singulis illius partibus, tam miro abstrusoque artificio suam potentiam, sapientiam, bonitatem, ac Providentiam, velut ipsius faciem insculpsit; ut ex nullâ omaino mundi parte eradi possit vel tolli hæc mirabilis Dei facies, quin simul partem illam, quæcunque sit, non labefactas solùm, sed planè destruas & veras in nihilum.

Quod verò omnia *Dei Providentia* gubernari toties incu cavi, istud *Omnia* tam latè hic patere volo, ut ne voluntates quidem ipse & liberrima hominum arbitria eximi hinc, aut ab hac universitate excipi debeant. Ineptæ planè, & (ut verissimè ait c Augustinus) *detestabilis est illa Ciceronis in libris de divinatione disputatio. Sensit ille* "non posse cum voluntatis libertate consistere simul Dei præscientiam ac providentiam. Et quia alterum horum necessario negandum putavit, aut homines non liberè agere, aut Deum ea quæ sic aguntur non præscire: præscientiam ille & providentiam Deo tollere maluit, quàm aliquid de humanæ voluntatis libertate delibare. Sic dum homines liberos fecit, fecit sacrilegos, ut verè & præclare docet August. Certum etenim est, consistere illa duo d si mul, & optimè coherere: quia etsi dum præscientiam spectas, necessarium est ut fiant quæcunque liberè aut contingenter sunt; tamen si humanum arbitrium & secundas causas spectes, eadem ipsa liberrime sunt & contingenter. Nam licet Deus, qui falli non potest, præscit illa futura aut efficienda esse; præscit tamen sic futura, ut liberè & libero hominum arbitrio: ideòque hoc respectu, contingenter efficienda sint. Præscivit lapsurum Protoplasten, sed suo libero arbitrio lapsurum præscivit: & sic quidem ille lapsus, nihil omnino hic impediens Dei præscientiâ. Præscivit & prædixit Assyriorum Tyrannum fore flagellum suo populo, eumque in miserissimam servitutem abducturum: sed tyrannum istum hæc perpetraturum non liberè solùm, sed & pessimè suâ voluntate præscivit cujus postea poenas luicturus esset. Postulat à te tuus famulus ut patrem suum, aut fratrem Londini visat: Annis, & eum nunc iturum præscis. Jam quia tu præscis, an tu liberè illum & libenter iturum negabis? Scio non dices. Quod si non tua, certe neque Dei præscientia libertatem humani arbitrii vél tollit, vel imipuit. Quod si non præscientia, sine dubio neque Providentia; per quam solùm sit, ut quæ præsciuntur à Deo, eodem quo præsciuntur modo eveniant.

¶ Nullo modo cogimur aut tentata præscientia tollere voluntatis arbitrium; aut tentato voluntatis arbitrio Deum negare præscire futurorum, sed utrumque amplectimur, utrumq; fideliter & veraciter confitemur.

Aug. l. cit. cap. 10. ubi hoc fuse tractat.

e Deus non potest facere ut quis invitus aliquid velit; quia tum faceret ut simul & nollet illud. Fr. Mayr. Annot. in lib. Aug. Sentent. 21. Sentent. 14.

Addo amplius, Non præscit solum Deus voluntates hominum, sed easdem suâ Providentiâ sic regit, ut flectat quocunque vult: flectere dixi, non invitas trahere. Non enim *vim ullam voluntati infert Deus*; e *Nam ubi vis, ibi coactio*, quæ voluntati plane adversa. Sed cum ad bonum flectit, retinet ipse & intellectum, ne avertatur; & voluntatem, ne illa intellectum averti velit, néve imperet, ut avertat se mens ab eo quod sana & salutaris ratio faciendum dicitur: & quia *voluntas in agenda semper sequitur ultimum judicium*. & *dictamen rationis* deo liberæ tum homo vult & agit bonum, quia ratio sana à quâ mentem non finit averti (Deus) suo ultimo judicio faciendum esse illud bonum dictavit ac judicavit. Cum verò malum sit, permittit tum Deus & intellectum avertere se & voluntatem pro suo imperio (nam facultatum omnium in animâ *Dominæ* hæc est & *Imperatrix*) jubere intellectum avertere se à sanâ ratione, siqua illi suggeratur: aut permittit intellectum quod suo pte ingenio facit attendere solum ad id quod ratio libidine occæcata dicitur esse faciendum: & tum voluntas, quæ hic (ut semper) sequitur ultimum rationis judicium, liberè prosequitur liberè vult, liberè agit illud malum, quia ratio corrupta & depravata, suo ultimo judicio malum illud faciendum esse dictavit & judicavit.

Sed quomodocunque flectit, sine dubio flectit Deus & dirigit suâ providentia non solum gressus,

gressus hominum, sed & sermones, & sensus, & memorias, & cogitationes, & ipsas voluntates Nam *cor Regis* (quanto magis aliorum?) *in manu Dei, ut rivos aquarum ducit Ilud*, Prov. 21. 1.

— Poniuntque ferocia Pœni
Corda volente Deo. —

Ait Poëta: *Æneid.* 1. & quàm sepe illud usu venire solēs, quod habetur *Job.* 12. 17. *Can-*
salarios adducit in dementiam, & prudentes stultos facit. Verè & eleganter Velleius
Pater (f) lib. 2. *Cujus fortunam mutare vult, consilia corrumpit.* Ex mille, unum alte- f Pag. 58.
rumve exemplum suggeram: Quàm clarum hoc in Absalomo? Concilium (g) ei dant g 2. Sam. 17.
Achitophel & Hushai: Achitophelis prudens valde consilium, (ad id quod volebat Absa-
lom) ad perderdum nempe Davidem, quòdque mortem præsentaneam Davidi attulisset,
respuit Absalom & averiatur. Consilium verò Hushai, tam futile, ut virò cordato ludibrio
esset, amplectitur ille et sectatur. Qui istud? Debebant scilicet Deo Absalomus simul et
Achitophel funestum exitium; ideo Absalom (h) mentem dementat Deus, & virum h Ibid. v. 14.
consultum fatuum reddidit: mutare illi fortunam voluit Deus, consilia corrumpit. Exem- i Loc. cit. &
plum aliud det ipse Paternus Julius Cæsare. n (i) Præfagia multa et indicia imminentis eandem habens
exitii ei præcognita: *Haruspices illum ipsum fatalem diem ei prænunciant*, utque ab I- tur apud Suc-
dibus Martiis caveret, admonent sepe & serio. Uxor Calpurnia nocturno visu territa, o- ton. in Cæsar.
rabat ut illà die domi subsistere vellet: Ad sacrificia, itum, nec centum victimis perlitare cap. 31. & Luc.
poterat: quòdque adhuc magis mirere, eo ipso die, dumque ad Senatum iret, libelli conjura- Elor. l. 4 cap. 2.
tionem & conjuratorum nomina indicantes, in manus ipsi traditi. Frustra hæc omnia.
Innefastibilis illa vis nullis monitis, nullis precibus, nullo nuncio ait indicio præcaveri po-
terat, aut vitari: fortunam illi, tunc mutare voluit Deus, consilia corrumpit.

Sicut in exitium, ita et frequentius in salutem et beneficium, flectit Deus consilia ho-
minum ac corda. Refert Possidonius in vita Augustini, cap. 12. armatos circumce-
liones (hæreticos illos vel sicarios dixeris) vias sepe obledisse, ut Augustinum occiderent. Iu-
rus ille erat certo die ad visitandas & instruendas plebes cujusdam oppidi. Ducem viæ,
ne fortè erreret, ad eum mittunt. Et dies ille & locum circumcellionibus cognita. Viam i-
gitur quâ proficiscendum illi erat, arma obstruunt; nec jam dubitant extremum hunc
Augustino futurum diem. Eveniat ecce Dei Providentiâ, sed duelloris hominis errore, ut à
veia ac regiâ viâ quâ eundem erat errarent, & per deviam ad locum quem volebant perve-
nirant. Cum illuc ventum, intellexerunt per hunc errorem, et Augustinum, et alios ejus co-
mites, manus impias et sanguinarias eo die evasisse. Agnoscunt omnes miram Dei Providen-
tiam, cui ut liberatori gratias & meritò tunc egerunt. Habes aliud et profectò valde illustre
exemplum apud Possid. cap. 15. Concionanti aliquando Augustino, exciderant illi ani-
mo quæ effari proposuerat et voluerat, inque aliam diversam longè contra Manichæos
materiam e. cursum fecit, & à re institutâ admodum digressus est. Possidonio (qui hæc
scripsit) aliisque illo die ad mensam recumbentibus, significat hoc ipse Augustinus; eosque
an hoc illi animadvertissent ininterrogat. Ille se et animadvertisse, et valde miratos esse re-
spondent. Tum Augustinus, Credo, inquit, quid aliquem errantem in populo dominus per
nostram oblivionem & errorem curari voluit: Ecce, biduo post venit negotiator quidam
Firmus nomine, adit Augustinum, et coram omnibus ad pedes illius provolutus, lachrymâs-
que fundens, confitetur se quamplurimis annis Manichæorum hæresin sectatum, esse mul-
tâmq; illis erogasse pecuniam; Prædie vero per Dei misericordiam, Augustini sermone
correctam esse, & jam factum Catholicum. Hæc cum Augustinus, aliisque qui tum aderant,
audirent; cumque quid ipsi eo die concionanti accidisset, recognoscerent, Profundum con-
silium Dei admirantes ac stupentes, glorificaverunt ejus nomen, qui cum voluerit, & unde
voluerit, & quomodo voluerit, & per se scientes, animarum operatur salutem.

Et

Et mihi semel hæc scribenti, ac seriò perpendenti, venit hic iterum in mentem sive error
 i le m. es, (cujus ante meministi) sive obivis: sive quomodoque vocare libet incuria: qui
 ex era quidem Dei Attributa tractant, hoc unum de Providentiâ ne attigerim quidem. Pro-
 fecto si tunc & suo loco de hoc egissem paucis aliquot verbis aut sententiolis (quod in reli-
 quis factum) rem totam absolvissem. Nolebat verò ut opinor Deus, me hoc tam magni mo-
 menti Attributum, tam levi pede transire aut (ut Hieron. ridens, Johannem Hierosolait.) *una*
salicâ tam multa & magna tractare. Noluit me cum hoc tracta. em illis, quibus tunc
 (ut vides angustiis premebar arctari. Sæpe animo meo dum hæc scriberem, suggestum est
 Nebridianum illud apud August. Epist. 13. *Qui valde oderat, & stomachari solebat,*
si quis de quæstione magna responsionem brevem postulasset. Et i lud ipsius Augustini,
Quod vult Deus ita alloquentis (k) Miror te virum doctum, tot tantarumque rerum &
sine veritate, & p. scere brevitate. Reservatus igitur, nec certe sine Dei Providentiâ
 hic noster de Providentiâ tractatus in hunc locum, eam ex assè hic tractare possem, ubi &
 liberè expatiandi locus erat, & ad explicandum copias omnes contra tam multiplices hostes,
 campus patens satis & spaciosus. Credo etiam (nec vana fides) *Firmam* aliquem hæc lectu-
 rum: infirmum saltem aliquem, qui de oblivione ista meâ aut incuriâ gratias illi acturus
 sit, in cujus manu sumus nos, & ermine, & memoriæ, etiam & oblivione nostræ.

1 Aug. pref.
 in lib. de hær.

1 Lib. 1. Re-
 tract. cap. 1.

in Diog. Laert.
 in Vita Plat.

n Lib. 3. divin.
 Inst. cap. 29.
 o Lib. 5. prof. 1.
 p Lib. 2. phys.
 cap. 3.

q Lac. citat.

Unicus nunc restat scrupulus, qui necessariò eximendus. Nam cum omnia divinâ Pro-
 videntiâ gubernari jam à nobis demonstratum sit, An nullus igitur (inquires) erit omnino
Fortuna locus? An *Casum* nos & *Fortunam*, e: cholis, è rebus exque ipso orbe pulsum imus?
 Adverte seriò quid hic respondeam. Fortuita multa esse & scimus & profitemur. Unde illa
 verba nata sunt, quæ (ut ait (l) August.) *nulla religio usurpari prohibet, Fortè, Forsitan,*
Fortassis, fortuito, & quæ his similia. Nam & Apostolus ait 1. Cor. 16. 6. *τὸν ὀφει-
 λόμενον, forsitan apud vos maneat.* Est autem Adverbium hoc *τὸν ὀφειλόμενον*, tale conjugatum à
ὀφείλω, quale est *fortè* aut *fortassis* à *fortunâ*: & 1 Cor. 15. 37. *ei τὸν ὀφειλόμενον*, prout *fortè*
 acciderit: & Dominus ipse Luc. 10. 31. *Casu* inquit, *quidem descendit*: vox Græca est
καὶ ὀφειλόμενον, à verbo *κίβη*, quod *cadere, accidere*, aut *fortuito evenire* significat, ut
 etiam Hebræa vox *Karah*, a qua Græca fluxit. Atque hinc (ni malè ominor Epicuro su-
 um nomen; quasi *Casualtem* dicas, quia princeps ille fuit eorum, qui *Casui* litant ac *For-
 tuna*. Nec infrequens id est, ut nomina vel mutantur, vel ex eventu aliquo addantur: quod
 clarè tibi indicat ipsum *Platonis* nomen, qui cum ante *Aristocles* (m) vocaretur, postea
 propter egregium corporis habitum dictus est *Plato*, quo solo nomine nunc omnibus inro-
 tascit. Itidem & Porphyrius nomen suum accepit à *purpureâ ac regiâ quâ ille* (quoniam
 ex nobili esset prosapia, *usus est veste*, cum ante *Basilus* (ut ait Iulidas) vocaretur. Hoc
 idem Epicuro accidisse planè sentio. Sed hoc obiter. Ex iis quæ dixi multisque similibus,
fortuitos eventus esse clarissimè liquet & certissimè. Sed multum profecto refert, quid
 tibi sonet hoc quod *Casum* vocas ac *Fortunam*, & quàm sano sensu istas voces accipias. Dic &
 define cum Lactantio (n. & Boëtio (o) *Fortunam esse subitum & inopinatum rerum even-
 tum*: vel dic & define cum p) Aristotele *Casum ac Fortunam esse causam per accidens*, id est,
 quæ præter noticiam, spem, & intentionem agentis prædicat, idq; raro talem effectum: (qua-
 lis causa est effusio inveni thesauri) sed dic simul *Casum & Fortunam esse eventum aut
 causam tale, quæ subest & ancillantur providentiæ divinæ*, quæque ab eâ gubernatur, ac
 sapi. ntissime disp. nitur. Sic, inquam, nec secus define mihi *Casum ac Fortunam*, & libens
 tibi assertor, ac manum do. Sed si *Fortunam deam* esse vis, aut non deam quidem, sed
 tamen *datores rerum*, sive adversæ illæ sint, sive secundæ; aut si vis eam vel *eventum esse
 temerario motu* (ut loquitur (q) Boëtius,) *nullâq; causarum à Deo pendentium connexionem
 producentem*, vel *causam esse occultam*, sed talem quâ sin: nutu, consilio, ac *Providentiâ Dei*
 res ulla eveniat: Si quidquam horum *Fortunam* dicas, quia jam sub specioso hoc & plausi-
 bili fortunæ nomine Providentiâ Deo suffragari vis & clere; ego hic fortunam non pel-
 lendam solum è Scholis, exq; rebus pub. sed diris omnibus ad inferos amandandam censeo.

Quin

Quin & illud præterea monuerim, præstare multò ut parcius (apud vulgus præsertim) hoc *Fortuna* nomen, vel in sano sensu, usurpetur. Neque meum hoc est, sed (r) Augustini r *Lib. 1. Re-*
monitum. Is jam senex & sua scripta censens, "Non mihi placet *inquit* toties me appet- *trad. cap. 1.*
lasse Fortunam, quamvis non aliquam deam voluerim hoc nomine intelligi, sed fortuitum
" rerum eventum. Imò (quod tu diligenter observes velim) quamvis addiderit & expres-
serit (ut ipso ait) istos ipsos fortuitos eventus à Deo illiusque Providentiâ dirigi, tamen
"mâ consuetudine, ut ubi dici deberet, Hoc Deus noluit, dicant illi, Hoc noluit Fortuna.
 Ira Augustinus. Cujus tu exemplo cave sedulo, ne pessimam istam loquendi consuetudinem,
 nomen hoc *fortuna* sæpius usurpando, vel in te ipso, vel in aliis nutrias aut corrobore.

Est etiam & alia hujus moniti ratio. *Fortuna* nomen audisti ex Lactantio à *dæmone in-*
ventum esse, ut mentes hominum in variis hujus vitæ eventis averteret à cogitatione divinæ
Providentiæ, & ad Fortunam converteretur. Nec sanè fescit eum hic spes sua. Quot enim
ubique sunt, qui si quid gratum eis ac lærum acciderit, non statim suam bonam fortunam in-
clamarant, prædicant, & plenis buccis dilaudant? Verentur, opinor, politi isti homines, ne
si ncti nimis aut serveri viderentur, si laudes istas Deo (cui soli debentur) tribuerent. Sed
in adversis catibus clariùs sese indicant. Cecidit ecce tibi in talorum ludo, Canis jactus:
Tu Venerem mal'es, aut, si in rem attentior, Midam. Jam quia jactuum omnium damnosissi-
mus Canis cecidit, heu quàm malè audit, quàm mi erè tibi vapulet Fortuna? " Quem-
" quàmne hominum tam infelicem, tam malo genio actum ut ego? Nemo, nemo omni-
" um, hercle nemo: Vah Fortuna cæca, insulsa, improba, amens, aversa & adversa For-
tuna: Si impunè esset, & nisi contubernales tuos extimesceres magis quàm cæcam istam
deam, evomeres scio hæc omnia in ipsum Deum illiusque Providentiâ, quâ jactus tuos om-
nes dirigi non es nescius. Quia hoc sine nigrâ notâ non licet, debaccharis in cæcam de-
am; per cujus latera, si verum fateri vis, Deum ipsum laceras, lancinas; & quoad tibi fas,
transfodis. Sic nimirum est vita hominum, quasi ludas tefferis. Si quid in eâ a iter quàm vo-
lueras ceciderit, idem tu illic str. nuè præstans, quod in hoc uno talorum jactu. Tempera re
igitur, me suatore; & discè maturè, velut hamo ac habenis, frænare linguam ab hoc malæ
Fortunæ malo nomine. Quoties verò de fortuna tibi verba facienda sunt, memineris id
quod in fatis nomine monet (s) Augustinus, idem hic multòque magis tibi faciendum,
Sententiam tene, linguam corrige. Magnum est virtuti ac pietati teneris assuescere ab
annis.

(Lib. 5. de
Civit. Dei. c. 11.)

Sed nolo te nunc tenere diutius. Satis enim mihi videor divinâ Providentiâ, ve'ut Mi-
 nervæ clypeo, contra omnes fortunæ imperus te munivisse. Indue te igitur his verè Vulca-
 niis armis, & amplectere ambabus ulnis verissimam hanc, fundatissimam, & suavissimam
 de Providentiâ doctrinam. Mihi crede, non exiguum in omni vitâ fructum hinc percipies.
 Secundis rebus frueris? fruaris diu opto: Sed tu in cælum tolle mentem oculòsque &
 persolve illi dignas laudes, de quo verissimè ait (r) Augustinus. "Non solum magna, sed
 & minima bona esse non possunt, nisi ab eo à quo sunt omnia bona: Adversis premeris?
 fer æquâ mente. Ille dedit, ille abstulit. Ille tibi peculum hoc miscuit: Ille jugum hoc,
 jugum (si tua merita appendas) leve & ligneum, imposuit. An non æquum est, te id ebibere
 quod ille propinat? & ferre jugum quod ille tibi imponit? An tu sapientiâ præ illo es? an
 & potentia? Quòd si adhuc recalcitrare vis, prædico jam tibi verus vates, atque ex vate:
 (u) Ecce tu fregisti brum meum, & catenam ligneam, verum ego jugum ferreum imponam
 collo tuo. Hoc neque excuties, neque franges, sed velis nolis feres. Subde te igitur Deo, ac-
 quiesce semper illius voluntati, & dic ei, (æ) Obmutescam, nec aperi am os meum, quia Tu fe-
 cisti: Sitque hoc fixum tibi, & ut lex Perfarum inviolabi iter constitutum; Id mihi placebit
 quicquid placuerit Deo. Malus miles est, qui Imperatorem suum gemens sequitur.

(Lib. 2. de lib.
arbitr. c. 17, 18.)

u Jer. 28. 13.

x Psal. 39. 9.

F I N I S.